

**Ш.Т. ХЎЖАЕВ, Э.А.ХОЛМУРОДОВ**

**ЭНТОМОЛОГИЯ, ҚИШЛОҚ ХЎЖАЛИК  
ЭКИНЛАРИНИ ҲИМОЯ ҚИЛИШ ВА  
АГРОТОКСИКОЛОГИЯ АСОСЛАРИ**

Ўзбекистон Республикаси Олий ва ўрта маҳсус таълим вазирлигининг Илмий-услубий бирлашмалар фаолиятини мувофиқлаштирувчи Кенгаш Президиумининг қарорига асосан 600000-Қишлоқ ва сув хўжалиги билим соҳасининг 5620300-“Ўсимликлар ҳимояси ва карантини” бакалавр йўналиши талабаларига дарслик сифатида чоп этишига руҳсат этилган.

**(III-НАШР)**

**ТОШКЕНТ-2014**

Дарсликда ихтисослашган мутахассислар учун мазкур соҳага доир маълумотлар мажмуи берилган. Унинг «**Умумий энтомология асослари**» бўлимида ҳашаротларнинг тузилиши ва ҳаёт кечириши тўғрисида асосий тушунчалар берилган. «**Қишлоқ хўжалик энтомологияси**» қисмида эса ғўза, галла ва бошқа бир қатор экин зааркундаларининг таърифи ва уларга қарши курашнинг замонавий таҳлили келтирилган. Учинчи – «**Ўсимликларни зараркундалардан сақлаш тадбир ва усуllibari**» қисмида уйгунлашган ҳимоя қилиш тизимида ҳар бир усулининг тузилиши ва аҳамияти таърифлаб берилган. Тўртинчи қисмида («**Қишлоқ хўжалигида ишлатиладиган кимёвий ва микробиологик воситаларнинг таърифи**») амалий ишлатилаётган ҳамда Давлат кимё комиссияси чоп этган “Рўйхатга” киритилган инсектицид ва акарицидларнинг таърифи изохланган. Бешинчи қисмда эса («**Амалий агротоксикология коидалари**») ғўза зараркундаларига қарши курашда пестицидларни ишлатишнинг амалий ташкил этиши коидалари 5 та бобда ифодаланган.

Ушбу китобнинг III-нашрини тайёрлаш пайтида матнга биркатор ўзгаришлар киритилди. Жумладан, II қисмнинг 6-нчи бобига қовун майса пашшаси; пиёз пашшасининг янгича таърифи, ҳамда 9-нчи ва 10-нчи боблар қўшилди. Уйгунлашган ҳимоя қилиш таркибида биологик усулининг таърифи, биомаҳсулот ишлаб чиқариш, унинг сифатини аниқлаш (III-қисм, 5-нчи боб) – кенгайтирилиб, яхлитланди; кўплаб суратлар қўшилди. Китобдаги суратларнинг кўп қисми муаллиф томонидан шахсан олинган. Бошқа тадқиқотчиларнинг айрим бирламчи манбаларидан далил келтириб ишлатилганлиги учун, бу маулиффларга миннатдорчилик изҳор этаман.

Ушбу дарслик олий ва ўрта маҳсус билим юрти талабалари, илмий ходимлар, ўқитувчилар, фермерлар ва бошқа қизиқувчиларга мўлжалланган.

*Такризчилар:*

**Б.А. ХАСАНОВ** – ТошДАУ Қишлоқ хўжалиги биотехнологияси кафедрасининг мудири, биология фанлари доктори, профессор.

**Ф.А. ФОППОРОВ** – Ўзбекистон ЎҲҚИТИ лаб. мудири, қишлоқ хўжалик фанлари доктори.

**Д.Н. НУРМУХАМЕДОВ** – ТошДАУ Ўсимликларни ҳимоя қилиш кафедраси доценти, биология фанлари номзоди.

Ушбу дарслик Ўзбекистон ўсимликларни ҳимоя қилиш илмий-тадқиқот институти илмий Кенгашининг йиғилишларида (2008 йил 7-сонли; ҳамда 2013 йил, 3-сонли баённомалари); Тошкент Давлат аграр университетининг қишлоқ хўжалиги биотехнологияси ва фитопатология кафедрасининг умумий йиғилишида (2008 йил, 8-сонли баённома); селекция, уругчилик ва ўсимликларни ҳимоя қилиш факультетининг ўқув-услубий кенгашида (2008 йил, 6-сонли баённома) ҳамда университет ўқув-услубий кенгашида (2008 йил, 4-сонли баённома) кўриб чиқилди ва чоп этишга тавсия этилди.

### УМУМИЙ ВА ҚИШЛОҚ ХҮЖАЛИК ЭНТОМОЛОГИЯСИННИГ ВАЗИФАЛАРИ

Энтомология – ҳашаротлар түгрисидаги фан (грекча «энтомон» – ҳашарот, «логос» – илм, фан). Ҳашаротлар систематика бўйича бўғимоёқли жониворлар (*Arthropoda*) типига, трахея орқали нафас олувчилар (*Tracheata*) кенжা типига ва ҳашаротлар (*Insecta*) синфида киради. Бу типга ҳашаротлардан ташқари ўргимчаксимонлар (*Arachnida* синфи, *Acari* – каналар туркуми) ҳамда кўп оёқлилар (*Myriapoda* синфи) ва қисқичбакалар (*Crustacea* синфи) ҳам киради.

Энтомология XVIII асрда жамият ва илм тараққиёти натижасида зоология фанидан мустақил бўлиб ажralиб чиқиб, кейинчалик ўз навбатида бир қатор кенжада амалий фанларга бўлинниб кетди. Булар жумласига умумий, қишлоқ хўжалиги, ўрмон, тиббиёт ва ветеринария энтомологияси киради. Асаларичилик ва ипакчилик энтомологиясинг амалий тармоғи ҳисобланади. **Умумий энтомология** мазкур фанларнинг илмий назарияси ва асоси ҳисобланади. У ўз навбатида морфология (ташқи ва ички тузилиши), физиология, биология, экология ҳамда ҳашаротлар систематикаси ва таснифига бўлинади. **Қишлоқ хўжалик энтомологиясининг** тараққиётига энг аввало энтомология фанини ривожлантирган, унга асос солган олимлар катта ҳисса қўшган. XVII асрда яшаган Италия олими М. Мальпиги (1628-1644) ўтказган тадқиқотлар ушбу соҳанинг бошланиш даври деб топилган. Сўнгра Голландиялик Я. Сваммердам (1637-1680), швед олими – К. Линней (1707-1778) француз олими – Ж.А. Фабр (1823-1915) қолдирган асарларни соҳа тараққиётида илк улкан муваффақиятлар қаторига киритиш мумкин. Россияда академик П.С. Паллас (1741-1811), Э.К. Брандт (1839-1891), Ф.П. Кеппен (1833-

1918), О.А. Ковалевский (1840-1901), И.И. Мечников (1845-1916), Н.А. Холодковский (1858-1921), Н.М. Кулагин (1860-1940) ва бошқалар ўтказган изланишлар ва уларнинг қолдирган асарлари энтомология фанининг ривожланишига катта ҳисса қўшди. Амалий энтомология фанлари эса XX асрнинг бошларида вужудга кела бошлади.

**Қишлоқ хўжалик энтомологияси** агрономик фан бўлиб, у қишлоқ хўжалик экинларига зарар етказадиган ҳашаротларни ўрганади, ўсимликнинг шикастланишига нисбатан бўлган муносабатини ва кураш усусларини ишлаб чиқади. Қишлоқ хўжалик энтомологиясининг асосий вазифаси – ўсимликларга ҳашаротлар томонидан етказиладиган зарарни камайтириш ёки олдини олиш. Маълумотларга кўра, йилига бутун дунёда ўстирилаётган ўсимликлар ҳосилининг 35% и нобуд бўлади, унинг 14% и зарарли ҳашаротлар улушига тўғри келади. Бундан ташқари 20% ҳосил ташиш ва омборларда сақлаш пайтида нобуд бўлади. Бизнинг мамлакатимизда ҳам қишлоқ хўжалик экинларига турли заараркунандалар зарар етказиши мумкин. Илдиз кесар тунламлар, чигирткалар, ширалар, ўргимчаккана, кўсак қурти, олма меваҳўри ва бошқалар шулар жумласидандир. Бундан ташқари, кейинги йиллар мобайнида бошқа турдаги заараркунандалар (олдин аҳамияти паст ёки умуман бўлмаган карантин объектлар) тез ривожланиб зарари ортиб бормоқда. Буларга колорадо қўнғизи, анор меваҳўри, ғовак ҳосил қилувчи пашшалар, узум канаси, шарқ меваҳўри, қовун пашшаси, тут парвонаси ва бошқаларни киритиш мумкин.

Республикамизнинг географик ўрни ва тупроқ-иқлим шароитлари дехқончиликнинг барча турларини ривожлантириш учун жуда қулай ҳисобланади. Республикализнинг серқуёш табиати айниқса сугориладиган дехқончиликни ривожлантириш учун кенг имкониятларга эга. Иккинчи томондан, бу иқлим шароитлари қишлоқ хўжалик экинларига зарар етказадиган ҳар хил ҳашаротларнинг кўпайишига ҳам қулайлик яратади. Ўрта Осиё шароитларида деярли барча зааркунандалар тез ривожланиб, йилига шимолий минтақаларга

нисбатан бир неча марта кўп бўғин беради. Бу эса ўсимликларни ҳимоя қилиш учун зааркундалар биологиясини, уни ўсимлик ва муҳит билан узвий боғланишини чуқур ўрганиб, энг самарали кураш чора ва воситаларни қўллашни тақазо этади.

Юқорида кўрсатилган муаммоларни амалий ҳал этиш қишлоқ хўжалик энтомологияси фанининг вазифасидир. Изланишлар шуни кўрсатдики, ўсимликларни ҳимоя қилиш учун сарф этилган ҳар бир сўм хисобига турли экинларда 4 сўмдан 9 сўмгача соф фойда олиш мумкин (Ченкин, 1979). Ўсимликларни ҳимоя қилиш илмий текшириш институтининг маълумотларига кўра, ўсимлик зааркундалари, касалликлари ва бегона ўтларга карши кураш чоралари яхши уюштирилса, ҳар йили қўшимча равишда 300 минг тонна пахта ҳосили этиштириш мумкин. Бу эса қишлоқ хўжалик энтомологияси фанининг қишлоқ хўжалик фитопатологияси билан ҳамкорликда тадқиқотлар олиб боришини тақазо этади.

Қишлоқ хўжалик энтомологияси мамлакатимизда ҳам узоқ йиллардан буён ривожланиб келмоқда. Тошкент шаҳрида 1911 йилда В.И. Плотников (1887-1959) томонидан Туркистон энтомология станцияси ташкил қилинди, у Ўрта Осиё республикалари ва жанубий Қозоғистонда ўсимликлар зааркундаларини ўрганиш ва уларга карши ҳимоя тадбирларини ишлаб чиқишининг асосчиси бўлиб хизмат қилди. Кейинчалик бу станция асосида Ўрта Осиё ўсимликларни ҳимоя қилиш илмий тадқиқот институти (САНИИЗР) ташкил қилинди.

Қишлоқ хўжалик энтомологияси фанининг ютуқларига Ўрта Осиё олимлари ҳам салмоқли ҳисса қўшишди. Минтақада зарарли ва фойдали бўғимоёқли жониворларни ўрганиш ва ҳашаротлар экологияси фанини ривожлантириш бўйича – В.В. Яхонтов (1899-1970), Р.О. Олимжонов (1913-1985) ва А.Г. Давлетшина; ўсимликларни уйғунлаштирилган усулда ҳимоя қилиш бўйича – Ф.М. Успенский (1902-1984), М.Н. Нарзикулов (1914-1985), В.Н. Полевщикова, С.А. Журавская; ҳашаротлар башорати бўйича – К.И. Ларченко (1905-1999), С.Б. Запевалова; омбор зааркундаларига қарши ку-

рашиш бўйича – И.Г. Носков ва С.Н. Алимухамедов; биологик усулда курашиш бўйича – С.Н. Алимухамедов, Б.П. Адашкевич, (1937-1990), З.К. Одилов (1935-2000), Х.Р. Мирзалиева ва б.; кимёвий усулда курашиш бўйича – А.М. Пругалов, Ф.А. Степанов (1925-2005), Ш.Т. Хўжаевларнинг ишлари бунинг ёрқин мисолидир. Бундан ташқари заарли цикадаларни ўрганишда Г.К. Дубовский, чигирткаларни ўрганишда Е.Н. Иванов (1907-1984), ўсимлик гельмінтларини ўрганишда эса А.Т. Тўлагановнинг тадқиқотлари диққатга сазавордир. Илмий тадқиқотларни ишлаб чиқаришга жорий этиш бўйича эса Ўзбекистонда ўсимликларни ҳимоя қилиш тизими ташкил қилинган.

Ҳозирги даврда Ўзбекистонда Олий Мажлис томонидан ўсимликларни ҳимоя қилиш қонуни тасдиқланган бўлиб, унга асосан башорат ва карантин хизматининг самарали структураси вужудга келтирилган.

Республикамизда ўсимликларни ҳимоя қилиш структураси туман-вилоят-республика ташкилотларидан иборатdir. Яъни, қишлоқ ва сув хўжалиги вазирлиги қошида ташкил топган ўсимликларни ҳимоя қилиш ва агрокимё марказига ҳар бир вилоятнинг шундай ташкилотлари, уларга эса ўз навбатида ҳар бир туман ташкилотлари бириктирилган. Ушбу марказлар республикада ўсимликларни ҳимоя қилиш, зааркунанда ва касалликлар ривожланишини башорат қилиш, уларга қарши курашни ташкиллаштириш тадбирларини амалга оширишади. Ўсимликларни ҳимоя қилиш Марказ ва бошқармаларининг бошликлари бир вақтда ўсимликларни ҳимоя қилиш бўйича инспектор ёки асосий давлат инспектори хукуқига эгадирлар.

Ўсимликларни ҳимоя қилиш, башорат ва карантин хизмати ўз ишида мавжуд таянч маълумотлар билан бир қаторда Фан ва техниканинг янги ютуқларидан фойдаланади. Бунда Ўзбекистон ўсимликларни ҳимоя қилиш илмий тадқиқот институти (ЎХИ), Ўзбекистон фанлар академиясининг зоология ва паразитология институти, Тошкент Давлат аграр универси-

тети ва бошқа муассасаларда ўтказилаётган тадқиқотлар ва уларнинг натижалари кенг кўламда амалиётга тадбиқ этилади.

Таъкидлаш жоизки, Ўрта Осиё минтақаси учун юқори малакали олим агроном – энтомологларни етиштиришда Тошкент Давлат аграр университетининг тутган ўрни юқоридир. Бунга у ерда республикада ягона бўлган ўсимликларни уйғунлашган ҳимоя қилиш кафедрасининг мавжудлиги ҳам далил бўла олади.

Мазкур дарслик ушбу соҳада таҳсил олувчи мутахассисларнинг назарий билимларини оширишда муҳим ўрин тутади. Унда қишлоқ хўжалик энтомологияси ҳамда ўсимликларни ҳимоя қилишга доир энг замонавий маълумотлар келтирилган.

## УМУМИЙ ЭНТОМОЛОГИЯ АСОСЛАРИ


### 1-боб. ҚИШЛОҚ ХҮЖАЛИК ЗАРАРКУНАНДАЛАРИНИНГ ТАШҚИ ТУЗИЛИШИ

#### Ҳашаротлар

Ҳашаротлар бўғимоёқлиларга тааллукли синф (*Insecta*) намуналари бўлиб, қуйидаги ташқи белгилари бўйича фарқланади: танаси сегментланган бўлиб, 3 қисмдан иборат (бош, кўкрак ва қорин), шунингдек уч жуфт оёқлар ва икки жуфт канотларга эга (1-расм).

**Боши** – қалинлашган бўлиб, бош қутиси ёки бош капсуласидан иборат, унда мўйловлар ва оғиз аъзолари жойлашади. Бош қутиси бошининг ташқи скелетини ҳосил қилади, унда мураккаб ёки фасеткали кўзлар ва оддий кўзлар ёки кўзчалар бўлади. Ҳашаротлар бош капсуласининг катта-кичиклиги уларнинг ҳаётий хусусиятларига қараб ўзгариши мумкин. Улардан муайян ҳашарот тури популяциярини таърифлашда фойдаланиш мумкин. Бош ҳашаротларда танага нисбатан асосан икки турда жойлашади. Биринчисида, боши оғиз қисмлари билан бирга пастга қараб туради, иккинчисида, оғиз қисмлари билан бирга олдинга қараб туради. Бунда биринчи ҳолда – *гипогнатик*, иккинчи ҳолда – *прогнатик* бош деб аталади.

**Боши ўсимталари.** Мўйловлар (2-расм) бўғимларга бўлинган бир жуфт узун ҳосилалардан иборат. Мўйловлар хид билиш ва сезиш вазифасини бажаради. Улар йўғонлашган бўғимдан бошланади (уни дастак ёки скапус ҳам дейилади), ундан кейин таянч бўғим ёки педицилл келади, учинчи бўғимдан қолган қисми эса хипчин деб аталади. Мўйловлар жуда хилма-хил тузилган ва уларнинг кўпчилиги турни аниқлашда




1-расм. Ҳашарот ва каналарнинг ташқи тузилиши  
(Бей-Биенко маълумоти бўйича):

1 – чигиртка танасининг тузилиши; 2-3 – чигиртка бошининг умумий кўриниши (офиз аппарати кемиришга мослашган);  
4 – чигиртка ўсимликни кемирмоқда; 5 – қандала танасининг тузилиши; 6 – оғиз тузилиши «Хартумли» сўрувчи қандала бошининг умумий кўриниши; 7 – қандала ўсимлик ширасини сўриб олмоқда; 8 – кана танасининг тузилиши.

яхши белги бўлиб хизмат қиласди. Мўйловларнинг қуидаги турлари мавжуд: ипсимон, қилсимон, тасбехсимон, араси-


мон, тароқсимон, тўғноғичсимон, пластинкасимон, тирсаксимон, патсимон ва қилдор. Кўпинча мўйлов тузилишида жинсий диморфизм кўзга ташланади, бунда одатда эркак ҳашаротнинг мўйловлари урғочисиникига нисбатан бирмунча ривожланган бўлади (кузги тунлам ва бошқалар).



2-расм. Ҳашарот мўйловларининг турлари  
(Бондаренко ва б. маълумоти бўйича):

- 1 – қилсимон;
- 2 – ипсимон;
- 3 – тасбеҳсимон;
- 4 – арасимон;
- 5 – тароқсимон;
- 6 – тўғноғичсимон;
- 7 – бурама шаклли;
- 8 – пластинкасимон;
- 9 – тирсаксимон;
- 10 – патсимон;
- 11 – қилчали.

*Оғиз аппарати* юқоригилаб, уч жуфт оғиз қисмлари ва томоқ остилигидан ташкил топган. Ҳашаротларнинг турли усуlda озиқланишга мослашган оғиз аппаратлари бир қанча ўзгаришларни кечирган. Кемирувчи типдаги оғиз аппаратлари (3-расм) чигиртка, темирчаклар, капалакларнинг куртлари, қўнғизлар ва баъзи тўрқанотлиларнинг личинкаларига мансуб бўлиб, уларда оғиз аппаратларининг ҳамма қисмлари тўлиқ бўлади.



3-расм. Кемиришга мослашган оғиз органлари (қора суварак)  
(Богданов-Катков маълумоти бўйича):

I-юқориги лаб; II-тепа жағлар, III-пастки жағ; IV-пастки лаб; аб - асосий бўғим; уст-устунча; тчб-ташки чайнаш бўлаги; ичб-ички чайнаш бўлаги; жп-жағ пайпаслагичи; лп-лаб пайпаслагичи; ио - ияк ости; т - тилчаси; кт - қўшма тилча.


*Кемирувчи оғиз органлари* қаттиқ озиқа (ўсимлик, мева элементлари, ўсимлик қолдиқлари) ейишга, йиртқич ҳашаротларнинг оғиз аппаратлари эса ҳайвонотлар билан озиқланишга мослашган. Бу оғиз аппаратларининг уч жуфт ўсимтаси бўғимланган юқориги жуфт жағлар, бўғимланган остки жуфт жағлар ва бўғимланган тоқ остки лаблардан ташкил топган.

Ҳашаротларнинг *саншиб-сўрувчи оғиз аппарати* фақат суюқ озиқа билан озиқланишга мослашган. Бу типдаги оғиз аппаратига эга бўлган ҳашаротларнинг ўсимликларнинг тўқималарига, қон сўрувчилари эса ҳайвон терисига сўрувчи органини санчишади ва мос ҳолда ўсимлик шираси ёки ҳайвон қонини сўради. Ҳашаротларнинг саншиб-сўрувчи оғиз аппаратларида кемирувчи оғиз аппаратининг барча асосий қисмлари мавжуд. Улар узунасига чўзилган бўлиб, хартум ҳосил қиласи ва сўришга мослашади. Оғиз

қисмларининг баъзилари оддий равишда тузилган ёки аксинча, кучли ривожланган бўлади. Санчиб-сўрувчи оғиз аппаратининг юқори ва пастки жағлари қилча шаклида бўлиб, улар биргаликда зич қўшилади. Хартумлиларнинг оғиз аппаратида зич қўшилган остки жағлари орасида иккита канал ҳосил бўлади, уларнинг ҳар қайсисида иккитадан узунчоқ тарновча мавжуд.

Ҳашарот ана шу каналларнинг биридан ўсимлик тўқимаси ичига сўлак юборади, иккинчисидан эса шираларни сўриб олади. Ҳашарот озиқланганида пастки лабини ўсимлик тўқимасининг юзасига қўяди ва зич қўшилган қилчалари ҳамда пастки жағлари аста-секин тўқималар ичига санчилади.

Пастки лаби эса доимо тўқима сиртида қолади ва санчилишига ёрдамлашиб эгилади (4-расм). Ҳашаротлар оғиз аппаратларининг бундай хилма-хил бўлиши эволюция давомида организмнинг озиқланиш шароитига мослашиши натижасидир.



**4-расм. Капалакнинг (А) сўришга ва қандаланинг (Б) санчиб-сўришга мослашган оғиз аппарати**

(Кузнецев, Бей-Биенко ва Скориковалар маълумоти бўйича):


Х-хартумча; ЛП-лаб пайпаслагиchi; ТЛ-тепа лаб; ЮЖСҚ - юқориги жуфт санчиш қилчалари; УОЖ-уларнинг остки жуфти; ОЛ-остки лаб; М-мўйлов; К-кўз; КЛАР-кўзчалар; П-пешона; Ю-юзи.

**Кўкрак** ҳашаротларнинг боши ва қорин қисми орасида жойлашади. У учта сегментдан: кўкрак олди, кўкрак ўртаси ва кўкрак ортидан иборат. Кўкрак сегментлари бирмунча ҳаракатчан равишда бириккан, баъзида эса зич қўшилиб ўсади. Кутикула ҳалқаси тана сегментининг скелет асоси ҳисобланади, мазкур ҳалқаларнинг бир қанчаси кўкрак ва қорин қисмининг скелетини ҳосил қиласи. Тана сегментини ҳосил қилувчи бундай ҳалқанинг ҳар қайсиси тўртта алоҳида склеритдан: тепа склерити – тергит, қорин склерити – стернит ва ён склерити – плейритлардан тузилган. Кўкракнинг ҳар қайси-сида бир жуфтдан оёқ, қанотли ҳашаротларда эса ўргада ва кўкрак ортида бир жуфтдан қанотлари бўлади. Шу тариқа оёқлар ва қанотлар кўкрак ўсиқларини ташкил қиласи. Улардан ташқари, ҳашаротларнинг кўкрагида баъзан алоҳида ўсимталар ҳам бўлади: капалаклар елкасининг олдинги қисмида узун туклар тўплами, парда қанотлиларда эса қанот асосларини ёпадиган пластинкалар. Бундан ташқари, ҳашаротлар кўкрагининг кўпинча елка қисмида ҳар хил шаклдаги ортиқлар учрайди. Масалан, бундай ортиқни пластинкасимон мўйловли кўнғизларда кўриш мумкин. Бундай ўсиқ ва ортиқлар турли вазифани бажаради, аммо улар асосан кушандалардан ҳимояланиш учун хизмат қиласи.

**Оёқлари** тосча, кўст, сон, болдири ва панжалардан иборат (5-расм). Тосча қисқа ва кучли асосий бўғим ҳисобланиб, оёқ унинг ёрдамида кўкрак плейритига ҳаракатчан ҳолда бирикади, тосчанинг кўкрак билан боғланадиган жойида тосча чукурчаси мавжуд. Кўст кичкина бўғимча бўлиб, тосча билан ҳаракатчан, сон билан эса кам ҳаракатчан ҳолда бириккан. Тосча ва кўст оёқнинг ҳаракатчан бўлишини таъминлайди. Оёқнинг энг кучли ва энг йирик қисми сондир. Болдири узунлиги жиҳатидан сонига ўхшайди, аммо унга қараганды ингичкароқ, кўпинча тиканчалар билан, юқорироқ қисмида эса пиҳчалар билан таъминланган бўлади.

Панжаси оёқнинг охирги қисмини ташкил қиласи ва олдинги қисмларидан фарқ қилиб, кўпинча бўғимларга бўлин-

ган бўлади. Ҳаёт кечириш шароити ва мослашиш даражасига мувофиқ ҳолда ҳашарот оёқларининг ҳар хил турлари вужудга келган. Ҳашаротларда юриш-чопишга мослашган оёқлар энг кўп учрайди.




5-расм. Ҳашаротлар оёқларининг тузилиши ва турлари  
(Бей-Биенко, Богданов-Катков ва Имме маълумотлари бўйича):

- 1 – югурувчи оёқлар (жужеликалар); *m*-тосча; *k*-кўст; *c*-сон;
- b*-болдир; *n*-панжа; 2 – сакровочи оёқлар (чиғирткалар);
- 3 – ковловчилар (куйруқли қўнғиз); 4 – сузувчи оёқлар (сузувчилар); 5 – тутувчи оёқлар (бешик-терватар); 6-ийгувчи оёқлар (асаларилар).

Эволюция жараёни янги усулларда харакатланиш ва яшаш шароитига мослашиш учун қуйруқли бузоқбошида – қазиш, бешик-терватарларда – тутиш, товонтешарларда – сузиш каби хусусиятга эга бўлган оёқлар пайдо бўлишига олиб келди.

Ҳашаротларнинг **қанотлари** кўп холларда икки жуфт бўлиб, ҳавода учиш воситаси сифатида хизмат қилади. Қанотлар кўкракнинг ўрта ва кейинги қисмiga бирикади. Қанотлар аслида тананинг ён бурмасидан иборатdir ва шу боис келиб чиқиши жиҳатидан икки қаватлидир. Қанотлар ўртасида тирқиши бўлиб, унга тана бўшлиғидан қон киради.

Қанот юпқа пластинка шаклида бўлиб, ундан томирлар ўтади. Томирлар қанот пластинкасининг йўғонлашган найчалари хисобланади. У қанотниң таянч скелетини ташкил қилади. Томирлар ичидан гемолимфадан ташқари трахея ва нервлар хам ўтади. Тузилиш хусусиятларига кўра қанотларнинг бир неча тури мавжуд (6-расм).




6-расм. Қанот турлари (Вебер ва Гуссаковский маълумоти бўйича):

А – тўрқанотлар (олтинкўзнинг олдинги қаноти); Б – парда қанотлилар (арракашнинг олдинги қаноти, pt-птеростигма); В – қўнғиз қанот устлиги; Г – қандаланинг яримтериқанот устлиги,  
pt – птеростигма.

Узунасига кетган томирлар ўртасида кўплаб кўндаланг томирлар мавжудлиги тўрқанотлилар тукуми (*Neuroptera*) ва ниначиларга (*Odonatoptera*) хосдир. Узунасига ва кўндалангила қалин томирланган қанотлар пардақанотларга хосдир. Улар кўпгина ҳашаротлар туркумларининг вакиллари, яъни капалаклар (*Lepidoptera*), қўшқанотлилар (*Diptera*), пардақанотлилар (*Hymenoptera*) ва бошқаларга мансуб белгилардир. Кўнғизлар (*Coleoptera*), тўғри қанотлилар (*Orthoptera*), сувараклар (*Blattoptera*) туркумларининг вакилларида олдинги жуфт қанотлар қалин ёки ҳатто шоҳ моддали структурага эга

бўлиб, ёпиш вазифасини ўтайди, яъни тинч ҳолатда турганида орқа қанотларини ёпиб туради. Бундай турдаги қанотлар устки қанот ёки элитра деб аталади. Ярим қаттиқ қанотлилар ёки қандалалар (*Hemiptera*) туркуми вакилларида ҳам олдинги қанотлар қисман ёпиш вазифасини бажаради, лекин улар учишда ҳам катнашади. Қанотларнинг юқориги қисми нозик пардали, қолган қисми эса анча қалиндир. Шу боисдан улар ярим тери қанотлилар дейилади. Турни аниқлаш учун қанотларнинг томирланишига оид морфологик белгиларни ҳам билиш лозим. Ҳашаротлар қанотларида куйидаги узун томирлар кузатилади: костал (C), субкостал (Sc), радиал (R), медиал (M), кубитал (Cu), анал (An) томирлар (7-расм).



7-расм. Визилловчи пашша қанотининг томирланиши:

C – костал томир; Sc – субкостал томир; R – радиал томир ва унинг шохлари; M – медиал томир ва унинг шохлари; Cu – кубитал томир; An – анал томир.

Мазкур томирлар бошланғич ёки асосий бўлиши мумкин. Эволюция жараёнида томирланиш мураккабланиш ёки содданиш томон жиддий ўзгаришларга учраган, шу сабабдан муайян шаклда томирланиш ҳар қайси турнинг ўзига хос белгилари ҳисобланади. Ҳашаротларнинг қанотлари ғубор ёки тангачалар билан қопланган бўлиб, унинг ранги ҳар қайси турда ўзига хос бўлади. Шу боисдан туркум ёки оила ўртасидагина эмас, балки авлод ўртасида ҳам ҳар бир турни ушбу

белги асосида аниқлаб олиш мумкин. Ҳашаротлар қанотларининг ранги кўпинча улар яшайдиган муҳит рангига ўхшаш бўлади. Бундан ташқари, уларда ҳимояловчи ёки кўрқитувчи ранглар ҳам мавжуд бўлиб, улар йирик доғлар ёки йўл-йўл ялтироқ туслар кўринишида кўзга яққол ташланиб туради. Баъзи ҳашаротларда қанот бўлмайди. Улар филогенез жараёнида (аждодларида бўлган) қанотларини йўқотишган. Айрим турдаги ҳашаротларда қанотлар улғайганида пайдо бўлади (ўсимлик ширалари, чумолилар). Ушбу ҳашаротлар учун нокулай шароит вужудга келганда, қанотлар уларга майдон бўйлаб кўчиши учун зарур бўлади.

Ҳашаротлар бир неча усулда учишади. Элеватор каби ҳаракатланиш ва учмасдан қанотини визиллатиб туриш ҳашаротларда энг такомиллашган ҳаракат ҳисобланади. Бунга қанот қоқиш тезлигининг оширилиши туфайли эришилади. Баъзи ҳашаротларда қанот қоқиш тезлиги жуда юқори кўрсаткичларда бўлиши мумкин. Масалан, пашша қанотларини бир сонияда 300 марта, чивинлар эса 500-600 марта тебратишади, кундузги капалакларда эса бу кўрсаткич бирмунча паст бўлиб, ҳар сонияда 5-10 марта ташкил этади.

**Қоринчиқ** ҳашарот танасининг учинчи бўлими ҳисобланади. У бир-бирига ўхшаш сегментлардан ташкил топган. Қорин сегментлари кўкракнигига нисбатан анча содда бўлиб, юқори ярим халқа тергитдан ва остки ярим халқа стернитдан иборат. Бу халқалар тананинг ён томони бўйлаб юмшоқ плей-ралар воситасида бирикади. Қоринчиқ ўн битта сегментдан иборат, аммо эволюция жараёнида қорин сегментларининг сони айрим ҳашаротларда жуда қисқариб, атиги тўртбештадан иборат бўлиб қолган. Қоринчиқнинг VIII ва IX сегментларида ташқи жинсий ортиқлар ёки гениталиялар бўлади. Эркаклардаги копулятив аъзо, бир қатор ҳашаротларнинг урғочиларида туҳумдон шулар жумласидандир. Ҳашаротлардаги церка, грифелька, тўғри қанотлиларнинг туҳумдони, парда қанотлиларнинг ниши (найзаси) қоринчиқ оёқларининг шакли ўзгарган нишоналаридир.

## **Каналар**

Каналарнинг танаси (гарчи кескин фарқ қиласада) иккита асосий қисмга: олдинги қисми – гнатосома ҳамда энг йирик бўладиган орқа қисми – гисторосомага бўлинади (1-расм). Оғиз қисмлари деярли бутун гнатосомани эгаллайди ва икки жуфт ўсиқлардан: юқориги жағ ёки хелицералардан ҳамда пайпаслагичлар ёки педипальпалардан иборатдир. Улғайган ўсимликхўр каналарда хелицеранинг узунлиги 116,9-120,7 мкм (мкм – микрометр, бир миллиметрнинг мингдан бир бўлами), катта ёшдаги личинкаларда эса 102,6-105,4 мкм ни ташкил этади. Бардошли ўсимлик ҳужайраларининг қалинлиги ҳамда ғовак паренхима ҳужайраларининг 150 мкм дан ошадиган қаватини кана хелицераси заарлай олмайди (Сайдов, Толипов).

Каналарда гисторосома жуда хилма-хил: кўпинча овалсimon, юмалоқ ёки жуда чўзиқ бўлади. Танасининг барча қисмлари юзасида кўпинча турли қилчалар ёки тукчалар бўлади, уларнинг миқдори, жойлашиши, тузилиши ва узунлиги систематика учун аҳамиятлидир. Нафас олиши учун трахеали каналарда иккита нафас олиш тешиклари бўлиб, улар охирги жуфт оёқларининг асосида жойлашган. Анал тешиги танасининг охирги қисмida (ост томонида) бўлади. Жинсий тешик ҳам тана охирининг ост томонида, баъзан эса у анча олд томонга сурилган ва тананинг учки қисмida бўлади. Кўпчилик кана турларининг урғочиларида копулятив – жинсий тешик ва тухум қўйиш йўлидан иборат иккита канал бўлиб, баъзан бу тешиклар бир-биридан узокроқда жойлашади. Жинсий тешикларга ёндашган ҳар хил жинсий ортиклар каналар систематикаси учун катта аҳамият касб этади. Улғайган каналарнинг одатда тўрт жуфт оёғи бўлади. Фақат баъзи оилаларининг вакилларида гина икки жуфт оёқ бўлиши мумкин. Масалан, помидор занг канаси – *Aculops lycopersici* ёки узум канаси – *Eriophyes vitis*. да икки жуфт оёқ кузатилади. Бошқа ўргимчак-симонлардаги каби каналарда ҳам мўйловлар бўлмайди. Айрим каналарда кўз бўлмайди, бошқаларида эса бир ёки икки-уч жуфт кўз бўлади. Тузилиши

жиҳатидан каналарнинг кўзлари ҳашаротлардаги сингари оддий бўлиб, кўпинча елкасининг олдинги қисмида жойлашади.

## 2-боб. ЗАРАРКУНАДАЛАРНИНГ АНАТОМИЯ ВА ФИЗИОЛОГИЯСИ

### Ҳашаротлар

*Тери қопламлари.* Ҳашаротнинг танаси тери қоплами билан қопланган, у гиподерма – ҳужайралар қавати ва кутикуладан иборат. Кутикула эса ана шу ҳужайралар ажратадиган ҳосиладир. Кутикула қаттиқ, юмшоқ ва эластик ҳолда бўлиши мумкин. Териси организмни ташқи механик ва кимёвий таъсирлардан саклайди. Бундан ташқари, у мускуллар бирикадиган жой бўлиб хизмат қиласи.

Ҳашаротларнинг тери қопламлари ташқи (эпикутикула) ва ички (прокутикула) қаватдан иборат. Эпикутикула сув ўтказмайди ва сув билан хўлланмайди, яъни гигрофоблидир. Бу эса ҳашаротлар хаётида катта аҳамиятга эга. Хўлланмаганиги туфайли сув текканда тери қоплами тиришиб қолмайди, ҳавода танаси қуримайди. Эпикутикула таркибида мум ва липоидлар мавжудлигидан у гигрофобли бўлади. Ички қават – прокутикула анча қалин бўлиб, хитин ва оқсилдан ташкил топади. Бу моддалар қотиб, совутсимон қаттиқ, тўқ кутикула ҳосил қилиши мумкин. Кўнғизнинг тери қоплами худди шундай тузилган. Аммо кўпчилик ҳашаротларнинг личинка ёки куртларида прокутикула эгилувчан ва эластик ҳолатда бўлади. Ҳашаротларнинг ташқи муҳит билан бўладиган ўзаро муносабатларини тушунишда ҳам, уларга қарши кимёвий кураш олиб боришда ҳам, кутикуланинг ўтказувчанлигига оид масала жиддий аҳамият касб этади. Кутикула механик таъсирлардан ҳимояланиш вазифасини ўташи билан бирга, физиологик тўсиқ ҳамдир. У сувни организмдан буғланишига ҳамда заҳарлар унга ўтишига йўл қўймайди. Шу боисдан сиртдан таъсир қиласиган препаратларни ишлатишда қўшимча хўлловчи

дориларни аралаштириш йўли билан суюқ дорининг самара-дорлиги оширилади, алоҳида ҳолларда эса ёғларда (бу ҳолда липоидларда) эрийдиган препаратлар қўлланилади.

Ҳашаротларнинг тери қопламларида скульптура тусдаги турли хил ортиқлар (ўсиқча, бўртиқча ва бошқалар) ҳамда структурали (қилча, тукчалар) ҳосилалар бўлиши мумкин. Капалакнинг қанотларини ва қисман таналарини қоплайдиган тангачалар ҳам ўзгариши мумкин. Бу пластинкасимон ҳосилалар хилма-хил, баъзан черепицасимон ажойиб шаклларда бўлади. Ҳашаротларнинг терисида хилма-хил тери безлари бўлиши мумкин. Чунончи, ўсимлик ширалари, кокцидлар ва асалариларда мум безлари; қандалаларда қўланса ҳид; баъзи капалакларнинг куртларида заҳарли модда; айрим қўнғизларда ҳуркитувчи; айрим капалакларнинг куртларида ва булоқчиларнинг личинкаларида ипак ажратувчи безлар бўлади.

Ҳашаротлар танасининг ранги хилма-хил бўлиб, улар ҳар бир тур учун ўзига хосдир. Ҳашаротларнинг ранги пигментли, яъни ранг-баранг, ҳамда структурали – кутикуланинг ўзига хос тузилиши ва уларда тангачаларнинг жойланиши туфайли топографик ўзгаришлар вужудга келган бўлиши мумкин.

*Мушакларнинг тузилиши.* Ҳашарот танаси мураккаб равишда бўғимланган ва тана қисмлари турли даражада ҳаркатланиши туфайли мушаклари ҳам мураккабдир. Ҳашарот танасида қарийб 2 минг хил мушаклар бор. Тери қопламига бирикмаган мушаклар бунга кирмайди. Личинка ёки куртларнига нисбатан улғайган ҳашаротларнинг мушаклари анча хилма-хилдир.

*Ёғли тўқима* бириктирувчи тўқима бўлиб, трахеялар ва ички аъзоларнинг ораларини тўлдириб туради. Ёғли тўқима оқ, сарик, тўқсарик, ёки кўкиш бўлиши мумкин. Унинг ҳужайралари жуда серёғ бўлади (шунинг учун ҳам у шундай ном олган) ва гемоцидларга – ҳашарот қони ҳужайраларига жуда яқин туради. Индивидуал ҳаёти давомида ёғли тўқима ўз хажми жиҳатидан ҳам, гистологик (тўқима тузилиши) жиҳатидан ҳам жиддий ўзгаришларни кечиради. Кўпчилик ҳашаротларда ёғли ўсимта қишлийдиган даврга яқинлашиб борган

сари кучли ривожланади.

Ёғли тўқима турли физиологик аҳамиятга эга, аммо у асосан иккита вазифани бажаради: озиқа моддаларни тўплайди ва модда алмашинадиган маҳсулотларни ютади. Личинкалик даврида (баъзан улғайган даврида ҳам) ёғли тўқима хўжайралари озиқа моддаларга, яъни ёғ, оқсил, углеводларга – гликогенга бойийди. Бу заҳира моддалар етуклик шаклида, қисман ғумбак ҳамда личинкалик даврида ва айниқса қишлоғ даврида жуда кўп сарф қилинади. Иккинчи вазифаси – модда алмашинадиган маҳсулотларни ютиш – аслида кераксиз моддаларни чиқаришдан иборатдир. Бунда ёғ тўқимасининг хўжайралари сийдик кислоталарининг тузларини ва бошқа экскрементларни тўплайди ва шу билан мальпиги найчалининг ишига кўмаклашади (Бей-Биенко).

Ёғ тўқимаси ҳашаротнинг ҳаётида ниҳоятда катта аҳамият касб этади. Бу тўқима қанчалик ривожланган бўлса, ҳашарот шу қадар ҳаётчан бўлади. Бошқача қилиб айтганда, ёғ тўқимасининг ривожланиш даражаси ҳамда ёғ хўжайраларидағи заҳира моддалар миқдори ҳашаротнинг физиологик ҳолатини ва бутун ҳаёт доираси мобайнидаги ривожланиш имкониятларини белгилаб берадиган доимий кўрсаткичидир. Ҳашаротнинг тухум қўйиши ва ҳаётининг қанча давом этиши ҳам шунга боғлиқ. Ёғ тўқимаси қанчалик яхши ривожланган бўлса, ҳашарот ҳам шунчалик физиологик тўлиқ ҳаёт кечиради. Етилмай қолганда ёки ёғли тўқима хўжайралари бузилганда ҳашарот ҳалок бўлади. Ёғ тўқимаси яхши ривожланган ҳашарот заҳарли кимёвий моддаларнинг таъсирига жуда чидамли бўлади, қишлишни, нокулай шароитларни яхши кечиради ва серпушт бўлади (8-расм).


*Ҳашаротларнинг овқат ҳазм қилиши тизими* оғиз тешигидан бошланади. Ундан кейин ҳалқум ва қизилўнгач келади. У ҳашаротларнинг кўпчилик турларида кенгайган ёки бўртиб чиқкан бўлиб, уни бўқоқ дейилади. Ундан сўнг мусқулли ошқозон, кейин ҳақиқий ошқозон, ингичка, йўғон ва тўғри ичаклар давом этади. Тўғри ичак анал тешиги билан тамомланади (9-расм). Бурдаланган озиқа ҳалқумдан ўтиб бў-



8-расм. Фўза тунламиининг ёғли тўқимаси  
(К.И. Ларченко ва С.Б. Запеваловалар маълумоти бўйича):

А-бешинчи ёшдаги курт. Гиподерма ва ичак оралиғидаги яхши ривожланган саккиз қават ёғли тўқималар яққол кўриниб турибди; Б-олтинчи ёшдаги курт. Гиподерма ва ичак оралиғидаги 10-14 қаватгача кучли ривожланган ёғли тўқима.

қоқда тўпланади ва оз-оздан мушакли ошқозонга ўтади, унинг деворларида кучли ривожланган мушаклар, ички томонида эса қаттиқ тишлар бўлади. Бунда озиқа майдаланади ва ўрта ичакка ўтади, бундан ташқари озиқа суюқ қисмдан ажратилади. Ўрта ичак тўғри найча, халтасимон ёки узунчоқ эгри найча шаклида бўлади. Ўрта ичак турли хил вазифаларни ба жаради: ферментлар ажратади, овқат ҳазм бўлишида қатнашади, унда ҳазм бўладиган маҳсулотлар сўрилади ва ҳазм бўлмаган озиқа қолдиқлари орқа ичакка сурилади.



9-расм. **Хашарот танасининг ички тузилиши**  
(Брянцев маълумоти бўйича):

1 – ҳашарот танасининг ички тузилиши; 2 – ургочи капалак жинсий аъзоларининг ички тузилиши; 3 – ҳашарот мушакли мөдасининг кесмаси; 4 – трахеялар.

Кейинги ичак хитин интимали бўлиб, ингичка, йўғон ва тўғри ичакларга бўлинади. Ичакнинг Мальпиги найчалари очиладиган жойидан бошланадиган бўлимида ҳазм бўлган озиқадаги сув сўрилиб, экскремент (тезак) ҳосил бўла бошлиди ва у орқа (анал) тешик орқали чиқариб юборилади.

Мальпиги найчалари (Италия олими Мальпиги номига қўйилган) ҳашаротларнинг энг асосий чиқарув аъзоси ҳисобланади. Бу найчалар ширалардан ташқари ҳашаротларнинг деярли ҳамма турларида бўлади. Мальпиги найчалари учки қисми ёпиқ ва гемолимфада эркин сузиб турувчи ипсимон найчалардан иборат. Мальпиги найчаларининг ички девори бир қават эпителий хужайраларидан иборат бўлиб, ташки томондан баъзан парда билан қопланган, у гемолимфадан чиқинди маҳсулотларни сўриб олиш учун хизмат қиласади.

Мальпиги найчаларининг миқдори ҳашаротларда турлича бўлиб, 2 тадан 200 тагача боради. Гемолимфадан мальпиги найчаларига ўтган моддалар ичак ичига ажралади ва экскрементлар билан бирга анал тешиги орқали чиқариб юборилади. Мальпиги найчалари умуртқали ҳайвонларнинг буйраклари сингари экскреторли функцияни ўтайди. Бироқ, баъзи ҳолларда мальпиги найчалари қўшимча, яъни ички яширин безлар вазифасини ҳам бажариб, организм учун зарур моддалар чиқаради. Ҳакиқий тўрқанотлиларнинг (олтинкўзлар ва бошқалар) ва айрим қўнғизларнинг (фитономус ва бошқалар) личинкалари ғумбакланиши олдидан пилла ўрашга кетадиган моддаларни мальпиги найчалари ёрдамида ишлаб чиқарадилар.

Ҳашарот озиқланганда ҳар хил органик моддаларни ўзлаштиради. Бу моддалар дастлабки ҳолатида ҳазм бўлмайди, шунинг учун озиқани кимёвий йўл билан қайта ишлаш зарурати туғилади. Озиқа дастлаб кемирувчи оғиз аъзолари воситасида майдаланади, баъзи ҳашаротларда мушакли ошқозон ҳам озиқани майдалашда иштирок этади. Озиқанинг кимёвий қайта ишланиши мураккаб жараён бўлиб, бунда оқсил, ёғ ва углеводлар гидролиз қилинади. Гидролиз туфайли органик моддалар энг оддий бирикмаларга ажралади. Бу бирикмалар ичак деворларидан сўрилади. Ҳашаротларда овқат ҳазм қилишнинг ичақдан ташқарида рўй берадиган алоҳида тури ҳам мавжуд. Бунда ферментлар ташқарига чиқарилиб, ичақдан ташқаридаги озиқани парчалайди. Бу

айрим йиртқич ҳашаротларда кузатилади. Масалан, кокцинеллид (баъзи қүнғизлар) ва тўрқанотлиларнинг (олтинкўз ва бошқалар) личинкалари ўз қурбони танасига маҳсус найчали аъзоси орқали ҳазм ферментларини юборади. Бунда қурбон танасининг шу қисмидаги аъзолари дарҳол ҳазм бўладиган ҳолга келади ва гидролизланган озиқа ўша найчалар воситасида сўрилади.

Клетчатка қўпчилик ҳашаротлар учун қийин ҳазм бўладиган модда ҳисобланади, лекин чигирткалар ҳамда тунламларнинг куртлари уни осон ҳазм қиласди. Уларнинг еб тўймаслиги ҳам шу билан изоҳланади.

**Ҳашаротларнинг чиқариш тизими.** Юқорида қайд этилган мальпиги найчаларидан ташқари, ҳашаротларда чиқариш фаолиятини экзо - ҳамда эндокрин безлари ҳам амалга оширади.

**Экзокрин безлар** организм учун зарур бўлган турли хил моддаларни ёки секретларни ишлаб чиқариш учун хизмат қиласди. Буларга сўлак безлари ва овқат ҳазм қилиш учун хизмат қиласиган ўрта ичак безлари, организмни механик жиҳатдан мустахкамлайдиган мум, лак ва ипак секретларини ишлаб чиқарувчи безлар, ўзга тур ҳайвонларга таъсир этувчи (ариларнинг захари ёки нохуш хид ажратиб репеллент бўлиб ҳисобланувчи) ёки айни турнинг қарама-қарши жинсига таъсир этувчи (феромонлар) биологик фаол моддаларни (БФМ) ажратувчи безлар киради. Феромонлар турли хил бўлиши мумкин: из белгиловчи – озиқа манбани топиши учун; ваҳима феромони – чумоли, ари, шира ва бошқа ҳашаротларга хос; жинсий – ўз турининг бошқа жинсли зотини жалб қилувчи.

**Жинсий феромон** моддаси одатда ҳашарот қоринчасининг охиргидан битта олдинги сегментида жойлашган маҳсус безлар томонидан айни зот вояга етган даврда жуда оз миқдорда ишлаб чиқарилади ва найчалар орқали ташқи муҳитга тарқатилади. Бу хид эркак (камроқ урғочи) зот томонидан узоқ масофадан сезилади ва уни феромон манбаси томон ҳаракатга чорлайди. Бошқача қилиб айтганда,

ҳашаротларда жинсий феромон зотларни бир-бирларини топиб, урчиши ва насл қолдириши учун мўлжалланган кимёвий тил хисобланади.

Хозирги даврда қарийб 700 хил ҳашарот турларида феромон модда борлиги аниқланган (Сметник ва б.). Шулардан 200 дан ортиғининг кимёвий синтетик аналоги яратилган (Миттус ва б.). Энтомологларнинг асосий вазифаси ҳар бир феромоннинг айни ҳашарот ривожланишини ва унга қарши энг самарали кураш муддатларини белгилаш учун ишлатиш йўлларини ўрганишdir. Ўзбекистонда шу мақсадларда ғўза, кузги ва ундов тунламларининг ҳамда олма меваҳўри ва узум барг ўрамчисининг феромонлари самарали жорий этилмоқда.

**Эндокрин безлар** қонга бевосита секрет ёки гормон моддаларни ишлаб чиқаради. Улар қон билан тана бўйлаб ҳаракат қилиб, организмда модда алмашинув жараёнини ва ҳашарот ривожланишини бошқаради. Ҳашаротларда уч хил эндокрин безлар, жумладан бош миянинг нейросекретор тўқималари, олд кўкракда жойлашган проторакал безлари ва ёндошиш безлари яхши ўрганилган.

Бош миянинг нейросекретор тўқимаси бошқа эндокрин безларни фаоллаштириш учун мўлжалланган гормон ишлаб чиқаради, яъни у ҳашаротларда ёшдан ёшга ўтиб пўст ташлаш ва метаморфоза жараёнларининг содир бўлишини бошқаради (Бондаренко ва б.). Олд кўкракда жойлашган проторакал безлар қонга личинка гормони ёки **экдизон** моддасини ишлаб чиқаради. Бу гормон ҳашарот личинкаларида пўст ташлаш (линка) содир бўлишини амалга оширади, шунингдек диапаузани тўхтатади. Проторакал безлар личинкаларда бир пўст ташлашдан иккинчи пўст ташлашгача кам маҳсуллидир. Личинка ғумбакка айланиши ёки етук зотга айланиши олдидан эса кўп гормон ишлаб чиқаради.

Ёндашиш безлари бош миянинг орқа томонида, қизилўнгачнинг бошланишида жойлашган бир жуфт без бўлиб, ҳашарот ривожланишида катта аҳамиятга эгадир. У қонга ювенойд гормон ёки **неотенин** ишлаб чиқаради. Бу модда метаморфоза – личинкани етук зотга айланишининг олдини олади. У қонга

вақти-вақти билан юборилади. Бунинг натижасида қонда ювенил гормон билан эқдизон нисбати ўзгаради ва пўст ташлаш содир бўлади. Пўст ташланганидан сўнг қонда ювенил гормон кўпайиб эқдизон камаяди, кейинги пўст ташлаш олдиндан аксинча ҳодиса рўй беради. Личинка етук зотга айланиши олдиндан ҳам қондаги эқдизон миқдори кескин кўпаяди. Демак, ҳашарот қони таркибида ювенил гормон миқдорини сунъий равишда ўзгартириб пўст ташлашнинг олдини олиш мумкин. Бунда ҳашарот ҳаддан ташқари каттариб, терисига сиғмай ёрилиб ўлади. Шу гипотеза асосида синтетик ювенойидлар яратилган. Бунга республикамиизда ва кўпгина чет мамлакатларда кенг ишлатилаётган **димилин** препаратини мисол қилиш мумкин. Ёки аксинча, ҳашарот танасида эқдизон гормони сунъий кўпайтирилса, ҳашарот кичик ҳолатида етук зотга айланиб, зотни давом эттиришга қодир бўлмайди.

**Ҳашаротнинг қони ёки гемолимфа** ягона суюқ тўқима бўлиб, плазма ва қон танаchalари – гомоцидлардан ташкил топади. Плазма одатда сарғиш, кўкиш рангли ёки рангсиз бўлиб, таркибида анорганик тузлар, ҳазм бўладиган моддалар (оқсил, аминокислоталар, углеводлар ва ёғлар), шунингдек сийдик кислотаси, ферментлар, гормонлар ва пигментларни сақлайди. Қон таркибида 75-90% га яқин сув бўлади. Ҳашаротнинг қони турли хил функцияларни ўтайди. Булардан энг муҳими озиқа моддаларни ташиб, тўқималарни таъминлаш, шунингдек организмда модда алмашинувидан ҳосил бўлган зарарли махсулотларни чиқаришдан иборатdir. Қон механик вазифаларни ҳам бажаради, яъни зарур бўлган ички босим ёки тургор ҳолатини ҳосил қиласи ва бу ҳашаротнинг юмшоқ терили фазаларида (личинка, курт даврида) танага муайян шакл бериб туради.

**Қон айланниши тизими** ўзига ҳос ҳолатда бўлиб, умуртқали ҳайвонларнидан жиддий равишда фарқ қиласи. У ёпиқ эмас, қон тана бўшлигини ва аъзолар оралигини тўлдиради, уларни ювиб туради. Қоннинг бир қисмигина махсус қон айланниш аъзоси – орқа найчада айланади. Орқа найча кейинги

бўлим – юрак ва олдинги бўлим аортага бўлинади. Орқа найча пульсланадиган (кенгайиб-торайиб турадиган) бир қатор камералардан, олдинги бўлим эса оддий найчага ўхшаш аортадан иборатdir.

Ҳашарот организмидаги қон юрак камераларининг кенгайиб-қисқариши ва диафрагманинг ишлиши туфайли айланиб туради. Пульсация натижасида қон орқа найча бўйича орқа томондан олдинга қараб ҳаракатланади. Камера кенгайганда (диастола) қон остия орқали унга киради, қисқарганда (систола) эса, рўй берган қон босими туфайли олдинги клапанлар очилиб, кейингилари бекилади ва қон олдинга ҳайдалади. Қоннинг айланиши орқа найча орқали олдинга қараб, тана бўшлиғида эса орқага қараб рўй беради.

**Нафас олиши тизими** ҳашаротнинг тана тўқималарини кислород билан бевосита таъминлашга хизмат қилади. У жуда шохланган ва бутун танадан ўтадиган беҳад кўп ҳаво найчалари – трахеялардан иборатdir (9-расм, 4-га қаранг). Трахеялар кўкрак ва қорин сегментларининг ёnlари бўйлаб жуфтжуфт бўлиб жойлашган нафас тешикларидан бошланади. Трахеяларнинг бошланғич қисми йўғон бўлиб, кейин ингичкалаша боради, яъни кўплаб трахеяларга – трахея капиллярларига шохлаб кетади. Бундан ташқари, ҳашаротларнинг бир қатор турларида (масалан, чигирткаларда) айрим йўғон трахеялар жуда кенгайиб ҳаво халтачаларини ҳосил қилади. Трахеянинг бошланадиган қисмida, яъни нафас тешиги ёнида (ҳашаротларнинг деярли ҳамма турларида) ҳар хил тузилган **беркитувчи аппарат** бўлади, у битта ёки иккита хитинли ёйлардан ҳамда бир-бирига туташувчи мускуллардан иборатdir. Ноқулай шароитда ҳашарот ўз мушакларини қисқартириб ёйларни қисади, натижада ҳавонинг трахеяга кириши ва қайтиб чиқиши тўхтайди. Омбор бинолари ва зарарланган маҳсулотларни дорилашда ана шу ҳолат ҳисобга олинади, чунки ҳашаротларнинг ҳаммаси ҳам заҳарли газлардан бир хил тезликда захарланавермайди. Беркитувчи аппаратнинг тузилиши анча мураккаб бўлиб, нафас олиш тизими йирик ҳажмли бўлган

ҳашаротлар заҳарли газларнинг таъсирига узокроқ бардош бера олади. Шуни қайд этиш керакки, ҳашаротлар ташқаридан ҳаво кирмаганида анча узоқ вақт яшай олади, чунки трахеяларида ва уларнинг деворларида адсорбцияланган ҳолдаги ҳаво заҳираси анча кўп бўлади. Кислород таъсирида оксидланишдан ҳосил бўладиган карбон кислоталари эса тери қоплами орқали ҳам чиқиб туради. Газ билан заҳарланганда кўпинча эркаклари тезроқ ҳалок бўлади, чунки оксидланиш жараёнлари айнан эркакларида анча тез кечади.

Ҳашаротлар нафас олганида ҳаво нафас тешиклари орқали йўғон трахеяларга киради ва трахеолаларига (ҳашаротнинг нафас олиш харакатлари туфайли) шохланиб борадиган трахея найчалари воситасида тарқалади. Бунда ҳашарот трахеялари беркитувчи аппарат ёрдамида ёпилади. Айни вақтда тергитларни стернитлар билан боғлайдиган мускуллар қисқаради. Мускулларнинг навбатдаги бўшашуви ҳамда қорин қисмининг ҳажми ошиши натижасида трахея шохларидаги ҳаво орқа томонга интилади ва очилган тешиклар орқали ҳаво ҳайдаб чиқарилади. Нафас олиш харакатлари асосан қорин мускулларининг қисқариши туфайли рўй беради, бу жараён пардақанотлиларда (ари, асалари ва бошқаларда) кўзга яққол ташланиб туради. Ҳашаротларнинг кам харакатли фазаларида нафас олиш тезлиги сусаяди.

**Жинсий аъзолари.** Ҳашаротлар айрим жинсли ҳисобланади. Урғочиларининг жинсий аъзолари иккита тухумдон, иккита ён тухум йўли, ўрта тухум йўли, ўсиқли без ва уруғ қабул қилувчи қисмлардан иборатdir. Қўш қанотли ва парда қанотлиларнинг баъзи турларида тухумдон найчаларга бўлинган эмас, уларнинг тузилиши халтачага ўхшайди. Бундай тухумдонларда ривожланаётган тухумлар озиқали хужайралар гурухлари билан куршалган бўлади. Баъзи ҳашаротларнинг урғочиларида тухум қўйгич ривожланган, унинг воситасида ҳашарот тухумларини тупрокка, ўсимликларнинг ёки бошқа ҳашаротларнинг тўқималарига қўяди. Тухумдонлар тухум найчаларидан иборат бўлиб, уларнинг сони ҳашаротлар турига боғлиқ равишда турлича бўлади (9-расм, 2-га қаранг).

Тухум найчаларида дастлабки жинсий ҳужайралардан тухум ҳосил бўлади. Тухум найчаларида етилган тухумлар урғочи ҳашарот организмидан тухум йўли орқали чиқади. Тухум йўлининг ўрта қисми уруғ қабул қилгич билан боғланган бўлиб, эркак спермасини қабул қилиш ва сақлаш учун хизмат қиласди. Уруғ қабул қилгичнинг ўсиқ безлари спермани баъзан узок вақтгача сақлашга ёрдам берадиган моддалар чиқаради. Кўпчилик капалакларда мустакил ички йўли ривожланган йиғма халтacha бўлиб, унинг ташки оғзи жинсий тешикнинг ёнида жойлашган, бу ҳолда у тухум йўлининг ўрта қисмига найча воситасида бирикади. Тухум йўлига бириккан ўсиқли безлар елимсимон ва кўпикли моддалар ажратади. Бу моддалар тухумларнинг бирор нарсага илашиши ёки ўзаро ёпишиши учун хизмат қиласди.

Эркак ҳашаротнинг жинсий аъзолари иккита (баъзан бир-бирига қўшилиб ўсан) уруғдондан, иккита уруғ чиқариш йўли, ўсимта без ва йиғма аъзодан иборат. Уруғдонлар найчалардан ҳосил бўлади, уларнинг ичидан спермалар, яъни микроскопик майда харакатчан эркак жинсий ҳужайралари ривожланади. Ўсиқли безлар уруғ йўлига тушади ва спермаларни ўраб олиб сперматофор ҳосил қиласиган суюқлик ажратади. Жуфтлашганда сперматофор урғочи ҳашаротнинг йиғма халтачасига ёки тухум йўлининг ўрта қисмига киради, унда сперматофорнинг деворлари эриб кетади ва эркин ҳолдаги спермалар уруғ қабул қилгичга ўтади. Тухумлар тухум йўлининг ўрта қисмидан ўтаётганида уруғ қабул қилгичдаги спермалар чиқиб тухумга киради ва уни оталантиради.

*Асаб (нерв) тизими* ҳашарот организмининг бутун ҳаёт фаолиятини бошқаради, у уч қисмдан: асосий нерв занжири, периферик нервлар ва симпатик тизимдан ташкил топади. Бўғим-бўғим бўлиб жойлашган нерв занжири тананинг қорин қисмida бўлади. У нерв бўғимлари (ганглиялар) ва улардан чиқадиган нервлардан тузилган. Нерв бўғимлари ўзаро кўндаланг ва узунчоқ тўсиқчалар билан боғланган. Даствабки иккита нерв бўғими бошида – бири овқат йўли устида (томуқ

устлиги), иккинчиси унинг остида (томуқ остилиги) бўлади. Қолган нерв бўғимлари кўқрак ва қорин қисмида жойлашган. Марказий нерв занжирининг ганглиялари сезги аъзолари ва тананинг ҳаракат мускулларини бошқаради.


Нерв тизими ҳашарот жисмининг барча аъзоларини, жумладан ҳазм аъзолари, қон айланиш, жинсий аъзолари ва нафас тешикларини бошқарадиган периферик ҳамда симпатик нервларнинг фаолиятини бир-бирига боғлаб, бошқариб боради. Нерв тизимида кечадиган асосий жараёнлар қўзғалиш ва тормозланишдан иборатdir.

Қўзғалиш электр-кимёвий табиатга молик бўлиб, нейронлар (нерв хужайралари) ва нервларда кечадиган жадал ўзгаришларда намоён бўлади ва шу тарика қўзғалиш тўлкинсимон тарқалади. Қўзғалган нейрон маҳсус моддалар ажратади, булардан ацетилхолин моддаси айниқса муҳим аҳамиятга эгадир. Ацетилхолин ёрдамида қўзғалиш синапслар (нейрон ўсимталарининг хужайралар билан қўшилган қисми) воситасида бошқа хужайраларга етказилиб тарқалаверади. Қўзғалиш ҳар сонияда 5 метргача тезликда тарқалади. Қўзғалиш бир меъёрда тарқалиши учун ацетилхолиннинг ортиқчаси дархол йўқолиши лозим, акс ҳолда қўзғалиш ҳаддан ташқари кўпайиб кетади. У холинэстераза ферменти ёрдамида камайтирилади, яъни бу фермент ацетилхолинни гидролизлаб сирка кислотаси ва холинга айлантиради.

Тормозланиш қўзғалишнинг акс жараёнидир. Шуни қайд этиш керакки, кўпгина инсектицидларнинг, хусусан фосфорганик препаратларнинг ҳашарот организмига таъсири ана шу бирималарнинг холинэстераза ферментини сусайтириш хусусиятига асосланган, бунинг натижасида нерв тизимининг бир меъёрда қўзғалиши ва тормозланиши издан чиқади ва организм шикастланади. Ҳашаротларнинг сезги аъзолари ташқи ҳаёт шароитларининг ҳолати ҳақида хабар беради. Ҳашарот ана шу ташқи таъсирларга қараб ҳаракат қиласи, ҳашаротнинг хулқатвори ҳам шу таъсирларга боғлиқ бўлади. Ҳашаротларда пайпаслаш, эшлиш, хид ва таъм билиш ҳамда қўриш аъзолари мавжуд. Бироқ аъзоларни бундай хилларга бўлиш

умуртқали ҳайвонларга ва одамга мансубдир. Ҳашарот-ларда механик, кимёвий гигротермик, эшитув ва кўрув каби рецепторли сезишлар мавжудлигини қайд этиш маъқулдир.

Нерв-сезув бирликлари – сенсиллалар (10-расм) сезги аъзоларининг асосини ташкил этади. Улар кўп холларда иккита компонентдан: тери структураси ва ундаги сезув нерв хужайраларидан ташкил топади. Таъсиrlар ва изтиробларни қабул қилиш хусусиятларига қараб сенсиллалар турлича тузилган, аммо уларни шартли равишида иккита асосий типга – юза ва чукур жойлашган сенсиллаларга бўлиш керак. Биринчи типдагиси соч толаси, қилча, конус ёки бошқа ҳосилалар шаклида тананинг сиртига чиқиб туради, иккинчиси эса кутикула остида ёки тери ичидаги бўлади.



10-расм. Ҳар хил типдаги сенсиллаларнинг тузилиши  
(Берлёза маълумоти бўйича):

А-ботмаган пайпасловчи; Б-ботмаган кимёвий сенсилла;  
В-ботик эштиши сенсилласи; Г-ботик кўрув сенсилласи;  
кутикула; гип-гиподерма; к-кальпокча; х-нерв хужайраси.

**Механик равишида сезии** механик рецепторлар восита-сида рўй беради, бунда турли механик таъсиrlар кўпинча

атиги битта хужайра воситасида сезилади. Пайпаслаш рецепторлари, шунингдек силкинишни, тананинг ҳолатини, унинг мувозанати ва бошқаларни сезиш учун мўлжалланган сезигир ўсимталар шулар жумласидандир.

**Эшитиши.** Кўпгина ҳашаротларда алоҳида аъзолар бўладики, булатни баъзи жиҳатлардан умуртқалилардагидек эшитиш аъзоларига ўхшатиш мумкин. Тўғри қанотлиларда (чиғиртка, темирчаклар, чирилдоқлар), сайроқи цикадаларда, баъзи қандалаларда ва бир қатор капалакларда эшитиш аъзолари тимпонал аъзо сифатида бўлади. Бу хил аъзолари темирчак ва чирилдоқларнинг оёқларида, баъзи капалакларда кўкрак қисмида, чиғирткаларда эса қорин қисмида жойлашади.

**Кимёвий сезги** муҳит кимёвий ҳолатини сезиш (хид ва таъм билиш) учун хизмат қиласида ва кимёвий рецепторлардан иборат бўлади. Бу рецепторлар ўртасидаги физиологик тафовут шундан иборатки, ҳид билишда паст концентрация модданинг газ ҳолати, таъм билишда эса юқори концентрацияли суюқ муҳит сезилади. Ҳид билиш ҳашаротларга жинсни қидириб топиш, ўз туридаги индивидларни пайқаш, озиқа ва тухум қўядиган жойни қидириб топиш учун хизмат қиласида. Таъм билиш эса ҳид сезишга қараганда кўпроқ ўзига хос аҳамиятга эга, чунки фақат озиқани сезиб топиш учунгина зарурдир. Ҳашаротларда кимёвий сезгининг юқори даражада тараққий этиши улар физиологиясидаги муҳим хусусиятдир. У заарли ҳашарот турларига қарши кимёвий усулда кураш олиб борилганда илмий асос бўлиб хизмат қиласида. Махсус майдонларда ҳашаротларни жалб қилувчи экин ўстириш, заҳарли ем сочиш, репеллентлар ва атTRACTантлардан фойдаланиш бунга мисол бўлиши мумкин. Бугунги кунда ўсимликларни ҳимоя қилиш илмий тадқиқот институтида айнан шундай тадқиқотлар олиб борилмоқда.

**Гигрометрик сезги** бир қатор ҳашаротларнинг ҳаётида муҳим аҳамият касб этади. Ҳашарот намлик ҳамда муҳит ҳароратига қараб жавоб реакциясини ўзгартириб туради. Маълум бўлишича, ҳашаротларнинг баъзи турлари намлини

боши ҳамда мўйлов ва пайпаслагич каби бош ўсиқлари, иссиқликни эса – мўйловлари, панжалари ва бошқа аъзолари орқали сезади. Муайян иссиқлик ва намлик шароитида яшаш имкониятларига қараб ҳашаротларни **эвритермо** ва **эвригигробионтили** турларга ажратилади. Улар иссиқлик ҳамда ҳаво намлигига унча талабчан эмас (ғўза тунлами ва бошқалар). Маълум бир чегарада иссиқлик ва намликни талаб қиласидан ҳашаротларни **стенотермо** ва **стеногигробионтили** турлар деб атасади (ўсимлик ширалари ва бошқалар).

**Кўз** гарчи ҳамма ҳашаротларда бўлавермасада, уларнинг ҳаётида катта аҳамиятга эга. Ҳашаротларнинг кўрадиган аъзоларини икки хилга: мураккаб ва оддий кўзларга бўлиш мумкин. Мураккаб ёки фасеткали (иккита) кўзлар бошнинг икки ёнида жойлашган, кўпинча жуда ривожланган бўлиши ва бошининг анча қисмини эгаллаши мумкин. Ҳар қайси фасеткали кўз кўпгина кўриш бирликларидан – сенсиллалардан ташкил топган бўлиб, улар фасеткалар ёки омматидиялар дейилади. Уларнинг сони ўнларча ва мингларча бўлиши мумкин. Ҳашаротларнинг кўзларини икки типга бўлишади: **оппозицион** кўзлар – кундузги ҳашаротларда, **суперпозицион** кўзлар – тунги ҳашаротларда бўлади. Бу эса, омматидияларнинг морфологик ва физиологик жиҳатдан фарқланишига боғлиқdir. Оддий кўзлар ёки кўзчалар ҳашарот пешонасидаги мураккаб кўзлар оралифида (учбурчак шаклида), одатда уч дона бўлади. Бу хил кўзлар яхши учадиган, харакатчан ҳашаротларга (тўғри қанотлилар, парда қанотлилар, ниначилар, суварақлар ва б.) мансубдир. Оддий кўзлар мураккаб кўзларнинг фотокинетик реакциясини кучайтириш вазифасини ўтайди, шунингдек ёруғликнинг жадаллигини сезади.

Ҳашаротлар кўзлари ёрдамида шаклни, харакатни, рангни ва ўзидан нарсагача бўлган масофани, шунингдек кутблашган ёруғликни ажратади. Ҳашаротларнинг кўп турлари узоқни кўрмайдиган бўлади ва узоқдан туриб факат харакатни ажратади. Бу ҳодиса кўп тажрибалар асосида тасдиқланган.

Кўпчилик ҳашаротлар қизил тусли ёруғликни кўрмайди, аммо улар умуртқали ҳайвон ва одамдан фарқ қилиб ультра бинафша нурланишни кўради ва унга парвона бўлади. Кўпгина кундузги ҳашаротларда қуёш нурларининг йўналишига қараб ҳаракатни ўзгартириш, яъни қуёш компаси бўйича ҳаракатланиши аниқланган, шу боисдан тунги ҳашаротлар ёруғликка томон учади. Сунъий ёруғлик манбаининг ёруғлик нурлари радиал ҳолатда таралади. Белгиланган бурчакни сақлаб қолиш учун ҳашарот ёруғлик манбаига борадиган йўлинни ҳар доим ўзгартиришга мажбур. Ҳаракат логарифмик парма бўйича давом этади ва пировардида ҳашаротни ёруғлик манбаига етказади. Тунги ҳашаротларни ёруғлик манбаида тутиш ана шунга асосланган (Бей-Биенко).

## Каналар

Каналарнинг тери қоплами, умуман олганда ҳашаротларнига ўхшайди. Уларнинг сиртида организм ҳаётида муайян функцияларни бажарадиган ҳосилалар бўлади. Кананинг тери қопламида гиподермал қават бўлиб, у турли вазифалар бажарадиган моддалар чиқаради. Каналарнинг мушаклари ҳашаротлардаги каби кўндаланг йўлли тузилишга эга, аммо у ҳашаротлардаги сингари хилма-хил бўлмайди, бу нарса кана танасининг яхлит қисмлардан тузилганлигига боғлиқдир. Овқат ҳазм қилиш тизими оғиз тешигидан бошланади, кейин томоқ, овқат йўли (ҳашаротларда ўрта ичак вазифасини ўтовчи), ошқозон ва йўғон ичак келади. Йўғон ичакнинг орқа бўлими тўғри ичак вазифасини бажаради.

Оғиз бўшлиғи, томоқ ва овқат йўлига (қизил ўнгач) сўлак безлари очилади. Кана ошқозонида унинг ҳажмини оширадиган ўсимталар бўлади. Агар бу ўсимталар кўп бўлиб, улар бир-бири билан зич жойлашган бўлса, улар «жигар» деб аталади. Бу аъзо ошқозоннинг асосий бўшлиғи билан бирга овқат ҳазм қилишда ҳам, ҳазм бўлган маҳсулотларнинг қонга сўрилишида ҳам иштирок этади. Каналарда мальпиги найчалари айирув аъзолари вазифасини ўтайди ва ўрта ҳамда

орқа ичакларнинг чегарасига очилади. Каналарнинг яширин безли аъзолари, ҳашаротлардагидек жуда хилма-хил бўлиб, юқорида таъкидлаб ўтилган «жигар»дан ҳамда сўлак безлари ва ошқозон эпителиясининг бир ҳужайрали безларидан ташкил топади.

Каналарнинг айрим турларида, жумладан фўзанинг ашаддий заараркунандаси - ўргимчакканада ҳам ўргимчак безлари бўлади, улар кананинг орқа қисмида жойлашади. Ўргимчак иплари шу безнинг ҳосиласи бўлиб, асосан тухуми, личинкаларини химоялаш учун, улғайланларини ноқулай ташки шароитдан, шунингдек йиртқичлардан сақлаш учун хизмат қилади. Атрофга тарқалганида ўргимчак или қисман «парашют» вазифасини бажаради. Омбор маҳсулотларида яшайдиган акароид каналарда тўртинчи жуфт оёқларининг асосида халтачасимон ёғ безлари бўлади, бу безлар чиқарган моддалар тери қопламининг ташки юзасини ёғлаб туриш учун хизмат қилади. Ушбу модда намликни ўтказмайди.

Баъзи каналарда хид ва заҳарли моддалар ажратадиган безлар мавжуд. Улар тери қопламининг гиподермал қаватида бўлади. Ҳашаротлардаги каби каналарда ҳам қон айланиш тизими ёпиқ эмас: уриб турган юракдан оқиб чиқкан қон ички аъзолардан томирсиз ўтаверади, сўнгра эса клапанлари бўлган икки тешикка кириб яна юракда тўпланади. Баъзи майда турдаги каналарда қон айланиш тизими умуман бўлмайди.

**Нафас олиш аъзолари.** Каналар трахеясиз ва трахея воситасида нафас олади. Трахеясиз (терисидан) нафас оладиганларида танасининг юзаси орқали ҳаво алмашинади. Трахея воситасида нафас олиш усули анча такомиллашган бўлиб, бунда ҳаво оддий тузилган бўлсада, трахея тизими орқали алмашади. Бундай каналарда нафас тешиги одатда бир жуфт бўлиб, тўртинчи жуфт оёқлар асосида, баъзан эса танасининг олдинги қисмига яқин ерда жойлашади.

**Жинсий аъзолари.** Каналар айрим жинсли мавжудотлардан хисобланади. Урғочиларида жинсий тизим иккита халтачасимон ёки найча тусли тухумдонлар ва иккита тухум

йўлидан иборатдир, бу тухум йўллари ўзаро қўшилиб битта сўнгги бўлимни ҳосил қиласди. У тобора кенгайиб бачадонга айланади ва қисқа найча – мойлик билан тамомланади. Эркакларининг жинсий аъзолари иккита уруғдон ва иккита уруғ йўлларидан иборат. Бу уруғ йўллари қўшилишиб уруғ отилиб чиқадиган битта канал ҳосил қиласди.

**Каналарнинг асад (нерв) тизими** томоқ усти ганглияси ва томоқ ости (қорин) нерв массасидан ташкил топган, у канада аждодларида бўлган нерв занжирининг қўшилишидан келиб чиқади. Қорин нерв массаси калта ва йўғон нерв воситалари ёрдамида томоқ усти ганглияси билан қўшилган. Жамлашган нерв йифиндисидан нерв толалари тана четларига қараб тарқалади.

**Сезги аъзолари.** Каналарда гигрометрик сезги айниқса кучли ривожланган. Заҳира маҳсулотларида яшайдиган кўпчилик каналар **стеногигробионти**, яъни муҳитнинг бир оз сернам бўлишини талаб қиласдиган организмлардан ҳисобланади. Ўсимликхўр каналар ҳам муайян гигротермик шароитга мослашган. Каналарнинг қилчалари пайпаслаш вазифасини ўтайди. Каналарнинг айрим турларида олтитагача оддий кўз бўлади. Улар одатда елка томонининг олдинги қисмida жойлашади.

### 3-боб. ЗАРАРКУНАНДА ТУРКУМЛАРИНИНГ ТАЪРИФИ

#### Ҳашаротлар

Ҳашаротлар (*Insecta*) бўғимоёқли жониворлар типига (*Arthropoda*) кирувчи синфларнинг бири ҳисобланади. Ҳашаротларни таснифлашда уларнинг морфологик ва биологик хусусиятлари, хаёт кечириш жараёнлари, оғиз аппаратининг тузилиши, қанот ва оёқларининг тузилиши ҳамда бошқа белгилари асос қилиб олинади. Ҳашаротлар иккита кенжасинфа: оддий ёки қанотсизлар ҳамда юқори тузилишга эга бўлган ёки қанотлиларга бўлинади. Биринчи кенжасинфа

бирламчи қанотсиз ҳашаротларнинг ҳаммасини, иккинчи кенжә синф эса барча қанотлиларни ва айрим қанотсизларни ўз ичига олади. Аммо иккинчи кенжә синфга мансуб қанотсизлар уларнинг иккинчи марта юз берган ҳодисаси ҳисобланади. Оддий ҳашаротлар кенжә синфиға тўртта туркум, юқори тузилишга эга бўлган кенжә синфга эса 27 та туркум киради. Туркумларнинг ҳар бири ўз навбатида кўплаб оилалар ва авлодларга бўлинади.

### **Тўлиқсиз ривожланадиган (ўзгарадиган) ҳашарот туркумлари**

**Тўғри қанотлилар (*Orthoptera*).** Йирик ёки ўртача катталикда бўлиб, оғиз тузилиши жиҳатидан кемирувчи ҳашарот ҳисобланади. Олдинги қанотлари терисимон, томирланган, пластинкага ўхшаган чўзиқ, орқа қанотлари кенг пардасимон бўлиб, тинч турганида олдинги қанотлари остига елпигичсимон йифилади. Орқа оёклари сакрашга мослашган, корин қисмининг охирида ўсиқлар мавжуд, урғочиларининг кўпчилиги тухум қўйгичлидир. Чигирткалар, темирчаклар, чирилдоқлар ва қуйруқли бузоқ бошлар шу туркум вакиллариdir.

**Ярим қаттиқ қанотлилар ёки қандалалар (*Hemiptera*).** Бу туркумга мансуб қандалаларнинг оғиз тузилиши санчиб-сўришга мослашган. Уларнинг хартумчаси бошининг олд қисмидан орқароқда жойлашади, мўйловлари тўрт-беш бўғимили, қанотлари ҳар хил: олдингиларининг асосий қисми тери-симон, тепа қисми эса пардасимон, кейингилари пардалидир. Қанотлари орқасида кўндаланг жойлашади. Қандалаларнинг бир неча тури: дала, беда қандаласи ва бошқалар ғўзага зарар етказади. Фойдали энтомофаг қандалалар ҳам учраб туради.

**Тенг қанотлилар ёки хартумлилар (*Homoptera*).** Оғиз тузилиши санчиб-сўришга мослашган, бўғимили хартумчаси бошининг орқа қисмига бириккан ва кўқрак томонига тортилиб туради. Айрим турлари икки жуфт парда қанотга эга, ҳашарот тинч ҳолатда турганида қанотлари бир-бирининг устига (том ёпганга ўхшаш) тахланади. Туркумда қанотсиз-

лари ҳам учраб туради. Ўсимликларга энг кўп заарар етказадиган бу туркум қуидаги бешта кенжа туркумни ўз ичига олади: **ширалар** (*Aphidinea*), **алейродидлар** ёки **оққанотлар** (*Aleyrodinea*), **барг бургалари** (листоблошки) – *Psyllinea*, **кокцидлар** (қалқондор ва червецлар) – *Coccinea*, ҳамда **цикадалар** (*Cicadinea*).

Бу туркумга мансуб сўрувчи ҳашаротларнинг овқат ҳазм қилиш тизими ўзига хос бўлиб қуидагича тузилган: олдинги ичагининг охири ўрта ичакнинг охири ёки орқа ичакнинг бошланиши билан уланган. Уланган жойда эса озиқани филтрлайдиган шиш мавжуд бўлиб, унда шакарли (ширин) эритма тўғридан-тўғри орқа ичакка ўтиб кетади ва ташқарига маҳсус найчалар орқали чиқариб юборилади. Оқсили ва бошқа моддалар эса ўрта ичакка ўтиб ҳазм бўлади. Бу ушбу ҳашаротларнинг ортиқча сўриб олинган сув ва шакар моддасидан ҳоли бўлиш учун мослашишидир. Ташқарига чиқариб юборилган суюқлик ширин бўлиб, баргларнинг устини ифлослантиради, унда моғор замбруғлари ривожланади, чумоли, ари каби ҳашаротлар жалб қилинади. Зааркунандалар ўсимликни сўриб заифлантиришидан ташқари, баргнинг ассимиляция сатхини камайтиради. Натижада ҳосилдорлик ва унинг сифатига катта заарар етади. А.А. Хакимовнинг (1997) кўрсатишича, ғўза ниҳоллик даврида полиз шираси билан зааралсанса ва унга қарши курашилмаса, 27,2% яъни 15,0 ц/га ҳосил йўқотилиши мумкин.

**Пуфакоёқтилар ёки трипслар** (*Thysanoptera*). Катталиги 0,5-5,0 мм га борадиган чўзиқ танали, майда, тез ҳаракатчан ҳашаротлар. Улар икки жуфт тор қанотли, ёки қанотсиз бўлишлари мумкин, қанотларининг чеккаларида узун киприкчалири бор. Панжалари бир бўғимли, тирноқсиз, ҳаракатчан сўрғичли. Оғиз қисмлари ўсимлик ширасини сўришга мослашган. Дунёда 1500 тагача тури маълум. Трипсларнинг орасида йиртқичлик қиласидиганлари ҳам бор. Ўзбекистон шароитида жуда кўп экинларни тамаки трипси (*Thrips tabaci* Lind), буғдойни эса буғдой трипси (*Haplothrips tritici* Kurd.) заарар-

лайди. Йиртқич трипсларга канахүр трипсни (*Scolothrips acariphagus*) мисол қилиш мүмкін.

### **Түлиқ ривожланадиган (ўзгарарадиган) ҳашарот туркумлари**

**Қаттиқ қанотлилар ёки құнғизлар** (*Coleoptera*). Олдинги қанотларининг қаттиқ бўлиши ва уларда томир бўлмаслиги құнғизларнинг асосий белгисидир. Харакатчан бириккан олд кўкраги ўрта ва орқа кўкрагига нисбатан йирикроқ. Ўрта кўкрак орқа кўкрак билан қўшилиб ўсган. Оғиз тузилиши кемиришга мослашган. Личинкалари қуртсимон, ғумбаги эркин бўлади. Ўсимликларга жуда кўп оилаларга мансуб құнғизлар зарар етказади. Хорижий мамлакатларда мексика ғўза узунбурууни (*Anthonomus grandis*) ғўзани қаттиқ шикастлайди. Кўнғизлар орасида йиртқичлик билан ҳаёт кечирадиган турлари ҳам кўп (кокцинеллийлар, жужелицалар).

**Тангача қанотлилар ёки капалаклар** (*Lepidoptera*). Бу туркумга мансуб ҳашаротларнинг қанотлари тангачалар ва қилчалар билан қопланган икки жуфт қанотларининг мавжудлиги билан фарқланади. Олдинги қанотлари кейингиларига қараганда каттароқ бўлади. Капалакларнинг оғиз аппарати гулларнинг нектарини сўриб олишга мослашган. Капалакларнинг личинкаларини куртлар (гусеница) деб аталади. Куртларнинг яқъол кўзга ташланадиган боши, уч жуфт кўкрак оёқлари ва икки-беш жуфт қорин сохта оёқлари мавжуд. Куртларнинг оғиз тузилиши кемиришга мослашган. Ғумбаклари баъзан пилла ичида бўлади. Тунламлар, куялар ва бошқа оилаларга мансуб капалак турлари энг зарарли ҳисобланади.

**Икки қанотлилар ёки пашишалар** (*Diptera*). Бу туркум ўрта кўкракка бириккан фақат бир жуфт қаноти билан ажралиб туради. Кейинги жуфт қанотлариrudimentлашиб (ўз аҳамиятини йўқотган), визилловчи бўлиб олган. Оғиз аппарати ялашга ёки қирқиб ялашга мослашган. Личинкалари қуртсимон, оёқсиз, кўпчилигига бош қисми яхши сезилмайди, кўпчилик личинкаларнинг оғзида бир жуфт илмоқлари бўлиб,

улар ёрдамида ўсимликнинг тўқимаси ичига кемириб киради. Гумбаги кўпинча сохта пилла ичида бўлади.

Икки қанотлилар туркуми иккита кенжа туркумга: узун мўйловли пашшалар ёки чивинлар (*Nematoocera*) ва калта мўйловли пашшалар ёки оддий пашшаларга (*Brachycera*) бўлинади. Баъзан ғўзага калта мўйловли пашшалардан швед пашшиси заарар етказади. Пашшанинг кўп турлари, айниқса тахиналар ва сирфидлар оиласига мансублари зааркунандаларнинг энтомофаглари сифатида амалий аҳамиятга эгадир.

**Пардақанотлилар** (*Hymenoptera*). Бу туркумнинг вакилларида икки жуфт парда қанот бўлиб, одатда олдинги қанотлари кейингиларидан каттароқдир. Қанотлари суст даражада томирланган. Оғиз тузилиши кемиришга, баъзиларида (асалари, қовоқ арилар) эса ялашга мослашган. Личинкалари куртсимон бўлади. Гумбаги очик ҳолатда, аммо кўпчилиги пилла ичида бўлади. Кўпгина паразит ҳашаротлар пардақанотлилар туркумига мансубдир. Заарли организмларни йўқотишида уларнинг аҳамияти жуда катта. Асалари, ари ва қовоқари каби чақадиган ҳашаротлар, шунингдек аракаш сингари ўсимликхўрлар пардақанотлиларнинг типик вакили хисобланади.

**Тўрқанотлилар** (*Neuroptera*). Қанотлари йириқ, кенг, деярли бир хил бўлиб, узунасига ва кўндалангига кетган томирлардан ҳосил бўладиган кўпгина катакчалари бор. Боши ва кўзи яхши ривожланган. Оғиз тузилиши кемиришга мослашган. Бу туркум жуда кўп ҳашарот турларини ўз ичига олади, улар (масалан, олтинкўзлар) асосан йиртқичлик билан ҳаёт кечиришади.

## Каналар


Каналар (*Acarina*) бўғимоёқлилар типига, ўргимчаксимонлар синфиға кирадиган ўзига хос туркумдир. Ғўзани шикастлайдиган кана турлари унча кўп эмас, республикамизда кананинг уч тури, тропик Африкада эса ўнтача тури ғўзага зарар етказади (*T. Preslev*). Уруғлик чигитга, унинг қайта

ишланиш маҳсулотларига ва омборда донга тушадиган каналарнинг турлари эса жуда кўп. Ҳозирги вақтда Ўрта Осиё шароитида *Acaridae* оиласига мансуб омбор каналарининг 30 тури қайд этилган (Алимухамедов, 1979).

#### **4-боб. ЗАРАРКУНАНДАЛАРНИНГ РИВОЖЛANIШИ**


##### **Ҳашаротлар ҳаёти**

Ҳашаротлар ривожланиш жараёнида ёки онтогенез давомида икки даврни – тухум ичидаги эмбрионал ривожланишни ва тухумдан чиққанидан кейин постэмбрионал ривожланишни кечиради. Умуман ҳашаротлар уч ёки тўрт фазани: тухум, личинка, ғумбак (ҳаммасида эмас) ва улғайган ҳашаротлик (етук зот) даврини ўтказади. Тухумдан чиққандан кейин, яъни постэмбрионал ривожланалётганида бир фаза бошқа фазага айланаб боради. Онтогенездаги бундай жараён метаморфоз ёки бир фазадан иккинчисига айланаб ривожланиш дейилади. Умуман, ҳашаротлар тўлиқсиз ва тўлиқ ривожланади (11-расм). Тўлиқсиз ривожланганда ҳашарот тухум, личинка ва етук зот фазаларини кечиради. Ҳашаротларнинг тухумлари катталиги ва ташқи кўриниши жиҳатидан ҳам хилма-хилдир (12-расм). Тухум ичидаги муртак ривожланади ва личинкага айланади. Тухумдан чиққан личинка ташқи кўриниши жиҳатидан етук зотга ўхшайди. Личинкалар озиқланади ва ўсади, шу билан бирга улар туллайди, яъни терисини ташлайди. Личинка ривожланиш даврида тўрт-беш марта (баъзан кўпроқ) туллайди. Туллашлар ўртасидаги даврни унинг ёши дейилади (тухумдан чиққанидан биринчи туллашгача бир ёш, биринчи туллашдан иккинчисигача иккинчи ёш ва х.к.). Личинкалар тухумдан қанотсиз чиқади, кейин уларда қанотларнинг бошланғич ўрни пайдо бўлади, улар ҳар галги ёшида катталаша боради.



11-расм. Тұлғасыз ва тұлғы үзгариб ривожланиш  
(Эйдман маълумоти бўйича):

А – қандаланики (тухум, личинканинг бешта ёши, етук зот); Б – қизғиш суваракники (тухум, личинканинг олти ёши, етук зот); В – капалакники-қарагай одимчиси (қуртнинг бешта ёши, ғумбаги, капалаги); т-тухум, к-қуртлари, ғ-ғумбаги, Е3 – етук зот.



12-расм. Тухум турлари: А – пашша тухумининг тузилиши:  
 М – микропиле, Х – хорион, СК – сариклик қобиги,  
 яд-ядро, с-сариги; Б – чигиртка тухуми; В – чигиртканинг  
 жуда катталаштириб кўрилгандағи тухум хорионининг  
 майдони; Г – барг бургасининг тухуми; Д – қандаланики;  
 Е – мингевона капалагиники; З-баргхўр қўнғизники;  
 И - карам пашшасиники.


Охирги ёшида ҳашарот жинсий жиҳатдан етилади ва урчий олади. Чигиртка, қандала, ўсимлик ширавлари шу хилда ривожланади (11-расм). Уларнинг тухумларидан одатда чувалчангсимон личинка чиқади, унинг оғиз тузилиши кемиришга мослашган, уларда улгайган ҳашаротниги бутунлай ўхшамайдиган оддий кўзлар бўлади ёки бўлмайди (11-расмга қаранг).

Ҳашаротнинг ривожланишидаги бу фаза бир жиҳатдан зарарли (ўсимликхўр), бошқа жиҳатдан эса фойдалидир (энтомофаглар). Личинкалар организмда ёғ модданинг тўпланиши турнинг ҳаётчанлигини ошириш ёки пасайишида етакчи аҳамиятга эга. Бир неча марта туллагандан кейин, охирги

ёшдаги личинка озиқланишдан түхтайди, ҳаракатланмай қўяди, охирги марта туллайди ва ғумбакка айланади.

Баъзан ғумбакланиш олдидаги ҳолатини алоҳида фаза – ғумбакка айланиш фазаси деб аталади. Ғумбак озиқлана олмайди ва кўпинча ҳаракатсиз ҳолатда бўлади. У личинка тўплаган захира ҳисобига яшайди, шу боисдан унинг бу ҳолати тиним даври ҳисобланади. Ҳақиқатда эса, бу ташки ҳолатига қараб берилган таърифдир. Ғумбаклик даврида унинг ичида жуда мураккаб гистолиз ва гистогенез жараёнлари рўй беради. Ғумбакка айланиш давридаёқ гистолиз жараёни бошланади, бунда личинка аъзолари парчаланади ёки йўқолади. Гистогенез юз берганида тўқималар ва имагинал хаёт аъзолари пайдо бўлади, булар табақалашмаган дастлабки материал – гистолиз ҳосилаларидан вужудга келади.

Ҳашарот ғумбаклари бир-биридан тузилиш хусусиятларига қўра жиддий фарқ қиласи. Ғумбак уч хил: очиқ (кўнғиз, пардақанотлилар, тўрқанотлилар), ёпиқ (капалак, хальцидлар), яширин ёки сохта (пашшаларда) бўлади (13-расм). Ҳашаротларнинг ғумбаклари ҳар хил муддатда ривожланади: баъзиларида ғумбакнинг ривожланиши 6-10 кун (тунламлар), бошқаларида эса ойлаб давом этади. Кўпгина ҳашаротлар ғумбаклик даврида қишлийди, бунда у диапауза – муваққат физиологик тиним даврини ўтайди. Ғумбакдан чиқиш олдидан ҳашарот ҳаракат қила бошлайди, натижада ғумбак пўсти тананинг елка ва оёқ томонларидан ёрилади, ҳашарот ташқарига чиқади ва ғумбакланиш даври тугалланади. Ҳашарот (етук зот) ғумбақдан чиққанидаёқ улғайиш фазасидаги белгиларга эга бўлади, лекин дастлабки вақтда уларнинг қанотлари йиғиширилганича қолади. Бир оз вақт ўтганидан кейин қанотларнинг томирларига гемолимфа тўлади, улар тўғриланади, тифизлашади, ранг олади ва ниҳоят етук ҳашарот вужудга келади. Одатда етук зот тулламайди ва ўсмайди. Бир хил ҳашаротлар (масалан, ипак қуртининг капалаги) дархол жуфтлашиш ва (кўшумча озиқланмасдан) тухум кўйишга кириша олади.



13-расм. **Гумбак турлари** (Имме маълумоти бўйича):  
 А – очик гумбак (яйдоқчиларники); Б – ёпиқ гумбак (капалакники);  
 В – яширин (сохта) гумбак (пашшаники).

Бошқа ҳашаротларда эса жинсий аъзоларнинг маҳсулотлари қўшимча озиқлангандан кейин етилади (тунлам капалаклари, пардақанотлилар ва б.). Бундай етук ҳашаротларнинг баъзи турлари (фитономус, қизилбошли шпанка ва б.) анча зарар келтиради.

Жинсий маҳсулотнинг етилиш даврида ҳашаротларнинг учиши кучаяди, бунда эркаклари урғочиларини қидириб топиб жуфтлашади. Учрашувлар турли хил сигналлар – товушлар (чириллашлар), қўркув (ранг), кимёвий воситалар (жалб қиласиган моддалар – жинсий атTRACTантлар ажратилиши) билан таъминланади. Бироз вақт ўтгач тухум қўйиш бошланади. Кўпгина ҳашаротлар кўплаб урчиш имконига эга бўлади ва серпуштлилиги билан ажралиб туради, масалан тунламларнинг урғочи капалаклари икки мингтагача тухум қўяди.

**Ҳашаротларнинг урчиши усуллари.** Ҳашаротлар ҳар хил усулда урчиди. Кўпчилиги тухум қўядиган мавжудод ҳисобланиб, қўйилган тухумларидан личинкалар чиқади. Айrim ҳашаротлар бошқача усулларда: тирик туғиш, партеногенез, педогенез ва полиэмбриония йўли билан ҳам кўпая олади.

**Тирик туққанида** муртакнинг эмбрионал ривожланиши она танаси ичида тугалланади, шу боисдан тухум ўрнига личинка ёки ғумбак қўяди. Тирик туғиши ўсимлик ширалари, баъзи сувараклар, кокцидлар, триплар, кўнғизлар ва пашшаларга хосдир.

**Партеногенез** ёки эркак зотсиз урчиш. Бу турдаги урчиш тухум қўядиган, тирик туғадиган ёки педогенез шаклида урчидиган ҳашаротлар орасида бўлиши мумкин. Бундай урчиш ниначи ва қандалалардан ташқари барча туркумга хос ҳашаротлар орасида топилган. Партеногенез турли шаклларда ифодаланади. Айrim ҳашаротларда оталанмаган тухумлардан фақат эркак зот (буни *арренотокия* дейилади), айримларида эса – ургочи зот (*телитокия*) ёки иккаласи ҳам (*амфитокия*) пайдо бўлиши мумкин. Партеногенез шартли, доимий ва даврий бўлиши мумкин. Айrim ҳашаротларга партеногенезнинг муайян шакллари хосдир. Масалан, асалари, айrim пардоқанотли ҳашаротлар, кокцид ва трипларда партеногенезнинг аренотокия кўриниши кузатилади, яъни оталанмаган тухумларидан фақат эркак зот учиб чиқади. Шираларда эса даврий партеногенез мавжуд, яъни мавсум мобайнида у фақат ургочи зот туғади, кузда эса аренотокия ёки амфитокия содир бўлиб, эркак ва ургочи зотлар пайдо бўлади. Урчиш оқибатида қўйилган тухумлар қишлиб кейинги йил бўғинини бошлиб беришади.

Ҳозирги кунда жорий этилаётган сунъий партеногенез усуллари қишлоқ хўжалик амалиётида катта аҳамият касб этмоқда. Бунда фойдали ҳашаротлар – энтомофаглар (ургочилиари) ҳамда ипак куртининг эркак зот капалакларини кўпайтириш имкони яратилади (эркак капалакнинг пилласи ургочисиникига нисбатан йирик ва қимматли бўлади). Шунингдек,

зарарли турларга қарши генетик усул асосида ҳам кураш олиб бориш мумкин.

*Педогенез ёки болаликдаги урчиши* личинка фазасида күпайышдан ибораттир. Бунда личинка тухумдонидаги тухум партеногенетик равишда ривожланиб, улардан личинкалар пайдо бўлади, у она личинка танасини еб ташқарига чиқади, янги бўғин личинкалари ўз навбатида педогенетик усулда ривожланади ва икки жинсли бўғин пайдо бўлгунича шу тартибда кўпаяверади. Педогенез партеногенезнинг бир кўриниши ҳисобланади. У қўнғиз ва қандалаларнинг айrim турларида топилган.

*Полиэмбриония ёки қўп муртакли қўпайиши* ўзига хос равишда тухум фазасида урчишдан иборат бўлиб, баъзи паразит пардақанотлиларга ва еллигичсимон қанотлиларга тааллуклидир. Полиэмбриония рўй берганда хўжайин тана-сига қўйилган тухум мураккаб жараёнлар йўли билан жуда майдаланиб кетади ва уларнинг ҳар қайсисида личинка ҳосил бўлади. Бу хилда қўпайиш паразит ҳашарот учун фойдали бўлиб, онанинг тирик моддасини кам сарфлаган ҳолда, турсонини жуда қўпайтиришга имкон беради.

Асосий жинсий вазифани адо этганидан кейин ҳашарот ўлади. Тухумлик фазасидан етук зотлик фазасигача давом этган ривожланиш доирасини бўғин ёки генерация дейилади (бунда ҳашарот урчиш қобилиятига эга бўлади).

Ҳашарот йил мобайнида бир неча мартараб бўғин бериши мумкин. Масалан, ғўза шираси ўсув даврида 20 тагача бўғин берса, ғўза тунлами уч-беш марта, фитономус эса бир марта бўғин беради. Чертмакчи қўнғизлар эса уч-беш йил мобайнида бир марта бўғин беради, асосий вақт личинкалик фазаси-нинг ривожланишига кетади. Кузда салқин тушиши билан ҳашаротлар қишлоғга тайёргарлик кўра бошлайди. Бунда муҳитнинг гигротермик шароити, шунингдек озиқанинг биокимёвий сифат таркиби муҳим аҳамиятга эга бўлади. Бу нарса заараркундаларнинг ривожланишини узоқ муддатга мўлжаллаб башарот қилишда асос қилиб олинади.

Ҳашаротлар ҳар хил шароитда қишлиайди, улар тупроқда, пўстлоқ остида, органик қолдиқлар тагида ва ҳоказо жойларда қишлоғининг ноқулай шароитига олдиндан тайёргарлик кўриб, ундан ҳимояланади. Айни вақтда ҳар қайси тур муайян жойда қишлиайди. Ҳашаротлар ривожланишнинг турли фазаларида қишилаб чиқади. Чунончи, ғўза тунлами фақат ғумбак шаклида, ўсимлик ширалари тухум ҳолида, хонқизи қўнғиз ҳолида қишлиайди ва ҳоказо.

Бир неча йиллик ривожланиш доирасига эга ҳашаротлар одатда турли хил фазаларда қишлиайди. Масалан, бузоқ бош қўнғиз ва чертмакчиларнинг айрим турлари ҳам личинка, ҳам қўнғиз ҳолида қишилаб чиқади. Бўғин бериш сонини, уларнинг ривожланиш муддатларини, турнинг озиқланиши ва қишлиаш усуулларини билиш назарий жиҳатдангина эмас, балки амалий жиҳатдан ҳам катта аҳамиятга эгадир, чунки заарли организмларга қарши ҳимоя чораларини кўришда айнан шуларга асосланилади.

*Ҳашаротларнинг озиқланиши.* Озиқланишига караб ҳашаротларни бир хил ўсимлик ёки ҳайвонот озиғи (ўсимлик ёки ҳайвоннинг бир турини) ейдиган **монофагларга** ҳамда ҳаммахўр – **полифагларга** бўлиш мумкин. Монофагларга фитономус, тут одимчиси, стеторус кабилар, полифагларга – турли хил озиқа билан озиқлана оладиган ғўза тунлами, кузги тунлам, олтинкўзлар мисол бўлади. Битта ботаник оиласга мансуб ўсимликлар билан озиқланадиган ҳашаротлар **олигофагларга** киритилади (гулхайри куяси, полиз хонқизи ва бошқалар).

Ҳаммахўр ҳашаротлар ҳар хил озиқа билан озиқлана олишига қарамай, хуш кўрадиган озиғи бўлади, ана шу озиқа ҳашарот турининг ҳаёт фаолиятини ҳам оширади. Фақат ўсимлик озиғи билан озиқланадиган ҳашаротлар **фитофаглар**, ҳайвонот озиғи билангина озиқланадиганлар **зоофаглар** дейилади. Парчаланишдан ҳосил бўлган моддалар билан озиқланувчилар **сапрофаглар**, ўлимтиклар билан озиқланадиганлар **некрофаглар** ва гўнг билан озиқланадиганлар **капро-**

**фаглар** деб аталади.

**Диапауза.** Нокулай шароит (паст ёки юқори ҳарорат, қурғоқчилік, озиқа етишмаслиги) оқибатида ҳашаротларнинг кўп турлари ривожланишдан тўхтайди, ушбу ҳолат диапауза дейилади. Диапауза вақтида ҳашарот қимирламайди ёки кам ҳаракат қиласи, озиқланмайди, модда алмашиниш жараёнлари кескин даражада сусаяди ва сифат жиҳатидан ўзгаради. Диапауза рўй бергандা ҳашаротларнинг ҳаёти организмда тўпланган озиқа моддалар ҳисобига давом этади, нафас олиш ҳаво кислородисиз кечади, чунки озиқа моддалар ҳужайраларнинг махсус ферментлари воситасида оксидланиб туради. Буларга боғлиқ равишида диапаузадаги ҳашарот совуққа ва бошқа нокулай шароитларга бардош бера олади. Ҳашаротлар ривожланишнинг барча фазаларида (лекин шу тур учун бир хил фазада) диапаузага кириши мумкин. Ҳашаротлардаги диапауза нокулай шароитларга мослашиш жараёнида вужудга келган бўлиб, наслдан-наслга ўтади. Ривожланиш учун қулай шароит юзага келиши билан диапауза тўхтайди.

### **Каналарнинг ҳаёти**

Ҳашаротлардагидек каналар ҳам индивидуал ривожланишда эмбрионал (муртак) ва постэмбрионал (муртакдан кейинги) ривожланиш даврларини кечиради. Каналарнинг тухуми кўпинча овал ёки юмалоқ шаклда бўлади. Тухумининг ривожланиши кўп жиҳатдан ҳашарот тухумлариникига ўхшайди. Каналарнинг постэмбрионал ривожланиши метаморфоз ҳолида кечади. Кана личинкасининг уч жуфт оёғи бор. Тўртинчи жуфт оёқ бўлмаганидан личинкаларда гистеросома суст ривожланган, кўпинча ташқи жинсий бошланғичлар чала ривожланган, сезув аъзолари соддалашган бўлади. Кананинг личинкалари ва етук зотлари танани қоплаган қилчаларнинг жойланиши ва уларнинг сонига қараб ҳам ажратилади.

Личинка босқичидан кейин кана икки нимфал даврни – нимфа ва дейтонимфани кечиради. Бу даврда шакли етук канага ўхласада, нимфаларнинг ташқи жинсий аппарати

бошланғич ҳолатда бўлади.

Озиқ-овқат заҳираларида яшайдиган акароид каналарнинг баъзи вакилларида нимфа ва дейтонимфа даврлари оралиғида гипопиал (гипопус) даври ҳам кузатилади, у соддалашган ҳазм қилиш тизими ва оғиз аппара-тига эга. Бу давр кана турининг тарқалиши ва ноқулай шароитга бардош бериши учун хизмат қилади. Тинч ҳолатдаги гипопусларда оёқлар чала ривожланган, сезги органлари соддалашган бўлади, тери устки қоплами зичлашади ва сариқ ёки қўнғир тус олади. Тинч ҳолатдаги (уйқуга кирган) гипопуслар анча узоқ (бир неча йилгача) қимирамай ётиши мумкин. Бу вақт давомида улар бундан олдинги нимфалик даврида тўплаган моддалар ҳисобига тирик қолади. Қулай шароит юзага келганда кананинг ҳаёти нормаллашади, гипопуслик даври тугалланади.

Каналар ҳашаротлар каби туллайди. Охирги марта туллаганидан кейин урчишга қодир бўлади. Баъзи турлари бу даврда ҳам қўшимча озиқланишга муҳтоҷ бўлади. Ҳарорат ва ҳавонинг намлиги кана ҳаётининг қанчалик давом этишига катта таъсир қўрсатади, шу билан бирга оптимум доираси ҳар хил турлар учун анча тафовутли бўлиши мумкин. Каналар йил мобайнида ўн беш ва ундан кўпроқ бўғин бера олади. Каналарнинг қўпчилигига жойдан-жойга кўчиш тезлиги унча юқори эмас, шу боисдан улар суст равишда – ўргимчак ипи, гипопус давр воситасида тарқалишга мослашган. Озиқланиш жиҳатидан каналар ҳар хил ҳайвонларнинг паразити ва йиртқичи бўлиши мумкин. Каналарнинг экинларга зарар келтирадиган турлари ҳам кўп. Ўзбекистонда яшовчи фитосейулюс канаси иссиқхоналардаги ўргимчакканага қарши курашда қўлланилади. Каналар айrim жинсли мавжудодлардир, аммо айrim турларида тухум уруғланмасдан ривожланади, бундай тухумлардан кўпинча эркак кана чиқади, бу эса партеногенез ҳолида қўпайишнинг бир тури ҳисобланади (арренотокия). Кананинг сони акарифаглар таъсирида кескин камайиб кетиши мумкин. Булардан айниқса, кокцинеллид қўнғизлари ва личинкалари (стеторус), олтинкўз личинкалари,

канахўр трипс, қандалалар ва йиртқич каналарнинг аҳамияти каттадир.

## 5-боб. ҲАШАРОТЛАРНИНГ ЭКОЛОГИЯСИ

Ҳашаротлар ҳам табиатнинг бир қисми бўлиб, у билан ўзаро мустаҳкам боғланиб туради. Организмнинг ташқи муҳит билан ўзаро боғланishiни экология фани ўрганади («экос» сўзи грекчасига муҳит, «логос» фан демакдир).

Ҳашаротлар *биоценоз* таркибига, яъни бирор чегараланган майдонда яшовчи тирик ўсимлик ва ҳайвон организмлари мажмуасига киради. Биоценоздаги организмлар ўзаро мустаҳкам боғланган ҳолда, бир-бирига катта таъсир кўрсатади. Бундан ташқари, ҳашаротлар жонсиз (абиотик) табиат таъсирида бўлади. Ҳашаротлар ҳаётига одам ҳам таъсир қилади (антропоген омил) одамзот таъсирида вужудга келган биоценоз агробиоценоз деб аталади. Биоценоз ўсимлик ва ҳайвонлар мажмуаси яшайдиган бир хил тупроқ ва иқлим шароитига эга бўлган майдоннинг ҳар қайси *биотопи* учун хосдир. Экин экилган дала, бедапоя, олмазор, ўтлоқ ва ҳоказолар *биотоп* ҳисобланади.

Бошқа фанлар сингари энтомологияда ҳам стация термини ишлатилади. *Стация* дейилганда муайян ҳашарот турининг мавсумда учрайдиган барча жойлари тушунилади. Бу жойлар онтогенезнинг турли даврларида ёки ҳар хил генерацияларда турли хил биотопларга ўтиши мумкин. Масалан, кузги тунламнинг баҳорги популяцияси ғўзанинг шоналаш давригача давом этади. Бу зааркунанданинг бошқа бўғинлари бўлак экинларда ва бегона ўтларда ўтади, яъни генерациялар бўйича стациялар алмашиб туради. Турли ширалар, қандалалар ва бошқа баъзи зааркундаларда ҳам худди шундай манзара кўзга ташланади.

Ҳашаротларга ҳарорат, намлик ва ёруғлик жиддий таъсир этади. Ҳашаротларнинг тана ҳарорати теварак муҳит ҳароратига қараб доим ўзгариб туради. Кўпчилик ҳашаротлар

ҳарорат  $10^{\circ}$  дан  $40^{\circ}$  гача бўлганда фаоллашади, ҳарорат  $20\text{-}30^{\circ}$  га етганда уларнинг ҳаёт фаолияти жуда кучаяди. Ҳарорат пасайганда ҳашаротларнинг фаоллиги ва ҳаётий жараёнлари сусаяди. Ҳар қайси тур учун ҳароратнинг чекланган пастки ва юқориги кўрсаткичлари бўлиб, ундан ташқарида ҳашаротлар ривожланимайди. Ҳар бир ҳашарот тури нормал ривожланиш учун муайян самарали ҳарорат йифиндисини тўплаши зарур, у ўртacha бир кеча-кундузлик ҳароратдан пастки чекланишни чегаралаш йўли билан топилади. Мазкур кўрсаткич ғўзанинг асосий зааркунданалари учун ҳисоблаб чиқилган. Ғўза тунламида ҳар қайси бўғиннинг ривожланиши учун зарур самарали ҳарорат йифиндиси  $550^{\circ}$  га (пастки чекланиши  $11^{\circ}$ ) тенг. Масалан, ҳавонинг ўртacha бир кеча-кундузлик ҳарорати  $27^{\circ}$  га тенг бўлса, ундан  $11^{\circ}$  ни олиб ташлаб самарали ҳарорат йифиндисини аниқлаш мумкин ( $27\text{-}11=16^{\circ}$ ).

Ҳашаротларнинг ривожланиш тезлиги ҳарорат шароитларига боғлиқ ва у онтогенезнинг ҳамма фазаларига тааллуқлидир. Энг мақбул ҳарорат қанчалик юқори бўлса, ҳашаротларнинг ривожланиши учун шунча кам миқдорда кун талаб қилинади ва аксинча. Масалан, ғўза тунламининг эмбрионал ривожланиши ҳарорат  $22^{\circ}$  га етганда беш-олти кунда,  $29^{\circ}$  да эса уч-тўрт кунда тугалланади. Ҳарорат шароитлари кўпинча ҳашаротнинг йил давомида неча марта бўғин беришини белгилайди. Масалан, ғўза тунлами Ўзбекистоннинг жанубида тўрт-беш бўғин беради, шимолий минтақада – уч-тўрт марта, Россиянинг қора тупроқли минтақаларида эса икки марта урчиди холос.

Ҳашаротларнинг паст ҳароратга бардош бериш даражаси хужайра протоплазмасининг сув билан тўйинганлигига боғлиқ. Бинобарин, протоплазма совуганида сувни йўқотса ва тирик модда коллоидларида қайтмас ўзгаришлар юз берса, организм ҳалок бўлади. Совуққа бардош бериш организмнинг ҳолатига ҳамда ҳавонинг қанчалик тез совушига боғлиқ. Захира ёғнинг мавжудлиги ва эркин сувнинг кам бўлиши ҳашаротнинг совуққа бардошлигини оширади. Масалан, ёғи

кўп ва сув миқдори оз бўлган кузги тунлам қурти  $-8\text{--}10^{\circ}$  совуқда ҳалок бўлади. Ёғи суст ривожланган, эркин сув эса кўпроқ бўлганида  $-5\text{--}6^{\circ}$  да ўлади. Ҳаво ҳарорати тез эмас, балки аста-секин пасайганда ривожланган ҳашарот совуқقا жуда яхши бардош беради. Қишда қор қоплами тупроқнинг қаттиқ совиб кетишидан ва ҳашаротнинг кескин ўзгаришидан сақлайди, шу боисдан тупроқ ичидаги унинг бетида яшайдиган ҳашаротлар қишини яхши ўтказади. Ҳарорат кескин ўзгариб турадиган қорсиз қиши эса, аксинча салбий таъсир кўрсатади.

Яшаш муҳитининг намлиги ҳам ҳашаротнинг ривожланишига катта таъсир қиласи. Намсевар, қурғоқчиликка чидамли ва намликни ўртача талаб қиласидан ҳашаротлар бор. Намсевар ҳашаротлар, кўпинча тупроқда ва сувда, қурғоқчиликка чидамлилари (масалан, қора қўнғизларнинг баъзи турлари) чўлларда ва ҳатто барча ўсимлик куриб кетган ярим чўлларда ҳам яшайверади. Ёруғ куннинг узунлиги ва қуёш радиацияси ҳашаротларга маълум даражада таъсир қиласи. Кўпгина ҳашаротларнинг ҳаёти маълум даражада тупроқ билан боғлиқ бўлганлиги сабабли улар тупроқ турига, унинг физик-кимёвий таркибига, намлиги ва органик моддалар миқдорига талабчан бўлади. Кузги тунлам енгил тупроқни ёқтириб, оғирсоз тупроқдан қочади; чигирткалар эса аксинча, тухумларини ҳайдалган ерлардан узокроқдаги ташландик адирларга кўяди. Заараркунандаларнинг ривожланишига қарши катор агротехник тадбирлар амалга оширилганда шуларга жиддий эътибор берилади.

Ҳашаротларнинг ўсимликлар билан ўзаро боғланиши уларга зарар етказиши билангина чекланмайди, кўпинча ҳашаротлар ўсимликлар ҳаётида муҳим аҳамият касб этади. Уруғлик беданинг дуккаклари ҳосил бўлишини гулларни чангловчи ҳашаротларсиз тасаввур этиб бўлмайди. Ҳашаротларнинг ўзаро ва бошқа биоценоз ҳайвонлари билан хилма-хил муносабатда бўлишини қўйидаги асосий турархлар билан ифодалаш мумкин (Яхонтов).

**Симбиоз** – биргаликда бир-бирига ёрдам береб яшаш (чумолилар, ўсимлик ширалари ва бошқалар).

**Комменсализм ёки текинхўрлик** – бир ҳашаротнинг фойда келтирганинг ҳолда, бошқа турнинг озиқа заҳираси хисобига бирга яшаси.

**Паразитизм** – битта «бирга яшовчининг» бошқасига ташланиши билан тавсифланади, бунда хўжайин деб аталаған ўлжа секин-аста ҳалок бўлади. Ўз хўжайини хисобига хўжайин танасининг ташқи томонидан озиқланувчи паразитлар **эктопаразитлар** ёки ташқи паразитлар дейилади (чивин, кўрпа-ёстиқ қандалалари, бургалар, ҳашаротларда паразитлик қиласиган пардақанотлилар ва б.). Хўжайин танасининг ичидаги яшовчи паразитларни **эндопаразитлар** ёки ички паразитлар дейилади. Гельминтлар (юмaloқ чувалчанглар), ҳайвон ва ҳашаротлар ҳамда ўсимликлар ичидаги текинхўрлик қиласиган пардақанотли ҳашаротлар туркумининг кўп вакиллари ички паразитларга мисол бўла олади (14-расм). Бирламчи паразитларниң иккиламчи паразитлари бўлиши мумкин, улар устами паразитлар дейилади. Паразит ҳашаротлар ўз ўлжасига унинг барча фазаларида (тухум, личинка, ғумбак ва етук зот) хужум қилиши мумкин.



14-расм. Эндопаразитдан ўлган етук ғўза тунламиининг қурти.

Паразитлар бир хил нарса ейдиган (яккахўр) ва ҳаммахўр бўлиши мумкин. Кенг тарқалган ва амалий аҳамиятга эга бўлган паразитлардан яйдоқчилар маълумдир (трихограмма, бракон ва б.). Улар пардақанотли ҳашаротлар туркумiga мансубдир. Бу паразитлар ўз хўжайинининг танасига миниб олиб терисини тешиб тухум қўяди.

**Йиртқичлик** паразитлиқдан шу жиҳатдан фарқ қиласиди, бунда йиртқич хужум килиши билан ўлжа тез орада ҳалок бўлади. Заараркунандаларга қушлар, қир сичқони, ҳашаротлар ва бошқалар хужум қиласиди (15-расм). Йиртқич ҳашаротлар кўп ҳолларда ўз турининг вакиллариға хужум қилмайди, аммо баъзилари ўз қариндошларини ҳам еб қўяди. Бундай ҳодиса **каннибализм** дейилади. Каннибализм ҳодисаси баъзи ўсимликхўр турларда (масалан, ғўза тунлами) ҳамда олтинкўз личинкаларида ҳам содир бўлади.



15-расм. Карам  
капалагини  
еяётган ниначи

**«Кулдорлик»** бирга яшашнинг бир кўриниши бўлиб, бу ҳодиса фақат чумолиларнинг баъзи турларида учрайди. Бунда улар бегона чумоли инидан личинка ва ғумбакларни тутиб олиб, бу личинка ва ғумбаклардан етук ишчи чумолилар

ўстирадилар, булар кейин ин «аҳолисини» кўпайтириб шу ин ишчилари билан биргалиқда ишлайдилар.

Айрим турлар ўртасида озиқ-овқат ва шароит учун «ракобат» рўй беради. У кўпинча биотопдаги биоценоз аъзолари ўртасида кузатилади. Ракобат килувчилар қанчалик тифиз бўлса, у шу қадар кучаяди. Айрим турлар ичида турнинг атрофга тарқалишида рақобат содир бўлади. Масалан, жуда кўпайиб кетиб озиқа етишмай қолганда ўсимлик ширалари орасида тарқалиш учун қанотлилари пайдо бўлади.

Шу тариқа ҳашаротлар билан ташқи муҳит ўртасидаги алоқалар хилма-хил кўринишда амалга ошади. Уларнинг теварак муҳиттга мослашиш даражаси, кушандалардан ҳимояланиш усули ёки ўлжасига ҳужум қилиши бунга яққол мисол бўла олади.

Ҳимояланишнинг икки хил усули мавжуд: суст ва фаол. Суст ҳимояланишга тана рангининг мослашиш ёки ташқи шаклини бирорта ундан «зўрроқ» кушандада йиртқичга ўхшатиши мисол бўлади. Ранг жиҳатидан ҳимояланган ҳашаротни у яшайдиган муҳитдан ажратиш қийин бўлади. Ранг ва шакл жиҳатидан бошқа яхши ҳимояланган (захарли, чақадиган) ҳашарот турларига ўхшашлик ҳодисасини «мимикрия» дейилади. Фаол ҳимояланишга чақадиган найзасидан фойдаланиши киритиш мумкин. Кўпчилик пардақанотлиларда шундай ҳимояланиш воситалари мавжуд. Найза ёрдамида бошқа организмга заҳарли без моддаси юборилади. Айрим ҳашаротлар тери ва анал безларидан қўланса ҳидли модда ажратишади, бошқалари эса ҳимояланиш мақсадида кемира-диган оғиз жағларидан фойдаланишади. Хатарли ҳолат юз берганда ҳашарот ўзини «жонсиз» бўлиб қолгандек қилиб кўрсатиши ҳам фаол ҳимояланиш турига киради. Баъзи ҳашаротлар хатарли ҳолатдан ўзини ҳимоялаш мақсадида «қўрқитув» ҳолатга киради, кушандасига одатдан ташқари, ҳужум қиладигандек қаппайиб, қўрқитиб туриб олади. Бундай қўрқитадиган ҳашаротларда баъзан «қўрқитувчи ранг» ҳам бўлади, уларнинг таналаридаги ялтироқ ранги йирик доғлар

ва ялтироқ йўллар дарҳол кўзга ташланиб туради.

Ҳашаротларнинг ўз куртлари учун ўргимчакли иплар тўқиб турли хил ҳимояловчи мосламалар ҳосил қилиши ҳам (олма куяси) ўз-ўзини ҳимоялашга киради. Анжир парвонаси, ипак қурти каби ҳашаротлар ғумбакланиш олдидан пилла ясами ҳам фаол сақланишга киради. Баъзи тунламларнинг куртлари ғумбакланиш олдидан кесакчалардан мустаҳкам беланчак ясади. Карадрина капалаклари эса ўз тухумларини қорин қипиғи билан ёпиб, энтомофагларга сезилмайдиган қилиб кўяди.

### **Фенология**

Ҳашаротлар ва теварак муҳит ўртасидаги боғлиқликларда муайян қонуният мавжуддир. Унга асосланган ҳолда ўсимликларни зааркунандалардан ҳимоя қилиш тадбирлари ва уларни ўтказиш муддатлари белгилаб олинади. Бу айниқса яширин равишда ҳаёт кечирадиган ҳашарот турларига қарши кураш олиб боришда жуда муҳимдир.

**Фенология** табиатдаги мавсумий ҳодисаларни ва уларнинг ўзаро боғланишларини ўрганадиган фандир. Фенологик кузатувда ҳашаротларнинг ривожланиши (фазалари бўйича) тақвийм муддатларга боғлаб олиб борилади. Фенологик кузатишлиар ўтказиш йўли билан ҳашаротлар ва муайян турдаги ўсимликларнинг пайдо бўлиш муддатлари ҳамда уларнинг ривожланиш фазалари белгиланади. Бунда йил шароити ва одамнинг фаолияти ҳам катта аҳамиятга эга. Табиатда энтомофагларнинг яшами ва урчиши хўжайн-ҳашаротларнинг мавжудлигига боғлик. Айрим ҳашарот турлари йилнинг маълум вақтида, уларнинг муайян ривожланиш даврларида пайдо бўлади, аммо турли йилларда ҳатто бир жойнинг ўзида ҳам уларнинг пайдо бўлиш муддатлари доим бир хил бўлавермайди. Зааркунандаларнинг қўпайиб кетишига йўл қўймаслик ёки ҳимоя тадбирларини ўз вақтида уюштиришда фенологик кузатиш натижалари катта ёрдам беради. Фенологик маълумотларга кўра зааркунандаларнинг ёппасига урчиш

вақтини олдиндан аниқлаш мумкин. Масалан, ёғингарчи-лик кўп бўлган ва баҳор сернам келганда акация ва полиз шира-лари қўпайиб кетишини амалиётчилар яхши билишади. Ғўзага эса шоналаш пайтидан бошлаб тунламлар хуруж қиласди.

### **Иккиламчи биоценознинг (агробиоценознинг) ташкилланиши ва зааркунандаларнинг ёппасига урчиш сабаблари**

Янги ерларни ўзлаштириш жараёнида янги жониворлар (жумладан, зааррлилари ҳам) вужудга келади. Экин экиш учун ерларга ишлов беришда янги (иккиламчи) биоценозлар ҳосил бўлиши учун шароит яратилади. Шу билан бирга, одам томонидан табиат ўзгартирилиши туфайли ҳар қандай биоценотик мажмууда айрим турларнинг ривожланиши учун қулай ва бошқалари учун эса ҳалокатли шароит вужудга келади. Турлар ўртасида янги миқдорий нисбатлар ҳосил бўлади, озиқланиш алоқалари қайта ўзгаради ва организмнинг шу ўзгарган муҳитда яшаши учун мослашуви юзага келади.

Ерни ҳайдаш, бороналаш, суғориш, унга органик-минерал ўғитлар солиши, ботқоқликларни йўқотиш, шўр ювиш ва бошка тадбирлар натижасида тупроқ шароити бутунлай ўзгаради, ҳашаротларнинг кўп турлари яшайдиган бегона ўтлар бутунлай йўқолади. Бўз ерларни ҳайдаш, ўрмонлар барпо қилиш, гидроиншоотлар қуриш ва тупроқ мелиорацияси микроиқлими анча ўзгартиради. Ўзлаштиришдан олдин яшаган ҳашаротлар эндиликда одам томонидан экиладиган ёки ўтқазиладиган ўсимликларда ривожланиши мумкин. Ўз навбатида йиртқичлар ва паразитлар учун ҳам қулай шароит вужудга келади. Иккиламчи биоценоз *агробиоценоз* деб ҳам аталади.

Бинобарин, Ўзбекистоннинг Мирзачўл шароитида, жумладан Сирдарё вилоятида бўз ерлар ўзлаштирилиши муносабати билан энтомофауналарнинг сонида ҳам анча ўзгаришлар рўй берган эди. Масалан, тухумларини зичлашган, айниқса чимзор тупроқларга қўядиган чигирткаларнинг (отбосар ва марокаш чигирткалари) баъзилари йўқолди. Кўриқ ерлар


ҳайдалиб, сугорила бошлаганидан кейин қир чумолиларининг сони кескин пасайди. Ерларни ҳайдаш симқуртлар учун ҳам нокулай шароит яратади, чунки юмшоқ тупроқларда уларнинг ҳаракати қийинлашади, уларни йиртқич қўнғизлар кўплаб киради. Иккинчи томондан, ўзлаштирилган ерлардаги экинларда янги зааркунандалар анча кўпайиши мумкин. Масалан, ўзлаштирилган Мирзачўл ерларида ғўза тунлами, кузги тунлам, ўсимлик ширалари каби зааркунандаларнинг нуфузи ошди. Р.А. Олимжоновнинг маълумотларига кўра, янги ўзлаштирилган Қарши чўлида ўзлаштиришнинг дастлабки йилида ғўза шираларининг маҳаллий турлари бирданига кўпайиб кетган. Т.А. Қосимовнинг кўрсатишича, Қарши чўлларининг эски ўзлаштирилган ерларида 37 хил, ўзлаштирилмаган ерларда эса 60 хил плакча мўйловли қўнғизлар учрайди. Бунда, қўнғизларнинг камайиши асосан гўнг қўнғизлари ҳисобига амалга ошган. А. Сапарбековнинг маълумотига кўра, Бухоро вилоятидаги янгидан ўзлаштирилган ерларда бўз ерларга хос умуртқасиз жониворлар мавжуддир. Булар секинаста камайиб, эскидан ўзлаштирилган ерлар каби йўқ бўлиб кетадилар.

Туркманистоннинг Мурғоб воҳасининг иқлим шароити бошқалардан фарқ қиласидиган Қаахка ва Тежен туманларида 19 нуқтали Лихачёв қўнғизининг (*Bulaea lichatschovi* Humm) ғўза ва бошқа экинларга зарар етказиши 1968 йили муаллиф томонидан тасдиқланган (16-расм).

Зараркунанданинг ёппасига кўпайиб кетишига куз-қишки мавсумнинг қулай келиши ва ҳашаротнинг яхши қишлиб чиқ-қанлиги, шунингдек ўзлаштирилиши эвазига партов ерларнинг ҳар йили камайиши сабаб бўлган. Бунда ташландик ерлар камайганлиги туфайли зараркунанданинг личинкалари гуллари билан озиқланадиган ёввойи ўсимликлар (олабўта, шўрагуллар) анча камайган.

Деҳқончиликда қўлланиладиган турли агротехник тадбирлар ҳашаротларга турлича таъсир қиласиди. Масалан, ернинг чимқирқар плуг билан ҳайдалиши (шу мослама ишлатил-

магандагига қараганда) зааркундаларга жуда ҳалокатли таъсир этади, чунки тупроқда яшайдиган ҳашаротларнинг кўпчилиги ернинг 10-15 см ли қаватида бўлади.



16-расм. Лихачёв қўнғизлари ғўза баргини кемираяпти

Суғориладиган майдонларда суғориш муддатлари баъзи зааркундаларнинг урчиши учун катта аҳамиятга эгадир. Масалан, карадрина қуртлари ғумбакланишга киришган пайтда ғўза экилган далалар суғорилса, улар ёппасига кирилади. Тунда суғорилганида ҳам карадринанинг бир қисми йўқолади. Кузги тунламга қарши биологик усуlda кураш олиб борилганда суғориш яхши ёрдам беради. Суғорилгандан кейин зааркундандинг қуртлари кўплаб ер бетига чиқади ва уларни қушлар ҳамда кушандা ҳашаротлар еб қўяди. Ғўза тунлами эса эндиғина суғорилган далага тухум қўйишни хуш кўради, бунда вужудга келган гигротермик тартибот ҳашаротнинг ривожланиши учун қулай бўлади.

Экиш муддатлари ва ўсимликларнинг бир текис ривожланиши ҳам ҳашаротларга турлича таъсир қиласи. Чунончи, кеч экилган чигит кемирувчи тунламлардан кўплаб шикастланади, ҳатто бу зааркундалар яхши авж олмаган йилларда

ҳам экинлар кўплаб заарланиши мумкин. Экин майдонларининг четлари кўп ҳашаротлар учун муҳим аҳамият касб этади. Улар ғўза ниҳоллари пайдо бўлгунича шу жойларда тўпланади ёки ғўзада имкони бўлмаган ривожланиш фазаларини кечирадилар. Ўзбекистон шароитида далаларнинг тут дараҳтлари билан ўралганлиги аҳволни анча қийинлаштиради. Бу дараҳтлар ўсадиган сувли ариқ ёқаларини кўпинча бегона ўтлар босиб ётади.

Баҳорда дарё ва кўлларнинг тошишидан ботқоқланган, қамиш ўсиб ётадиган ерлар куритилиб экинзорларга айлантирилса, бундай ерларда тўқай чигирткаси кўпаймайди. Сув омборлари ва ҳар хил ирригация иншоотлари куриш ҳам ҳашаротлар ҳаётини ўзгартириб юбориши мумкин. Бунда безгак чивини, ниначи, ғўза тунлами ва бошқаларнинг намсевар турлари энг кўп ривожланади.

Айrim ийларда заарли ҳашаротлар тўсатдан ёппасига урчиб, қишлоқ хўжалигига катта заар етказади. Серпуштлик ва зааркунанда бўғинларининг юқори ҳаётchan бўлиши уларнинг ёппасига урчиб кўпайишини таъминлайди. Бунинг учун озиқа етарли, гигротермик шароитлар қулай, ҳашаротларнинг табиий кушандалари ва касалликлари камайган бўлиши шарт. Масалан, кузги тунламнинг серпуштлиги ёғ тўқимасининг қанчалик ривожланишига ва капалакларнинг озиқланишига боғлиқ. Капалакларнинг ҳар хил ўсимликларнинг нектари билан озиқланиши уларнинг серпуштлигини оширади.

Ҳосилни саклаш мақсадида пестицидларни назоратсиз ишлатавериш натижасида биоценоздаги турларнинг табиий нисбати анча бузилади. Агробиоценозларда фойдали ҳамда заарли турлар нисбати бузилиши оқибатида зааркунандалар тарқалган экин майдони кўпаяди, заҳарли препаратлар тобора кўп сарф қилинади, ҳайвонлар ва паррандалар заҳарланади. Бунда зааркунандалар билан бир қаторда фойдали ҳашаротлар (энтомофаг ва акарифаглар) ҳам қирилади ва заарли организмларнинг кўплаб урчиши учун шароит вужудга келади.

Шуни қайд этиш керакки, ҳозирги вақтда мавжуд препаралардан фарқ қиласынан янгиларини чиқариш борасида тинимсиз илмий тадқиқот ишлари олиб борилмоқда. Бу янги препаратлар зааркунандаларни күпроқ киради, аммо теварак мұхит, одам ва хайвонлар, шунингдек фойдалы бўғимоёқлилар учун унча хатарли бўлмайди.

Биоценоздаги айрим турларнинг нисбати факат заҳарли препаратлар таъсиридагина бузилади деб бўлмайди, албатта. Кўпгина агротехника тадбирлари, касалликларга чидамли, аммо зааркунандаларга кам чидамли янги навларнинг қўлланилиши, уларни зааркунандаларнинг серпуштли-лиги ва яшаш хусусиятларини ҳисобга олмаган ҳолда жойлаштирилиши, бу мавжудодларнинг ривожланиши ва кўпайиши учун жуда қулай шароитлар яратиб бериши мумкин. Табиатнинг ўзига хос қонуниятларини ҳисобга олган ҳолда уни оқилона бошқариш, зарарли ва фойдалы ҳашарот турлари ўртасидаги боғланишларни аниқлаш ўсимликларни ҳимоя қилиш ишини такомиллаштиришнинг муҳим шартидир. Ҳозирги вақтда ўсимликларни ҳимоя қилишнинг уйғунлаштирилган тизими амалиётда қўлланилмоқда. Бу тизимнинг мақсади энтомофагларни сақлаб қолган ҳолда агротехник, биологик, кимёвий ва бошқа усусларни биргаликда қўллаш йўли билан зааркунандаларнинг сонини (зичлигини) хўжалик учун безарар даражада сақлаб туришdir.

## ҚИШЛОҚ ХҮЖАЛИК ЭНТОМОЛОГИЯСИ

**1-боб. ҲАММАХҮР ЗАРАРКУНАНДАЛАР**  
(чиғирткалар, чертмакчилар, қора құнғизлар, термитлар)

Үрта Осиё иқлим шароитида ўсимликларга жуда күп ҳаммахүр (*полифаг*) зааркунандалар зарар еткәзади. Амалиётта фақат бир хил ўсимлик ёки маҳсулот билан озикланадиган (*монофаг*) ҳашарот турлари жуда кам (фитономус, тут парвонаси, узум филлоксераси ва б.). Бир оиласы мансуб ўсимликларни шикастлаши мүмкін бўлган ҳашаротларни (полиз қўнғизикакана, колорадо қўнғизи ва б.) ҳам учратиш мүмкін. Булар *олигофаг* дейилади. Кўпинча зааркунандалар у, ёки бу озуқани кўпроқ ёқтирасаларда, ҳар хил ўсимликларни ёки маҳсулотни шикастлаши мүмкін. Буларнинг ичидаги шундай ашаддийлари борки, улар жуда ҳам ҳаммахүр ҳисболованди. Қулай шароит вужудга келиб, кучли урчиганларида улар халқ ҳўжалигига катта шикаст етказиши мүмкін. Булардан энг асосийси тўғри қанотлилардир (чиғирткалар). Капалакларнинг ҳам жуда күп намуналари ҳаммахўрдир (тунламлар шулар жумласидандир). Баъзи йиллари яйлов парвонаси ҳам оммавий тусда кучли тарқаб кетиши мүмкін. Кўнғизлардан чертмакчилар ва қоракўнғиз, сўрувчи зааркунандалардан шира, ўргимчаккана, трипс, оққанот ва қалқондор, шунингдек шиликқуртлар ва кемиравчич ҳайвонлар ҳам (юмонқозик, каламуш ва сичқонлар) ҳаммахўрларга киритилади.

Мазкур бобда ҳаммахўр зааркунандалардан чиғирткалар, чертмакчилар, қора қўнғизлар ва термитлар тўғрисида маълумотлар келтирилган.

## Чигирткалар

Чигирткалар тўғри қанотлилар (*Orthoptera*) туркумига, чигирткалар (*Acrididae*) оиласига мансуб бўлиб, турлари жуда кўп. Ўрта Осиёда зарарли чигирткаларнинг тури 200 дан ошади. Аммо экинларга, жумладан ғалла ва ғўзага хавф туғдирадиган турлари кўп эмас. Улар ўзлаштирилаётган қўриқ ерларда энг кўп хавф туғдиради, уларнинг инлари ҳам шундай ерларда бўлади.

Ўзбекистонда чигирткаларга карши юқори самарали инсектицидлар ва самарали усуслар жорий қилиниб чигирткаларнинг асосий манбалари кучсизлантирилган. Аммо мазкур ҳашаротларнинг асосий уялари химоя чораларини ўтказиш учун нобоп қир ва тоғолди ерларда, дарё ва кўл қирғоқларида бўлганлиги сабабли, уларни узил-кесил йўқотиш имконияти бўлмайди ва зааркунанда уялари муайян даражада сакланиб қолади. Шунинг учун Ўзбекистонда ҳар йили 50-200 минг гектар ерга, зааркунанда кучли ривожланган йиллари эса 500 минг-1 млн. гектаргача ерга химоя ишловлари берилади.

Зааркунанда манбаларини ўз вактида йўқотишга қаратилган тадбирлар туфайли хозирги вақтда ҳар хил экинлар, жумладан ғўза ва донли экинларнинг кўплаб ҳосили нобуд бўлишдан асраб қолинмоқда. Шунга қарамай, баъзи йилларда чигирткаларнинг айрим турлари дехқончиликка жиддий зарар етказиши мумкин. Масалан, К. Қодировнинг (1971) маълумотларига кўра, 1970 йили пахта далаларига яқин қўриқ ерлардаги эфемер ўсимликлар қуриб кетганидан сўнг, Қарши чўли зааркундаларидан бири – сахро чигирткаси ғўза экилган далаларга зўр бериб ўта бошлаган. Баъзи жойларда чигиртканинг зичлиги ҳар  $m^2$  да 140 тага, шикастлаши 56,2% гача етган.

Чигирткага қарши курашда кимёвий ишлов бериш усулнинг ўзи кифоя қилмайди. Бунда чигирткалар урчиши, озиқланиши, тухум кўзачаларини қўйиши учун ноқулай шароитларни яратишга қаратилган агротехника ва мелиорация тадбирлари ҳам амалга оширилиши лозим.

Ш. Худанов (1998) ва Ф.А. Фоппоровларнинг (2002) кўрсатишича, Орол денгизи соҳилларида 41 та чигиртка турлари аниқланган. Уларнинг энг асосийлари кўйидагилар: тўда ҳосил қилувчи италия чигирткаси (*Calliptamus italicus* L.) ҳамда осиё чигирткаси (*Locusta migratoria migratoria* L.), шунингдек *C. barbarus cephata*, *Thrinchus turcmenus*, *Tetrix tartara*, *Heteractis adspersus* ва бошқалар. Тошкент, Сурхондарё ва Қашқадарё вилоятларига қарашли адир ва тоғолди ерларда чигирткаларнинг 38 та тури аниқланган. Булар ичидаги асосан марокаш чигирткасининг (*Dociostaurus maroccanus* Thunb.) аҳамияти катта бўлиб, у популяциянинг 75-87% ини ташкил қиласи. Сурхондарёнинг тоғли туманларида жойлашган чигирткаларнинг 1981 йилдан бўён ривожланиши ва умумий заарланган майдонлар 1-жадвалда кўрсатилган.

1-жадвал  
Сурхондарё вилоятида чигирткалар тарқалган майдон ва уларнинг  
зичлиги  
(Вилоят экспедицияси маълумоти бўйича)

Йиллар	Кишилаш даврида кўзачаларнинг зичлиги, дона/м <sup>2</sup>	Зарарланган майдон, га (25-30,04)	Марг охирида ўргача 1 кечакундузлик хаво ҳарорати, °C	Ҳавонинг нисбий намлиги, %	III-IV ойларда ёғингарчлик мисдори, мм
1981	0,2-30	44200	21,3	49,5	13,5
1982	2,22	105235	21,7	49,3	13,5
1985	0,2-5	73795	20,8	47,4	14,5
1987	0,1-2,5	18500	20,3	54,2	37,5
1989	0,2-3	18250	19,7	49,7	25,7
1991	1-4	21200	20,2	61,7	56,7
1994	1-25	90000	20,5	47,4	27,5
2000	0,1-0,5	262900	19,3	51,4	17,3
2004	0,1-0,3	169900	20,2	53,2	21,2
2005	0,2-1,7	375000	21,1	53,1	12,3
2006	0,7-6,3	455700	19,9	49,7	21,4
2008	1,5-11,2	575500	21,4	61,4	31,3
2010	7-21,4	625400	19,3	62,2	30,2
2011	2,2-16,3	439800	20,6	50,1	27,3
2012	0,7-8,2	285700	22,2	49,3	29,2

Жадвал маълумотларига кўра заарланган майдон 105 минг гектардан (1982 йил) 15 минггача (1990) ўзгариб туради, мос ҳолда зааркунанданинг зичлиги ҳам ўзгаради. Бунда зааркунанданинг 82-88% ини марокаш чигирткаси ташкил қилган. Чигирткаларнинг ҳамма турлари деярли бир хил ҳаёт кечиради. Кўпчилиги йилига бир марта урчиди, баъзилари масалан, Осиё чигирткасининг якка ҳолда яшайдиган фазаси икки марта бўғин беради. Ёзда жуфтлашганидан кейин, урғочи чигиртка ерда чуқурча ясаб, унга тухум қўяди. Айни вақтда ажратган кўпикли суюқлик чуқурчанинг ички деворига суйкалиб қотади ва кўзача ҳосил қиласди. Ҳар қайси турида кўзачанинг шакли, катталиги, тузилиши ва унга қўйиладиган тухум сони ўзига хос бўлади, бу эса кўзачаларга қараб чигиртканинг қайси турга мансублигини аниқлаш имконини беради.

Чигиртка асосан кўзачага қўйилган тухум шаклида қишилаб чиқади. Баҳорда (март-апрел) тухумлардан личинкалар чиқади. Личинкалари катта чигирткага ўхшайди, лекин кичик, қанотсиз ва бошқача рангда бўлади. Ўз ҳаёти давомида тўрт марта туллайди ва етук чигирткага айланади. Чигирткаларнинг ёшини аниқлашнинг аҳамияти муҳимдир. Чунки шунга қараб уларга қарши кураш ўтказиш муддатлари белгиланади. Ривожланиши ва бошланғич қанотларининг шаклига қараб личинкаларнинг ёшини аниқлаш мумкин. Кичик чигиртканинг ёши ошгансари танаси катталашади, кейинги оёқларининг сонлари чўзилади, мўйловларининг бўғимлар сони, қанотчаларининг катталиги ва жойланиши ўзгаради. Чигиртканинг личинкалик даври 25-45 кун давом этади. Қанот чиқаргач чигирткалар урчиди ва 10-15 кундан сўнг тухум қўйишга киришади. Тухум қўйиш бир-икки ойга чўзилади.

Чигирткаларнинг барчаси ҳаммахўр ҳисобланади. Личинкалари донли ва бошқа экинларни шикастлайди, етук чигирткалар эса барг, ёш шохлар ва ҳатто гул, шоналарни еб қўяди. Чигирткалар тўда бўлиб ёки битта-биттадан учади. Тўда бўлиб учадиганлари аввал тўда ҳосил қилиб олишади.


Личинкалардан иборат бундай түдалар қүёшли кунларда доимо силжиб туради. Улар ҳаво булут ва совук кунлари харакатланмайды. Личинкалар тунда ўсимликларда түпланади ва эрталаб қүёш ерни исита бошлаганда яна силжишни давом эттиради. Куннинг жазирама пайтларида силжишни тұхтатиб, иссиқ қайтганидан кейин яна силжий бошлайди. Личинкалар қанот пайдо қилиши билан тұда бўлиб учишади. Тұда бўлиб учмайдиган чигирткалар бир жойда яшайди. Улар шароит қулай бўлганида урчиди ва жуда ҳам кўпайиб кетиши мумкин.

Табиий кушандалар чигирткаларни камайтириб туради. Булар орасида малҳамчи шпанка қўнғизининг аҳамияти каттадир. Унинг личинкаси (триангулин) чигиртка кўзачаларида яшаб, уларнинг тухумлари билан озиқланади. Бундан ташқари, чигиртканинг тухум ва личинкаларида қизил кана текинхўрлик қилиши қайд этилган. Қир (сўна) пашибалари чигирткаларга нисбатан йиртқичлик қиласи. Биргаликда булар 20-30% гача чигирткаларни камайтириши мумкин. Айниқса қушлар чигирткаларни қириб уларнинг сонини камайтириб туради. Болалаш учун бизнинг мамлакатга учеб келаётган пушти майна галаси 2-3 соат мобайнида чигиртканинг тұда-тұда личинкаларини батамом йўқотишига қодир. Бу қушлар тоғолди ва тоғли туманларда қояларга ин қуради. Майна май ойида болалайди ва уларни боқиши учун ота-оналари чигиртка ташишади. Чигиртка урчидиган туманларда майналарни ҳар томонлама қўриқлаш муҳим аҳамиятга эгадир. Чигирткани пушти майнадан ташқари бошқа паррандалар ҳам йўқотади, лекин улар майнага нисбатан унча катта аҳамиятга эга эмас.

**Марокаш чигирткаси – *Docistaurus maroccanus* Thnb.**  
Кенг тарқалган ҳашарот ҳисобланади.

**Tашқи қўриниши.** Етук чигиртка сарғиш-кулранг, елкаси орқасининг ўртасигача чўзилган, ён чизиғи йўқ, уст томонида «Х» симон оқиши, ён томонида эса қора доғ қўриниб туради. Қанотлари қорин қисмининг кейинги томонига анча кирган, сакрайдиган орқа оёқ сонларида уттадан қора доғлар бор,

болдиrlари қызил, урғочисининг бўйи 30-42 мм, эркагиники 25-35 мм келади. Тухум кўзачасининг деворлари тупроқдан мустаҳкам ишланган, юқори томони қопқоқча билан беркитилган. Кўзачанинг узунлиги 24-50 мм, қалинлиги 4-6 мм келади. Кўзачанинг пастки ярмида 18 дан 42 тагача тухум тўрт қатор жойлашган, юқори қисми эса кўпиксимон оқ модда билан тўлдирилган. Чигиртканинг личинкаси бешта ёшлини кечиради. Биринчи ёшдаги личинка қўнғир-кора тусли бўлиб, бўйи 5-8 мм келади. Ёши катта бўлган сари ранги оқара бошлайди «Х» симон шакл эса аниқ кўринадиган бўлиб қолади (17-расм).



17-расм. Марокаш (I) ва Воҳа (II) (Италия) чигирткалари  
(Плотников маълумоти бўйича):

1 ва 2 - етук зот; 3-7 - турли ёшдаги личинкалари;  
8 – кўзачалари; 9 - эркак зоти.

**Ҳаёт кечириши.** Марокаш чигирткаси кўзачасини ўсимликлар сийрак ўсадиган қўриқ ерларга зич қилиб қўяди. Тухум қўйиши май охирида бошланиб, июн ойининг охири – июлнинг бошида тугалланади. Ташландик ерларга кўзачаларини шу қадар кўп қўядики, уларнинг сони ҳар 1 м<sup>2</sup> да 1000 тагача бориши мумкин, лекин кўпинча 10-100 таданга тўғри келади. Чигиртканинг личинкалари жанубий туманларда

апрелнинг бошида, шимолда эса апрел ўрталарида тухумдан чиқа бошлайди.

Тухумдан чиқкан личинкалар дастлаб унча катта бўлмаган тўдалар ҳосил қиласди. Кичик чигирткалар улғайган сари тарқалаверади ва тобора кўпроқ майдонни эгаллади. Тўртинчи ва бешинчи ёшдаги личинкалар, шунингдек қанот пайдо қилганлари айниқса тез тарқалади. Шу боис чигиртка личинкалари тўртинчи ёшга ўтмасдан ҳимоя чораларини ўтказиш зарур бўлади, бу даврда камроқ маблағ сарфланади.

Личинканинг ривожланиш даври 25-35 кунда тугалланиб, май ойининг биринчи ярмида қанот пайдо бўла бошлайди. Қанот чиқарганидан уч-беш кун ўтгач жуфтлашишга киришади. 15-20 кундан сўнг эса тухум қўя бошлайди. Кўпайиб кетган йиллари чигиртка тўдалари жуда узоқ масофаларга кўчиб ўтиши мумкин.

**Зарари.** Марокаш чигирткаси тўда бўлиб учадиган ҳашаротдир. Қийғос кўпайган йиллари унинг тўдалари катта хавф туғдиради, воҳаларга учиб келиб экинларга ёпирилади. Ғалладошлардан ташқари кўпгина бошқа экинларга ҳам, жумладан маккажўхори, оқжўхори, беда, сабзавот, полиз, ғўза ва бошқаларни шикастлаши мумкин.

**Осиё чигирткаси** – *Locusta migratoria migratoria* L. (кўчманчи, тўқай, қамишзорлар, ботқоқлик чигирткаси). Ўрта Осиё республикалари, Жанубий Қозогистон, Кавказ орти, Шаркий-Жанубий Европа, Кичик Осиё ва Мўғилистонда тарқалган. Тўда бўлиб ҳамда якка яшайдиган фазалари мавжуд.

**Ташқи кўриниши.** Тўда бўлиб учадиганларининг қанотлари йирик бўлади, ургочиси – 75 мм, эркаги – 70 мм келади. Ранги кулранг-яшил ва қўнғир кулранг бўлиб, елкасининг олдидаги қисмida ўткир ўсиқчаси бор, тўғри ёки букилиб турадиган бу ўсиқчасининг ёнидан иккита тўқ йўл ўтган. Қаноти устида кулранг майдо доғлар бор. Қанотлари тиник, кўкиш-сариқ, орқа оёғи сонининг ички томони кўкиш, болдиirlари эса оч-яшил, юқори жағи зангори тусли бўлади. Якка учадиган чигиртка кўпинча оч яшил ёки кулранг, елкасининг

олдинги қисмидаги ўсиги бўртиб чиққан, бу ердаги чизиклар билинар-билинмас ҳолда, кейинги оёклари қизил бўлади. Кўзачаси эгри ёки тўғри шаклда бўлиб, узунлиги 80 мм, қалинлиги 10 мм келади, жуда мўрт, қобиги юпқа, туси жигар ранг, кўзачанинг пастки қисми жигар ранг кўпиксимон модда билан тўлдирилган.

Осиё чигирткасининг личинкаси бешта ёшни кечиради. Тўда бўлиб яшайдиган чигиртканинг биринчи ёшдаги личинкаси деярли қора, ундан кейинги ёшлари эса оқара бошлайди. Елкасида ёnlари бўйлаб ўтган қора йўллари бор. Якка ривожланадиган чигиртканинг личинкалари кўкиш, кулранг, сарғиш ёки қорамтири, елка қисмida рангли йўли йўқлиги ва бу қисми букри бўлиши билан ажралиб туради.

**Ҳаёт кечириши.** Осиё чигирткаси кўзачаларини дарё ва кўл қирғоқларининг сийрак қамишзорларидағи юмшоқ тупроқларга (ҳатто ҳайдаладиган ерларга) кўяди. Ҳар 1 м<sup>2</sup> га 10-100 тадан ва кўпроқ кўзача жойлайди. Май ойининг биринчи ярмида тухумлардан личинкалар чиқади, уларнинг ривожланиши 40-45 кунга чўзилади. Июн ойида қанот чиқаради. Қанот пайдо бўлганидан 30-40 кун ўтгач (июл ўрталарида) тухум кўйишга киришади. Бу чигиртканинг тўда бўлиб хамда якка ҳолда яшайдиган фазалари мавжуд. Экинзорларда якка ҳолда учрайдиганлари катта зарап етказмайди.

Тўда бўлиб учадиган чигиртка йилига бир марта, якка учадигани эса икки марта бўғин беради. Биринчи бўғин личинкалари апрел ўрталарида пайдо бўлиб, май ойи ўрталарида қанот чиқаради ва июнда кўзача кўйишга киришади. 15-20 кундан сўнг тухумлардан иккинчи бўғин личинкалари чиқади, улар августда қанот пайдо қиласди, сентябрда эса тухум кўяди. Тухумлари баҳоргача қишлиб чиқади.

**Зарари.** Чигиртка асосан қамиш билан озиқланади, аммо ғўза, буғдой, арпа, маккажўхори, оқжўхори ва сули каби экинларни ҳам бемалол еяверади. Личинка тўдалари ва ёлғиз учиб юрадиган чигирткалар бир даладан иккинчи далага кўчиб ўтиб, экинларга катта зарап етказиши мумкин.


**Воҳа чигирткаси** – *Calliptamus italicus* L. (ҳавза чигирткаси, оддий уват чигирткаси, Италия чигирткаси). Бу зааркунанда Ўрта Осиё давлатларида, Қозоғистон, Кавказ, Ғарбий Сибир, Россиянинг жанубий-ғарби, Кичик Осиё, Эрон, Шимолий Афғонистон ҳамда Мўғилистоннинг шимолий-ғарбидаги тарқалган.

**Ташқи қўриниши.** Етук зоти тўқ қўнғирдан кулранг ёки сарғиш-кулрангтагача бўлади, устидан қараганда орқаси ясси, ўрта ўсиқни кесиб ўтадиган учта эгатчаси бор (17-расм). Остидан қараганда кўқрагининг олдинги қисмида ўсиқ (тикан) кўринади, қанотларининг таг томони пушти, сакрайдиган оёқларининг сони жуда йўғон, ички томони пушти, орқа оёқларининг болдирилари қизил ёки пушти рангда бўлади. Эркак чигиртканинг бўйи 14-23 мм, урғочилариники 26-38 мм келади. Тухум кўзачасининг бўйи 35 мм га боради, ўртаси эгилган, қоқ ўртасидан ўтган чоки уни икки қисмга бўлиб турди, пастки қисми тухум билан тўлган. Унинг девори юпқа, аммо мустаҳкам, унда 20-50 та тухум бўлади. Кўзачанинг юқори қисми юмшоқ бўлиб, қўнғир зайдун тусдаги кўпикли мoddадан иборатдир.

Личинка бешта ёшни ўтайди. Биринчи ёшида 5-6 мм, танаси тўқ кулранг, боши, елкаси ва сонларида оқиши доғлари бор, бошланғич қанотлари бўлмайди. Ундан кейинги ёшларида бир текис оч кулранг ёки оч кулранг-сарғиш бўлади, кўқрагининг олдинги қисмидаги ўсиқча равшан кўринади. Ривожланиш даврлари бошқа чигирткалардек бошланғич қанотчаларга қараб аниқланади.


**Ҳаёт кечириши.** Воҳа чигирткаси тухумли кўзачаларини кўпинча уватлар, дала, йўл чеккалари, ғўза экилган далалар орасидаги чимлар, партов, бўш ётган ерлар, қаровсиз қолган бедапоялар, токзорлар ва бўз ерларга қўяди. Тухумли кўзачаларнинг зичлиги ҳар  $1\text{ m}^2$  да 5-20 тадан 1600 тагача боради. Личинкалар апрел охирида чиқа бошлайди ва июн ойининг бошигача давом этади. Уларнинг ривожланиши 35-40 кун мобайнида тугалланади.

Чигиртка июн бошидан то июл ўрталаригача қанот чикаради. Тухумдан чиқсан личинкалар тўда бўлиб тўпланмайди, балки кичик гурухларга бўлинниб туради, аммо жуда кўпайиб кетганда тўдаларга тўпланишади. Учинчи ёшдан бошлаб личинкалар майдон бўйлаб ҳаракатлана бошлади. Шунинг учун уларга қарши курашни эрта бошлаш керак. Воҳа чигирткаси иилига бир бўғин беради. Чигирткаларнинг умумий мавсумий ривожланиши (доираси) 18-расмда келтирилган. Воҳа чигирткасининг йиллик ривожланиш даври 19-расмда тасвирланган.



18-расм. Чигирткаларнинг мавсумий ривожланиш доираси  
(А.В. Лачининский ва б. маълумоти бўйича):

1-урчиши; 2-учиб ўтиши; 3-ерга тухум қўйиши; 4-табиий ўлиши; 5-кўзачада қишлиб қолган тухумлари; 6-баҳорда личинкаларнинг очиб чиқиши; 7-11-турли ёшдаги личинкалар; 12-охирги туллаши.



19-расм. **Воҳа чигирткасининг йил мобайнида ривожланиш доираси** (Бей-Биенко маълумоти бўйича).

**Зарари.** Воҳа чигирткаси маданий экинларга ҳам кўп зарар етказиши мумкин бўлган турлардан ҳисобланади. Бу ҳашарот кўйидаги экинларни заарлаши мумкин: беда, дондук-каклилар, полиз экинлари, ерёнгоқ, қунгабоқар, қунжут, зифир, махсар, тамаки, эфир мойли экинлар, маккажӯхори, оқжӯхори, ғўза, буғдой, арпа, сули ва яйлов ўтлари. Бундан ташқари мазкур чигиртка ток новдалари, мевали дараҳтлар барглари, ёш новдалари, мева ва барг бандларини ҳам кемиради.

**Қир (турон) чигирткаси** – *Calliptamus turanicus* Tarb. Жанубий Қозогистон, Ўрта Осиёнинг фақат лалмикор туманлари, Афғонистоннинг шимоли ва Эроннинг шимолий-шарқида учрайди.

**Ташқи қўрининии.** Етук чигиртка воҳа чигирткасига жуда ўхшайди, лекин йирикроқ бўлиб, эркагининг бўйи 25-30 мм, ургочисиники 40-50 мм га боради.

Мазкур чигиртканинг ранги одатда тупроқсимон-кулранг, орқа оёғининг сонлари (ич томондан) қизгиш-кулранг ёки сариқ. Тухумли қўзачаси юқорида кўрсатилган турдагидек тузиленган, бўйи 50 мм га боради, 40-60 та тухуми бўлади,

кўпиксимон моддаси сарғиш тусда. Личинкалари воҳа чигирткаси личинкаларига ўхшайди, аммо йирикроқ. Личинкалари бешта ёшни кечиради.

**Хаёт кечириши.** Қир чигирткаси қўнғирбош ва қиёқ ўтлари сийрак ўсган бўз ерлар, тепаликлар, сой соҳиллари, ариқ ва йўл ёқалари, экин майдонлари атрофлари ҳамда хирмонларга тухумли кўзачалар қўяди. Кўзачалар зич жойлашмайди, лекин янтоқ ва оққулай ўсган ерларнинг ҳар 1 м<sup>2</sup> ида 100 тагача кўзача учрайди. Қир чигирткаси жуда кўпайиб кетган йилларда личинкалари тўдалар ҳосил қиласади. Қанот пайдо қилган чигиртка Осиё чигирткаси каби яхлит тўда бўлиб эмас, балки тарқоқ ҳолда тўда бўлиб учади. Куннинг иссиқ пайтида – соат 11 дан 16 гача учади. Мазкур чигиртка йилига бир марта бўғин беради.

**Зарари.** Ушбу чигиртка асосан лалми ерлардаги буғдой, арпа, сули, тариқ ва бошқа экинларга зарар етказади. Яйлов ўтларини қаттиқ шикастлайди, қанот пайдо қилиб экин майдонларига ҳам ёпирилади.

**Отбосар (мўйловли) чигирткаси,** (отбосар кобилкаси) – *Dociostaurus kraussi* Ingen. Ўрта Осиё, Жанубий Қозоғистон, Эрон, Шимолий Афғонистон ва Фарбий Покистон лалмикор ерларида учрайди. Асосан лалмикор экинлар зааркунандаси. Баъзан бошқа экинларни ҳам қаттиқ шикастлайди.

**Ташқи қўриниши.** Етук отбосар марокаш чигирткасига ўхшаш, аммо кичикроқ, қорамтири ёки тўқроқ қулранг доғли, елка ёнбошларида қора ялтироқ доғлари бор, елкаси бел қисмидан сиқилмаган. «Х» симон расми бор. Ургочиларининг орқа болдиrlари қизил, эркаклариники сариқ, катталиги 20-30 мм (урғочи зоти) ва 15-20 мм (эркаги). Ургочи бўлиб етишадиган личинкалар беш, эркакка айланадиганлари эса тўртта ёшни ўтади. Личинкалар дастлабки икки ёшида қулранг ёки жигар ранг, кейинги ёшларида эса оқишироқ бўлиб, доғлар пайдо бўлади. Тухум кўзачаларини қўнғирбош ўсимлиги сийрак ўсган ерларга кўпроқ жойлайди. Уларнинг зичлиги ҳар 1 м<sup>2</sup> майдонда 20-100 тагача етади (Олимжонов, 1977).

**Хаёт кечириши.** Отбосар личинкалари март охири – апрел ойининг бошларида пайдо бўлади, 20-25 кундан сўнг етук эркак зотлари, 3-5 кундан сўнг эса урғочилари қанот ёзади. Қанотланиш одатда апрелнинг учинчи 10 кунлигига бошланади ва 10-15 кунда тугалланади. Бир оз вақт ўтгач, чигирткалар жуфтлашади ва 8-10 кундан сўнг урғочилари тухум қўя бошлайди. Бу қўпинча майнинг биринчи ўн кунлигига тўғри келади. Қанотли чигирткалар июннинг охиригача яшashi мумкин. Бу даврда улар анча масофани босиб ўтади. Тухумлари эса қишлишга қолади.

**Шистоцерка (сахро) чигирткаси** – *Schistocerca gregaria* Forst. Африка ва қисман Осиёдаги сахро, чўл ва даштлар мазкур чигирткаларнинг доимий учрайдиган географик минтақалардир. Бу йирик ҳашаротнинг узунлиги 50-60 мм ни ташкил этади. Туси лимонсариқ. Олдинги кўкрагида ва олдинги оёқлари ўртасида чўкки ўсимта бор. Уст қанотларида майда доғлар бор.

Кўзачасини қумлокли ерларга қўяди. Унда 50-130 тагача тухум бўлади. Йилига икки бўғин беради. Ўрта Осиёга Афғонистон ва Эрондан апрел охиридан бошлаб июнга қадар учиб келади. У охирги марта 1929 йили мамлакатимизнинг жанубий чегараларига келиб экинларга катта зарар етказган.

**Сатрап чигирткаси** - *Sphingonotus satrapes* Sauss. Кавказ орти ва Ўрта Осиё республикаларида учрайди. У соз тупроқли даштларга хос вакилдир. Умумий ранги ним сариқ - жигар ранг, елкасида чуқур эгатчалар бор, елканинг орқа чети ажиндор ва нуқтали, уст қанотлари япалоқ, қалинлашган қанотлари тиниқ, бир оз сарғиш тусда. Янги ўзлаштирилган ерларда экинларга хавф туғдиради. Қашқадарё воҳасининг бўз ерларида ғўза ва бошқа экинларга шикаст етказиб туради (Кодиров, 1971).

**Саксовул чигирткаси** – *Dericorys alvidula* Sera. Ўзбекистон ва Туркманистанда учрайди. Сирдарёда 1982 йили мавжуд умумий чигирткаларнинг 7,9% ини ташкил этган. Вояга етган чигиртка деярли катта бўлиб, бўйи 50-60 мм ни

ташкил этади. Умумий туси кулранг, мўйлови ним сариқ, олд елкаси жуда тиҳсимон бўлиб қўтарилиган. Сакровчи оёқ болдири қисман эгилган, ички томони ним кўк рангда, уни қизил. Кўзачаларининг ичидаги 18-35 та тухум бўлиши мумкин. Личинкалар апрел-май ойларида чиқа бошлайди. Саксовул чигирткаси ҳаммахўр бўлсада, бутазорларда юлғун, саксовул, қандим ва бошқа ўсимликлар билан озиқланишни афзал кўради.

**Туркман чигирткаси** – *Ramburiella turcomana* F.W. Кенг тарқалган тур бўлиб, Россиянинг Европа қисми шарқий-жанубий минтақаларида, Кавказ орти, Қрим, Ўрта Осиё ва Қозоғистонда учрайди. 1983 йили Қашқадарё воҳасида умумий чигирткалар миқдорига нисбатан 5,6% ни ташкил этган. Эркагининг катталиги 22-30 мм, урғочисиники 30-40 мм келади. Умумий ранги қорамтирилар сарғиши, жигар ранг ва кулранг доғлари бор. Тананинг устида узунасига кетган оқиши йўли бор. Уст қаноти ва қанот учларида қора доғлари мавжуд. Сакровчи оёқ болдири ҳаво ранг-сарғиши, асосий қисмида қора халқасимон доғи бор. Личинкалари тухумлардан эрта очиб чиқади. Кўзачаларидаги 16-25 та тухум бўлиши мумкин. Ўзбекистонда Қашқадарё ва Бухоро вилоятларида вақт-вақти билан экинзорларда учратиш мумкин.

**Чигирткаларга қарши кураши чоралари.** Юкорида таъкидлаб ўтганимиздек, ҳозирги вақтда республикамизда экинларни чигирткалар томонидан шикастланишига деярли барҳам берилган. Аммо чигирткаларнинг доимий уялари мавжуд минтақаларда ҳанузгача чорва яйловларида ўтларни еб, озиқа манбани камайтиromoқда. Шу боисдан мутахассислар заарқунанданинг биологияси ва экологиясига доир билимлар асосида доимо сергак бўлиб туришлари, чигиртканнинг айрим хавфли турларини ҳисобга олиб бориб уларни кузатишлари, мунтазам равишда текширишлар ўтказишлари лозим. Чигирткаларга қарши курашнинг муваффақиятли самара бериши олдини олиш ва кимёвий ҳимоя қилиш тадбирларини ўтказиш учун ўз вақтида тўғри тайёргарлик кўрилишига,

хусусан заарланган майдонларнинг тўлиқ аниqlанишига ҳам боғлиқдир. Текшириш ишлари уч муддатда: ёзда – чигиртканинг тухум қўйиш вақтини аниqlаш, кузда – тухумли кўзачалар зичлигини белгилаш, баҳорда – қишлиб чиққан тухумни ўрганиш ҳамда личинкалар очиб чиқишини белгилаш учун ўтказилади. Чигирткаларга қарши курашда қўлланиладиган агротехника тадбирларидан қўриқ ва ташландик ерларни ўзлаштириш, уват, дала ва йўл ёқаларини хайдаб юбориш муҳим ўрин тутади. Чигирткаларнинг энг муҳим хусусиятларидан бири – тез урчиб қисқа вакт ичида катта майдонларни эгаллаши бўлганлиги сабабли, унга қарши тез ва юқори самара берадиган усул ва воситаларни қўллаш катта аҳамиятга эгадир. Бундай талабларга самарали инсектицидларни юқори унумли техника ёрдамида ишлатишгина жавоб бера олади. Шунинг учун ҳам чигирткаларга қарши курашда кимёвий усул XX асрдан бошлаб асосий бўлиб ҳисобланган. Кейинги 20-25 йилларда юқори самарали инсектицидларнинг пайдо бўлиши бу соҳада кескин ижобий ўзгаришларни юзага келтирди. Ҳозирги кунда Республика ЎҲИ ходимлари ўтказган тадқиқотлар асосида (Фоппоров, Хўжаев, Худанов ва б.) «Рўйхат» тузилган бўлиб, унга кўпгина энг замонавий инсектицидлар киритилган. Республикамизда чигирткаларга қарши ишлатиш учун рухсат этилган мазкур инсектицидларнинг рўйхати 2-жадвалда келтирилган. Жадвалдан кўриниб турибдики, препаратларнинг асосий таркибини синтетик пиретроидлар ташкил этади, аммо бошқа кимёвий таркибга эга бўлган препаратларни ҳам ишлатиб туриш лозим, акс ҳолда биринчиларнинг самараси пасайиб кетади. Чигирткаларга қарши курашда мазкур препаратлардан регент, адонис, ҳамда гормонал препаратларнинг аҳамияти жуда юқоридир. Гормонал препаратлар (димилин, номолт) ишлатилганда натижаси кечроқ намоён бўлади (4-5 кундан кейин), шу боис уларга бирор фаол инсектицид қўшиб ишлатиш яхши натижа беради.

Ўзбекистонда чигирткаларга қарши тавсия этилган  
инсектицидларнинг рўйхати  
(«Рўйхат, 2010» дан олинди)


№	Инсектицидларнинг номи	Соф моддасининг номи	Рухсат этилган сарф-мөъёри, л/га
<b>Фосфорорганик бирикмалар</b>			
1.	Дурсбан, 40% эм.к.	хлорпирифос	0,4
2.	Карбофос, 50% (фуфанон, 57%) эм.к.	малатион	2,5
3.	Политрин-К, 31,5% эм.к.	профенофос+ лямбдацигалотрин	0,5
<b>Синтетик пиретроидлар</b>			
1.	Бульдок, 12,5%сус.к.	бетацифлутрин	0,04
2.	Децис, 2,5% эм.к.	дельтаметрин	0,3-0,5
3.	Патриот, 12,5% эм.к.	дельтаметрин	0,05-0,06
4.	Суми-альфа, 5%эм.к.	эсфенвалерат	0,2-0,4
5.	Каратэ, 5% эм.к.	лямбдацигалотрин	0,15-0,25
6.	Кинмикс, 5% эм.к.	бетациперметрин	0,3-0,5
7.	Фастак, 10% эм.к.	альфациперметрин	0,07-0,1
8.	Фенкилл (сумицидин, 20%) эм.к.	фенвалерат	0,4-0,5
9.	Фьюри, 10% эм.к.	зетациперметрин	0,08-0,1
10.	Шерпа, 25% эм.к. (циракс)	циперметрин	0,1-0,2
<b>Неоникотиноидлар синфидан</b>			
1.	Конфидор, 20% эм.к.	имидоклоприд	0,05-0,1
2.	Моспилан, 20% н.кук.	ацетомиприд	0,04-0,045 кг/га
<b>Фенилпиразол синфидан</b>			
1.	Регент, 80% н.кук.	фипронил	0,01
2.	Адонис, 4% эм.к.	фипронил	0,1-0,12
<b>Гормонал инсектицидлар</b>			
1.	Димилин, 48% сус.к.	дифлубензурон	0,045
2.	Димилин ОФ-6, 6% м.с.	дифлубензурон	0,5-1,0
3.	Номолт, 15% сус.к.	тефлубензурон	0,05

## Чертмакчилар

Бу ҳашаротлар қўнғизлар (*Coleoptera*) тукумининг чертмакчилар (*Elateridae*) оиласига мансуб. Дунёда чертмакчи қўнғизларнинг 500 дан ортиқ турлари мавжуд. Шулардан Ўзбекистонда 16 тури учрайди. Улардан Туркистон чертмакчиси *Agriotes meticulosus* Cond. ва мўйловдор қўнғизсимон чертмакчи *Clon cerambycinus* Sem. кўпроқ ўрганилган.

**Тарқалиши.** Чертмакчилар дунёда кенг тарқалган ҳашаротлардир. Масалан, Туркистон чертмакчисини Ўрта Осиёдан ташқари Кавказ орти, Эрон, Афғонистон, Мўғилистон ва Хитойда учратиш мумкин. Россиянинг шимолий туманларида қорамтири чертмакчи – *Agriotes obscurus* L., қора чертмакчи – *Athous niger* L., экин чертмакчиси – *Agriotes sputatar* L., кенг чертмакчи – *Selatosomus latus* F. ва чўл чертмакчиси – *Agriotes gurgistanus* Fald. кенг тарқалган.

**Ташқи қўриниши.** Қўнғизлари унча катта эмас, узунлиги 5-8 мм ни ташкил этади. Танаси яссироқ ва ингичка-узун (20-расм). Туси кўпроқ тўқ кулрангда. Мўйлови икки бўғимли, ипсимон, аррасимон ва тароқсимон бўлиши мумкин.



20-расм. Чертмакчи қўнғиз (*Agriotes meticulosus* Cond.) ва унинг личинкаси (симкурт). Симкуртларнинг тўза майсаларини заарлаши (Плотников ва Знаменский маълумотлари бўйича).

Олд елкасининг орқа томони кўтарилиган ва чўзилган. Олд кўкрагининг остки қисмида ўсимтаси бўлиб, у ўрта кўкрак чукурчасида жойлашади. **Шу тузилиш ёрдамида орқасига ағдарилган қўнғиз товуш чиқариб («чертеб») сакрайди ва ўгирилиб олади.** Оёғининг барча панжалари 5 бўғимлидир. Личинкалари узун шаклга эга бўлиб, пўсти қаттиқ хитинланган. Шунинг учун уларни симқуртлар деб ҳам юритилади. Уч жуфт бир тенгликдаги оёқлари бор, боши ясси, тепалари ривожланмаган, тузи одатда сариқ ёки жигарранг. Катта ёшдаги личинкаларининг узунлиги 15-20 мм. Тухумининг ранги сарғиш, шаклида симметрия сезилмайди.

**Ҳаёт кечириши.** Ривожланиш хусусиятларига кўра чертмакчилар икки гурухга бўлинади. Биринчисида заараркунанданинг етук зоти қишлийди. Улар апрел-май ойларида уйғонади ва қўшимча озиқланишга киришади. Бу даврда қўнғизлар яхши учиб, турли майса барглари ва ҳатто дараҳт муртаклари ва гул нишоналари билан озиқланади. Ҳашаротлар урчиганидан сўнг ургочи зот ернинг қатламига 3-5 тадан тўп-тўп қилиб тухум қўяди (жами 150-200 дона). Тухумлар 20-30 кун ривожланади. Тухумдан чиқсан личинкалар узоқ (3-4 йил) вакт ҳаёт кечиради ва шу даврда турли ўсимликларга шикаст етказади. Ҳар хил турларда 7 дан 14 мартағача пўст ташлаб ривожланган симқурт кузга яқин 10-12 см чукурликда ғумбакка айланади. Ғумбак 7-30 кун ривожлангач, ундан қўнғиз пайдо бўлади ва қишлоғга кетади. Бир бўғини учун 4-5 йил керак бўлади.

Чўл ва қора чертмакчиларнинг личинкалари қишлийди. Баҳорда ғумбакка айлангач, ёзнинг биринчи ярмида етук зот пайдо бўлади. Урчиб тухум колдиргач етук зот ўлади. Булар тўрт йилда бир бўғин беради. Симқуртлар кўпроқ оғир механик таркибга эга бўлган тупроқларни ёқтиради. Улар намлик ва ҳарорат ўзгаришига қараб тепага ва ёнига қараб ҳаракат қиласидилар.

**Зарари.** Чертмакчилар тупроққа экилган уруғлар, ўсимликлар, кўчатлар, шунингдек ер ости меваларини шикаст-

лайди. Симқуртлар буғдой, арпа, маккажүхори, тамаки, ғұза, пиёз, лавлаги, кунгабоқар, картошка, сабзавот ва бошқа әкинларга қаттық зарап етказиши мүмкін. Улар илдиз, поя ва мева ичига кемириб кириб йўл ҳосил қиласади. Поя ёки ўсимлик қуриб қолади. Тошкент шаҳри атрофида жойлашган хўжалик-ларнинг әкинлари одатда чertмакчилар билан қаттық шикастланади. 1967 йилдан 2000 йилгача Қибрай, Зангигита ва Тошкент тумани хўжаликларида (одатда баҳор фаслида) турли хил әкинларни (карам, помидор, бақлажон, бодринг, картошка) чertмакчи симқуртларидан ҳимоя қилишда муаллифлар ҳам қатнашган. Ўзбекистон шароити учун ҳар  $m^2$  ерда 2 дона симқурт мавжудлиги суст заарланиш, 3-5 таси – ўртача ва 5 тадан ортиғи кучли деб қабул қилинган.

*Кураши чоралари.* Чertмакчи қуртларга қарши курашиш учун айниқса оғир механик таркибга эга бўлган соз тупроқли ерларга органик ва минерал ўғит солиб, кузги шудгор ўтказиш лозим. Бунда, биринчидан чertмакчиларнинг тухум ва қурти кўплаб механик равишда ва йирткич жужелицалар ёрдамида қирилиб кетса, иккинчидан личинкаларнинг юмшоқ ерда ҳаракат қилиши қийинлашади, учинчидан бақувват ривожланган ўсимликнинг заарланишга чидамлилиги ошади. Чигит ва сабзавот уруғларини экишдан олдин гаучо, гаучо-М, далучо, аваланче каби маҳсус инсектицидлар билан упалаш юқори натижага беради. Тадқиқотлар шуни кўрсатдики, илдиз кемирувчи барча зааркунандаларга (шу жумладан симқуртлар) қарши пиретроид гурухга оид инсектицидлар (цимбуш, кинмикс, децис, фастак, каратэ) истиқболли ҳисобланади. Бунинг учун кичик әкин майдонларида ушбу препаратлар эритмаларини кўчат остига куйиб чиқиши (100-200 мл) кифоя қиласади.

## Қора қўнғизлар

Қўнғизлар (*Coleoptera*) туркумининг қора қўнғизлар (*Tenebrionidae*) оиласига мансуб. Қора қўнғизлар айниқса куруқ чўл ва сахролар учун хосдир. Унинг 15 мингдан ортиқ

тури мавжуд. Ўзбекистон шароитида ўсимликларга *гўза қора қўнгизи* – *Opatroides punctulatus* Br., *бурундор қора қўнгиз* – *Dailognatha nasute* Men., шунингдек *чўл секин юрар қўнгизи* – *Blaps halophila* F.-W. ва *қумлоқ секин юрар қўнгизи* – *Opatrum sabulosum* L. зарар етказиши мумкин (Яхонтов, 1953). Омбор маҳсулотларига *ун хрушаги* – *Tenebrio molitor* L. ва *кичик хрушак* – *Tribolium confusum* Duv. зарар етказиши мумкин (Олимжонов, 1977). Ертўлаларда учрайдиган *қўланса қўнгиз* (*Blaps mortisaga* L.) ҳам шу оиласа мансуб. Бу оиласа киравчи ҳашаротлар қуйидаги умумий хусусиятларга эга.

**Ташқи қўриниши.** Қора қўнғизларнинг танаси катта-кичиклиги ва шакли юзасидан турлича бўлиши мумкин. Танаси одатда бироз ялтироқ қора тусда бўлади. Мўйловлари 10-11 бўғимли бўлиб, бир хил тўғноғиҳисимон шаклга эга. Олд қанотлари қаттиқ қоплагич ҳосил қиласди, олд елкасининг ён четлари учли ингичкалашган. Кўп турларда орқа жуфт қанотлари йўқ. Олдинги ва ўрта оёқ панжалари 5 тадан, орқа жуфтиники эса 4 тадан бўғимга эга. Личинкалари икки шаклда бўлиши мумкин. Айримларининг шакли симқуртларга ўхшаш бўлсада, танаси нисбатан юмшоқ ва қоринчаси охирида бир жуфт ўсимтаси бор. Бундай личинкалар намсевар бўлиб, кўпроқ ўрмонзорларда чириндила билан озиқланади. Иккинчи гурухга қуруқсевар личинкалар киради. Уларнинг танаси узун ва силлиқ бўлиб, сохта симқуртлар деб аталади. Бу личинкаларнинг чин симқуртлардан фарқи шундаки, уларнинг бош қисми яхши ривожланган бўлиб тепа лабга эга, шунингдек олд жуфт оёқлари орқа жуфтларига нисбатан узун ва бақувватдир.

**Ҳаёт кечириши.** Қора қўнғизларнинг кўп турлари кечаси ҳаракатланади, кундузи эса турли хил пана жойларда беркиниб ётади. Улар куруқ жойларни ёқтирадиган ва курғоқчилик йиллари кўпроқ ривожланадиган ҳашаротлардир. Кўнғиз ва личинкалари қишлиши мумкин. Урғочи қўнғизлар узок муддат яшаб, бир неча марта тухум қўйиши мумкин. Тухумдан чиқсан личинкалар 12 мартағача пўст ташлаб 1-1,5

йил яшайди. Личинкалар тупроқнинг устки қисмида ривожланиб, узоқ вақт давом этадиган очарчилик ва қурғоқчиликка чидай олади.

**Зарари.** Кўпчилик қора қўнғизларнинг личинкалари чертмакчилар сингари зарар келтиради. Ўсимлихўр турлари тупроққа экилган турли хил уруғликлар ҳамда майса ўсимлик илдизини шикастлайди. Кумлоқ секин юрар қўнғизларининг етук зотлари баҳорда турли хил ўсимликларнинг майсаси билан ҳам озиқланиши мумкин. Кўнғизлари лавлаги, тамаки, кунгабоқар, ғўза, каноп, сабзавот ва бошқа кўпгина ўсимликларга зарар етказиши мумкин.

**Кураши чоралари.** Қора қўнғизнинг сохта личинкаларига қарши кураш худди чертмакчиларнинг личинкаларига қарши кураш сингари амалга оширилади. Кумлоқ секин юрар қўнғизнинг етук зоти ўсимлик ниҳолларига хавф туғдирганда эса, унга қарши бирорта кемирувчилар учун тавсия этилган инсектицид пуркалади.


### Термитлар \*

Ҳашаротларнинг (*Insecta*) термитлар (*Isoptera*) туркумига мансуб вакиллари табиатда жуда кенг тарқалган бўлиб, улар тупроқ билан боғлиқ бўлган турли экологик муҳитларда жамоа ҳосил қилиб ҳаёт кечиради. Фанда термитларнинг 2800 тури маълум бўлиб, улардан 120 тури зааркунанда сифатида қайд қилинган. Термитлар биозараарлаш обьекти сифатида барча тропик ва иссиқ мамлакатларда ҳақиқий оғат ҳисобланниб, турар жойларнинг, мебель, либос ва оёқ кийимларининг яроқсиз ҳолга келиши, турли ёввойи ўсимликлар, дараҳт ва бошоқли экинларнинг қури-ши, сугориш каналлари, пристан, баржа, тўғон ва уламаларнинг термит заарлаши туфайли сув босими остида вайронага айланишини кўрсатиб ўтиш мумкин. Шу билан бир қаторда бебаҳо маданият ёдгорликлари-архив материаллари, ноёб китоблар, қадимий усталарнинг бебаҳо

\* – Бўлим ЎзФА зоология ИТИ ходимлари: проф. А.Ш. Хамраев ҳамда Н.И. Лебедева, А.А. Нуржанов, ва б. асарларидан (2007, 2008) олиниб, Ш.Т. Хўжаев томонидан қайта ишланган.

асарлари, ёғоч хайкалтарошлиги ҳам термитлар хужумига дучор бўлади. Термитлар ўсимликлар ҳамда ўсимлик дунёсидан ҳосил бўлган турли ёғоч махсулотлари билан озиқланади.

**Таърифи.** Термитлар жуда юқори ривожланган жамоа ҳолида яшовчи ҳашаротлардир. Термитлар билан чумоли ва асалларилар ўртасида кўпгина умумийликлар бор. Улар ерга қурилган уяда ёки махсус қурилмаларда кўп минг зотлардан иборат бўлган катта жамоа ҳосил қилиб яшайди. Жамоадаги термитлар бир неча ривожланиш фазаси ва табақагаридан иборат бўлиб, улар ташки кўриниши, бажарадиган вазифаси билан бир-биридан фарқ қилувчи ишчилар, аскарлар ва жинсий индивидлардан иборатдир. Уяда бир жуфт эркак ва урғочи термит бўлиб, уларни одатда “шоҳ” ва “малика” деб юритилади (21-расм).



21-расм. Туркистон термитининг турли шаклий кўриниши  
(жинсий полиморфизм):

А-қанотли зот, Б-вояга етган урғочи зот (малика), В-канотини “ташлаган” эркак зот (шоҳи), Г-ишчи термит, Д-аскар термит (Бей-Биенкодан, 1980 олинди), Е-аскар ва ишчи термитлар билан ўралган “малика” ер ости инида, Ж-термитлар хонадон ичиди (Хива, 2000 й.).

*Личинка* – жинсий вояга етмаган, секин ривожланиб, бир неча марта пўст ташлаш орқали жинсий авлод берувчи шакли (фаза).

*Жинсий етилмаган ииҷи термитлар* – личинкаларнинг бир неча бор туллаб, морфогенетик ўзгармаган шакли – уядга кўпчиликни ташкил қилувчи ишчи термитлар озуқа йиғиш, авлодга ғамхўрлик қилиш, қўйилган тухумларни, личинкаларни тарбиялаш ва барча табақаларни озиқлантириш, уялар қурилиши ҳамда бошқа вазифаларни бажаради.

*“Аскар” лар* – жинсий етилмаган, личинкалар ёки “ииҷи”лар ривожланишидан ҳосил бўлган, бош қисми йирик, кучли жағли табақа. “Аскар”лар ҳосил бўлишидан олдин “проаскар”лар юзага келади, улардан эса “Аскар”лар ривожланади. “Аскар” термитлар уясида “ииҷи”ларга нисбатан жуда ҳам камрок бўлиб, улардан бош қисмининг йириклиги, йиртқич қўринишдаги жағлари билан ажralиб туради. Улар уя шикастланганда қайта тиклаш, асосан эса колонияни ташки душмандан ҳимоялаш вазифасини бажаради.

*Жинсий вояга етишган қанотли ургочи ва эркак термитлар*, личинкаларнинг бир неча бор туллаб нимфалар ҳосил бўлишидан келиб чиқади. Қанотли шакллilar, термитлар жамоасида фаол иштирок этмайди балки, қанот ҳосил қилиб тинчланиш даврини ўтагач, оилани тарқ этиб, янги оила ҳосил қилади ва термитлар тарқалишида муҳим ахамиятга эга. Баҳорда (март, апрел) илиқ ёмғирлардан сўнг термитларнинг қанотли жинслари учиб чиқади, кейин қанотларини синдиригач эркак ва ургочи термитлар жинсий қўшилади ва жуфт-жуфт бўлиб тупроққа кириб янги оила ҳосил қилади. Оила асосчилиари бўлган, қанотини ташлаган ургочи ва эркак термитлар бир неча йил яшай олади. Ургочи ёки эркак термитлар “ўринбосарлари” 6 ёшдаги нимфалардан кейин ҳосил бўлади. Термит личинкасининг 3 ёшидан сўнг улар нимфага айланади. Нимфа 6 ёшдан сўнг етук зотга (имагога) айланади. Ишчи термитларнинг кўзи ривожланган бўлмай оқ тусда бўлади,

шунинг учун ҳалқлар орасида булар “оқ чумолилар” деб ҳам юритилади.

**Хаёт кечириши.** Термитлар колонияси ер тагида яширип ҳолатда ҳаёт кечиради. Тупроқда ва ер юзасида, биноларнинг деворлари ораси, томларида, дараҳтларда уялар ҳосил қиласи. Тропик мамлакатларда учрайдиган термитлар ер юзасидан баландлиги 5-7 ва ҳатто 15 метргача бўлган гумбазлар ясади.

Ўзбекистон ҳудудида *Anacanthotermes* авлодига мансуб 2 тур: туркистон ва катта каспий орти (*A. turkestanicus* Jacobs., *A. ahngerianus* Jacobs.) термитлари тарқалган бўлиб, айниқса кейинги 20-30 йил давомида Республикализнинг даярли барча вилоятларида ва Қорақалпоғистон Республикасида аҳоли хонадонлари, қишлоқ ҳужалиги бинолари ва ҳатто тарихий обидаларга ҳам улар катта зарап етказмоқда.

*Anacanthotermes* авлодига мансуб термитларнинг уялари ер остида беркитилган бўлиб, мураккаб системали, горизонталь ва вертикаль кесишган тирқиши, камера ва йўлаклардан иборат бўлади. Улар бино деворлари, томларида ҳам камералар ҳосил қилиб иморатнинг қишида иссиқ ва ёзда салқин жойларига йиғилади.

Термитлар учиш олдидан уя тепасидан чиқиши тешикчаларини очиб, ундан қанотли зотлар чиқади. Ерга қўнгандан сўнг қанотларини синдиради ва жуфт-жуфт (эркақ, урғочи) термитлар 3-5 см чуқурликда уя камерасини қура бошлиди. Термитлар учеб чиқиши вақтида шамол оқимиға дуч келса, улар узоқ масофаларга тарқалиши мумкин. Аҳоли яшайдиган пунктларда термитлар тураг жой ва биноларга жойлашиб, уларнинг ёғоч қисмларини кемиради. Бундан ташқари, улар қоғоз, китоблар, кийимлар ва ҳ.к. билан ҳам озиқланади. Термитлар одатда ер бетига чиқмайдилар ва ҳеч қачон очиқ жойда озиқланмайдилар. Аммо, очиқ ҳолда овқат йиғиш шамолсиз, илиқ кунларда, (булутсиз кунлари – эрталаб ва кечкурун, булутли кунлари эса кундузи) амалга ошириши бундан истеснодир. Улар тупроқ заррачаларини бир-бирига

ёпиштириб юпқа лой-сувоқ ҳосил қиласылар ва ейдиган озиқаларининг устини ҳам лой-парда билан ўрайдилар. Ўсимлик пояси ғилоф лой-сувоқ билан қопланади, сўнгра бу ғилоф ичидаги ўсимлик билан термитлар озиқланади.

**Зарари.** Термитларни мамлакатимизнинг кўпчилик ҳудудларида ахоли турар жойларини, тарихий-маданий обидалар, иншоотлар ва бошқа қурилишларнинг ёғоч қисмларини жиддий заарлаб, мисли кўрилмаган даражада зиён етказувчи зааркунанда эканлигини алоҳида қайд қилиш зарур.

Термитлар халқ ҳўжалигига жуда катта заар етказади. Улар уй-жойларни, темир йўл шпаллари, телеграф ёғоч устунлари, шунингдек ёғочдан қурилган бошқа иншоотлар, сомон билан ишланган пахса деворларни шикастлаб, жиддий заар етказади. Бу зааркунанда Ўзбекистонда Фарғона водийси (Риштон, Оқтош, Оқёр, Олтиариқ, Қува, Чуст, Чорток, Поп (Санг, Хўжаобод, Тўда, Поп, шахри ва бошқ.) Тошлоқ, Бўз, Марҳамат, Вуодил, Дангара туманлари), Тошкент шахри атрофи (Фозил тепа ва Хасанбой), Жиззах вилояти (Жиззах шархи, Жиззах, Ғаллаорол, Фориш, Пахтакор, Зафарабод, Зомин, Дўстлик, Арнасой туманлари), Самарқанд (Самарқанд шахрининг маркази Лангар кўчаси, Иштихон, Каттакўрғон, Пайариқ, Булунғир, Нуробод туманлари ва Жом, Сарикўл Улус, Диринг, Саидэмон, Янгибод, Янгибино, Оккула, Хайробод, Жарма, Сойисгар, Паламай, Янги турмуш қишлоклари), Қашқадарё (Қарши, Ғузор, Қамаши шаҳарлари, Ғузор, Чирокчи, Косон, Камаши, Миришкор, Касби, Яккабоғ, Дехқонобод, Муборак, Шахрисабз, Нишон туманлари), Сурҳандарё (Термиз шахри, Ангор, Музробод, Шеробод, Термиз туманлари), Хоразм (Хива ва Питнак шаҳарлари, Хива, Хозарапс, Шовот, Янгиариқ, Урганч, Қўшкўпир туманлари), Бухоро (Қоровулбозор шахри ва Қоракул, Шофиркон, Пешку туманлари), Навоий (Нурота, Конимех, Қизилтепа, Кармана, Новбоҳар туманлари) вилоятларида ва Қорақалпоғистон Республикасида (Нукус, Элликқалъа, Тўрткўл, Тахиатош, Беруний, Тўрткўл, Тахтакўпир, Манғит, Шуманай,

Мўйноқ, Хўжайли туманлари)да оммавий купайиб катта талофат етказмоқда. Натижада минглаб хонадонлар, корхона, мактаб, болалар муассасалари, касалхона, молхона, омборхона, меҳмонхона каби биноларда ёғоч ва ёғоч маҳсулотлари кучли заарланган. Ҳатто айрим шаҳар ва қишлоқларда хонадон эгалари ўз туаржойларини ташлаб кетишга мажбур бўлганлар. Айрим пайитларда термитлар қишлоқ хўжалик маҳсулотларини омборхоналарда сақлаш давомида заарлаши кузатилмоқда. Термитлар радиоприёмниклар, телевизион аппаратлари, электр тарқатувчи линияларнинг ёғоч таянчлари (столбалар), ангарлар, аэродромларнинг электр ўтказгичлари ва шу кабиларга ҳам зарар етказиши мумкин.

Республикамизда стратегик объектларни термитлар билан заарланиши ҳам катта ташвиш туғдирмоқда. Бунинг мисоли сифатида Қорақалпоғистон Республикасида биргина Беруний тумани худудидан Нукус шаҳригача бўлган 100 км масофада 2145 телеграф симёғоч устунларининг 80% термитлар билан жиддий заарланганлигини кўрсатиб ўтиш мумкин.

Термитлар мустахкам ва кучли жағлари туфайли қўпинча ноозуқа материалларни, уларга дуч келганда заарлайди. Жумладан: хом ғишт, тупроқ, оҳак, фибролит ва арболит плиталар, синтетик материаллар (плёнка ва газламалар, сунъий тери) алъюмин фолгаси, қўрғошин, юпқа мис сим, шунинг билан бир қаторда термитлар кабеллар, симларнинг юпқа ўрама изоляциясини кемириши туфайли электр ўтказгичларда издан чиқиши юзага келади ва қисқа туташув оқибатида ҳалокат юз бериши мумкин. Термитлар турли механизм ва аппаратлар ичига кириб олиб, у ерга лой сувоқ тўплаши туфайли, системани ифлослайди, аппарат ва механизmlар техник параметрларини ўзгартириши туфайли алоҳида узеллар орасидаги боғланишга ҳалақит беради.

Термитлар масаласи дунё миқёсида йириқ муаммолардан ҳисобланиб, улар туфайли бино ва иншоотларга жуда катта миқдорда зарар етмоқда. Масалан, Американинг 2005 йил термитларга қарши қурашда сарфлаган маблағи 2 млрд. доллар

дан ошиб кетган бўлсада, келтирилган зарар 1 млрд. долларни ташкил қилган.

**Термитларни тезкор марқалиши сабаблари.** Республикаизда аҳоли тураг – жойлари ва иншоотларнинг термитлар зараридан катта талофат кўраётганлигини бир қатор сабабларга боғлиқ деб қараш мумкин, жумладан:

- инсон фаолияти туфайли янги ерларнинг ўзлаштирилиши, эски қабрстонлар бузилиб, уларнинг ўрнига қурилиш ишлари амалга оширилганлиги натижасида термитлар яшайдиган табиий манбаларнинг бузилиши;
- сув омборлари қурилиши, каналлар ўтказилиши туфайли ер ости сувларининг юзага кўтарилиши;
- маълум бир худудда кулай шароит пайдо бўлиши билан зараркунанда табиий популяциясининг аста-секин ривожланиб кўпайиб бориши;
- ҳашаротнинг катта биологик потенциал имконияти мавжудлиги ҳамда юқори даражада шаклланган жамоа хосил қилиш хусусияти;
- ўта яширин ҳаёт кечирганлиги сабабли, келтирилаётган зарарни ўз вақтида тўла аниқлай олмаслик;
- аҳолининг мазкур зараркунанда тўғрисида тўла маълумотга эга эмаслиги туфайли, термитлар етказадиган зарарни олдини олиш ва унга қарши кураш чоралари амалга оширилмаганлиги;
- иншоотларни қуришда термитларга қарши профилактик тадбирларнинг ўтказилмаслиги ҳамда уларга қарши чидамли бўлган қурилиш материалларидан фойдаланмаслик ва ёғоч материалларининг термитга қарши маҳсус моддалар билан ишланмаслиги;
- аҳоли қурилиш маҳсулотлари сифатида термитлар билан зааралangan ёғоч материалларидан такроран фойдаланганилиги;
- маҳаллий хокимиятлар томонидан аҳолига термитлар тарқалган ерлардан қурилиш учун участка ажратилиши;

- термитлар тарқалган чўл худудларидан саксовулни ғамлаш, ёнилғи сифатида фойдаланиш ва х.к.

**Термитларнинг табиий кушандалари.** Термитлар билан озиқланадиган жониворларнинг 120 дан ортиқ тури қайд қилинган бўлиб улар орасида йиртқич чумолилар асосий ўринни эгаллади. Кузатишлар шуни кўрсатдикчи чумолилар уяси термитлар уясига яқин жойлашган бўлса, чумолилар термитларга хужум қилиб улар сонини кескин камайтиради.

**Катаглифис** авлодига мансуб йиртқич чумолилар чопқирлар деб юритилиб, улар саотлаб термит уялари атрофида югуриб юрадилар. Якка термит учраса, чумоли уларга дарҳол ташланиб ўз уясига ташиб кетади. Мабода термит уясини пайқаб қолса, бунда бутун чумоли колониялари харакатга келиб, уяни хамма томонидан қуршаб олади ва термитларни ўз уясига ташиб кетади. Уяда қолган термитлар чумолилардан химоялашиш учун ер остини янада чуқурроқ қазиб ўз химоясини такомиллаштирадилар.

Тадқиқотлар шуни кўрсатдикчи, термит уяларларида нематода *Caenorhabditis* (*Nematoda: Rhabditida*) туркуми (Зафар Ханду, 2005 аниқлашича) ва каналар (*Acotyledon oudeansi*, *Euroglyphus maynei*) қайд қилиниб, улар ҳам термитлар микдорини бир қанча камайтириши кузатилди. Табиий шароитда термитларнинг нематодалар билан заарланиш даражаси 22,3% ва заарланган термитлардаги нематодалар сони эса 1-26 гача учрайди.

Каналар термитларга қарши курашда муҳим ўрин тутади. Улар чириётган ёғоч ва термит мурдалари билан озиқланиб, уядা юкумли касалликлар келтириб чиқаради. Касаллик эса бутун термит озуқа галереясида тарқалиб, оиланинг катта қисми: ишчи, нимфа ва личинкаларини заарлаб, термитлар сонини камайтиради (Лебедева ва бошк., 2005).

Умуртқали ҳайвонлар ҳам термитларнинг табиий кушандаси ҳисобланади. Термитлар билан озиқланадиган умуртқали ҳайвонларнинг 58 тури маълум бўлиб, улардан қуруқлик ва сувда яшовчилар – 1, судралиб юрувчилар – 25, қураш – 27 ва

сүтэмизувчилар 5 турни ташкил қиласи (Шербина, Сухинин, 1968).

Үз ФА зоология институти олимлари, Урганч давлат университети билан ҳамкорликда *Beauveria tenella* ВД-85 штаммини Марказий Осиё чигирткалар популяциясидан ажратиб, бу замбуруғ штаммини термитларга қарши юқори самара беришини аникладилар. Натижада патогенли ем-хўрак тайёрланилиб термитларга қарши қўлланилди.

**Термитларнинг озуқа танлаш хусусиятлари.** Табиий шароитда чўл, чаласахро ва саҳро зоналарида термитлар асосан қуриган ўсимлик қисмлари билан озиқланади, бутазорларга зарар етказади, шунинг учун ҳам яловлар термитлардан катта зарар кўради. Табиий шароитда ишчи термитлар озиқасини бутун вегетация даврида, яъни апрел ойининг охиридан октябр ойигача тайёрлайди ва захира камераларини тўлдиради. Шуларни ҳисобга олиб Республикаиз флорасига оид 39 та ўсимлик поялари йиғилиб термитларга озуқа сифатида синалганида, дастлабки кунданоқ термитлар **кунгабоқар поясига** лой-сувоқ ўраб, у билан шитоб озиқланиши аникланди.

**Термитларнинг ер юзига чиқиши.** Термитлар айрим ҳолларда озуқа тўплаш мақсадида уяларидан ер юзига чиқадилар. Ҳашарот бундай очик ҳолда овқат йиғишни шамолсиз, илиқ кунларда, (булутсиз кунлари – эрталаб ва кечқурун, булутли кунлари эса кундузи) амалга оширади. Очик ҳолда озуқа йиғиши бевосита уялар ёки улар атрофида кузатилади. Термит чиққан жойлар метал қозиқлар билан белгиланилиб кўйилади.

**Термитларнинг лой-сувоқ қилиши.** Ўрта Осиё термитлари ёруғликдан чўчийдиган ҳашаротлар бўлиб махсус ҳимоя воситасиз яшай олмайди. Қуёш нури, шамол, иссиқ, совуқ уларга ҳалокатли таъсир қиласи. Бундан ташқари термитларнинг кўпгина кушандалари мавжуд. Шунинг учун буюмларни зарарлашдан олдин, термитлар уларни ташки томонидан лой-

сувоқ қилиб олади. Лой-сувоқлар остидан туриб термитлар заарлаши мүмкін бўлган барча нарсалар билан озиқланади.

***Кураш чоралари.*** Термитларга қарши кураш чоралари ишлаб чиқилган бўлсада, уларнинг яширин ҳаёт тарзи, экологик ташқи муҳим омилларидан ҳимояланганлиги, термит уяларида улар табақаларининг функционал ихтисослашганлиги, улар сониннинг ниҳоятда кўплиги, кураш чоралари ўтказилган тақдирда ҳам оз қолган миқдордаги термит тезликда ўз популяциясини қайта тиклаш хусусияти амалдаги кураш чора-тадбирлари истиқболли эмаслигини яққол кўрсатади. Юқорида келтирғанларни ҳисобга олган ҳолда, термитларга қарши экологик заарсиз, юқори самарали янги кураш технологиясини ишлаб чиқиши талаб хилинди.

Бу борада чет элларда термитларга қарши: АҚШ да (Su, Scheffrahn, 1994; Su, 1992), Ҳиндистонда (Sharma, Vasudevan, Madan, 1991), Хитойда (Wang, 1992), инсектицидлар аралаштирилган алдамчи ем озиқалардан фойдаланган ҳолда термитлар сонини кескин камайтиришга мувоффик бўлинган.

Умуман олганда, термитларга қарши курашнинг муваффакияти, уларга қарши турли йўналишлардаги усул ва воситаларни ўз вақтида ишлатиш билан боғлиқдир. Бунда қуйидаги ларни назарда тутмоқ лозим.

***1. Курилиши ишларига қадар тупроқдаги термитларни йўқ қилишига оид усуллар ва воситалар.*** Иморатлар курилиши мўлжалланган ҳудудларда уй-жой, маъмурий бинолар ва бошқа курилиш ишларини бошлашдан олдин тупроқнинг термитлар билан заарланганлигини аниқлаш ва зарур бўлса, участкани зааркунандадан тозалаш тадбирларини амалга ошириш лозим.

***2. Термитларни сув бостириб йўқотиши.*** Иморатлар курилиши мўлжалланган майдонларда термитларни йўқотишининг энг самарали усули – бунинг учун бино қуриладиган майдон атрофига баланд челлар олинади, ер суғорилади, тупроқ куригандан сўнг чуқур қилиб чопилади ёки хайдалади. Тупроқ бетида сув бир неча кун туришини таъминлаш учун

бинолар қурилишига мүлжалланган майдон сурункали равиша суғорилади. Термитлар қирилишини гаравлаш учун иморатлар қуришча мүлжалланган майдонлардан ҳам кенгрок жойни сув бостириш зарур. Термитлар тарқалган жойларда қишлоқ хўжалик экинларини етиштириш учун имконияти борича кўпроқ суғориладиган ва экин қатор ораларига тез-тез ишлов бериладиган экинлар экилиши керак.

**3. Термитларни кимёвий препаратлар ёрдамида қириб йўқотиши.** Термитларни юқорида келтирилган усул билан йўқотишида сув етарли бўлмаган худудларда: суми-альфа, 5% к.э. (10 л сувга 2 мл), децис (2 мл), фьюри (1 мл), ёки регент, 20% сус.к. (1 гр) ишчи эритмаси ёки эмульсия тузиб ишлатиш яхши натижа бериши мумкин. Бунинг учун иморатлар қурилиши мүлжалланган майдонларда кимёвий препаратларнинг юқорида келтирилган меъёрларда ишчи суюқликлари пуркагич ёрдамида ишлаб чиқилади. Кетидан тупроқ ағдарилиб чопиб чиқилади ва йўл ғалтакмаси билан ер зичланади.

**4. Термитлар уясини қазии билан бир вақтда кимёвий препаратларни қўллаши.** Термитлар уяси устки томондан кимёвий препаратларнинг сувли эритмаси билан пуркалади. Кейин уя кавланиб тупроги термитлари билан белкурак ёрдамида ташқарига чиқарилади ва бирор бир препарат эритмаси билан секин-аста бир маромда ишланади. Шундан сўнг, тупроқ заҳарланган термитлар билан қайта чукурга ташланиб зичланади. 1,60 м чукурликдаги 1,50 м диаметрдаги термит уясини ишлаш учун юқорида келтирилган препаратлардан бирининг 100 л ишчи суюқлиги сарфланади.

**5. Термитларга қарши пиишиқ бинолар қуриши.** Уйлар қурилиши амалга ошириладиган лойихалар комплекс тадбирларнинг моҳияти шундаки, термитлар ер ости уясидан уйларнинг ёғоч конструкциялари ва бошқа қисмларига бўлган йўлига ўтиб бўлмайдиган кучли механик тўсиқ – термитоизоляция ҳосил қилишдир. Шу мақсадда ишлаб чиқилган ва жаҳон амалиётида бир неча ўн йиллаб синалган қўйидаги қоидаларга амал қилиш зарур.

Ёғоч конструкцияли бинолар термитларни ўтказмайди-  
ган, фундамент ва таянч деворларининг пастки қалинроқ  
қисми баландроқ бўлган, пишган гиштларни теришда эса  
юқори маркали цементдан тайёрланган мураккаб қоришка  
ишлатилган, темирбетон ва бошқа термитларга қарши пишиқ  
материаллардан дастлаб тупроғи зичланган бетон ёстиққа  
жойлаштирилган асосга ўрнатилиши керак, ёки иморатнинг  
яrim ер тўласи тамоман шу материаллардан ишланган бўли-  
ши керак. Мураккаб қоришка таркибидаги оҳакнинг микдори  
15% дан ошмаслиги лозим.

Иморатнинг ёғочли конструкциялари (термитга қарши  
моддалар билан шимдирилган) тупроқга тегмаслиги ва ундан  
0,5 м баландликда бўлиши керак. Чиқиш жойи ва зинапоялар  
термитга қарши пишиқ материаллардан пухта қилиб қурили-  
ши даркор.

Иморатнинг ёғочли конструкциялари остидаги тош  
фундамент ва деворнинг пастки қалинроқ қисми цемент  
қориши (1:1) билан 3 см қалинликда ёппасига сувалиши  
ёки бир-бирига зич тақалган, чеккалари (ички ва ташқи)  
ташқарига 5 см чиқиб турадиган ва ( $45^{\circ}$ бурчак ҳосил қилиб)  
зангламайдиган метал табақа ётқизилиши, ёки пастки қават  
қоқ ярмигача ёппасига бетондан ишланган бўлиши керак.  
Иморат тагидаги тупроқ қуруқ бўлиши учун, нам жойлардаги  
захни қочириш (дренаж)ни таъминлаш зарур.

Ертўладан хўжалик эҳтиёjlари мақсадида фойдаланиш,  
айниқса ўтин ва қурилиш ёғоч материалларни сақлашга чек  
қўйиш керак. Бундай жойлар яхши шамоллатилмоғи керак.

Ҳаммом, кир ювиш ва ошхона сингари ҳаводаги намлиқ  
юқори бўлган хоналарни қуришда ёғоч материаллардан  
фойдаланиш мутлақо ярамайди.

Қурилиш жараёнида иморат остидаги ва атрофидаги  
барча кераксиз ёғоч буюмларни иморатдан узоклаштириш  
керак. Иморат остидаги тупроқ ёғоч материаллардан, ўсимлик  
илдизи ва қолдиқларидан тозаланиш керак. Қурилиш туга-

тилиши биланоқ унинг атрофидаги 1-1,5 м кенгликда майдонча бетон ёки асфальт ётқизилиши керак.

Термитларга қарши кураш мувафақияти бевосита уларга қарши курашнинг профилактика (олдини олиш) қоидалари-га амал қилишга боғлиқ.

Иморатнинг осон заарланадиган қисмларини тупроқдан қатъий ажратиб қўйиш термитларни унга сукилиб киришига чек қўяди.

**6. Биноларни термитлардан ҳимоя қилиши.** Турар жойларда ва бошқа биноларда термитларга қарши ўтказиладиган олдини олиш ва уларни кириш чоралари бир қанча тадбирлардан иборат. Иморатлар атрофида ҳимоя йўлларини куриш, лозим. Бунинг учун фундамент атрофи бўйлаб иморатнинг ташки томонидан эни 1м, чукурлиги 80 см бўлган ҳандақ қазиб чиқилади. Тупроғи олинган ҳандақнинг ички деворлари кимёвий препаратларнинг сувли эритмаси билан мўл-кўл қилиб пуркалади. Ҳандакни ковлашдаги қазиб чиқарилган тупроқни ҳам препарат сувли эритмаси билан мўл-кўл хўллаб тупроқ ҳандакга қайта тортилади ва зичланади. Иморат атрофидаги ҳимоя йўлаги бутун узунликда бир йўла ковланмасдан, балки қисмларга бўлинниб бажарилади. Бундай тадбирлар натижасида заарланган иморатдаги термитлар ташки муҳитдан ажралиб қолади ва қириб ташланади.

**7. Термитларга қарши курашда патогенли ва заҳарли ем-хўраклардан фойдаланиши.** ЎзФА зоология ИТИ да кейинги йилларда олиб борилган тадқиқотларда турли патогенли микроорганизмлар ҳамда кимёвий инсектицидлар билан шимдирилган алдамчи-ем тайёрланиб маҳсус цилиндр контейнерларда термитларга қарши ишлатиш усули яратилди. Бундай унча катта бўлмаган контейнерлар термитлар харакатланаётган излар бўйича жойлаштирилади; термитлар уни ишғол этиб заҳарли асосни биридан-бирига юқтириб инигача олиб бориб оммовий кирилади. Демак бу усул масалага чукур ёндошишга имкон аратади (бу усулга яқиндан қизиққанларга).

## 2-боб. ФҮЗА ЗАРАКУНАНДАЛАРИ

Фүза зааркунандалар билан кўп заарланадиган экинлардан бири хисобланади. Профессор В.В. Яхонтов фўза билан озиқланадиган умурткасиз жониворларнинг 772 турдан иборат дунё фаунаси рўйхатини тузиб, 1931 йилдаёқ таърифлаб берган эди. Булардан 751 та тури ҳашаротлар синфига мансубдир. А.И. Петров (1961) томонидан зааркунандаларнинг 219 та тури фўзага тушиши аниқланган.

Мазкур турлардан жуда оз қисми – қарийб 10 га яқин тури фўзага жиддий заар етказади. Аммо, зарари жиҳатидан иккинчи ўринда турадиганлари ҳам шароит қулай келганда фўзага жиддий заар келтириши мумкин. Зааркунандаларни озиқланиш усулига қараб сўрувчилар ва кемирувчилар гурухига ажратиш мумкин.

### 1. Сўрувчи зааркунандалар

(ўргимчаккана, шира, трипс, қандала, оққанот, цикадалар)

**Ўргимчаккана (*Tetranychus urticae* Koch.)** ўргимчаксимонлилар (*Arachnoidea*) синфига, *Acariphormes* туркумига, ўргимчакканалар (*Tetranychidae*) оиласига мансуб.

**Тарқалиши.** Ўргимчаккана кенг тарқалган зааркунанда бўлиб, Ўрта Осиё республикаларидан ташқари кўпгина Европа ва Осиё мамлакатларида ҳам тарқалган. АҚШ ва Африка мамлакатларида фўзага оддий ўргимчакканадан ташқари бир нечта шу оиласига мансуб бошқа каналар ҳам заар етказади.

**Ташқи кўрининши.** Ўргимчаккана жуда майдага бўғимоёкли жониворлар намунаси бўлиб уни оддий кўз билан зўрға кўриш мумкин. Танаси овал шаклда, бўйи 0,3-0,6 мм га боради. Унинг баҳор-ёздаги бўғини кўкиш-сариқ, қишлиб чиқадиганлари эса тўқ сариқ-қизил бўлади. Танасининг ён томонларида иккита қорамтир доғлари яққол кўриниб туради (22-расм).

Урғочиси ривожланишида тухум, личинка, пронимфа, дейтонимфа ва етуклик (имаго) даврларини кечиради. Тухуми

юмалоқ шаклда бўлади. Личинка, пронимфа ва дейтонимфа шаклдагилари етук зотидан кичиклиги билан фарқ қиласди. Личинкада уч жуфт, нимфа ва имагода эса тўрт жуфтдан оёқ бўлади.



22-расм. Ўргимчаккана билан кучли заарланган ғўза (I) ҳамда оддий ва қўнғир каналарнинг тухум, личинка ва нимфалари (II).

**Ҳаёт кечириши.** Ўргимчаккана қишлоvdан жуда барвакт, ўртача бир кеча-кундузлик ҳарорат  $7,3^{\circ}$  дан ошганда чиқади. Ўргимчаккананинг биринчи бўғини бегона ўтларда, айниқса қўйпечак каби ўтларда ривожланади. Бегона ўтлар қуриб дағаллашганидан кейин ўргимчаккана уларнинг бошқа ёш ниҳолларига ўтади. Ўргимчаккана одатда шамол ёрдамида, ўргимчак иплари воситасида, шунингдек иш қуроллари ва ҳоказолар ёрдамида тарқалади. Шу боисдан дастлаб ғўза ва бошқа экинларнинг чекка томондагилари заарланади. Далаларнинг йўл ёқаларидағи экинлар канадан энг кўп шикастланади, чунки йўл чангига ўргимчак ипларига ўрнашиб, уларни табиий кушандалардан ҳимоя қиласди, бундай ўсимликлардаги зааркунандага акарицидлар ҳам яхши таъсир қилмайди. Ўргимчаккана ёзда (июн-август) 8-12 кунда, май ойида 15-20 кунда, март-апрел ойларида эса 25-30 кунда бир бўғин бериб ривожланади. Йил мобайнида географик ҳолат, об-ҳаво шароити ҳамда ғўзанинг турига қараб 12 дан 20 тагача (8-12

бўғинини июн-август ойларида) беради. Ривожланиш вақтида уларнинг 40% дан кўпроғи табиий равишда қирилиб кетади. Ургочиси ўрта толали ғўза навларида 100-160 тагача тухум қўяди ва 30-40 кун ҳаёт кечиради. Ингичка толали навларда эса 40-50 та тухум қўйиб, 10-50 кун яшайди, бегона ўтларга 30 тагача тухум қўяди ва 10 кундан зиёдроқ умр кечиради. Ўргимчаккана учун ҳарорат 26-33°, ҳавонинг нисбий намлиги 55-60% бўлиши энг мўътадил шароит ҳисобланади. Ёзнинг охирида ҳарорат пасайиши, ёғингарчилик, шабнам ҳамда кушандা йиртқичлар фаолияти туфайли ўргимчакканаларнинг сони камаяди. Куз яқинлашган сари ғўзада тўқ сариқ-қизил рангли ургочиси пайдо бўлади, улар диапаузага тайёрланади. Ўтларда эса улар ҳатто ноябрда ҳам сарғиш-яшил рангдаги қолади. Оталанган етук зот урғочилари ғўза экилган далалар, йўл, ариқ ёқалари, хазон ости, қўсак чаноқлари, тупроқ ёриклари ва тут дарахти пўстлоғи остида якка ёки йигилиб қишлиайди. Қишлиашга киргандари совуққа жуда чидамлидир. Сернам жойларда совуқ -20° бўлганида ҳам қисман ўлади. Совуқ -29° дан пасайганда каналар 100% қирилади.

*Зарари.* Ўргимчаккана ғўза ва кўпгина бошқа экин ва дарахтларнинг ашаддий ва доимий зааркунандасидир, у ҳаммахўр зааркунанда бўлиб, ўсимликларнинг 200 дан ортиқ турида, шулардан бегона ўтларнинг 173 турида, дарахт ва буталарнинг 38 турида ҳамда экинларнинг 40 дан ортиқ турида учрайди. Ғўза, сабзавот, полиз, дуккакли экинлар, ер ёнғоқ, гул ва боғзорлар шулар жумласидандир. Кана асосан баргларнинг орқа томонига жойлашиб унга шикаст етказади, баргни жуда ингичка кулранг ўргимчак иплари билан ўрайди. Унинг номи ҳам шунга қараб қўйилган. Ўргимчаккана оғиз аппаратининг хелицераларини ҳужайрага санчиб киритиб, ундаги моддаларни сўриб озиқланади. Заарланган баргларнинг устки томонида оч тусли, қаттиқ заарланган жойларида эса қўнғир ва қизғиш доғлар пайдо бўлади. Кучли шикастланган барглар тўкилади, ўсимлик ялонғочланади ва жуда мажмағил бўлиб қолади. Ўргимчаккананинг зарари унинг

ғўзага тушиш муддатига ва ўсимликларда қанча туришига боғлиқ. У қанчалик эрта тушса, ғўзага шунчалик кўп шикаст етказади. Масалан, Ф.М. Успенскийнинг маълумотларига кўра (1966, 1970), июнда заарланган ғўзалар (ҳимоя чоралари кўрилмаганда) хосилнинг 50-60%ини, августда тушганда эса 2-6% ини йўқотган.

Ўргимчакканана ингичка толали навларга суст, ўрта толали ғўза навларига кучли таъсир этади. Бу ушбу ўсимликлар баргининг морфологик тузилишида бўлган фарққа боғлиқ (Яхонтов, 1947; Кособуцкий, 1956; Успенский, 1961). Ф.С. Толиповнинг (1977) ўтказган тадқиқотларига асосан, ғўзанинг ўргимчакканага бардошли ёки чидамли бўлиши унинг баргларидаги остики эпидерма ва ғовак паренхима ҳужайралари қаватининг баландлигига боғлиқ. Бу ҳужайраларнинг баландлиги 150,7-166,9 мкм (микрон) га тенг бўлганда, кана устунчасимон паренхима ҳужайраларининг шираси билан озиқлана олмайди, чунки етук ўргимчакканада санчиб сўрувчи оғиз аппаратининг узунлиги 116,9-120,7 мкм ни, катта ёшдаги личинкаларида эса 102,6-105,4 мкм ни ташкил қиласди. Ғўзанинг ўргимчакканага бардош бериш даражасига барг майдони бирлигидаги ҳужайраларнинг зичлиги, ҳужайра ширасининг осмотик босими ҳамда юқорида қайд этилганидек, остики эпидерма ва мезофилланинг ғовак паренхимаси катта таъсир қиласди. Бу кўрсаткичларга минерал моддалар билан озиқланиш ҳам жиддий таъсир кўрсатади. Я. Содиқовнинг (1975) тадқиқотларидан маълумки, амалдаги сарфмөъёларга нисбатан икки баравар оширилган суперфосфат билан озиқлантириш ғўзанинг ўргимчакканага билан заарланишини икки марта камайтиради.

Ўргимчаккананинг кўпгина (қарийб 40 дан ортиқ) кушандаси бор, аммо булардан стеторус кўнғизи (*Stethorus punctillum*), канахўр трипс (*Scolothrips acariphagus*), йиртқич қандала (*Orius albidipennis*) ва олтинкўз (*Chrysopa carnea*) энг кўп аҳамиятлидир. Канахўр трипс бир кечакундузда кананинг 50 тагача тухуми ва личинкаларини ейди, стеторус личинкаси

ва қўнғизлари 100 тагача, олтинкўзнинг катта ёшдаги личинкаси эса 800 тагача тухумини еб қўяди.

Ўргимчаккананинг ғўзада урчишини олдиндан билиш (башорат қилиш) Ўсимликларни ҳимоя қилиш илмий тадқиқот институтида яратилган услуга асосида ўтказилади. Узок муддатли (келгуси йил ва ундан кейинги йилларга мўлжаллаб), шунингдек қисқа муддатли (шу йилдагини) башорат қилиш услуги мавжуд. Узок муддатга мўлжалланган башорат қилиш усули қишлийдиган каналарни ва уларнинг ҳолатини ҳисобга олган ҳолда, шунингдек уларнинг қишлоидан чиқшини кузатиш асосида олиб борилади. Қисқа муддатли башорат эса, кутилаётган ҳаво ҳароратини ўн кунликлар бўйича, ҳамда ғўза экиладиган минтақалар бўйича аниқлаш йўли билан ўтказилади. Кананинг урчиши учун ўсимликлар орасида ҳавонинг иссиқ сақлаш даражаси 14,5 ккални, психрометрик кутичада эса 13,0 ккал бўлиши энг қулай шароит ҳисобланади. Бу кўрсаткичлар ўзгарса, кананинг кўпайиш суръати пасаяди.

*Кураши чоралари.* Ўсимликларни ўргимчакканадан самарали ҳимоя қилиш учун қатор чора-тадбирлар ҳамда воситалар ишлатилади. Булар ташкилий-хўжалик, агротехник, олдини олиш, селекцион (бардошли навларни барпо қилиш), биологик ҳамда кимёвий усуллардан иборатдир.

1. Агротехник ёки олдини олиш тадбирлари ўргимчаккананинг муваффақиятли қишлиб чиқшини чеклашдан иборат. Кузда даладан органик ўсимлик қолдиқларини олиб чиқиб ташлаб ерни шудгорлаш зарур.

2. Май-июннинг бошида тут новдалари кесиб олинганидан кейин сўрувчи зааркунандалар (ўргимчаккана, шира, трипс) ҳамда тут парвонаси тарқалган ерларда бу зааркунанда захираларини ҳам бир йўла камайтириш учун олдини олиш ишлови ўтказилади. Бу мақсадда энг аввал ичдан таъсир қилиш қобилиятига эга БИ-58 (данадим, рогор) – 1,5-2 л/га, ёки золон (фозалон,ベンゾfosfat) – 2,0 л/га, ёки циперфос (нурелл-Д) – 1,0 л/га ишлатиш мумкин. Бунинг учун уватлардаги бегона ўт ва тутларни ОВХ трактор пуркагичи ёрдамида

икки тарафлама ишлаш талаб этилади. Уватлар умумий даланинг ўртача 10% ини ташкил этади. Деммак, ўн марта қисқартирилган ишлов бериб, даладаги экинни камида бир марта ёппасига ишловдан сақлаб қолинади. Аҳоли яшайдиган қишлоқларга яқин жойлашган дала атрофларини олтингугуртли қайнатма (0,5-1 % ли ООҚ (ИСО)) билан ишлаш мумкин. Бунда ўргимчакканага қарши 55-60% гача самарадорликка эришилади.

3. Экинлар ниҳоллик давридан бошлаб, дараҳтлар ва узум эса барг ёза бошлаганидан кейин мунтазам равишда зааркунанда ва фойдали ҳашаротларнинг зичлиги текшириб борилади. Одатда ўргимчакканага дала четларидаги ўсимликларда уя ҳосил қиласи. Шунинг учун уларни қўл аппаратлари ёрдамида ишланиб, тарқаб кетишининг олди олинади. Энтомофагларнинг зааркунандаларга нисбати 1:10-15 дан баланд бўлса, самара етарли бўлмайди ва олдини олиш ишлови ўtkазилади. Ушбу мақсадда (май, июн ойларида) нискоран, зум, ортус, флумайт каби ўргимчакканага нуфузини пасайтириб юборадиган акарицидларни ишлатиш мақсадга мувофиқдир (препаратларнинг аннотациясига қаранг, III қисм).

4. Ўсимликларнинг (дараҳтлар) ўсиш даврида ўргимчакканага қарши кимёвий кураш олиб бориши мақсадида жуда кўп дорилар тавсия этилган (Рўйхат, 2010). Кимёвий хусусиятларига кўра булар акарицид-инсектицид (яъни, ҳам ўргимчакканаларга, ҳам ҳашаротларга таъсир этувчи) ва ихтисослашган акарицидлар (яъни факат ўргимчакканаларга қарши самарага эга) бўлиши мумкин. Буларнинг ичидаги ғўзани ҳимоя қилиш учун рухсат этилганлари З-жадвалда келтирилган. Бошқа экинларни ҳимоя қилиш учун рухсат этилган препаратлар билан танишиш учун «Рўйхат» га (2010) мурожаат қилиш мумкин. Амалдаги низомга кўра заарланган ўсимликларнинг ҳар 100 та баргига 150 та ва ундан кўпроқ ўргимчакканага топилганда ёки ўртача ҳар 100 та барг ҳисобига 60-80 та кана тўғри келганда ишлов беришни бошлаб юбориш керак. Бунда биринчисига қараганда иккинчи ҳисобга олиш усули энг мақбул ҳисобланади.

## 3-жадвал

Ғүзада ўргимчакканага қарши тавсия этилган акарицид-  
инсектицидлар ҳамда ихтисослашган акарицидлар  
(«Рўйхат, 2010» дан олинди)

№	Препарат номи ва шакли	Сарф-меъёри, л/га	Неча марта ишлатиш мумкин	Кутиш муддати, кун
<b>Акарицид-инсектицидлар</b>				
1.	Бензофосфат, 30% эм.к.	3-3,3	2	30
2.	Золон, 35% эм.к.	2,5-3,0	2	30
3.	Вертимек, 1,8% эм.к.	0,3-0,4	2	30
4.	Данадим, 40% эм.к.	1,5-2,5	2	20
5.	Данитол, 10% эм.к.	1,5	2	20
6.	Узфен, 20% эм.к.	0,75	2	20
7.	Дельтафос, 36% эм.к.	1,25	2	30
8.	Каратэ, 5% эм.к.	0,5	2	30
9.	Каратэ Зеон, 5% эм.к.	0,4	2	30
10.	Карбофос, 50% эм.к.	1,2	2	20
11.	Фуфанон, 57% эм.к.	1,2	2	20
12.	Куракрон, 50% эм.к.	1,2	2	30
13.	Митак, 20% эм.к.	2-3	2	30
14.	Нурелл-Д, 55% эм.к. (шиперфос, Сайрен-С, тагрел-Д, урелл-Д)	1,5	2	30
15.	Пиринекс, 40,5% эм.к.	1,5	2	30
16.	Политрин-К, 31,5% эм.к.	1,0	2	30
17.	Поло, 50% сус.к.	0,8-1,0	2	30
18.	Талстар, 10% эм.к.	0,6	2	30
19.	Энджео-К, 24,7% сус.к.	0,2	2	30
<b>Акарицидлар</b>				
1.	Гризли, 36% эм.к.	0,3-0,375	2	30
2.	Зум, 10% сус.к.	0,25	2	30
3.	Неорон, 50% эм.к.	1-1,2	2	20
4.	Нискоран, 5% эм.к.	0,2	2	30
5.	Нискоран, 10% н.кук.	0,1 кг/га	2	30
6.	Омайт, 57% эм.к. ва 570 EW (даргит, узмайт)	1,5	2	45
7.	Ортус, 5% сус.к.	0,75	2	30
8.	Оҳак-олтингугурт қайнатмаси (ООҚ)	0,5-1 <sup>0</sup>	3	-
9.	Сегра, 80% н.кук.	6,0	5	1
10.	Титарон, 30% сус.к	0,1	2	30
11.	Туйилган олтингугурт	20-30	5	1
12.	Флумайт, 20% сус.к.	0,2	2	30

Акарицидлардан энг юқори самара олиш ҳамда ўргимчакканда популяцияларида чидамлилик (бардошлилик) вужудга келишининг олдини олиш максадида, препаратларни қуидаги тизимда ишлатиш тавсия этилади.

1. Одатда май-июн ойларида ғўзага ўргимчакканадан ташқари ўсимлик ширалари ва трипс тушиши сабабли биринчи ишлов беришда **данадим**, **фозалон**, **политрин-К**, ёки **конфидор** ёки **моспиланган** бирорта акарицид қўшиб комплекс ҳамда ичдан таъсир қиладиган препаратларнинг бири қўлланилиши лозим.

2. Канага қарши иккинчи ишлов беришда специфик акарицидлардан: **нискоран**, **зум**, **ортус**, **флумайт**, **неорон**, **омайт**, **вертимек** ва бошқалар қўлланилади.


3. Учинчи ва зарурат туғилганида ундан кейинги ишлов беришларда, олtingугуртли препаратдан коллоидли олtingугурт, оҳак аралаштирилган олtingугурт кукуни, ёки оҳак-олtingугурт қайнатмаси (ООҚ) ишлатилади. Шуни айтиш керакки, препаратларнинг самарали таъсир қилиши кўп жиҳатдан ғўзанинг ҳолатига боғлиқ. Сернам ердаги ўсимликлар «chanқоқ» ларига қараганда заҳарли препаратларни ўзлаштириб тўқималаридан яхши ўтказади ва заарқунандалар учун заҳарли бўлиб қолади. Аҳоли яшайдиган қишлоқлар яқинидаги экинзорлар иссиқёнли ҳайвонлар ва одам учун унча заҳарли бўлмаган препаратлар билан (трактор аппаратлари ёрдамида) ишланади.

**Ўсимлик ширалари.** Тенг қанотлилар (*Homoptera*) туркумининг *Aphidinea* кенжака туркумига мансуб. Ғўзага ширалардан бир неча тури зарар етказади. Булар орасида беда ёки акация шираси, ғўза ёки полиз ва катта ғўза шираси хавфлидир. Қисман ғўзани Плотников шираси ва илдиз шираси ҳам шикастлаши мумкин.

**Тарқалиши.** Акация шираси Европа, Шимолий-Шарқий Африка ва Шимолий Америка мамлакатларида кенг тарқалган. Ўрта Осиё ва Кавказ ортида ҳам учрайди. Полиз шираси тропик ва субтропик иқлим шароити мавжуд бўлган минтақаларга хос бўлганлиги сабабли, у экватордан  $60^{\circ}$  шимолий ва

40° жанубий кенглиқда жойлашган мамлакатларда учрайди. Катта ғұза шираси Кавказ орти, Жанубий Украина ва Ўрта Осиё республикаларида тарқалган.

**Tашқи тузилиши.** Ғұзага шикаст етказадиган ширалар юмшоқ танли майда ҳашаротлар бўлиб, етук зотининг катталиги 2,5-4 мм га teng. Шираларнинг икки шакли мавжуд: қанотсиз ва қанотли. Қанотлиси икки жуфт teng қанотга эга бўлиб, олдингилари орқасидагидан анча узундир. Ривожланиши тўлиқсиз, кўпинча партеногенетик: тирик туғиши ҳисобига, ғумбак фазаси бўлмайди (23-расм). Ўсимлик ширалари шакли жиҳатидан бир неча хил бўлади, чунончи булар ўртасида тирик туғувчи қанотсиз урғочилари, тухум қўядиган қанотсиз урғочилари, тирик туғувчи қанотли урғочилари, қанотли (баъзан қанотсиз) эркаклари бор.



23-расм. Ғұзани заарловчи ширалар: 1 – полиз шираси баргда, 2 – ғұза шоналаш даврида, 3 – кузда қора шираланган пахта толаси, 4 – хон қизи қўнғизининг йиртқич қурти, 5 – катта ғұза ширасининг қанотли ва қанотсиз зотлари.

**Хаёт кечириши.** Ширалар ҳароратга қараб 3-20 кун ривожланади. Мавсум давомида 20-26 та, беда шираси эса 12-15 тагача бўғин беради. Урғочилари ёзда 18 кун яшайди ва 150 тагача личинка беради. Личинкалар ривожланиб тўрт марта туллайди ва бешта ёшни кечиради. Оз-оздан ёғин тушиб турадиган сернам баҳор об-ҳавоси ўсимлик шираларининг ривожланишига ёрдам беради, аммо кучли ёмғирлар уларни қисман йўқотади. Об-ҳавоси қуруқ, юқори ҳароратли туманларда ўсимлик ширалари кўплаб ривожланмайди. Яшаш шароити ёмонлашганда: озиқа етишмаганда, шунингдек асосий ва оралиқ озиқабоп ўсимликлар алмашганида, ширалар жойдан-жойга кўчади. Яшаш жойи алмашганда оталанган тухумлар асосий ўсимликларда қишлияди. Улардан биринкита (қанотсиз) ширалар бўғини ривожланади. Иккинчи учинчи бўғинларда қанотсизлар орасида тирик туғувчи қанотли урғочилари (авлод тарқатувчилари) пайдо бўлиб, улар оралиқ экинларга учиб ўтиб бир қанча қанотсиз шира бўғинларини бошлаб беради. Кузда кўчиб юрувчилар орасида тирик туғувчи қанотли урғочилари пайдо бўлади. Асосий ўсимликларга қайтадиган бу шираларни (ремигрантларни) жинс ташувчилар дейилади.

**Зарари.** Ўсимлик ширалари баргларнинг ширасини сўради. Бунинг оқибатида поя ва илдиздаги захира углеводлар миқдори кескин камайиб кетади. Қаттиқ заарланган баргларнинг шакли ўзгаради ва буралиб қолади. Бундай ўсимликлар жуда суст ўсади. Заарланган ўсимликларда ҳосил 15-20% гача камайиши мумкин. А. Хакимовнинг (1997) кўрсатишича, ниҳоллик давридан бошлаб шира билан заарланган тўза 27,2% ҳосилни (15 ц/га) йўқотган. Тўза етилаётганида (август-сентябр) ширалар ўзларидан чиқарган суюқликлари билан толани ифлослайди ва ёпишқоқ қилиб қўяди. Бундай толаларда кўпинча қора шира (қора мөғор) пайдо бўлади, у толаларни бузиб, пахтани қайта ишловчи машиналарнинг самарадорлигини пасайтиради.

**Табиий кушиандалари.** Шираларни йўқотувчи афидофаг-

йиртқичлар ва паразитлардан 46 тури рўйхатга олинган. Ширапхўр қўнғизларнинг (*Coccinellidae* оиласи) 18 тури, визилловчи пашшаларнинг (*Syrphidae* оиласи) 6 тури, олтинкўзларнинг (*Chrysopidae* оиласи) 4 тури ва галлица пашшалари (*Cecidomyiidae* оиласи) энг фаол ширапхўр йиртқичлар ҳисобланади. Ўсимлик шираларининг ички кушандалари – афидиидлар (*Aphidiidae*) шубҳасиз катта аҳамиятга эга. Улар баъзан шираларнинг 90% гача қисмига зарар етказади (24-расм). Шикастланган ширалар кораяди, шишади ва ҳалок бўлади.



24-расм. Афидиид кушандасининг катта ғўза ширасини заарлаши

**Беда ёки акация шираси** – *Aphis (medicaginis) craccivora* Koch. Акация шираси ғўзага май-июн ойларида энг кўп зарар етказади, у ғўзанинг ўсиши ва ривожланишини сусайтиради. Тирик туғувчи урғочисининг танаси ялтироқ қора бўлиб, бўйи 1,3-2,1 мм га боради. Мўйлови танасининг бўйидан калтароқ, сариқ тусли, қорамтири-қўнғир йўллари бор. Болдири сариқ, ундан юқорироқ қисми, сони, панжалари, найчалари қорамтири-қўнғир рангли. Тухум қўядиган урғочилари тўқ тусли бўлиб, ҳамма сегментларида қоп-қора томчи

доғлари бор. Эркаги қанотли, қора бўлади. Личинкаси қўнғир, бирмунча мумсимон доғлари мавжуд.

Ақация шираси бедада ёки ақацияда тухум фазасида кишлайди. Эрта баҳорда (март) бедапояда пайдо бўлган шира тўдаларини кўриш мумкин. Ақация шираси беда дағаллашгунга қадар ривожланади, кейинчалик бошқа ўсимликларга, асосан ақацияга ўтади. Ақация шираси ғўзада ва бошқа дуккаксиз ўсимликларда камроқ (30 кун) яшайди.

Аммо шу вақт мобайнида бу зааркунанда асосан юқориги новдаларда ва баргларда жуда кўпайиб кетиши, ўсимликнинг ўсуви нуқталарини кучли шикастлаши мумкин. Озиқа камайганда ва ҳаво ҳарорати кўтарилиганда, шунингдек энтомофаглар таъсирда зааркунанда камайиб кетади. Қанот пайдо қилган ширалар бедапояга учиб ўтади ва кеч кузгача ўсимликнинг илдиз бўғзида яшайди, аммо озиқланиш шароити қулай бўлмагани сабабли, кўплаб урчий олмайди.

Дастлабки совуқ тушиши билан жинс ташувчилар, яъни эркаклар ва тухум қўядиган ургочилар пайдо бўлади. Урчиган урғочи зотлар ўсимлик танасига қишлоғчи тухум қўяди. Ақация шираси ҳаммахўр зааркунанда бўлиб ғўздан ташқари беда, оқ ақация, ерёнгоқ, эспарцет, вика, бурчоқ, нўхат, қашқар-беда, шунингдек полиз экинларига (жами 52 турга) шикаст етказади.

**Полиз шираси** (*Aphis gossypii* Glov.). Қанотсиз ширанинг танаси тухум шаклда бўлиб, бўйи 1,25-2,1 мм га боради. Ранги кўкиш ёки сариқдан то тўқ яшилгача, баҳор ва ёз ойларида кўпинча ўтсимон-яшил тусларда, кузда эса тўқ яшил рангда бўлади. Тирик туғувчи ургочиларининг боши, кўкраги, оёқларининг учлари ва шира сўрадиган найчалари қора тусга эга. Қанотли шираларнинг шира найчалари ва қуйруқчалари қанотлизларнига нисбатан калтароқ бўлади. Полиз шираси бошқа ширалардан, жумладан ақация ширасидан шу белгиси билан фарқ қиласди.

Полиз шираси бегона ўтларда, хусусан тугмачагул, ёввойи хантал каби ўсимликларда личинка ва етук зот ҳолида кишлайди. У апрел ойида қишлоғдан чиқади ва дастлабки вақтда бегона ўтларда урчиди, май ойининг бошида ғўзага, полиз

экинларига учиб ўтади. Май-июн ва сентябр-октябр ойларида ёппасига урчиб кўпаяди. Полиз шираси ҳаммахўр зааркунанда бўлиб, ўсимликларнинг 46 турига шикаст етказади. Ғўза, сабзавот ва полиз экинларига қаттиқ зарар етказади.

**Катта ғўза шираси** (*Acyrthosiphon gossypii* Mordv.)

Анча йирик ҳашарот бўлиб, у тўда (колония) ҳосил қилмайди. Етук зотининг танаси 3,5-4 мм га боради. Ривожланишнинг ҳамма босқичларида танаси кўкиш ёки сарғиш тусда, кўзлари қизил, оёқ учлари қўнғир тусли бўлади. Оёқлари ва шира началари жуда узун, орқа оёқлари қарийб 1,7 мм га етади. Қанотлилари қанотсизларидан кичикроқ бўлади. Катта ғўза шираси ғўза-пояда ва янтоқзорда тухум фазасида қишлияди. У баҳорда майнинг иккинчи ярмида ғўза ниҳолларида пайдо бўлади. Йил давомида тўлиқ ривожланиш даврини кечиради, ёзда партеногенетик усулда (эркаксиз тирик туғиб) кўпаяди, кузда эса битта жинсий бўғин бериб тухум кўяди. Катта ғўза шираси ғўздан ташқари, мош ва ловияга кўплаб тушади, бегона ўтлардан янтоқда ҳам учрайди.

Мазкур қайд этилганлардан ташқари ғўзада иқтисодий жиҳатдан аҳамиятли бўлмасада, шиralарнинг қуидаги турлари учраши мумкин: Плотников шираси (*Xerophilaphis Plotnicovi* Neo.), иссиқхона ёки тамаки шираси (*Myzodes persicae* Sulz.), ҳолдор шира (*Theroaphis maculate* Backt), илдиз шираси (*Trifidaphis phassol* Pass).

**Кураши чоралари.** 1. Ташкилий-хўжалик ва агротехника тадбирлари амалга оширилади.

2. Шиralарнинг эрта баҳорда ривожланадиган уялари йўқотилади. Бунинг учун ариқ атрофлари ва уватларни тоза сақлаш, фойдали ҳашаротлар кўпайиши учун қулай шароит яратиш, зааркунанда кўплаб урчиш хавфи туғилганда тутларнинг новдалари кесиб олингач маҳсус ҳимоя қилиш тадбирларини амалга ошириш мумкин. Бунинг учун ОВХ пуркагичлари ёрдамида қуидаги инсектицид-акарицидлар билан ишлов берилади: БИ-58 (данадим), фозалон, политрин-К, циперфос ва б.

Агарда амалиётда «хонқизи», олтинкўз каби энтомофаг-

лар личинка ва етук зотларининг шираларга нисбати 15-20/1 га тенг бўлса кимёвий кураш ўтказишга ҳожат бўлмайди.

3. Табиий кушандаларнинг сони етарли бўлмай, ҳар 100 та баргга ўртача 50 тадан кўп шира тўғри келса, тавсия этилган инсектицидлар ёрдамида ҳимоя тадбирларини ўтказиш лозим (4-жадвал).

**Триплар.** Ҳошия қанотлилар ёки триплар (*Thysanoptera*) туркумiga, тухумқўйгичлилар (*Terebrantia*) кенжа туркумiga, *Thripidae* оиласига мансуб. Fўзани 3 та трипл туршикастлайди: *Thrips tabaci* Lind. – тамаки трипси, *Th. gossypii* Jakh. – ғўза трипси, *Anaphothrips schirabudensis* Jakh. – шира-будин трипси. Булар ичидаги тамаки трипси кенг тарқалган бўлиб, зарари бошқа турларга нисбатан кучлироқдир (Яхонтов, 1937).


**Тамаки трипси** – *Thrips tabaci* Lind. Fўзага кўп тушадиган заараркунанда ҳисобланади. У ғўзадан ташқари тамаки, пиёз, карам, кўкат ва гулларга кучли шикаст етказади. Трипл ғўза майсаларининг ёш барглари ва ўсув нуқталарига жойлашиб олади ва санчиб-сўриб шикастлайди. Заарланган баргларнинг остки томони ўзига хос равишда кумушсимон ялтираб колади, шикастланган куртаклардан эса мажмағил барглар ёзилади (25-расм). Ўсув нуқтаси ўлгач ўсимликнинг ривожланиши издан чиқади, баъзан ёш ўсимлик нобуд бўлади.

Айрим афицид-инсектицидларни кўп йиллар мобайнида сурункасига ишлатиш натижасида бу препаратларга нисбатан бардошли шира популяциялари вужудга келиши мумкин. Бунинг олдини олиш мақсадида турли кимёвий синфларга оид препаратларни алмашлаб қўллаш лозим Н.И. Ходосевич (1975) маълумотига кўра, трипл заараридан ўрта ҳисобда ҳар гектардан 4,6 ц пахта хосили камайиши мумкин. Тамаки трипси майда ҳашарот, унинг бўйи 0,8-0,9 мм келади. Танаси чўзиқ, урғочисида узун, йирик, аррали тухум қўйгичи мавжуд. Етук ҳашаротнинг икки жуфт (чеккалари ҳошияли) тор қанотлари бор.

## 4-жадвал

Ғүзада шираларга қарши тавсия этилган инсектицидлар рўйхати  
 («Рўйхат, 2010» дан олинди)

№	Инсектицидлар	Сарф-мөъёри, л/га	Неча марта ишлатиш мумкин	Кутиш муддати, кун
1.	Арриво, 25% эм.к. (ЦИПИ, циракс, циперметрин, шерпа)	0,2	2	20
2.	Бензофосфат, 30% эм.к.	3-3,3	2	30
3.	Золон, 35% эм.к.	2,5-3,0	2	30
4.	Бульдок, 12,5% сус.к.	0,08	2	30
5.	Вантекс, 6% сус.к.	0,3	2	30
6.	Вертимек, 1,8% эм.к.	0,4	2	30
7.	Данадим, 40% эм.к.	1,5-2,5	2	20
8.	Данитол, 10% эм.к.	1,0	2	20
9.	Узфен, 20% эм.к. (датрин)	0,5	2	20
10.	Дельтафос, 36% эм.к.	1,0	2	30
11.	Децис, 2,5% эм.к.	0,4	2	20
12.	Конфидор, 20% эм.к. (имидор, танрек, багира)	0,1-0,15	2	30
13.	Калипсо, 48% сус.к.	0,05-0,07	2	30
14.	Каратэ, 5% эм.к.	0,5	2	30
15.	Каратэ Зеон, 5% сус.к.	0,4	2	30
16.	Фуфанон, 57% эм.к.	0,6	2	20
17.	Куракрон, 50% эм.к.	1,0	2	30
18.	Лансер, 75% э.кук.	0,7	2	20
19.	Митак, 20% эм.к.	2-3	2	30
20.	Моспилан, 20% н.кук. (тагспилан, пиларкинг, камилот, пилармос)	0,15 кг/га	2	30
21.	Нурелл-Д, 55% эм.к. (циперфос, сайрен-С, урелл-Д, тагрелл-Д)	1,0	2	30
22.	Пиринекс, 40,8% эм.к.	0,5-0,7	2	30
23.	Политрин-К, 31,5% эм.к.	0,5	2	30
24.	Поло, 50% сус.к.	0,8-1,0	2	30
25.	Суми-альфа, 20% эм.к.	0,1	2	20
26.	Талстар, 10% эм.к.	0,3	2	30
27.	Фенкилл, 20% эм.к.	0,4-0,5	2	20
28.	Фьюри, 10% с.э.к.	0,3	4	20
29.	Энджео-К, 24,7% сус.к.	0,2	2	30



25-расм. Тамаки трипси: 1 – хәётий шақллари: а-етук зоти; б-тұхумлари; в-личинка; г-нимфа; 2 – заарлланған ғұза ниҳоли, 3 – ташқи күриниши, 4 – барг остидан күриниши.

Оғиз аппарати саншиб-сүришга мослашған, калта. Трипснинг личинкаси имагога қараганда очроқ тусли, қанотсиз, урғочиларида тухум қүйгіч бўлмайди, кўзлари уч-тўртта фасеткалардан иборат, мўйловлари олти бўғимли. Тамаки трипси ер бетига тўкилган барглар ва ўсимлик қолдиқлари остида қишлияди. Март ойида трипс бегона ўтларда ривожланади, кейин ғўзага ўтади. Урғочиси бир ойча яшайди ва шу вақт мобайнинда ўсимлик тўқималарига 100 тагача тухум қўяди.

Тухумлардан уч-тўрт кундан сўнг личинка чиқиб, асосан барг томири бўйлаб озиқлана бошлайди. Тўрт марта туллагач, личинка етук ҳашаротга айланади. Ўзбекистон шароитида

трипс етти-саккыз марта бўғин беради.

**Кураши чоралари.** 1. Ташкилий-хўжалик ва агротехника тадбирлари амалга оширилади.

2. Трипс кўпаядиган ерларда экиш олдидан чигитга самарали упалагичлар билан (гаучо, далучо, аваланче – 5 кг/т, гаучо-М – 8-10 кг/т) ишлов берилади.

3. Буғдой экиладиган майдонларнинг кенгайиши ҳамда ғўза-буғдой алмашлаб экилиш тизими жорий этилиши муносабати билан, ғалла ўрим-теримидан кейин (июн) ғўзада трипснинг сони кескин ортиб кетиши мумкин. Шу боис чегарадош ғўза экилган майдонларни (ҳамда орадаги уватларни) олдиндан кимёвий ишлаб қўшиш лозим.

4. Трипларга қарши қўллаш учун шираға қарши тавсия этилган инсектицидлардан фойдаланилади.


**Қандалалар.** Ғўзага қандала – фитофаглардан 13 тури тушиши қайд этилган, аммо булардан 2 тури – беда (*Adelphocoris lineolatus* Coeze) ва дала қандаласи (*Lygus pratensis* L.) энг кўп зарар етказади. Улар ярим қаттиқ қанотлилар, ёки қандалалар (*Hemiptera*) туркумига, мириллар (*Miridae*) оиласига мансуб. Бу турдаги қандалалар барча вилоятларда кенг тарқалган бўлиб, баъзида экинларга жиддий зарар етказиши мумкин.

**Беда қандаласи** (*Adelphocoris lineolatus* Coeze). Ғўза, беда, йўнғичқа, лавлаги каби ўсимликларга тушадиган зараркунанда ҳисобланади. Беда қандаласи ғўзанинг шона, гул, кўсакларини санчиб-сўриб заарлайди. Қаттиқ заарланган шона ва гуллар қуриб қолади, кўракдаги тола камайиб, сифати ҳам пасаяди.

Беда қандаласи 6,5 дан 9,5 мм гача катталиқда бўлади. Корамтири ёки сарғиш-яшил, эркаклари тўқроқ тусли. Елкасида иккита қора нуқта мавжуд, у беда қандаласининг бошқалардан ажратиб турадиган асосий белгисидир.

Қандала ўсимлик поялари, хусусан беда ва бошқа бегона ўтлар ичига жойлашган тухум шаклида қишлиайди. Баҳорги иссиқ кунлар бошланиши ва анғиз ўсиши билан тухумдан

личинкачиقا бошлайди. Беда қандаласи Ўзбекистон шароитида ёз бўйи уч-тўрт бўғин беради. Беда ўриб олинганидан кейин қандала ёппасига ғўза ва бошқа экинларга учиб ўтади (26-расм).



26-расм. Қандаланинг беда ўримидан кейин ғўзада кўпайиши:

- 1-бедада ривожланиши;
- 2-бедазор ёнидаги ғўза пайкалида;
- 3-ғўза пайкали атрофида.

**Дала қандаласи (*Lygus pratensis* L.).** Шакли жиҳатидан беда қандаласини эслатади, аммо бирмунча кичикрок. Бўйи 3,5-4 мм, ранги яшил, қора гули бўлади. Узунлиги 1 мм келадиган тухумининг учки қисми бир оз эзилган. Личинкаси етук қандаладан кичикилиги ва қанотларининг йўқлиги билан фарқ қиласди (27-расм). Дала қандаласи етук зот шаклида даладаги ўсимлик қолдиқлари остида ва бегона ўтлар орасида кишлаб чиқади. Эрта баҳорда қандала ҳар хил ўтлар ва маданий ўсимликлар билан озиқланади.



27-расм. Даля қандаласи  
(А. Блюмер маълумоти бўйича):  
а-етук зоти; б-тухуми; в-личинкаси;  
г,д -заарланган ғўза кўсаклари

Қандала барглар ва барг бандларига тухум қўяди. Инкубация даври бир ярим ҳафтага чўзилади. Личинкасининг ривожланиши 25-30 кун давом этади. Лавлаги, олабўта, шўра, каноп ва ғўза қандаланинг энг хуш кўрадиган ўсимликларидандир. У эрта баҳордан кеч кузгача ғўзанинг бутун ер устки қисмларини заарлайди.

Майса пайдо бўлганидан шоналашгача ўсув нуқтасига ва ёш баргларга шикаст етказади, шоналаш ва гуллаш-уруг ҳосил қилиш даврида шона ва тугунчаларни тўкади. Заарланган кўсакларда корамтири ботик доғлар пайдо бўлади, уларнинг ривожланиши ва етилиши кечикади. Қандала Ўзбекистон шароитида йилига 3-4 марта бўғин беради.

**Кураши чоралари.** 1. Ташкилий-хўжалик, агротехник ҳамда олдини олиш чора-тадбирлари амалга оширилади.



2. Кимёвий ишлов ўтказиш учун иқтисодий заар келтирадиган миқдор мезонини (ИЗММ) белгилаш лозим. Ўтказилган тадқиқотлар шуни кўрсатди (Хўжаев, Эшматов, 1983), қандалалар далада аниқлангани билан заар етказди деган хулоса қилиш керак эмас. Ғўза тирик организм, шу сабабли у ўзини тиклаш қобилиятига эга. Ҳар 100 та ўсимликда ўртacha 150-200 та қандала зоти аниқлангандагина зарарни сезиш мумкин (1-1,5 ц/га). Ушбу кўрсаткич ИЗММ деб ҳисобланила-

ди ва кимёвий кураш ўтказиши тавсия қилинади. Бунинг учун шира ва трипсга қарши тавсия қилинган инсектицидлар қўлланилади.

**Оққанотлар.** Тенг қанотлилар (*Homoptera*) туркумининг алейродид ёки оққанотлар (*Aleyrodidae*) оиласига мансуб. Уларнинг қарийб 1200 тури аниқланган (Byrne, Bellows, 1991). Ўзбекистонда уларнинг 4 та тури аниқланган. Фўзага асосан 2 тури зарар келтиради: иссиқхона (*Trialeurodes vaporariorum* Westw.) ва фўза (тамаки) (*Bemisia tabaci* Genn.) оққанотлари, цитрус дараҳтларини – цитрус оққаноти (*Dialeurodes citri*), карамни – карам оққаноти (*Aleyrodes proletella*) заарлайди.

Оққанот фўзага 1970 йиллардан бошлаб мослаша бошланган. Бу заараркунанданинг кенг тарқалиши республикамизда иссиқхона хўжаликлари кескин кўпайиб кетиши билан узвий боғлиқдир. Маълумки, оққанотнинг очиқ шароитда 4% гача сақланиб қолиши ва қолганлари кирилиб кетиши аниқланган (Хошимов). Заараркунанда куз-баҳор даврида иссиқхоналарда ривожланади ва кўпаяди. Баҳорнинг иссиқ кунлари бошланиши билан улар очиқ шароитга кўплаб учиб чиқади ва турли экинларни (шу жумладан, фўзани ҳам) заарлай бошлайди. Оққанот тўлиқсиз ривожланадиган ҳашаротдир. У тухум, 3 та ёш личинка, нимфа ҳамда етук зот (имаго) даврларини бошидан кечиради (28-расм).

Оққанотга бир қатор биологик хусусиятлар хос. Улар уни ноқулай ташқи муҳит шароитларидан ҳимоя қиласади ва тез кўпайиб катта масофаларга тарқаб кетишига имкон беради. Баҳор-куз даврида оққанот 7-8 марта, куз-баҳор пайтида эса иссиқхоналарда 4-5 марта, жами йилига 11-13 бўғин бериши мумкин. Оққанотнинг ватани тропик иқлиmdir. Шунинг учун ҳам у намсевар ҳашарот. Унга 22-27° ҳаво ҳарорати ҳамда 70-80% ҳаво намлиги энг яхши ҳисобланади. Ўзбекистоннинг қишки совук шароитларида улар кирилиб кетади. Баҳорда учиб чиқсан оққанотлар таъсирида йирик шаҳар ва қишлоқлар атрофидаги экинлар биринчи галда зааррлана бошлайди. Оққанот фўзани майнинг охири – июннинг бошидан заарлай бошлайди.



28-расм. **Фұза оққаноти.** 1 – Ҳаётый шақллари:  
а – етук зоти, б – тухумлари, в – личинкасі,  
г – пупарийси; 2,3 – етук зотлариға ғұза баргыда.

Улар ёш баргларнинг орқа тарафига жойлашади ва санчиб-сўриб озиқланади, сўнгра урчиб тухум қўя бошлайди. Овал шаклдаги майда тухумлар калта ипчага ўрнатилган бўлади. 5-8 кун ўтгач тухумлар қорайиб, улардан личинка очиб чиқади. Дастребки даврларда ҳаракат қилувчи личинка қулай жойга ўрнашгач, ҳаракатсизланиб бир ерда озиқланади ва икки марта пўст ташлаб нимфага айланади. Нимфа нисбатан қаттиқ қобиққа эга бўлади, у қушандада ва кимёвий препаратларга чидамлидир.

Оққанот ўсимликка асосан личинкалик даврида зарар етказади. Личинкалар тенг қанотлилар туркумига кирувчи ҳашаротларга хос ҳолда ўзгача озиқа ҳазм қилишига

эга, шунинг учун сўрган озиқанинг бир қисми ҳазм бўлмай ташқарига чиқариб юборилади. Бунинг нати-жасида оққанот босган ўсимлик япроқларини шира босади, вақт ўтиши билан бу ширалар замбуруғланиб қораяди, оқибатда ўсимлик ҳосили камайиб, сифати пасаяди. Махсус тажрибалар шуни кўрсатдики, ғўза эрта заарланганида, оққанотнинг зарари 13-18% ни ташкил этади (Хўжаев ва Хошимов). Ғўзада оққанотнинг ҳар бўғини 22-25 кунда ривожланади. Жами 3-4 марта бўғин бериб ривожланади. Июлнинг II-III ўн кунлигидан бошлаб иссиқхона оққанотининг миқдори ғўзада кескин камая бошлайди. Бу ёзги кун исиши ва ҳаво намлигининг пасайиши билан боғлиқдир. Ғўза оққаноти бундан мустаснодир, чунки ҳаво ҳароратининг иссиқ кунларида ҳам унинг зичлиги пасаймайди. Шунинг учун ғўза оққанотининг бу экинга етказадиган зарари юқорироқ.

Куз яқинлашиб кўраклар очила бошлагандан оққанот личинкалари чиқарган суюқлик очилган пахта устига тушиб, уни ифлослантиради. Бу эса заарни янада чуқурлаштиради.

Оққанотнинг кушандалари қаторига олтинкўз личинкаларидан ташқари ихтисослашган ички кушандалар – афелинидлар (*Aphelinidae*) оиласига мансуб энкарзия ҳамда эретмоцерус авлодларининг намуналари катта аҳамиятга эгадир. Бу кушандалар оққанотларнинг барча тур личинкаларини 75-80% гача заарлайди. Заарланган оққанот личинкаларини ташки кўринишидан ажратиш мумкин (5-жадвал).

Афелинид паразит кушандаларнинг етук зотлари оққанот личинкаларининг 2 ва 3-ёшларини заарлаб, ҳар бирига 1-2 та тухум қуяди, уларнинг биттаси ривожланиб вояга етади. Личинка ривожланишини давом эттиради, аммо нимфага айлангандан кейин ўлади. Энкарзияни лаборатория шароитида урчишиб иссиқхона экинларидаги оққанотга қарши қўйиш мумкин. Бу усул оққанотнинг етук зотини жалб қилувчи маҳсус сариқ рангли елим суртилган тутқич билан биргаликда ишлатилса самарадорлик янада юқори бўлиши мумкин (Хўжаев, Хакимов, 1987).

Афелинид кушандалари билан заарланган иссиқхона ва ғүза  
оққанотларини пупарийсига қараб аниқлаш  
(С.М. Мярцева маълумоти бўйича)

Оққанот турлари	Заарланган пупарийсининг ранги	Қайси паразит-кушанда
<b>Иссиқхона оққаноти</b> <i>(Trialeurodes vaporariorum)</i> Пупарийси бўртган, хажмали, четида ҳошиялари мавжуд	Тиник оч	<i>Eretmocerus</i> авлодининг турлари
	Кўнгир доғлар ва чизикларга эга	<i>Encarsia inaron</i> (Walker)
	Кора	<i>Encarsia formosa</i> Gahan
<b>Ғўза (тамаки) оққаноти</b> <i>(Bemisia tabaci</i> Genn) Пупарийси яssi, ovalsimon четида ҳошиялари йўқ, тана охирида 2 та ипчаси мавжуд	Тиник оч	<i>Eretmocerus</i> авлодининг турлари <i>Encarsia luluola</i> Howard <i>E. lutea</i> Masi <i>E. formosa</i> Gahan
	Кўнгир доғлар ва чизикларга эга	<i>E. inaron</i> (Walker)

**Кураши чоралари.** 1. Оққанотнинг қўпайиш манбай асосан иссиқхона-парник хўжаликлари хисобланади, шу боис бу зааркунандага қарши курашни энг аввал иссиқхона хўжаликлирида яхши йўлга қўйиш зарур.

2. Оққанотларнинг самарали кушандалари бўлган энкарзия ва эритмоцерус авлодига мансуб кушандалар ривожланиб кенг тарқалиши учун мавжуд барча имкониятларни яратиб бериш лозим. Булардан кушандани кузда сепаратор, яни паразит етук зотларини оққанотдан ажраткич ёрдамида тозалаб, даладан иссиқхоналарга олиб кириш, баҳорда эса аксини бажариб, кушанда нуфузини сақлаб туриш катта аҳамиятга эга.

3. Энкарзия кушандаларини маҳсус лабораторияларда қўпайтириб, иссиқхоналарга ҳамда табиатга чиқариб туриш тавсия этилади. Бунда, энтомофаг ишлатишни маҳсус сариқ

елимли тутқич – экранлардан фойдаланиш билан биргаликда олиб бориш (оққанот етук зотини йиғиб олиш учун) самарали химоя гаровидир.

4. Ғұзани оққанотдан кимёвий химоя қилиш учун зарурат ўсимлик шоналаш давригача 7-10% ўсимлик заарланғанида вужудга келади. Оққанотта қарши курашиш учун рухсат этилған инсектицидлар рўйхати 6-жадвалда келтирилган.

**Цикадалар (саратонлар).** Тенгқанотлилар (*Homoptera*) туркумининг цикадалар (*Cicadinea*) кенже туркумига мансуб ҳашаротлар. Ўзбекистонда 71 та тури аниқланган, шулардан 6 таси ғұзага зарар етказиши мүмкінлиги күрсатыб ўтилған (Кожевникова, 2000). Ғұзага 2 та оиласынан қарши курашиш учун рухсат этилған инсектицидлар рўйхати 6-жадвалда келтирилган.

Цикадалар нисбатан йирик ҳашаротлар, ранги сарғыш-яшил. Бошининг тепаси юз томонидан аниқ бурчак ҳосил қиласы. Мўйловлари калта, 3 бўғимли, учинчи бўғими учидан узун, бўғимдор қилчаси бор. Кўзлари тараққий этган. Оёқ панжалари 3 бўғимли. Орқа оёқлари (сайроқи цикадалардан ташқари) узун ва сакраш учун мўлжалланган. Устқаноти яхши ривожланган бўлиб, бироз хитинлашган, пардасимон, тиниқ. Коринчаси 8 бўғимдан иборат.

Одатда тухумларини тухум қўйгичи ёрдамида ўсимликнинг поясини тилиб, ичига ботириб қўяди. Личинкалари етук зотига ўхшаш, 5 та ёшни ўтади. Сайроқи цикадаларнинг личинкалари тупроқда яшайди. Бир бўғинининг ривожланиши ҳар хил турларда ярим йилдан бир неча йилгача давом этиши мумкин.

**Зарари.** Цикадалар санчиб-сўрувчи ҳашаротлардир. Ғұзага зарар еткузувчи турлари асосан ўсимлик баргларини сўриб шикаст етказади.

## 6-жадвал

Ғұза ҳамда иссиқхоналардаги әкинларни оққанотдан ҳимоя қилиш  
учун рухсат этилған инсектицидлар рўйхати  
(«Рўйхат, 2010» дан олинди)

№	Препарат номи ва шакли	Сарф- меъёри, л/га	Нече марта ишлатиш мүмкін	Кутиш муддати, кун
<b>Ғұзани ҳимоя қилиши учун</b>				
1.	Апплауд, 25% н.кук.	0,5-1,0	2	30
2.	Арриво, 25% эм.к. (циракс, циперметрин, шерпа)	0,3	2	20
3.	Вантекс, 6% сус.к.	0,3	2	30
4.	Данадим, 40% эм.к.	1,5-2,5	2	20
5.	Данитол, 10% эм.к.	2,0	2	20
6.	Датрин, 20% эм.к.	1,0	2	20
7.	Дельтафос, 36% эм.к.	1,25-1,5	2	30
8.	Децис, 2,5% эм.к.	0,7	2	20
9.	Конфидор, 20% эм.к. (багира, танрек)	0,3-0,4	2	30
10.	Калипсо, 48% сус.к.	0,1	2	30
11.	Каратэ, 5% эм.к. (атилла)	0,5	2	30
12.	Карбофос, 50% эм.к.	1,7	2	20
13.	Фуфанон, 57% эм.к.	1,5-2,0	2	20
14.	Куракрон, 50% эм.к.	1,2	2	30
15.	Митак, 20% эм.к.	2-3	2	30
16.	Моспилан, 20% н.кук. (тагспилан, камилот, пилармос)	0,15 кг/га	2	30
17.	Нурелл-Д, 55% эм.к. (циперфос, сайрен-С, тагрелл-Д, урелл-Д)	1,5	2	30
18.	Политрин-К, 31,5% эм.к.	1,0	2	30
19.	Поло, 50% сус.к.	1-1,2	2	30
20.	Суми-альфа, 5% эм.к.	0,5-0,6	2	20
21.	Талстар, 10% эм.к.	0,6	2	30
22.	Фенкилл, 20% эм.к.	0,6	2	20
23.	Энджео-К, 24,7% сус.к.	0,2	2	30
<b>Иссиқхоналарда қўллаш учун</b>				
1.	Апплауд, 25% н.кук.	0,5	1	3
2.	Циракс, 25% эм.к.	1,2-1,6	2	3
3.	Калипсо, 48% сус.к.	0,1-0,15	2	30
4.	Фуфанон (карбофос), 57% эм.к.	1,5-2,0	2	20
5.	Талстар, 10% эм.к.	0,6	2	30

Лекин республикамизда учрайдиган цикада турлари сези-ларли даражада ғўзага зарап келтирганинг сабабли, уларга қарши маҳсус қураш олиб борилмайди. В.В. Яхонтов (1953) сариқ цикада (*Cicadatra ochreata* Mel.) тўғрисида батафсил маълумот келтирган. Бу сайроқи цикада айрим ерларда 40% гача ғўза новдаларини шикастлаган. У 4 йилда бир бўғин беради. Ҳозирги пайтда яшил цикадаларни июн-июл ойларида Сурхондарё ва Фарғона водийси шароитларида ғўзада кўплаб учратиш мумкин. Бу ҳашаротларнинг ўзига хос кушандалари мавжуд: қушлар, йиртқич ва паразит ҳашаротлар. Улар цика-даларнинг нуфузини пасайтириб, маҳсус қурашга ҳожат қолдирмайди.

**Қураши чоралари.** 1. Ғўза экилган далаларда ўтказила-диган ҳимоя тадбирлари цикадаларни ҳам йўқотади.

2. Зааркунанда тўпланадиган партов ва бўз ерлар ўзлаш-тирилади, зааркунанданинг доимий макони бўлган янтоқзор ва қизилмия ўти йўқотилади.

3. Ўсимликларнинг кўплаб заарланиши хавфи туғилган-да экинларга фосфорорганик ёки пиретроид инсектицидлар билан ишлов берилади.

## **2. Ғўзанинг ер остки қисмини кемирувчи**


### **зараркунандалар**

(кузги тунлам, ундов тунлами, ёввойи тунлам)

**Тунламлар.** Паҳта етиштирувчи барча минтақаларда ғўзанинг ер остки қисмига зарап етказувчи тунламларнинг ўн битта тури аниқланган. Тунламлар ғўзага турли даражада шикаст етказади. Ўрта Осиё шароитида ғўзага кўпинча кузги тунлам (кўк курт) тушади. Бошқа турлари, жумладан ундов ва ёввойи тунлам унча кўп учрамайди, аммо баъзи йилларда бундай турлар ҳам экинларга катта хавф туғдириши мумкин. Бу тунламлар ҳаммахўр хисобланади, лекин уларнинг хуш кўрадиган экинлари ва бегона ўтлари мавжуд. Масалан, ундов тунлами – бедани, кузги тунлам – ғўзани, ёввойи тунлам эса полиз экинларини хуш кўради. Яшаш тарзи, шикастлаши ва

кураш усуллари ҳамма тунламларда деярли бир хил.

**Кузги тунлам** (*Agrotis segetum* Den. et Schiff). Суғориладиган пахтачилик туманларида кенг тарқалган зааркунандалардан биридир. Унинг қуртлари 34 та ўсимликлар оиласига мансуб бўлган юзлаб экинларга зарар етказади. Ғўза, беда, қанд лавлаги, маккажўхори, ғалла, мойли ўсимликлар ва полиз экинлари, шунингдек, печак, ёввойи тожихўроз, шўра, олабўта кузги тунламнинг энг хуш кўрган озиғидир. Кузги тунлам қуртлари униб чиқаётган ғўза чигитини шикастлаб, уруғ паллаларини тешади (29-расм), илдизларни ёки илдиз бўғзи яқинидаги поянни кемиради, баъзан майсанинг ер устки қисмига ҳам зарар етказади.



29-расм. Кузги тунлам  
(А. Бломер маълумоти  
бўйича):

а-капалаги; б-тухумлари;  
в-қурт зарарлаётган ғўза  
ниҳоли; г-қурт зарарлаган  
чигитдан униб чиккан  
ниҳол; д-тупроқдаги ғум-  
баги.

Шоналаш даврида, яъни ғўза поясининг остки қисми дағаллашган вактда, тунлам қуртлари уларни кемиришга ожизлик қиласди. Шу боисдан қуртлар эртаги экинларга қарангда кечки экинларга қўпроқ зарар етказади. Мутахасисларнинг фикрича, ғўзанинг беш-олти чинбарг фазасидан кейин шикастланмаслигига мазкур сабаблардан ташқари

озиқа биокимёвий таркибининг ўзгариши ҳам сабаб бўлади. Куртлар ёппасига қўпайган йиллари майсалар шу кадар сийраклашадики, ҳатто бу экинни қайта экиш зарур бўлиб қолади. Ғўза эрта экилганда катта ёшдаги қуртлар пайдо бўлгунча беш-олтида чинбарг чиқариб улгуради ва шикастланмайди, чунки бундай ғўзани қурт ея олмайди. Кеч экилган ғўзани тунлам қуртлари қаттиқ шикастлади. Кузги тунлам кечки экинлардан маккажўхори ва бошқа ўсимликларга кучли шикаст етказиши мумкин. Кузги тунламнинг шикастлаш белгилари ва қандай зарар етказишига, шунингдек морфологик белгиларига қараб бошқа тунлам турларидан ажратиб олиш мумкин.

Кузги тунлам капалагининг қаноти ёзилганда қарийб 40 мм га етади. Олдинги қаноти сарғиш-кулранг, орқа қаноти эса оқ тусда, тўқ тусли томирларга эга. Олдинги қанотларининг доғли бўлиши ўзига хос хусусиятидир: қанотларининг асосига яқин жойда понасимон қорамтири доғи, қанотининг деярли марказида юмaloқ ва ундан бироз юқорироқда буйраксимон доғлари бор. Буйраксимон ва юмaloқ доғлари тўқ тусли чизик билан ўралган.

Кузги тунлам тухумининг диаметри 0,65 мм келади, шакли қуббасимон бўлиб, тепасида бўртиқлари бор. Тухумининг сиртида 16 дан 20 тагача қовурғачалари бўлиб, уларнинг бир қисми тухум учига бориб туташади (тунлам тухумларининг қовурғали бўлиши шу ҳашаротларнинг барқарор белгисидир). Эндиғина қўйилган тухумлари оқ бўлади.

Кузги тунламнинг етук қурти 5 см га етади. Унинг кўкиш-кулранг танаси биқинларидан иккита ноаниқ йўл ўтган, булар орасида эса учинчи йўл бўлиб, бу орқа кон томирининг гирашира кўринишидир. Безовталанган қурт буралиб халқа бўлиб олади.

Гумбаги оч қўнғир бўлиб, бўйи 14-20 мм га боради, унинг охирги сегментида иккита айри тиканчаси бор. Кузги тунлам сўнгти икки ёшдаги қуртлик даврида тупроқнинг 5-15 см чукурликдаги қатламида қишлиади. Баҳорда ўртача бир кечади.

кундузлик ҳарорат  $10^{\circ}$  дан ошганда қишлиб чиққан қуртлар тупроқдаги инларини ташлаб ер бетига күтарилишади ва ғумбакка айланади. Капалакларнинг учиши Ўрта Осиё шароитида апрел-май ойларида давом этади ва бу ҳодиса 40 ва ҳатто 60 кунгача чўзилиши мумкин. Капалаклар 20-40 кун яшайди ва гулларнинг нектари билан озиқланишга жуда муҳтоҷ бўлади. Мураккабгулдошлар оиласига мансуб ўсимликларга ниҳоятда ўч бўлганлиги сабабли кечки соатларда уларга тўпланиб олишади. Капалаклар жуфтлашиб, тухум қўйишга киришади. Уларнинг серпуштилиги қанчалик қўшимча озиқланишига ва қуртлик давридаги яшаш шароитига боғлиқдир. Капалак кўпи билан 2000 та, аксари 500-600 та тухум қўяди. У тухумларини ўсимлиknинг илдиз ёнидаги қисмларига ва тупроқ бетига (биттадан ёки 2-3 тадан) қўяди. Об-ҳаво шароитига қараб уч-етти кундан кейин тухумлардан майда, тўқ кулранг қуртлар чиқади. Даствлаб қуртлар баргларнинг орқа томонида бўлиб, уларнинг эти билан озиқланади, кейин тупроққа тушади. Қуртлар тунда тупроқ бетига чиқиб, ўсимликларнинг ер устки қисмларини заарлайди. Шу пайтда улар паразит ва йиртқичларга ем бўлишлари мумкин. Қуртлар тупроқнинг нам ва куруқ қаватларидаги қисмида 30-40 кун яшайди ва шу вақт мобайнида беш марта пўст ташлайди. Олтинчи ёшдаги қурт озиқланиб бўлгач, тупроқдаги инида ғумбакка айланади. Орадан икки-уч хафта ўтгач ғумбаклардан янги бўғин капалаклари чиқади ва урчиш доираси яна янгидан такрорланади. Кузги тунлам Ўрта Осиё ва Кавказ орти шароитларида мавсум мобайнида уч-тўрт бўғин беради. Биринчи ва учинчи бўғинлари энг кўп урчиди, иккинчисида ҳарорат кўтарилиб кетиши туфайли депрессия рўй беради.

Биринчи бўғин қуртлари ёш ғўзага зарар етказади. Учинчи бўғини кузги бедага, шунингдек картошка, сабзавот ва полиз экинларига катта зарар етказади. Ёз охирни ва куз бошида ўртacha бир кеча-кундузлик ҳарорат  $25^{\circ}$  дан пасайганда, биринчи ёшдан бошлаб ривожланаётган қуртлар ғумбакка айланмайди, балки қишлишга тайёргарлик кўради.

*Кузги тунламнинг ривожланиши муддатларини башиборат қилиши.* Кузги тунламнинг ривожланиш муддатларига оид башорат муайян жойга яқин метеорологик станция ёки постларнинг агрометеорологик кузатишларидан олинган маълумотлар асосида тузиб чиқилади. Заараркунанданинг ривожланишига доир узоқ муддатли ва қисқа муддатли башоратлар асосида кузги тунламнинг ғўза ва бошқа экинларга тушиш хавфи маълум қилинади. Ўсимликларни ҳимоя қилиш институти томонидан тузиб чиқилган мавжуд усулга мувофиқ заараркунанда капалакларининг баҳорда пайдо бўлиши ва ривожланиш муддатлари фойдали ҳарорат йифиндисига ( $50^{\circ}$ ) қараб аниқланади. У ҳавонинг ўртacha ўн кунлик ҳарорати юзасидан ҳисоблаб чиқилади (бунда ҳарорат  $10^{\circ}$  дан кам бўлмаслиги зарур).

Дастлабки капалакларнинг учиш вақтини ҳарорат кўрсатичларига қараб аниқлаш уларнинг асосий учадиган даврини ўз вақтида белгилаш учун зарур. Кўпинча 20-30 кун давомида ўртacha ўн кунлик ҳарорат  $20^{\circ}$  га яқин ва ундан ортиқ бўлганда капалакларнинг асосий қисми учади. Кузги тунламнинг иккинчи ва ундан кейинги бўғин капалакларининг уча бошлашини аниқлаш учун аввалги бўғин капалакларининг уча бошлаган муддатидан эътиборан бўлган фойдали ҳарорат йифиндиси ҳисоблаб чиқилади. Фойдали ҳарорат йифиндиси  $550^{\circ}$  бўлиши янги бўғин капалакларининг уча бошлаш муддатини кўрсатади.

Узоқ муддатли башорат тузища кузда биринчи ёш қуртлар учун ҳавонинг ўртacha ўн кунлик фойдали ҳарорати  $25^{\circ}$  дан паст бўлган йифиндисига эътибор берилади. Ўрта Осиёда бу муддатлар одатда августнинг учинчи ўн кунлигидан бошланади. Қуртлик босқичининг муваффақиятли тугалланиши учун зарур фойдали ҳарорат йифиндиси  $400^{\circ}$  ва ундан ортиқ бўлиши қишлошга кираётган заараркунанданинг хавфли эканлигидан далолат беради. Иссиқлик етишмаганлиги сабабли тўйиб озиқланмаган куртлар тупроқнинг юза қатламида қолади ва совуқ тушгунча озиқланишни давом эттиради. Улар

кўпинча касалликка чалиниб қирилади ёки энтомофагларга ем бўлади. Кейинги йилларда кузги тунламнинг қишилаб чиқсан ва кейинги бўғинларининг ривожланишини аниқлаш учун яна ҳам аниқроқ усул – феромон тутқичлар ишлатиш тавсия этилади. Бундай феромон тўпламлари ЎзФА нинг биоорганик кимё институти томонидан ишилаб чиқилиб тарқатилмоқда.

Ҳар 5-15 гектар экинга битта тутқич жойлаштириб бу ерда кузги тунлам ривожланишини назорат остига олиш, трихограммани далага чиқариш муддатини ёки жуда хавфли майдонларни белгилаш ва қириш чораларини ўз вақтида ўтказишни таъминлаш мумкин.

Шуни алоҳида таъкидлаш жоизки, феромон тутқичларни қўллаш усули умумий қабул қилинган ҳисоблаш усулини инкор этмайди. Бу иккала усул бир-бирини тўлдиради ва башорат-сигнализация аниқлигини ошириб, мутахассисларга катта ёрдам беради.

**Кузги тунламнинг табиий кушандалари.** Ўрта Осиё шароитида кузги тунламнинг кушандалари – йиртқич ва паразитларнинг 50 дан ортиқ тури рўйхатга олинган, аммо браконид, ихневмонид, трихограмматид, тахинид оиласига мансуб ўнтача тур кушанда бу зааркунанда сонини камайтиришда катта аҳамиятга эга (30-расм).



30-расм. Кузги тунламнинг  
катта ёшдаги қурти  
танасидан чиқсан апантелес  
кушандасининг  
личинкалари

Зааркунанданинг турли йилларда ва мавсум мобайнида мазкур кушандалар (энтомофаглар) билан заарланиши бир

хилда кечмайди, у 0 дан 80% гача ўзгариб туриши мумкин. Кузги тунламни йўқотишда, айниқса экинлар суғорилиб, қуртлар тупроқ бетига чиққанда қушлар катта аҳамиятга эга.

**Ундов тунлами** (*Agrotis exclamtionis* L.). Кенг тарқалган тур, одатда кўп заарлаши жиҳатидан кузги тунламдан кейинги иккинчи ўринни эгаллайди. Олдинги қанотлари асосида ундов белгисини эслатувчи доғ яхши билиниб туради, унинг номи ҳам худди шу белгига қараб қўйилган. У кузги тунламдан фарқ қилиб, йилига икки марта бўғин беради. Морфологик аломатлари ва ҳаёт кечириши кузги тунламникига жуда ўхшайди, аммо бу зааркунанда ғўзага кам, бедага эса кўп тушади ҳамда кечаси қўринган ёруғликка қараб яхши учади.

Ундов тунлами учун ҳам ривожланиш муддатларини ва кўпайиш миқдорий мезонини белгилаш учун феромон тутқичлари воситасида аниқланадиган усул яратилган. Мазкур феромон модда РНИИХСЗР (Россия ўсимликларни ҳимоя қилиш кимёвий моддалари илмий тадқиқот институти) томонидан чиқарилган.

**Ёввойи тунлам** (*Agrotis conspicua* Hb.). Кенг тарқалган тур, лекин кам учрайди. Айрим йилларда мазкур зааркунанда жиддий зарар етказиши ҳам мумкин. Масалан, 1976 йилнинг баҳорида Фарғона вилоятининг Олтиариқ туманида ёввойи тунламнинг жуда кўп қуртлари адир ерларидан унинг ёнидаги турли экин майсаларига ўтиб, жиддий хавф солган. 1977 йили ёввойи тунлам Тошкент вилоятидаги Пскент туманида полиз ва ғўза экинларига катта заар етказган.

Ёввойи тунламнинг морфологик белгилари ва биологияси кемирувчи бошқа тунлам турларидан бирмунча фарқ қиласи. Капалаклари кузда тупроқка тўп-тўп қилиб 50-70 тадан тухум қўяди. Урғочиси тухум қўйиш пайтида ёпишқоқ модда ажратади, у қуриб тухумларни тупроқ зарраларига бириктиради, натижада табиатда уларни топиш деярли мумкин бўлмай қолади. Эндиғина қўйилган тухуми оқ тусли бўлади. Унинг ранги ўзгаради ва 7-8 кундан кейин бинафша рангга киради.

Бу вақтга келиб унинг тўқ қобиғи орқали ҳосил бўлган муртакни кўриш мумкин. Ёввойи тунлам тухум қобиғи ичидаги пайдо бўлган қурт ҳолида қишлиайди. 1-2-ёшдаги қуртлари очик юзада озиқланади. 3-ёшидан улар озиқланадиган ўсимликлардан тушиб, кундузи тупроққа яширинади. Кичик (1-3) ёшдаги қуртлар баргларнинг этларини еб, скелетини қолдиради, ёш баргларни эса ғалвир қилиб юборади. Ўрта ва катта (4-6) ёшдаги қуртлар барг бандларини кемирибгина қолмай, уларни дархол еб қўяди ёки инларига ташиб кетади. Беда ва йўнғичқага тушган қуртлар баргли новдаларни бутунлай еб, дағал пояларинигина қолдиради.

Ёввойи тунлам қуртлари турли ўсимликлар билан озиқланади. Қуртлари озиқа қидириб анча масофага силжиши мумкин. Ёввойи тунлам қурти олти ёшни кечириб ривожланади. Лаборатория шароитидаги ривожланиши ҳавонинг  $12-22^{\circ}$  ли хароратида 45-51 кун давом этади. Дала шароитида кузатилганда қуртларнинг март бошидан то май охиригача ривожланиши 60-70 кунни ташкил қилган. Ривожланиши тамомлаган қуртлар икки-уч кун тупроқнинг юзасида қолади. Шу вақт мобайнида еган барча озифини ҳазм қиласи ва ичагини бўшатади. Сўнгра 6-8 см чукурликка кириб тупроқдан ин қуради, 3-4 кун пронимфа босқичида (даврида) бўлиб, сўнгра ғумбакланади.

Кузатиш натижаларига кўра, тоғолди минтақаларида ёввойи тунлам қуртлари ғумбакланыш учун бўз ерларга ёки ҳар хил ўт ва бута ўсимликлари ўсадиган уватларга ўтади. Тоғолди минтақаларида ғумбаклангандан 16-17 кун ўтгач капалаклар (ярим сахро минтақада эса 14-15 кунда) учиб чиқади. Бу май ойининг охири ва июннинг бошига тўғри кела-ди. 1986 йили май ойида ёввойи тунлам капалакларини кўплаб Тошкентга (марказий даҳаларгача) учиб келганлиги аниқланган. Бунда ярқироқ оқшом ва тунги шаҳар чироқлари одатдан ташқари беҳисоб капалакларни ўзига жалб қилган. Капалаклар баҳор, ёз ойларида гуллаётган ўсимликларнинг нектари билан озиқланади. Жазира маҳаллалари ишланиши билан (июн

охири ва июл боши) капалаклар диапауза даврини кечиради. Август охирида улар яна уча бошлайди ва сентябр охири – октябрнинг бошигача учишни давом эттиради.

Кемирувчи тунламлардан қуйидаги турлар ҳам ғўзага зарар етказиши мумкин (А.И. Петров маълумотлари).

**Ипсилон тунлами** (*Agrotis ypsilon* Rtt). Турли ёшдаги қуртларнинг қишлиши, сернам соз тупроқларни ёқтириши бу тур учун хосдир.

**Тамаки тунлами** (*Agrotis obesa* Bd.). Кўплаб тамаки экинига тушади, бироқ ғўзада ҳам учраб туради. Биринчи ва иккинчи ёшдагиси қишлишга киришади, шу боисдан зарар келтириши баҳордаёқ бошланади.

**Қора елкали тунлам** (*Ochropleura flammatra* Schiff.) кўпинча ғўзага зарар етказади.

**Қора-С тунлами** (*Agrotis C – nigrum* L.). Россия, Украина, Белоруссия минтақаларида кўпроқ учрайди ва сезиларли даражада зарар келтиради. Одатда, йилига икки бўғин беради. Ғўзанинг зараркунандаси сифатида ҳам қайд этилган.

**Лентали катта тунлам** (*Triphaena pronuba* L.). Бу тур Ўрта Осиёда кўп учрайди. Ёш қуртлари ҳаммахўр, ғўзага ҳам шикаст етказиши мумкин.

**Қора доғли тунлам** (*Euxoa temera* Hb.). Туркманистон, Бухоро вилояти ва Кавказда учратилган. Ёш қуртлари қишлиб чиқади, улар ёзда узоқ давом этадиган диапаузада бўлади.

**Оч қулранг ер тунлами** (*Agrotis crossa* Tr.). Кенг тарқалган тур бўлиб, сабзавот ва полиз экинларига шикаст етказади, баъзан ғўзага ҳам тушади.

#### **Илдизқирқар тунламларга қарши кураши чоралари.**

1. Ташкилий-хўжалик ва агротехника тадбирларини ўтказиш. Бунда кузги шудгор, яхоб сувини бериш, бегона ўтларга қарши курашиш, ғўза қатор ораларига ишлов бериш, уват ёқаларини тозалаш ва бошқалар назарда тутилади. Хоразмда К. Дурдиев (1987) ўтказган тадқиқотлар шуни кўрсатдик, қишида шўр ювиш ҳамда яхоб сувини бериш пайтида 3-4 кун

ичида сув остида турган ерда кузги тунлам 83%, ундов тунламининг куртлари эса 27% гача нобуд бўлган.

2. Фўза ниҳолларини сўрувчи ҳашаротлардан (шира, трипс) ҳимоя қилиш учун чигит гаучо (ёки аналоглари) билан упаланиб экилган бўлса, бу уларни илдиз кемирувчи заарку-нандалардан ҳам ҳимоя қиласи.

3. Ҳозирги кунда илдиз кемирувчи тунламларнинг нуфузи ва аҳамияти 30-40 йил муқаддам даврлардагига нисбатан анча камайган. Бунга уйғунлашган омиллар сабабчидир. Шу боис тунламларнинг одатдаги унча юқори бўлмаган сонига қарши биологик усулда муваффақиятли курашиш мумкин. Бунинг учун фўза ниҳоллари пайдо бўлгач, зааркунанданинг феромон тутқичларини тарқатиш керак. Кеч ёки қайта экилган пайкалларда кузги тунлам феромони билан бир қаторда ундов тунлами феромони ҳам жойлаштирилиши лозим. Ҳар иккала феромонли тутқичлар бир-биридан камида 25-30 м масофада ўрнатилади. Ҳар кечада ўртacha 3-4 капалак тутилиши трихограмма қўйишни бошлиш кераклигидан далолат беради. Ўз вақтида (кечиктирмай) далага чиқарилган сифатли трихограмма муваффақият гаровидир.

4. Кузги тунлам учун қабул қилинган иқтисодий мезон бирлиги Ўзбекистонда ўртача ҳар  $m^2$  пайкалда 0,2-0,4 дона ва ундан кўп қурт мавжудлиги билан белгиланган. Хоразм вилояти шароитида ўтказилган тадқиқотлар шуни кўрсатдики, агар фўза ниҳоллик даврида вақтинча ҳар  $m^2$  ерда сунъий равишида 4-5 та бегона ўт қолдирилса, илдиз кемирувчи куртлар сони ҳар  $m^2$  да 2-3 та бўлса ҳам ўсимликка хавф туғдирмайди. Бу усул Хоразм вилояти шароитида кенг текширилди ва амалиётда кенг кўлланилмоқда. Ҳозирда бу усул янги нашр этилган «Фўза зааркунандалари, касалликлари ва бегона ўтларига қарши кураш усуллари» тавсияномаларига киритилган.

5. Тунлам қуртларининг сони хавфли даражага етгани аниқланса (ҳар 1  $m^2$  ерда 1-1,5 та ва ундан кўп қурт) кимёвий кураш ўтказиш лозим. Бунинг учун қуйидаги инсектицидлар трактор пуркагичи ёрдамида сепилиб, культивация қилинади

ёки далага сув таралади. Культивация қилинганды препарат ер остига күмилиб самараси ошади, сув қўйганда эса куртлар юқорига қараб ҳаракатланади ва препарат билан «учрашуви» тезлашади ҳамда ташқарига чиқсан куртлар турли кушандалар хавфига мубтало бўлади. Препаратлардан циперметрин – 0,3 л/га, вантекс – 0,25-0,3 л/га, децис – 0,7 л/га, кинмикс – 0,6 л/га, куракрон – 1,2, политрин-К – 1,0, энджео-К – 0,2 ва фенкил – 0,6 л/га тавсия этилган (Рўйхат, 2010).

**Бошқа заараркунандалар.** Ёзанинг ер остки қисмига турли бошқа ҳашаротлар ҳам шикаст етказиши мумкин. Буларнинг кўпчилиги қўнғиз личинкаларидир. Ёзга ниҳоллариға қўйидаги қўнғиз ва уларнинг личинкалари шикаст етказиши мумкин.

1. **Плакча мўйловлилар** (пластинчаторусые) – *Scarabaeidae* оиласи. Йирик қўнғизлар бўлиб, личинкалари тупроқда, чиринди ва органик қолдиқларда ҳаёт кечиради. Тўртинчи йилга бориб ғумбакланади ва қўнғизи ердан учиб чиқади, қўшимча озиқланади ва урчиб насл қолдиради. Плакча мўйловлилардан ёзага хрушлар зарар етказиши мумкин. Хрушларнинг 10 га яқин турлари Ўзбекистонда кенг тарқалган. Уларнинг личинкалари гўнг билан бирга далага олиб чиқилиши мумкин. Уч йил мобайнида ерда ётадиган личинкалари ёзга ва бошқа экинларнинг илдизини кемириб, ўсимликни қуритиб қўйиши мумкин.

2. **Тилла қўнғизлар** (бронзовкалар) – *Cetoniinae* кенжага оиласига мансуб. Личинкалари чириндига бой тупроқда ривожланади. Қўнғизлари кўпроқ гуллар (шу жумладан ёзанинг ҳам) билан озиқланиб, зарар келтиради.

3. **Чертмакчилар** (*Elateridae* оиласи). Курти симкурт деб аталади. 2-4 йилда бир бўғин беради. Ёзага личинкалари зарар етказиши мумкин.

4. **Қора қўнғизлар** (*Tenebrionidae* оиласи). Ўзбекистонда тарқалган турлари кўп. Улар орасида ёзга қора қўнғизи ёзани шикастлаши мумкин. Қўнғизи барглар, личинкалари эса ниҳол илдизлари билан озиқланиб зарар етказади.


### **3. Ёзанининг ер юзидағи қисмларини кемирувчи зааркунандалар**

#### **Ҳосил нишоналарининг зааркунандалари**

Ўзбекистоннинг барча пахталик туманларида кемирувчи зааркунандалар ғўзанинг ҳосил нишоналарига катта зарар етказади. Улардан энг хавфлиси ғўза тунлами (кўсак қурти) ҳисобланади. Беда тунлами, мингдевона тунлами ва шувоқ тунлами каби турлар ҳам ғўзага зарар етказади, лекин уларнинг нуфузи бирмунча пастроқ.

**Ғўза тунлами** (*Heliothis armigera* Hb.). Ер куррасининг барча қисмларида мўътадил ва субтропик минтақаларда кенг тарқалган. Ўрта Осиёда ғўза тунлами ҳамма жойда учрайди. Бироқ, унинг сони ва келтирадиган зарари турли тупроқ-иклим минтақаларида турличадир. Сурхондарё, Фарғона ва Андижон вилоятларининг кўп қисми доимо заарланиб турдиган минтақа ҳисобланади. Бир қатор ирригация иншоотлари ишга туширилгандан кейин бу зааркунанда Бухоро вилоятида, Сирдарё вилоятининг жанубий-шарқий минтақасида, Наманган ва Қашқадарё вилоятларида ҳам анча кўпая бошлади.

Ғўза тунламининг капалаги йириқ, қанот ёзганда 35-40 мм келади, танасининг узунлиги 12-20 мм га боради (31-расм). Танаси охрасимон сариқдан қўкиш-сариқ ва кулранггача ўзгарди. Олдинги қанотларининг марказида биттадан кичикроқ юмалоқ, юқорироғида эса биттадан йирик буйраксимон қорамтири доғлари бор. Орқа қанотлари олдингиларига қараганда очроқ, кенг тўқ ҳошияли, ўртасида тўқ рангли ойсимон доғлари бор. Капалаги жинсий етук ҳолда пайдо бўлмайди, шу боисдан асал берувчи ўсимликларнинг нектари билан кўшимча озиқланишга муҳтож бўлади. Апрел-май ойларида, тупроқнинг ҳарорати  $16^{\circ}$  дан ошганда капалаклар учиди чиқа бошлайди ва учиш 30 кундан кўпроққа чўзилади. Тухумларини кўпинча бегона ўтлар – дағал каноп, бангидевона, гулхайри, тугмачагул, мингдевоналарга қўяди.



31-расм. **Фўза тунлами:** а – капалаклари, б – тухуми сканер микроскоп остида, в – қурт ва гумбаклари, г – заарланган шона, д – помидор мевалари, е – маккажўхори, ж – кунгабоқар, з – нўхот.


Фўза тунламининг биринчи бўғини одатда кам бўлади ва эртаги экинлардан нўхат, тамаки, зигир, помидор ва маккажўхорида ривожланади. Фўзага шоналаш давридан бошлаб тухум қўя бошлайди. Зааркунанда ёзнинг биринчи ярмида барвакт ривожланган ўсимликларга, иккинчи ярмида эса анча кечки экинларга тушади. Фўза тунламининг тухуми гумбазсимон бўлади, диаметри 0,5-0,7 мм, баландлиги 0,4-0,5 мм келади. Юқорисидан асосигача ўзига хос 26-28 та қовурғачалар – радиуслар ўтган. Кўйилган тухумлар дастлаб оқишкулранг, кейин эса қўнғир бўлади. Капалаклар тухумларини асосан якка-якка қилиб фўза пояларининг ўсув нуқталари яқинидаги баргларга, шона гулёнбаргчаларига ва шона ҳамда гул асосларига қўяди.

Капалаклар фўзаси ғовлаб ўсган сернам далаларни ёқти-

ради. Гигротермик шароитларга қараб 4-6 кунда тухумлардан күртлар чиқади. Тухумдан чиқкан күрт оч кўйк, деярли тиник оқиш бошли бўлади, кўп ўтмай қуртнинг боши қораяди, танасининг ранги эса яна ҳам тўқ тус олади. Қуртнинг танаси майда холчалар билан қопланган. Холчасининг ҳар қайсисида биттадан қилча бўлади. Олтита ёшни кечириш даврида күрт танасининг тузи ҳар хил ёшда ва ўсимликнинг қайси қисми билан озиқланишига қараб, кўнғир-қора ёки яшил рангдан сарғиши тусгача ўзгаради.

Озиқланиб бўлган охирги ёшдаги қуртлар тупроққа тушиб 5-12 см чуқурлиқда ин ҳосил қиласи ва ғумбакка айланади. Камдан-кам ҳолларда инидан ташқарида кўсак ёки маккажўхори сўтаси ичидаги ғумбакланади. Ғумбагининг ранги оч пуштисариқдан қизғиши-жигарранггача ўзгаради. Ғумбагининг бўйи 17-21 мм келади. Қорин қисмининг ўнинчи сегментидаги охирги ўсиғида параллел жойлашган иккита тиканча мавжуд.

Ғўза тунламини ғумбаклик даврида урғочи ( $\text{♀}$ ) ва эркакка ( $\text{♂}$ ) ажратса бўлади. Бу, ҳашарот ғумбагининг 8-10-нчи бўғинида жойлашган аналь тешиклар изига қараб бинокуляр ёки лупа ёрдамида аниқланади (32-расм).



32-расм.  
Ғўза тунлами ғумбакларининг жинслар бўйича ажралиши:  
 $\text{♀}$  - урғочиси,  
 $\text{♂}$  - эркаги.

Ғумбакдан 8-12 кун ўтгач капалак учиб чиқади. Ғўза тунламини урғочиси бақувватлиги ва қўшимча озиқланишига қараб 400 дан 2000 тагача тухум қўйиши мумкин. Мавсумда ғўза тунлами уч-тўрт бўғин беради, бунда ҳар қайси бўғинининг ривожланиши бир хил муддатда кечмайди. Мавсум бошида тунлам биринчи бўғинининг айрим босқичлари

нисбатан узок ривожланади, ёз ўрталарида жазира машина иссиқ таъсирида у жадаллашади, август ва сентябрда ҳарорат пасайиши билан яна секинлашади. Умуман олганда ғўза тунлами ўзининг тўлиқ ривожланиш даврини (генерациясини) тухумдан капалакка айлангунича 30-40 кун мобайнида тугаллади. Ғўза тунлами асосан ғўза, маккажӯхори, помидордан бўшаган далаларда, шунингдек уларга ёндош пайкал ва уватларда ғумбак шаклида қишлиб қолади.

**Зааралилик ва миқдор мезони.** Ғўза тунлами – ҳаммахўр зааркунанда. У турли оилаларга мансуб жуда кўп ёввойи ва маданий ўсимликлар билан озиқланади. Булардан энг хуш кўрадиганлари – ғўза, маккажӯхори, помидор, тамаки, кўпгина дуккаклилар, шунингдек ошқовоқ ва ерёнгоқ, ёввойи ҳолда ўсувлардан каноп, бангидевона ва бошқалардир. Ғўза тунлами инг куртлари гуллардан атиргул, хризантема ва бошқаларни хам шикастлаши мумкин.

Ғўзага тушган кўсак қурти пахта ҳосилини камайтириб, сифатини пасайтиради. Кичик ёшдаги куртлар ғўза баргининг этини ейди ва ёш шоналари билан озиқланади. Ўрта ёшдаги куртлар шона ва гулларни, катта ёшдагилари эса тугунчалар ва кўсакларни ейди. Заарланган шона, гул ва тугунчалар қуриб тўкилади. Кўсакларнинг шикастланган қисмларига саррофит замбуруғ ва бактериялар тушиб, уларни чиритади. Ҳар бир курт ривожланиш даврида ғўзанинг 15-20 тагача шона, гул ва тугунчаларини шикастлаши мумкин.

Зааркунанданинг миқдор мезонини аниқлаш муҳимdir, чунки кимёвий кураш ўзини иқтисодий жиҳатдан оқлаши шарт. Maxsus тадқиқот натижаларига кўра, Ўзбекистонда ўрта толали навларнинг ҳар 100 тупида 10-12 та, ингичка толали ғўзаларда эса 3-5 та тухум ва курт топилганда ҳимоя чорасини ўтказиш мумкин.

**Ғўза тунлами инг ривожланишини олдиндан аниқлаш (башиорат қилиши) усули.** Ўзбекистонда ғўза тунлами ривожланишини чамалаб билиш ишлари Ўсимликларни ҳимоя қилиш илмий тадқиқот институтида ишлаб чиқилган усул асосида ўтказилади. Шу усулга кўра қишлиб чиқсан бўғин


капалаклари ҳавонинг ўртача ўн кунлик ҳарорати  $11^{\circ}$  дан ошганда ва тупроқнинг 10 см чукурлигидаги ҳарорати  $16^{\circ}$  дан ошганда уча бошлайди. Ойнинг ана шу ўн кунлигидан эътиборан самарали ҳарорат йифиндиси хисобланилади. Самарали ҳарорат йифиндиси  $550^{\circ}$  бўлганда бўғин бериш тугалланиб, янгиси бошланади ва ҳоказо. Шу усулга мувофиқ августда ўртача ўн кунлик ҳарорат  $25^{\circ}$  дан пасайганда ва пахта очила бошлаганда, биринчи ёшдан бошлаб зааркунанданинг қишлиб қоладиган популяцияси шаклана бошлайди. Зааркунанданинг қишлишга қанчалик тайёрланиши ҳамда унинг келгуси йилда ривожлана олиши шу популяциянинг тўплаган самарали ҳарорат йифиндисига боғлиқ. Агар бу кўрсаткич камида  $350^{\circ}$  га тенг бўлса (күртлик босқичининг тўлиқ ривожланиши учун зарур бўлган ҳарорат) зааркунанда бемалол қишлиб чиқади. Шундай қилиб, бу усул ғўза тунламишининг пайдо бўлишини (қисқа муддатли ва узоқ муддатли) чамалаб аниқлашга ҳамда зааркунандага қарши муваффақиятли равишда кураш олиб боришга имкон беради.

Ҳозирги пайтда ғўза тунламишининг ғўза ва бошқа экинларда аниқлаш ва кураш чораларининг муддати ва турини белгилаш учун феромон тутқичлар яратилиб, амалиётда кенг қўлланилмоқда. Бу усул тўғрисида умумий ва батафсил тушунча III қисмда келтирилган. Бу ерда шуни қайд этиш лозимки, бу усул 2000 йиллардан буён Ўзбекистонда 1,2-1,4 млн гектар ерда қўлланиб келинаяпти. Бу усулни қўллаш трихограмма самарадорлигининг ошишига, кимёвий воситалар билан ишланадиган майдонларнинг 0,5-1 мартаға камайишига олиб келди. Умуман, ғўза тунлами феромонини қўллаш ҳар гектар ердан анча маблағ тежаб қолишга имкон беради.

*Ғўза тунламишининг энтомофаглари ва уларнинг самарасини ошириши йўллари.* Ғўза тунламида жуда кўп йиртқич ва паразитлар кушандалик қиласи. Ғўза тунламига хуруж қиласидиган ҳашарот энтомофагларнинг турлари 150 тадан ошади. Аммо зааркунандани йўқотишда амалий аҳамиятга молик турлар унча кўп эмас. Уларнинг кўпчилиги пардақанотли ва

тўрқанотлилар туркумига мансубдир.

**Тухумхўр – трихограмма** (*Trichogrammatidae* оиласи). Ўзбекистон шароитида ғўза ва бошқа тунламларнинг тухумларини йўқотишда трихограммани мавсумий колониялаш усулидан фойдаланилади (33-расм).



33-расм. Трихограмма: а-етук зоти; б-тунлам тухумини заарлаш пайти; в-трихограмма заарраган тунлам тухумлари.

Тухумхўрни биринчи марта далага чиқариш зааркунанданинг тухум қўйиши билан бошланиб, ҳар ҳафтада такрорланади (2-4 марта). Трихограммани кун ботишидан олдинроқ (иссиқ пасайган пайларда) чиқариш лозим, чунки у эрталаб соат 7 дан 11 гача ва 17 дан 20 гача энг фаол бўлади. Табиатда хўжайин тухумларини ахтаришда трихограмма яхши учиб

тарқала олмайди, шу боисдан далада бир текис тарқалиши учун уларни ғұза экилган майдоннинг ҳар гектарига камида 100 та жойдан (яғни ҳар 10 м оралатиб) қўйиб юбориш лозим. Кушандани механизация ёрдамида (дельтаплан, трактор) тарқатиш янада самарали усул хисобланади. Бу ҳолда ишлов қисқа ва самарали муддатларда амалга оширилади. Трихограммадан энг юқори самара олиш учун уларни зааркунанда тухум қўя бошлаган пайтдан бошлаб тарқатиш лозим.

Бу вакт феромон тутқичлари воситасида аниқланади. Трихограмма зааркунанда зўр бериб тухум қўяётган вактда ва ундан кейин ҳам унинг тухумларини заарлашга йўналтирилади. Заарланган далаларга серҳаракат ва нокулай шароитларга бардошли трихограмма юборилиши лозим. Ўзбекистонда биолабораторияларда қўпайтириш учун маҳаллий шароитларга энг мойил бўлган 2-3 та трихограмма турлари қўпайтирилади (*Tr. pintoi*, *Tr. euproctidis*, *Tr. evanescens*). Тайёрланган биомахсулотнинг сифатига баҳо бериш учун ҳозирда қишлоқ ва сув хўжалиги вазирлиги қошида республика стандартлаш Маркази ташкил қилинган.

***Апантелес* (*Apanteles kozak* Tel.).** Ғұза тунлами қуртларини самарали йўқотадиган паразит. У Ўрта Осиё республикаларининг пахтакор вилоятларида ҳамда Кавказ ортида қўп учрайди.

Унча катта бўлмаган пардақанотли ушбу ҳашарот тухумларини биринчи ва иккинчи ўшдаги қуртларнинг танасига қўяди. Кушанданинг личинкаси қурт танасида ривожланади ва вояга етгач қурт хўжайин танасининг ўрта сегментларидан ташқарига чиқади. Кушанда личинкасидан ҳоли бўлган ғұза тунламининг курти бир неча кун яшаб ҳалок бўлади. Кушанда личинкаси эса хўжайндан чиқиб 30-40 минут ўтгач ўзига қалин пилла ўраб олади (34-расм). Апантелес паразити браконидларнинг энг фаол, хужумкор турларидан хисобланиб, унинг қўплаб учиши йил давомида экин турларига қараб ҳар хил бўлиш мумкин.



34-расм.  
Апантелеснинг  
гумбаги ва  
шикастланган  
ғўза тунла-  
мининг қурти

**Бракон** (*Bracon (Habrobracon) hebetor* Say). Ғўза тунлами, карадрина ва бошқа капалаклар қуртининг эктопаразити ҳисобланади. Ўзбекистон шароитида браконнинг бошқа тури *H. Simonovi* Kok. ҳам мавжуддир. Бу турлар зааркунандаларнинг ўрта ва катта ёшдаги куртларида текинхўрлик қиласди (35-расм).



35-расм.  
Бракон  
кушандасининг  
етук зоти

Бошқа турлар каби браконнинг ҳам самарадорлиги бир катор омилларга ва биринчи галда сернектар ўсимликлар мавжудлигига боғлиқдир. Тадқиқотларимиз шуни қўрсатдики, бракон помидор, маккажўхори ва бедага тушган ғўза тунлами,

карадрина ва леукани тунламларининг куртларини қаттиқ заарлаши мумкин. Бракон 1991 ва 2002 йиллари Тошкент вилоятининг хўжаликларида кўсак қуртини 23-37% гача заарлаган.

**Ихнеумонид** (*Eplectrus bicolor* Swed) катта ёшдаги қуртларга хуруж қиласи. Бу эктопаразитнинг самарадорлиги унча катта эмас. Ихнеумонидлар (*Barylypa chlorotica* Kok ва *B. humeralis*) ғўза тунлами ғумбакларида топилиб туради. У анча йирикроқ ҳашарот бўлиб, ўз тухумини катта ёшдаги қуртларга кўяди. Зааркунанданинг ғумбаклик даврида паразит вояга етади ва ташқарига чиқади.

**Тахина** (*Gonia cilipera* Rd.) – ғўза ва кузги тунламларнинг кушандаси, Ўрта Осиёда кенг тарқалган. Бу турдан бошқа яна тахина пашшаларининг уч тури ғўза тунламида учрайди.

**Олтинкўз** (*Chrysopa carnea* Steph.) – хризопа авлодига мансуб, нозик тўрқанотли ҳашарот. Ғўза зааркунандаларининг, жумладан ғўза тунламининг ҳам, самарали табиий кушандаси ҳисобланади. Олтинкўзнинг жағлари кучли бўлиб, кўпинча зааркунанданинг ёш қуртларига ташланади. Шу билан бирга ўзидан чиқарган алоҳида моддалари билан дастлаб қуртларни фалаж қилиб кўяди. Олтинкўзлар сон жиҳатдан ғўза агробиоценозида энтомофаглар орасида етакчи ўринни эгаллайди.

Ўсимликларни уйғунлашган ҳимоя қилиш тизими агрономия тадбирлари мажмуини ўз ичига олади. Булар ичida энтомофагларнинг табиий ривожланиши учун қулай шароит яратиш, шунингдек биоценозларни биолабораторияларда кўпайтирилган энтомофаглар популяцияси билан тўлдириб туришга алоҳида эътибор берилади. Ҳимоя қилинадиган экинлар яқинида сернектар ўсимликлар (беда, соябонгулдошлар, уруғлилар ва бошқалар) ўстириш, зааркунандаларни иқтисодий зарарли миқдор мезонини (ИЗММ) ҳисобга олган ҳолда

зарурат туғилган шароитдагина кимёвий ишлов беришни амалга ошириш энтомофагларнинг табиий ҳолатда кўпайишига имкон берадиган тадбирлардан ҳисобланади. Шу боисдан ғўза тунламига қарши кураш олиб борилганда тўғри тактика ишлатиш алоҳида аҳамият касб этади. Бир марта ишлов бериш билан зааркунанданинг шу бўғинидан ўсимликни ҳимоялашга ҳамда табиий энтомофагларни янада тўлиқ асрарга эришиш лозим. Ғўза тунламига қарши вақтидан илгари, ёки кеч кимёвий ишлов бериш яхши натижага жиддий эътибор бериш зарур. Энтомофагларни камайтирадиган препаратларни қўллашда жуда эҳтиёт бўлиш, уларни зарур ҳоллардагина қўллаш лозим.

Зарурат туғилмаганда аралаштирилган (комбинациялаштирилган) препаратларни ишлатмаслик керак, чунки бунда энтомофауна кўпроқ зарар кўради. Ишлов бериш усуллари орасида чанглатишнинг салбий оқибатлари кўпроқ ҳисобланади. Олиб борган кузатишларимиздан маълум бўлдики, хлорорганик инсектицидларнинг кукуни чанглатилган пайкалда энтомофаглар деярли тўлиқ қирилиб кетади, уларнинг сони 12-20 кундан кейингина тикланади. Препарат пуркалганда (масалан, БИ-58) энтомофагларнинг ҳимояланган фазалардаги айрим қисмлари сақланиб қолади. Ғўза тунламига қарши кураш олиб бориш учун инсектицидлар танлашда фозалон, аваунт, вертимек, митак ва куракрон энтомофагларни анча «аяйдиган» препарат эканлигини ҳисобга олиш керак.

Юқорида баён этилган кураш усуллари ва қоидалардан амалиётда омилкорлик билан фойдаланилса, энтомофагларнинг табиий популяцияси бирмунча сақланиб қолади, кимёвий ишлов бериш сони камаяди, моддий жиҳатдан анчагина маблағ тежаб қолиш имконияти вужудга келади.

**Кураши чоралари.** 1. Ғўзани тунламлар ва бошқа зааркунандалардан ҳимоя қилишда ташкилий-хўжалик ва уйғунлашган агротехник тадбирларни амалга оширишнинг аҳамияти каттадир. Бу тадбирлар ҳақида маълумотлар III қисмда батаф-

сил келтирилган. Аммо бу ерда шуни алоҳида таъкидлаб ўтиш керакки, фўза тунламининг ғумбаклари ва куртлари кузда ҳайдалмаган ерларда қолиб кетади ҳамда унинг капалаги ердан чиқа олиши учун туйнук қолдиради, шу боис кузги шудгор албатта ўтказилиши лозим. Бу эса зааркунанданинг салмоқли қисмини қирилиб кетишига олиб келади. Иккинчидан, июл ойида ғалла ўримтеримидан кейин бўшаган ерларга кўсак қурти билан кучли заарланадиган экинларни экиш ярамайди. Бундай экинлар қаторига энг аввал дон учун экилган маккажўхори ва ерёнғоқни киритиш мумкин. Фарғона вилоятининг жанубий туманларида ўтказган назоратларимиздан маълум бўлдики, 2006 йилнинг август-сентябр ойларида барча ўсиб турган маккажўхори ва ерёнғоқ экинлари кўсак қурти билан кучли заарланди. Ерёнғоқ 100% заарланиб, ҳар 100 ўсимликда 83-134 тагача қурт аниқланди. Маккажўхори баргларини август ойида леукани тунлам қуртлари қаттиқ шикастлайди, кейинроқ эса попук ва сўталарини кўсак қурти октябрнинг охиригача шикастлайди. Октябр охири – ноябр ойидан бошлаб қуртлар ерга тушади ва қишлоғга кетади. Бу экинларда одатда кураш чоралари олиб борилмайди. Демак, ерда жуда кўп миқдорда тунлам захираси қолиб кетади. Бундай ерларни шудгорлашдан ташқари қишки яхоб суви беришнинг ҳам фойдаси каттадир.

2. Фўза кўсак қурти учун энг яхши озиқа эмас. Маккажўхори, помидор, нўхат, ерёнғоқ ундан олдинги ўринларни эгаллади. Чунки пахта чигити таркибидаги госсипол номли заҳарли алколоид модда одамзоддан ташқари иссиқконли ва совуқконли хайвонлар учун ҳам заҳарлидир. Шу боис пахта далаларига ёндашган ерлардан бошқа экинлар етишириш учун фойдаланилганда юқоридаги экинларни имкон қадар камроқ экиш мақсадга мувофиқдир.

Бинобарин, маккажўхори экилганда сўтаси сутмум пишган даврда тезда ўрилиб, силос тайёрлаб юбориш лозим. Бошқа заарланувчи экинлар экилса, уларда албатта химоя тадбирларини ўтказиш зарур.

3. Ғўза тунламининг иккинчи бўғини ривожланаётган даврда (июл) қўлда чеканка қилинганда чилпилган шоҳ учларини этакларга йиғиштириб, даладан олиб чиқиб кетилиши ва кўмиб ташланиши лозим. Қузатишларга қараганда, бу тадбир ғўза тунлами тухумлари ва ёш куртларининг 40-55% гача камайишини таъминлайди.

4. Ғўза тунламини мавсумда ҳамда ҳар бир далада ривожланишини белгилаб назорат қилиш ва ўсимликларни ҳимоя қилиш тадбирларини ўз вақтида ва самарали ўтказиш учун жинсий феромон тутқичлардан фойдаланиш лозим (III қисмга қаралсин). Ҳар қандай ўзга мосламалар («баклашклар», электр тутқичлар) бу вазифани бажара олмайди ва самарасиздир.

Ғўза тунламининг феромон тутқичлари (ФТ) ғўза шоналай бошлагандан бошлаб далага 10 гектарга биттадан ўрнатилиди. Капалак илина бошласа ФТ сони оширилади (2-3 гектарга биттадан). ФТ ларни йиғиш, далага ўрнатиш, назорат қилиш ва олинган натижаларни дафтарга ёзиб бориши маҳсус назоратчиларга юқлатилади. Назорат бошида – 3 кунда бир, капалак кўпайганидан кейин эса ҳар куни ўтказилади. Феромон моддали резина капсула 10 кунда 1 марта алмаштирилади. ФТ сақланишини таъминлаш учун, улар кун ботишида далага ўрнатилади, эрталаб йиғиштириб шийпонга олиб келиб қўйилади. Агар бўғин ривожланишининг бошида ҳар бир тутқичга бир кечада ўртacha 3-4 капалак илинса, трихограмма қўйиш учун сигнал бўлиб ҳисобланади. Тутқичларга 15 тадан кўп капалак тушса (бир кечада) ва бундай вазият 3-4 кун давом этса, айни шу дала биринчи галда назорат остига олиниб, зарур бўлса маҳсус кириш чораларини амалга ошириш керак, чунки капалакларнинг бундай миқдори далада кўплаб тухум ва курт пайдо бўлишидан ишора беради.

5. Биологик усулда кўсак қуртига қарши қурашиб учун ҳамма имкониятлар мавжуд, чунки республикамизда биомахсулотлар (трихограмма, бракон ва олтинкўз) тайёрлаш индустрияси вужудга келган. Лекин биомахсулот – бу тирик мавжу-

дот, ундан олинадиган самара кўп омилларга боғлиқ бўлиб қолаверади. Ҳар қандай «зўрлик» бу ерда ўринсизdir. Биоусул самарали ишлаши ва талабга жавоб бериши учун кўйидаги шартларга амал қилиш лозим.

а) Тайёрланган биомахсулотнинг сифати Давлат стандарти талабларига жавоб бериши керак.

б) Биомахсулотни (айниқса трихограмма) қўллаш илмий асосланган муддатларда, яъни ФТ ёрдамида олинган маълумотларга асосланиб амалга оширилади.

в) Биомахсулотни далага тарқатиш техник жиҳатдан (лаборантлар томонидан) тўғри амалга оширилган бўлиши керак: трихограмма – эрталаб ва кечқурун, ҳар 10 м да бир, ҳар гектарга 0,6-1,0 г сарфлаб; бракон – ҳар гектарнинг 20 та жойига тунлам қуртининг зичлигига қараб (1:10-15). Масалан, агар бир гектар пахтазорда 10000 та курт бўлса, демак бу ерга 700-1000 та урғочи бракон тарқатилиши лозим (эркак ва урғочилари аралашган бўлса – 1400-2000 дона).

г) Fўзада ҳар 100 та ўсимликда тунламнинг 50 тадан кўп тухуми ва ёш курти аниқланса, бу кўсак қуртининг сони ҳар 100 та ўсимликда 25 тадан ортиқ эканлигидан далолат беради (бунда 2,5 ц/га ҳосил камайиши мумкин). Бундай пайтда зудлик билан кимёвий кураш ўтказиш лозим.

**Инсектицидлар ва ишлов бериши муддатлари.** Тадбирларнинг самарадорлиги ва қилинган сарфларнинг қопланиб кетиши ишлов бериш муддатларини белгилашга, шунингдек инсектицидларни қўллаш усуllibарига боғлиқ. Fўза тунламига қарши дастлабки ишлов беришга тунламнинг ҳар бўғини бошланишида, капалаклар қийғос тухум қўяётган пайтда, ҳар 100 туп Fўзада 10-12 та ва ундан кўп биринчи-иккинчи ёшдаги қуртлар пайдо бўлганда киришилади. Вақтидан илгари, шунингдек кеч қолиб ишлов бериш ҳам кутилган самарани бермайди, чунки биринчи ҳолда ёппасига курт туғилаётган пайтга бориб заҳарнинг кучи қолмаслиги, иккинчи ҳолда эса катта ёшдаги қуртларга инсектицидлар кам таъсир қилиши мумкин. Қисқа муддатларда, яъни қуртлар катта ёшларга

ўтишигача ишлов бериш учун юқори унумли ОВХ-28 русумли трактор пуркагичларини қўллаш мақсадга мувофиқдир.

Шуни эътиборга олиш керакки, ғўза тунламининг биринчи бўғин куртлари унча яшовчан бўлмайди ва уларни биоусул ёрдамида ҳам қириб ташлаш мумкин. Иккинчи ва ундан кейинги бўғинларига қарши кимёвий курашиш зааркунанда ёппасига тухум қўйиб, тегишли миқдорга етганда ўтказилади. Бу эса феромон тутқичлари воситасида аниқланади. Ғўза тунламига қарши курашиш учун тавсия этилган инсектицидлар рўйхати 7-жадвалда келтирилган. Ушбу препаратлар ҳақидаги маълумотлар билан китобнинг IV қисмида танишасиз.

Ғўзанинг мева тугунчалари ҳамда баргларига бошқа бир қатор тунламлар ҳам зарар етказиши мумкин. Улар бегона ўтлар билан боғлиқлигини янада кўпроқ сақлаб қолган турлардир. Уларнинг ҳаёт кечириши тунламларга хос бўлиб, бир-бирига жуда яқиндир. Улар маълум шароит юзага келганда ғўзага ўтиб, шикаст етказа бошлайди. Бундай тунламларга куйидагилар киради.

**Беда тунлами** (*Chloridea dipsacea* L.) ғўзага заар келтириши ва тарқалиши жиҳатидан иккинчи ўринни эгаллади. Гул ва шоналарга тушадиган бу тунламининг зарари Фарғона, Самарқанд ва Тошкент вилоятларида сезилиб туради. Беда тунламининг биологияси ғўза тунламиниги ўхшашибдир. Одатда, тупрокда қишилаган гумбаклардан апрел ойида капалаклар учиб чиқади. Улар кечаси ҳам, кундузи ҳам учади, аммо ёруғликка қараб яхши учмайди. Тухумларини озиқланадиган ўсимлик баргларининг юза томонига биттадан қўяди. Бу турнинг асосий озиқабоп ўсимлиги беда бўлиб, унда зааркунанданинг энг кўп қисми тўпланади. Бегона ўтлардан янтоқни ёқтиради. Беда тунлами йил давомида уч марта бўғин беради, уларнинг биринчиси бедапоя ва бегона ўтларда, иккинчи ва учинчиси эса ғўза ва бедада ўтади. Куртлари дастлаб баргларни илматешик қилиб ташлайди, кейин эса уларни ниҳоятда шикастлайди, учинчи ёшидан бошлаб шона, гулларни заарлай бошлайди.

Ғүзада күсак куртига қарши қўллаш учун тавсия этилган  
инсектицидлар рўйхати («Рўйхат, 2010» дан олинди)

№	Инсектицидлар	Сарф меъёри, л/га	Неча марта ишлатиш мумкин	Кутиш муддати, кун
1.	Аваунт, 15% сус.к.	0,4-0,45	2	30
2.	Арриво, 25% эм.к. (циракс, циперметрин, шерпа)	0,3	2	20
3.	Бензофосфат, 30% эм.к.	3-3,3	2	30
4.	Золон, 35% эм.к.	2,5-3,0	2	30
5.	Бульдок, 12,5% эм.к.	0,2	2	30
6.	Вантекс, 6% сус.к.	0,3	2	30
7.	Вергимек, 1,8% эм.к.	0,4-0,5	2	30
8.	Данитол, 10% эм.к.	2,0	2	20
9.	Дельтафос, 36% эм.к.	1,5	2	30
10.	Децис, 2,5% эм.к.	0,7	2	20
11.	Каратэ, 5% эм.к.	0,5	2	30
12.	Каратэ Зеон, 5% эм.к.	0,4	2	30
13.	Кинмикс, 5% эм.к.	0,6	2	20
14.	Куракрон, 50% эм.к.	1,2	2	30
15.	Люметрин, 12% эм.к.	1-1,5	2	30
16.	Митак, 20% эм.к.	2-3	2	30
17.	Моспилан, 20% н.кук.	0,3	2	30
18.	Нурелл-Д, 55% эм.к.(сайрен-С, тагрелл-Д, циперфос)	1,5	2	30
19.	Политрин-К, 31,5% сус.к.	1,0	2	30
20.	Пиринекс, 40,8% эм.к.	1,5	2	30
21.	Суми-альфа, 5% эм.к.	0,5-0,6	2	20
22.	Суми-альфа, 20% эм.к.	0,15	2	20
23.	Талстар, 10% эм.к.	0,6	2	30
24.	Фастак, 10% сус.к.	0,25	2	30
25.	Фенкилл, 20% эм.к.	0,6	2	20
26.	Фьюри, 10% с.э.к.	0,3	4	20
27.	Энджео-К, 24,7% сус.к.	0,2	2	30
28.	Регент, 20% сус.к.	0,12	1	30
29.	Ланнейт, 20 L КЭ	1,5-2,0	2	30
30.	Кораген, 20% с.к.	0,15-0,2	2	30
31.	Вертонекс, 80% с.э.сус.	0,9	2	30
32.	Суррендер, 5% с.э.г.	0,3-0,4	2	30

**Мингдевона ёки зигирак тунлами** (*Chloridea peltigera* Schiff). Пахтакор туманларда кенг тарқалган. У ғүзага камроқ тушади. Тадқиқотларимизга кўра, Денов ва Сирдарё туманлирида бу тунлам ғўзанинг шона ва гулларига зарар етказадиган тунламлар орасида 3-5% ни ташкил қилган. Қишлиб чиқсан ғумбакларидан апрел ойининг бошида капалаклар учиб чиқади, уларнинг учиши бир ой давом этади, қўшимча озиқланади ва тухум қўяди. Энг ёқтириб озиқланадиган ўсимликлари ёввойи ва маданий маҳсар, мингдевона, ғўза ва тамакидир. Тухумларини баргларга биттадан қўяди. Қуртлари бошқа тунламларнидан фарқ қилиб, жуда сертук, кўпи яшил бўлади, кичик ёшдагилари баргларни, кейин эса шона ва гулларини шикастлайди. Бу зааркунанда Ўрта Осиё шароитида йилига уч марта бўғин беради.

**Шувоқ тунлами** (*Melieleptra scutosa* Schiff) ғўза экиладиган туманларнинг ҳаммасида учрайди. Унинг энг ёқтириб озиқланадиган ўсимлиги шувоқ ҳисобланади. Қуртлари асосан барглар билан озиқланади. Шувоқ тунламининг иккинчи, баъзан эса учинчи бўғини ғўзага шикаст етказади. Биринчи бўғин капалаклари апрел охири – май бошида уча бошлайди. Зааркунанданинг ҳаёт кечириши мингдевона ва беда тунламиникига ўхшайди.

**Нубигера тунлами** (*Chloridea nubigera* H.S.). Бу тунламнинг қуртлари юқоридаги тунламлар каби дастлаб ғўза баргларини заарлайди, кейин ҳосил меваларининг ичига тешиб кириб озиқланади. У июн ойида айниқса кўп зарар келтиради. Нубигера етарлича ўрганилмаган, лекин унинг ривожланиши бегона ўтлар (айниқса аччиқмия) ва дуккакли экинлар (нўхат) билан қаттиқ боғланганлиги маълум. Нубигера капалаги юқорида кўрсатиб ўтилган капалакларга ўхшайди, қанотининг сурати билангина фарқ қиласи. Тухуми, курти ва ғумбаклари ғўза тунламиникидан кам фарқ қиласи. Катта ёшдаги қуртларида (хар қайси сегментининг кўндалангига қараб жойлашган) кўнғир тусли йўли ва ғумбагининг охрида сегментининг (кремастори) қилчалари анча узун бўлиши ўзига

хос белгилардир. Куртлари тупроқда, 5-8 см чуқурлиқда ғумбакланади. Йилига икки-уч марта бўғин беради. Баъзан ғўзага жиддий зарар етказиши мумкин. Масалан, 1972 йили Тошкент вилоятининг Оққўрғон тумани хўжаликларида шона ва гулларга тушган кемирувчи зааркунандалардан 28% и шу хил тунламлардан иборат бўлиб, ғўза тунлами эса атиги 17% ни ташкил қилган. Нубигера тунлами ғўза зааркунандаси эканлиги қўпгина қўшни давлатларда ҳам қайд этилган.

**Металл тусли тунламлар** (*Syngrapha circumflexa* G., *Phytometra confusa* Steph.). Кўпинча дон-дуккакли экинларга тушади. Бу тунламлар асосан ғўзанинг баргини, қисман шона ва гулларини ейди. Капалаги қанотлари ёзилганда 34-42 мм га боради, олдинги қанотлари кулранг бўлиб, «у» ҳарфига ўхшаш ўзига хос кумушсимон доғи бор. Тухуми шарсимон юмалоқ, оқ садаф тусли, ғубори товланиб туради. Куртининг бўйи 32 мм келади, яшил, қўнғир ёки бинафшасимон тусли бўлиб, унда оқ чизиқлар ва чизиқчалар бор. Ўсимликларда ипаксимон ярим тиник пилла ичидаги жигарранг ғумбакка айланади. Бир йилда 3-4 бўғин беради.

### Барг зааркунандалари


Куртлари ғўза баргларини заарлайдиган капалак турларига карадрина, гамма тунлами, ўтлоқ парвонаси ва шу сингари бир қатор йўлдош тунламларни кўрсатиб ўтиш мумкин.

**Карадрина**<sup>1</sup> (*Spodoptera exigua* Hb.) ғўзанинг хавфли зааркунандаси бўлиб, Ўрта Осиё ва Кавказ орти республикаларининг барча паҳтакор туманларида кенг тарқалган, вақти-вақти билан зўр бериб кўпаяди. Карадринанинг тарқалиш доираси жуда кенг. У 48-57° шимолий ва 35-40° жанубий кенглик ўртасида яшайди. Экваториал йўналишда у бутун ер курраси бўйлаб тарқалган. Ўзбекистонда кўпроқ Қорақалпостонда ҳамда Хоразм, Бухоро ва бошқа вилоятларда

---

<sup>1</sup> Бу хашарот ўз вастида *Caradrina* авлодидан *Laphigma* авлодига, кейинчалик эса *Spodoptera* авлодига ўтказилган.

учрайди. Ҳар 4-7 йилда бир марта тўсатдан кўпайиб қолади, жуда кучли ривожланиб, бир мавсумда жуда катта майдонларни эгаллайди ва дехқончиликка катта талофат келтиради. Шунинг учун бу ҳашарот тўғрисида батафсилик тўхтаб ўтамиз. Карадрина ҳаммахўр ҳашаротдир. У ўсимликларни 100 дан ортиқ тури билан озиқланади. Ғўза, беда, тамаки, қанд лавлаги, нўхат, маккажўхори, картошка, сабзавот ва бошқа экинларни; ёввойи ўсимликлардан эса олабута, қўйпечак, ёввойи тожихўроз, итузум ва бошқаларга қаттиқ шикаст етказади. Кичик ўшдаги қуртлари барг этини ейди, катта ўшдагилари эса баргларни кемириб, тешик қилиб кетади ёки баргнинг чеккаларини кемиради (36-расм), новдаларнинг учларини, мевабандини кемиради, гулёнбаргларини, гулларни еб қўяди, баъзан ҳосил нишоналарини тешиб кетади. Карадрина эрта баҳорда (мартдан) уча бошлайди ва кеч кузгача учишни давом эттиради. Карадринани бошқа тунламлардан ўзига хос белгиларига қараб ажратиб олиш мумкин.



36-расм. Карадрина:

а-капалаги; б-тухум  
кўйиши; в-баргни  
зарараблаётган катта  
ўшдаги курт.

Капалак танасининг бўйи кичикроқ (11-13 мм), қанотлари ёзилганда 23-24 мм келади. Олдинги қанотлари қорамтири

кулранг, қанот чеккалари кулранг ҳошияли. Қанотларининг олдинги чеккаларида унча катта бўлмаган тўқ доғлар яхши кўриниб туради. Қанотининг тахминан ўрта қисмида буйраксимон қўнғир доғ бўлиб, атрофи тўқ-сариқ ғуборли, унинг ёнида анча кичик юмалоқ доғ бор, у зангсимон тўқ сариқ тусли бўлиб, ўрта қисми ажралиб туради. Орқа қанотлари оқиш – кулранг, уларнинг чеккалари ва томирлари кулранг ва туклари оқ ёки сарғиш бўлади. Баҳорда капалаклари жинсий етилмаган ҳолда учиб чиқади ва гулларнинг нектарлари билан қўшимча озиқланишга муҳтож бўлади. Карадрина ғўза тунламидан фарқ қилиб, ўз тухумларини бир неча ўнтадан тўп-тўп қилиб қўяди ва уларни қорин қисмидан олинган туклар билан ёпади. Қишлиб чиққан капалакларнинг биттаси 2000 тагача, ундан кейинги бўғиндан чиққанлари эса 300 дан 600 тагача тухум қўя олади. Тухуми кўкиш сариқ бўлиб, садафсимон тусда товланади, юмшоқ, диаметри 0,5-0,6 мм келади. Тухуми аста-секин қорайиб боради ва қурт чиқишига уч-тўрт кун қолганда бутунлай қорайиб колади. Курти кулрангдан тўқ яшилгача товланади. Орқаси ва ёнлари бўйлаб 24-32 та тўлқинсимон тўқ чизик ўтган. Бу чизиқларни учта оқ йўл тўртта тасма йўлга бўлиб туради. Катта ёшдаги қуртининг бўйи 30 мм келади, унинг танаси сийрак қисқа тукчалар билан қопланган. Иккинчи ёшгача бўлган қуртлар баргларда тўп-тўп бўлиб туришади ва озиқланиши натижасида баргларни илматешик қилиб юборишади. Учинчи марта тулланганларидан кейин ўсимлик бўйлаб ерга тушишади ва жойдан-жойга ҳаракатланиб, озиқа излашади. Қаттиқ заарланган беда ўриб олинганидан кейин ғўзага кўчиши мумкин. Куннинг жазирама иссиқ пайтларида қуртларнинг кўп қисми ер бетига тушиб, тупроқ ёриқларига ва кесак тагларига кириб олади. Қуртларнинг ана шу хусусиятларига қараб уларни заҳарланган ем билан йўқотиш усули ишлаб чиқилган. 16-22 кун мобайнида олти ёшни кечирган қуртлар ўсимликдан ерга тушади ва 5-15 см чукурликда беланчак ясад, унда ғумбакка айланади. Ғумбагининг бўйи 10-15 мм, сарғиш қўнғир рангли бўлиб, қорин

қисмининг охирида икки томонга айрилган иккита кичик тиканчаси бор. Гумбаклик даври саккиз-ўн кун давом этади. Ўзбекистон шароитида карадрина йилига беш-олти марта бўғин беради. Хар қайси бўғиннинг ривожланиши ўртacha 30 кун давом этади. Карадринанинг хар тўрт-беш йилда бирдан кўпайиб кетиши қайд этилган.

**Биологик ҳусусиятлари.** Карадринанинг капалаклари ўсув даври давомида озиқабоп ёш ўсимликларни қиради. Карадрина эрта баҳорда ўсиб турган бегона ўтлар, беда ва экинларнинг ниҳолларига кўчади, ёзда эса ғўза ва бошқа экинларга ёппасига ўтади. Куртлар етилаётган ва эскираётган ўсимликлар билан озиқланишга мажбур бўлади, натижада капалаклар жуда кам тухум қўяди, тухумидан чиккан куртлар эса камдан-кам яшаб қолади. Мўътадил ривожланиш шароитида ва мавжуд намлиқда капалаклар кузда янгидан ўсадиган ўсимликларга тухум қўяди. Шу боисдан жойдан-жойга кўчиш ва озиқабоп ўсимликларни алмаштириш йўли билан зааркунанда кеч кузгача кўпаяверади. Ўрта Осиё Ўсимликларни ҳимоя қилиш илмий тадқиқот институтида олиб борилган тадқиқотларга кўра, карадрина баҳорда ёш ўсимликлар билан озиқланганда унинг фаолияти кескин кучаяди, пуштлилиги ниҳоятда (2000 тухумдан зиёд) ошади, куртларининг яшаб қолиши 100% гача етади. Ҳанузгача карадринанинг қишлиб қоладиган шакли (фазаси) ноаниклиги-ча қолиб келяпти. Тахмин қилинишича, карадринанинг жуда оз қисми (балки капалак шаклида) қишлиайди, аммо уларни аниқлаш ниҳоятда қийин. Карадринанинг кўпайиш муддати ва унинг бўғинлари сонига оид ҳисоблар кеч кузгача, чегара ҳисобланган ўртacha ўн кунлик ҳарорат  $10^{\circ}$  га етгунча, зааркунанданинг ривожланиши қайси шаклда тамомланиши аниқланганича давом эттирилади. Узок муддатга мўлжалланган башорат ҳар бир бўғиннинг ривожланиш муддатларига доир маълумотлар асосида тузиб чиқилади. Бунда охирги ва охиргидан олдинги бўғинга оид маълумот айниқса муҳимдир, чунки айнан шунга қараб карадринанинг келгуси йилги

фаолияти аниқланади. Агар охирги ва охиргидан олдинги бўғин капалаклари учайтган даврда ҳавонинг ўртача ўн кунлик ҳарорати  $13,5^{\circ}$  дан юқорироқ бўлса, бу келгуси йили карадрина оз бўлишидан далолат беради ва аксинча. Ҳар йилги ҳисоботлар охирги бўғин капалаклари ҳарорат  $13,5^{\circ}$  дан паст бўлганида учиши учун қулай келадиган шароитлар қаторасига неча йил такрорланишини аниқлашга имкон беради. Ўзбекистонда, айниқса Хоразм, Самарқанд, Бухоро вилоятлари ҳамда Қорақалпоғистон шароитида карадрина келгуси йили жуда қўпайиб кетиши учун шундай 2-3 йил бўлиши кифоядир. Бундай ҳолларда ҳаётий фаолияти шу қадар кескин зўраядики, урғочилари 2000 тагача тухум қўяди ва жуда кўплаб яшаб қолади ва ҳар  $1\text{ m}^2$  да 300 тагача қурт пайдо бўлиши мумкин. Ҳозирги вақтда карадринанинг жинсий феромони яратилиб, ИБОХ томонидан ишлаб чиқарилиши ҳам мумкин.


**Карадринанинг қушандалари.** Ўзбекистонда карадрина нинг 36 турдаги энтомофаг ҳашаротлари маълум. Кушандалардан энг кўп хуруж қиладиганлари браконидлар, ихневмонидлар ва тахиналардир. Йиртқичлардан чумолилар, олтинкўзлар, қандала ориуслар, «хонқизи» қўнғизи ва визилловчи пашшалар унинг қуртларига хужум қиласди. Бу ҳашаротлар зааркунанданинг тухумини ҳам, қуртларини ҳам қириб йўқотиши мумкин. Карадринани ҳашарот – энтомофаглардан ташқари қушлар ҳам кўплаб йўқотади.

**Кураши чоралари.** 1. Бўш ётган ер ва қўриқларни ўзлаштириш, экинлардаги бегона ўтларни мунтазам йўқотиб бориш, кузги шудгорлаш, қишида яхоб суви бериш ва ўсимликларнинг ривожланишини тезлатадиган агрономия тадбирларини амалга ошириш, экинларда кўплаб қурт пайдо бўлганда қўшимча сугориш.

2. Баҳорда ва ёзнинг бошларида зааркунанда ёқтирадиган бегона ўтлар ўсадиган бўш ерларни мунтазам равища текшириб бориш. Зааркунанда кўпайиши мумкин бўлган хавфли минтақаларда бу тадбир айниқса зарурдир.

3. Ғұза тунламиға қарши тавсия этилган препараторни юқоридаги сарф-меъёрларда карадринага қарши ишлатиш ҳам яхши самара беради. Агар бу зааркунанданинг пайдо бўлиш муддатлари ғұза тунламини йўқотиш вақтига тўғри келса, у холда бундай ишлов беришлар иккала зааркунандага ҳам таъсир қилаверади. Карадринага қарши махсус кураш тадбирларини ўтказиши 10-15% ўсимликлар заарланганида тавсия этилади.

**Гамма тунлами** (*Phytometra gamma* L.) барча пахтакор туманларда кенг тарқалган зааркунанда, у Ўрта Осиё ва Қозогистондан ташқари, Сибир ва Узок Шарқда ҳам учрайди. Гамма тунлами очиқ дала шароитларида ҳамда иссиқхоналардаги экинларнинг баргларини ва меваларини шикастлаб ҳаёт кечиради. У ғұза, лавлаги, карам, картошка, сабзи, соя, ерён-ғоқ, кунгабоқар ва бошқа экинларга жицдий зарар етказиши мүмкин. Гумбаклик фазасида қишлиайди. Эрта баҳорда, кўпинча апрел ойи ўрталарида биринчи бўғин капалаклари уча бошлайди. Гамма тунлами капалагининг бўйи қанотлари ёзилганда 4,5-5,0 см келади, олдинги қанотлари кулранг ёки тўқ қўнғир тусли, қанотларининг ўртасида грекча ҳарф гамма ( $\gamma$ ) тусли кумушсимон оқ доғи бор, зааркунанда турининг номи ана шунга қараб қўйилган (37-расм).



37-расм. Гамма тунлами:  
1-капалаги;  
2, 3 -катта ёшдаги қуртлари.

Орқа қанотлари кулранг сарик, орқа чети бўйлаб ўтган қорамтири кенг ҳошияси бор. Қўшимча озиқланганидан кейин капалаклар ҳар хил бегона ўтларнинг баргларига, хусусан олабўта, қўйпечак, мураккабгулдош ва бутгулдош ўсимликларга биттадан ёки тўп-тўп қилиб икки-бештадан тухум қўяди. Ўрта ҳисобда битта капалак 500 та тухум қўяди. Капалакларнинг учиб чиқиши, тухум қўйиши ва қуртларнинг жонланиши узоқ вақтга чўзилади. Тухумининг ривожланиши уч-олти кун давом этади. Етук қуртларининг бўйи 3,0-3,5 см, ранги яшил бўлиб, танасида ҳамиша яққол кўзга ташланиб турадиган саккизта оқиш тасмасимон йўллари бор. Қуртларидан сохта оёқ сони етишмаслиги учун у одимлаб жилади. Бу тунлам бошқа тунлам турларидан шу белгилари билан ажралиб туради. Катта ёшдаги қурт танаси орқа қисмининг охири йўғонлашган бўлади. Ёш қуртлари баргларни илматешик қилиб юборади. Катта ёшдагилари эса баргларни иирик тешиб ейди. Гамма тунлами шикастлаш шакли жиҳатидан худди карадринага ўхшайди. Олти ёшни кечирган қуртлари ўсимликда ғумбакка айланади. Ғумбаги тўқ қўнғир тусли бўлиб, танасининг орқа учида олтита илмоқчалари бор. Ғумбакланиш қуртнинг ўзи ўраган бирмунча ёруғлик ўтувчи оқпилла ичиди рўй беради. Ғумбаклар одатда 7-11 кунда ривожланади. Улардан янги бўғин капалаклари чиқади ва ғўзага шикаст етказиши мумкин. Гамма тунлами Ўста Осиё шароитида йилига уч бўғин беради.

*Кураши чоралари.* 1. Эрта баҳорда зараркунанданинг ривожланиши учун озиқа бўладиган бегона ўтлар йўқотилади.

2. Гамма тунлами қуртларини йўқотишда ғўза тунлами ва карадринага қарши қўллаш учун тавсия этилган барча инсектицидлар яхши натижа беради. Кимёвий ишлов бериш зарурлигини кўрсатадиган миқдор бирлиги ишлаб чиқилмаган. Май-июн ойларида 20-30% ўсимлик зарарланганлиги аникланса ишлов беришга киришиш керак.

3. Очик хаёт кечириши туфайли қуртларнинг кўпчилиги қушларга ем бўлади.

**Йўнгичқа (себарга) тунлами** (*Scotogramma trifolii* Rott). Бу тунламнинг ғўзага тушиши биринчи марта 1961 йили В.В. Никольский томонидан Мирзачўлда аниқланган. Бу тунлам Кавказ ортида ҳам учрайди. Бир йилда икки-уч бўғин беради. Ҳаммахўр зааркунанда бўлиб, унинг биологиясида бегона ўтлар, шунингдек йўнгичқа катта аҳамиятга эгадир. Тухумини 20-25 тадан тўп-тўп қилиб қўяди. Йўнгичқа тунлами айнан барг зааркунандаси ҳисобланади, баъзан ёш ҳосил нишоналарини ҳам шикастлаши мумкин. Ғумбак ҳолида қишлиайди. Капалаклари одатда апрел ойида учеб чиқади, лекин қийғос учадиган пайти майнинг ўртасига тўғри келади. Кичик ёшдаги қуртлари баргларни илматешик қилиб кетади, катта ёшдагилари эса баргнинг чеккаларини кемиради, баъзан уни бутунлай еб қўяди.

**Қашқарбеда тунлами** (*Polia dissimilis* Knoch.) В.И. Плотников томонидан ғўза баргларининг зааркунандаси сифатида қайд этилиб, 1913 йили Тошкент атрофида учратилган. Биологияси ва шикастлаши йўнгичқа тунламиниги анча ўхшайди. 1986 йили Тошкент яқинида жойлашган институтнинг тажриба майдонида кузги тунлам учун қўйилган феромонли тутқичга қатлам-қатлам қилиб қўйилган бошқа тунлам тухумлари учратилди. Текширувларда бу қашқарбеда тунламнинг тухумлари эканлиги аниқланди. Бунда мазкур зааркунанда капалагини кузги тунлам феромони эмас, балки полистиролдан ясалган тутқичнинг ўзи жалб этган.

**Отқулоқ тунлами** (*Acrorysta rumicis* L. var *turanica* Stgr.) ҳам кенг тарқалган ҳаммахўр зааркунанда бўлиб, маданий ва бегона ўтларга, шунингдек дараҳтларнинг баргларига тушади. Баъзан ғўза баргларини заарлайди, лекин хавф туғдирадиган даражада кўпаймайди.

Ғўза баргларига капалаклар туркумига мансуб бошқа зааркундалардан: **ўтлоқ парвонаси, циркумфлекса тунлами, конфузга тунламини**, қўнғизлардан - **19 нуқтали Лихачёв қўнгизи** ва бошқалар ҳам тушиши мумкин.

## **Поя зааркунандалари**

Ғўза поясига тушадиган зааркунандалар унча кўп эмас. Куртлари пояни шикастлайдиган капалак турларидан ғўзапоя куяси ва маккажўхори капалаги бирмунча аҳамиятга эга.

**Ғўзапоя куяси – чилпигичи.** Куялар (*Gelechiidae*) оиласига мансуб тур бўлиб, номи *Platiedra subcinerea* Hw. У Ўрта Осиё ва Кавказ ортида учрайди. Бу зааркунанданинг ғўзага тушиши биринчи марта 1941 йили Марғилон яқинида И.В. Васильев томонидан қайд этилган. Заифлашган ва ривожланишдан орқада қолган ўсимликларгагина кўпроқ зарар етказиши мумкин. Ғўзапоя куяси бошқа карантин объект ҳисобланадиган зааркунанда - ғўза куяси ёки пушки ранг қуртнинг (Ўзбекистонда учрамайдиган) энг яқин қариндоши ҳисобланади. Бу турларнинг қуртлари бир-бирларига жуда ўхшайди, аммо ғўзани шикастлаши ва ривожланиши жиҳатидан анча фарқ қиласди. Ғўзапоя куясининг кўпайиши бегона ўтларга – ёввойи гулхайри ва тугмачагулга жуда боғлиқдир, чунки зааркунанда шу ўсимликларда биринчи – баҳорги бўғинини ўтайди. Иккинчи бўғиндан чиқадиган капалакларнинг учиши май охири – июн бошига, яъни ғўза шоналай бошлаган пайтга тўғри келади. Ғўзапоя куяси кичикроқ капалак бўлиб, қанотлари ёзилганда 17 мм келади. Танасининг узунлиги 7 мм га боради, олдинги қанотлари кулранг бўлиб, ноаниқ тўқ доғи бор, орқа жуфт қаноти кумушсимон кулранг, четлари узун попукчалар билан ўралган. Капалакларнинг мўйловлари узун, ипсимон, қорин қисми бирмунча яссироқ бўлади.

Иккинчи бўғин капалаклари тухумларини ғўзага, унинг учки қисмига биттадан қўяди. Бир неча кундан кейин тухумлардан хира оқиш, қорамтири бошли қуртлар чиқади, унинг олдинги сегментида қилчаси бор. Даствабки икки жуфт сегменти пушки ранг-қизил, етуқ қуртининг бўйи 11 мм га етиши мумкин. Кичик ёшдаги қуртлари дастваб ғўза тупининг юқори қисмидаги ёш баргларни илматешик қилиб кетади. Ундан кейинги ёшдагилари бошпоя ёки ўсув нуқтаси

яқинидаги ён новдаларни кемириб, 5-8 см чуқурликка тешиб киради. Поя ёки новдадаги түқималарни шикастлаши оқибатида унинг юқори қисми қурийди ва қўпинча синиб тушади. Шикастланган тупларнинг юқори қисми зўр бериб шохлайди. Шунинг учун ҳам бу зааркунанда куячилпигич деб ном олган.

В.В. Яхонтовнинг фикрича, ғовлаб ўсган ғўза тупини куя шикастласа, ҳосил кўпаяди, лекин суст ривожланган ғўза шикастланганда ҳосил камайиши мумкин. Шундай хавф туғилганда маҳсус ҳимоя тадбирларини кўллаш зарур. Зааркунанда ўзи озиқланган поядга ғумбакланади. Ғўзапоя куясининг ғумбаги 7 мм келади, туси жигарранг бўлиб танасининг кейинги қисмida (танасининг орка томонига букилган) калта ва йўғон ўсимтаси бор. Ўрта Осиёда зааркунанда икки бўғин беради.

**Кураши чоралари.** 1. Ғўзапоя куясини йўқотиш зарурати туғилганда биринчи бўғин капалаклари ғумбакка айлангунча ва бутунлай тухум қўйиб бўлгандан кейин гулхайри ўриб олинади. Бу, ғўза ниҳолларида биринчи чинбарглар пайдо бўлган пайтга тўғри келади. 2. Чигит имкони борича барвақт экилиши керак. 3. Кимёвий курашиш учун ғўза тунламига қарши тавсия этилган препаратлардан фойдаланиш мумкин.

**Маккажўхори парвонаси** (*Ostrinia nubilalis* Hb.) кенг канотли парвоналар (*Pyraustidae*) оиласига мансуб. Ғўзанинг тасодифий зааркунандаси ҳисобланади. У Ўрта Осиёнинг пахтакор туманларида кенг тарқалган. Бу зааркунанда биринчи марта В.В. Васильев томонидан Фаргона водийсида, В.В. Яхонтов томонидан Бухоро вилоятида, сўнгра А.И. Петров томонидан Қирғизистон, Самарқанд ва Тошкент вилоятларида, П.П. Богуш томонидан Байрамалида қайд этилган. Маккажўхори капалаги ҳаммахўр зааркунанда бўлиб, баъзан ғўзага ҳам шикаст етказиши мумкин. Куртлари ғўза поясининг ичига тешиб кириб, шу ерда яшайди, унинг ички қисми билан озиқланиб, юқоридаги энг ингичка ва нозик қисмларигача етиб боради. Шикастланиш оқибатида поя шохлари

синиши мумкин. Кузатиш натижаларига кўра, маккажўхори парвонаси теварак атрофда у ёқтирадиган ўсимликлар (толали экинлар, маккажўхори) бўлмаган ҳоллардагина ғўзага ўтади.

**Ғўзанинг бошқа зааркунандалари** қаторига тўғри қанотлилар (*Orthoptera*) туркумидан чигирткалар (*Aridoidea* кенжা оиласи), қўйруқли бузоқ бошлар (*Gryllotalpidae* оиласи), чигирткалар (*Tettigonioidea* кенжা оиласи) ва чирилдоқларнинг (*Gryllidae* оиласи) айрим турлари киради. Улар ғўза ниҳолларига ўсимлик баргларини, илдизларини ва ўсиш нуқтасини шикастлаб зарап етказиши мумкин.

#### **4. Ғўза карантини ва ташқи карантин объектлари**

Ғўзани Ўзбекистонда учрамайдиган зааркунанда ва қасалликларнинг ўтишидан қўриқлаш учун **ташқи карантинда** кўзда тутилган тадбирлар амалга оширилади, зааркунанда ва қасалликларнинг мамлакат ичидаги тарқалишига йўл қўймаслик учун эса **ички карантин** чоралари кўрилади. Ғўзанинг ташқи ва ички карантинига оид тадбирлар Давлат ўсимликларни карантин қилиш ва химоялаш Бош инспекцияси томонидан уюштирилади ва амалга оширилади. Ўзбекистон пахтачилигини бир қатор хавфли ташқи карантин объектлардан: *ғўза куяси, мексика ва аризона ғўза узунбуруну, австралия пушти қурти, тиканакли кўсак қурти* каби ҳашаротлардан, шунингдек *техасс илдиз чириши, ғўза антракнози* каби қасалликлардан сақлашга доир тадбирлар шу инспекция томонидан ишлаб чиқилган ва амалда қўлланилмоқда. **Ташқи карантинга** оид жуда муҳим тадбирлар куйидагилардан иборат:

- чет эллардан келтириладиган пахта маҳсулотларининг ҳамма турларини текшириши, бу маҳсулотларда Ўзбекистон учун хавфли ғўза зааркунандалари ва қасаллик қўзгатувчилари бор-йўқлигини аниқлаши;
- зарурат тугилганда пахта маҳсулотини (текширилган пунктнинг ўзида) заарарсизлантириши;
- шу маҳсулотдан мамлакат ичидаги фойдаланиши жойларини аниқлаши ва унинг фойдаланилиши устидан назорат қилиб

*бориши;*

- *карантин қилинадиган пахта маҳсулотини келтириши шарти ва тартиби кўзда тутилган карантин ҳужжастларини, руҳсатномаларни, карантин текширишидан ўтган импорт маҳсулотларининг божхона ва портлардан чиқаришига оид сертификатларини бериш, шунингдек савдо келишувномалар асосида экспорт қилинадиган пахта маҳсулотларидан иборат юкларга ҳужжаст йўллаш.*

Мамлакатимизда **ички карантин** тадбирлари қуйидаги ларни кўзда тутади:

- *кўшини давлатларга чегарадоши туманлардаги гўзаларни текширишини ташкил этиши;*
- *ўз ишларида хорижий мамлакатлардан келтирилган гўза навлари ва турларининг уругларидан тез-тез фойдаланиб турувчи селекция станцияларининг гўзалари устидан карантин назорати ўтказиш;*
- *карантин қилинадиган зааркунанда ва касалликлар борлиги гумон қилинган чигитларни экспертиза қилиши, уларни экиши учун карантин питомниклари ташкил этиши ва экинларни кузатиб бориши;*
- *четдан келтирилган пахтанинг тўқимачилик фабрикаларида қайта ишланиши ва қайта ишловдан чиққан чиқитларидан ундан кейинги фойдаланишиши устидан карантин назорати олиб бориши.*

Текширишлар натижасида карантин қилинган ғўзада зааркунандалар ва касалликлар топилганда уларнинг тарқалишига йўл қўймаслик мақсадида уларнинг тарқалиш чегаралари аниқланади ва зарур тадбирлар белгилаб чиқилади. Шунингдек, аниқланган манбалардаги зааркунандаларни йўқотишга доир тадбирлар ўтказилади ҳамда карантин назорати бўйича чоралар кўрилади.

**Ғўза куяси ёки пушти кўсак қурти** (*Pectinophora gossypiella* Saund) жаҳоннинг ғўза ўстирадиган қўпчилик мамлакатларида учрайдиган энг хавфли зааркунандалардан бири хисобланади. У ўзига хос равишда кўпайиши, яъни қурти

чигит ичида яширин яшаши туфайли, уни одамнинг ўзи дунёning кўпгина мамлакатларига кенг тарқатиб юборган.


Заараркунанданинг бу тури ҳар қандай экологик шароитларга кўника олади, шу боисдан у  $40^{\circ}$  шимолий ва  $35^{\circ}$  жанубий кенглигидаги тропик, субтропик ва қисман мўътадил иқлимли мамлакатларнинг шароитларига ҳам мослашиб олган. Ёзда куяси ҳаво ҳарорати иссиқ Африка мамлакатларида ҳам, қиши паст ҳароратли Корея, АҚШ нинг баъзи қисмларида ҳам, шунингдек ҳавоси жуда сернам (Гавай ороллари) ва нам (Миср) жойларда ҳам кенг тарқалган.

Ҳозирги вактда ёзда куяси деярли барча мамлакатларда, жумладан Ўзбекистонга жуда яқин бўлган Туркия, Эрон, Ироқ, Афғонистон ва Ҳиндистон, жанубий-шарқда Япония, Корея ва бошқа мамлакатларда, Европада – Греция, Албания, Италияда учрайди, Америка қитъасида – Мексика, Бразилия, Аргентина, АҚШ ва бошқа мамлакатларда ёзага қаттиқ шикаст етказади.

Заараркунанда мазкур мамлакатлардан (карантин тадбирлари кўлланилмаганда) савдо алоқалари орқали, асосан уруғлик чигитлар, паҳтанинг ўзи ва паҳта толаси орқали тарқалади. Заараркунанда капалакларининг ҳаво оқимлари орқали учиб ўтиш ҳавфи борлигини ҳам айтиш керак. Бундай ҳол Жанубий Америка мамлакатларининг баъзиларида рўй берган. Бундай ҳавфҳатар Ўзбекистоннинг жанубий қисмидаги Афғонистон чегараларида (гарчи бу мамлакатда пушти қурт ҳозирча унинг Шарқий вилоятларида қайд этилган бўлсада) юз бериши мумкин.

*Морфологик белгилари.* Ёзда куясининг капалаклари жигарранг-кўкиш бўлиб, танасининг бўйи қанотлари ёзилганда 12-20 мм келади. Танасининг узунлиги 6-10 мм, қанотлари йигилганда дастлабки қорин сегментлари қисмининг кенглиги 3 мм келади. Боши ва кўкраги қизғиш-жигарранг, мўйловлари узун, эгилган, тузи жигарранг. Мўйловларининг биринчи бўғинида сийрак жойлашган беш-олтита қаттиқ қилчалари бўлади. Қорин қисми оқиши, охирги учида ҳимояловчи сарик тўп қилчалари бор. Олдинги қанотлари жигар-

ранг, олдинги чеккаси бўйлаб сийрак қорамтири доғлар, қанотининг ўрта кисмida қорамтири тангачалар кўринади. Орқа қанотлари кулранг, унинг олдинги – тўғри ва орқа – тўлқинли четлари ҳамда тиғлик юқори қисми узун ҳошиялидир (38-расм).



38-расм. Фўза куяси ёки  
пушти қўсак қурти:  
1-капалаги ва унинг боши;  
2-тухуми (жуда катталаш-  
тирилган); 3-куртининг уму-  
мий кўриниши; 4-гумбаги

ва охирги сегментларининг қисмлари; 5 – капалаги ва қуртининг (6) амалий кўриниши.

Фўза куясининг тухуми жуда кичкина, бўйи 0,52-0,54 мм, эни 0,24-0,25 мм келади. Тухуми чўзинчоқ, бир кутби бошқасига қараганда кўпроқ торайган. Тухумнинг сирти тўртўр бўлиб, микроскоп остида кўрилганда ерёнғоқ пўстини эслатади. Эндиғина кўйилган тухуми оқ, баъзан эса яшил бўлади. Иккинчи куни тухум оч сариқ тусга киради, кенг қутбида қизғишиш-тўқ сариқ доғлар пайдо бўлади, қурт чиқиши

олдидан эса тухум қизил тусга киради. Тухумдан чиқкан қурти оч сарық бўлиб, бўйи 0,7 дан 1,1 мм гача боради. Етук қуртининг узунлиги 10-12 мм, кенглиги 2,5 мм. Боши ялтироқ, жигарранг-қора. Кўкрак қалқони бошига қараганда очроқ (қўнғир-сарық), анал қалқони оч жигарранг ёки сарғиш бўлади. Кўкрак оёқлари сарғиш, сохта оёқлари оқиш, олдинги тўртта сохта оёқларининг товонларида тақасимон шаклда жойлашган 14 та илмоғи бор, унинг юмилмаган томони ташқарига қараган, бир жуфт анал сохта оёқларида кўндаланг қаторли илмоқлар бўлиб, улар кенг қисми билан орқа томонга қараган.

Қуртининг танаси қорамтири туклар билан қопланган. Тўрт ёшни кечириб ривожланади. Қурт танасидаги пушти ранг асосан тўртинчи ёшида пайдо бўлади. Корнининг устки ва сегментлар ўртасидаги бурмалари оқишроқ. Қурт танасининг деярли ҳамма бўртиб чиқкан қисмлари пушти ранг бўлади. Ғумбаги ҳар хил катталикда. Унинг бўйи 6-7 мм ва эни 2,5-2,75 мм келади, ранги қизғиши-жигарранг. Танаси қуюқ калта туклар билан қопланган, охириги сегментида эса уни тўғноғиҳсимон йўғонлашиб эгилган тикани бор. Морфологияси ва қисман биологияси жиҳатидан ғўзапоя куяси (*Platyedra subcinerea* Hw.) ва гулхайри куяси (*Pectinophora malvella* Hb.) яқин туради. Ғўзапоя куяси ва гулхайри куясининг қуртларида дастлабки ёшларида бошланғич иккита кўкрак сегментлари тўқ қизил бўлади ва шу жиҳатдан ғўза куясидан фарқ қиласди. Бироқ бу белгини барқарор деб бўлмайди. Мазкур уч тур зааркунандаларнинг қуртларини бир-биридан ажратадиган асосий белгилари қуртларнинг шакли ва қорин сегментларидағи қилчаларнинг жойланиши ва миқдоридадир.

**Ҳаёт кечириши.** Ғўза куяси диапаузага кирган қурт шаклида асосан чигит ичида қишлияди. Март-апрел ойларида ғумбакка айланади, ҳосил нишоналари пайдо бўла бошлаганда капалаклар учуб чиқади. Улар кун ботганда ва тунда учади (шунингдек ёруғлик манбаига томон ҳам яхши учади), кўшимча озиқланади, жуфтлашади ва тухум қўйишга киришади.

Ҳосил нишоналарига ва ёш баргларга биттадан ёки беш-үнтадан тўп-тўп қилиб тухум қўяди. Капалаклар олти-саккиз кун мобайнида 250-500 тагача тухум қўяди.

Тухумларнинг ривожланиши ҳавонинг ҳарорати ва нисбий намлигига қараб 3-14 кунгача давом этади. Тухумдан чиқсан қурт жуда серҳаракат бўлиб, шона, гул ва кўсакларни шикастлай олади. Пушти қурт тушган шоналар сўлиб тўкилади, бўлиқ шоналар очилса ҳам, гуллари мажмағил бўлиб қолади. Ёш кўсакларга тешиб кирган қурт уни еб қўяди ва бундай кўсаклар тўкилиб кетади. Анча етилиб қолган кўсак шикастланса, ривожланиши ва ўсиши сусаяди, уруғларнинг бир қисми етилади, аммо толаси нормал ҳолда ҳосил бўлмайди. Шикастланган кўсакларнинг бир қисми чириб тўкилади ёки паст навли пахта беради. Заарланиш даражаси зааркунанданинг тушиш миқдорига ҳам боғлиқ. Битта кўсакда иккитўртта ва ундан кўпроқ қурт бўлиши мумкин. Ғўза куяси жуда кўпайган йиллари ҳосилнинг 80% ва ундан кўпроғини йўқотиши мумкин. Мексикада зааркунанда туфайли ҳосилнинг 20-25% и қўлдан бой берилади. Ғўза куясининг қуртлари икки хил даврда ривожланади: қисқа даврлиси (цикли) – ёзги бўғини ва узок даврлиси – қуртларнинг диапаузага кириб қишлиши. Ёзги урчиш даврида қуртлар кўпинча 10-19 кунда ривожланади. Шундан кейин кўсаклардан чиқиб ғумбакланниш учун тўкилган куруқ барглар, кесаклар остига ва тупроқнинг 5-15 см лик қатламига киради. Орадан етти-ўн кун ўтгач ғумбаклардан янги бўғин капалаклари учеб чиқади.

Мавсум мобайнида ғўза куяси жами иккитадан (Корея) тўрт-еттитагача (Тайван ороли) бўғин бериши мумкин. Кузда пахта очила бошлаган пайтда диапаузага кириб узок муддат ривожланадиган қуртлар пайдо бўлади. Бундай қуртларнинг кўпчилиги пахтанинг етилган ургидан чиқмайди, ғумбакланмайди, балки чигит ичиди пилла ўраб диапаузага киради. Қуртларнинг диапаузаси бир неча ойдан 2,5 йилгача чўзилиши мумкин. Шундан кейин уруғдан чиқиб узунчоқ шаклда (тупроқ аралаштирилган) янги пилла ясади ва шу пилла

ичида ғумбакка айланади. Ғұза күяси ғұздан ташқари гулхайрилар оиласига мансуб бошқа ўсимликтің турларыда ҳам ривожланиши мүмкін. Шундай ўсимликтардың 28 та тури (жумладан бамия, каноп ва бошқалар) қайд этилган.

**Тиканли құсак қурти** (*Earias insulana* Boisd.) ҳам дүнөнінг пахта әкиб етиштирадын күпгина мамлакатларыда, жумладан Ҳиндистон, Покистон, Турция, Эрон, Афғонистон каби мамлакаттарда кенг тарқалған ва бир хил хавф туғдирадын зааркунанда ҳисобланади. Ушбу мамлакаттарда мазкур оиласынан ғалабаға қарасты құсактың қоректенеуде қаралғанда қалыптасып кетеді.

**Морфология белгилари.** Тиканли құсак қурти капалаги-нинг бўйи қанотлари ёзилганда 20-22, танасининг узунлиги эса 10 мм келади. Олдинги қанотлари учбурчак шаклда, ялтироқ, яшил ёки сарик бўлиб, жигарранг попукласи бор (бошқа рангларда ҳам учрайди). Орқа қанотлари кўпинча оч кулранг, жигарранг попукли бўлади. Тухуми овал шаклда, узунлиги 0,5 мм, кўкишзангоридан кулранггача. Тухумининг сирти ғадир-будир бўлади. Қурти қизғиш-жигаррангдан зайдунсимон яшил рангтаси ўзгаради, танасининг узунлиги 14-17 мм. Бу ҳашарот қуртларининг ҳаммаси бошқа турдаги қуртлардан танасидаги ўзига хос этдор ўсиклар – тиканлари билан ажралиб туради. Гумбаги сарғиш-жигарранг бўлиб, бўйи 9-11,5 мм га тенг.

**Ҳаёт кечириши.** Тиканли құсак қурти ғумбак шаклида ва қисман пиллага ўралған катта ёшдаги қурт ҳолида қишлияди. Баҳорда озиқланадын ўсимликлари, яъни ғұздан бошқа гулхайрилар – бамия, каноп ва бошқалар мавжуд бўлганда капалаклар учади ва тухум қўя бошлайди. Капалаклар тунда учади, ёруғликка томон яхши харакатланади, ҳосил органларига ва ёш баргларга биттадан, жами 100-230 дона тухум қўяди. Тухумларининг ривожланиши 3-12 кун давом этади. Тухумдан чиққан қурт озиқланади. Новда, шона, гул ва құсаклар қурт учун озиқа ҳисобланади. Ғұзанинг ҳосил органлари шаклланмаган пайтида биринчи бўғиндан чиққан зааркунанда ўсимлик барглари билан озиқланади. Новдаси шикастланган ўсимлик нобуд бўлади ёки шохлаб кетади.

Күртлар заарлаган шона, гул ва тугунчалар қуриб тўкилади. Етилган қўсаклар тўкилмайди, лекин улар вактидан илгари очилади ва сифатсиз ҳосил беради. Заарланган қўсакларга замбуруғ ва бактериялар қўзғайдиган касалликлар юқиши мумкин. А.К. Маркиннинг маълумотларига кўра, тиканли курт тушиши оқибатида Эроннинг айрим туманларида ғўзанинг ҳосили 30-45% камайган. Етук қуртлар қўсакларни ташлаб ерга тушади ва ғумбакланади. Бу зааркунанданинг бир бўғин бериши 30-35 кун давомида тугалланади.

**Мексика ғўза узунбуруни** (*Anthophonus grandis* Boh.) ғўзанинг жиддий зааркунандаси бўлиб Шимолий ва Марказий Америка мамлакатларида – АҚШ, Мексика, Куба, Коста-Рика ва бошқа ерларда тарқалган. Бу зааркунанда Бразилияда ҳам учрайди. Бир неча мартараб кимёвий ишлов беришларга қарамай ҳар йили бу зааркунандадан АҚШда кўпгина ҳосил (12-40%) йўқолади.

Кўнғизи узунбурунли қўнғизлар (*Curculionidae*) оиласига мансуб бўлиб, катталиги 5-5,5 мм келади. Сарғиш-кўнғирдан тўқ жигаррангача, танаси оч сариқ тусли тангачалар билан қопланган. Яхши ривожланган қанотлари бор, 4 мил масофага учиб бора олади. Тухуми эллипссимон шаклда, садафсимон оқ, тухумининг пўсти юмшоқ, лекин қалин: узунлиги 0,8 мм, кенглиги 0,5 мм келади. Личинкалари яrim овал шаклда, оёқсиз, оқ, боши қорамтири, танасининг ички аъзолари қорайиб кўринади. Етук личинкасининг бўйи 5-10 мм. Ғумбаги оқ ёки сарғиш-оқ тусли бўлади.

Мексика узунбуруни ғумбаклик шаклида ердаги ҳар хил хасчўплар орасида ва ғўза остида қишлияди. Баҳорда ҳавонинг ҳарорати  $10^0$  бўлиши билан уйғониб, етук зотга айланади ва ҳар томонга учиб, озиқланишга киришади. Ана шу даврда қўнғизлар ғўзанинг ўсув нуқталарини ва ёш ниҳолларининг барг бандларини, шунингдек бамия, оқ гулхайри, Аризонада ўсадиган ёввойи ғўза каби ўсимликларни ҳам шикастлаши мумкин. Ўсимлик қаттиқ заарланганда қуриб қолади. Ўсимликларда шона, гул ва тугунчалар пайдо бўлиши биланоқ қўнғизлар хартумчасини уларга сукиб

озиқланади ва тухумларини тўқималарнинг ичига жойлади. Ҳосил нишоналарига биттадан бир нечтагача тухум қўяди. Ургочи қўнғиз ўрта ҳисобда жами 100 та тухум қўя олади. Тухумдан чиққан личинка ёпирилиб озиқланади ва саккиз-ўн кундаёқ ривожланишини тугаллайди. У озиқланган жойининг ўзида (тайёрлаган махсус қалин уясида) ғумбакланади. Ғумбакнинг ривожланиши ўрта ҳисобда беш кун давом этади. Бир бўғиннинг ривожланиши икки-уч ҳафтага чўзилади. Шу билан бирга бу қўнғизлар кетма-кет бўғин бериши ва узоқ яшаши мумкин. АҚШ шароитида заараркунанданинг йилига саккиз мартагача бўғин бериши қайд этилади. Кузда совуқ тушиши билан қўнғизлар мўътадил шароитга эга жойларга қишлиаш учун учиб кетишади, ёки ўз майдонларида қолиб, мухитнинг ноқулай шароитларига бардош бериш учун тайёр-лана бошлади.

**Миср** (*Spodoptera littoralis* Baisd.) **ва Осиё** (*S. litura* Fabr.)  
**ғўза тунламлари** (Систематик ўрни ва ҳаёт кечириши бўйича карадрина сингари). Тунламлар (*Noctuidae*) оиласига мансуб.

Бу икки ҳашарот ташқи тузилиши ва ҳаёт кечириши бўйича бир-бирига яқин бўлганлиги учун яқин кунларгача битта тур деб юритилган. 1973 йилда Япония энтомологи О. Мохида бу ҳашаротларнинг гениталий ва ташқи тузилишида фарқларини исботлаб берди. Бу ҳашаротларнинг географик тарқалиши ҳам бундан исбот беради (Е.П. Козираева). Миср ғўза тунламининг ватани Африка бўлишига қарамай, у кўпгина Европа (Греция, Италия, ГФР, Швеция, Испания, Мальта, Буюк Британия ва б.) мамлакатларида кенг тарқалган. Осиё ғўза тунлами эса Ҳиндистон, Индонезия, Австралия, Япония, Хитой, Вьетнам ва Покистонда учрайди. Буюк Британияда у иссиқхоналарда зарар келтиради. Ҳар иккала ҳашарот ҳам ҳаммаҳўр бўлиб 40 та ботаник оиласига мансуб бўлган 120 дан ортиқ экинлар билан озиқланади. Куртлари очофат бўлиб экиндан экинга енгил кўчади. Куртларнинг сони юқори бўлганда бу ҳашаротлар экинларга катта зарар етказиши мумкин. Ғўза ва бошқа экинларнинг баргларини,

ўсиш нуктасини ва қисман ҳосил нишоналарини еб шикастлайди. Мисрда бу ҳашаротнинг зарари 75% га этиши маълум қилинади. Кипрда бу ҳашаротларнинг сабзавот, картошка, беда ва бошқа экинларга йилда келтирадиган зарари 200 минг фунт стерлингдан ошади.

Капалакларининг тана узунлиги 14-20 мм, қанот ёйганида эса 30-45 мм келади. Танаси кулсимон жигарранг, олдинги қанотлари жигарранг-қизил, ноаниқ суратга эга, орқа қанотларининг чети ҳошияли хира-оқ тусга эга. Капалаклар кечаси учади, урчиб барг орқасига 200-400 тадан тўп-тўп қилиб тухум қўяди. Тухумларини қилтеноқлар билан беркитиб қўяди. Битта капалак 3000 тагача тухум қўйиши мумкин. Ёш қуртлар аввал биргаликда яшайди, сўнг эса тарқаб кетади. Кундузи беркиниб, кечаси озиқланади. Олти ёшни кечиргач тупроққа кириб, ғумбакка айланади. Миср шароитида йилига 7, Италияда эса 7-8 бўғин беради.

Миср ва Осиё ғўза тунламларининг бир қатор биологик хусусиятлари, уларнинг экологик талабчан эмаслиги бу ҳашаротларни турли йўллар билан Ўрта Осиё республикаларига, Қора дengiz қирғоғи атрофларига келиб ўрнашиб қолиши мумкинлигидан далолат беради. Шуни ҳам қайд этиш керакки, бу зааркунандалар очиқ шароитдан ташқари иссиқхоналарда ҳам bemalol ривожланиши мумкин. Хорижда бу ҳашаротларни аниқлаб, уларга қарши курашиш учун феромон тутқичлардан кенг фойдаланилади. Кимёвий воситалардан пиретроидлар кенг қўлланилади.

### **3-боб. ФАЛЛА ЗАРАРКУНАНДАЛАРИ**

Маълумки, республика ғаллачилигига энг салмоқли майдон буғдойга ажратилади. Умуман олганда, унинг майдони томорқаларни ҳам инобатга олганда, ғўза майдонидан ҳам ошибб кетади. Суғориладиган ерларда буғдойни кенг майдонларга экиш минтақамиз учун нисбатан янгиликдир. Республи-

камизда 60-65% ғалла ғўзанинг ичига экилади. Бу эса, тупроқ унумдорлигига ҳамда турли заарали организмларнинг қишлиб чиқишига ўз таъсирини кўрсатади. Маълумки, ипакчилик қишлоқ хўжалигимизнинг бир тармоғи ҳисобланади. Ипак қуртининг озиқа манбай дала атрофларида тутлардир. Март-апрелда далада ўтказилган кимёвий ишлов натижасида тут барглари заҳарланиб қолиши мумкин. Демак, ғалла ва боғ заараркунандаларига қарши энг самарали муддатларда ишлов ўтказиб бўлмайди (далага ишлов ўтказиш билан тутнинг новдалари кесиб олинишигача камида 45-50 кун ўтиши лозим).

### **1. Бугдой ва зарарли организмлар** (бегона ўт, заараркунандалар)

Буғдой Ўзбекистонда асосан кузда экилади (бунинг учун энг мақбул муддат сентябр ойининг учинчи 10 кунлиги ҳамда октябр ойи ҳисобланади). Агар қиши совуқлари тушгунча мақсад – бир текис ўсган ва тупланиш ҳолатидаги паст ҳароратга чидамли кўчатларга эга бўлиш бўлса, март ойидан бошлаб бегона ўт, заараркунанда ва касалликларга қарши курашиб, ҳосилни сақлаб қолиши – иккинчи масаладир.

Маълумки, ғалланинг кўпроқ қисми Ўзбекистонда ғўза ичига экилади ва ер шудгорланмайди. Бунда кўпгина бегона ўт, заараркунанда ва касаллик кўзгатувчиларининг муваффақиятли қишлиб чиқишига замин яратилади.

Республикамизнинг ўтлоқи ва соз тупроқларида табиий ўсадиган юздан ортиқ турли бегона ўтлар мавжуд. Булар бир йиллик ва қўп йиллик, икки паллали ва бир паллали гурухларга ажратилади. Бегона ўтларга қарши қўлланиладиган **гербицидлар** ҳам шу хусусиятларга қараб фарқланади. Баҳорда, ғалла тупланиши даврида (март ойи) даладаги бегона ўтларнинг асосий турларига қараб гербицид танлаб пуркалади. Бу мақсадда куйидаги гербицидлар республика Кимё комиссияси томонидан рухсат этилган: *гранстар* 75 ДФ (10-20 гр/га), *дерби* 175 сус.к. (50-60 мл/га) - бир йиллик икки

паллали бегона ўтларга қарши; ёввойи сули ва райграсга қарши *атлантис*, 3,6% с.э.г. (0,25-0,3 кг/га) тавсия этилган. Кўйпечак ўтига ҳам таъсир этадиганлардан *серто плюс* (0,1-0,15 кг/га) тавсия этилган.

Буғдой ва бошқа бошоқли экинларга бир қатор ҳашаротлар зарар келтириши мумкин. Озиқланишига қараб булар сўрувчи ва кемирувчи гурухларга бўлинади. Сўрувчи ҳашаротларнинг зарари оқибатида ғаллада оқсили, клейковина ва бошқа қимматли органик моддаларнинг микдори камайиб кетади. Бундай ҳашаротларга **зарарли ҳасва**, шира ва трипсни мисол қилиш мумкин.

Кемирувчи ҳашаротларнинг намуналари анча кўп бўлиб, улар қуйидагилардир: чигирткалар, пъявица, ғалла тунламлари, жужелица ва «хумкалла» қўнғизлари, илдиз кемирувчи тунламлар, симкуртлар, илдиз ва поя пашшалари, поя парвонаси ва бошқалар. Бу ҳашаротларнинг оғиз аппарати ўсимлик тўқималарини кемиришга мўлжалланган бўлиб, физиологик жараён ўтадиган барг сатҳини камайтириб ҳосилдорликка путур етказади.

Ғалла ўсимликларида бир қатор замбуруғлар турли қасалликлар қўзғатиб зарар келтириши мумкин. Буларнинг асосийлари қуйидагилар: чанг ва қаттиқ қоракуялар, уншудринг, сарик ва қўнғир занг, доғланишлар, илдиз чириш ва бошқалар. Буларнинг зарари шунчалик жиддийки, у ёки бу турдаги қасаллик ҳосилни 30-35% дан (занг қасаллари, уншудринг) 100% гача (қоракуялар) нобуд қилиши мумкин (Головин ва б., 1980). Демак, бу гурух зарарли организмларга ҳам катта аҳамият бериб ғалла қасалланишининг олдини олиш керак. Таъкидлаш жоизки, юқори агротехника, уруғни сифатли дорилаб экиш, буғдойни маҳаллий ва минерал (азот, фосфор ва калийли) ўғитлар билан озиқлантириб, қасалликка бардошли қилиб ўстириш, масаланинг ярмини ижобий ҳал қилишга имкон беради. Муайян сабабларга кўра, шунда ҳам ўсимлик қасалланса, *фоликур*, *байлетон*, *альто супер* каби функцийаларни қўллаб юқори натижага эришиш мумкин.

## 2. Ғалла экинларининг асосий сўрувчи зараркунандалари

(зарарли хасва, ғалла ширалари, трипслар)

**Зарарли хасва – *Eurygaster integriceps* Put.** Ярим қаттиқ қанотлилар ёки қандалалар (*Hemiptera*) туркумининг қалқонлилар (*Pentatomidae*) оиласига мансуб ҳашарот. Жуда кенг тарқалган ҳашарот бўлиб, дунёнинг барча ғалла экиладиган мамлакатларида учрайди.

**Ташқи қўриниши.** Вояга етган зарарли хасванинг бўйи 10-12 мм келади (39-расм). Танасининг ранги сариқ ёки сарғиш-кулранг, сирти мармарсимон нақшлидир. Олдинги кўқрагининг кейинги ярми олдинги ярмидан кўра оқишироқ.



39-расм. **Зарарли ҳасва:** 1,2 – етук зотлари буғдой бошогида, 3 – далани назорат қилиш, 4- ҳаво ёрдамида ишлайдиган моторлик осма пуркагичлар билан самарали ишлов бериш, 5 – ишловнинг самараси.

Қалқонининг тубида иккита оқиш доғи бор. Бу ҳашарот учун қалқонининг қорни охиригача етиб яхши ривожланганлиги хосдир. Қалқонининг кейинги учи овал шаклда, қаншари (қалқони) бошининг олдинги учигача етиб боради. Бошининг олд томони түмтөк, бүйи энiga тенг. Урғочи зотларининг қорин охиридаги сегменти уч жуфт пластинкалардан, эркакларида эса битта йирик пластинкадан иборат. Тухумлари бочкасимон бўлиб яшилроқ рангда, катталиги 1,0-1,1 мм келади. Тухумдан чиқкан личинкалар деярли ярим юмaloқ шаклда, сарғиш-қўнғир тусда бўлади, аммо катталашган сари бўйига чўзилиб, ранги бироз оқаради, қаноти бўлмайди. Иккинчи ёшдан бошлаб личинкаларда сассик ҳид чиқариш безлари ривожлана бошлайди. Бешинчи ёшга келиб хасванинг узунлиги 8-10, кенглиги 6-6,5 мм ни ташкил қиласди, қанотлари ривожлана бошлайди, етук зотга айланишдан олдин оғирлиги 97-110 мг га етади.

**Хаёт кечириши.** Бу зааркунанда етук зот шаклида дала атрофларидағи уватлар ҳамда қир, тоғ олди шароитида ўсимлик қолдиқлари, тош, кесаклар остида тўпланиб қишлиб чиқади.

Хасванинг уйғониши март-апрел ойларида, ўртача бир кечакундузлик ҳарорат  $10-12^{\circ}$  С га етганда бошланади. Қишлоғ жойининг ўртача ҳаво ҳарорати  $15-20^{\circ}$  С бўлганда, хасва ғаллазорлар томонга учеб, тарқала бошлайди. Бу ғалланинг тупланиш даврига тўғри келади. Хасва тухум қўйишга тайёр бўлиши учун унинг қўшимча озиқланиши шарт, шу сабабли ўсимликнинг шираси билан қўшимча озиқланади. Баҳорда об-ҳаво ноқулай келиб, ҳарорат кескин пасайса ёки ёғингарчилик кўп бўлса, хасванинг тарқалиши ҳамда озиқланиши тўхтайди, улар ўсимликнинг остки қисмига яшириниб оладилар. Фақатгина ҳарорат кўтарилиши билан улар озиқланиши давом эттирадилар. Ёппасига ғаллазорларга учеб ўтиши бошлангандан 7-15 кун ўтгач, урғочилари тухум қўя бошлайдилар (март ойининг охири-апрелнинг боши). Ҳаво ҳароратининг ўзгаришига қараб, 15-20 кун ичida тухум

қўйиши тугаллайдилар. Ҳаво ҳарорати паст ёки ёғингарчилик кўп бўлса, тухум қўйиш 40 кунгача давом этиши мумкин. Урғочилари тухумни ғалла баргининг остки қисмига ҳамда ўсимликнинг танасига қўяди. Тухумларни одатда 7 донадан икки қатор қилиб жойлаштиради. Битта урғочиси 35-42, айрим вақтларда 150 тагача тухум қўяди.

Личинкаларнинг 2-4-ёшларга ўтиши буғдойнинг сут пишиш даврига тўғри келади. Шу сабабли, улар бошоқقا чиқиб уни сўриб зарар келтиради. Куннинг иссиқ вақтлари, ҳамда бир ёшдан иккинчи ёшга пўст ташлаб ўтишда улар бошоқдан ўсимликнинг остки қисмига тушадилар. Бу ҳолат хасванинг зичлигини аниқлаш ва унга қарши кимёвий кураш чораларини олиб бориши даврида муҳим аҳамиятга эга. Ҳаво ҳароратига қараб личинкаларнинг ривожланиши 25 кундан 50 кунгача давом этиши мумкин. Бешинчи марта пўст ташлагандан кейин ёш хасвадан вояга етган етук зотлар пайдо бўлади. Бу зотлар қишлоvgа кетиш мақсадида танасига етарли миқдорда ёғ моддасини тўплаш учун дон шираси билан узоқ вақт озиқланадилар. Шунинг учун ҳам етилган буғдойни ўз вақтидан кечиктирмай қисқа муддатларда йиғиб-териб олиш хасвани етарлича тўйинмай қишлоvgа кетишини ва қишлоv даврида кўплаб қирилиб кетишини таъминлайди.

Бир йилда бир марта кўпаяди. Табиатда заарли хасванинг бир неча турдаги кушандалари мавжуд. Буларнинг ичидаги пардақанотли паразит кушандалардан *Scelionidae* оиласига мансуб теленомуснинг (*Telenomus chloropus* Thoms.) аҳамияти каттадир. Теленомуслар хасва тухумини қидириб топиб, унинг ичига ўз тухумини қўйиб кетади. Бундай хасва тухумидан зааркунанда чиқмайди. Айрим йиллари ҳатто 35-40% гача хасва тухумлари шу кушанда билан заарланганлиги маълум (Жуманов, 1989). Бундан ташқари, табиатда заарли хасва тухумлари ва кичик ёшдаги личинкалари билан ҳаммахўр фойдали ҳашаротлардан «хонқизи» нинг личинка ва қўнғизлари ҳамда олтинкўзнинг личинкалари озиқланади.

Шунинг учун, илмий нуқтаи назардан тасдиқланган тизим

асосида, баҳорда (март ойининг охири – апрел ойининг бошларида) ўртача бир кечакундузлик ҳарорат  $13^{\circ}$  С га етганда, олдини олиш ҳамда табиатни бойитиш мақсадида дала атрофларига ва буғдойзорларга олтинкўзни тарқатиш лозим. Бунда, баҳорда қўйилган олтинкўз зарарли хасванинг қўпайиш давригача, табиатдаги бошқа сўрувчи зараркундалар сонини камайтириб туради.

**Зарари.** Зарарли хасванинг буғдойга етказадиган зарари ҳосилдорлик ва ғалла сифати билан белгиланади. Бу эса зараркундандинг зичлигига боғлиқ бўлади. Қишлоғдан чиққан хасва буғдойнинг ҳамма устки қисмларига, айниқса поя ва бошоқка зарар келтиради. Хасва асосан ўсимликнинг юқори қисмини ва бошоқнинг ўсаётган майин тўқималарини санчиб, унга келаётган озиқа моддаларини сўриб озиқланади. Агарда ўсимлик ривожланишининг эрта фазаларида (тупланишнайча чиқариш) зарар келтирилган бўлса, поянинг санчилган еридан юқориси қингир-қийшиқ бўлиб, барглари сарғайиб кетади. Бошоқ асосини ёки бирор қисмини санчса, ҳосил бўлаётган дон ривожланишдан тўхтаб, бошоқ қисман ёки бутунлай оқариб қолади. Хасва билан заарланган ўсимликда ҳашарот зичлигига кўра 30-40% гача ҳосилдорлик камаяди, янги дон – ургунинг унувчанглиги эса 50% гача пасайиши қайд қилинган. Хасванинг қишлиб чиққан бўғинига қарши кимёвий кураш буғдойнинг тупланиш пайтида ҳар  $1\text{ m}^2$  майдонга ўртача 1-2 ва ундан кўп етук зот (ИЗММ) тўғри келса ўтказилади. Янги бўғинига қарши эса ғалла бошоқлаши билан ҳар  $1\text{ m}^2$  ерга 5-10 та хасва личинкалари тўғри келса ўтказилади.

**Кураши чоралари.** Зарарли хасвага қарши агротехник, селекция, биологик ҳамда кимёвий кураш тизими тавсия этилган.

1. Хасвага қарши курашда агротехник тадбирлар алоҳида ўрин тутади. Бунга энг аввало ҳосил йигилгандан кейин биринчи галда хасва билан заарланган далаларни шудгорлаш киради. Зудлик билан ўтказилган бу тадбир натижасида хасва

учун қўшимча ем бўлиши мумкин бўлган тўкилган дон ва қўшимча озиқланаётган хасвалар ерга кўмилиб нобуд бўлади. Эрта баҳорда кузда экилган ғалла экинларини минерал ўғитлар билан озиқлантириб бороналаш, баҳорги донлиларни экишдан олдин юқори савияда агротехник тадбирларни ўтказиш - ерга ишлов бериш, ўғитлаш, юқори сифатли уруғни эрта муддатларда экиш ҳам хасва зарарини бирмунча камайтиради.

2. Чидамли навлар танлаш. Эртапишар навлар экилганда хасва уларда тўлиқ ривожланиб улгурмайди. Ҳозирги даврда хасва зарарига бардош берадиган ҳамда зааркунанда ривожланиши учун ёқимсиз навлар яратилган, буларни экиш қўшимча маблағ сарфисиз экинларни ҳимоя қилишни таъминлайди (И.Д. Шапиро). Шундай навлар ҳам мавжудки, улар хасва сўлагидаги фермент таъсирига учрамайди ва изтироб чекмайди (Д.М. Пайкин, Л.Е. Степаненко).

3. Йигим-теримни кечиктирмай ўтказиш. Бу тадбир шундан иборатки, агарда ғалла йигимини бошоқлар сутмум даврида айrim қилиб, яъни олдин ўриб, кейин янчилса, зааркунанда тўлиқ озиқланишга улгурмайди ва физиологик заиф бўлиб, кўплаб қирилади. Бундан ташқари, кўпгина хасва личинкала-ри механик равишда эзилиб ўлади.

4. Биологик усул. Хасвага қарши курашда тухумхўр теленомусларнинг аҳамияти каттадир. Шунинг учун уларнинг ривожланиши учун кузда дала атрофида тўп-тўп похол қолдириб шароит яратилиши керак. Дон экиладиган хўжаликларда биолабораториялар ташкил этиб, уларда бошқа кушандалар қаторида теленомусни ҳам маҳсус усул бўйича кўпайтириб, далага олиб чиқиш мумкин.

5. Зааркундаларнинг зичлиги юқори бўладиган дала-ларни кимёвий усулда ҳимоя қилишни режалаштириб қўйиш лозим. Бунинг учун қуйидаги ишларни ўтказиши тавсия этилади. Заарли хасва ва бир қатор бошқа ҳашаротларнинг асосий қишлиб чиқадиган жойи дала четидаги уватлар ҳисобланади. Ҳашаротлар аниқланган уватларда ҳаво ҳарорати  $10-12^{\circ}$  дан ошгандан кейин (март ойининг I-II ўн кунлиги), ғалла экилган

пайкалнинг 20-30 м четига ва уватларга ҳар иккала томонидан күйидаги препаратлар билан ОВХ трактор пуркагичини бир тарафлама ишлатиб ёки моторли қўл аппарати билан ишлов бериш зарур: *БИ-58*, (данадим), 40% эм.к. – 1,5 л/га, *фуфанон*, 57% эм.к. – 1,2-2,0 л/га, *циперфос* (нурелл-Д), 55% эм.к.- 0,5 л/га, *десис*, 2,5% эм.к. – 0,25 л/га, *каратэ*, 5% эм.к. – 0,15-0,2 л/га, *суми-альфа*, 5% эм.к. – 0,2-0,25 л/га, *циперметрин*, 25% эм.к. – 0,2 л/га, *кинмикс*, 5% эм.к. – 0,2 л/га.

Юкоридаги препаратлар буғдойзорларда қўлланилган муддат билан дала атрофидаги тутларнинг баргини кесиб олишгача бўлган вақт 45-50 кунни ташкил этиши лозим.


Кейинчалик буғдой ҳосилга кирганда хасва қўпайиб ҳосилга хавф туғдирса, юкорида қайд этиб ўтилган инсектицидларни қайта қўллаш мумкин. Бунда биринчидан, ушбу дала четидан тут дараҳтлари 400-500 м ва ундан ортиқ масофада бўлиши керак, иккинчидан ОВХ-28 пуркагичи эмас, балки штангали трактор пуркагичлари ҳамда қўл аппарати бўлиши шарт (самолёт, ёки дельтапланларни ишлатиш умуман мумкин эмас).

**Ғалла ширалари.** Тенгқанотлилар (*Homoptera*) туркумининг ширалар (*Aphididae*) оиласига мансуб. Ғаллаларга зарар етказадиган ширалар орасида кўчманчи бўлмаган, фақат ғалла ўсимликлари билан озиқланиб ривожланадиган ва кўчманчи, яъни ўзга ўсимликлар билан боғлиқ бўлган турлар мавжуд. Биринчиларига оддий ғалла шираси (*Schizaphis graminum* Rond.), арпа шираси (*Brachycolus noxius* Mordv.) ва катта ғалла шираси (*Sitobion avenae* F.) киради. Булардан ташқари ғалла экинларида черемуха - ғалла шираси (*Rhopalosiphum padi* L.) ҳамда сули ёки маккажӯхори шираси (*Rh. maidis* Fitch.) аниқланган (Хайтов, 2007).

Оддий ғалла шираси Ўзбекистоннинг чўл минтақаларида кенг тарқалган тур бўлиб, айниқса кузги ва баҳорги буғдойни, жавдар, сули, тариқ, шоли, маккажӯхори, оқ жўхори ва кўп йиллик ғалладош ўтларни шикастлайди. Зааркунанда кучли ривожланганда колониялар ҳосил қиласди. Барг ва новдалар-

дан тўқима ширасини сўриши натижасида ўсимликлар заифлашади, баргларнинг ранги сарғаяди, буришади ва курийди. Ёшлигидан кучли заарарланган ўсимликлар бошоқ чиқармайди.

Кўчиб юрадиган шираларга эса турли хил ўсимликлар билан озиқланиши хосдир. Ёзда ғалла экинлари билан озиқланниб, кузда эса озиқланишиб тухумини бута дараҳти пўстлоқлари-нинг остига қўядиган оддий бута ширасини (*Rhopalosiphum padi* I.) бунга мисол қилиш мумкин. Катта ғалла шираси, оддий ғалла шираси ва бута шираси бошоқли ўсимликлар барги, пояси ва бошогида очиқ ҳолда яшайди (40-расм).



40 -расм. Ғалла шираси (1): а-қанотли етук зот; б-қанотсиз етук зот; в-баргдаги тухумлари; г-личинкаси; д-нимфаси; е-баргдаги ширалар; ж-заарарланган ўсимлик;  
2 – бошоқдаги ширалар.

Арпа шираси эса, қисман оддий ғалла шираси ҳам, бошқалардан фарқ қилиб, баргларда очиқ ҳолда яшамайди, балки бошоқ тубидаги баргларнинг найчаси ичига кириб олиб ҳаёт кечиради. Ширалар айниқса баҳор ва кузда қўплаб ривожланади, бунга иқлим шароитлари сабаб бўлади. Ёзнинг

иссиқ кунларида ҳаво намлиги пасайиши билан ҳамда қисқа умрли (эфемер) ғалласимон ўсимликлар қуриб қолиши билан ширалар ривожланиши депрессияга учрайди. Мавсум давомида ширалар 10-16 бўғин беради. Ширалар ўсимликнинг яшил ва юмшоқ қисмида шарбатини сўриб озиқланади. Заарланган ўсимликлар 10-15% ҳосилдорликни йўқотади. Шираларга қарши кимёвий кураш ўтказиш учун ИЗММ сифатида қуидаги ракамлар қабул қилинган. Агарда ғалла бошоқлаган даврда далада 50% ўсимлик заарланган бўлиб, ҳар бирида 10-20 тадан ортиқ шира мавжуд бўлса, кимёвий кураш ўтказилади.

**Кураши чоралари.** 1. Ғаллага зарар етказувчи ширалар тухум шаклида қишлигани сабабли, кузги шудгор асосий кураш чораси ҳисобланади.

2. Ўсимликларни органоминерал ўғитлар билан таъминлаб, юқори агротехника тадбирлари ёрдамида бардошлилиги ни ошириш мумкин.

3. Кимёвий воситалар сифатида заарли хасвага қарши тавсия этилган инсектицидларни қўллаш мумкин.


**Трипслар.** Ҳошия қанотлилар ёки трипслар (*Thysanoptera*) туркумининг флеотрипидлар (*Pleothripidae*) оиласига мансуб бир нечта турдаги ҳашаротлар ғаллага зарар келтириши мумкин. Буларнинг орасида кенг тарқалган ва зарари кучлиси буғдой трипсидир. Бундан ташқари, тамаки трипси, сули ва жавдар трипслари ҳам экинларга бирмунча зарар келтиради.

**Буғдой трипси – *Haplothrips tritici* Kurd.**

**Тарқалиши.** Ўрта Осиё, Қозоғистон, Шарқий Сибирнинг жанубий туманларида кенг тарқалган.

**Ташқи қўриниши.** Етук зот трипснинг бўйи: эркагиники 1,2-1,3 мм, урғочисиники 1,8-2,2 мм келади. Танаси ингичка, танасининг сўнги сегменти найсимон чўзилиб, орқа учи бироз торайган, олд кўкрагининг орқа томони кенгайган. Қанотида томирлар йўқ, олдинги қанотининг ўрта қисми бошқа трипсларники сингари бироз торайган, қанотининг четларида ҳошияси бор, мўйлови саккиз бўғимли. Етук трипснинг танаси

қора ёки түқ күнғир тусда, мўйловининг учинчи бўғини оқиш, учи бироз кўнғир бўлади (41-расм).



41-расм. **Буғдой трипси**  
(С.М. Волков ва б. маълумоти  
бўйича):

а-етук зоти; б-личинкаси;  
в-зарарланган бошоқ.

Тухуми оч бинафша рангда, чўзиқ-овал шаклда, 0,5-0,6 мм катталиқда бўлади. Личинкасининг ранги оч кизил тусда бўлиб, танаси ингичка, мўйлови етти бўғимли, сўнги ёшдаги личинканинг мўйлови орқа томонга қайрилган, қорнининг сўнги сегментида ўрнашган йирик қилча шу сегментдан қисқа бўлади.

**Хаёт кечириши.** Буғдой трипси личинкалик даврида ўсимлик қолдиқларида, тупроқ кесаклари остида ва ер ёриқларида қишлияди. Эрта баҳорда ҳарорат  $8^{\circ}$  дан ошгач, личинкалар уйғона бошлайди. Ер сатҳи турлича қизиши туфайли бу муддат узоққа чўзилади. Личинкалар қўшимча озиқланиб, пронимфа ва нимфа даврларини ўтади. Вояга етган трипслар апрел бошларида пайдо бўла бошлайди. Бу жараён узоққа чўзилиб, энг кўп етук трипс пайдо бўлиши май ойининг

ўрталарига, буғдойнинг бошоқлаш даврига тўғри келади.

Бунда трипслар бошоққа ёпирилади ва уни санчиб-сўриб шикастлайди. Баъзан трипснинг кўплигидан бошоқлар қора бўлиб кўринади. Шундан сўнг трипслар урчиб, тухум қўйишга киришади. Тухумни ҳар бир урғочи зот 4-8 тадан тўп-тўп қилиб (ёки биттадан) бошоқ бандига ёки дон қобигига қўяди. Етук зотлар пайдо бўлиш муддати чўзилганлиги сабабли тухум қўйиш ҳам 25-35 кунга чўзиши мумкин.

Ҳар бир зот жами 25 тагача тухум қўяди. Тухумлар 6-8 кун ривожланади. Тухумдан чиккан личинкалар аввал яшил-сарғиш бўлиб кейинчалик қизара бошлайди, биринчи пўст ташлашдан кейин эса қизғиши тусга эга бўлади (К.П. Гриванов). Буғдой трипси кўплаб урчиганда ҳар бир бошоқда 40-80 тагача, одатда эса 10-25 та тухум ва личинка учратиш мумкин. Ёш личинкалар гул пардасини ёки дон қобигини сўриб озиқланади. Ўсимлик тўқималари дағаллашган сари личинкалар юмшоқ дон сари харакат қилиб, уни шикастлай бошлайди. Фалла дони кота бошлаб, унда намлик миқдори 35-40% гача камайганида трипс учун нокулай шароит вужудга келиб, уни қишлишга тайёргарлик кўришга ундейди. Трипс личинкалари пастга тушиб қишлиш учун шароит излайди. Трипс бир йилда бир бўғин беради. Буғдой трипси ривожланиши учун қулай шароит куруқ ва иссиқ об-ҳавода вужудга келади. Зааркунандани башорат қилиш қишлиб чиккан личинкалар зичлигига ҳамда ўсимлик бошоқлаш давридаги етук зотининг миқдорига караб амалга оширилади.

**Зарапи.** Буғдой трипси асосан кузги ва баҳорги буғдой, арпа, жавдар ва бошқа ғалладош экинларга зарар келтиради. Етук трипслар ўсимлик бошоқлай бошлаганида учки барг остида тўпланади ва бўлғуси бошоқ элементларини заарлай бошлайди. Бунинг натижасида дон қобиги рангизланади, бошоқ эса буралиб ўсади. Заарланган доннинг сифати унча ўзгармайди, лекин миқдори камаяди. К.П. Гривановнинг (1958) кўрсатишича, агар бир дона донни битта трипс заарласа унинг оғирлиги 10-11% га камаяди. Буғдой трипси баҳорда экилган экинларни айниқса каттиқ заарлаши мум-

кин. В.И. Танскийнинг (1960) кўрсатишича, буғдой трипси кенг тарқалган ерларда ҳар йили 5-13% ҳосил камаяди.

**Тамаки трипси** – *Thrips tabaci* Lind. Бу ҳашарот ҳаммахўр бўлиб, Ўзбекистонда етиштириладиган деярли барча экинларда учрайди. Аммо энг кучли заарлайдиган экинлар қаторига ғўза, пиёз, сабзавот ва полиз экинлари киради. Ғалладош экинларни унча хуш кўрмасада, уларда урчиб кўпаяди, ғалла ўриб олингандан кейин ёппасига бошқа экинларга, жумладан ғўзага учиб ўтади. Йилига 5-7 марта бўғин бериб ривожланади. Ғаллага барг, ўсиш нуқтаси ва бошоқдаги донини сўриб зарар етказади.

Булардан ташқари ғалладош экинларда қуйидаги трипс турлари учраши мумкин: сули трипси (*Stenothrips graminum* Uzel.) – бир йилда бир бўғин беради; жавдар трипси (*Limothrips denticornis* Hal.) – бир йилда 2 бўғин беради ва пуч гул трипси (*Haplothrips aculeatus* F.) – жавдар, маккажўхорида ривожланиб, бир йилда 2 бўғин беради.

**Кураши чоралари.** 1. Агротехник тадбирлардан ер устки қатламини ағдариш усули билан шудгорлаш катта аҳамиятга эгадир. Бунда қишлиб қолган личинка ва етук трипсларнинг 80-90% и кирилиб кетади. 2. Кимёвий усул билан курашиш учун ўсимлик шираларига қарши тавсия этилган препаратлар қўлланилади. Бунинг учун Ўзбекистонда қабул қилинган иқтисодий зарар миқдор мезони (ИЗММ) бўлиб қуйидаги кўрсаткичлар қабул қилинган: уруғлик ғалла учун ҳар бир заарланган поядга трипс етук зоти 8-10 та ва ундан кўп бўлса. Кузги буғдой бошоқларида 15-20 та, баҳорги буғдойда эса 30-40 личинка ва етук зоти мавжудлиги кимёвий кураш ўтказиш кераклигини кўрсатади.

### **3. Ғалла экинларининг асосий кемирувчи зараркунандалари**

(пъявица, симқуртлар, кравчик қўнгизлар, пашишалар, ғалла тунламлари)


**Пъявица (шилимшиқ қурт)** – *Lema melonopus* L. (Қўнғизлар – *Coleoptera* туркумига, барг кемирувчилар –

*Chrysomelidae* оиласига мансуб).

**Тарқалиши.** Бу зааркунанда Европанинг барча мамлакатлари, Кичик Осиё, Шимолий Кавказ, Қрим, Ўрта Осиё ва Қозогистонда тарқалган.

**Ташқи кўриниши.** Кўнғизининг катталиги 4-5 мм, умумий ранги – оч яшил-кўқ, олд елкаси ва оёқлари сарғишқизил, болдири учи, панжа ва мўйловлари қора, устқанотида параллел жойлашган майда нукталари мавжуд (42-расм).

Тухуми цилиндр шаклга эга бўлиб, ранги сарғиш, катталиги 1 мм, 3-7 тадан ғалла баргига ёпиштирилган бўлади. Личинкасининг катталиги 5-6 мм, ўртаси семиз ва букри, тузи оч сариқ ёки оқиши, боши қора, сирт томондан ўзининг ахлатидан иборат қўнғир тусли шилимшиқ билан қопланган, бу эса қуртни душманларидан ҳимоя қиласиди.



42-расм. Пъявица (шилимшиқ қурт)  
(С.М. Волков ва б. маълумоти бўйича):

**1** – Ҳаётий шакллари: а-кўнғизи; б-тухуми; в-личинкаси;  
г-пилладаги гумбаги; д-личинка ва кўнғизи заарлаётган  
ўсимлик; **2** – шиллиқ билан қопланган курти ғалла баргига.

(Умуман, пъвицани шу қуртлик шаклининг қопламига қараб «шилимшиқ қурт» деб аталиши тўғри эмас – бу ҳалқ ичидаги юрган ибора. Сабаби, шу каби личинкалари «шилимшиқ» қа ўралган бошқа ҳашаротлар ҳам мавжуд. Масалан, олча аракаши – *Caliroa limacina*, унинг личинкаси ҳам худди пъвицага ўхшаб шилимшиқ билан қопланган бўлади). Гумбаги эркин, тупроқ ичидаги тайёрланган инда жойлашади.

**Ҳаёт кечириши.** Пъвицанинг қўнғизлари ернинг устки қатламларида қишлияди. Баҳорда кун исиши билан (мартиапрел ойларида) ташқарига чиқиб, арпа, сули ва буғдой экинзорларида тарқалади. Ғалла баргларини бир неча кун узунасига «қиртишлаб» озиқлангач, урчиб тухум қўйишга киришади. Тухумини одатда барг остига тўп-тўп қилиб, жами 120-130 тагача қўяди. Тухум қўйиш 30 кунгача давом этади. Тухум ривожланиши 10-33 кун давом этади. Сўнг пайдо бўлган личинкалар барг этини қиртишлаб озиқланади. Қаттиқ шикастланганда узунасига жойлашган оқиш доғлар қўшилиб, умумий зарап ифодасини беради – барглар сарғаяди, айрим ерлари қурийди. Личинкаларнинг озиқланиши баҳорги ғалла экинларининг бошоқ тортишигача давом этиши мумкин. Ҳар бир личинка 2-3 ҳафта ичидаги 4 марта пўст ташлаб ривожланиши тугатади. Вояга етган личинка устидаги шилимшиқ қаватини ташлаб ерга тушади ва у ерда (кичик чукурликда) қўзачасимон жой ясад, ғумбакланишга киришади. Икки ҳафтадан кейин пайдо бўлган қўнғиз қишлишга қолади. Бир йилда бир бўғин беради.

**Зарари.** Пъвицанинг зарари қўпроқ арпа, сули ва буғдойнинг қаттиқ донли навларида, айникса баҳорги муддатларда экилганда сезиларли бўлади. Зарари қурғоқ келган баҳорги шароитларда янада зўраяди. Заарланган ўсимликларнинг умумий ҳосилдорлиги ҳамда дон оғирлиги камаяди. Водий ҳамда Тошкент, Сирдарё ва бошқа вилоятларда пъвица баъзизда жиддий зааркунданалар қаторига қўшилиб маҳсус кураш тадбирларини ўтказишни талаб қиласди.

**Кураши чоралари.** 1. Зааркунданда дала шароитида қиши


лаб қолганлиги сабабли юқори агротехник тадбирларни ўтказиш унинг сонини жиддий равишида камайтиради. 2. Баҳорги экинларни мумкин қадар эрта экиш, пъвица муаммо бўлган туманларда унга нисбатан ёқимсиз бўлган буғдойнинг юмшоқ донли навларини экиш тавсия этилади. 3. Қўнғиз ва қуртларга қарши рухсат этилган инсектицидлар қўйидаги шартларга амал қилиб қўлланилади: ўсимликнинг най чиқараётган даврида кузги буғдойнинг ҳар  $m^2$  ида 40-50 ва ундан кўп қўнғиз аниқланса; баҳорги экинларда 10-15 та ва ундан кўп қўнғиз бўлса; бошоқ чиқара бошлиш даврида эса 10-15% барг сатҳи заарланган бўлса. Ишловни қисқа муддатларда амалга ошириш муваффакият гаровидир. Охиргисида дала атрофидаги тут дараҳтларини заҳарлаб қўйишнинг олди олиниши лозим.

**Қарсилдоқ қўнғизлар (симқуртлар).** Ўрта Осиёда ғалладошларга бир неча турдаги симқуртлар зарар етказади, булардан қўйидагилар кўпроқ зарар келтиради: узун мўйловли қарсилдоқ қўнғиз (*Clon cerambycinus* Sem.) ва лалми қарсилдоқ қўнғизи (*Agriotes nadari* Buys.).

**Тарқалиши.** Бу икки турдаги қарсилдоқ қўнғизлар Ўрта Осиё мамлакатларида аниқланган.

**Ташқи қўриниши.** Узун мўйловли қарсилдоқ қўнғизнинг катталиги 9-11 мм. Урғочиси эркагидан каттароқ бўлади ва ташқи тузилишида сезиларли фарқ қиласди.

Эркагининг танаси урғочисиникига нисбатан хипчароқ, мўйлови тана узунлигига teng келади, урғочисиники эса анча қисқа. Эркагининг оёқлари ҳам узун бўлади. Қўнғизларнинг танаси кулранг - қорамтири туслада. Уст қаноти қисқа туклар билан қопланган, эркагида бу туклар узунасига ўтган чизиклар ҳосил қиласди. Личинкасининг бўйи 1,3-1,5 см келади (43-расм), оч сариқ туслада, усти қаттиқ кутикула билан қопланган бўлиб, иккала ёнбошдан туклар тўдаси яққол қўриниб туради, танасидаги сўнгги сегментининг охири иккига ажралган (В.В. Яхонтов). Лалми қарсилдоқ қўнғизи танасининг бўйи 7,5-8 мм келади, асосида ранги қора, лекин сертуклигидан кулранг бўлиб қўринади.



43-расм. Симқурт

(С.М. Волков ва б.  
маизумоти бўйича):

1 – қунғизи,  
а-катта ёшдаги курт;  
б-курт заарлаётган  
ўсимта ва ўсимлик.

Мўйлови, панжаси ва оёқларининг бўғимлари сариқ рангда. Мўйлови аррасимон ёки чўткасимон. Уст қанотининг олд тарафи нозик эгатчали бўлиб, зич нуқтачалар билан қопланган. Личинкасининг катталиги 1,5 см гача, тузи оч сариқ рангда, сийрак туклари бор. Танасининг охири конуссимон юмалоқ, кичкина қорамтириши тишчаси бор. Танасининг сўнгги сегментидан бошқа қисмида сийрак нуқталар бўлади. Қаншарининг ўрта қисми уч тишли.

**Хаёт кечириши.** Қарсилдоқ қўнғизлар етук зот ҳамда личинка шаклида қишлийдилар. Одатда мартнинг биринчи ярмида ер юзига асосан эркак қўнғизлар чиқа бошлайди. Урғочилари эса ернинг устки қаватида яшайди ва ахён-ахёнда ташқарига чиқади. Кўшимча озиқланган қўнғизлар урчиб, тупроққа тухум қўяди. Бир урғочи зот 70 та гача тухум қўйиши мумкин. Шундан сўнг қўнғизлар ўлиб кетади. Тухумлар узоқ вақт ривожланиб, 30-40 кун ичida улардан личинкалар чиқади. Дастреб улар турли хил чириндилар билан озиқланиб ўсимликларни шикастламайди. Лекин пўст ташлаб

ёшдан-ёшга ўтиб улғайған сари ўсимлик илдизи ва илдиз орқали поя ичига кириб заарлай бошлайди. Ҳар иккала тур қарсилдоқ қўнғизнинг личинкалари эрта баҳорда, Ўрта Осиё шароитида феврал охиридан апрелгача бўлган муддат ичидага ғалла экинларига заар етказади. Баҳордаги ёғингарчилик тўхташи билан личинкалар тупроқнинг чуқурроқ қаватига қочади ва кузгача уларнинг зарари деярли сезилмайди. Личинкалар тахминан уч йил озиқланади, кузга бориб тупроқнинг устки қатламида ғумбакка айланади ва қўнғиз пайдо бўлади. Бу қўнғизлар ташқарига чиқмай қишики уйқуга кетади.

**Зарапи.** Қарсилдоқ қўнғизларнинг асосан личинкалари экинларни шикастлайди. Симқурт кўплаб ривожланган дала-ларда ғалладош ўсимликлар қурий бошлайди. Бунга сабаб ўсимлик ниҳолларининг илдиз қисми ва поя ўзагининг шикастланишидир. Маълумотларга кўра, 1928 йили Камаши туманининг чўл қисмida бу ҳашарот зараридан 70% гача лалмикор ғалла экинлари қуриб қолган. Муаллифлар назорати бўйича Зомин тумани хўжаликларида 1985 йили ҳар  $m^2$  буғдойзорда 2-4 та қарсилдоқ қўнғизи аниқланиб, 8-12% ўсимликлар шикастланган. Умуман, симқурт шикастлаши эвазига ўсимлик кўчат сони камайиб, ҳар гектар ердан олинадиган ҳосил миқдори 1-5 ц га камайиши мумкин.

**Кураши чоралари.** Қарсилдоқ қўнғизларга қарши кураш «Ҳаммахўр зааркунандалар» бобида батафсил келтирилган.

Ғалла экинларидан симқуртларга қарши кимёвий кураш экиш олдидан, агар ҳар  $m^2$  ерда 5-10 та личинка топилса ўтказилади.

**Кравчик қўнғизлар** (Қўнғизлар – *Coleoptera* туркуманинг плакча мўйловлилар – *Scarabaeidae* оиласига, гўнгхўрлар – *Geotrupinae* кенжа оиласига мансуб). Ўрта Осиё шароитида 10 дан ортиқ турлари маълум. Лекин булардан қўйидагилари аҳамиятга эга: кичик кравчик (*Lethrus rugmacus* Ball.) кугарт кравчиғи (*L. dinotterium litvinovi* Sem.), мис ранг кравчик (*L. microbuccis* Ball.), қора кравчик (*L. rosmarus* Ball.), тоғ кравчиғи (*L. Submandibularis* Lebed.) ва бошқалар.

Кравчикларнинг етказадиган зарари ва ҳаёт кечириши деярли бир хилда, буларнинг ҳаммаси ҳам турли хил ўсимликларни еяверади. Аммо зарари айниқса лалмикор ғаллачиликда сезиларлидир.

**Тарқалиши.** Кравчиклар Ўрта Осиё мамлакатлари ва Қозоғистонда кенг тарқалган, аммо турли вилоятларда тур жиҳатидан фарқланиши мумкин.

**Ташқи кўриниши.** Кравчик қўнғизларининг танаси ўзига хос шаклга эга бўлиб, уларни аниқлаб олиш унча қийинчилик туғдирмайди (44-расм). Танаси қисқа ва йўғон, боши нисбатан катта ва пропорционал бўлмаган шаклга эга, шунинг учун кравчик баъзан хумкалла деб юритилади.



44-расм.  
Кравчик  
қўнғизлари

Кравчикларнинг уст қанотлари чоки бўйича бирикib кетганилиги сабабли улар бутунлай учмайди, лекин тез ҳаракат қилишлари мумкин. Устки жағлари жуда ривожланган бўлиб, қаншари остидан анча чиқиб туради. Кравчикнинг баъзи турлари урғочиларида устки жағ остидан узун ўsicқ чиқиб диккайиб туради. Мўйлови тўқмоқчаси мон ва конус шаклида, унинг бўғимлари пиёлачасимон бир-бирига кириб туради. Оёқлари ер қазиш учун мослашган, кенг ва тишчалидир. Тухуми сариқ ёки окиш, овал шаклга эга. Личинкаси йўғон,

эгилган, оқ, оёқлари калта ва конуссимон. Ғумбаги эркин типда, ранги кулранг-оқиши ёки сарғиши, қўнғизга айланиш олдидан бироз қораяди. Кравчикнинг етук зотлари 8-18 мм катталикка эга, ранги қора, ялтироқ.

**Ҳаёт кечириши.** Кравчиклар қўнғиз шаклида ер қатламида турли чуқурликда қишлиайди. Улар эрта баҳорда уйғониб ташқарига чиқади ва яқинида яшил ўсимликлар кўп бўлган ер танлаб узун ин ясади. Урғочи кравчик ини тагининг четидан овал шакли чуқурчалар (ячайка) ясаб биттадан тухум қўяди. Шундан кейин камера устини тупроқ билан беркитиб қўяди. Ячайкалар ичини эса тепадан тортиб туширган турли хил ўсимлик новдалари ва барглари билан тўлдиради.

Тухумдан чиқсан личинка ўзи ётган камера қопқоғини итариб очади ва ячайкага ўтиб урғочи зот томонидан тайёрлаб қўйилган кўкат билан озиқлана бошлайди. Озиқа миқдори эса уларни тўла ривожланиб бўлишигача етарли бўлади. Уч-тўрт ҳафтада озиқланиб бўлган личинкалар маҳсус суюқлиги ёрдамида кўзача ясаб ичида ғумбакка айланади. Гумбақдан чиқсан қўнғизлар ташқарига чиқмай қишилаб қолади. Кравчиклар бир йилда бир бўғин беради.

**Зарари.** Кравчиклар кўриқ ва бўз ерларни афзал кўриб ривожланиши туфайли уларнинг зарари асосан лалмикор дех-қончилик туманларида, кир ва адир ерларда, шунингдек янги ўзлаштирилган ерларда кўпроқ бўлади. Кравчик турли хил экинларга, жумладан буғдой, арпа, зигир ва маҳсар, ҳатто ғўза ва бедага ҳам зарар етказиши мумкин. Кравчиклар баҳорги зааркунандалар ҳисобланади, чунки улар уруғдан янги чиқсан серсув майсаларни ва ёш ўсимликларни шикастлади, дағал, қотиб қолган ўсимликларни ёқтирмайди. Бир қўнғиз ини атрофидаги 1-1,5 м масофада ўсимликларни кемириб, инига ташиб кетиши мумкин. Бунинг оқибатида ўсимлик туп сони камайиб, ҳосилдорлик пасайиб кетади.

**Кураши чоралари.** 1. Шудгор ўтказиш натижасида кўпгина юза жойлашган кравчик инлари бузилади, улар кушандаларга ем бўлади, механик тарзда эзилади. Бундан ташқари, қумоқ,


яхши ишлов берилган ерларда бу зааркунанда ривожлана олмайди. 2. Агар эрта баҳорда экинзорларнинг ҳар м<sup>2</sup> да 1-2 та қўнғиз мавжудлиги аниқланса кимёвий кураш ўтказилади. Бунинг учун пиретроид инсектицидлар қўлланилади.

**Пашшалар.** Турли ғалла экинларига бир қатор пашшалар (*Diptera*) туркумига мансуб ҳашаротлар зарар етказиши мумкин. Буларга галлицалар (*Cecidomyidae*) оиласига мансуб гессен пашшаси (*Mayetiola destructor* Say) ва тариқ пашшасини (*Stenodiplosis panicic* Rohd.) ҳамда ғалладошлар пашшалири: швед пашшаси – *Oscinella frit* L. ва *O. pusilla* Meig., шунингдек меромиза пашшасини – *Meromyza nigriventris* Meg. мисол қилиш мумкин.

Амалиётда буларга жуда яқин турадиган бошқа турлар ҳам мавжуд. *O. pusilla* Meig. – озиқланишга мослашиши бўйича уни арпа пашшаси деб юритилади. Чунки бу пашша арпа, маккажўхори, буғдой ва бошқа кўпгина бошоқли бегона ўтларни афзал кўради. *O. frit* L. ни эса сули пашшаси деб ҳам юритилади, чунки у кўпроқ сулини яхши кўради. Булардан ташқари Бухоро атрофида топилган швед пашшасига ўхшаш «бухоро» пашшаси *O. griscipleura* Shtacr. ҳам изоҳланган (Яхонтов, 1953).

**Тарқалаши.** Швед пашшаси юқори даражада экологик шароитларга кўникиш қобилятига эга бўлганлиги сабабли у дунё бўйича кенг тарқалган. Уни кўпгина Осиё ва Европа мамлакатларида, Шимолий Африка ва Америкада учратиш мумкин.

**Ташқи кўриниши.** Швед пашшаси (сули пашшаси) ялтироқ-қора бўлиб, катталиги 1,5-2 мм, боши юмалоқ, хартуми кенг сўриғчга эга. Ўрта кўкраги бироз дўппайган, излари йўқ, орқа қалқони юмалоқ. Урғочининг қорни йўғонроқ бўлиб, тухум қўйгич билан якунланади. Қанотлари тиник, металл тусли. Тухуми узунасига 0,5-0,7 мм келади, оқ, узунасига жойлашган эгатчали қирралари бор. Личинкаси сарғиш ёки ялтироқ оқ тусда, тухумдан янги чиққан личинкаси сувсимон шаффоф кўринишда, катталиги 4,5-5 мм келади (45-расм).



45-расм. Швед паашаси  
(Б.А. Брянцев ва Т.Л. Доброзракова маълумоти бўйича):

1-етук зоти; 2-тухуми; 3-личинкаси; 4-сохта пилласи;  
5-зарарланган буғдой ниҳоли; 6-зарарланган маккажӯ-  
хори ниҳоли.

Кўшимча озиқланиб, ғумбакланади ва учиб чиқади, кузда ғумбаклангани эса етук зотга айланиб, ташқарига чиқади. Бу муддат Ўрта Осиё шароитида мартнинг охири – апрелнинг бошларига тўғри келади. Шимолий туманларда эса анча кечмайнинг I-II ўн кунликларида уча бошлайди.

Личинканинг кейинги учи тўмтоқ бўлиб, иккита ортиғи бор, бош скелетида арра тишчали ўроқсимон иккита илмоғи бор. Личинка олд томонининг учинчи сегментида 5-6 найдан иборат нафас олиш тешикчалари мавжуд (бу айни турга хос белгилариданdir). Танаси 13 та яққол сегментлардан ташкил топган бўлиб, ҳар бирининг чегарасида ҳаракат учун ёрдам берувчи туклари бор. Сохта пилласи қаттиқ, тузи сариқдан жигаррангача, орқа учида иккита қисқа ортиғи бор, олд томонида эса тўртта тишчаси мавжуд, узунлиги 2-3 мм, эни эса 1,3 мм келади.

Урғочи паашша тухумини ёш ўсимликка тупланаётган

даврда кўплаб қўяди. Ўсимликлар улгайиб бош пояси бошоқ чиқара бошлаган сари тухум қўйиш камаяди. Зааркунанда тухум қўйиш учун нимжон ва ёш пояларни танлайди, шу боис кечикиб экилган экинлар кўпроқ шикастланади. Зааркунанда тухумини ёш поялар, поя тубидаги ер, қисман эса ўсимлик баргига қўяди. Маккажўхорини эса 1-3 та барги мавжуд даврда заарлайди.

Тухумдан очиб чиқсан личинкалар барг қини ичига кириб поянинг юмшоқ қисми билан озиқланади, натижада шикастланган поя сарғаяди ва қуриб ўсимлик ғайри-табиий туплана бошлади.

Личинкалар уч ёшни бошдан кечиради. Бунинг учун 18-28 кун талаб этилади. Гумбакланиш олдидан личинка харакатсиз бўлиб қолади, пўстини ташламайди, у қотиб, қўнғир тусга эга бўлган бочкасимон сохта пиллани ташкил этади. Гумбаклик даври 11-25 кун давом этади. Сўнг етук пашша гумбаклик пўстлоғини ёриб чиқиб, бир соатлардан кейин учишга тайёр бўлади. Умуман швед пашшасининг ҳар бўғини учун, иқлим шароитга кўра 25-30 кундан 32-59 кунгача вақт талаб этилади. И.В.Кожанчиков ифодаси бўйича швед пашшасининг ҳар бўғини учун (пастки ривожланиш чегараси  $8^{\circ}$  С бўлганда)  $400^{\circ}$  С фойдали ҳарорат йиғиндиси керак бўлади.

Бир йил мобайнода швед пашшаси шимолий туманларда 2-3, жанубий туманларда эса 5 тагача бўғин беради. Аммо пашшанинг ривожланиши факат ҳаво ҳароратига боғлиқ бўлмай, ҳаво намлиги ва озиқа сероблигига ҳам жиддий боғлиқдир. Ўрта Осиё чўл худудларига хос ёзги жазирама иссиқ ва қурғоқчиликдан швед пашшалари кўплаб қирилиб кетади. Қисман эса тоғли туманларда ва водийларда жон сақлайди. Кузги ғалладош экинларнинг майсалари заарланиши зааркунанданинг ҳаётчанчиги, зичлиги ва иқлим шароитларига боғлиқдир.

Швед пашшаси сонини табиий кушандалар камайтириб туради. Личинка ва гумбагини қирадиган 16 тадан ошиқ пардақанотли кушандалар аниқланган. Швед пашшасининг қорнида паразит нематода ривожланиб, уни наслсиз қилиб

қўйиши мумкин. Қанотлари тагида қизил каналар сўриб, пашшаларнинг ривожланишига тўсқинлик қиласди. Умуман, пашшанинг турли фазалари қушандалар таъсирида 20-50% қирилиб кетади.

**Зарари.** Швед пашшаси буғдой, сули, арпа, маккажўхори ва ғалладош бегона ўтларнинг поясини шикастлайди. Бунда, личинкалар тупланиш бўғимиға тегмай бош пояни шикастлайди. Бунинг натижасида у ўсишдан тўхтайди, сарғайиб қурийди ва ён иккиламчи бошоқ чиқармайдиган ёки кам ҳосил берадиган поялар кўпайиб кетади. Бундай ҳолат заарланишдан 8-16 кун кейин намоён бўлади. Озиқа етишмаслигидан ўсимлик бутунлай қурийди. Пашша личинкалари ён шохларни ҳам шикастлаши мумкин. Бунда заарар нисбатан камроқ бўлади.

А.В. Знаменскийнинг тадқиқотларидан маълумки, айrim йиллари Украина шароитида кузги буғдой экинларининг 55%, жавдарнинг эса 35% майсалари швед пашшаси зааридан қуриган. Умуман, бу заараркунанда ўрта пояни заарлагандан зааралик коэффициенти 50% ни ташкил этади. Ён пояларни заарлагандан бу кўрсатгич 2-3 баравар кам (13-26%) бўлади. Ўзбекистон шароитида бу кўрсаткич одатда 3-6% дан ошмайди (В.В. Яхонтов).

Маккажўхори ниҳоллари ҳам швед пашшаси билан сезиларли даражада заарланади. И.Д. Шапиронинг (1962) кўрсатишича, Россиянинг ўрмон-чўл минтақасида маккажўхори бу заараркунанда билан 25-50%, чўл минтақасида эса 5-20% заарланади. П.И. Сусидко ва М.Д. Биенко маълумоти бўйича, Украина шароитида маккажўхори швед пашшаси билан янада юқори – 40-83% заарланади.

**Кураши чоралари.** 1. Швед пашшасига қарши курашда заараркунанда заҳирасини қириб, ўсимлик чидамлилигини оширишга қаратилган уйғунлашган агротехник тадбирлар (ерни чуқур ва ўз муддатида шудгорлаш, ишлов бериш, минерал ўғитлар билан озиқлантириш) катта аҳамиятга эгадир.

2. Швед пашшасига қарши кузги ва баҳорги ғаллаларнинг


экиш муддатини тўғри белгилаш алоҳида ўрин тутади. Бунда, кузда экишни агротехника ва иқлим шароитларига боғлиқ равишда имкон борича кечрок, баҳорда эса мумкин қадар эрта экиш ўсимликларни заарланишдан қутқариб қолади.

3. Ўсимликларнинг ниҳол ва тупланиш даврида энтомологик сакрашнинг ҳар 100 ҳаракатига камида 30-50 та пашша тутилса, кимёвий кураш ўтказиш лозим. Бунда: БИ-58, карбофос (фуфанон), бензофасфат, ёки бирор синтетик пиретроид ёки хлорникотиноид препаратлардан (моспилан, конфидор) фойдаланилади.

**Ғалла тунламлари.** Капалаклар (*Lepidoptera*) туркумининг тунламлар (*Noctuidae*) оиласига мансуб. Ғалладош экинларнинг хавфли зааркунандалари қаторига икки тури киради: кулранг ғалла тунлами (*Apathea anceps* Schiff.) ва оддий ғалла тунлами (*A.sordens* Hfn.). Ҳар иккала турнинг ҳам биологияси бир-бирига яқин – ҳамма жойда ҳам йилига бир бўғин беради. Та什қи кўриниши эса тунламларга хос: олдинги қанотларида учтадан доғи бор, мўйлови ипсизмон, хартуми яхши ривожланган, қоринчаси тук билан қалин қопланган, қанотлари учбурчак бўлиб йигилади.

**Тарқалиши.** Ҳар иккала тур ғалла экиладиган минтақаларда кенг тарқалган. Ўртача қурғоқчиликка эга бўлган Қозоғистон чўллари, Шарқий Сибир ва Урал ортида ҳам кўп учрайди. Ўрта Осиё республикаларининг асосан тоғ олди туманларида мавжуд.

**Таърифи.** Кулранг ғалла тунламиning катталиги қанот ёйганда 36-38 мм келади. Олд қанотлари кулранг, буйраксимон доғи оқ гирдобли, орқа жуфт қанотлари оқишикулранг, четига қараб бироз қораяди, тухум қўйгичи иккиланган пластинка шаклида бўлиб, хитинланган ва қоринча тагига букилган. Тухуми қуббасимон, 36 та қовурғалари бор, катталиги 0,4-0,5 мм, тузи олдин оқ, сўнг эса бироз қизаради. Курти қўнғир-кулранг. Уст томонида 3 та узунасига жойлашган чизиклари мавжуд, боши малла ранг, олд кўқрак ва анал қалқонлари қорамтири, елкаси эса қўнғир, паст томони тиник (46-расм).



46-расм. **Фалла тунлами**  
(Б.А. Брянцев ва Т.Л. Доброзракова маълумоти бўйича):  
1-капалаги; 2-бошоқдаги куртлари; 3-гумбаги; 4-зарарланган донлар.

Елка томонидан ҳар сегментида сўғалчалар бўлиб, уларда тук бор. Куртлар уч жуфт олдинги ҳамда 5 жуфт қориндаги сохта оёқлари ёрдамида ҳаракатланади. Сохта оёқлари тагида 13-24 та илмокчалари ярим доира шаклида жойлашган. Вояга етган куртнинг узунлиги 30 мм га етади. Гумбагининг катталиги 15-20 мм, ранги қизғиш-қўнғир. Охирги сегментини қорин томонидан ажин босган, у 2 та узун, ўткир ўсимста ва 4 та кам ривожланган тукка эга.

Оддий ғалла тунламиning капалаги йирикроқ – 40-42 мм, кулранг-қўнғир тусда, қанот асосида узунасига жойлашган чизиги бор, қора ва буйраксимон дофлари сарғиш-жигарранг, орқа қанотлари очроқ кулжигарранг. Тухуми оч сарик,

қуббасимон, 34-36 та қовурғалари пастдан тепагача чўзилади, диаметри 0,48 - 0,52 мм (И.М. Беляев). Қуртлари силлик, устидаги туклар сўгалчада жойлашмаган, сохта оёқлари тагида 11 тадан илмоғи бор. Гумбаги кулранг, тунламлар ғумбагига ўхшаш.

**Ҳаёт кечириши.** Ғалла тунламларининг охирги ёшдаги қуртлари диапауза ҳолатида ернинг 5-10 см ли устки қатламларида қишлийди. Бу даврда  $-10^{\circ}$  га етган совуқларга фақат тўйиниб қишлоғга кетган қуртларгина чидай олади. Барча кичик ёшдаги ва нимжон қуртлар ўлиб кетади. Баҳорда ўртача кунлик ҳаво ҳарорати  $10^{\circ}$  дан ошганда қуртлар жонлана бошлайди. Кунлар исиши билан қуртлар ҳаракатланиб озиқ қидиради ва баҳорги ўтлар илдизи ва поялари, шунингдек кузги ва баҳорги ғалла экинлари ҳамда маккажӯҳори майсаларининг баргларини тешиб еб озиқланади. Кузда яхши тўйинган қуртлар 10-15 кун бошқалари эса 30 кунгача кўшимча озиқланади. Тўйинган қуртлар тупроқнинг энг юқори қатламларида ғумбакланади. Бунинг учун тупроқ заррачалидан чўзиқ уя ясаб, ичини юпқа ипак толалари билан тўшайди ва ғумбакланади. Ғумбакланиш 20-30 кун давом этади. Одатда бу Ўрта Осиё шароитида апрел охирларига тўғри келади. Ғумбаклик даври ўртача 20 кунни ташкил этади. Сўнгра капалаклар учиб чиқа бошлайди.

Т.Г. Григорьеванинг кўрсатишича, ғалла тунламишининг ривожланиши (пастки ривожланиш чегараси  $10^{\circ}$  бўлишини назарда тутиб) қуйидагича: умуман бир бўғин учун  $1286^{\circ}$ , шу жумладан капалаклар вояга етиши учун  $40^{\circ}$ , тухум ривожланиши учун  $70^{\circ}$ , қурт ривожланиши учун  $922^{\circ}$  ва ғумбак ривожланиши учун  $254^{\circ}$  самарали ҳарорат йиғиндиси талаб этилади.

Капалакларнинг учиб чиқиши одатда ғалла экинларининг бошоқлаш даврига тўғри келади (майнинг II-III ўн кунлеклари). Капалакларнинг учиш даври 20-25 кун давом этади. Лекин кийғос учиши бир-икки ҳафтага чўзилади. Қозоғистон шароитларида одатда бу июлнинг биринчи ярмига тўғри келади. Кейинчалик капалаклар сони кескин камаяди, аммо

уларнинг айрим нусхаларини ҳатто августда ҳам учратиш мумкин.

Капалаклар тухум қўйишдан олдин қўшимча озиқланади. Бунинг учун турли хил ўсимликларнинг гул шираси, ҳатто ғалла гул шираси ҳам озиқа бўлиб ҳисобланади. Капалаклар барча тунламлар сингари асосан ярим кечадан кейин эрталаб-гача учиб озиқланади, вояга етгач урчиб тухум қўйишга киришади. Ҳар иккала тур капалаклари тухумини ғалла бошоfigа қўяди. Кулранг ғалла тунламиининг капалаги ўз тухумини 3-10, ҳатто 60 тагача тўп-тўп қилиб, дон қоплама пўстлоғининг ички тарафига қўяди. Бу эса тухумларни турли хил кушандардан ҳимоя қилишда муҳим омил бўлиб хизмат қиласди. Оддий ғалла тунлами эса, биринчисидан фарқ қилган ҳолда, тухумини дон қоплама пўстлоғининг устига қўяди.

Капалак қўйган тухумларнинг умумий сони кўргина омилларга боғлиқ бўлиб, 200 дан 1500 гача етиши мумкин. Тухумларнинг ривожланиши асосан иқлим шароитларига боғлиқ бўлиб 8-12 кун давом этади. Ёш қуртлар июн-июл ойларида пайдо бўлиб, даставвал юмшоқ дон ичига кириб озиқланадилар, сўнг эса бошоқ бўйлаб тарқалиб ташқарида ҳаёт кечиради. Қуртлар 7 марта пўст ташлаб 8 ёшни кечиради. Бу 2-2,5 ой ичida амалга ошади. Қуртларнинг ҳатти-ҳаракати катталашган сари ўзгаради: 5-ёшгacha қуртлар кечаси-ю кундузи бошоқда ҳаёт кечиради, 5-ёшдан бошлаб қуртлар бошоққа фақат кечқурун чиқиб озиқланади, кундузи эса ернинг устки кисмида беркинади. Охирги ёшда тупроқнинг устки қатламлида (5-10 см чуқурликда) диапауза ҳолатида қишлоғга кетади.

Галла тунламларини кўргина паразит ҳамда йиртқич кушандалар, жумладан зааркунанда тухумларини трихограмма авлодига оид яйдоқчи ҳашаротлар ҳамда турли ҳаммахўр йиртқич кушандалар камайтиради. Қуртларини браконид ҳамда ихнеумонид пардақанотли кушандалар кўплаб қиради. Бунга зааркунанда қуртларининг очиқ ҳаёт кечириши имкон беради. Булардан ташқари, қуртлар турли қушлар томонидан

қирилади, намлик етарли бўлган йиллари гранулеза вируси томонидан заарланиб, оммавий қирилади.

Ўзбекистонда қабул қилинган тартиб бўйича ғалла экинлари тунлам қуртларига кимёвий чоралар уруғлик учун экинган дон экинларида ҳар 100 та бошоққа, намлик юқори бўлган йиллари камидаги 7 та, одатда эса 10 та қурт тўғри келса амалга оширилади. Оддий экинларда эса бу кўрсаткичлар 2 баравар кўтарилади.

**Зарари.** Ғалла тунламлари асосан буғдой (қисман жавдар), арпа ва маккажӯхорини шикастлайди. Сули заарланмайди. Бошоқдаги донларнинг заарланиши қурт ёшига қараб турлича бўлиши мумкин. Биринчи-иккинчи ёшдаги қуртлар дон ичига кириб ҳаёт кечирганини сабабли уни батамом еб қўяди. Бундай доннинг пўстлоғигина қолади холос. Катта ёшдаги қуртлар очик ҳаёт кечира бошлиши сабабли донни ташқарисидан кемириб, уни батамом еб қўйиши мумкин. Б.Х. Шек ва И.А. Сливкинарнинг кўрсатишича, бир қурт ҳаёти мобайнида 2 гр. га яқин дон ейиши мумкин.


Тунламларнинг зарари ғалла бошоқлаш даврида ҳаво намлигига анча боғлиқ бўлади. Чунончи, бу давр қуруқ келиб дон тез етилса, қуртларнинг зарари кам бўлиб улар тўйинмай қолади ва аксинча.

**Кураши чоралари.** 1. Агротехник тадбирлар: ҳосил йигимтеримини ўз вақтида ва қисқа муддатда амалга ошириш, заарланган майдонларни биринчи навбатда ва тезда шудгорлаш, экиш муддатини навнинг бошоқлаш даври тунлам капалаклари қийғос учиш даврига тўғри келмаслигини таъминлаб белгилаш ва чидамли навларни экиш айниқса аҳамиятга эгадир. Одатда ушбу тадбирлар тўғри амалга оширилса, махсус ҳимоя ўтказишга ҳожат қолмайди.

2. Кимёвий кураш юқорида баён этилган иқтисодий аҳамиятга эга бўлган зааркунанда сони мавжудлигидагина амалга оширилади. Бунда бирор пиретроид препарат қўлланилади.

**Галладош экинларнинг бошқа зааркунандалари.** Юқорида кўрсатиб ўтилган зааркунандалардан ташқари ғал-

ладош экинларга жуда күп бошқа зааркундалар шикаст етказиши мумкин. Жумладан, маккажүхори поя парвонаси (*Ostrinia nubilalis* Hb.), йилига бир бўғин берадиган ғалла жужелицалари (айниқса *Labrus tenebrioibes* Goeze), ўргимчак-каны (*Tetranychus urticae* Koch.), ғалла экинларининг майсасини шикастловчи қора чигиртка (*Acheta deserta* Saus.), чигирткалардан марокаш, отбосар, Осиё, туркман ва ола чигирткалар зарар етказиб туради. Лалмикор ерларда ғалла экинларига қора қўнғиз личинкаси анча зарар етказади. Уларнинг личинкалари экилган уруғлик донни ва илдизни шикастласа, қўнғизлари эса майсаларни ейди.



47 - расм. **Маккажүхори поя парвонаси бўғдоидага:**  
1 – қурти, 2 – заарланган поя.

Янги очилган қўриқ ерларга экилган ғаллаларга ғалла бузоқбош қўнғизи (*Cyriopertha glabra* Gebl.) ва қаттиқ бузоқбош қўнғизи (*Rhizotrogus fortus* Reitt) вақти-вақти билан сезиларли зарар етказади. Тунламлардан кузги, ундов ва ёввойи тунламлар ғалладошлар илдизини кемиради, пояларни жануб поя тунлами (*Oria musculosa* Hb.), баҳорги тунлам (*Amphipoea fucosa* Frr.), жавдар поя тунлами (*Mesapamea secalis* L.) шикастлаши мумкин. Ғалла экинларига кемирувчи ҳайвонлар ҳам жиддий зарар келтириши мумкин. Булар қаторига ясси тишли каламуш (*Nosokia indica* Gray.), Северцев сичқони (*Mus musculus Severzovi* Kaschk), Эверсман қум сичқони (*Pallasiomys erythrurus* sp. sp.*eversmanni* Bogd.), юмронқозиклар (*Citellus* spp.) ва жамоат бўлиб яшайдиган дала сичқонларини киритиш мумкин (Яхонтов, 1953).

**Ўзбекистонда ғалла етиштиришнинг айрим ҳусусиятлари ҳамда зааркунандаларнинг тутган ўрни.** Ғалла экинларини турли хил заарли организмлардан фаол ҳимоя қилиш тадбирлари ўтказилмаса, буғдойнинг ҳосилдорлиги тенг ярмига камайиши мумкинлиги исботланган. Бундан ташқари, олинган ҳосилнинг сифат кўрсаткичлари ёмонлашиб (клейковина пасайиб, 4-5-синфга тушиб қолади, яъни 23%дан паст), озиқ-овқат маҳсулотлари тайёрлаш учун яроқсиз даражага етиб қолади.

Ҳар бир ғалла нави учун ўзига хос агротехник тадбирларни ўз вақтида ўтказилиши ҳамда органик ва минерал ўғитлар билан озиқлантирилиши ҳосилдорлик ҳамда олинган доннинг сифат кўрсаткичларининг ортишига имкон беради. Юқорида гилар талабга биноан бажарилганда буғдой экилган ҳар бир гектар ердан 9 тоннагача (90 центнер) ҳосил олиш мумкин. Юқори ва сифатли ҳосил олиш учун қуйидаги тадбирларни амалга ошириш мақсадга мувофиқдир:

1. Таъкидлаш жоизки, буғдой экиб ўстиришда илғор технологияларга амал қилиш лозим (кузда ерни ҳайдаб, уруғни сеялкалар ёрдамида экиш, юқори агротехникага риоя қилиш).
2. Сараланган ва заарсизлантирилган уруғдан фойдаланиш мўл ҳосил гаровидир.
3. Бегона ўтларга қарши буғдой тупланиш даврида (март) гербицидларни ишлатиш камида 10% ҳосил қўшади.
4. Зааркунанда ва касалликларга қарши фаол ҳимоя қилиш чора-тадбирларини ўтказиш. Бундай организмлар мавжудлиги ва зичлигига қараб 20% дан 70% гача ҳосилни сақлаб қолиш мумкин.

#### ***4. Ғаллани зааркунандалардан ҳимоя қилишининг республикамизга хос айрим ҳусусиятларини инобатга олган ҳолда умумий қураш тизими***

1. Ғаллазорларни заарли организмлардан ҳимоя қилишининг режасини тузиш ва ташкилий-хўжалик тадбирларини амалга ошириш. Бунда биолабораториялар ишини сифатли

биомахсулот чиқаришга йўналтириш билан биргаликда инсектицидлар захирасини яратиш, пуркагичларни таъмирлаш назарда тутилади.

2. Биомахсулотлар (трихограмма, бракон, олтинкўз) инсектицидларнинг ўрнини тўла боса олмаганилиги сабабли, буларни «табиатга ёрдам» сифатида кўриб, эрта баҳордан (март ойидан) бошлаб дала атрофидаги уватларга олдини олиш мақсадида чиқариб туриш зарур.

Уватлардаги ўтларда турли тунлам капалакларининг баҳорги биринчи бўғини ривожланиши мумкин, шунинг учун бу ерга 2-3 марта: трихограмма (хар гал 0,7-1 гр/га), бракон (аниқланган қуртларга нисбатан 1:5; 1:10 нисбатда) ва олтинкўз (сўрувчи зааркунандаларнинг – шира, трипс, ўргимчак-кана умумий сонига нисбатан 1:15-20 нисбатда) тарқатилиши лозим. Олтинкўзни тухум шаклида далага тарқатиш ярамайди, чунки унинг кўп қисми чумолилар томонидан ташиб кетилади. Бир қисми эса теленомус кушандалар томонидан заарланаб қирилиб кетади (Жуманов, 1989).

3. Ғалла экинларини (биринчи навбатда буғдой) турли зааркунанда ҳашаротлардан кимёвий ҳимоя қилиш учун рухсат этилган инсектицидларнинг рўйхати 8-жадвалда келтирилган. Бу препаратларнинг ҳаммаси ипак қуртига кучли таъсир қиласи. Шунинг учун атрофида тут дараҳти бор дала-ларни яқин фурсатларда (новда кесиб олинишидан 45-50 кун илгари) ишлов ўтказиш мумкин эмас. Бунда ҳар қандай ишлов ҳам (трактор, дельтаплан, қўйл аппаратлари) ярамайди, чунки препаратларнинг ҳатто ҳиди ҳам баргни заҳарлаб қўяди. Шунинг учун қуйидагиларни амалга ошириш лозим.

а) Келажакда тут дараҳтларини умумлаштириб, алоҳида жойларга тўплаш (плантация ташкил қилиш) лозим.

б) Ҳимояни асосан қишлиб чиқсан популяциясига қарши йўналтириб, мартнинг охиригача тугатиш керак.

**Трактор пуркагичларининг ғаллага етказиши мумкин бўлган зарари.** Табиийки, ғаллазор ичидан ўтиб бораёт-

**Буғдойни зааркунандалардан ҳимоя қилиш учун рухсат этилган инсектицидлар рўйхати («Рўйхат, 2010» дан олинди)**

№	Препарат номи ва шакли	Сарф-мейёри, л/га	Қайси зааркунандаларга карши	Неча марта ишлатиш мумкин	Кутиш муддати, кун
1.	Арриво, 25% эм.к. (циракс, циперметрин)	0,2	Пъявица, хасва, шира, трипс, кора қўнғизлар	2	20
2.	Бензофосфат (золон), 30% эм.к.	1,5-2,3	- // -	2	30
3.	Децис, 2,5% эм.к.	0,25	- // -	2	20
4.	Диазинон, 60% эм.к.	1,5-1,8	- // -	1	30
5.	Каратэ, 5% эм.к.	0,15	- // -	2	20
6.	Каратэ Зеон, 5% сус.к.	0,15-0,2	- // -	2	20
7.	Карбофос, 50% эм.к.	1,5-2,0	- // -	2	20
8.	Кинмикс, 5% эм.к.	0,2	- // -	2	15
9.	Нурелл-Д, 55%, эм.к. (тагрелл, циперфос)	0,5	- // -	2	30
10.	Суми-альфа, 5% эм.к.	0,2-0,3	- // -	2	15
11.	Сумитион, 50% эм.к.	0,6-1,0	- // -	2	15
12.	Фенкилл, 20% эм.к	0,3-0,5	- // -	2	20

ган трактор пуркагичи ўсимликларни босиши ҳисобига маълум даражада заар келтириши мумкин.

Хронометраж ва ҳисоб-китоблар шуни кўрсатдики, ОВХ-28 пуркагичи билан пуркашнинг камраш кенглиги 40 метрга тенг бўлган шароитда трактор балонлари буғдойзорнинг 3% майдонини босиб ўтади. Босилган ўсимликлар умуман ҳосил бермайди деб олинганда (ҳосилдорлик ўртача 50 ц/га бўлганда), 1,5 ц/га ҳосил камайиши мумкин, ваҳоланки юкорида қайд этиб ўтилганидек, зааркунанда ва касалликларга қарши ўтказилган самарали курашнинг ўзи ҳар гектардан 20-50% ҳосилни сақлаб қолиш имконини беради.

## **4-боб. МАККА ВА ОҚ ЖҮХОРИ ЗАРАРКУНАНДАЛАРИ**

*(чертмакчилар, күзги тунлам, гүза тунлами, маккажүхори парвонаси, леукани тунламлари, ширалар, оқ жүхори трипсі, ўргимчакканы)*

Маккажүхори (*Zea mays* L.), Күқон жүхори (*Sorghum cereale* Horst.) ва макка супургисининг (*S. technicum* Roshev.) заараркунандалари 200 турдан ошади. Булар ичида 15-20 таси алоҳида хавфлидир. Баҳор фаслида ўсимлик ниҳолларини илдиз кемирувчи тунламлар, карадрина, симқурт-лар, ниҳол пашшаси, янги ўзлаштирилган ерларда эса хумкалла қўнғизи ва чигирткалар шикастлаши мумкин. Кейинчалик ўсимликларда 4-9 чин барг ҳосил бўлиши билан улар ўтлоқ парвонаси, металл тусли ва бошқа барг билан озиқланувчи тунламлар, шунингдек, цикадалар, пъвици ва ўсимлик қандалалари билан шикастланади. Маккажүхори гуллай бошлаган даврдан бошлаб леукани тунламлари, маккажүхори парвонаси, кўсак қурти ўргимчакканы, шира ва қандалалар билан заарланиши мумкин.

### **1. Зарааркунандаларнинг таърифи**

Ёзги муддатда экилган маккажүхорига айниқса тунламлар сезиларли зарар келтиради. Оқ жүхори ва макка супургиси шира, трипс ва ўргимчакканы билан қаттиқ заарланади.

**Чертмакчилар ёки симқуртлар.** Симқурт чертмакчи қўнғизларнинг личинкаси хисобланади. Ўзбекистонда уларнинг кўп тури учрайди (II қисмнинг 1-бобига қаранг). Шулардан Туркистон чертмакчиси (*Agriotes meteculosus* Cand.) кенг тарқалган.

Симқуртлар тупроқда 2-4 йил мобайнида яшаб маккажүхоридан ташқари яна кўпгина техник, ғалла ва сабзавот экинларига зарар етказади. Симқуртлар тупроқда яшаб, бўртаётган дон ва ёш ўсимлик пояларининг ер остидаги қисмлари билан озиқланади, натижада шикастланган майсалар нобуд бўлиб, экинлар сийраклашиб кетади. Симқуртлар баҳорги экинларга

анча зарар етказади, сугориладиган ерларда ғалла-ўт аралашмаси, картошка ва бошқа сабзавот экинларидан кейин экилган маккажўхорини анча зааралайди.

**Кураши чоралари.** 1. Тупроқ структура ҳолатини яхшилаш учун агротехник чора-тадбирларни кўриш (қумоқ тупроқда симқурт енгил ҳаракат қила олмайди). 2. Алмашлаб экиш структурасини тузишда симқурт билан заарланган майдонларни назарда тутиш. 3. Кимёвий курашиш учун рухсат этилган препаратлардан кузги тунламга қарши кураш сингари фойдаланиш.

**Кузги тунлам – *Agrotis segetum* Den. et Schiff.** Жўхориларнинг асосий заараркунандаларидан бири ҳисобланади. Куртлари ўсимлик ёш ниҳолларининг ер остки қисми, шунингдек ёзилмаган ёш баргларини заарлайди. Кўпинча ёш ўсимлик поясининг ер бетига яқин қисмини кемириб, тешиктешик қилиб кўяди ва шу йўл билан бутун ўсимликни нобуд қиласди. Курт кемирган жойда, жумладан илдиз бўғзида катта ковак пайдо бўлади, шикастланган ўсимликнинг юқоридаги қисми қурийди, уни барг қинидан осонгина суғуриб олиш мумкин. Бундай ўсимлик илдизи атрофини ковлаб кўрилса, халқа бўлиб ётган бўз рангли куртлар топилади. Бу куртлар катта бўлиб, усти худди ёғ суртилгандек ялтираб туради. Ўзбекистонда кузги тунлам қуртлари маккажўхорини сезиларли шикастлаб, кўпгина маҳсус ҳимоя тадбирларини ўтказиши талаб этади.

Кузги тунлам Ўзбекистонда бир мавсумда 3-4 бўғин беради. Маккажўхори экинларига айниқса баҳор пайтида катта зарар етказади: ўсимлик кўкариб чиқа бошлаган пайтдан то 8-10 барг чиқарадиган вақтгача заарлайди. Сўнги бўғин қуртлари кечки маккажўхори ҳамда сабзавот ва беда майсаларини шикастлайди.


**Кураши чоралари.** 1. Заараркунанда ривожланишининг олдини оладиган ташкилий-хўжалик ва агротехника чора-тадбирларини амалга ошириш. 2. Биологик усулни кенг қўллаш. Бунинг учун феромон тутқичлари ёрдамида заараркунан-

да учиб тухум қўя бошлаган муддатни белгилаб, трихограмма кушандасини қабул қилинган схема бўйича 2-4 марта қўйиш. 3. Кимёвий усул билан қурашиш учун рухсат этилган пиретроид инсектицидлардан фойдаланиш (*децис* – 0,7 л/га, *арриво* – 0,3 л/га, *кинмикс* – 0,6 л/га, *политрин-К* – 1 л/га, *фенкилл* – 0,6 л/га).

**Ғўза тунлами** – *Heliothis armigera* Hb. Маккажўхори қўсак қурти учун ёқимли экинлардан бири ҳисобланади, шунинг учун бу зааркунанда маккажўхори экинларига катта зарар етказиши мумкин. Бунга сабаб, маккажўхори қўсак қурти учун ғўзага нисбатан тўйимли озиқадир. Шунинг учун ҳам маккажўхори ғўза тунламини жалб этувчи экин ҳисобланаб, зааркунандани йиғувчи уяси (резерватори) ҳам ҳисобланади. Бу эса, маккажўхори ва унинг атрофидаги ғўзани тунламдан сақлаш учун мутахассислардан алоҳида диққат талаб этади.

Ғўза тунламининг капалаги тухумларини асосан маккажўхори сўталарининг попугига якка-якка қилиб қўяди. Зааркунанданинг биринчи бўғини июнда, иккинчиси ва учинчиси августда гуллаган маккажўхорига ўз тухумини қўяди. Биринчи ёшдаги қуртлар маккажўхорининг попугини заарлайди, катталашган сари сўтани ўраган баргларнинг остига кириб, сўта учидаги донларни кемиради. Сўтанинг ичига кириб олиб то тубигача йўл солиши ва уни ахлати билан ифлослантириши мумкин (48-расм).

Одатда кечки маккажўхорига нисбатан эрта экилгани камрок заарланади, чунки ғўза тунламининг биринчи бўғини (июн) кам сонли ва кам ҳаётchan бўлади. Тадқиқотлар (Хўжаев, Тўйчиев, 1981) шуни кўрсатди, ҳар 100 та ўсимликда ўртacha 10 та қўсак қурти мавжуд бўлса, ҳар гектар пайкалдан 1 ц гача ҳосил камайиши мумкин. Шуни назарда тутган ҳолда, донга мўлжалланган маккажўхори экинида ғўза тунламига қарши қурашиш учун миқдор мезони қилиб ҳар 100 ўсимликда камида 10 та қурт мавжудлиги белгиланган.




**48-расм. Ғўза тунламининг қуртлари томонидан заарланаётган макажӯхори сўталари**

**Кураш чоралари.** 1. Ғўза тунлами муваффақиятли ривожланишининг олдини оладиган уйғунлашган ташкилий-хўжалик ва агротехник чора-тадбирларни амалга ошириш. 2. Силос ҳамда дон учун экилган макажӯхорида ғўза тунлами ривожланишини феромон тутқичи ёрдамида аниқлаш. Тутқичларга капалак туша бошлаб, кунига ўртача 2-3 та ва ундан кўпни ташкил этса, дархол далага трихограмма кушандасини қабул қилинган низомларга асосан тарқатиш. Кейинчалик катта ёшдаги қуртлар пайдо бўлса, бракон кушандасини ҳар гектарга 200 дан 1000 (1:10-15) тагача тарқатиш лозим. 3. Маккажӯхорида ғўза тунлами шартли равишда кучли ривожлана-диган ерларда ер аппаратлари ёрдамида ишлов ўтказиш учун маҳсус паст буйли оралиқ экинларни (масалан, лавлаги) экишни назарда тутиш керак. Амалиётда бу ҳар 50 м жўхоридан сўнг 4,8 м (2 марта сеялка ўтиши) оралиқ экинни экишдан иборат. 4. Силос учун мўлжалланган маккажӯхорида кўсак қуртига қарши кимёвий кураш ўтказиш шарт эмас, чунки хом ўсимликни ўриш мобайнида зааркуннанда янчилиб кетади. 5. Дон учун мўлжалланган маккажӯхорида кўсак қуртига қарши ишлатиш учун «Рўйхат»да тавсия этилган бирор инсектицидни қўллаш мумкин.

**Маккажүхори парвонаси.** Ўрта Осиё шароитида уч тури маълум: *Ostrinia nubilalis* Hb. *O. narynensis* Mutuura et Munroe, *O. kasmirica* Moore (Хомякова, 1982). Капалаклар туркумининг парвоналар (*Pyralidae*) оиласига мансуб.

**Тарқалиши.** Маккажүхори парвонаси кенг тарқалган турбўлиб, у Яқин Шарқ мамлакатлари, Ҳиндистон, Яқин Осиё, Миср, ўрта ва жанубий Европа, Шимолий Америка ва бошқа мамлакатларда учрайди.

**Таърифи.** Эркак ва ургочи капалаклар бир-биридан ташки кўриниши бўйича фарқ қиласиди (49-расм). Эркаги ургочисидан кичик (27-28 мм), ургочиси 31-32 мм. Эркагининг қанотлари умумий қорамтири тусда. Одд қанотлари сариқ ёки оч жигарранг, орқа қанотларининг ўртасидан кўндалангига йўғон оқ чизик ўтади. Капалаклар тинч ўтирганда қанотлари капа сифат қоринчасини тўлиқ беркитади.



49-расм. (I) - **Маккажүхори парвонаси**  
(Щеголев ва Знаменский маълумотлари бўйича):

1-ургочиси; 2 ва 3-эркаги; 4-куртнинг корин сегменти; 5-курти;  
6-тухум қўйиши; 7-гумбагининг охирги кисми; 8,9-поя ичидағи курти ва  
гумбаги. (II) – Жўхори поясини парвона қурти билан зарарланиши.

Тухуми ясси ва овал шаклда, капалаклар уларни бирбирига нисбатан черепица каби жойлаб, баргнинг ост қисмига 10-15 донадан тўп-тўп қилиб қўяди. Тухумлар капалак ажратган суюқлиги билан қопланган бўлиб, 2-3 мм ли оқиш мум томчисини эслатади. Вояга етган қурти 25 мм га боради, ранги сарғиши- кулранг тусда, елка томонидан йўғон қорамтири чизик ўтади, ҳар бир сегментида 4 тадан қалқончаси бор, бош, энгак ва охирги сегмент қалқончалари қўнғир тусда, сохта оёқларининг учи юмaloқ бўлиб, доира шаклидаги илмоқлари мавжуд (ўртадагилари узунроқ). Гумбаги оч жигарранг, узунлиги 20 ммга етади, тана учидаги 4 та илмоқдор ўсимтаси бор.

**Хаёт кечириши.** Маккажўхори парвонасининг вояга етган қуртлари ўсимлик қолдиқларида далада қишлийди. Уларни маккажўхори, тарик ва бошқа йўғон пояли ўсимликларнинг ерга яқин қисмida қўплаб учратиш мумкин. Қишилашга кетишидан олдин қуртлар ташқари билан алоқа тешигини беркитиб ташлашади. Қуртлар қишки ҳаво ҳароратининг  $30^{\circ}$  дан ҳам пасайишига бир ой чидайди.

Баҳорда ҳаво ҳарорати  $15-16^{\circ}$  дан ошганда (Ўзбекистон шароитида майнинг бошларида) қуртлар ғумбаклана бошлайди. Бундан олдин бўлғуси капалакнинг ташқарига учуб чиқишини осонлаштириш учун қуртлар поя деворини кемириб думалоқ тешик ясашади. Қуртларнинг ғумбакланиши даврида ҳаво намлигининг аҳамияти катта бўлади. Маккажўхори парвонаси намликсевар тур бўлғанлиги сабабли, ҳаво намлиги юқори, баҳор фаслида ёғингарчилик мўл бўладиган туманларда ёки суғориладиган пайкалларда яхши ривожла-нади. Курғоқчилик бу зарапқунанданинг душмани. Бундай шароитда қуртлар қўплаб ўлади. Ғумбакланиш олдидан қуртлар юмшоқ ва юпқа пилла ўрайди. Ғумбаклик даври 10-25 кун давом этади. Бунда йирик ғумбаклардан (80-120 мг) одатда ургочи зот, майдасидан эса (60 мг атрофика) эркак зот пайдо бўлади.

Капалакларнинг учуб чиқиши Ўзбекистон шароитида одатда июн-нинг I-II ўн қунлигига тўғри келади. Капалаклар

қўшимча озиқланади ва вояга етгач урчиб, тухум қўйишга киришади. Тухумни бегона ўтлардан қора қиёқ (барди), товуқ тариқ, ёввойи наша ва бошқаларга, маданийлардан маккажўхори, тариқ, каноп ва бошқаларнинг барг орқасига қўяди. Маккажўхорига одатда ўсимлик гуллаган даврда тухум қўяди. Тухум қўйиш 15-25 кун давом этади. Бу даврда одатда 250-350 дона, кўпи билан эса 1250 дона (В.Н. Шеголев) тухум қўяди. Капалаклар кундузи салқин жойларда беркиниб кечаси фаол ҳаёт кечиради.

Тухумдан чиқсан қуртлар аввал тўда бўлиб ҳаёт кечиради. Бу пайтда барг тўқималари билан озиқланиб, очиқ ҳаёт кечиради ва қўпгина кушандаларга ем бўлади. Учинчи ёшдан бошлаб айни ва қўшни ўсимликлар сари тарқалади. Бу давр ҳимоя ишловини бериш учун энг қулай ҳисобланади. Катта ёшдаги қуртлар ўсимлик султони ва попугига (сўтасига) ўтиб озиқлана бошлайди, сўнгра эса поясига кириб, ўзагини ейди ва пастга қараб ҳаракат қилади. Бундай ўсимликлар шамол ва агротехника тадбирларида синиб тушиши мумкин.

Куртлар 4 марта пўст ташлаб 5 та ёшли ўтайди. Йилига икки бўғин берадиган туманларда қуртлар поя ичидаги ғумбакланади, августнинг бошларида иккинчи бўғин чиқади. Бир бўғинлилари эса ғумбакланмай қишлоғга тайёргарлик кўради.

Маккажўхори парвонасининг 20 дан ортиқ табиий кушандалари аниқланган. Булардан пардақанотли браконид ва ихневмонидлар ҳамда тахина пашибалари энг кўп учрайди. Аммо амалий аҳамиятга трихограмма ва бракон эга.

**Зарари.** В.О. Хомякованинг кўрсатишича, маккажўхори парвона таъсирида 6-25% ҳосилини йўқотиши мумкин. Бунга асосий сабаб қилиб сўта бандининг заарланганлиги ва поянинг синиши кўрсатилади. Ўзбекистон шароитида, айникса Ҳоразм воҳаси ва Қоракалпоғистонда маккажўхори парвонаси июл-август ойларида ғўзага зарар келтиради.

**Кураш чоралари.** 1. Агротехник чора-тадбирлардан: парвона билан заарланган маккажўхорини, мумкин бўлса, силосга ўриш; дон учун мўлжалланган маккажўхорини мумкин

қадар паст ўриш; кузда ёки эрта баҳорда ерни чимқирқар ёрдамида чукур хайдаш. 2. Зааркунанда тухум кўя бошлагач ва ундан 5-6 кун кейин далага трихограмма кушандасини тарқатиш. 3. Кимёвий кураш ўсимликлар 18% дан ошиқ тухум билан заарланганда ёки ҳар ўсимликда 1-2 та қурт мавжуд бўлса амалга оширилади. Бунинг учун оралиқ экинлар экиланг маккажўхори пайкалида трактор пуркагичи ёрдамида маккажўхоридаги тунламларга қарши рухсат этилган инсектицидлар қўлланилади.

**Леукани тунламлари.** Маккажўхорида бешта тури аниқланган: *Leucania vitellina* Hb., *L. loreyi* Dup., *L. unipuncta* Hw. *Mythimma* (*Hypnilare*, *Leucania*) *l-album* L., *Cirphiszeal* Dup. *f. indistincta* Chr. (*Leucania*, *Sideridis zeal* Dup.). Ўзбекистон шароитида кенг тарқалган зааркунанда бўлиб, одатда июн ойидан бошлаб маккажўхорини заарлайди. Фарғона, Сурхондарё ва бошқа вилоятларда маккажўхори ҳар йили август-октябр ойларида леукани тунлами билан қучли заарланади.

**Таърифи.** Капалаги йирик, қанот ёзганда 40-44 мм келади. Қанотлари деярли сидирға кулранг-оч сариқ тусда, сезилар сезилмас кўндаланг ўтган чизиклари бор (50-расм).



1



2

#### 50-расм. Леукани тунлами:

1-капалаги, ғумбак ўрни ва ғумбаги; 2-курти ва баргни заарлаши.

Куртлари йирик, 4,5-5 см га боради. Умумий яшил асосда оч қизғиши туслар намоён бўлади, уст томонидан оч рангли чизиқлар ўтади. Боши гавдасига нисбатан кам ривожланган. Безовта қилинган курт дарҳол кулча бўлиб олиб, баргдан ерга тушиб кетади. Тухумлари ғуббасимон, қовур-ғалари бор, катталиги 0,4-0,5 мм.

**Ҳаёт кечириши.** Апрел-май ойларида капалаклари пайдо бўлади. Улар қўшимча озиқланиб урчиди, сўнг 3-4 баргга эга бўлган маккажўхори ўсимликларига тухумини якка-якка қилиб ёки кичикроқ тўп-тўп қилиб барг қўлтиғига қўяди. Ҳар бир ургочи зот ўртача 350-500 дона тухум қўйиши мумкин. 4-6 кундан кейин очиб чиқсан қуртлар барг қўлтиғи, марказий ҳамда ўров баргларининг асосини кемириб озиқланади ва олти ёшни бошидан кечиради. Куртлар 17-25 кун ривожланиб катта ёшида маккажўхори султонини шикастлайди, шунингдек кўсак қурти сингари, сўта ва попугини ҳам ейиши мумкин. Тўйинган қуртлар ерга тушиб ғумбакланади ва 10-12 кундан сўнг янги бўғин капалаклари учиб чиқади. Ўзбекистон шароитида леукани тунламлари йилига 3-4 бўғин беради. Леукани тунламлари нисбатан очик ҳаёт кечиради, шунинг учун ҳам кушандалар таъсирида кўплаб қирилади.

**Зарари.** Леукани тунламларининг шикасти натижасида маккажўхорининг поя салмоғи ҳамда ҳосилдорлиги сезиларли пасаяди. Бундан ташқари, қуртларнинг экскременти барг ўровлари ичида йиғилиб қолиши сабабли, силосга қўшилиб озиқа сифатини пасайтиради. Леукани тунламлари Ўзбекистоннинг барча вилоятларида учрайди. Бизнинг тадқиқотларимизга кўра (А. Тўйчиев иштирокида) Тошкент вилоятининг айrim хўжаликларида 1982-1983 йиллари леукани тунлами-нинг зичлиги июл ойида ҳар  $m^2$  да 12-25 тага етган. Бунинг натижасида донга мўлжалланган маккажўхорини силосга ўриб олишга мажбур бўлишган ва ҳар гектар ердан 40-50 ц га кам кўк поя ўриб олинган. 1986 йилда Хоразм вилоятининг Хива туманида жойлашган Огаҳий номли хўжалик ерларида сен-

тябр ойида кечки маккажүхори леукани тунлами билан қаттиқ заараллангалиги аниқланган. Бунда ҳар 10 та ўсимлиқда 7-8 та қурт кузатилган.

**Кураш чоралари.** 1. Зааркунанда қуртлари ўсимлик марказидаги барг ўрами ичидә бўлганлиги сабабли, донга мўлжалланган маккажүхори экинида кимёвий кураш ўтказиш лозим. Бунда ҳар 100 та ўсимлиқда ўртача 12-15 та қурт мавжудлигига йирик майдонларда авиаация ёрдамида, оралиқ экинлари экилиб, трактор юриши учун вазият ташкил этилган майдонларда эса ОВХ-28 пуркагилари билан ишлов ўтказилади. Препарат сифатида маккажүхорида кўсак қуртига қарши тавсия этилган бирор инсектицид қўлланилиши мумкин.

2. Кимёвий кураш ўтказиш имконияти бўлмаса, майдондаги ўсимликларни силосга ўриб олиб, зудлик билан ерни ҳайдаб ташлаш тавсия этилади.

**Ширалар.** Ўрта Осиё шароитида маккажүхори, оқ жўхори ҳамда макка супургисига бир неча тур ширалар зарар етказиши мумкин: маккажүхори шираси (*Siphax maydis* Pass.), сули-маккажүхори шираси (*Aphis maydis* Fitsch.) катта ғалла шираси (*Macrosiphum avenae* F.) оддий ғалла шираси (*Schizaphis graminea* Rond.). Улар тенг қанотлилар (*Homoptera*) туркумига, ширалар (*Aphidoidea*) оиласига мансубдир.

**Тарқалиши.** Бу турларнинг барчаси кенг тарқалган. Улар Ўрта Осиёдан ташқари Кавказ ва Кавказ орти, Жанубий ва Ўрта Европа ҳамда Ғарбий Сибирда учрайди.

**Таърифи.** Маккажүхори ширасининг бўйи 1,6-2,2 мм, тузи ялтироқ, тўқ қўнғир рангда, қанотсизларининг мўйлови сариқ, қанотлиларининг мўйлови қўнғир тусда. Қанотсиз шираларнинг мўйлови танаси бўйининг учдан бир қисмидан бироз узунроқ, қанотлиларининг мўйлови эса тана бўйининг ярмига тент. Хартуми қисқа.

Катта ғалла ширасининг катталиги 2-2,8 мм бўлиб, тузи яшил рангда, қанотлиларининг боши ва қўкраги қизғиш-қўнғир, хартумининг узунлиги танаси узунлигининг учдан биртўртдан бир қисмига тўғри келади, найчаси, мўйлови,

панжаси, сонининг юқориси ва болдири қора тусда, мўйлови танасидан узунрок.

Оддий ғалла ширасининг бўйи 1,2-2 мм, тузи яшил рангда, қанотлиларининг боши, ўрта ва кейинги кўкраги тўқ кўнғир тусда бўлади. Мўйлови танаси ярмидан узунрок. Олдинги қанотининг медиал томири бу ширада бир марта, бошқа шираларда эса икки марта шохлайди.

**Ҳаёт кечириши.** Маккажўхори, оддий ғалла ва катта ғалла ширалари тухум шаклида қишлиайди. Булар кўчмайдиган колония ҳосил қилувчи шираларга киради. Булардан ғалла ширасигина ўсимлик учки баргларининг қини ичига кириб ҳаёт кечиради. Колганлари эса очик ҳаёт кечиради.

Ширалар айниқса баҳор ва кузда кучли урчиди, ёзниңг иссиқ кунларида камаяди, чунки юқори ҳаво ҳарорати шираларнинг қирилишига олиб келади, бунда шираларнинг табиий кушандалари ҳам кўпаяди.

**Зарари.** Шираларнинг сўриши натижасида маккажўхори ва оқ жўхори ўсимликлари изтиробланади. Ўсимлик ўсиш ва ривожланишдан қолади, барглари сарғаяди, кўп сўталар тугмай, пуч бўлиб қолади, дон вазни камаяди. Ширалар колония ҳосил қилган ўсимликлар 50% гача дон ва поя ҳосилини йўқотиши мумкин.

**Кураш чоралари.** 1. Ўсимликларни алмашлаб экиш. 2. Юқори агро-техникани амалга ошириш. 3. Минерал ва маҳаллий ўғитлар билан етарли даражада таъминлаш. 4. Ширалар доимий заарар етказадиган туманларда маккажўхори, оқ жўхори ва макка супурги экинларини самарали ҳимоя қилиш учун оралиқ экинлари билан бирга экиш. 5. Бу экинларда шираларга қарши курашиш учун фуфанон, 57% эм.к. (0,5-1,2 л/га) препарatinи кўллаш юқори натижা беради.

**Оқ жўхори трипси** – *Anaphothrips flavicinctus* Karny. Ҳошия қанотлилар – *Thysanoptera* туркумининг тухум қўйгичлар – *Terebrantia* кенжак туркумига мансуб.

**Тарқалиши.** Оқ жўхори трипси Ўрта Осиё республикаларида кенг тарқалган. Ўзбекистонда Тошкент, Сирдарё, Фар-

ғона водийси ва Бухорода топилган. Бошқа вилоятларда ҳам учраши эҳтимолдан ҳоли эмас (В.В. Яхонтов). Хорижий мамлакатларда ҳам учрайди.

**Таърифи.** Оқ жўхори трипси танаси чўзиқ ҳашарот, узунлиги 1-1,2 мм келади, тузи қўнғир, қоринчасининг 3-5-сегментлари ва оёқлари оч сариқ, қаноти оқиш-кулранг. Қоринчасининг саккизинчи сегменти четида кичик тишча бор.

**Ҳаёт кечириши.** Оқ жўхори трипсининг биологияси яхши ўрганилмаган. Бу заарқунанда тамаки трипсига ўхшаб тухумини ўсимлик тўқималарига қўяди. Тухумидан чиқсан личинкалар санчиб-сўриб озиқланади ва 4 та ёшни ўтгач, қанотли етук зотга айланади. Маккажўхори ва оқ жўхоридан ташқари ғумайни ҳам яхши кўради.

**Зарари.** Бу ҳашарот баъзан кескин кўпайиб, маккажўхори ва оқ жўхорига сезиларли зарар етказади, барг қинининг ширасини сўриб ҳаёт кечиради. Трипс тушган ўсимликларнинг ўсиши сусаяди, барглари буришиб қолади, ҳосилдорликка путур етади.

**Кураши чоралари.** 1. Қишлиб қолган ҳашаротларни камайтириш учун юкори агротехникани амалга ошириш, ғумайга қарши кескин кураш олиб бориш лозим. 2. Шираларга қарши тавсия этилган препаралар трипсга ҳам яхши таъсир этади.

**Ўргимчакканана –** *Tetranychus urticae* Koch. Баъзан маккажўхори ва оқ жўхорига ҳам сезиларли зарар етказиши мумкин. Айниқса ёз фаслининг иккинчи ярмида кўпайиб кетади. Ўргимчакканана маккажўхори баргларининг остки қис-мидага кўплаб урчиди. Жуда кучли ривожланганда барг устини ҳам ўргимчак иплари билан ўраб олади. Баргларнинг кана сўрган жойлари сарғаяди, қизаради ва остки қисмидан бошлаб курий бошлайди. Ўргимчаккананинг шикаст етказиши натижасида ўсимликнинг ўсиши ва ривожланиши жуда сусайиб кетади, натижада кўкат ва дон ҳосили камаяди. 1985 йили ўтказган назоратларимиз шуни кўрсатдики, Тошкент вилоятининг Янгийўл ва Бўка туманларида қийғос ҳосилга кирган маккажўхори августнинг биринчи ўн кунлигига қадар 77-85%

ўргимчаккана билан заарланган. Бу хўжаликларда ҳар гектардан 5-17 ц дан 22-40 центнергача кам кўқпоя ҳосили олинди.

**Кураши чоралари.** 1. Юқори агротехника, кузги шудгор. 2. Ўргимчаккана кўпайиш хавфи туғилган дала атрофига ипак қуртини боқиши тугатилганидан кейин ишлов ўтказиш. Бунда уватлар ва тут дараҳтлари трактор пуркагичлари ёрдамида олтингугуртнинг 80% ли хўлланувчи кукуни билан (0,3%), ёки ҷиперфос (1 л/га), дурсбан (1,5 л/га), БИ-58 (2 л/га), қаратэ (0,5 л/га), омайт (1,5 л/га) билан ишланади. Маккажӯхори, оқ жўхори, макка супургиси ва бошқа жўхориларга вақти-вақти билан, ривожланиш учун қулай шароит вужудга келишиги боғлиқ ҳолда қуйидаги зааркунандалар ҳам зарар етказиши мумкин: лалмикор экинзорларда оддий кравчик қўнғизи (*Lethrus apterus* Zaxm.), маккажӯхори қора қўнғизи (*Pedinus femoralis* L.) соҳта симқуртлар, карадрина тунлами (*Spodoptera exigua* Hb.), марокаш чигирткаси (*Dociostaurus maroccanus* Thumb.), отбосар чигирткаси (*D. kraussi nigrogeniculatus* Tarb.), осиё чигирткаси (*Locusta migratoria* L.) Е.А. Попованинг (1961) таъкидлаши тунлами (*Sesamia cretica* Ld., f. *Striata* Stgr.) заарлайди. Ундан ташқари: дон куяси (*Sitotroga cerealella* Oliv.), ҳамда хатто шоли узунбурун қўнғизи (*Calandra oryzae* L.), ҳам заарлаши мумкин экан.

## **2. Макка, оқ жўхори ва макка супургуси зараркунандаларига қарши умумий кураши тадбирлари**

1. Экиш учун юқори кондицияли, гаучо-М шаклидаги препаратлар билан заарсизлантирилган уруғлик ишлатиш. 2. Маҳаллий шароитларга мос келадиган юқори маҳсулдор ва касалликларга бардошли навларни экиш. 3. Ўсимликларни парваришлашда юқори агротехникага амал қилиш. Минерал ва маҳаллий ўғитларни агрокимёвий картограмма асосида талабга биноан солиш. 4. Ер аппаратлари билан кураш ўтказиш лозим бўлган ерларда трактор юриши учун жўхориларни оралиқ экинлари билан бирга экиш схемасини жорий этиш.

Жүхори экинларида ишлатишга рухсат этилган препаратлар  
рўйхати

№	Инсектицид ва акарицидларнинг номи	Сарф-меъёри, л/га	Қайси заарар-кунандага карши	Нечар марта ишлатиш мумкин	Кутиш муддати кун
1.	Ариво, 25% эм.к. (циракс)	0,3	ғўза тунлами	2	20
2.	Децис, 2,5% эм.к.	0,7	-/-	2	20
3.	Каратэ, 5% эм.к. (каратэ Зеон)	0,2	маккажўхори парвонаси шира, ўргимчакана	1	30
4.	Фуфанон, 57% эм.к.	0,5-1,2	шира, цикадалар	2	20
5.	Фенкилл, 20% эм.к.	0,4	ғўза тунлами, шира	2	20
6.	Омайт, 57% эм.к.	1,5	ўргимчакана	2	20
7.	Аваунт, 15% эм.к.	0,4-0,45	Ғўза тунлами	2	20
8.	Суррендер, 5% с.э.г.	0,3-0,4	Ғўза тунлами	2	20
9.	Ланнейт, 20% с.э.сус.	1,5-2,0	Ғўза тунлами	2	20

5. Силос учун мўлжалланган маккажўхорини эрта экиб, кўсак қуртлари ғумбаклангунга қадар ўриб олиш. 6. Ғўза, кузги ва ундов тунламларининг ривожланишини феромон тутқичлари ёрдамида аниқлаш. Ҳар бир заараркунанданинг капалаклари бир кечада бир тутқичга ўрта хисобда 2-3 дона тутилса, бу далага трихограмма кушандасини тарқатиш. 7. Дон учун мўлжалланган маккажўхори пайкалида турли хил заараркунанда қуртлари мавжуд бўлса, бракон кушандасини заараркунанда миқдорига қараб ҳар гектарга 200 дан 1000 тагача тарқатиш. 8. Маккажўхори экинларида турли хил заараркундаларга карши курашиш. Бунда рухсат этилган препаратлар рўйхати 9-жадвалда келтирилган.

## 5-боб. БЕДА ЗАРАРКУНАНДАЛАРИ

(илдиз узунбурунлари, фитономус, уруежүр-брухофагус, қандалалар)

Беданинг бирнеча тури мавжуд, лекин мамлакатимизда уларнинг ичида энг кенг тарқалгани кўк бедадир (*Medicago sativa* L.). Вақтинча эътибордан четлаштирилган беда ўсимлигига бирқатор ижобий хусусиятлар ҳосдир. Энг аввал – бу чорва учун протеин моддасига бой ем-ҳашак манбаъидир. У серхосил: йил мобайнида яхши парвалишланган бедазордан 5 марта гача кўк масса ўриб олса бўлади. Иккинчидан, беда экиб-ўстирилган ернинг тупроқ унумдорлиги ошиб боради. Қисман, бунга сабаб-беда илдизларида симбиозда яшайдиган ҳаводан азот йиғиб оловчи – азотобактер организмларининг мавжудлигидир. Учинчидан, беда экилган ерда ғўзанинг ашаддий касаллиги – вилт озайиб боради (Мирпулатова, 1967; Алиев, 1979).

**Майса филчаси.** Беданинг ўзига ҳос асосий ва иккиламчи даражада унга зарар келтирадиган заараркунандалари мавжуд. Беда майсаларининг илдизларида бирнеча турдаги узунбурун филчалар – *Circulionidae* оиласи, ситона (*Sitona*) авлодига, мансуб қўнғизлар зарар етказиши мумкин. Буларнинг орасида майса филчаси – *S. cylindricollis* F. – гина бир йилда 2 бўғин бориб ривожланади, қолган турлари – бир марта.

**Таърифи.** Майса филчаси кул ранг тусда бўлиб хартум-часи калта ва йўғон бўлади. Қўнғизнинг узунлиги 4-5 мм келади, уст қанотлари бўйлаб узунасига жойлашган чизиклар ва қўнғир тусда доғлар билан қопланган. Тухуми овал шаклда бўлиб 0,4 мм келади. Личинкалари оёқсиз, оч тусда, боши қўнғир, катталиги 5-6 мм келади. Эркин ҳолда тузилган ғумбаклари оқ-сариқ бўлиб, вояга етган сари айрим аъзолари сезила бошланади.


**Хаёт кечириши.** Майса узунбуруни личинкалик шаклда, қолган ситоналар эса – қўнғизлик шаклида қишлиб чиқади. Ҳар 1 урғочи зот қўнғиз ҳаммаси бўлиб 700-1200 та тухум

қўйиши мумкин. Тухумдан очиб чиқсан оёксиз личинкалар беданинг илдизига қараб ҳаракатланади ва мақсадга эришгач, илдизни ва илдиз туганакларини кемириб озиқлана бошлади. Майса филчаси июнда ғумбакланиб, 2 авлодни бошлади, қолган турлар эса кузга бориб оталанади ва қишлоғга тайёргарлик қўради. Заарланган майсалар қуриб қолиши мумкин, қисман заарланганлари суст ўсади. Майса (туганак) филчаларининг ўзига ҳос табиий кушандалари мавжуд. Булар қаторига пардақанотли браконид, ихнеумонид ҳашаротлардан ташқари қўнғизлар туркумига оид йиртқичлар киради. Жами бўлиб, улар беда туганак филчаларини 50-60% га камайтириб туради.

**Кураш чоралари.** Беда илдиз ва туганак филчаларига қарши кураш юқори агротехника тадбирларини ўтказиб ўсимликларни соғлом ва бақувват ўстиришдан бошланади. Зааркунандалар айниқса кўпроқ учрайдиган ерларда ЎзЎҲҚИТИ институтининг собиқ ходими В.Н. Полевщикова ва Т.К. Хамдам-Зодалар (1972) томонидан тавсия этилган – уруғ экишда уни БИ-58 инсектицидини 4%-лик қилиб суперфосфат доначаларига қоплаб ҳар гектарга 50 кгдан сарфлаш яхши натижа беради. Умуман олганда, ер юзида ўрмалаб юрган қўнғизларига қарши биронта пиретроид доридан (децис, суми-альфа, циперметрин ва б.) ишлатса ҳам бўлади (Шамуратова, 2007).

**Фитономус – беда барг филчаси** (*Phytonomus variabilis* Hbst.) – Ўзбекистонда беданинг энг ашаддий зааркунандаси бўлиб ҳисобланади. Бундан ташқари уни барча қўшни давлатлар минтақасида учратиш мумкин.

**Таърифи.** Фитономус филчасининг узунлиги (хартумчасидан ташқари) 6-7 мм келади; боши узун найча сифатида олдинга чўзилиб туради (51-расм). Туси оч-кулранг; қанотустликларининг чокидан қўнғир конуссимон доғ ўтиб туриши бу ҳашаротга ҳос белгилардандир. Тухуми эллипссимон бўлиб, 0,5-0,6 мм келади; туси-оч-сарик.



51-расм. **Фитономус:**

1-қўнғизи, 2-личинкаси, 3-ғумбаги, 4-пилла ичида жойлашган ғумбаги, 5-соғлам (а) ва шикастланган (б) бедадан олинган ҳосил (Яхонтов, 1962).

Личинкалари аёқсиз, узунлиги 10 ммча келади, тузи очяшилдан – тўқ – яшилгача, одатда сарғиш товланиб туради. Боши – тўқ қўнғир. Бошидан охиригача оч рангли камбар чизик ўтади. Эркин ҳолдаги ғумбаги шу ерда – ўсимликнинг ўзида майин тўқимадан ясалган оқ пилла ичида жойлашади. Фитономуусда бу пилла Мальпиги найчаларининг маҳсулидир. Гумбагининг узунлиги 5,5-8 мм келади.

**Хаёт кечириши.** Фитономуус монофаг хашаротдир, яъни у фақат бир ҳил озиқни истеъмол қиласи-бедани. Шу билан бирга у моновольтик ҳаёт кечиради, яъни бир йилда бир

авлод бериб ўтади. Фитономус тўлиқ ўзгариб ривожланадиган ҳашарот бўлиб, фақат қўнғизлик шаклида хас-чўп, ва бошқа пана жойларда қишлиб чиқади. Эрта баҳорги ҳаво ҳароратига кўра  $12^{\circ}$  дан кейин уйғонади ва ташқарига чиқиб қисман озиқланади ва жуфтлашиб тухум қўйишга киришади. Ҳар 1 урғочи зот 2000 тагача тухум қўяди деган изоҳ бор (Яхонтов, 1962). Беда эндиғина ўсабошлаган даврда ҳар 1 пояга 1-2 тадан бошлаб 15-20 тагача тухум қўйиши мумкин. Очиди чиқкан личинкалар поя куртагини ва ёш баргларни шикастлай бошлади. Қуртларнинг зичлиги ортиб кетганида беда ўスマЙ қолади, у барг этини кемириб егани учун барглар тўр шаклини олади; ўсимлик поя вазни ва унинг сифати бўйича катта зиён кўради. Қаттиқ заараланган бедадан 65% гача кам ҳашак олинади; унда мой миқдори 55-60% га оқсили эса – 40% га озаяди.

Личинкалар тезда беда баргларида пилла ўраб ғумбакка айланади. Яна 6-8 кундан кейин ғумбакдан чиқкан қўнғизлар бирмунча вақт бедада озиқланиб, кунлар исиб кетиши билан қисман бошқа жойларга (боғ, уватлар, ўтзорлар) кўчиб ўтиб органик қолдик остида ёзги уйқуга кетади. Бир қисми бедазорнинг ўзида колиб кетади. Кузги салқин кунлар келиши билан фитономус кўнғизлари уйғонади ва қисман яна озиқланади ва қишки уйқуга кетади. Қўнғизлар жуда сезгир бўлиб қишда вақтинчалик ҳарорат  $12^{\circ}$ дан кўтарилиши билан харакатланиб озиқланиб жуфтлашади ва тухум қўяди (Хамдам-Зода, Одилов, Акмалова, 1982).

Фитономуснинг кўплаб табиий кушандалари мавжуд. Буларнинг орасида канидия яйдоқчисининг (*Canidia exigua* Gsrav.) аҳамияти катталигини В.В. Яхонтов (1962) таъкидлаб ўтган. Бундан ташқари кўплаб бошқа яйдоқчилар, ҳамда тахина пашшалари, кокцинеллид қўнғизлари ва олтинкўз личинкалари, чумчук ва бошқа қушандаларнинг аҳамияти каттадир. Биргаликда булар фитономуснинг асосий қисмини кириб ташлаши мумкин. Аммо қолган қисми ҳам келгуси

йили беданинг биринчи ўримига катта шикаст етказишга кодир микдорда ривожланиши мумкин.

**Кураши чоралари.** Фитономусга қарши курашда бирқатор агротехник тадбир-чоралар: (кускутадан (зар печак) тозаланган уруғ экиш, озиқлантириш, суғориши; йил бошида бедазорларни бараналаш; бедани бир жойда З йилдан ортиқ сақламаслик ва бошқалар) катта аҳамиятга эгадир.

Фитономус бедани март-апрел ойларида заарлаб шикастлагани туфайли ва бу муддатларда дала атрофида жойлашган тут дараҳтлари барг ёзабошлигани учун, бу зааркунандага қарши кимёвий кураш ўтказиш маълум қийинчиликлар билан боғлиқ бўлади. Гап шундаки, маҳсус тадқиқотларимизда аниқланишича, хатто тутнинг барглари ҳали ёзилмаган-кортаклари бўртган даврда атрофи тут билан ўралган бедазорда фитономусга қарши бирорта синтетик пиретроид ёки ФОБ билан ишлов ўтказилса, дорининг тутга теккан юқлари ҳам, кейинчалик кесиб олиб пилла куртига (*Bombyx mori* L.) берилса, уларнинг қирилиб кетишига сабабчи бўлади. Шунинг учун, бедани фитономусдан ҳимоя қилишда кимёвий дориларни бедазор атрофидаги тутларни кесиб олишга 45-50 кун борлигидагина ишлатилади. Мавжуд мезонларга кўра, кимёвий кураш ўтказиш учун ИЗММ сифатида ҳар бир беда новдасига ўртacha 1 тадан кўп фитономус личинкаси тўғри келса амалга оширилади (Хамдам-Зода, 1971). Бу мақсадда қуйидаги дориларни ишлатса бўлади: *децис* - 0,4 л/га, *суми-альфа* - 0,3 л/га, *циперметрин* - 0,2 л/га, *каратэ* - 0,3 л/га, *БИ-58* - 0,5-1,0 л/га, *карбафос* - 0,2-0,6 л/га ва б. (Рўйхат..., 2010). Айрим пайтларда, ҳимоя қилиш курашлари ўтказиш имкониятлари мавжуд бўлмаганида, беда ўришни муддатидан илгари ўтказиш мумкин. Аммо, бунда беда хосилдорлигига маълум даража путур етади.


Бедазорлар одатда фойдали ҳашаротларнинг ўчғи бўлиб ҳисобланади (Сагдуллаев, 1978; Урунов, 1987). Бу ерда кўплаб хон қизи (кокцинеллидлар) хамда олтинкўз зотлари истиқомат қиласи. Шунинг учун бедани ўриш пайтида бундай

ҳашаротларни хуркитиб учириб юбориб, уларга зарари камроқ тегиши учун, беда ўриш техникасига маҳсус мосламалар осишни ҳам таклиф қилганлар (Хамраев, 1994).

**Беда уруғхўри** – *Bruchophagus roddi* Guss. пардақанотлилар (*Hymenoptera*) туркумининг, халқидлар (*Chalcidoidea*) оиласига мансуб. Кенг тарқалган тур. Маданий экинлардан беданинг уруғига катта зарар етказадиган турдир.

**Таърифи.** Беда уруғхўри майда, арини, ёки қанотли чумолини эслатадиган ҳашаротдир; уни бошқачасига – беда йўғоноёғи ҳам деб аташади. Катталиги 1,3-1,8 мм келади; ранги қора, йилтироқ қоринчаси мавжуд. Қоринчаси – тухумсимон орқа томонида тухум қўйгичи билан якунланади; олдтомонида эса – кўкрагига ингичка найча билан бирлашади.

Кўкрак қисмига 2 жуфт ҳошияли қанотлари бириклирлган бўлиб, олджуфи анча сербар ва йирикдир; мўйловлари қисқа ва чўтсимон. Тухумлари қисқа ипсимон асосга бириклирлган бўлиб, оқ ва майда – 0,2 мм; шакли пиёзсимон. Личинкалари ярим ой шаклида бўлиб, 2 мм гача ўсади; оёғи йўқ, бош қисми қўнғир тусда бўлиб, тана ичига чуқурлашган; кемирувчи жағлари яхши ривожланган; умумий туси оқ-кўкиш (52-расм).



52-расм. Беда

урұғхўри:

1-урғочи зот,

2-♀ мўйлови,

3-♂ мўйлови, 4-тухуми,

5 – личинканинг устки

жағи, 6-личинка, 7-гум-

баги, 8-беда уруғининг

шикастланиши

(Никольскаядан, 1952 олинди).

Личинкаси бутун хаётини (8-13 кун) беданинг бир уруғи ичидаги ўтайди. Уруғхўр тухумдан – етук зотгача умрини 30-40

кун ичида ўтаб бўлади. Заарланган уруг ичида вояга етган зот юмалоқ тешик кемириб ташқарига учib чиқади (52-расм).

**Хаёт кечириши.** Беда уруғхўри фақатгина беда ва шунга ўхшаш бошқа ўсимликларнинг (янток) дуккаларига шикаст етказади. У беданинг уруғи ичида личинкалик шаклида дала шароитларида ҳамда омборларда қишлиб чиқади. Баҳорда март-май ойларида ҳаво ҳарорати  $18^{\circ}$ дан ошиши билан ғумбакка айланади ва дуккак қобиғида юмалоқ тешик ҳосил қилиб ташқарига учib чиқади ва маълум вақтгача гуллар шираси билан озиқланади. Буда гуллаб дуккак ҳосил қилгач уруғхўр унга тухум қўя бошлайди. Одатда ҳар 1 дуккакга 1 донадан тухум қўяди. Хаммаси бўлиб 1 урғочи зот ўртacha 45 та тухум қўяди. Тухумларда 3-5 кунда куртлар пайдо бўлиб умри бўйича 1 та ургни ейди ва вояга етиб ғумбакка айланади, ундан эса, 8-10 кун ўтиб, етук зот учib чиқади. Булар эса янги авлодга замин яратади. Ўзбекистон шароитида беда уруғхўри мавсумда 3-4 авлод бериб ривожланади. Қишлоғга эса барча авлод намуналарининг бир қисми кетиши мумкин. Одатда ҳосилнинг тўртдан бири уруғхўр билан шикастланган бўлади (Шамуратова, 2006). Беда уруғхўрини табиатда кўплаб турли хил кушандалар озайтириб туради.

**Кураши чоралари.** Беда уруғхўрига қарши кураш янчилган уруғ, ёки экиладиган уруғни тозалашдан бошланади. Бунда уруғ йиғиндисини 15% лик ош тузи ёки аммиак селитраси эритмасига 2-3 минутга солиб қўйилади: заарланган уруғлар сув юзида колади, заарланмагани эса сув остига чўқади. Соғлом уруғ дарҳол тоза сувда ювилиб селгитиб олинади, заарлангани эса – қўмиб ташланади. Бедадан бўшаган ерлар кузда чуқур қилиб хайдаб қўйилади.

Беда уруғи шаклланаётган даврда энтомологик сачокни 50 маротаба харакатлантирилганда 15-20 тадан ортиқ уруғхўр етук зоти илинса – бу кимёвий ишлов ўтказиш лозимлигидан далолат беради (Шамуратова, 2006). Самара олиш учун куйидаги инсектицидларни ишлатса бўлади: **каротэ, малстар, суми-альфа, децис** (0,3 л/га); **циперфос, дельтафос** (0,4 л/га).

**Мирид-қандалалари.** Қандалалар ёки яримқаттиқ қанотлилар (*Hemiptera*) туркумининг мириллар (*Miridae*) оиласига мансуб ҳашаротлар. Бедага мирилларнинг 8 дан ортиқ тури зарар келтириши мумкин (Урунов, Хамраев, 1994). Бу гурӯҳ ҳашарот орасида, шубхасиз, энг ашаддийси беда қандаласидир (*Adelphocoris lineolatus* Goeze.). Қорақалпогистон минтақасида бу тур умумий мириллар орасида 65-70% ни ташкил этган (Шамуратова, 2006). Бошқа ерларда ҳам шундай ахвол кузатилади (Соболева, 1963).

**Таърифи.** Беда қандаласи нисбатан йирик ҳашарот бўлиб, узунлиги 6,5-9,5 ммга teng. Танаси чўзинчоқ овал шаклда, ранги сарғиш – яшил, эркаклари тўқроқ тусга эга (53-расм).



53-расм. Беда қандаласининг етук зоти

Олд елкасида 2 та кора нуқтага эга; қанотлари йигилган пайтда ўртача уч бурчакли қалқонча пайдо бўлиб у бўйлаб 2 та қорамтири чизик ўтади; мўйлови узун яхши учади; санчиб-сўрувчи оғиз аппаратига эга. Тухуми чўзинчоқ ва сал букилган шаклда; узунлиги 1,5 мм келади; янги қўйилган тухумнинг ранги ок-сарғиш бўлиб ялтироқ, кейинчалик кизаради. Лиchinkarinинг узунлиги ёшига қараб 1,25-1,5 мм дан 3-5 мм

гача етади, 5 ёшга эга: 4-нчи ёшдан бошлаб қанотлари пайдо бўла бошлайди; 5 ёшда вояга етади.

**Хаёт кечириши.** Беда қандаласи ўзи яшаган ўсимлик анғизида беда, янтоқ пояларида тухум шаклида қишлиб чиқади. Бу қандала хаммахўр бўлиб, кўпгина оилаларга мансуб ўсимликларни шикастлаб озиқланади. Жумладан, гулхайри гуллилардан ғўзани ҳам заарлайди, лекин энг яхши кўрган стация – бу бедадир. Марказий Осиё мамлакатларида бу ҳашарот бедада мавсум давомида учрайди. Одатда у 3, айрим йиллари эса 4 авлод бериб ривожланади. Шимолий Кавказ ва Украинада бир йилда 2 бўғин бериб ривожланади.

Беда қандаласи серхаракат ҳашарот бўлиб, етук зоти масофаларга даладан – далага учеб ўтади, личинкалари эса ўрмалаб ўсимлиқдан – ўсимликка тарқаб кетади. Қандала беда баргини, барг бандини, куртак ва уруғ нишоналарини гул ва дуккакларини санчиб сўради. Шикастланган мева нишоналари қуриб тўкилади, ҳосилдорлик пасаяди.

Беда қандаласи тухумини беда ва бошқа ўсимлик бандига (поясига) илдизга яқин жойларини аҳтариб санчиб ичига қўяди. Бир урғочи зоти 30 тага яқин тухум қўйиши мумкин, ҳар пояга эса – 5-6 тадан 20 тагача қўя олади. Тухум қўйиши ва личинкаларни очиб чиқиш жараёни бутун ёз бўйича давом этади. Шунинг учун ҳам бир вақтнинг ўзида далада қандаланинг турли шаклларини учратиш мумкин. Беда ўрими ўтказилганида серхаракат беда қандаласи қўшни стацияларга (жумладан, ғўзага) учеб ўтади ва у ердаги экинларга жиддий ҳавф солиши мумкин. Мавсумда 3-4 авлод бериб, тухум шаклида қишлиб қолади.

Н.Г. Шамуратованинг (2006) тадқиқотларида беда қандаласининг заарлилик даражаси қуйидагича: агарда гулай бошлаган беда ўсимлигининг ҳар 2 тупига 1 та қандала тўғри келса, ҳар гектар экин майдонидан 5 кг уруғ камроқ олиниши мумкин. Бу демакки, 2010 йил нарҳ-наволарига кўра ҳар гектардан 20 000 сўмлик маҳсулот оз олиниши мумкин. Бу ўрта ҳисобда 1 гектар ерга 1 марта кимёвий кураш ўтказиш

учун толаб қилинадиган маблағдир. Шунинг учун ушбу мезонни (2 тупга 1 та ва ундан кўп қандала тўғри келса) кимёвий кураш ўтказиш учун ИЗММ деб таклиф қилинди (Шамуратова, Хўжаев, 2006). Бошқача қилиб айтганда, бу бедазорнинг ҳар 1 м<sup>2</sup> майдонида 15-20 ва ундан кўп қандала зоти, ёки сачок билан 50 та харакат қилинганида 40-50 та қандала зоти илинишига тенг кўрсаткичdir.

**Кураш чоралари.** Бир ерга бедани уч йилдан ортиқ кетма-кет экмаслик; бедазорларда юқори агротехник тарбিrlар ўтказиш каби чоралар экинда қандала каби ҳашаротларни кўплаб ривожланишини олдини олади.

Фитономус ва беда уруғхўрига қарши ўтказилган кимёвий ишлов далада мавжуд бўлган қандалаларни ҳам ўлдириб, талаб миқёсида самара бериши мумкин. Бундан ташқари, қандалаларнинг зичлиги жиддий ҳавф яратган пайтларда уларга қарши маҳсус кимёвий ишлов ўтказилса ҳам бўлади. Бунинг учун: **каратэ** ёки **талстар** (0,4 л/га), **децис** ёки **дельтафос** (0,6 л/га) ишлатса бўлади (Шамуратова, Хўжаев, 2006).

**Беданинг бошқа зааркунандалари:** илдизкемирувчи тунламлар (*Noctuidae* - оиласи), симқуртлар (*Elateridae* – оиласи), барг кемирувчи қўнғизлар (*Chrysomelidae* – оиласи), шираплар (*Aphidinea* – кенжা туркуми), оқканотлар (*Aleurodinea* – кенжা туркуми), чигирткалар (*Acridoidea* – тўнгич оиласи), оддий ўргимчаккана (*Tetranychus urticae* Koch.), карадрина (*Spodoptera exigua* Hb.), беда тиллақўнғизи (*Sphenoptera montana* B. Jak.).

## 6-боб. САБЗАВОТ, ПОЛИЗ ВА РЕЗА МЕВА ЭКИНЛАРИ ЗААРКУНАНДАЛАРИ

Ўзбекистонда сабзвот ва полиз экинларида 100 дан ортиқ заарли бўғимоёқ жониворлар аниқланган. Деярли барча сабзвот ва полиз экинларини **чертмакчилар**, **қорақўнғизлар**, **ўргимчаккана**, **қўйруқли бузоқбоши**, **шилимшиқ қурт** каби ҳаммахўр зааркунандалар шикастлайди, аммо маълум оиласага

хос экинларгагина мослашган ҳашаротлар ҳам кам эмас. Буларга бутгулдоши ўсимликлар бургачалари, карам пашшалари, пиёз пашшаси, полиз қўнгизи ва бошқалар мисол бўла олади.

Зааркунандаларнинг энг кўпи итузумгулдош экинларда (помидор, картошка, бақлажон, қалампир ва б.) ва полиз экинларида (бодринг, қовун, тарвуз, қовоқ) учрайди. Улар ҳаммахўр зааркунандалар (ўргимчаккана, шира, илдиз кеми-рувчи ҳашаротлар, оққанот) ҳамда ихтисослашган колорадо қўнгизи, помидор занг канаси, полиз қўнгизи, қовун пашшаси каби ҳашаротлар билан ҳам заарланади. Бутгулдош (карам, редиска, турп) ўсимликлар орасида карам қаттиқ заарланади (илдиз кемирувчилар, оқ капалаклар, карам куяси, оққанот ва ўргимчаккана). Пиёздошлиар (пиёз, саримсоқ) кучли даражада трипс ҳамда пиёз пашшаси билан заарланади. Соябонгулдошлиар орасида сабзи камроқ шикастланади. Сабзавот ва полиз экинларига бир неча турдаги нематодалар зарар етказади. Булар ичida шиш қўзғатувчилари айниқса заарлидир.

### ***1. Итузумгулдошлиар зааркунандалари***

*(колорадо қўнгизи, помидор занг канаси, илдиз кемирувчи ҳашаротлар, гўза тунлами, говак пашшалар, оққанотлар)*

Ушбу ботаник оиласи маданий экинлардан картошка, помидор, бақлажон ва қалампирлар киради.

Дунё миёсида ҳар йили картошканинг 6-6,5% ҳосили зааркунандалардан нобуд бўлади. Ўзбекистонда картошкани кўпгина ҳаммахўр зааркунандалар билан бир қаторда ихтисослашган турлар ҳам заарлайди. Буларга итузумгулдош ўсимликларни (айниқса картошкани) кучли шикастлайдиган, 1975-1980 йиллардан бошлаб республикамизда тарқай бошланган колорадо қўнгизи киради. 1980 йиллардан бошлаб картошка ва помидор ўсимликларида яна бир ашаддий зааркунанда пайдо бўлди – бу тўрт оёқли помидор занг канаси. У республикамизнинг айrim туманларида зарари бўйича биринчи ўринни эгаллаб турибди. Асосий зааркунандаларга илдиз

кемирувчи тунламлар, симқурт ҳамда помидор күшандаси – күсак курти киради.

**Колорадо қўнғизи** – *Leptinotarsa decemlineata* Say. Кўнғизлар – *Coleoptera* туркумига, барг кемирувчилар *Chrysomelidae* оиласига мансуб.

**Тарқалиши.** Осиёда Туркияда; Америка қитъасида АҚШ, Канада, Мексика ва Гватемалада; Европанинг барча мамлакатларида ҳамда Ўрта Осиёда тарқалган.

Бу зааркунанда биринчи бор АҚШ нинг Колорадо штатида 1859 йили аниқланган. Европага колорадо қўнғизи бир неча бор картошка маҳсулоти билан ўтган, аммо биринчи жаҳон урушининг охирларида Франциянинг Бордо тумани атрофида мустаҳкам ўрнашиб олишга муваффақ бўлган. Бу ердан бошлаб ҳар йили 150-400 км га Европа мамлакатлари сари силжиб, кенг ёйилиб кетган.

Украинада колорадо қўнғизининг уяси биринчи бор 1949 йили Львов вилоятида аниқланган. Гарчи карантин хизмати томонидан ўз вақтида амалга оширилган тадбирлар натижасида зааркунанданинг Россия бўйлаб тезда кенг тарқалишига йўл қўйилмаган бўлсада, кейинчалик бу ҳашарот тарқалган чегара анча кенгайиб, Урал тоғларидан ҳам ўтиб кетган (Лебедев, Сметник, 1983). Ўзбекистонда колорадо қўнғизи биринчи бор 1974 йили Тошкент вилоятининг «Чорвоқ» ва «Бўстонлик» хўжаликларида аниқланган. Бу ерга зааркунанда Белоруссиядан келтирилган картошка уруғи билан олиб келинган эди. Фақат Ўздавкарантин ходимларининг туман мутахассислари билан ҳамкорликда ўз вақтида амалга оширилган уйғунлашган тадбирларигина кейинги тўрт йил ичида бу уяларни бартараф этишга имкон берди. Кейинги йиллари (уруглик маҳсулот билан) колорадо қўнғизи Ўзбекистон шароитида яна уялар вужудга келтиришга муваффақ бўлди. Шундай уяларга илк бор Фаргона вилоятининг Соҳ тумани хўжаликлари; Тошкент вилоятида Зангиота, Қиброй ва Тошкент туманларидағи айрим хўжаликларни киритиш мумкин.

Шундай қилиб, колорадо қүнғизи мамлакатимизда ташқи карантин объектидан ички карантин объектига айланди.

**Таърифи.** Овал, бўртган танага эга бўлган қўнғизининг узунлиги 9-12 мм келади. Олд елкаси ва уст қанотлари сарғиш ёки сарғиш-қизил. Олд елкасида 12-14 та қора доғлари бор. Ўртадаги доғлари йирик бўлиб «У» белгисини эслатади. Ҳар бир устки қанотида 5 тадан қора чизиқлари мавжуд, яхши учади.

Тухумининг узунлиги 1,2-1,8 мм бўлиб чўзиқ-овал, ялтироқ, олдин сариқ, сўнgra тўқ сариқ тусда. Личинкасининг узунлиги 15-16 мм, бўртган шаклда, тўқ сариқ-қизил. Танасининг ўрта қисми олд томонидан кенг, орқа қисми учлиланган (54-расм). Олд елкасида кўндалангига жойлашган қора доғи бор, ёнида эса икки қатор сегмент нуқталари мавжуд. Фумбаги очиқ типда, узунлиги 10-12 мм, ранги тўқ сариқдан қизғишгача.



54-расм. Колорадо қўнғизи:  
1-қўнғизи тухум қўймоқда;  
2-катта ёшдаги личинкалари картошку баргини заарламоқда.

**Ҳаёт кечириши.** Кўнғизлар озиқланган дала шароитида 20-60 см чуқурликда қишлиб қолади. Баҳорда ер сатҳи 14-15° С гача қизиши билан қўнғизлар учеб чиқа бошлайди. Кўшимча озиқлангандан сўнг ҳашаротлар урчиди ва урғочи қўнғизлар итузумгулдош ўсимликларнинг барг тагига тўп-тўп қилиб

12-80 тадан тухум күяди.

Үртача бир қүнғиз 400-700 та, күпи билан 2400 тагача тухум күйиши мумкин (Поспелов, 1978). Тухуми 5-17 кун ривожлангандан кейин личинка чиқади ва ўсимлик билан озиқланиб 16-34 кун ичиди тўрт марта пўст ташлайди. Личинкалари ерга тушиб 5-15 см чуқурлиқда ғумбакка айланади. Гумбак ривожланиши 12-24 кун давом этади.

Минтақамизда колорадо қўнғизи йилига 1-3 та бўғин бериши мумкин. Чет мамлакатларда (масалан, Болгарияда) 4 марта гача бўғин беради. Сабаби республикамизнинг ёзги иссиқ жазирама кунларида бу ҳашарот ёзги диапаузага кетади. Колорадо қўнғизининг совукқа чидамлилиги унча юқори эмас. Тажрибаларда -9-11°C да 9 соат мобайнида 50-100% қўнғиз қирилган. Шунинг учун ҳам шимолий минтақаларда айрим йиллари қишлоғ пайтида 85% гача қўнғиз қирилиб кетади. Колорадо қўнғизи ривожланиши хусусиятларидан бири муҳитга мослашишдир, бу диапауза орқали амалга оширилади. Бу ҳашаротда олти хил диапауза аниқланган. **Қишки диапауза** кузнинг 3-4 ойлари мобайнида (август-ноябр) организм заҳира моддаларининг секин-аста сарфланишини таъминлайди; совук тушиши билан **қишки олигопауза** эрта баҳоргача давом этади; ёзнинг иссиқ кунлари бир қисм қўнғизлар 11-36 кунга **ёзги диапаузага** кетади; ёзнинг ўртасида қишлоғ чиқсан қўнғизларнинг деярли ярми **ёзги уйкуга** (1-10 кунга) кетади.

Бир ёки икки қишини ўтаб, шу билан бирга урчиб ривожланган қўнғизлар август-сентябрда учинчи марта **қайта диапаузага** кетиши мумкин. Ва ниҳоят, бир қисм қўнғизлар тупроқда 2-3 йил мобайнида **кўп йиллик диапаузани** ўташи мумкин (супер-пауза). Диапаузага кетган қўнғизлар эгатларнинг ҳамма ерида бир текис жойлашавермайди. Махсус тадқиқотлар (Глез, 1983) шуни кўрсатдики, умумий сонининг 77% и ариқ ичиди юмшоқ тупроқ остида 5-15 см чуқурлиқда жойлашар экан. Буни кузда ҳосил йиғилган пайкалларда зааркунандани назорат қилишда инобатга олиш керак.

**Зарари.** Колорадо қўнғизи – олигофаг, у фақат итузумгулдошлар оласига мансуб ўсимликлар билан озиқланади. Булар ичида картошка энг афзал озиқа ҳисобланади, кейинги ўринларда бақлажон ва помидор туради. Шу билан бирга тамаки, бандидевона, мингевона, итузум каби ўсимликларни ҳам еб ривожланади. Личинка ва қўнғизи баргни еб шикастлади. Ҳар туп картошка ўсимлигига 20-40 дона личинка ва қўнғиз мавжудлигига барглар 50-100% нобуд бўлиши мумкин. Бу эса ҳосилнинг 2-3 дан 10 бараваргача камайишига олиб келади.

**Кураши чоралари.** Колорадо қўнғизи Ўзбекистон учун ички карантин объектидир, шунинг учун унга қарши кураш алоҳида аҳамиятга эгадир. Мамлакатимизда бу зааркунандага қарши кураш «Колорадо қўнғизига қарши кураш инструкцияси» га (1973) асосан олиб борилади. Бу инструкцияда колорадо қўнғизига қарши кураш тизими ифодаланган.

Жамоа ва фермер хўжаликларида ҳамда шахсий хўжалик томорқаларида колорадо қўнғизига қарши курашни ташкил этиш хўжалик раҳбарларига юклатилган. Шаҳар ва қишлоқларда – маҳаллий халқ депутатлари ижроия қўмитаси зиммасига юклатилган.

Ҳимоя қилиш тизими қуидаги тадбирларни ўтказишни назарда тутади.

1. Зааркунанда мавжуд туман ва хўжаликлардан картошкани олиб кетишдан олдин маҳсулотни ҳашаротдан тозалаб барча карантин чорасини кўрган ҳолда шаҳодатнома билан таъминлаш. Бундай ҳосилни қабул қилиб олган манзилда эса қўшимча карантин назоратини ўтказиб, лозим топилса бромметил билан фумигация ўтказиш.

2. Агротехник тадбирлардан ўсимликка юқори даражада ишлов бериш, органоминерал ўғитлар билан етарлича таъминлаб, унинг бардошлилигини ошириш, ҳосил йиғими олдидан пояни ўриб олиш, ҳосил йиғиб-териб олинганидан сўнг даладаги картошка қолдиқларини қолдирмай териш, ерни чукур шудгорлаш.

3. Колорадо қўнғизининг 50 дан ортиқ кушандалари мавжуд. Улар ичида айниқса полифаг олтинкўзлар, хон қизи,

жужелицаалар, қандалалар, чумоли ва ўргимчаклар алоҳида ўрин тутади. Буларнинг фаолияти натижасида зааркунанда 23-78% нобуд бўлиши мумкин (Гусев, Сорокин, 1976). Истиқболли энтомофаглардан интродукция қилинган қандалалар – периллюс ҳамда подизус алоҳида аҳамиятга эга.

4. Кичик майдонларга экилган итузумгулдош ўсимликларни колорадо қўнғизидан ҳимоя қилиш учун унинг тухумини кўлда териб қириб ташласа ҳам бўлади.

5. Экинзорда кимёвий кураш ўтказилишига эҳтиёж борлигини аниқлаш учун ҳар 10 кунда бир назорат ўтказилади. Бунда, зааркунанда мустаҳкам ўрин эгаллаган туманларда, эртаги картошка (ўсиши тез бўлганлиги сабабли) 10 %, кечки картошка эса 5% заарланганда зудлик билан ҳимоя тадбирини ўтказиш лозим. Ишлов беришнинг такрорланиши инсектициднинг хусусиятига ва метеорологик шароитга боғлиқ. Узоқ муддат таъсир этадиган юкори самарали инсектицид кўлланилса, картошка ўсиш даврида бир (алоҳида вазиятда икки) марта пуркалади.

Биринчи марта пуркаш 1-2 ёш личинкалар кўплаб пайдо бўлганда амалга оширилиши лозим, иккинчиси 10-12 кундан сўнг. Итузумгулдош экинлардан картошка ва помидорни зааркунандалардан ҳимоя қилиш учун рухсат этилган препаратлар рўйхати 10-жадвалда келтирилган. Шуни алоҳида таъкидлаш зарурки, пиретроид инсектицидлар сурункасига ишлатилган ерларда колорадо қўнғизида тезда чидамлилик вужудга келади. Шунинг учун янги инсектицидлар яратилиб синалиши давом этади.

**Помидор занг канаси** – *Aculops licopersici* Massee. Каналар (*Acariformes*) туркумининг тўрт оёқли каналар (*Tetranychidae*) тўнгич оиласига, *Eriophyidae* оиласига мансубдир.

Каналарнинг кенг тарқалган тури. Улар асосан помидор кўчати билан тарқалиши мумкин. Қисқа масофаларга учадиган турли ҳашаротларнинг ва кушларнинг танасига ёпишиб тарқалади. 1980 йилларгача Ўзбекистонда бу кананинг зарари сезилмасди.

Итузумгулдош экинларда зааркунандаларга қарши ишлатиш учун  
рухсат этилган пестицидлар рўйхати  
(«Рўйхат, 2010» дан олинди)


№	Инсектицид ва акарициднинг номи	Сарф- меъри, л/га	Зааркунанда	Неча марта ишлатса бўлади	Кутиш муддати
Картошка					
1.	Адонис, 4% эм.к.	0,25	Колорадо кўнгизи (КҚ)	1	30
2.	Регент, 20% сус.к.	0,03-0,04	-/-	1	30
3.	Регент, 80% с.э.кук.	0,02-0,025	-/-	1	30
4.	Ариво, 25% эм.к. (ЦИПИ, циракс, циперметрин)	0,1-0,16	-/-	2	20
5.	Бензофосфат, 30% эм.к.	1,7-2,3	-// + ЗК	2	30
6.	Децис, 2,5% эм.к.	0,1-0,15	Колорадо кўнгизи	2	20
7.	Каратэ, 5% эм.к.	0,1	-// + ЗК	2	20
8.	Каратэ Зеон, 5% сус.к.	0,2	-/-	2	20
9.	Кинмикс, 5% эм.к.	0,15-0,2	Колорадо кўнгизи	2	20
10.	Моспилан, 20% н.кук.	0,02- 0,025	-/-	1	30
11.	Омайт, 570 EW	1,5	Зант кана	1	45
12.	Суми-альфа, 5% эм.к.	0,25	Колорадо кўнгизи	2	20
13.	Фастак, 10% сус.к.	0,07-0,1	-/-	1	30
14.	Фенкилл, 20% эм.к.	0,3	-/-	2	20
15.	Фьюри, 10% с.э.к.	0,1-0,15	-/-	2	30
Помидор					
1.	Адмирал, 10% эм.к.	0,5	Окканот	1	30
2.	Аваунт, 15% сус.к.	0,4	Ғўза тунлами	2	30
3.	Бензофосфат, 30% эм.к.	1,7-2,3	-// + КҚ		
4.	Вертимел, 1,8% эм.к.	0,1-0,2	Зант кана	1	30
5.	Гризли, 36% эм.к.	0,25	-/-	1	30
6.	Децис, 2,5% эм.к.	0,25-0,5	ИТ+FT+Ш+Оқ	1	30
7.	Конфидор, 20% эм.к.	0,3-0,4	Окканот	1	30
8.	Калипсо, 48% сус.к.	0,1-0,15	Ш+Тр+Оқ	2	30
9.	Карбофос, 50% эм.к.	1,2-2,0	Барча заарку- нандалар	2	20
10.	Омайт, 570EW	1,5	Зант кана	1	45
11.	Талстар, 10% эм.к.	0,4	-// + Оқ	2	30

\* ) КҚ- колорадо кўнгизи,  
ИТ- илдизкемириувчи тунламлар,  
FT- ғўза тунлами,  
Ш- шира.

Оқ- окканот  
Тр- триплс  
ЗК- занг кана

1990 йилларга келиб ушбу зааркунанданинг республика-мизда тарқалган ареали деярли барча вилоятларни ўз ичига олди. Туркманистанда ҳам бу зааркунанда кучли тарқалган. Помидор занг канаси ҳозирги кунда помидор ва картошканинг энг асосий зааркунандаларидан бирига айланган.

**Таърифи.** Помидор занг канаси жуда майда, оддий кўз билан кўриб бўлмайдиган бўғимоёкли жонивор бўлиб, нимфаси 100 мк (микрон), етук зоти эса – 135-160 мк келади (Маматов, 1993). Ранги тиникдан сарғишгача. Танаси чўзиқ, цилиндрический, орқа учи торайиб тукчалар билан якунланган, 2 жуфт оёқлари бор (55-расм).



55-расм.  
Помидор занг  
канаси:

1-кана билан  
заарланган  
помидор  
ўсимлиги;  
2-икки жуфт  
оёқли каннанинг  
умумий  
кўриниши

**Ҳаёт кечириши.** Помидор занг канаси йил давомида ривожланиши ҳам мумкин. Бунда очиқ ердаги экинлардан кузда иссиқхоналарга ўтиб ривожини давом этади. Кўп қисми ёзда қаерда ривожланган бўлса, ўша ерда қишлиб қолади. Бунда ернинг устки қатламида, хасчўплар орасида нимфа ҳолатида қишлиайди. Зааркунанда учун энг мақбул шароит – бу ҳаво ҳароратининг 25-30°C, намлигининг эса 30-40%

бўлишидир. Ушбу шароитларда кана ривожланишининг бир бўғини 7 кунда адо этилади. Бир мавсумда кана 15 дан 25 тагача бўғин бериши мумкин, шулардан 10-15 таси июн-августда ўтади.

**Зарари.** Ўтказилган маҳсус тадқиқотлардан маълум бўлишича, помидор занг канаси асосан помидор ва картошкада бемалол ва тез ривожланади. Ундан кейинги ўринларни қора ва қизил итузум, қўйпечак ва бақлажон эгаллайди. Қолган экинларда занг кана ривожлана олмаслиги тасдиқланган.

Кана ўсимлик баргларининг ҳам устки, ҳам остки тарафи-ни босиши мумкин. Дастрлаб ўсимликнинг пастки барглари, новдалари зааррлана бошлайди. У аста-секин юқорига тарқаб кетади. Зааррланган новда қўнғир тусга эга бўлиб силликлашади, баргларида эса сариқ доғлар пайдо бўлиб, умумий тузи қўнғир бўла бошлайди. Зааррланган гул ва майда мева нишоналари ҳамда барглари қуриб тўкилиб кетади, йирик меваларнинг юзида тўр сингари расм пайдо бўлиб, тиришиб ёрилади.

Бундай меванинг сифати ва қўриниши йўқолади, қисман чирий бошлайди. Қаттиқ зааррланган ўсимлик ҳосили 100% нобуд бўлади. Айниқса июл-август ойларида помидор ва кечки картошка кўп талофат кўради.

Картошканинг ҳам новдалари силлиқлашиб, қўнғир тусга киради, барглари (пастдан бошлаб) қурийди, сарғаяди ва вақтидан илгари қуриб, ҳосил бермайди. Зааррланган ўсимлик меваларида (помидор, картошка) сифат кўрсаткичлари ўзгаради: нордонлиги 32-35% га кўпаяди; таркибидаги қуруқ моддалар камаяди: қанд моддаси 45-72% га, аскорбин кислотаси 41-61,8% га, каротин 12-70% га, қуруқ оқсил 52-39% га (Маматов, 1993).

**Кураши чоралари.** 1. Помидор ва картошка экинларини ўзаро узоқроқ масофада жойлаштириб экиш. 2. Ўсимликларни бардошли, яъни бақувват қилиб ўстириш, улардаги бошқа заарркундаларга (шира, колорадо қўнғизи) қарши ўз вақтида кураш олиб бориш, ҳосил йиғиширилгандан кейин

ўсимлик қолдиқларини даладан олиб чиқиб ташлаб, ерни шудгорлаш ва қишида яхоб сувини бериш.

3. Кимёвий кураш сифатида қуйидаги акарицидлардан фойдаланиш мумкин: **олтингүргүт** кукуни (15 кг/га), **каратэ** – 0,3 л/га, **талстар** – 0,5 л/га, **неорон** – 1 л/га, **митак** – 2 л/га, **омайт** – 1,5 л/га.

**Гамма тунлами** – *Phytometra gamma* L. (II қисмнинг 2-бобида батафсил таърифланган). Ўзбекистон шароитларида иилига 3 марта бўғин бериб жуда кўп турдаги сабзавот ҳамда техник экинларга заар келтириши мумкин. Айниқса куз, қиш ва баҳор фаслларида иссиқхоналардаги экинларнинг баргини ва ҳатто мева нишоналарини ҳам еб заарлайди. Бу ҳашаротнинг етук зоти (капалаги) ҳамда қуртининг ўзига хос белгилари мавжудлиги туфайли, уни аниқлаб олиш унча қийинчилик туғдирмайди (56-расм).



56-расм.  
Заарли тунламлар:  
1-5 - **гамма тунлами-нинг** капалак ва куртлари; 6-7 – **кузги тунламнинг** капалак ва курти.

Капалагида олд қанотидаги грекча гамма ( $\gamma$ ) ҳарфини эслатувчи белгиси, қуртида эса 14 та ўрнига 12 та оёққа эга бўлиб, букчайиб, одимчи сифат ҳаракатланганлиги уларнинг ўзига хос белгиларириди.

**Илдиз кемирувчи тунламлар** – кузги тунлам (*Agrotis segetum* Den. et Schiff), ундов тунлами (*A. exclamationis* Den. et Schiff.) ва бошқалар (тунламлар тўғрисида маълумотлар II қисмнинг 2-бобида батафсил ёритилган).

Бир йилда 2-5 бўғин берувчи бу зааркунандалар картошка, помидор, бақлажон ва бошқа экинларни заарлайди. Кузги тунлам Ўрта Осиё шароитида иссиқхоналардан бошлиб, эрта баҳорда эртаги экинлар, август-сентябр ойларида эса кечки экинлар, жумладан картошкани заарлайди. Бунга фақатгина экиннинг ўзигина бўлмай, балки унинг ичидаги мавжуд шўрагулдош бегона ўтлар ҳам сабабчи бўлади.


Бу ўтлар олиб ташлангач куртлар маданий экин поя бандини илдиз бўғзидан кемириб куритади, кейинчалик эса картошка мевасини бевосита еб кемиради ва тешиклар ҳосил қиласди. Бунинг натижасида ҳосилдорлик ва маҳсулот сифати пасайиб кетади. Айрим йиллари илдиз кемирувчи тунламлар зарари оқибатида картошканинг ҳосилдорлиги 7-12% га камаяди.

**Симқуртлар ва сохта симқуртлар.** Симқуртлар чertмакчиларнинг сохта симқуртлар эса қора қўнғизларнинг личинкаларириди (II қисмнинг 1-бобига қаранг). Ўзбекистон шароитида кишлоқ хўжалик экинларини чertмакчилардан кўпроқ туркистон чertмакчиси – *Agriotes meticulosis* Cond. ва мўйловдор қўнғизсимон чertмакчи – *Clon cerambycinus* Sem. шикастлайди; қора қўнғизлардан эса чўл секин юрар қўнғизи – *Blaps halophila* F.W. ва бурундор қора қўнғиз – *Dailognatha nasute* Men. зарар етказади.

Сим ва сохта қуртлар кўпроқ зич физикавий хусусиятга эга оғир тупроқларда учраб, 2-3 йил ҳаёт кечиради. Бу давр ичидаги турли хил органик қолдиқлар билан бир қаторда ўсимлик илдизларини (айникса кўчатлиқ даврида) ҳамда кейинчалик

лик поясини ост томонидан кемириб, қириб шикастлайди. Бунинг натижасида картошка ва бошқа экинларнинг поялари сарғаяди, ўсишдан тўхтайди ва қуриб қолади. Умумий ҳосилдорлик кескин пасаяди.

**Бузоқ бошилар (хрушлар)** – март бузоқ бошиси (*Melonotha afflcta* Ball), зарарли бузоқ боши (*Polyphilla adspersa* Motsch.), май хрушлари (*Melolontha melolontha*, *M. hypocastani*). Сергўнг тупроқларда 3-4 йил мобайнида яшовчи личинкалари барча экинлар қатори картошка ва бошқа итузумгулдошлар оиласига мансуб экинларнинг илдизи ва меваларини кемириб шикаст етказади (57-расм).



57-расм. **Май бузоқ бошиси** (Г. Ванек ва Ш.Т. Хўжаев маълумотлари бўйича): 1 - кўнгизлари; 2,3 – турли ёшдаги қуртлари; 4 – катта ёш қуртлари.

Зарарланиш оқибатида кўчкат сони ва умумий ҳосилдорлик камаяди, сифати эса пасаяди. Илдиз кемирувчи зараркунандаларга қарши қуидаги кураш тадбирлари тавсия

этилади. 1. Кузги шудгор ва юқори агротехникани амалга ошириш. 2. Кузги тунлам ривожланишини феромон тутқичлар орқали ўрганиб, трихограмма тарқатиш. 3. Чертмакчи ва қора қўнғиз личинкаларига қарши тупроқни юмшатиш, физикавий ҳолатини яхшилаш. 4. Бузоқ боши кўпаймаслиги учун сақланадиган гўнгларнинг устини тупроқ билан ёпиш, заарланган гўнгни далага олиб чиқишдан олдин уни тозалаш. 5. Кимёвий кураш картошка экилишигача ҳар  $m^2$  ерда 5 тадан ортиқ симқурт ёки биттадан ортиқ бузоқ боши личинкалари аниқланганда амалга оширилади. Бунинг учун пиретроид инсектицидлар, айниқса децисни ( $0,7$  л/га) трактор ёрдамида пуркаб, кетидан культивация ўтказиш ёки сув бериш яхши натижа беради. Кичик пайкалларда кўчат остига тайёр эритмани ( $100$ - $150$  мл) қўйиб чиқиш мумкин.

**Ғўза тунлами** (кўсак қурти) – *Heliothis armigera* Hb. (II қисмнинг 2-бобида чукур таърифланган). Ўзбекистонда ғўзадан ташқари помидорнинг ҳам ашаддий зааркунандалидан бири ҳисобланади. Зааркунанданинг барча (3-4) бўғини бу экинда ривожланиши мумкин. Зааркунанда тухумларини ўсимликнинг шона, гул ва тугунчаларига якка-якка қилиб қўяди.

Тухумдан чиқсан қуртлар ўсимлик шона, гул ва мевасини кемириб ичига кириб олади. Ҳар бир қурт 10-12 ҳосил нишоналарини шикастлаши мумкин. Заарланган ҳосил қуриб қолади, йириклари эса чирийди. Айрим ҳолларда (кўпроқ Юсупов номли навда) заарланган йирик мевалар чиrimайди, балки чандик ҳосил қилиши мумкин, лекин сифати ва маҳсулот кўриниши йўқолади. Ҳамма навлар кўсак қурти билан бир хилда заарланавермайди: Юсупов нави энг кучли, Волгоград 5/95 ва Талалихин навлари эса камроқ заарланади. Лекин умуман заарланмайдиган помидор нави йўқ. Айрим йиллари ҳосилдорлик 50% гача камайиши мумкин.

**Кураши чоралари.** 1. Бу зааркунандага қарши тавсия этилган (II қисм 2-боб) агротехник чоралар мажмуини амалга ошириш. 2. Ғўза тунлами феромонидан фойдаланиб, ҳар бир

пайкалда унинг ривожланиш даражасини белгилаб бориш. Капалак уча бошлаб, ҳар кечада бир тутқичга ўртача 2-3 дона капалак тутилса, дархол шу далага трихограмма кушандасини белгиланган йўналишда қўйиш, қуртлар пайдо бўлса, ҳар гектарга 1:10-15 нисбатда бракон кушандасини чикариш ёки дендробациллин, битоксибациллин (3-4 кг/га) ёки дипел (1-1,5 кг/га) номли микробиологик препаратларни 2 марта (ҳар 7-10 кунда) пуркаш. Бу тадбирларни ғўза тунламининг ҳар бўғинига қарши ўтказиш лозим.

Алоҳида вазиятларда кимёвий инсектицидларни ишлатиш мумкин. Тадқиқотчи М. Рашидов (1981-1985) томонидан ўтказилган маҳсус изланишлар шуни кўрсатди, помидорда кўсак қуртининг зарари ўртача ҳар тўртта ўсимликка битта ёш қурт тўғри келса вужудга келади. Помидорда ишлатиш учун фақат кўйидаги инсектицидлар рухсат этилган: *аваунт* – 0,4 л/га ва *бензофосфат* (золон) – 2,3 л/га (8-жадвал).

**Оққанотлар.** Тенг қанотли ҳашаротлар (*Homoptera*) туркумининг оққанотлар (*Aleyrodidae*) оиласига мансуб (батафсил маълумот II қисмнинг 2-бобида келтирилган). Итузумгудош экинлар орасида айниқса помидор ҳамда картошка ўсимликларини қаттиқ шикастлайди. Бу экинларни ҳар иккала кенг тарқалган турлар: иссиқхона ва ғўза (тамаки) оққанотлари шикастлаши мумкин (58-расм).



58-расм. **Иссиқхона оққаноти:** 1-помидорнинг иссиқхона учун навлари; 2-иссиқхона оққаноти бодринг баргида; 3-энкарзия ва эретмоцерус – оққанотнинг ихтисослашган ички кушандасидир.

**Зарари.** Иссикхона оққаноти асосан иссиқхоналардаги экинларни заарлаб, очиқ шароитга баҳордан бошлаб учеб чиқади. Очидаги экинларда иссиқхона оққаноти ёзниң жазирама иссиқ кунларида ривожланмайды, ғұза оққанотига эса бу тегишли эмас. Оққанотларнинг бу турига ҳавонинг юқори иссиқлиги салбий таъсир этмайды. Шунинг учун ҳам ғұза оққаноти 1990 йиллардан бошлаб Хоразм, Бухоро, Сурхондарё вилоятлари ҳамда Қорақалпоғистонда доминант турға айланды. У очиқ дала шароитларида ва иссиқхоналарда ҳам кучли ривожланиб, қисман иссиқхона оққанотини сиқиб чиқарди ва энг аҳамиятли бўлиб олди. Ҳар қандай зааркунанда сингари, оққанотнинг зарари ҳам ўсимлик ривожининг қайси фазасидан бошлаб уни заарлай бошлаганига боғлиқ бўлади. Яъни, ўсимлик қанчалик эрта заарланса, шунча кўп ҳосилни йўқотиши мумкин. Масалан, кўчатлик давридан бошлаб заарланган помидор экини (химоя қилинмаса) бутунлай ҳосилсиз қолиши мумкин. Қийғос ҳосилга кирган пайтдан бошлаб заарланса 1/3 ҳосилни йўқотиши мумкин. Кartoшка экини ғұза оққаноти билан кучли заарланганда 60-70% ҳосилни йўқотиши мумкин.

**Табиий кушандалари ва физиологик ҳолати.** Оққанотларнинг энг самарали кушандаларига энкарзия (трихопорус) – *Encarsia formosa* Gahan. ва эретмоцерусни – *Eretmocerus haldemani* [Nikolskaya - Myarts.] киритиш мумкин. Булар эндопаразит бўлиб, энкарзия иссиқхона оққанотининг личинкаларини, эретмоцерус эса ғұза оққанотининг личинкаларини кўпроқ заарлайди. Оққанот личинкалари заарланиши куз ойларида энг юқори даражага етиб, умумий популяциянинг 60-70% ини ташкил этади. Ҳаммахўр энтомофаглардан оққанотни олтинкўз ва кокцинеллид қўнғизларининг личинкалари кўплаб қиради.

Оққанотлар республика далаларида пайдо бўлиши билан, уларга қарши кимёвий курашни ташкиллаш бўйича тадқиқотлар бошланган. Фосфорорганик инсектицидлардан карбофос, актеллик, БИ-58; синтетик пиретроидлардан сумицидин,

децис, цимбуш, талстар, данитол тавсия этилган (Хўжаев, 1983). Оққанотлар, қайд қилиб ўтилганидек, йил мобайнида тўхтовсиз ривожланишга одатланган ҳашарот бўлгани туфайли, кўп бўғин беради (бир йилда 10-12 бўғин). Шу боис унинг популяцияларида қўлланилаётган препаратларга нисбатан тез бардошлилик (чидамлилик) вужудга келиши мумкин. Тадқиқотларимиздан маълум бўлишича, 1984 йили Тошкент вилоятида иссиқхона оққанотининг чидамлилик кўрсаткичи децисга – 8,5, сумицидинга – 4,0 марта бўлган бўлса, фосфоррганик карбофосга – 232,0, актөлликка эса – 189,0 га тенг бўлди. Кейинги 2001 йилгача ўтган даврда ўзгаришлар содир бўлиб, эндиликда пиретроидларга чидамлилик янада ошди, яъни децисга – 125,3 марта, цимбушга – 117,1 марта, карбофосга – 42,4 марта. Шунинг учун ҳам оққанотларга қарши кураш олиб боришда оқилона тактикага риоя қилиб, барча усулларни ишлатиш лозим: биринчидан – инсектицидларни имконият борича камроқ ишлатиш; иккинчидан эса уларни алмашлаб ишлатишга аҳамият бериш керак (Хакимов, Хўжаев, 2001).

**Кураши чоралари.** 1. Юқори агротехника асосида соғлом ва бардошли ўсимликларни ўстириш. 2. Оққанот очиқ шароитда оз бўлиши учун уни иссиқхоналарда ва турли ташқи-лот хоналаридаги ўсимликларда қиш ойлари давомида қириб туриш керак. Бу энг асосий талаблардан биридир. 3. Оққанотга қарши курашнинг нокимёвий усули ҳам мавжуд. Бунинг учун сентябр-октябр ойларида очиқ шароитдан иссиқхоналарга киришга ҳаракат қилган оққанот етук зотларини сарик тусли елим суртилган экранларга тутиб қириш ҳамда маҳсус сепараторларда зааркунандадан ажратиб олинган энкарзия кушандасини иссиқхоналарга тарқатиш лозим. Бу йўл билан иссиқхоналарда оққанот кўпайишининг олди олинади, оқибатда келгуси йили очиқ шароитга камроқ зааркунанда учеб чиқади (сепаратор сифатида майда кўзли тегирмон элагини ишлатиш мумкин. Яъни, элак ичига жойлаштирилган даладан йигиб келинган барглардаги оққанот ичидан учеб чиқсан энкарзиянинг етук зоти майда бўлганлиги сабабли, элакдан

ташқарига учиб чиқа олади, оққанот эса қолиб кетади). 4. Помидорда (очиқ шароитда) оққанотларга қарши курашиш учун қўйидаги инсектицидлар тавсия қилинган: **конфидор** – 0,3-0,4 л/га, **калипсо** – 0,15 л/га, **децис** – 0,25-0,5 л/га, **карбофос** – 1,2-2,0 л/га, **фуфанон** – 1,5-2,0 л/га.

**Ғовак ҳосил қилувчи пашшалар.** Икки қанотли ҳашаротлар ёки пашшалар (*Diptera*) туркумининг, *Agromyzidae* оиласига мансуб. Дунёда 3000 дан ортиқ турлари мавжуд. Буларнинг кўпчилиги маълум бир экинга боғланган бўлиб юқори даражада ихтисослашгандир. 16 та тури эса ҳаммахўр бўлиб, турли оиласуб экинларни заарлайди.

Агромизид пашшаларнинг личинка ва етук зотлари ўсимликка заарар келтиради. Личинкалари барг тўқималари орасида силжиб, ўзига хос расмли ғовак – йўл ҳосил қилади. Оқибатда баргнинг фотосинтезда қатнашадиган сатҳи камаяди. Айниқса ўсимлик ёш даврида ҳамда заараркунанданинг зичлиги катта бўлганда катта талофат кўради. Қаттиқ шикастланган ўсимлик барглари ҳатто оқариб қолиши мумкин. Етук урғочи зотлари махсус тухум қўйгичга эга бўлиб, у билан баргнинг устки тўқималарини арралайди ёки тешади. Бу йўл билан у озиқа таъмини татиб қўриши мумкин. Бундай барг тезда сўлиб қолиши ҳам мумкин. Оқибатда агромизид пашшалар билан заарарланган помидор, бодринг ва бошқа экинларнинг ҳосилдорлиги камайиб, сифати пасаяди.

Махсус систематикага оид изланишлар шуни қўрсатдики, агромизид пашшалари орасида иккита авлодга мансуб ҳашаротлар ўсимликларга энг кўп заарар келтиради. Булар *Phytomyza* Fallen ва *Liriomyza* Mik. Фитомиза авлоди асосан 3 та тур билан ифодаланади. Булар орасида фақат биттаси кўпроқ учрайди – *Ph. horticola* Gonreau. Лекин унинг келтирадиган зарари кейинги авлод (*Liriomyza*) дан анча паст.

Лириомиза авлодидан 26 та тури ўсимликларга жиддий зарар келтиради. Булар орасида *Liriomyza bryoniae* (Kaltenbach) ва *L. strigata* (Meigen) Ўзбекистон шароитида учраши мумкин (Злобин, Другова, 2003). Ғовак ҳосил қилувчи

пашшалар помидор, бодринг ва 20 дан ортиқ бошқа экинларга очиқ ва иссиқхона шароитларида жиддий зарар етказиши мүмкин (59-расм).



59-расм. **Фовак** пашшаси шикастлаган помидор барги.

**Таърифи.** Фовак ҳосил қилувчи пашшалар майда (1-4 мм) танага эга бўлиб, тузи қорамтир-қўнғир, қанотлари тиник, кулранг ёки сариқ тусда.

**Хаёт кечириши.** Кўпчилик фовак ҳосил қилувчи пашшалар сохта пилла ичидаги ғумбак шаклида қишлиб қолади. Бунда ҳаво ҳарорати 10° дан пасайгач, тўйинган личинкалар ерга тушиб 5-6 см чуқурликда ғумбакка айланади. Қулай шароит вужудга келиши билан пашша ташқарига учиб чиқади ва қўшимча озиқлангач, урчиб тухум қўяди. Бунинг учун урғочи зот қаттиқ тухум қўйгичи билан барг тўқималарини санчиб, биттадан тухум жойлаштиради. 3-4 кундан кейин очиб чиқсан личинка тўқима орасида юриб, фовак ясад кетади. 5-6 кундан кейин тўйингач, барг сатҳига тешик очади ва узун нафас олгичини (дыҳальца) унга тираб ғумбакка айланади. Бошқа турлари барг юзида (ярми ўсимлик тўқимасида, ярми ташқарида) кўриниб турган сохта пупарийда ғумбакка айланади. Бир йилда диапаузасиз 10 тадан ортиқ бўғин бериб ривожланади, шундан ёзда – 5-7 та.

**Кураши чоралари.** 1. Бу зааркунандаларга қарши курашда олдини олиш тадбирларини ўтказиш катта аҳамиятга эга. Бунинг учун иссиқхоналарда экин экишдан аввал тупроқдаги пашшани сунъий «уйғотиб» қириб ташланади. Ушбу мақсадда ҳаво ҳароратини  $20^{\circ}$  гача күтариш кифоя. Шундан кейин бирорта пиретроид билан ишлов ўтказиш лозим. 2. Ғовак ҳосил қилувчи пашшалар билан кам заарланадиган экинларни алмашлаб экиш (бақлажон, қалампир, гулкарам ва б.). 3. Кўчат экишдан олдин иссиқхоналарга сариқ елим суртилган экранларни ерга яқин қилиб осиб қўйиб, пашшанинг етук зотларини йиғиб олиш ҳам яхши натижа беради. 4. Кўчат экилганидан кейин назорат ўтказиб, биринчи заарланган баргларни ташқарига олиб чиқиб қўмиб ташлаш керак. 5. Ғарбий Европа мамлакатларида ғовак ҳосил қилувчи пашшаларга қарши курашиш мақсадида турли инсектицидлар қўлланилади. Булар орасида энг самаралиси абамектин (вертимек, авермектин, агримек, динамек, зефир) ҳисобланади, сарфи 0,4-0,5 л/га. Бошқа инсектицидлар ҳам пашшанинг етук зотига қарши иссиқхоналарда яхши самара бериши мумкин: *актеллик* – 3-5 л/га, *фуфанон* – 2,4-3,6 л/га, *арриво* – 0,4-0,5 л/га. Очик далаларда ҳам рухсат этилган сарф-меъёрларда инсектицид ишлатиш мумкин.

**Картошка куяси** – *Phthorimaea operculella* Zell. Капалаклар туркумининг ўйик қанотли куялар (*Gelechiidae*) оиласига мансуб. Ўзбекистонда учрамайди, аммо жуда хавфли зааркунанда ҳисобланади. Тропик мамлакатларда картошка куяси 1 йилда 12-13 бўғин бериб тинимсиз ривожланади. Унинг қуртлари картошка меваларини илматешик қилиб ташлайди. Бундан ташқари бақлажон, помидор, тамаки ва бошқа ўсимликларни ҳам заарлайди. Маълумотларга кўра (Власова, 1985), картошка куяси тропик мамлакатлардаги омборларда сақланаётган картошканинг 60-70% ини шикастлаши мумкин. Картошкачилик Ўзбекистон учун қишлоқ хўжалигининг бир тармоғидир. Республикада картошка ҳосилдорлиги юқори бўлмасада (ўртacha 150-190 ц/га) бўлиб,

аҳолининг ички эҳтиёжини қондиришга катта ҳисса қўшади. Эртанги, ҳамда кечки экиш муддатларига мўлжалланган усулда экилади. Картошкани ўзига хос зааркунанда ва касалликлари мавжуд бўлиб, уларга қарши қисман кураш олиб борилади. Зааркунандалардан: симқурт, кўк курт, оққанот, колорадо қўнғизи ва бошқалар шулар жумласидандир. 2009 йил мавсумида биринчи марта янги ҳашарот-картошка куяси пайдо бўлди. Ўзбекистон мутахассислари учун унинг биологик ҳусусиятлари яхши маълум эмас. Адабиётлардан маълумки, бу ҳашарот дунёning барча қитъаларида 80 дан ортиқ мамлакат худудларida учрайди. Унинг келиб чиқиши жанубий Америка қитъаси ҳисобланади. Қизиқарли жойи шу ердаки, бу тропик иқлимга мослашган тур, диапаузасиз, ёзинқишин тинмай ривожланавериши мумкин. Шунинг учун ҳам, у ортиқча паст ҳаророт шароитида ривожланишдан тўхтаб хатто ўлади. Ҳаво ҳарорати ўртача  $10^{\circ}$  бўлганида картошка куясининг етук зоти майда, куя капалакларга хос кулранг ҳашаротdir (60-расм). Қиши совук бўлган мамлакатларда унинг асосий қисми қиш пайтида қирилиб кетади. Фақатгина ўра ва подвалларда ҳарорат  $10^{\circ}$  ва ундан ортиқ бўлган шароитдагина қишлиб чиқади.




1



2



3



4



5

**60-расм. Картошка куяси:** 1 – капалаги, 2 – заарлланган картошка туганаклари, 3 – баргинни шикастлаётган қурти, 4 – заарлланган поя, 5 – омборхонада давом этган зарар.

Капалаклари табиатда кеч (май-июн) пайдо бўлиб, кузга яқин зичлиги ошиб кечки картошкага кўпроқ зиёни тегади. Мавсум мобайнида 5-6 авлод бериб, қишлош давомида яна 4-5 та авлод бериши мумкин. Капалаклари тухумини асосан картошка поясининг паст қисмига, ҳамда шу ердаги кесаклар орасига, очилиб қолган картошканинг устига (кўзчаларига) 1 тадан 20 тагача қўяди. Ҳар 1 урғочи зот ҳаммаси бўлиб 150 дан 300 тагача тухум қўйиши мумкин. Тухумдан очиб чиқсан қурт дастлаб ўсимлик баргини ҳамда новдаларини шикастлаб ейди; вояга етгач ўсимликда ёки тупроқ юзасида юмшоқ пилла ўраб ичида жигарранг ғумбакка айланади. Кузда, картошка йиғиштириладиган пайтда, куяning бир қисми турли шаклларда шу ерда қолиб кетиши мумкин. Улар ўлиб кетади, аммо, айримлари картошка ичида бўлиб, чуқур қўимилиб қолган бўлса, муваффақиятли қишлош чиқиши ҳам мумкин (Обиджонов, Душамов, 2011).

Картошка куяси олигофаг ҳашарот бўлиб, у итузумдошлар оиласига мансуб ўсимликлар (помидор, баклажон, ширин қалампир) билан ҳам озиқланиши мумкин. Ўзбекистонга эндиғина кириб келгани учун, картошка куясининг табиий кушандалари ҳали кўп эмас. Вакт керак, уларни мослашиб, агробиоценоз таркибида ўзгариш содир бўлиши учун. Адабиётлардан эса маълумки картошка куяси каби тупроқ билан боғлик ҳашаротларда энтомопатоген нематода чувалчанглари зарарлаб юқори самара кўрсатади.

Картошка куясига қарши кураш усул ва воситалари ўрганилмоқда. Аммо шу кунгача ўтказган тадқиқот ва кузатувларимиздан келиб чиқсан ҳолда, қуйидагиларни таъкидлаб хулоса қилишимиз мумкин.

1. Картошка куяси Ўзбекистоннинг шимолий минтақаларида (Хоразм вилояти, Қорақолғистон) пайдо бўлиб, картошкачиликка путур етказиш даражасидадир.

2. Бу ҳашаротга қарши кураш тизимида, минтақанинг иқлим шароитини назарда тутган ҳолда, заараркунандани далада қишлош қолишига ўрин қолдирмаган ҳолда, картош-

кани паст ҳарорат ( $3\text{--}5^\circ$ ) шароитида сақлашга катта эътибор бериш керак (бундай шароитда картошка куясининг барча шакллари ўлиб кетади).

3. Уруғлик учун мўлжалланган картошкани кузда микробиологик дори – лепидоциднинг 1% лик сувдаги эритмасига “чўмилтириб” олиб, куришгача селгитиб, кейин сақлаб қўйилса, 95% гача самарага эга бўлиш мумкин.

4. Картошка экилган далада куянинг қуртлари пайдо бўлса, қуйидаги инсектицидларнинг бирортасини муваффақиятли, бирйўла бошқа зааркундаларни ҳам назарда тутиб, ишлатса бўлади: *конфидор* (багира) – 0,3 л/га, *моспилан* – 0,2 кг/га, *циперфос* – 1,0 л/га, *аратэ* (атилла) – 0,4 л/га, *вертимек* – 0,3 л/га, *дурсбан* – 0,7 л/га.

**Бошқа зааркундалар.** Итузумгулдош экинларни Ўзбекистон шароитида вақти-вақти билан қуйидаги зааркундалар ҳам шикастлаши мумкин: шиш ҳосил қилувчи нематода (*Heterodera marioni* Cornu.), лавлаги қандаласи (*Poeciloscytus cagnatus* Fieb.), ўргимчакканы (*Tetranychus urticae* Koch.), шиллиқ қуртлар, қўйруқли бузоқ боши (*Gryllotalpa gryllotalpa* L.). Улар ариқ ва ҳовуз атрофида ҳамда нам тўпланадиган ерларда картошканинг илдизи ва ҳосилини кемириб шикастлади. Картошканинг вирусли касалликларини тарқатиши мумкин бўлган хавфли шафтоли шираси (*Myzodes persicae* Sulz) ҳамда печак цикадаси (*Hyalepta obsoletes* Sign.) ва сарғиши цикада (*Empoasca flavescens* F.) ҳам хавфлидир.

### **Итузумгулдош экинларнинг Ўзбекистонда учрамайдиган, аммо хавфи бор зааркундалари**

Булар қаторига қуйидаги турларни киритиш мумкин.

1) **28 нуктали картошка қўнғизи** – *Epilachna vigintioctomaculata* Motsch. Қўнғизлар туркумининг коровкалар (хонқизлар) – *Coccinellidae* оиласига мансуб. Бу тур Россиянинг Узоқ Шарқ қисмида (Сахалин ва Курил ороллари, Хабаровск ўлкаси ва б.) учрайди. Қўнғиз ва личинкалари айнан колорадо қўнғизига ўхшаб ҳаёт кечиради (аммо жуда совуққа чидамли)

ва заарлайди.

2) **Картошка тунлами** – *Hydraecia micacea* Esp. Капалаклар туркумининг тунламлар (*Noctuidae*) оиласига мансуб. У 50 га яқин экинларни заарлайди. Бир йилда бир бўғин беради, тухум шаклида ғалладош кўп йиллик бегона ўтларда қишилаб чиқади. Картошканинг поя, илдиз ва барг бандини кемириб, уни қуритади.

3) **Картошка нематодаси** – *Heterodera rostochiensis* Woll. Юмалоқ чувалчанглар (*Nemathelminthes*) типига, нематодалар (*Nematoda*) синфига, тиленхид ёки шишли нематодалар (*Telenchida*) туркумига киравчи нематодалар (*Heteroderidae*) оиласига мансуб.

4) **Картошка поя нематодаси** – *Ditylenchus destructor Thorne*. Тиленхидлар – *Telenchidae* оиласига мансуб.

Ҳар иккала нематода Ўзбекистонда учратилмаган, аммо бу экинга зарари катталиги маълум (Бордукова, 1991).


## **2. Бутгулдоши экинлар зараркунандалари**

(*карам, редиска, турп, шолғом*) – *карам шираси, карам оқ капалаги, шолғом оқ капалаги, карам куяси ва бошқалар*

**Карам шираси** – *Brevicoryne brassicae* L. Тенг қанотлилар туркумининг ширалар *Aphididae* оиласига мансуб.

**Тарқалиши.** Ўзбекистоннинг карам етиштириладиган барча ерларида, шунингдек чет мамлакатларда ҳам кенг тарқалган.

**Таърифи.** Вояга етган қанотсиз зотнинг катталиги 2-2,1 мм келади, ранги оч яшил тусда, усти оқиши-кулранг мумсизмон қуқун билан қопланган. Танаси овал шаклда, орқага томон бир оз кенгайиб боради. Қорнининг уст томонида бир жуфт шира чиқарувчи найчалари билиниб туради. Қанотли урғочи ширанинг боши ва кўқраги жигарранг, қорни эса оч яшил бўлиб, кўндалангига ўтган жигарранг чизиқлари мавжуд (61-расм). Личинкаси етук зотдан фақат кичиклиги билан фарқ қиласди. Тухуми ялтироқ қора, катталиги 0,5 мм, шакли чўзиқ.



61-расм.  
**Карам шираси**  
(Г. Ванек ва б.  
маълумоти бўйича):

1-қанотли,  
2-қанотсиз урғочи зот; 3,4-карам барги ва уруғ тутувчи новдаларининг заарланиши; 5-қишловчи тухумлари.

**Ҳаёт кечириши.** Карам шираси Ўрта Осиё иқлим шароитида тухум ва етук урғочи зот ҳамда қисман личинка шаклида карам ва бошқа бутгулдош ўсимликларнинг ўзаги ва пастки баргларида қишлиайди. Совуқ қаттиқ бўладиган туманларда бу ҳашарот факат тухум шаклида қишлиайди. Март-апрелнинг бошларида тухумдан чиқкан личинкалар озиқланиб етук урғочи зотга айланади. Улар тирик туғиб партеногенетик равишда кўпаяверади. Ҳар бир урғочи зот жами 30-40 та личинка туғади. Иккинчи бўғинидан бошлаб карам шираси колонияларида қанотли урғочи зотлар пайдо бўлиб, наслни бошқа озиқаларга тарқатиш учун хизмат қилади.

Лекин қанотли урғочи зотларнинг насллилиги қанотсизига нисбатан тахминан икки баравар кам бўлади. Карам шираси колониялар ҳосил қилиб асосан баргнинг ост томонида жойлашади, лекин популяция зичланиб кетганидан кейин бу ширани барг устида ҳам кўплаб учратиш мумкин. Ёз мобайнида 25 тагача бўғин бериб ривожланади. Кузга келиб шира популяциясида эркак ва урғочи зотлар пайдо бўлади. Булар урчиб қишлиш учун мўлжалланган тухумни қўйишга киришади. Ҳар бир зот 3-4 та тухум қўяди. Бу турнинг оралиқ ўсимликлари йўқ. У фақат бут-гулдош ўсимликларда озиқланади. Карам ширасини кўплаб табиий қушандалар қириб, сонини камайтириб туради.

**Зарари.** Карам шираси асосан карамга, камроқ шолғом, редиска ва турпга заарар етказади. Шунингдек, бу ҳашарот ёввойи бутгулдош ўсимликларда ҳам ривожланади. Заарланган карам бутунлай ҳосил ўрамаслиги мумкин, барглари майдабўлиб қолади ва уст томонидан қавариб чиқади, ранги сарғаяди. Карам шираси Ўрта Осиё шароитида кўпроқ кечки карамни шикастлайди. Уруғлик учун экилган карамнинг ҳосили кескин камаяди.

**Кураши чоралари.** 1. Қишлиб қолган фазаларига қарши курашиш учун карам ва бошқа бутгулдош экинлар илдизини пояси билан бирга юлиб, йўқ қилиб ташлаш керак. 2. Кузги шудгор ва вегетация даврида тўлиқ агротехник тадбирларни амалга ошириб, бегона ўтларга қарши курашиш. 3. Карам ўрашидан олдин ва кейин 5-10% ўсимликлар заарланса, тавсия этилган инсектицидлар ёрдамида курашиш. Бунинг учун 11-жадвалда келтирилган инсектицидлар кўлланилади.

**Карам оқ капалаги** – *Pieris brassicae* L. Капалаклар туркумининг оқ капалаклар – *Pieridae* оиласига мансуб.

**Тарқалиши.** Бу зааркунанда Ўзбекистонда ва қўшни давлатларда карамнинг асосий зааркунандаси ҳисобланади.


**Таърифи.** Карам оқ капалаги йирик ҳашарот – капалаклари қанот ёзганда 55-60 мм келади. Капалаклари умуман оқоч сарик тусга эга, қанотларининг сатҳи кенг, олд қанотлари-

Ўзбекистонда карамни зааркунандалардан ҳимоя қилиш учун  
рухсат этилган инсектицидлар рўйхати  
(«Рўйхат, 2010» дан олинди)

№	Инсектициднинг номи	Сарф-мөъёри, л/га	Кайси зааркунандага карши	Неча марта ишлатиш мумкин	Кутиш муддати, кун
1.	Арриво,25% эм.к. (циракс, циперметрин)	0,16	Оқ капалак, тунламлар, куя	2	25
2.	Бензофосфат,30% эм.к.	2-2,3	Карам шираси	2	40
3.	Золон,35% эм.к.	1,6-2	-//-	2	40
4.	Децис,2,5% эм.к.	0,3	Оқ капалак, шира, тунламлар ва б.	2	20
5.	Кинмикс, 5% эм.к.	0,15-0,2	Оқ капалаклар	2	20
6.	Люметрин,12% эм.к.	0,45-0,6	Карам куяси	2	40
7.	Суми-альфа, 5% эм.к.	0,2	Оқ капалак, тунламлар, куя	1	30
8.	Фенкилл,20% эм.к.	0,3	-//-	2	30
9.	Фьюри,10% с.э.к.	0,3	Ширалар	2	30

НИНГ ОЛДИНГИ УЧИДА КЕНГ ҚОРА ДОҒИ МАВЖУД, ОРКА ҚАНОТЛАРИНИНГ ОЛДИНГИ ЧЕТИДА ЭСА БИТТАДАН ҚОРА ТОМЧИ ДОҒИ БОР (62-расм). Ургочи капалакнинг олд қанотларида иккитадан қора томчи доғи бор. Мўйлови тўқмоқсимон. Тухумлари бутилкасимон, ранги сарик, катталиги 1,25 мм га teng бўлиб, узунасига жойлашган қовурғалари бор. Етук куртларининг катталиги 40 мм га етади, ранги сарғиши-яшил, танасида жуда кўп сўгалчалар ва қора доғлари бўлиб, улар тукчалар билан қопланган. Ғумбаги ёпиқ типда, сарик-оч яшил тусда, бурчакли, танасида кўп доғлари ва қисқа ўсимталари бор.

**Ҳаёт кечириши.** Бу зааркунанданинг ғумбаги турли дараҳтлар, девор панжаралари, қурилиш мосламаларида қишлиб қолади. Март-апрел (шимолий туманларда май-июн) ойларида уйғониб, капалаклар очиб чиқади. Бу ҳашарот кундузги бўлиб, капалаклари факат иссиқ кундуз кунлари учади. Кечаси эса барг остида ва турли пана жойларда, қанотини тепага жуфтлаб, қимирламай ўтиради. Капалаклар жуфтлашиб тухум кўйишга киришади. Тухумини 15-200 тадан



62-расм. **Карам оқ капалаги**  
(Г. Ванек ва б. маълумоти  
бўйича):

1 - эркак, 2-урғочи  
капалаклар; 3, 4-куртлари;  
5-гумбаги.

**Шолғом оқ капалаги:**  
6-капалаги; 7-курти.

тўп-тўп қилиб (жами ўртacha 200-300 тa) бутгулдош ўсимликлар баргининг ост томонига кўяди. Бир хафтадан кейин қуртлар пайдо бўлади. Ёш қуртлар аввал тўп бўлиб яшаб, бир жойда озиқланади, 4-6 ёшларда эса тарқала бошлайди. Ҳаракатланиш мобайнида ўзидан ингичка ипак ажратиб, одатда унга тирмашиб озиқланиши ҳам мумкин. Иқлим шароитига кўра қуртлар 15-30 кунда озиқланишини тугатади (бу вақт ичida улар бутгулдош ўсимликлар баргини еб, фақат йўғон томирларинигина қолдириши мумкин). Гумбакланиш учун бирорта мустаҳкам турган нарсага (поялар, барг томирлари, қозик, устун, хас-чўп ва ҳоказо) ўзини ипак билан боғлайди. Шимолий минтақаларда шу аҳволда қишлиб қолиб бир йилда бир бўғин беради. Ўзбекистон ва иқлим шароити унга яқин бошқа жойларда карам оқ капалаги бир йилда 4 бўғин бериши мумкин. Амалиётда карам оқ капалагини жуда кўп йиртқич ва паразит энтомофаглар ҳамда

касалликлар камайтириб туради. Бунга зааркунанданинг нисбатан очиқ ҳаёт кечириши сабабчи бўлади.

Тухумини трихограмма яйдоқчилари заарлайди, қуртларини турли браконидлар, жумладан апантелес авлодига кирувчи яйдоқчилар, гумбагини ихнеумонидлар заарлайди, капалакларига эса турли йиртқичлар, жумладан ниначилар, қушлар хужум қиласи. Касалликлардан эса фляшерия касаллигини қўзғатувчи вируслар аҳамиятлидир. Бу касалликка дучор бўлган қуртлар ўсишдан тўхтаб сарғаяди, озиқланмайди, кам ҳаракат бўлади ва ички аъзолари суюлиб кетади.

**Зарари.** Карам оқ капалаги ҳамма бутгулдош экин ва бегона ўтларга шикаст етказиши мумкин. Ўзбекистон шароитида бу зааркунанда ўртаги ва кечки карамни кучли заарлайди. Зарари айниқса ўсимлик карам бош ўрашидан олдин зааррланса кўп бўлади – бунда мутлақо ҳосил олмаслик ҳам мумкин. Ўзбекистон шароитида ёзги карам ҳимоя қилинмаса ҳосилдорлик 60-70% га камайиши мумкин.

**Кураши чоралари.** 1. Бутгулдош бегона ўтларга қарши курашиш. 2. Зааркунанда тухумига қарши трихограмма кушандасини тарқатиш, лекин у қўшимча изланишни талаб этади. 3. Кимёвий кураш карам ўрашгача бўлган даврда: заарланиш 5% бўлиб, уларда оқ капалак тухуми ва ёш қуртлари пайдо бўлиши билан; карам ўралганда: 5-10% зааррланган ўсимликлар бўлиб, уларда 5-10 тадан қурт бўлса ўтказилади. Бунинг учун 10-жадвалда келтирилган инсектицидлар қўлланилади.

**Шолғом оқ капалаги** – *Pieris rapae* L. Капалаклар туркумининг оқ капалаклар – *Pieridae* оиласига мансуб.

**Тарқалиши.** Ўзбекистоннинг барча вилоятларида учрайди.

**Таърифи.** Капалаклари карам оқ капалагига жуда ўхшайди, аммо ундан майдароқ. Капалаги қанот ёзганда 35-40 мм келади. Олд қаноти учida жойлашган қора доғи ҳам унча катта эмас, урғочи капалакнинг олд қанотида тепа-паст жойлашган иккита қорамтир томчисимон доғи бор, эркагида эса фақат биттадан, мўйлови тўқмоқсимон. Тухуми бутилкасимон, қовурғали, оч сариқ тусда. Қурти яшил тусда, усти

қисқа туклар билан қопланган, елкасининг ўртасидан ва икки биқинидан 3 та сарик чизик ўтган. Фумбаги яшил рангда, устида сийрак томчи доғлари бор.

**Хаёт кечириши.** Фумбаги турли ўсимликлар пояси, ёғочлар ва козикларда қишлиб қолади. Баҳорда капалаги қарам оқ капалагига нисбатан барвақт учиб чиқади. Турли гуллар шираси билан қўшимча озиқ-лангач, капалаклар урчиб тухум қўйишга киришади. Тухумини якка-якка қилиб бутгулдош ўсимликлар баргининг ост томонига қўяди. Битта капалак ўртacha 150-300 та тухум қўйиши мумкин. Тухумлардан 3-5 кун ичидаги қуртлар чиқади ва дастлаб баргларни қиртишилаб, сўнг эса тешиб еб шикастлайди. Қуртлар кўп бўлган қарам ва шолғом ўсимликлари баргсиз бўлиб, шаклини йўқотади. Қуртлар 10-20 кун ривожлангач ғумбакланади ва 8-12 кундан кейин янги бўғин капалаклари учиб чиқади. Ўрта Осиё шароитида бу зааркунанда йилига 4-5, шимолий туманларда эса 2-3 бўғин беради. Шолғом оқ капалаги сонини ҳам қарам оқ капалагидек табиий кушандалар кескин камайтириб туради.

**Зарари.** Қурти барча бутгулдош экинлар ва бегона ўтлар баргини еб шикаст етказади. У қарам, шолғом, рапс каби экинларнинг ҳосилдорлигини пасайтиради.


**Кураши чоралари** қарам оқ капалагига қарши курашишга ўхшаш, аммо кимёвий кураш ўтказиш учун миқдор мезони бўлиб қарам ўрашгача 10% ўсимликда 2-3 тадан қурт мавжудлиги, қарам ўралганидан кейин 15% ўсимликда 1-2 тадан қурт борлиги ҳисобланади.

**Карам куяси** – *Plutella maculipennis* Curt. Капалаклар – *Lepidoptera* туркумининг ўроқсимон қанотли куялар – *Plutellidae* оиласига мансуб.

**Тарқалиши.** Ўзбекистоннинг бутгулдош ўсимликлар ўсадиган барча туманларида кенг тарқалган.

**Таърифи.** Қарам куяси унча йирик бўлмаган ҳашарот: капалаги қанот ёзганда 14-17 мм келади. Қанотлари тор, олд қанотининг орқа четида тўл-қинсимон оқ чизиги мавжуд, у

капалак қанот йиғиб ўтирганда тўлқин-симон расмни вужудга келтиради (63-расм). Ранги кулранг-қўнғир. Орқа жуфт қанотлари эса тўқ кулранг, узун хошияли. Қуртининг ўрта қисми йўғонлашган, бўйи 10-11 мм га етади, ранги оч яшилдан қўнғир-яшилгача. Гумбаги оч яшил тусда бўлиб, юпқа тиник оқ пилла ичидা жойлашади.



63-расм. **Карам куюси** (Г. Ванек ва  
б. маълумоти бўйича):  
1,2-капалаклари;  
3-қурти; 4-гумбаги;  
5-зарарланган ўсимлик.

**Ҳаёт кечириши.** Гумбаги пилла ичидা турли ўсимликлар қолдигида қишлиб чиқади. Капалаклар Ўзбекистон шароитида март-апрел ойларида учиб чиқади, улар кундузи беркиниб, кун ботишда ҳаракат қиласади, озикланади ва урчиб тухум қўйишга киришади. Тухумини бутгулдош ўсимликлар баргининг ост томонига 1-3 тадан қилиб қўяди. 3-4 кунлардан сўнг очиб чиқсан қуртлар ўсимлик баргидаги «мина» лар ҳосил

қилиб барг ўрталаридағи паренхима түқималари билан озиқланади.

Кейинги ёш қуртлар эса баргнинг ост томонида очык яшаб, уни уст қаватигача кемиради. Кейинчалик шикастланған қисмининг уст қавати ҳам қуриб, баргларда тешиклар ҳосил бўлади. Қуртлар жуда ҳаракатчан бўлади. Улар безовталанса, дархол букилиб, ипакча ёрдамида баргдан қочишга ҳаракат қиласи. Қуртлар 6-12 кун яшаб баргларда ғумбакка айланади, 4-10 кундан кейин эса янги бўғин капалаги пайдо бўлади. Ўрта Осиё иқлим шароитида қарам күяси бир йилда 10 га яқин бўғин бериб ривожланади, шунинг учун бўғинлар бир-бири билан аралашиб кетиб, бир вақтнинг ўзида зааркунанданинг турли шаклларини учратиш мумкин. Шимолга қараб борган сари қарам күясининг бўғин сони камайиб боради ва у бир мартагача қисқаради (Харченко, Бунякин, 1986).

**Зарари.** Қарам күяси бутгулдош ўсимликларни заарлайди. Қарамда унинг заари айниқса ўсимлик ёш даврида ўсиш нуқтасини шикастлашида кўринади, кейинчалик қарам ўралганидан кейин унинг аҳамияти унча колмайди, лекин маҳсулот кўркини бузади. Ўзбекистонда қарам күяси асосан ўртаги ва кечки қарамга зарар етказади.

**Кураши чоралари.** Қарам оқ капалагига қарши кураш сингари. Кимёвий кураш тадбирларини ўтказиш учун микдор мезони бўлиб қуидаги кўрсаткичлар хизмат қиласи: қарам ўрашга қадар 10% дан ортиқ ўсимлик заарланиб, ҳар бирида 2-5 тадан ортиқ курт аниқланса, қарам ўраганидан кейин 20% ўсимлик заарланиб, уларда 2-5 дона курт мавжуд бўлса.

**Бутгулдош ўсимликларнинг бошқа зааркунандалари.** Бутгулдош ўсимликларга юқорида ифодалангандардан ташқари бошқа зааркунандалар ҳам шикаст етказиши мумкин. Булардан асосийлари қарам тунлами (*Mamestra brassicae* L.), илдиз кемиувчи тунламлар (*Noctuidae* оиласи), симқуртлар (*Elateridae* оиласи), ўргимчаккана (*Tetranychus urticae* Koch.), оққанотлар (*Aleyrodinae* кенжә туркуми) ва бошқалар ҳисобланади. Қулай шароит вужудга келиши билан буларнинг ҳар

бири карамнинг ашаддий зааркунандалари қаторидан ўрин олиши мумкин.

### **3. Полиз экинлари зааркунандалари**


(қовун, тарвуз, бодринг, қовоқ) – полиз қўнғизи – этиляхна, ширалар, илдиз кемирувчи тунламлар, қовун пашиаси, илдиз шии қўзгатувчи нематодаси, чиритувчи нематода.

**Полиз қўнғизи ёки этиляхна** – *Epilachna chrysomelina*. Қўнғизлар туркумининг кокцинеллидлар – *Coccinellidae* оиласига мансуб.

**Тарқалиши.** Ўрта Осиё давлатлари ҳамда Кавказда учрайди. Хорижда Афғонистон, Эрон, Кичик Осиё, Жанубий Европа ва қисман Африка мамлакатларида тарқалган. Ўзбекистонда полиз қўнғизи кўпроқ Сурхондарё, Қашқадарё, Бухоро, Самарқанд вилоятларида учрайди.

**Таърифи.** Бу ўсимликхўр кокцинеллид қўнғизининг ўзига хос белгилари борлиги учун дархол аниқлаб олиш мумкин. Қўнғизи ярим доирасимон шаклга эга, танасининг паст томони ясси, усти эса қавариқ, катталиги 7-8 мм, ранги қизил-қўнғир, уст қанотларининг ҳар бирида 6 тадан қора доғи бор. Уни 12 доғли полиз коровкаси деб атashади. Тухуми ёрқин сарик тусда. У чўзиқ овал шаклда бўлиб, катталиги 1,75 мм келади. Личинкаси сарғиш тусда, уч жуфт кўкрак оёқлари бор, уст томонида беш қатор жойлашган шохлаган қора тиканчалари бор, узунлиги 9 мм келади (64-расм). Ғумбаги кокцинеллидларга хос – орқа учи билан баргга ёпишиб турди, танаси қисқариб кенгайган, усти тукчалар билан қопланган, ранги сарик.

**Хаёт кечириши.** Қўнғизи ўзи яшаган ерда турли ўсимлик қолдиқларининг остида қишлиб чиқади. Уни қамиш поясида ҳам топишган. Баҳорда қўнғизларнинг уйғониши анча чўзилади ва полиз экинларининг кўкариш даврига тўғри келади. Қўнғизлари экинларга учиб ўтиб қўшимча озиқланади, ўсимлик баргларининг уст томонига 20-50 тадан ғуж қилиб тухум қўяди.



1



2

64-расм. Полиз қўнғизи (эпилляхна):  
1-қўнғизи, 2-личинкалари қовун баргиди.

Яна 3-5 кундан кейин улардан личинкалар чиқади ва барг тўқималарини қиртишлаб озиқлана бошлади. Личинкалар 15-25 кун мобайнида уч марта пўст ташлаб ривожланади. Иккинчи ёшидан бошлаб баргни кемириб тешиклар ҳосил қиласди, барг томирларинигина қолдиради. Сўнгги пўст ташлаганидан кейин барг орасида ғумбакка айланади. 8-10 кундан кейин ундан янги бўғин қўнғизи учиб чиқади. Ўрта Осиё шароитида полиз қўнғизи йилига уч бўғин бериб ривожланади. Баҳорда қўнғизларнинг уйқудан чиқиши муддати чўзилганлиги сабабли бўғинлар бир-бирига чалкашиб, бир вақтнинг ўзида зааркунанданинг турли шаклларини учратиш мумкин бўлади. Учинчи бўғин қўнғизлари қишки уйқуга кетади.

**Зарапи.** Полиз қўнғизининг ўзи ва личинкалари қовун, тарвуз, қовоқ ва бодринг экинларини шикастловчи олигофаг хисобланади. Заараркунанда қўпайганда ўсимлик баргсиз бўлибгина қолмай, унинг ёш ҳосили ҳам шикастланади. Бунинг натижасида у тез чириб кетади. Маълумотларга кўра, ўз вақтида ҳимоя тадбирлари кўрилмаган Сурхондарё вилоятининг қовун пайкалларида ўсимликларнинг нобуд бўлиши хисобига ҳосилдорлик 60-70% га камайган (Глушенков, Эгамбердиев, 1965).

**Кураши чоралари.** 1. Бошқа оиласуб экинлар билан алмашлаб экиш, кузда ўсимлик қолдиқларини куйдириб таш-

лаб шудгорлаш. 2. Зааркунанда қийғос тухум қўйиб личинкалар чиқа бошлаган даврда пиретроид инсектицидлар билан ишлов ўтказиш яхши натижалар беради. Бунда ўсимликлар ўргимчаккана билан ҳам заарланган бўлса бирор инсектицид-акарицид (циперфос, каратэ, талстар) қўлланилади.

**Ширалар.** Полиз экинларига кўпроқ полиз шираси (*Aphis gossypii* Glov.) ва акация шираси (*A.craccivora* Koch.) шикаст етказиши мумкин (тўла тавсифи II қисмнинг 2-бобида келтирилган).

Ўрта Осиё минтақаларида ширалар полиз экинларининг энг асосий зааркунандаси хисобланади. Бу зааркунандалар полиз экинларини (қовун, тарвуз, бодринг, қовоқ) ниҳоллик давридан ҳосил етилишига қадар заарлаши мумкин. Аммо июлнинг биринчи-иккинчи ўн кунлигидан то августнинг ярмигача ривожланиши пасайиб, кейинчалик яна кучли кўпая бошлади. Зааркунанданинг кузда ривожланиши асосан кечки бодринг ва қовоқ экинлари учун аҳамиятли бўлади.

Шираларнинг полиз экинларига зарари шу қадар кучли бўладики, кўпинча уларга қарши курашилмаса мутлақо ҳосил олинмайди ёки сифати паст маҳсулот олинади. Бундай аҳвол барча вилоятларда содир бўлиши мумкин. Айрим йиллари пайкалдаги қовун ва тарвуз палаклари июл ойида ширалар билан шу қадар кучли заарланадики, ҳатто палак остидаги ер ширали чиқиндилардан қорайиб кетади. Бунинг сабабларидан бири шундаки, ўсимликлар ёш даврида (май ойи) заарланиб кимёвий кураш ўтказилиши лозим бўлган бир вақтда, ипак қурти боқилиш мавсуми ўтказилади. Бу эса қишлоқ хўжалик экинларида ҳар қандай кимёвий ҳимоя тадбирлари ўтказилишига чек қўяди. Шунинг учун, бу давр масъулиятли бўлиб, ўсимликларни ҳимоя қилишнинг бошқа безарар йўлларини топишга мажбур қиласди. Полиз экинларида акация шираси 3-4 бўғин бериб ривожланса, полиз шираси 12-14 бўғин бериши мумкин.

**Кураш чоралари.** 1. Полиз экинларини эрта экиб, соғлом кўчатлар ундириб олиш. 2. Эрта баҳорда (март-апрел) дала

атрофларидағи бегона ўтларда ривожлана бошлаган сўрувчи зааркундаларга қарши (шира, трипс, ўргимчаккана, оққанот) олдини олиш ишловини ўтказиш яхши самара беради: *БИ-58* – 0,2%, *бензофосфат* – 0,3%, *каротэ* – 0,05%, *циперфос* – 0,1%. Бу тадбирнинг ипак курти боқилиш даврида маданий экинларни ширалар ва бошқа сўрувчи зааркундалар билан заарланишининг олдини олишда ҳамда пайкалларда фойдали ҳашаротлар сонининг кўпайишида аҳамияти каттадир. 3. Июн ойларида шира миқдори кўпайиб, фойдали ҳашаротларнинг фаол шаклларига нисбати 1:15-20 дан ортиқ бўлса кимёвий кураш ўтказиш лозим. Бунинг учун карбофос (0,1%), *БИ-58* (0,2%), *бензофосфат* (0,25%), *моспилан* (0,02%) ёки конфидор (0,03%) қўлланилади. Ҳар қандай ҳолатда ҳам ишлов беришни ҳосил етилишидан 30 кун илгари тўхтатиш шарт.

**Илдиз кемириувчи тунламлар.** К. Дурдиевнинг (1983) маълумотларига кўра, Хоразм вилоятининг жанубий туманларида полиз экинларини кузги тунлам (*Agrotis segetum* Den. et Schiff), ундов тунлами (*A. exclamationis* L.) ва бошқа тунламлар заарлаган. Бунда кузги тунлам – 65%, ундов тунлами – 28%, қолганлари – 7% ни ташкил қилган. Шу каби кўрсаткичлар Қорақалпоғистоннинг Чимбой тумани шароитида ҳам такрорланган (Тўраниязов, 1985).

Илдиз кемириувчи тунламлар полиз экинларига асосан ниҳоллик даврида илдизини ёки илдиз бўғзини қирқиб зарар етказади. Бунда айрим ўсимликлар яна ўнгланиб кетиши ҳам мумкин, аммо ҳосилдорликка путур етади (Мўминов, 1970). Илдиз кемириувчи тунламларнинг курти катта ёшида ерга тегиб турган ўсимлик меваларини ҳам шикастлаши мумкин. Бундай қовун, тарвуз, қовоқ узоққа бормай чирийди ёки чандиқ ҳосил қиласи. Полиз экинларига кузги тунламнинг 2-4 бўғинлари, ундов тунламининг эса иккала бўғини ҳам зарар етказиши мумкин. Полиз экинларига илдиз кемириувчи тунламлардан ташқари симқуртлар, бузоқ бошилар ҳам шикаст етказиши мумкин.

**Кураиш чоралари.** 1. Юқори агротехника. 2. Феромонлар ёрдамида тунламлар ривожланиш муддатларини аниқлаб, трихограмма күшандасини зааркунанда тухумига қарши қўйиш. 3. Тунламлар шувоқ, печак, шўра, итузум каби ўсимликларни афзал кўради, улар пайкал ичидаги бу бегона ўтлар тагида йигилган бўлиши мумкин. Шунинг учун чопикни (зааркунанда хавфи ортиқ бўлса) кимёвий курашдан кейин ўтказиш лозим. 4. Кимёвий кураш учун *десис* (0,7 л/га), *арриво* (0,24-0,32 л/га) ёки *суми-альфа* (0,5 л/га) қўлланилади.

**Қовун пашшаси** – *Carpomyia pardalina* Bigot. Икки қанотлилар (*Diptera*) туркуми, чипор қанотлилар (*Tephritidae* [*Trypetidae*]) оиласига мансуб. Асосий синонимлари: *Myiopardalis pardalina* Bezzi, *Carpomyia caucasica* Zaitzev. *Carpomyia pardalina* турини 1891 йили француз олимни Биго (Bigot) Белужистонда (Покистон ва Эрондаги тарихий ўлка) тўпланган ҳашарот асосида топиб номлаган. Айни турни Бецци (Bezzi, 1910) *Myiopardalis* авлодига *Myiopardalis pardalina* номи билан ўтказган. Озарбайжонда топилган бу ҳашаротни Зайцев (1919) янги тур деб хисоблаб, унга *Carpomyia caucasica* номини берган. Бу ҳашарот ғарбий адабиётда «Белужистон қовун пашшаси» ёки «Рус қовун пашшаси» номлари остида юритилади. Қовун пашшасининг морфологияси ва анатомияси Зайцев (1919, 1947) ва Кандыбина (1965, 1977) томонидан ўрганилган, юртимиизда эса ҳашаротнинг биологияси, ривожланиш доираси ва эпидемиологияси Тошкент ҳамда Қорақалпоғистон Республикаси олимлари томонидан ўрганилмоқда (Хасанов, 2006).

**Тарқалиши.** Ватани номаълум, аммо Белужистон бўлиши тахмин қилинади. *Osie* – Афғонистон, Ироқ, Исроил, Левант, Миср, Озарбайжон, Покистон, Сурия, Тожикистон, Туркия, Туркманистон, Ўзбекистон, Хиндистон, Эрон.

Афғонистонда Хиротда қовун пашшаси 1990 йиллардан бери маълум, аммо у фақат кейинги йилларда кенг тарқала бошлади: 2002 йили Фарёбда (ҳозир Жузжан), Балх, Саманганд, Боғлон ва Кундузда тарқалган. *Winrock Int. Volunteer*

*Tech. Assistance* ташкилоти билан биргаликда ҳаракат қилаётган Туркманистоннинг сахро флораси ва фаунаси институти маълумотларига кўра қовун пашшаси бу мамлакатда 1996 йилдан бошлаб дастлаб Ахал ва Мари вилоятлари, сўнгра Лебап ва Тошховуз вилоятларига ўтиб, қовунга катта зарар етказган. Ҳосил олиш мумкин бўлмай қолганлиги сабабли, дехқонлар қовун экмай қўйишган. Кейинчалик пашша Туркманистондан кўшни давлатларга, жумладан Ўзбекистон, Тожикистон ва Қозоғистон ҳудудларига тарқалган.


Ўзбекистонда Қорақалпоғистон Республикасида ва Хоразм вилоятида тарқалган. Ушбу минтақада биринчи марта 2001 йили топилган, 2002 йилдан бошлаб кенг тарқалган. Ўзбекистоннинг бошқа вилоятларида ҳозирча қайд этилмаган. Покистон ва Ҳиндистонда тарқалган тропик қовун пашшаси Шимолий Афғонистон ва Марказий Осиёда қиши совуғига чидамаслиги туфайли бу мамлакатларда яшай олмаслиги хамда *Sarcocarya pardalina* туридан бошқа турга мансублиги хабар қилинган (Азҳари, 2006).

**Зарарланадиган ўсимликлар.** *Cucurbitaceae* оиласидан қовун, тарвуз, қовоқ, бошқа оиласидан *Rosa* spp. *Ziziphus* spp. ва бошқалар. Энг катта зарари полиз экинларида кузатилади.

**Зарари.** Кейинги йилларда Афғонистоннинг ҳашарот тарқалган баъзи минтақаларида қовун ҳосилининг 90 фоизи йўқотилмоқда. Қовун пашасининг курти полиз экинлари меваларини тугилишидан пишишигача бўлган даврда заарлаб, уларни бутунлай чиритиб юборади. У Қорақалпоғистон шароитида 2002 йилдан эътиборан полиз экинларининг кенг тарқалган ва ҳосилни пасайтирадиган асосий заараркунандага айланган. Бу ҳашарот туфайли 2003 йили қовун меваларининг 90-95%, тарвузнинг 5-10% ва бодрингнинг 3-5 % и нобуд бўлган. Пашиба дастлаб қовуннинг эртапишар навларини заарлайди, улардан кечпишар қовун ва тарвузга ўтади, натижада ҳам эртаги, ҳам кечпишар навларда жуда катта зарар кузатилади.

**Ташқи белгилари.** Пашиба етук зотининг ранги оч сариқ,

узулиги 5,5-6,5 мм, күкрак кисми олтинранг майда тукчалар билан қопланган, күкрагининг устки қисмидә 2 та очроқ тасмасимон доғлари мавжуд. Бошқа пашшалардан күкрак ва қорин қисмларида бир нечта майда доғчалари мавжудлиги билан ажралиб туради. Қанотлари оч сариқ, уларнинг ҳар бирида 3 та тўқроқ сариқ тасмасимон доғлари бўлиб, улардан 2 та ички қисмидагилари тўғри, ташки қисмидагиси «V» ҳарфи шаклида (65-расм).



65-расм. Қовун пашшаси: Етук зоти (1) ва соҳта пилласининг (1а) кўриниши, 2 – зааралangan қовуннинг ички кўриниши, 3 – зааралangan қовуннинг ташки кўриниши, 4 – қовун полизда ОВХ-28 трактор туркагичи ёрдамида ишлов бериш.

*Тухуми* оқ, ялтироқ, узунчоқ шаклли, узунлиги 1 мм гача. *Личинкаси* оқ, оёқсиз, олд қисмига қараб ингичкалашган, етилганларининг узунлиги 10 мм гача, танасининг охирги сегментида 2 та кичик ўсмалари мавжуд. *Гумбаги* сарғиш-

қүнгир ёки қызғиши-қүнгир, узунлиги 7-8 мм, усти қаттиқ бўлган сохта пилла (пупарий) ичидаги ривожланади. Кандыбина (1965, 1977) маълумотларига кўра, етук пашшанинг танаси узунчоқ цилиндр шакли, узунлиги 8-10 мм, оқ ёки сарғиши тусли, териси қалинлашмаган, боши оддий, пешона қисмлари бироз ривожланган, мўйлови 2 сегментли, дорсал туклари T-1 – A-6 сегментларида, A-8 дум сегментида, 10 та микроскопик сезги тукчалари мавжуд.

**Хаёт кечириши.** Пупарий ичидаги ғумбаги тупроқда 10-20 см чуқурликда, қишлияди. Қишилаган ғумбакдан пашшалар эртапишар қовун гуллаш ва мева туга бошлаш даврида (майнинг иккинчи ярмида) учиб чиқади. Пашша шира билан озиқланганидан сўнг оталанади ва қовун ёки бошқа полиз экинлари ёш меваларининг қобиғини тухум қўйгичи билан тешиб, унинг тагига биттадан, аммо кўпинча битта мевага 20 та ва ундан ҳам кўпроқ тухум қўяди. Тухум қўйиш одатда мевалар диаметри 3-5 см бўлганда бошланади. Битта урғочи пашша бир мавсумда 98-130 та тухум қўяди. Тухум 2-8 кун давомида эмбрионал ривожланнишдан ўтгач, улардан личинкалар чиқиб, дарҳол мева ичига ўтади, мева эти билан озиқланиб, уруккача етиб боради ва уругни ҳам ейди. Улар 10-18 кун ривожлангандан сўнг, мева пўстини тешиб ташқарига чиқади ва тупроқда 5-15 см чуқурликка кетиб, пупарий ичидаги ғумбакланади. 10-18 кундан сўнг ғумбакдан 2-бўғин пашшаси чиқади, урғочи зотлари оталанади ва яна тухум қўяди. Бир бўғинининг хаёт даври 30 кунча бўлиб, бир мавсумда пашша Афғонистонда 3-4, Қорақалпоғистонда 2-3 бўғин беради. Қишилашга кетиши пайтида личинкалар тупроқда 10-20 см чуқурликда ғумбакланади. Личинкалар қовун ичидаги ҳаракатланганда қовун этида занг тусли доғлар пайдо бўлади. Личинкалар ташқарига чиқишида пўчоқда пайдо қилган тешиклардан кирган микроорганизмлар таъсирида қовун 5-7 кун ичидаги бутунлай чирийди ва ўта бадбўй ҳид чиқаради.

**Тарқалиши.** Личинка шаклида мева билан, пупарий ичидаги ғумбак шаклида эса ўсимликлар илдизидаги тупроқ

билин ҳамда етук зотлари учеб ўтиши ҳисобига тарқалиши мумкин.

**Карантин тадбирлари.** Қовун пашшаси Ўзбекистоннинг бошқа вилоятларига тарқалмаслиги учун ички карантин чоратадбирларини кўллаш лозим, жумладан Қорақалпоғистондан (ва Хоразм вилоятидан) заарланган полиз экинлари меваларини ва илдиз тизими пухта тозаланмаган дараҳт ниҳоллари ва бошқа экинларни олиб ўтиш ман этилади.

**Кураши чоралари.** Бошқа мева пашшаларига нисбатан юқори самарали бўлган усуллардан бири – алдамчи ем ёки аттрактантларни қўллаш қовун пашшасига қарши самарасиздир. Ҳозирги кунларда Афғонистонда ФАО проекти тадқиқотларида 3 та кураш усули текширилмокда, жумладан: 1) пупарийларни ҳалок қилиш учун далаларни қишида сувга бостириб қўйиш; 2) тупроқдан учеб чиқадиган пашшаларни ўлдириш мақсадида заарланган қовунларнинг тагига кукун шаклли инсектицид чангитиш; 3) пашшалар қовун баргларидаги токсик моддалар билан озиқланишини жадаллаштириш мақсадида экинга суюқ инсектицид билан шакар эритмасини қўшиб пуркаш. Бу усуллар ҳали дала шароитида текширилмаган. Улардан самаралилари танлаб олингач, кураш чоралари катта минтақаларда бир вақтда ўтказилиши лозим, акс ҳолда зааркунанда ишлов берилмаган далаларда кўпайиб, пашшадан химоя қилинган далаларни қайтадан заарлаши мумкин.

Ўзбекистон шароитида қовун пашшасига қарши кураш чораларини ишлаб чиқиши ҳозиргача тугалланмаган, жумладан бу ҳашаротнинг биоэколоғияси, фенологияси (пупарийдан чиқиши даври ва фенологияси), самарали инсектицидларни танлаш ва уларни қўллашда тўғри усул ва даврларни аниқлаш бўйича илмий асосланган тавсияномалар тайёрлаш – олимлар олдида ечимини кутаётган муаммолардир. Бугунги кунда пашшага қарши агротехник чоралардан – полизларни ўсимлик қолдиқларидан тозалаш, куз-қиши даврида далани тузланишга қарши суғориб ювиш ва чуқур кузги шудгор ўтказиш орқали пашшанинг қишлоғдаги заҳираларини камайтириш, пашша

кузатилган далаларга 3-7 йил давомида полиз экинларини қайта экмаслик, эртапишар ва кечпишар навлар экилган далаларни бир-бирига яқин жойлаштирумаслик тавсия қилинади. Қовун пашшасига қарши кимёвий кураш чораларини ишлаб чиқиш ҳали тугалланмаган. Мева ичидаги личинкалари ва тупроқдаги ғумбакларига қарши инсектицид ёрдамида кураш ўтказиш самара бермаслиги таъкидланган, аммо ФАО Афғонистонда тадқик қилаётган тажрибаларни Ўзбекистон шароитида ҳам такрорлаш фойдадан ҳоли бўлмаслиги мумкин. Баъзи маълумотларга кўра, қовун пашшасига қарши биологик усул (йиртқич кана ҳамда *Pachycrepoides vindemtiae* Rondani паразитоид пашшасини) қўллаш самарали эканлиги таъкидланади.

Хўжаликлардаги қовун-тарвуз экилган йирик майдонларда ҳимоя ишловларини ўтказиш мақсадида трактор пурка-гичини (ОВХ-28) қатор оралардан юриш имконини яратиш учун полиз экиш тартибини шунга мўлжалламоқ лозим. Истиқболли инсектицид сифатида қовун пашшасининг етук зоти ҳамда тухумларига таъсири бўлган препаратларни ишлатиш муайян даражада натижа бериши мумкин.

Бундан ташқари, кимёвий кураш ўтказишнинг самарали муддатларини белгилаш яхши натижа беради. Бунда биринчидан, пашша қийғос учган пайтни маҳсус сарик рангли елим суртилган тутқичлар ёрдамида белгилаш мумкин. Иккинчидан, ишловни қовун (ёки тарвуз) гуллаб тутунча ҳосил қилган пайт билан боғлаш зарур. Кейинги ишловлар эса 12-15 кундан сўнг ўтказилади. Максад – қовун пашшасининг етук зотини (қисман қўйган тухумини ҳам) йўқ қилиш. Инсектицид сифатида пиретроидлар ҳамда карбофос (фуфанон), сумитион, актеллик юқори самара беради.

**Қовун майса пашшаси.** Бу пашша ғовак ҳосил қилувчи хашаротлар қаторига киради. У, қовун пашшасидан жуда майдалига билан фарқ қиласди. Етук зоти 2-3 мм, личинкалари – 4-5 мм, сохта пилла ичидаги жойлашган ғумбаги эса 3-4 мм келади (66-расм.)



1



2

66-расм. **Қовун майса пашиаси:** 1 – заарланган қовун баргининг күриниши, 2 – курт (А) ва соҳта пиллалари (Б).

Қовун майса пашиаси асосан қовун ўсимликлари, ҳамда йирик баргларнинг бандидан бошлаб заарлайди. У барг банди ичидан баргга қараб харакатланади ва барг бошланиш жойида айникса кучли шикастлайди. Курт барг паранхимаси орасида харакатланиб мина (ғовак) ҳосил қиласди. Бу ерда тўқима қуриб, ёрилади; барг сарғариб курий бошлайди. Эрта заарланган ўсимлик қуриб колиши мумкин. Кеч заарланган ўсимлик эса қисман ҳосил берсада, у майда ва сифатсиз бўлиб қолади. Зааркунанда йилига 3-4 авлод бериб ривожланади. 2012 йили Сирдарё вилоятининг кўпгини туман хўжаликлирида бу ҳашаротнинг кўплаб урчигани қайд қилинган.

**Кураши чоралари.** Кузги шудгор ва юқори агротехникадан ташқари 2-3 марта кимёвий кураш ўтказиш талаб этилади. Бунда биринчи ишлов ўсимликнинг ниҳоллик даврида, бир-йўла: трипс, мокрица (“эшак курт”) ва бошқа зааркунандарнинг кўпайишини олдини олиш учун: энджео – 0,3 л/га, каратэ (атилла) – 0,5 л/га, конфидор – 0,2 л/га, моспилан – 0,2 кг/га, үтиперфос – 1 л/га ишлатиш яхши самара беради.

**Тамаки трипси – *Thrips tabaci* Lind.** Бу сўрувчи ҳашарот тўғрисида шу қисмнинг 2-нчи бобида тўлиқ тушунча берилган эди. Тамаки трипси ҳаммахўр ҳашарот бўлганлиги учун, у қовун ва тарвуз каби полиз ўсимликларига ҳам сезиларни зиён етказади (67-расм).



1



2

67-расм. **Тамаки трипси:** 1 – қовун ниҳол баргининг орқа томонида,  
2 – трипс билан заарланган тарвуз ниҳолининг ташқи кўриниши.

Зараарланган барг ва ўсимликлар мажмағил бўлиб, ривожланишдан орқада қолади ва кутилган ҳосилни бермайди. Шунинг учун, унга қарши курашда қовун майса пашшасига қарши тавсияланган кураш чоралари бу ерда ҳам самара беради.

**Илдиз шиш қўзгатувчи нематодаси** – *Heterodera marionii* Cornu. Юмалоқ чувалчанглар синфига, тиленхидлар туркумига ва гектеродеридлар – *Heteroderidae* оиласига мансуб.

**Тарқалиши.** Кўпгина худудларда, шу жумладан Ўрга Осиё давлатларида ҳам кенг тарқалган.

**Таърифи.** Нематодани ёш личинкалик даврида жинс жиҳатидан ажратиб бўлмайди. Аммо вояга етган урғочи зот урчигач кенгая бошлайди ва тухумга тўлиб нок шаклига эга бўлиб қолади (68-расм). Нематоданинг узунлиги 1-1,9 мм келади (урғочиси бироз калтарок). Эни эркагида 30-40 микрон, урғочисиники – 300-500 микрон (Тўлаганов, 1950).

**Хаёт кечириши.** Илдиз нематодаси тухум шаклида ўлган она зот танасида қишлияди. Баҳорда тухумлардан чиқсан личинкалар ўсимлик илдизларидаги шишлардан ташқарига чиқиб, ҳаракат қила бошлайди ва янги илдизларни топгач, унга ёпишиб озиқланана бошлайди. Бу излаш даврида личинкалар озиқланмай яшай олади, аммо вояга етган личинкалар ўсимликтан ажралса тезда ўлади.



68-расм. Илдиз шиш қўзгатувчи нематодаси:  
А-шакллари (1-эркаги, 2-личинкаси, 3-4-етук урғочи зот);  
Б-заарланган ўсимлик илдизлари.

Нематодалар ўсимлик ёш илдизчаларининг учига ҳамда шикастланган жойларига ёпишиб олади. Озиқланиш даврида ажратадиган махсус суюклиги таъсирида личинка ёпишган жойида шиш (галл) ҳосил бўла бошлайди. У шу даражада кенгаядики, личинкани ўраб олади. Личинка ривожланиш даврида 4 марта пўст ташлаб вояга етади. Вояга етган эркак зот шишдан ташқарига чиқиб, урғочи нематодани ахтариб топиб, шиш ичида урчиди ва кўп ўтмай ўлади. Урғочи зот эса жинсий ривожланишини давом эттириб, ичида тухумлар етила бошлайди. Бунинг натижасида нематода нок шаклига эга бўлган, ичи тухумлар билан тўлган қопчага айланади. Хар бир урғочи зот 400 тадан 2000 тагача тухум етказиб шиш ичида қўяди ва бурчини адо этиб ўлади Тухумлардан эса маълум вакт ўтгач янги бўғин личинкалари пайдо бўлиб, шишлардан ташқарига чиқади. Ўрта Осиё шароитида илдиз нематодаси йилига 5 бўғин бериб ривожланиши аниқланган.

**Зарари.** Илдиз шиш қўзгатувчи нематодаси ҳаммахўр зааркунандадир. У 1000 га яқин турли ботаник ўсимликларни заарлаши мумкин. Маданий экинлардан бу зааркунанда кўпгина дала, полиз ва боғ ўсимликларига, жумладан поми-

дор, қовун, тарвуз, бодринг, сабзи, кар-тошка, беда, ҳатто олма ва шафтоли дараҳтларига ҳам шикаст етказади. Нематода ўсимликни кучсизлантириб, ривожланишини секинлаштиради, ҳосилини камайтириб юборади, баъзан ўсимликни бутунлай қуритиб ҳам қўяди.

**Кураши чоралари.** 1. Агротехник чоралардан алмашлаб экиш яхши натижа беради. Шиш ҳосил қилувчи нематода ғўза, нўхат, пиёз, саримсоқ каби экинларни заарламайди. Кулай шароит бўлмаган ерларда нематода 5-6 йил ичидаги кирилиб кетади.

2. Зааркунанда тарқалишининг олдини олиш мақсадида заарланган пайкалдан уруғлик тайёрламаслик, агротехник ишлов ўтказишида заарланган даладан чиқсан техникани дезинфекция қилиб тозалаш лозим.

3. Кичикроқ майдонларни нематицид препаратлар билан (50% ли суюқ ДД препарати – 100 л/га, тиазон, 85% ли кукун – 2000 кг/га ёки онколни, 10% ли эм.к. 0,3% ли эритмасини заарланган ўсимлик остига қуиб) заарсизлантириш мумкин.

**Чиритувчи нематода – *Aphelenchus owenae* Bastiau.**

**Тарқалиши.** Чиритувчи нематода Ўрта Осиё, Украина, Белоруссия, Абхазия, Ажаристон, Фарбий Европа мамлакатлари, Шимолий Африка ва Америка қитъасида учрайди (В.В. Яхонтов).

**Таърифи.** Нематоданинг узунлиги 0,6-1,27 мм келади, гавдасининг орқа учи тўмтоқ, юмалоқланган.

**Хаёт кечириши.** Паразитлик билан ҳаёт кечириувчи бу нематода одатда тупроқда яшаб турли ўсимликлар илдизини шикастлайди. Бундай илдиз чирийди нематода эса бошқа илдизга, ўсимлик поясига ёки барига кириб олиши ҳам мумкин.

**Зарари.** Чиритувчи нематода кўпчилик қишлоқ хўжалик экинлари, айниқса картошка ва пиёз, шунингдек лавлаги, сабзи, полиз экинлари, нўхат, соя, ғалла ўсимликлари, беда, ҳатто ғўзага ҳам зарар етказади. У заарлаган илдизлар махсус суюқлик модда чиқариши туфайли чирий бошлайди. Оқи-

батда ўсимлик қисман ёки бутунлай қурийди, ҳосилдорлик кескин камайиб кетади.

**Кураши чоралари.** Илдиз шиш қўзғатувчи нематодасига қарши кураш сингари.

#### **4. Қулупнай заараркунандалари**

Бу экин заараркунандалари қаторига энг аввал ҳаммахўр ҳашаротлардан илдиз кемирувчи тунламлар, қуйруқли бузоқ боши, гамма тунлами, илдиз ширалари, шунингдек шиллиқ қуртни киритиш мумкин. Аммо бу реза мева ўсимлигининг ўзига мослашган заараркунандалари ҳам бор. Буларга қулупнай баргхўри ва қулупнай узунбуруни мисол бўлади.

**Қулупнай баргхўри** – *Galerucella tenella* L. Кўнғизлар туркумининг баргхўрлар – *Chrysomelidae* оиласига мансуб.

**Тарқалиши.** Қозогистон ҳамда Ўзбекистонда Тошкент вилоятининг тоғ бағрига яқин жойлашган туманларида учрайди.

**Ҳаёт кечириши.** Кўнғизлари қулупнай пайкалида ва унинг атрофида турли ўсимликлар қолдиғи остида қишлиб чиқади. Баҳорда апрел ойларида уйғониб, қулупнай ўсимталарига ёпирилади, баргларни кемириб тешиб ташлайди. Апрелнинг иккинчи-учинчи ўн кунликларида тухум қўйишига киришади: уни асосан 4-6 тадан баргнинг ост тарафига қўяди. Заараркунанда қийғос қўпайган йиллари ҳар бир ўсимликка 35-40 тадан тухум тўғри келади. Баҳор фаслида 10-12 кундан кейин личинкалар очиб чиқади ва ўсимликка тарқаб озиқлана бошлайди. Улар барг скелетини қолдириб шикастлайди. 20-25 кундан кейин ерга тушиб ғумбакланади ва яна 10-15 кундан кейин янги бўғин кўнғизлари пайдо бўлади. Ўзбекистон шароитида йилига 2 та бўғин бериб ривожланади.

**Зарари.** Кўнғиз ва личинкалари ўсимлик баргини ва қисман мевасини еб, уни нормал ривожланишдан қолдиради. Т.М. Сейлхановнинг (1975) кўрсатишича, 1973 йили «Қозогистон» номли хўжаликда бу заараркунанда таъсирида ҳар гектар пайкалда 14,5-17,9 ц қулупнай ҳосили камайган.

**Курааш чоралари.** 1. Ўсимлик гуллашидан олдин қишлиб чиқкан қўнғиз-ларга қарши актеплик (0,6-3 л/га) ёки карбофос (1-1,8 л/га) билан ишлов ўтказиш яхши натижа беради. 2. Заарланган пайкалларда бу ишловни ҳосил йигиб олинганидан кейин ҳам ўтказиб, пояни ўриб ташқарига олиб чиқиб ташлаш зааркунанданинг иккинчи бўғини ривожланишининг олдини олади. 3. Қатор ораларини культивациялаш зааркунанда ғумбакларини қиради.

**Қулупнай узунбуруни** – *Anthonomus terreus* Gyll. Қўнғизлар туркумининг узунбурунлар – *Circulionidae* оиласига мансуб. Қулупнай зааркунандаси сифатида уни биринчи бор С. Байтенов (1974) ва Т. Сейлханов (1975) таърифлашган. Зааркунанда Қозогистоннинг тоғ бағри туманларида Олтойдан то Шимолий Тянь-Шангача тарқалган. Тошкент вилоятининг Қибрай ва Бўстонлиқ тумани хўжаликларида бу ҳашарот 1998 йили кўплаб урчиб, қулупнай ҳосилига жиддий зарар етказган.

**Ҳаёт кечириши.** Қўнғизлари тоғ бағридаги наъматак ўсимлиги остида ҳазонлар орасида қишлиб қолади. Апрел ойларида уйғонган қўнғизлар наъматакнинг ёш ўсимталари билан қисман озиқлангач, қулупнайга учиб ўтади ва бу ўсимлик барг ва гулларини кемириб шикастлай бошлади. Қулупнай шоналай бошлаган даврда урчиб, ҳар бир шонанинг ёнидан кемириб тайёрланган тешикка одатда биттадан тухум қўяди (бу май-июн ойларига тўғри келади). Тухум қўйилган тешикчани беркитгач, шона бандини қисман кемириб қўяди. Бунинг натижасида 3-4 кундан кейин шона қуриб синиб тушади. Личинкалик даври (шона ичиди) ўртacha 16 кун давом этади, сўнг ғумбакланиб 4-7 кундан кейин қўнғизга айланади ва ташқарига учиб чиқади. Ёш қўнғизлар қулупнай барглари билан қисман озиқланиб қишлиш жойларига учиб кетади. Бир йилда бир бўғин бериб ривожланади.

**Зарари.** Т.М. Сейлхановнинг (1975) кўрсатишича қулупнай узунбурунининг шикасти сабабли Қозогистон шароитида турли йиллари ҳар гектар пайкалда 12 дан 16 центнергача

ҳосил камайган.

**Кураши чоралари.** Кулупнай баргхўрига қарши кураш сингари.

**Кулупнай канаси** – *Tarsonemus pallidus* Banks. Ўргим-чаксимонлар синфига, акариформлилар – *Acariformes* туркумiga, турли тирноқлилар – *Tarsonemidae* оиласига мансуб.

**Тарқалиши.** Қозғистон ва Ўзбекистоннинг шимолий туманларида кўплаб учрайди.

**Таърифи.** Вояга етган зотнинг шакли чўзиқ-овал, ранги оқиш, узунлиги 0,15-0,25 мм келади, 4 жуфт оёғи бор.

**Ҳаёт кечириши.** Оталанган урғочи зот турли ўсимликлар қолдиги остида ҳамда барг қўлтиқларида қишлиади. Апрел ойларида қулупнай ўсимлиги билан бирга уйғонади. Кўп ўтмай урғочи зот 15-20 та тухумни якка-якка қилиб ёш баргларга кўяди. Личинкалар санчиб-сўриб озиқланиб, нимфа ва етук зотга айланади. Тошкент вилоятининг шимолий туманларида қулупнай канаси мавсумда 6-7 бўғин бериб ривожланади.

**Зарари.** Заарланган ўсимликларнинг ёш барглари ривожланмай буришиб қолади, ўсимликнинг умумий тузи ўзгаради, «пакана» бўлиб қолади. Бунинг натижасида ҳосилдорлик кескин пасаяди. Т.М. Сейлхановнинг (1975) кўрсатишича, ўз вақтида кураш тадбирлари ўтказилмаса, ҳосилнинг учдан бири йўқолади.

**Кураши чоралари.** 1. Ҳар 3-4 йилда бир марта қулупнай экиладиган майдонларни ўзгартириб туриш керак. 2. Баҳорда ўсимликларнинг барги пайдо бўлиши билан бирорта қуйидаги акарицид билан ишлов ўтказиш лозим: омайт – 1,5 л/га, карбофос – 1-1,8 л/га. Ҳаво ҳарорати 16° С дан юқори бўлган шароитда олтингугуртнинг кукуни билан чангитиш (20 кг/га) хам яхши натижа беради.

**Илдиз шираси** – *Eriosoma ulmi* L. Тенг қанотлилар туркумининг ширалар – *Aphididae* оиласига мансуб.

**Тарқалиши.** Ўрта Осиёда кенг тарқалган.

**Ҳаёт кечириши.** Бу шира икки хил ҳаёт кечириши мумкин.

**1. Тұлиқ шаклда** күзда ва баҳорда қайрағочда, ёзда эса қулупнай, қорағат каби ўсимликтарга күчиб ўтиб (мигранттар) озиқланади. Бунда күз яқинлашгач шира популяциясида турли жинсга әга бўлган қанотли намуналари (ремигрантлар) пайдо бўлиб қайрағочга қайтиб учиб ўтади ва бу ерда урчигач, урғочиси дараҳт пўстлоғига қишлиб қоладиган тухум қўяди (Кан, 1986).

**2. Тўлиқсиз шаклда** – бунда зааркунанданинг бутун хаёти қулупнай каби ўсимлик илдизида ўтиб, қайрағоч билан боғланмайди. Илдиз шираси мавжуд ўсимлик илдизининг атрофи майда, майнин тупроқ билан ўралганлигидан маълум бўлиб қолади. Бундай ўсимликлар мажмағил бўлиб ўсиб ривожланишдан орқада қолади, ҳосили камайиб майда бўлиб қолади.

**Кураши чоралари.** 1. Илдиз ширасига қарши кураш омилларидан бири – олдини олиш тадбирларини амалга оширишdir. Бунга қайрағоч дараҳтида мигрантлар пайдо бўлишдан олдин кимёвий кураш ўтказиш, шу дараҳтларга сентябр ойларида ремигрантлар қайтиш даврида яна кураш ўтказиш киради. 2. Кимёвий кураш тадбирларидан ҳосил йиғиширилиб бўлганидан кейин қулупнай илдиз қаторига ёки ер сатҳига фосфамид ёки фосфаман (гектарига 50-70 кг) солиш, карбофос (1-1,5 л/га) эритмаларини илдиз атроғига кўл аппаратлари ёрдамида сепиш киради.

**Илдиз кемирувчи тунламлар.** Қулупнайни асосан кузги (*Agrotis segetum* Den.et Schiff) ва ундов (*A. exclamationis* L.) тунламларининг куртлари шикастлайди (бу зааркунандалар II қисмнинг 2-бобида батағсил таърифланган). Қулупнайда бу зааркунандаларга қарши кураш асосан феромон тутқичлари ёрдамида капалаклари учиш даврини аниқлаб, трихограмма кушандаси билан тухумини қиришдан иборат. Кимёвий кураш қулупнай гуллашдан аввал ёки ҳосил йиғиширилганидан кейин амалга оширилади.

**Шиллик қуртлар.** Моллюскалар ёки юмшоқ танлилар типига, қориноёқлилар синfiga мансуб. Кўп турлари мавжуд. Булардан иккитаси дала экинларига ва гулларга ўч ҳисоб-

ланади: дала шиллиқ қурти – *Agriolimax agrestis* L. ва түрли шиллиқ қурт – *A. reticulatus* Miill. Бу ҳар иккала зааркунанда қулупнайдан ташқари карам, картошка, сабзи, лавлаги, буғдой ва бошқа экинларни кучли заарлайди. Шиллиқ қуртлар ўсимлик баргларини кемириб, меваларида чукур из қолдиди. Бунинг натижасида мевалар чириб, умумий ҳосилдорлик пасаяди (69-расм).



69-расм. Түрли хил шиллиқ қуртларнинг ўсимликларни шикастлаши  
(Г. Ванек ва бошқалар маълумоти бўйича).

Шиллиқ қуртлар бир йилда 2 марта кўпаяди. Улар тухум шаклида, айримларининг личинка ва етук зотлари тўпланиб зах, кесак ости ва пана жойларда қишлиб чиқади. Баҳорда кун аста-секин исиши билан шиллиқ қурт инидан чиқиб озиқланишни бошлайди. Буларга нисбатан паст ҳарорат ( $6-15^{\circ}$ ) энг мақбул ҳисобланади. Шиллиқ қуртлар нам севар жониворлар бўлиб, қалин ўт ва зах ерларга тўпланади. Судралиб ўтган ерда унинг ялтироқ изи қолади. Курғоқчилик йиллари шиллиқ қурт камайиб кетади.

**Кураш чоралари.** 1. Сернамликка барҳам бериш. 2. Кун ботишидан бошлаб шиллиқ қуртга қарши сиртдан таъсир этувчи сўндирилган оҳак кукунига суперфосфат аралаштирилган кукунни чангитиш (ҳар гектарга 500 кг гача), ер ва ўсимликка 50% ли метальдегиднинг намланувчи кукунининг (гектарига 4-8 кг) сувдаги суспензиясини пуркаш, 5% ли доналанган метальдегидни ер сатхига (гектарига 30-40 кг) сочиш яхши натижা беради. 3. Кичик майдонларда кун ботарда шиллиқ қурт устига туз (ёки селитра) сепиб ўлдириш мумкин. 4. Кечқурун маҳсус алдамчи нам уйумларни ташкиллаб, эрталаб тагига йиғилган қуртларни селитра эритмаси бор чекакка йиғиб олиш.

### **5. Пиёз ва саримсоқ пиёз заараркунандалари**

**Тамаки трипси – *Thrips tabaci* Lind.** (заараркунанданинг тўлиқ тавсифи II қисмнинг 2-бобида келтирилган). Тамаки трипси Ўзбекистон ва қўшни мамлакатларда пиёзнинг энг ашаддий заараркунандаси ҳисобланади. Пиёзни заараркунанлардан ҳимоя қилиш ҳажмининг 75-85% и бу заараркунандага тўғри келади. Ўрта Осиё шароитида йилига 7-8 марта берадиган бўғинининг 5-6 таси пиёзда ўтиши мумкин.

Трипс пиёз униб чиққандан ҳосил етилгунча уни шикастлаши мумкин. Заараркунанданинг личинка ва етук зоти пиёз поясини санчиб-сўриб тез кўпаяди. Бунинг натижасида пиёз кўкатида узунасига жойлашган оқ доғлар пайдо бўлади. Вақтида ҳимоя тадбирлари ўтказилмаса пиёз учидан қурий бошлайди ва ниҳоят умуман қуриб, ҳосили майда бўлиб колиши мумкин.


**Кураш чоралари.** 1. Ўсимлик бардошлилигини оширадиган уйғунлашган агротехник чора-тадбирларни амалга ошириш. 2. Кимёвий кураш чоралари заараркунанда ўсимликларни 20% дан ортиқ заарарлаганда ўтказилади. Бунинг учун энг самарали *моспилан* (0,15-0,2 кг/га), *конфидор* (0,3 л/га), *џиперфос* (1 л/га) ва бошқа инсектицидлардан фойдаланиб, ишлов беришни ҳосил етилишидан 30 кун илгари тугатиш

лозим.

**Пиёз пашшаси** – *Delia antiqua* Meig. Пашшалар туркумининг гулчилар – *Anthomyiidae* оиласига мансуб.

**Тарқалиши.** Барча пиёз экиладиган худудларда учрайди.

**Таърифи.** Етук зот – пашшанинг катталиги 6-7 мм, ранги сарғиш-кулранг, орқа томонида қорни ва елкаси устидан билинар-билинмас қорамтири чизик ўтади. Личинкасининг олд томони ингичкалашиб келган, тўқ сариқ ранг, оёқсиз, узунлиги 9-10 мм келади. Орқа қисми тўмтоқ бўлиб, унда 16 та тирноқчаси бор, улардан 4 та пастдагиси йирик. Ғумбаги жигарранг, сохта пиллага ўралган бўлади (70-расм).



70-расм. **Пиёз пашшаси:** 1 – етук зоти, 2 – қурти пиёз пўстлоги остида, 3,4 – зарарларган ўсимликлар, 5,6 – сохта пилласи (ғумбаги) саримсоқ пиёз бўлаклари орасида.

**Хаёт кечириши.** Пиёз пашшаси йил давомида ривожланышдан тўхтамайди. Фақатгина қишининг сўвуқ қунларида, пиёз ва саримсоқ пиёзнинг ерости қисмida зараркунанданинг

личинкаси (курти) ва ғумбагини вақтингча “уйқу” шаклида учратиш мумкин. Ёзниң жазийрама иссиқ кунларида ҳам у ёзги “уйқуга” кетади. Пиёз пашшаси учун энг мақбул шароит ёзниң оҳири-кеч куз, ҳамда феврал-май ойлари ҳисобланади. Бу пайтда у урчиб пиёз ва саримсоқ пиёзларнинг пастки (ерга яқин) қисмига, ўсимлик поясига ва унинг атрофларига 5-20 тадан қилиб тухум қўяди. Личинкалар очиб чиқиб ўсимлик пояси орқали пастга, ўсимлик тугунчасига қараб харакатланади ва озиқланади. Шикастланган ўсимлик соғломларидан ташқи кўриниш бўйича ажрала бошлайди: барглари ўсишдан тўхтаб, буралади, сарғаяди ва учидан бошлаб қурийди. Ўсимлик туганаклари ёрилиб, заарланиш белгисини беради, кичик ва сифатсиз бўлиб қолади. Ўзбекистон шароитида зааркунанда йилига 4-5 авлод бериб ривожланади. Ривожланишдан тўхтаган қурт тезда пиёзниң ичида ва поя барглари орасида тўқ жигарранг соҳта пилла ичида ғумбакланади (70-расм). Яна 8-38 кун ўтиб, ундан янги авлод етук зоти (кичик пашшалар) учиб чиқиб ривожланишни бошлайди.

**Зарапи.** Пиёз пашшаси саримсоқ ва оддий пиёзни шикастлади. У турли гулларнинг пиёзларини ҳам заарлаши мумкин. Кучли ва эрта заарланган пиёз секин-аста қуриб қолади; кеч заарланганлари эса, сифатсиз ҳосил бериб, янги заарланиш, ёки зааркунандани тарқалиш манбанин вужудга келтиради. Яъни, заарланган пиёзниң ичида пашшанинг ғумбагини аниқлаш мумкин, бу эса, уни янги жойларга тарқалишини таъминлайди. Саримсоқ пиёзниң ҳосилдорлиги 13-24% га озайиб бозорбоплиги пасаяди. Оддий пиёз камроқ зарар кўради.

**Кураши чоралари.** 1. Экин майдонларини алмашлаб, заарланган ўсимликларни юлиб, даладан олиб чиқиб кўумиб ташлаш.

2. Истеъмол учун экилган қўқ пиёзга кимёвий ишлов бериб бўлмайди, қолганини эса, энг мақбул муддатларда (август, сентябр-октябр ойларида 3 марта; феврал-март ойларида – 2 марта) самарали инсектицидлар билан ишлов ўтка-

зиш тавсия этилади. Мақсад – учиб юрган пашшаларни, ҳамда пиёзнинг ичидаги яшаётган зааркунанда личинкаларини ўлдиришдир. Бу мақсадда, қуйидаги замонавий инсектицидлар кўл, ёки (катта майдонларда) трактор пуркагичлари ёрдамида ишлатилади: *карбофос*, *циперметрин*, *абалон* ва б. Деңисни пиёзда ишлатиш тавсия қилинмайди, чунки у ўргимчакканани кўпайтириб юбориши мумкин. Колган вактда, тамаки трипсига қарши ўтказиладиган ишлов, пиёз пашласига қарши ҳам самара беради. Пиёз пашласига қарши кимёвий ишловни одатда бу зааркунанда ҳашарот тарқалган ерларда ўсимлик заарланганлиги кўзга ташланмасдан бурун, ёки 3-4% ўсимлик заарланганлигига бошланади.

**Пиёз илдиз канаси** – *Rhizoglyphys echinopus* R. et F. Ўргимчаксимонлар синфига, акариформлилар *Acariformes* туркумига, ун каналари – *Acaridae* оиласига мансуб (71-расм).



71-расм. Пиёзни, пиёз илдиз канаси билан заарланиши.

**Тарқалиши.** Барча пиёз экиладиган ҳудудларда кенг тарқалган.

**Таърифи.** Етук кананинг шакли овалсимон, оқиши ёки оч сарик тусда, оёқлари, боши ва оғиз аппарати (гнатосома) қизғиш-жигарранг. Эркагининг узунлиги 0,4-0,7 мм, урғочиси эса 1,1 мм келади. Эркак зотларининг фақат 3 жуфт оёғи бор.

Кана гавдасининг икки ёнида иккита узунчоқ чукурча бор. Оёклари калта, йўғон ва бақувват, панжаларида тирноқлари йирик, гавдасининг икки ёнида биттадан оч сариқ доғлари бор. Тухуми юмaloқ-овал шаклда, шишасимон тиник. Личинкаси етук зотга ўхшайди, уч жуфт оёғи бор ва бағридаги чукурчалар йўқ. Гипопус фазаси бор. Ноқулай шароитни бошдан кечириш ва тарқалиш учун мўлжалланган ушбу фаза юмaloқ шаклга эга бўлиб, хитинланган, бўйи 0,25-0,37 мм келади, ранги оқишдан қўнғир-жигарранггача, оғзи ривожланмаган, оёклари яхши ривожланган, тепа ва ост томонларида туклар билан қопланган қалқончаси бор.

**Ҳаёт кечириши.** Қулай шароит мавжудлигига пиёз канаси ривожланишни тўхтатмайди. У тупрокда гўнг ва бошқа чириндиларда, айниқса парник ва иссиқхона шароитларида кўплаб ривожланади. Пиёз канаси намликсевар жонивор бўлиб, бу кўрсаткич 60% дан паст бўлганда ривожланишни тўхтатади. Урғочи зоти икки ой яшаб тупроққа, турли илдизмеваларга (айниқса пиёзга) 100-400 дона тухум қўяди, 4-6 кундан кейин тухумдан чиққан личинка бир марта пўст ташлаб, нимфага айланади. Нимфа 3 ёшни ўтайди. Ноқулай шароитда (паст намлик, юқори ҳарорат, озиқа етишмаслиги) иккинчи ёш нимфа пўст ташлаб гипопусга айланади ва узоқ вақт қулай вазият вужудга келгунча ҳаракатсиз ҳолатда қолади. Бу муддат ичидаги турли хил ҳашаротлар танасига ёпишиб олиб, шунингдек сув, шамол ёрдамида узоқ масофаларга тарқалиши мумкин. Шароит яратилиши билан яна бир марта пўст ташлаб, 3-ёш нимфага ва етук зотга айланади. Умуман ҳар бўғини турли шароитда 15-30 кун ичидаги ривожланади. Бир йилда 5-10 та бўғин бериши мумкин.

**Зарари.** Пиёз илдиз канаси пиёзниң барча турларини, саримсоқ пиёз ва турли хил пиёзга эга бўлган гулларни (лола, гладиолус, лилия, сунбул) ҳамда картошка, лавлаги, сабзи, буғдой, ғўза ва бир қатор дараҳт илдизларини заарлаши мумкин. Пиёз ичига кана тубидан киради ва қавати ораларига жойлашади.

Бундай пиёз пўсти атрофида майда чиқинди кукуни пайдо

бўлади, пиёз енгиллашиб чирийди ёки истеъмолга яроқсиз бўлиб қолади. Омборларда пиёз 30-50% гача кана билан заарланиши мумкин. Бундай пиёз уруғлик ёки қўк барги учун экилса, ўсимлик нимжон ривожланиб қуриб қолиши мумкин.

**Кураши чоралари.** 1. Экинларни алмашлаб экиш. 2. Заарланган ўсимликларни юлиб, даладан олиб чиқиб ташлаш, юқори агротехникани таъминлаш. 3. Пиёз сақланадиган омборхоналар маҳсулот жойланиши олдидан турли қолдиқлардан тозаланиб, олтингугурт тутатиб дезинфекцияланади. Бунинг учун эшик ва деразалар мустаҳкам беркитилиб, омборнинг ҳар  $m^3$  ҳажмига 50-100 г олтингугурт сарф қилинган ҳолда тутатилиши лозим (омбор 2 кун очилмайди). Пиёз офтобда 5-6 кун қуритилиб жойлаштирилади. 4. Заарланган пиёз олтингугурт тутуни билан тент остида заарсизлантирилиб, маҳсус сақланиши керак.

**Пиёз поя нематодаси** – *Ditylenchus dipsaci* Kuehn. Юмалоқ чувалчанглар синфининг шиш игнали нематодалар – *Tylenchida* туркуми, ҳвқиқий шиш игнали нематодалар – *Tylenchidae* оиласига мансуб.


**Тарқалиши.** Ҳамма ерда учратиш мумкин.

**Таърифи.** Танаси ингичка чувалчангсимон, тиник сув рангидা, узунлиги 1-1,3 мм келади (72-расм).

**Хаёт кечириши.** Қулай шароит мавжудлигига зааркунанда бутун йил мобайнида ривожланиши мумкин. Баҳор ва ёзда нематода ўсимлик танасида – пиёз ва унинг пояси орасига кириб яшайди. Ҳар бир урғочи зот 200 тадан ортиқ тухум қўяди. Далада заарланган пиёз омборларда шикастланишда давом этади.

**Зарари.** Далада заарланган пиёз ва саримсоқ пиёз одатда қурийди, ҳосили чирийди ёки майда пиёз беради. Қишида сақланаётган пиёзни нематода биридан иккинчисига ўтиб заарлаши мумкин.

**Кураши чоралари.** 1. Нематода билан заарланган майдонларга заарланмайдиган экинларни 4-5 йил мобайнида экиш.



72-расм.  
**Пиёз поя ниматодаси**

(Г. Ванек ва бошқалар маълумоти бўйича):  
1-нематоданинг кўриниши; 2 ва 3-заарланган пиёз тупининг кўриниши.

2. Уруғ ва қўқ пиёз учун экиладиган пиёз нематода ва бошқа зааркунандалардан ҳоли бўлиши керак, пайкалда аниқланган касал ўсимликлар йифиб олинади. 3. Иссиқхоналарда тупроқни соляризация усилида қизитиб заарсизлантириш. Экиладиган пиёзни 2 соат давомида 0,5% ли формалин эритмасида ушлаш.

**Пиёзнинг бошқа зааркунандалари.** Юқорида кўрсатиб ўтилган зааркунандалардан ташқари пиёзни ўсимта ва чиритувчи нематодалар, шиллик қуртлар, илдиз кемирувчи тунламларнинг қуртлари, қуйруқли бузоқ боши, ўргимчакана, ғовак ҳосил қилувчи пашшалар каби зааркунандалар шикастлаши мумкин.

### 7-боб. МАВАЛИ ДАРАХТ ВА ТОКЗОР ЗААРКУНАНДАЛАРИ

Маданий ўсимликлар орасида мевали боғ дараҳтлари турли зааркунандалар билан энг кўп шикастланади. Бунга асосий сабаб, узоқ вегетация ҳамда дараҳт танасининг нисбатан иириклигидир. Бу ерда озиқланиш жиҳатидан турли гуруҳ бўғимоёқли жониворларнинг намунала-рини учратиш мумкин: барг, новда, мева ва илдиз зааркунандалари. Умуман,

Ўзбекистон шароитида мевали дараҳтларда 300 дан ортиқ бўғимоёқли жониворлар озиқланади. Худудимизнинг иқлим шароити кескин континентал ҳисобланиб, ёзниг жазира маисиши қишининг нисбатан совуқ кунлари билан алмашиниши сабабли, айрим тропик иқлимга мослашган турлар яшай олмайди. Иккинчилари эса ўз ривожланишида албатта қишки нокулай шароитни бошдан кечириш учун мослашиб, диапауза даврини ўтайди. Уруғли (олма, нок, бехи) ва данакли (ўрик, шафтоли, олхўри, олча, гилос) мевали дараҳтларга зарар келтирувчи асосий зааркунандаларни озиқланиш турига қараб сўрувчи ва кемирувчи гурухларга ажратиш мумкин.

### *1. Сўрувчи зааркунандалар*

**Ширалар.** Тенг қанотлилар – *Homoptera* туркумининг ширалар – *Aphidinea* кенжা туркумига мансуб. Одатда ўсимликларнинг ўсиш нуқталарида ва баргларида яшовчи майда (0,5-8 мм) ҳашаротлар. Танаси тухум шаклида, овал ёки чўзиқроқ, елка томонидан бўртган. Танаси юмшоқ ва нозик, айримлари майнин кукун ёки оқ момик билан қопланган. Танасининг тузи кўкишдан кўнғир, хатто қорагача ўзгаради, айримлари қизғиши ёки оч сиёҳ рангда, одатда озиқланаётган муҳитга ўхшайди. Тухумлари ялтироқ қора, чўзиқ овал шаклда. Ширалар тўлиқ (бир уйли ёки икки уйли) ҳамда тўлиқсиз ривожланиши мумкин.

**Бир уйли доирада** ривожланганларининг тухумлари дараҳт новдаларида куртаклар атрофида қишлиб чиқади. Баҳорда тухумдан очиб чиққан личинкалардан тирик тугувчи она зотлар пайдо бўлади ва кеч кузга қадар шу ерда бўғин бериб ривожланади. Кузга бориб ширанинг амфигон (тухум қўядиган) бўғини пайдо бўлади. Популяциясида тухум қўядиган урғочи зот ҳамда қанотли ёки қанотсиз эркак зотлари пайдо бўлади ва урчиб қишлиб қоладиган тухум қўяди.

**Икки уйли доирада** ривожланадиган шираларнинг биологияси биринчиларга ўхшашиб, фақат булар ёз ойларида ўзга ўсимликларга учиб (кўчиб) ўтиб, у ерда турли паст бўйли


ўсимликларда ривожланишини давом эттиради. Кузга яқин яна қайтадан асосий озиқа манбаига (дараҳтга) учеб ўтиб, озиқлана бошлайди ва кеч кузда қишлийдиган тухум қолдиради.

**Тұлиқсиз** ривожланишда шираларда амфион, яъни жинсий күпайиш бўлмайди, улар факат партеногенетик – тирик туғиб ривожланади. Бундай шираларнинг личинка ва етук зотлари дараҳтларнинг илдизи яқинида қишлиб чиқади. Баҳорда яна ер юзига чиқиб дараҳт баргларига хуруж қилади. Дараҳтдан дараҳтга учеб ўтиши озиқа шароитининг ёмонлашгани туфайли юзага келади. Дараҳтларда яшовчи ширалар бир йилда 20-25 бўғин бериб күпайиши мумкин. Дараҳтларга ёпирилган муддатларига ҳамда зичлигига қараб ширалар дараҳтларни заифлашириб, унда иккиласмачи зараркунанда ва касалликлар пайдо бўлишига сабабчи бўлади, натижада мева хосили камайиши ва сифати эса ёмонлашиши мумкин. Бунга дараҳт турининг (навининг) бардошлилиги ҳам қисман сабабчи бўлади. Масалан, мевали дараҳтлар орасида ширага энг чидамсизи шафтолидир. Баҳорда шафтоли баргига тушган якка шира ҳам баргни буралиб, ранги ўзгариб мажмагил бўлиб қолиши ва куриб тўкилишига сабабчи бўлади.

**Олма шираси** (*Aphis pomi* Deg.). Олма, нок, беҳи ва бошқа дараҳтларга тушади. Кенг тарқалган тур бўлиб олма ўсадиган деярли барча ҳудудларда учрайди. Шира босган барг ва новдалар ўсишдан тўхтаб буралади, ҳатто қурийди.

**Таърифи.** Олма шираси яшил, баъзан сариқ-яшил бўлади. Қанотли зотларнинг ўрта ва орқа кўкраги ҳамда олдинги кўкрагининг ярми қора рангли, вояга етган ширанинг узунлиги 2 мм атрофида, қорин учи қорамтири, найчалари қора. Олма ширасининг шакли ноксимон бўлади (73-расм).

**Ҳаёт кечириши.** Ширалар дараҳтларнинг ёш шохларида тухум шаклида қишлиб чиқади. Баҳорда куртаклар ёзиладиган вақтгача тухумлардан личинкалар чиқади, улар аввал бўртган куртаклардаги ширани, кейинчалик барг ва гуллардаги ширани сўради.




73-расм. **Олма шираси:** 1,2 – қанотсиз етук зотлари,  
3 – олма баргларининг заарларини.

Бунинг натижасида барглар буралиб қолади. Шираларнинг етук зоти олма қийғос гуллаган вақтгача пайдо бўлади. Олма шираси мавсумда 15 та бўғин беради. Ҳар бир урғочи зот баҳорда 50 тагача, ёзда эса 20-30 тагача личинкани тирик туғади. Ёзниң жазирама кунлари шираларнинг умумий ривожи сусаяди, бунга табиий кушандалари (кокцинеллидлар, афидиидлар, олтинкўз ва б.) кўпайганлиги ҳам сабабчи бўлади. Ва ниҳоят, сентябрдан бошлаб олмада (айниқса ёш баргларида) олма шираси яна кўпая бошлайди. Охирги бўғинларида эркак ва урғочи зотлари пайдо бўлиб, қўйилган тухумлари қишлиб қолади.

**Қизил қон шираси** – *Eriosoma lanigerum* Hausm. Олманинг ашаддий заараркунандаларидан бири. У Ўзбекистондан ташқари барча қўшни мамлакатларда ҳамда бошқа давлатлар худудида кенг тарқалган.

**Таърифи.** Қизил қон ширасининг қанотсизи тўқ қизил

рангда, 2,1-2,6 мм келади. Бундай ширани эзиб юборилса қизил рангли қонсимон суюқлик чиқади, шунинг учун ҳам ушбу шира бу номга эга бўлган. Ширанинг усти мумсимон оқ момик ғубор билан қопланган бўлиб, бу уни аниқ белгилайдиган хусусиятидир. Бундай ғубор қанотли зотнинг фақат қорнининг охирида бўлади. Танаси цилиндр шаклида бўлиб, узунлиги 2,2 мм келади, боши, кўкраги ва оёқлари қора, қорни тўқ жигаррангда. Тухуми чўзинчоқ, 0,5 мм бўлиб, дастлаб зарғалдоқ рангда, кейинчалик қўнғир тусга киради (74-расм).



**74-расм. Қизил қон шираси:**

- 1 – қанотли ва қанотсиз етук зотлари,
- 2,3 – олма новдасини заарлаши ва унинг натижалари,
- 4 – олма дараҳт илдизини заарланиши.

**Ҳаёт кечириши.** Қизил қон шираси Ўрта Осиё шароитида

турли ёшдаги личинка ва етук зот шакларида олма дарахтларининг илдизлари, пўстлоқ ости ва йўғон шохларнинг асосида қишилайди. Март-апрел ойларида уйғониб, ҳаракат қила бошлайди. Дарахт танасининг нозик (очик) жойларига ёпишиб, тўда ҳосил қиласи. Бундай жойлар оқ пахта каби қоплама билан қоплангандай бўлиб туюлади. Қизил қон шираси мавсумда 15-16 та бўғин бериб ривожланади. Заарланган дарахт ва новдаларда ғурралар пайдо бўлиб, новда қийшяди ва ривожланишдан орқада қолади. Қизил қон ширасининг личинкалари тўрт марта пўст ташлаб ривожланади. Улар дарахтга ёпишиб олган жойидан кўчмай, бир жойда вояга етади. Май ойидан бошлаб қизил қон шираси колонияларида бошқа жойларга тарқаш учун қанотли зотлар пайдо бўла бошлайди. Лекин бу зааркунанда жойдан-жойга асосан кўчатлар билан тарқайди. Қизил қон ширасининг жуда самарали табиий кушандаси мавжуд. Бу – майда афелинус яйдоқчисидир (*Aphelinus mali* Hald.). Мазкур яйдоқчининг лабораторияларда кўпайтирилиб табиатни бойитишга қартилган усуллари яратилган ва фойдаси амалий тасдиқланган.

**Шафтоли ёки иссиқхона яшил шираси - *Myzodes persicae* Sulz.** Жуда кенг тарқалган ва ўта заарли тур хисобланади. Уни иссиқхоналардаги барча экинларда, мавсумда тамаки экинида, дарахтлардан эса шафтоли, ўрик каби данакли мевали ўсимликларда кўплаб учратиш мумкин.

**Таърифи.** Қанотсиз шафтоли ширасининг катталиги 1,4-2,5 мм бўлиб, ранги сарик-яшил ёки яшил, мўйловлари қорайган, шира найчаларининг юкори ярми бирмунча кенг. Қанотли зотларнинг катталиги 1,4-2,0 мм бўлиб, ранги яшил, кўндаланг тўқ яшил йўллари мавжуд, баъзан бу йўллар битта умумий доф бўлиб кўринади. Шира найчалари қора, цилиндр шаклида, баъзан бир оз қаппайиб туради, тухуми қора, овал шаклда.

**Хаёт кечириши.** Шафтоли ёки иссиқхона шираси шартли равишда (факультатив) миграция қиласидан турларга киради. Яъни, ёзда оралиқ ўсимликларга кўчиб ўтиб, баҳор ва кузда асосий экинларда ривожланади. Март ойида экинларда пайдо бўлиб, апрелда қанотлилари чиқади. Дарахтлардан айниқса

шафтолига қаттиқ заарар етказади. Октябр-ноябрда жинсли зотлари пайдо бўлиб, урғочиси тухум кўяди. Тухумлари қишилаб қолади. Иссиқхоналарда эса тухумсиз, яъни личинка ва етук зотлари қиши мобайнида ривожланишни тирик туғиб давом эттиради.

**Зарари.** Бу ширанинг зарари турли экинларда турлича намоён бўлади. Масалан, июнда Ургут туманидаги тамаки баргларининг ҳар бирида минглаб шира зотларини учратиш мумкин. Аммо барги буралмайди, ҳатто сезиларли даражада сарғаймайди ҳам. Лекин бундай баргдан олинган тамакининг чекиш хусусиятлари ёмонлашади (Курбатова, 1988). Шафтоли эса бу шира таъсирида тезда баргини бураб олади, у сарғаяди ва қуриб тўкилади. Қаттиқ шикастланган шафтоли кўчати ҳатто қуриб қолади. Маданий экинларда мазкур шира бир йилда 10-12 бўғин беради.

**Катта шафтоли тана шираси** – *Pterochloroides persicae* Chol. Кенг тарқалган турлардан бўлиб, асосан шафтолининг танаси ва йўғон новдаларига ёпишиб сўриб, катта заарар етказади. Баъзан ўриқ, олхўри ва бошқа дарахтларга ҳам, унча аҳамиятли бўлмасада заарар етказиши мумкин.

**Таърифи.** Бу шира ўзига хос хусусиятларга эга, уни аниқлаш қийинчилик туғдирмайди. У нисбатан йирик ҳашарот бўлиб, узунлиги 4 мм, йўғонлиги 2 мм келади, танаси нок шаклида бўлиб, личинкаси чўзинчоқ, қанотли зотнинг қорни юқоридан яссиланган. Етук зотларининг ранги қорамтири-кулранг, қора доғчаларга эга. Бу ширада найчалар ўрнига 2 та думбоқчиши ривожланган. Тухуми қора ва ялтироқ, 1,5 мм келади.

**Хаёт кечириши.** Катта шафтоли тана шираси (75-расм) тухумлик шаклида дарахт пўстлоқларида қишилаб чиқади. Март ойида тухумдан очиб чиқкан личинкалар озиқлана бошлиди, тўрт марта пўст ташлаб етук зотга айланади. Сўнгра тирик туғиб кўпая бошлиди ва кеч кузгача 11-12 бўғин бергач, яна эркак зоти пайдо бўлади ва амфигон (айрим жинсли) урчиш оқибатида ўрта ҳисобда ҳар 1 зот 14-15 та тухум кўяди.



75-расм. Катта шофтоли шираси:  
дараҳт танасига ёпишган ширалар (август-сентябр).

**Зарари.** Катта шофтоли тана ширасининг ўзи ва зарари айниқса август-октябр ойларида кучли намоён бўлади. Зарапланган шофтоли дараҳтларининг ости чиқинди суюқлик чиқиши окибатида қорайиб қолади, дараҳт эса заифлашади, кечки ҳосил камаяди, дараҳт совуққа чидамсиз бўлиб қолади, келгуси йили ҳосили камайиб, иккиламчи заарарқунандаларга (пўстлоқ ости заарарқунандалари – заболонниклар) бардошсиз бўлиб қолади. Окибатда шоҳ ва дараҳт қурийди.

**Шираларга қарши кураши чоралари.** Шираларга қарши ўтказиладиган кураш чоралари бир-бирига ўхашаш. Уларни қуидагича мужассамлаштириш мумкин. 1. Олдини олиш учун ташкилий-хўжалик, механик, агротехник ва кимёвий чоралар. Кимёвий усул сифатида кеч куз ёки февралнинг охири-мартда (куртак барг ёзмасидан олдин) препарат № 30 ёрдамида ёппасига ишлов бериш назарда тутилади. 2. Биологик усулни авж олдириш. Бунинг учун табиатдаги афидофаглар учун қулай шароитлар яратиш, олтинкўз ва хонқизини кўпайтириб стацияларга тарқатиш, хавфсиз инсектицидлар ишлатиш. 3. Зарурат туғилганда 12-жадвалда келтирилган инсектицидларни қўллаш лозим.

Боғ дараҳтларини қимоя қилиш учун рухсат этилган инсектицид ва  
акарицидлар рўйхати («Рўйхат, 2010» дан олинди)

№	Тавсия этилган препаратларнинг номи	Сарф-мөъёри л/га	Зааркунанданинг номи	Неча марта ишлатиш мумкин	Кутиш муддати, кун
1.	Аваунт,15% сус.к	0,35	Олма меваҳўри	2	30
2.	Арриво,25% эм.к. (циракс ва б.)	0,16-0,32	Олма меваҳўри ва б. куртлар	3	25
3.	Бензофосфат, 30% н.кук.	2,3-4,6	Барча заар-далар	2	30
4.	Бульдок 12,5%сус.к.	0,08-0,1	Олма меваҳўри	2	30
5.	Гризли,36% эм.к.	0,25-0,4	Каналар	1	30
6.	Данадим,40% эм.к. (БИ-58)	0,8-2,0	Барча зараркунданалар	2	40
7.	Данитол,10% эм.к.	1,5	Барча заар-далар	1	30
8.	Конфидор,20% эм.к.	0,15-0,25	Сўрувчи хашиб-лар	2	20
9.	Калипсо,48% сус.к.	0,1-0,15	Сўрувчи ва кеми-рувчи хашиботлар	2	30
10.	Каратэ,5% эм.к. (кураш)	0,4-0,8	Барча зараркунданалар	2	20
11.	Карбофос,50% эм.к. (фуфанон,57% эм.к.)	3,0	Барча зараркунданалар	2	20
12.	Кинмикс,5% эм.к.	0,3	Кемириувчи ва сў-рувчи хашиботлар	2	30
13.	Люметрин,12% эм.к.	0,25-0,4	Барча заар-далар	2	40
14.	Митак,20% эм.к.	3-6	Барча заар-далар	2	30
15.	Неорон,50% эм.к.	1,5-3	Каналар	1	45
16.	Нискоран,5% эм.к.	0,6	Каналар	1	30
17.	Нискоран,10% н.кук.	0,3	Каналар	1	30
18.	Нурелл-Д,55% эм.к. Тагрелл-Д, циперфос, урелл-Д)	1,0	Барча зараркунданалар	2	40
19.	Омайт, 57% эм.к.	1,5-3	Каналар	1	45
20.	Пиринекс,40,8% эм.к.	1,5-2	Барча заар-далар	2	40
21.	Препарат №30,76% н.м.э.	40-100	Барча зараркунданалар	1	-
22.	Суми-альфа,5% эм.к.	0,5-1	Барча заарли хашиботлар	1	30
23.	Талстар,10% эм.к.	0,4-0,6	Барча заар-далар	2	30
24.	Фенкилл,20% эм.к.	0,3-1	Барча заарли хашиботлар	2	30
25.	Фьюри,10% с.э.к.	0,25	Барча заарли хашиботлар	2	25
26.	Адмирал,10% эм.к.	0,5	Бинафша ранг калкондор	1	30

**Ўргимчакканалар.** Мевали дараҳтларга ўргимчакканаларнинг кўплаб турлари зарар етказиши мумкин. Тузилиши ва хаёт кечириши бўйича улар 2 оиласа бўлинган. Биринчилари 4 жуфт оёқли каналар бўлиб, тетраних (*Tetranychidae*) оиласи, иккинчилари 2 жуфт оёқли каналарга (*Eriophyidae* оиласи) мансубдир.

Тетранихид каналар нисбатан иирикроқ мавжудодлар бўлиб, етук зотларининг бўйи 300-800 мкм (микрон) келади, 2 жуфт оёқлилари эса жуда майда, кўз билан кўриб бўлмайди. Уларнинг катталиги 150-300 мкм бўлиб, факат 15-20 марта катталаштириб қарагандагина кўриш мумкин.

Ўзбекистонда тетранихид каналардан мевали дараҳтларда куйидаги турлар учрайди: *оддий ўргимчакканা, дўланана канаси, боғ ўргимчакканаси* ва бошқалар. Икки жуфт оёқли каналардан эса куйидаги турлар учрайди: *шиши ҳосил қилувчи нок канаси* ҳамда *олма занг канаси*. Булардан ташқари, қўшини давлатларда бир қатор бошқа турлари бор, улар Ўзбекистонга ҳам келиши мумкин: *шафтоли барг канаси* (*Aculus cornutus* Banks), *нок занг канаси* (*Epitrimerus pyri* Nal.), *шиши ҳосил қилувчи олхўри канаси* (*Acalitus phloeoecoptes* Nal.) ва бошқалар.

**Оддий ўргимчакканা** – *Tetranychus urticae* Koch. Ҳамма ерда учрайдиган ҳаммахўр зааркунанда. У кўпгина паст бўйли ўсимликлардан (ғўза ва бошқа экинлар) ташқари жуда қўп турли дараҳтларни ҳам заарлайди. Дараҳтлардан айниқса олма, гилос, олча ва олхўри дараҳтларини кўп заарлайди. Бу зааркунанданинг таърифи ва ҳаёт кечириши II қисмнинг 2-бобида батафсил келтирилган.


**Ривожланиши хусусиятлари.** Оддий ўргимчакканана боғларда якка яшамайди – у бир қатор бошқа турлар (*дўланана канаси* ҳамда *боғ ўргимчакканаси*) билан араласиб ҳаёт кечиради. Уларнинг ҳаммаси оталангтан ургочи зот шаклида қишлиб чиқади. Баҳорда олма дараҳтлари гуллаб бўлган даврда уйқудан чиқиб янги баргларнинг остки тарафига тухум қўйишни ва ривожланишни бошлайди. Мавсумда 11-13 бўғин

беради. Кузда кунлар қисқарыб ҳаво ҳарорати пасайиши билан ва озиқа манбаи ёмонлашгач, секин-аста қүнғир ва қизил тусли кана зотлари пайдо бўла бошлайди ва қишлишга кетади.

**Зарари.** Ўргимчакканалар билан заарланган дараҳт июл-август ойларида кўпинча баргиз ҳолатга келиб қолиши мумкин, чунки заарланиш оқибатида барглар сарғайиб тўкилиб кетади, умуман дараҳт қийналиб, ҳосили майда, сифатсиз ва кам бўлиб қолади, ҳосилдорлик 35-70% гача камайиши мумкин.

**Дўлана канаси** – *Amphitetranychus viennensis* Zacher. Унинг ҳаёти ҳам оддий ўргимчакканага ўхшаш, аммо у кўпроқ дараҳтларда яшайди (олма, нок, олхўри, гилос, олча, шафтоли, ўрик), ғўзани умуман шикастламайди.

**Таърифи.** У йирикроқ (550 x 300 мкм) кана бўлиб, ранги тўқ қизил. Елка томонида 6 қаторда тарам-тарам бўлиб 12 жуфт майда тукчалар кичикроқ чукурчаларда жойлашган (76-расм). Юмалоқ (150 мкм) тиник тухумлари ўргимчак ипларига осилган бўлади.



76-расм. 1,2 - дўлана канасининг морфологик тузилиши,  
3- заарланган олма барги.

**Ҳаёт кечириши.** Оталangan урғочи зоти ўсимлик қолдиқлари ҳамда пўстлоқлар орасида қишлиб чиқади. Бир йилда 7-9 та бўғин беради. Битта урғочи зот 40 кунга яқин яшаб, шу даврда 150-160 та тухум қолдиради. Зааркунанданинг энг кўп

сони июл-август ойларида кузатилади, ҳаво ҳарорати  $15^0$  дан пасайиши билан қишлоға тайёргарлик күради.

**Зарари.** Дўлана канасининг зарари ёлғиз ўзи шикастлаганды ёки бошқа турлар билан биргаликда ифодаланганда айниқса олмада кучли намоён бўлиб, ўргимчакканаларга хос ҳолда ўтади.

**Боғ ўргимчакканаси** – *Schizotetranychus pruni* Oudms. Ҳаммахўр, аммо олма, гилос, олча, олхўри ҳамда ток баргларини кучлироқ заарлайди. Жанубий Қозоғистон, Кавказ орти ва Ўрта Осиё давлатлари худудларида тарқалган.

**Таърифи.** Бирмунча майдароқ (400x200 мкм), чўзилган тур бўлиб, ранги ёзда – яшил-сариқ, қишлийдигани эса тўқ сариқдан қизифишгача, елкасида 13 жуфт тукчалари кўндаланг қаторларда жойлашган. Тухуми юмалоқ (110 мкм), тиник, лойқа-сариқ тусда.

**Хаёт кечириши.** Оталанган урғочи зотлари дарахт пўстлоқларида қишлиб чиқади. Баҳорда дарахт барглари ёзила бошлиши билан уйқудан чиқиб қўшимча озиқланади. Қолган умри (40-60 кун) ичида жами ўртacha 50 дона тухум кўяди ва янги бўғинни бошлаб беради. Бир мавсумда 7-10 та бўғин бериб ривожланади. Қишлишга кетиш августдан бошланиб, 2-2,5 ой давом этади.

**Шиш қўзғатувчи нок канаси** – *Eriophyes pyri* Pagst. Тўрт оёқли каналарнинг *Eriophyidae* оиласига мансуб. Нок, олма, беҳи, дўлана ва бошқа дарахтлар билан озиқланади. Ўрта Осиё, Қозоғистон, Сибир, Фарбий Европа, Африка, Австралия ва бошқа нок етиштирувчи жойларда учрайди.

**Таърифи.** Нок канаси жуда майдада, узунлиги 230 мкм келади (лупасиз қўринмайди), танаси чувалчангсимон чўзиқ, қорнида кўндаланг эгатлар, орқа томонида қатор-қатор дўмбоқчалар бор.

**Хаёт кечириши.** Нок канаси етук зот шаклида куртаклар ёнида ёки пўстлоғи остида тўпланиб қишлиб чиқади. Март-апрел ойларида ҳаво ҳарорати  $10^0$  дан ошганда чиқиб озиқлана бошлайди. Янги уна бошлаган куртак баргларини сўриши натижасида баргларнинг юқори томони қавариб, остки

томонида 2-3 мм ли галл (шиш) ҳосил бўлади. Шишларнинг ичи ковак бўлиб, баргнинг ички томонидаги кичкина юмалоқ тешик ёрдамида ташқарига туташади. Каналар галлнинг ичидаги озиқланиб кўпаяди. Келгусида майда галлар қўшилиб, ўзига хос қора доғлар ҳосил қиласди. Нок канаси мавсумда 4-5 та бўғин бериб кўпаяди. Кана популяциясида эркак зотлари кузга томон кўпая боради ва августга бориб умумий сонига нисбатан 14-20% ни ташкил этади (Васильев, Лившиц, 1984).

**Зарари.** Шиш ҳосил қилувчи нок канасининг заари туфайли дараҳт барглари ва меваларининг кўп қисми етилмасдан тўқилиб кетади. Ҳосилдорлик баъзан ярмига камайиб кетиши мумкин.

**Ўргимчакканаларга қарши қураши усуллари.** 1. Олдини олиш тадбирлари (агротехник тадбирлар). 2. Дараҳтларни соғлом ва бақувват қилиб ўстириш. 3. Каналар кўпая бошлиган даврда ниссоран каби таъсир этиш хусусиятига эга препаратларни, қийғос кўпайганида эса данадим, бензофосфат, каратэ, талстар, омайт, неорон каби инсектоакарицид ёки акарицид ларқўлланилади (12-жадвал).

**Кокцидлар.** Тенг қанотлилар – *Homoptera* туркумининг кокцидлар – *Coccoidea* кенжা туркумига мансуб. Мевали дараҳтларга асосан 3 та оиласа мансуб турлари зарар келтириши мумкин: қалқондорлар (*Diaspididae*), сохта қалқондорлар (*Coccidae*) ва мумғубор қуртлар – червецлар (*Pseudococcidae* оиласи).

Ушбу майда (0,5-3 мм) ҳашаротларда жинсий фарқланиш (диморфизм) кучли намоён бўлган. Урғочилари қанотсиз, оёқ ва мўйловлари жуда қисқариб кетган, елка томонидан мум билан қопланиб қаттиқлашган. Эркаклари эса ҳашаротларга хос барча қисмларга эга: яхши учади, озиқланмайди, қисқа умр кўради (бир неча соатдан 1-3 кунгача). Бу зот ўз вазифасини бажаришгагина мўлжалланган.

Биринчи ёш личинкалари («дайдилар») қалқон тагидан чиқиб дараҳт бўйлаб тарқаб кетади, қулай жой топгач, бир ерга ёпишиб, ривожини шу ерда тугатади. Улар 2-3 марта пўст ташлаб, урғочи етук зотга айланади, эркаклари эса 4 марта

пўст ташлайди. Дараҳт пўстлоғини ва баргларини санчиб-сўриб заифлаштиради. Натижада барглар сарғайиб тўқилади, мева майда ва таъмсиз бўлиб қолади. Дараҳтда кокцидлар борлигини новдаларни елим билан қопланганидан, чумоли кўплигидан ҳамда дараҳт остидаги ер елимланишидан билиш мумкин. Ўзбекистонда кокцидларнинг қўплаб турлари учрайди, аммо амалий аҳамиятга эга ва кенг тарқалган турлари унча кўп эмас.

**Олма вергулсимон қалқондори – *Lepidosaphes ulmi* L.**  
Жуда кенг тарқалган, терак, тол, атиргул, барча мевали дараҳтлар ва олмани кўпроқ заарлайди. Вергулсимон қалқондорнинг узунлиги 1-3 мм келади (77-расм). Урғочисининг танаси чўзик, орқа учи кенгайган, ранги оқимтир-кулранг, эркаги майдароқ. Тухуми оқ, овал шаклда.



77-расм. Қалқондор турлари (Г. Ванек ва б. маълумоти бўйича):  
За-олма вергулсимон қалқондори; 1а-калифорния қалқондори; 2а-сохта  
калифорния қалқондори; 1с-қалқондорлар билан шикастланган олманинг  
кўриниши.

**Хаёт кечириши.** Вергулсимон қалқондор ўлган она қалқони остида тухум шаклида қишлиб чиқади. Баҳорда ҳаво ҳарорати  $8\text{--}9^\circ$  дан ошганда тухумлардан личинкалар очиб чиқиб, дараҳт бўйича ҳаракат қилади, нозик ерини топгач, санчиб оғиз найчаларини тўқима ичига жойлаштиради ва ортиқча ҳаракатланмай ривожланаверади. У 15-20 кунда 1-ёшини, 20-30 кунда 2-ёшини ўтаб, урғочи зотга айланади. Личинкалари ривожланиш давомида устидан махсус моддалар ажратиб ўзини ҳимоя қиласиган оқиш қоплама ҳосил қиласи. Қоплама сонига қараб зааркунанданинг зичлигини аниқлаш мумкин. Жуда қўпайиб кетган пайтларда новданинг ҳар  $1\text{ cm}^2$  да 50 тадан ортиқ қалқон мавжуд бўлади. Кузга бориб эркак зотлари пайдо бўлади, урчигач урғочи зот 50 тадан 100 та гача қишлийдиган тухум қўяди ва ўлади. Ўзбекистон шароитида мавсумда 2 марта бўғин бериши мумкин, одатда эса бир марта.

**Гунафша рангли қалқондор – *Parlatoria oleae* Colvее.** Барча мевали дараҳтларни шикастлайди. Барг ва новдасидан ташқари меваларни санчиб сўради. Бунинг натижасида мевада (масалан, олмада) бинафша рангли юмалоқ излар пайдо бўлади, махсулот сифати ва кўриниши бузилади.

**Таърифи.** Бинафша ранг қанқондор майдага ҳашарот ( $1\text{--}1,3$  мм). Унинг урғочиси бешбурчак шаклида, семиз, бинафша рангида, қалқони ( $2\text{--}2,5$  мм) оқ ёки кулранг. Эркак зоти майдароқ ( $1$  мм), шакли чўзиқроқ, ранги оқиш, ўртасида доғи бор.

**Хаёт кечириши.** Оталанган урғочи зот қалқон тагида қишлиб чиқади. Совукқа чидамсиз:  $-15^\circ$  да қирилиб кетади. Баҳорда (март-апрел) урғочи зот қалқон остида тухум қўйишга киришади, 70 тагача тухум қўяди, 5-13 кундан кейин личинкалар (дайди) очиб дараҳт бўйича тарқаб кетади ва қулай жой танлагач, ёпишиб олади. Мавсум мобайнида 2 бўғин беради. Сентябр-октябрда оталанган урғочи зот қалқон остида қишлиб қолади. Қаттиқ заарланган дараҳтларда олма ҳосили 35-38% гача камаяди, мева сифати эса (доғлар оқибатида) пасайиб кетади.

**Калифорния қалқондори** – *Diaspidiotus perniciosus* Comst. Ташқи карантин обьекти ҳисобланади. Ўзбекистонга кириб қолиши мумкин бўлган бу обьект жуда хавфли бўлиб, 150 дан ортиқ дараҳт ва манзарали экинларда учрайди. Унинг ватани шимолий-шарқий Хитой бўлиб, у ердан Америка қитъасига, у ердан эса 1930 йилларда Европа мамлакатларига келиб қолган. Ҳозир бу ҳашарот кўшни давлатлардан Туркманистон ва Тожикистон ҳамда Кавказ, Украина, Молдавияда учрайди.

**Таърифи.** Ургочи зотининг ранги лимон каби сарик, шакли ноксимон, узунлиги 1,3 мм, қўзи, оёғи ва мўйлови йўқ. Қалқони юмалоқ, ўлчами 2 мм, бўртган, ранги қорамтири ёки кўнгир, ўртасида 2 та личинка пўстининг изи бор.

**Ҳаёт кечириши.** Биринчи ёш личинкалари қалқон остида қишлиб чиқади. Булар одатдаги 1-ёш личинкалардан фарқ қилиб, йирикроқ қалқон билан (2-2,5 марта катта) қопланган. Совук тушиши билан қолганлари (етук зот ва 2-ёш личинкалари) ўлиб кетади. Февралнинг охирларида уйкудаги личинка иккинчи ёшга ўта бошлайди. Лекин қиши пайтида 20-50% личинкалар ўлиб кетади. Дараҳтлар кўкара бошлаши билан личинкалар озиқланиши бошлайди ва 2 марта пўст ташлаб жинсий етук ургочи ва эркак зотларга айланади. Эркак ва ургочи зотларнинг нисбати ўртacha бирга-бир тўғри келади.


Иккинчи бўғин учун урчиган ургочи зот 1 ойча етилгач, тирик туға бошлайди. Бошқача қилиб айтганда, личинкалар она танасида туғилишдан олдин тухумдан очиб чиқкан бўлади. Булар ҳам дараҳт бўйлаб тарқаб кетиб янги бўғинни бошлаб беради. Ўзбекистон шароитида калифорния қалқондори мавсумда 4-5 та бўғин бериши мумкин, У Тожикистон ва Озарбайжон шароитида 4 та бўғин беради (Васильев, Лившиц, 1984). Ҳар қайси бўғин личинкаларидан бир қисми қишлишга қолади. Ва ниҳоят, охирги авлодининг 1-ёш личинкалари маҳсус тайёргарлик кўриб, она қалқони остида қишлиб қолади. Аммо, шароит мавжуд бўлса (иссиқхона ва бошқа хонадонлардаги ўсимликлар) калифорния қалқондори йил мобайнида тинмай ривожланиши мумкин. Калифорния қал-

қондори асосан кўчатларда жойдан-жойга тарқалиши мумкин. Заарланган мевада савдо йўллари билан ҳам тарқалиш имкониятига эга.

**Акация сохта қалқондори** – *Parthenolecanium corni* Bouche. Ҳаммахўр кенг тарқалган ҳашарот. Барча мевали ва манзарали дараҳтларни ҳамда кўп йиллик ўтларни заарлаши мумкин. Ўзбекистонда сохта қалқондорлар орасида асосийларидан ҳисобланади (Холмуратов, 1998).

**Таърифи.** Нисбатан йирик ҳашарот – урғочи зотнинг узунлиги 3,6-6 мм, кенглиги 2-5 мм, баландлиги 4 мм. Ранги тўқ сариқдан қизғиши-қўнғир тусгача. Эркагининг узунлиги 1,4-1,6 мм, чўзиқ ингичка, бош, кўкрак ва қорни ажралиб туради, 1 жуфт қанотлари мавжуд, оёқлари ҳамда 10 бўғинли сариқ мўйловлари бор, қорнининг охирида 2 та танасидан узун туклари бор. Янги қўйилган тухумлари ок, овал шаклда, 0,175-0,275 мм келади. Личинкалари: 1-ёши кенг, оч сариқ тусда; 2-ёши қизил-қўнғир тусда; 3-ёши йирик қалқонга эга, ранги қизғиши-қўнғир тусда (78-расм).

**Ҳаёт кечириши.** Акация сохта қалқондорининг 2-ёшдаги личинкалари дараҳтларнинг турли пана жойларида (пўстлоғининг ост томони, пўстлоқ ёриқлари, новда айрилган жойлар ва ерга яқин йиғилиб) қишлиб чиқадилар. Одатда уларнинг ярмидан қўпи қиши мобайнида ўлиб кетади. Баҳорда (март-апрел) кун етарлича исиши билан личинкалар қўзғалиб, ёш новдаларга кўчиб ўтиб ривожини бошлайди. Апрелда личинкалар яна бир пўст ташлаб етук урғочи зотга айланади ва 15-18 кундан кейин вояга етиб тухум қўйишга киришади. Тухумни ўзининг қалқони тагига қўяди. Кўйган тухум сони ўзгарувчан кўрсаткич: олмада – 1214 та, олхўрида 544 – 1638 та, тутда – 1450 та, акацияда – 853-2218 та гача. 15-20 кундан кейин тухумлардан личинкалар очиб чиқа бошлайди. Бу пайтда (айниқса иссиқ ҳаво ва паст намлиқ шароитида) қўплаб личинкалар кирилиб кетади. Қолганлари она қалқонининг четидан ташқарига чиқиб дараҳт бўйлаб тарқалади ва асосан баргларни ишғол этади.



78-расм. **Ақация сохта қалқондори** (Г. Ванек ва б. маълумоти бўйича):  
а-эркак зот; б-етук урғочи зот; с-биринчи ёш «дайди» личинкаси; д ва е-  
иккинчи ва учинчи ёш личинкалари; ф ва г-калқондор билан заарланган  
турли дараҳт новдалари.

Шунинг учун уларни «дайди» личинка деб ҳам аталади. Озиқланиб бўлгач, улар ҳам етук урғочи зотга айланади ва янги бўғинни бошлаб беради. Ўзбекистон шароитида мавсумда 2-3 бўғин бериб ривожланади. Охирги бўғинининг личинкалари дараҳтнинг новдалари ва шоҳларини ишғол этади.

Ўзбекистоннинг жанубий ҳудудларида Х.Х. Холмуратов (1998) томонидан сохта қалқондорлар таркибида текинхўрлик қилувчи 8 та кушандা тури аниқланган. Булар орасида айникса *Coccophagus licimnia* Walk., *Microterus sylvius* Dalm. ва иккиламчи текинхўр *Cheiloneurus claviger* Thoms. нинг аҳамияти каттадир. Сурхондарё вилоятининг қўпгина туманларида халцид *Ch.claviger* билан 1992-1995 йиллари заарланган сохта қалқондорларнинг сони 18-31% ни ташкил қилган.

Жуда камдан-кам сохта қалқондорлар орасида **червец-**

**қуртлар** тунламини учратиш мумкин. Бу тунламнинг қуртла-ри йиртқичлик қилиб, қалқондор личинкаларини териб ейди (Поспелов, 1989). Бу тунлам намоёндасини биз Фарғона вилоятининг Боғодод туман хўжаликларида 2005 йили учрат-ган эдик.

**Олхўри соҳта қалқондори** – *Sphaerolecanium prunastri* Fonsc. Айниқса олхўри, шафтоли каби данакли мева дараҳтла-рига қаттиқ зарап етказади. Уни ватанимизнинг барча худуд-ларида учратиш мумкин. Бу зааркунанда тушган дараҳт ҳимояланмаса 2-3 йилда қуриб қолиши мумкин (79-расм.).

**Таърифи.** Урғочи зотнинг қалқони ярим шар шаклида бўртган, қўнғир-қора тусда. Танасининг узунлиги 3-3,5 мм, кенглиги 2,7-3,2 мм келади. Эркаги шакли бўйича кескин фарқ қиласиди. Биринчи ёш личинкалари овал шаклида чўзиқ, сариқ ёки қизғиши тусда, мўйлови 6 бўғинли, танасининг четида 13 жуфт тукчалари мавжуд, узунлиги 0,45 мм, кенглиги 0,2 мм. Иккинчи ёш личинкаларининг усти юпқа, тиниқ мум чанги билан қопланган, тана четида 19 жуфт тукчалари бор, узунлиги 1-2 мм.

**Ҳаёт кечириши.** Иккинчи ёш личинкалари дараҳт пўсти-га ёпишиб қишлиб чиқади. Баҳорда ҳаво ҳарорати 6-7° га этиши билан ҳаракатга тушган личинкалар қулай очиқ жой топиб озиқлана бошлади. Етук урғочи зотлари май ойида пайдо бўлади ва урчиб ёки урчимасдан (партеногенез) тухум қўйишга киришади. Тухумни ўзининг қалқони тагига қўяди, бу давр 16-20 кунни эгаллади. Битта урғочи зот 2 ой мобай-нида 696 донагача тухум қўйиши мумкин (Жоржолиани, 1991). X.Холмуратовнинг (1998) кўрсатишича, Ўзбекистон шароитларида олхўри соҳта қалқондорининг ҳар бир урғочи зоти 500 дан 2000 тагача тухум қўйиши мумкин. Муаллиф-нинг кўрсатишича, зааркунанданинг иккинчи бўғин личинка-лари август охирида чиқади ва 2-ёши қишлоғга тайёргарлик қўради. Олхўри соҳта қалқондорида текинхўрлик қиладиган кушандалар учраб туради.



1



2



3



4



5



6

**79-расм. Олхўри сохта қалқондори шофтоли дарахтида:**

1,2 – новда устидаги етук зотлари, 3-6 – қалқондорлар билан озиқланадиган ягона тунлам тури: курти (3,4), ғумбак ва капалаклари.

Масалан, 2004-2006 йиллари Фарғона вилоятининг Боғдод тумани хўжаликларида шафтоли, гирос, олхўри, олчада кучли ривожланган олхўри сохта қалқондори 2007 йилга келиб табиий қирилиб, дарахтлар тоза бўлиб қолган.

Х. Холмуратовнинг (1998) таъкидлашича, Ўзбекистонда яна бир тур – шафтоли сохта қалқондори – *Parthenolecanium persicae* F. ҳам кенг тарқалган бўлиб, муайян даражада дарахтларга зарап етказиб туради.

**Комсток қурти** – *Pseudococcus comstocki* Kuw. Тенг қанотлилар туркумининг, кокцидлар – *Coccinea* кенжаси туркумига мансуб. Кенг тарқалган, ҳаммаҳўр ҳашарот. Уни деярли барча мевали ва манзарали дарахт, дарахтсизон ўсимликлар ҳамда айрим ўтсизон ўсимликларда (ҳатто тут қаторларига яқин жойларда ғўзада ҳам) учратиш мумкин. Мевали дарахтлардан анор, олма, нок, шафтоли, шунингдек тутларни қаттиқ зарарлайди.

**Таърифи.** Эркак ва урғочи зотлари ташқи тузилиши бўйича кескин фарқланади. Урғочиси ясси шаклли, қанотсиз, кам ҳаракат бўлса, эркаги 1 жуфт қанотли, серҳаракат, ранги қизғиш-жигарранг тусда, узунлиги 1-1,5 мм, мўйловлари 10 бўғинли.

Урғочисининг узунлиги 3-4 мм дан 5-6 мм гача. Танаси оқ мумсизон қипик билан қопланганигидан оқ бўлиб кўзга ташланади. Танасининг четларида 17 жуфт ўсимталар мавжуд. Булардан охирги 2 таси танасининг ярмича келади. Тухумининг узунлиги 0,3 мм, бир томонидан торайган овал шаклда. Ранги сариқ-зарғалдоқ бўлиб, юпқа оқ гард билан қопланган. Личинкалари биринчи ёшда 0,45 мм келади, овал шаклда, у тезда оқ ғуборга ўралади, иккита думчага эга, ёнида ўсимталари йўқ. Иккинчи ёш личинкаларининг (1 мм) 6 бўғинли мўйлови бор. Учинчи ёшда (1,7 мм) мўйлови 7 бўғинли, ёнларида 16 жуфт ўсиғи ҳам билиниб туради.

**Ҳаёт кечириши.** Комсток қурти турли жойларда: дарахт, узум пўстлоқларининг ости, илдиз атрофлари, хазон ораси, девор ёриклирида тухумлик шаклида қишлиб чиқади. Урғочи зот тухум қўйиш пайтида мумсизон оқ пар (овисак) чиқариб, ичига жойлаштиради. Қолган шакллари (личинка, етук зот) қиши пайтида ўлиб кетади. Қишида тухумларининг ҳам кўп қисми ўлиб кетиши мумкин. Баҳорда (март-апрел) тухумлардан личинкалар очиб чиқиб дарахт танаси бўйлаб ҳаракат

қилади ва қулай жой танлагач, уни санчиб сўришга киришади.

Комсток қурти харакатланиб узокқа кўчиб ўта олмайди. У асосан турли нофаол йўллар билан: қўчат ва меваларнинг устида, сув оқими, қишлоқ хўжалигига ишлатиладиган асбобускуна, кийимкечак каби воситалар орқали жойдан-жойга кўчиб ўтиши мумкин.

Уч ёшни бошдан кечиргач, комсток қурти етук зотга айланади ва 10-30 кунлардан кейин тухум қўйишга киришади. Ҳар бир зот қўйган тухум сони биринчи бўғинида (250 тадан 650 тагача) энг кўп бўлади. Ўзбекистон шароитида Комсток қурти мавсумда 3-4 бўғин бериб ривожланади.

Комсток қуртининг ихтисослашган кушандаларига илк бор чет элдан интродукция қилинган псевдафикус (*Pseudaphis malinus* Gah.) ички паразити, ҳаммахўр олтинкўз личинкалари ва «ҳон қизи» – кокцинеллидларни (қўнғизи ва личинкалари) киритиш мумкин.

**Зарари.** Комсток қурти маданий ва ёввойи ўсимликларнинг 300 дан кўп турини заарлаши мумкин. У ўсимликларнинг барча қисмини (мевасини, ҳатто илдизини ҳам) шикастлайди. Куртлари одатда баргнинг орқа томонидаги томирлар бўйлаб озиқланади. Куртнинг зааридан ўсимлик барглари сарфайиб қурийди, новдалари қінғир-қийшиқ бўлиб қолади, дараҳт танаси, илдизлари ва шохларида шиш ва ёриқлар ҳосил бўлади. Бундай дараҳт заифлашиб, иккиламчи (пўстлокхўр) зааркунандалар билан тезроқ заарланади. Меваларнинг сифати ёмонлашиб, дараҳт ҳосилдорлиги пасайиб кетади.

**Кураш чоралари.** 1. Комсток қурти ички карантин обьекти ҳисобланади, бу соҳада назарда тутилган амалий тадбирларга қатъий риоя қилиш зарур. 2. Ташкилий-хўжалик, агротехник, биологик ва кимёвий усуллар ёрдамида заарланган дараҳтлардаги комсток қурти зичлигини камайтириш, унинг кейинчалик ривожланиши учун нокулай шароит яратиш ва тўғридан-тўғри дараҳт ва мевани ҳимоя қилиш тадбирларини амалга ошириш лозим. 3. Биологик кураш сифатида

псевдафикусни лаборатория ва дала шароитларида кўпайтириш мумкин. Бунинг учун кузда мумиялашган комсток қуртларини табиатда йифиштириб олиб, лабораторияга олиб келинади ва совутгичларда -3 дан +6° гача бўлган шаротда баҳоргача сақланади. Март-апрел ойларида эса қайтадан табиатга, комсток қурти тарқалган дараҳтларга қўйиб юборилади. 4. Кимёвий кураш сифатида комсток қурти тарқалган дараҳт ва ўсимликларга қуйидаги инсектицидлар билан ишлов бурилади: *циперфос* – 0,1%, *дурсбан* – 0,1%, *каратэ*, *талстар* (0,05%), *бензофосфат* – 0,3%, *моспилан* – 0,02%, *конфидор* – 0,03%, *циперметрин* – 0,03%.

**Қандалалар (Hemiptera).** Мевали дараҳтларга қандалалардан доира тўрлилар (кружевницы) – *Tingidae* оиласига мансуб 2-3 та тур ҳашаротлар зарар етказиши мумкин: олма қандаласи – *Stephanitis oshanini* Vas. ва нок қандаласи – *St. pyri* F. Ҳар иккаласи ҳам Ўрта Осиёда, жумладан Ўзбекистонда ва қўшни давлатларда кенг тарқалган ҳашарот бўлиб, биринчи галда олма ва нок дараҳтларига катта зарар етказиши мумкин.

**Таърифи.** Олма қандаласи шакли жиҳатидан тўқилган доира тўрларни эслатади, у ҳаракатчан ва яхши учади. Июл-август ойларида зааррланган барглар уст томони оч яшил-оқ бўлиб товланади, бу – ост тарафидан қандала етказган зарар оқибатидир. Қандаланинг узунлиги 3,5 мм келади, ранги қора-қўнгир, олдинги қанотлари кенг, ойнадек тиник, нотўғри шаклдаги қорамтири доғлари ва томир тўрлари бор, шу сабабли қанотлари тўрсимон кўринишга эга, орқадаги жуфт қанотлари камбарсимон. Урғочисининг қорин уни юмалоқланган, эркакларида эса юмалоқланган кичкина қирра ва буқланадиган қармоқлари бор. Қандаланинг бошида тўртта тикансимон ўсимтаси бор. Тухуми қора, чўзиқ, орқадаги уни бироз эгилган.

Қандала личинкасининг бош, кўкрак ва корнида тиканли ўсимталар мавжуд. У 5 ёшни ўтаб силликлашади, кўкрагининг олд томонида йирик куракчасимон ўсиқларнинг куртаклари пайдо бўлади.

**Хаёт кечириши.** Олма қандаласи етук зот шаклида хазон ораси ва пўстлоқлар остида кишлаб чиқади. Апрелдан бошлаб олма ва нок дарахти баргларига ботириб тухум қўяди, ундан 20-25 кунда личинка очиб чиқади ва 20-25 кундан кейин вояга етади. Шундай қилиб, тўлиқсиз ривожланадиган бу қандала кейинги 2-бўғинни бошлаб беради. Бу бўғиннинг зичлиги каттароқ бўлиб, дарахтни қийнаб қўяди, новда силкитилса, ҳашарот аввал тўкилиб, кейин учуб кўтарилади.


**Зарари.** Заарланган дарахт барглари оч яшил тусга киради, баргнинг орқа тарафи қандала экскрементлари билан ифлосланади, баргларда фотосинтез жараёни сусаяди, дарахтлар қийналади, барглар тўкилади, ҳосилдорлик ва унинг сифати кескин пасаяди. Нок қандаласининг ҳаёт кечириши ҳам олманикига жуда ўхшаб кетади.

**Кураш чоралари.** 1. Кузда тўкилган барглар (хазон) йиғиширилиб, кўйдирib ташланади. 2. Агротехник тадбирлар ўз вақтида ўтказилади, дарахтларнинг бардошлилиги органик ва минерал ўғитлар ёрдамида оширилади. 3. Кимёвий кураш сифатида сўрувчи ҳашаротларга қарши тавсия этилган препаратлар қўлланилади.

**Псилиидлар ёки барг бургачалари** *Psyllinea* кенжатуркумига мансуб ҳашарот. Ўзбекистонда нок барг бургачаси (листоблошка) – *Psylla pyri* L. кенг тарқалган.

**Таърифи.** Барг бургачаларининг етук зотлари 2 жуфт қанотга эга, яхши уча олади. Олдинги жуфт қанотлари тиник, орқадаги чеккасида қорамтири доғи бор, орқа қанотлари олдингиларига караганда калтароқ. Қанотлари йигилганда катталиги 2,5-3 мм келади. Ранги қишида қорамтири-қўнғир, ёздаги бўғинлари эса тўқ сарик-қизил (80-расм).

Тухуми (0,3 мм) чўзиқ овал шаклда, олдига қараб қисилган, кичик ўсимта орқали баргга бириктирилган, ранги оқ, кейин-чалик сарғаяди. Личинкалари (нимфа) қанотсиз, катталиги 1-ёшда 0,36-0,54 мм, 5-ёшда эса 1,56-1,9 мм. Ранги тўқ сарикдан яшил-қўнғиргача ўзгаради.



80-расм. **Нок барг бургачаси.** 1 – Ҳаётый шакллари: а-етук зоти, б-тухуми, в-личинкаси; 2 – заарланган баргнинг кўриниши, 3 – заарланган нок мевалари.

**Ҳаёт кечириши.** Урғочи ва эркак етук зотлари дарахт остидаги хазонларда ҳамда ёриқ ва пўқаклар ичидаги қишлиб чиқади. Кўшимча озиқланиш учун баҳорда жуда эрта уйғонади. Баъзан феврал охири – мартда уйғониб, нокнинг ёйилаётган куртакларига ҳамла қиласди. Ўртacha кунлик ҳаво ҳарорати  $5^{\circ}$  га етганда урчиш,  $10^{\circ}$  бўлганда тухум қўйиш бошланади. Қишлиб чиқсан урғочи зот 30-40 кун яшайди ва чўзиқ тўплар килиб жами 400-850 та тухум қўйиши мумкин. Тухумларни куртак остига ҳамда пўстлоқ ёриқларига (чизиқларига) қўяди, кейинчалик гулбанди ва баргларнинг устки ва остки тарафига ҳам қўяди. Барг ёки новда қуриса, тухумлар ҳам қирилиб кетади. Тухумлардан 6-23 кунда личинка очиб чиқади ва куртак барглари ичига кириб сўради. Натижада ширин суюқлик оқиб чиқиб, дарахтни ифлослантиради, чумоли ва арилар кўпаяди. Ривожланиш даврида нимфа 5 та ёшни бошдан кечириб етук зотга айланади. Мавсум мобайнида минтақамизда барг бургалари бешта бўғин бериб ривожланади.

**Зарари.** Барг бургачалари монофаг, факат бир хил дарахтда ривожланиб айрим жойларда нокнинг ашаддий заараркунандасига айланган. Унинг таъсирида ҳосилдорлик пасайишидан

ташқари дараҳтлар тезда қуриб қолиши ҳам мумкин.

**Кураши чоралари.** 1. Агротехник ва олдини олиш чоратадбирлари. 2. Кимёвий кураш сифатида мевазорларда сўрувчи зааркунандаларга қарши тавсия этилган ҳар қандай инсектицид қўлланилади.

## **2. Кемирувчи зааркунандалар**

Мевали дараҳтларга оғиз аппарати кемирувчи типда бўлган турли ҳашаротлар зарар келтириши мумкин. Буларнинг орасида асосийларини капалаклар (*Lepidoptera* туркуми) ҳамда қаттиқ қанотлилар ёки қўнғизларга (*Coleoptera*) хос ҳашаротлар етказади. Бу ҳашаротларнинг систематикада тутган ўрни турлича, шу боис ҳар бир зааркунанданинг ҳаёт кечириши, озиқланиши (зарари) ҳамда унга мос келадиган илмий асосланган кураш тизимини белгилаш лозим. Масалан, кенг тарқалган барг ўровчи капалаклар бир оиласа мансуб, аммо улар озиқланиш хусусиятига кўра З гурухга бўлинади: **ксилофаглар**, яъни дараҳтнинг танаси ҳамда пўстлоқ остига зарар келтирувчилар; **филлофаглар** – барглар билан озиқланувчилар (баргдан ташқари дараҳт меваларининг юза қисми билан ҳам озиқланиши мумкин); **карпофаглар** (меваҳўрлар) – асосан дараҳт меваларининг ичидаги озиқланади.

### **Барг ўровчи (*Tortricidae*) ҳашаротлар**


**Карпофаг барг ўровчилар.** Буларга бир неча хил меваҳўр ҳашаротларни мисол қилиш мумкин (олма, анор, ёнғоқ, нок, олхўри меваҳўрлари, шарқ меваҳўри ва б.).

**Олма меваҳўри – *Laspeyresia (Carpocapsa) pomonella* L.** Уруғли мева дараҳтларининг (олма, ноқ, беҳи) асосий зааркунандаси. Баъзан олхўри, хатто ёнғоқ меваларини ҳам шикастлаши мумкин.

**Тарқалиши.** Дунё бўйича кенг тарқалган зааркунанда, Ўрта Осиёнинг барча республикаларида учрайди.

**Таърифи.** Капалаклари қанот ёзганда 17-22 мм келади,

олдинги жуфт қанотлари кулранг бўлиб, энг учида йирик бурчак доғи бор, қанотларини йигиб ўтирганида улар ўзига хос умумий доғни ташкил килиб, бошқа капалаклардан кескин ажратиб туради (81-расм). Орқа жуфт қанотлари оч қўнғир тусли. Қанотларининг ташки чеккасида калта, қорамтирип попуғи бўлади. Тухуми юмалоқ (1,5 мм) ясси, ранги оқиш. Тухумдан чиққан қурти оқиш тусда. Кейинчалик қуртнинг боши ва энса усти оч қўнғир ёки қизғиши тусга киради. Вояга етган қуртнинг катталиги 19 мм келади, усти пушти, ост томони оқ ёки сарғиши. Гумбаги оқ юмшоқ пилла ичида жойлашади, катталиги 10-12 мм, тузи жигарранг, 8 ва 9-сегментларида ҳамда қорин охирида бир қатор тиканлари мавжуд.



81-расм.  
**Олма қурти**  
(Г. Ванек ва б.  
маълумоти  
бўйича):  
1-капалаги  
қанот ёзганида;  
2-барг устида;  
3-зарарланган  
меванинг ички  
кўриниши;  
4-кишловдаги  
қурти ва  
пилласи;  
5-зарарланган  
меванинг таш-  
ки кўриниши.

**Хаёт кечириши.** Олма меваҳўри охирги ёш курт шаклида «беланчакда» турли жойларда (пўстлоқ ости, сохта белбоғ, яшик, қоп, хасчўплар ости, ер сатҳига яқин тупроқ) қишлиб чиқади. Баҳорда ўртача 10 кунлик ҳаво ҳарорати  $10^{\circ}$  дан ошиши билан қуртлар секин-аста ғумбаклана бошлайди. Бу жараён чўзилганлиги сабабли, капалак учиб чиқиши ҳам 1,5-2 ойга чўзилади. Олма меваҳўрининг шароитга мослашиш қобилияти юқори, ҳатто айрим қишлиб қолган (диапаузадаги) қуртлар кейинги йилгача қолиб кетиши мумкин. Капалаклар учиб чиқиши қуртлар ғумбакланганидан 2-3 ҳафта кейин содир бўлиши мумкин. Бунда биринчи бўлиб эркак зотлар пайдо бўлади (Булыгинская, 2000).

Улар пайдо бўлгач, қўшимча озиқланишни талаб этади, 2-3 кундан кейин ургочилари феромон модда ажратса бошлайди ва урчигач 2-3 кундан кейин тухум қўйишга киришади. Бу давр одатда олма қийғос гуллаб бўлган даврга тўғри келади. Капалаклар ўртача 50 та (кўпи билан 100 та) тухумни якка-якка қилиб ёш барг ҳамда мева нишоналарига қўяди. Меваҳўр тухумини қўпроқ дарахтнинг юқори қисмига (48%), ўрта қисмига ўртача (32%) ва озроғини остки қисмига (20%) қўяди (Корсакова, 1971).

Тухумдан очиб чиқкан қурт ўртача бир соат давомида мева ичига кириб олиш учун қулай шароит қидиради. Ва ниҳоят уни топгач, кемириб мева ичига киради, пўстлоғи остида чуқурча ҳосил қиласди. Кейинчалик уруғ уясининг остидаги томир тугунча орқали уруғ камерасига ҳам ўтади. Олма меваҳўрининг биринчи бўғин қуртлари тўйиниш учун 2-3 та мевани заарлаши мумкин, 2-3 бўғинининг қуртлари эса 70% битта мева билан қаноатланади. Умуман меваҳўрининг қуртлик даври 20-30 кунда тугаши мумкин. Заараркунанда биринчи ва иккинчи бўғин қуртларининг бир қисми ғумбакланишдан олдин диапаузага (қишлоғга) кетиши мумкин. Ўрта Осиё шароитларида олма меваҳўри бир мавсумда 3 тагача бўғин бериши мумкин.

Олма меваҳўри ҳар йили ҳам бир хилда ривожланавер-

майди. Ўртача (одатдагидек) ривожланган йиллар кучли кўпайиш йиллари билан ўзгариб туради.

**Зарари.** Олма меваҳўрининг зарари асосан мевани шикастлаши, унинг сифатини пасайтириб ҳосилдорликни камайтириши билан ифодаланади. Турли йилларда иқлим шароити ҳамда табиий кушандаларнинг аҳамиятига қараб бу ҳашаротга қарши курашилмаса, у уруғли мева дараҳтларининг ҳосилдорлигини 30% дан 70% гача камайтириб юбориши мумкин.

**Олма қуртига қарши ишлатилган қураши усулининг самарадорлигини аниқлашнинг янги усули.** Одатда, олма қуртига қарши ишлатилган усул ёки восита самарадорлигини мавсум охирида олинган натижага қараб аниқланади. Лекин олма қуртининг ҳар бир бўғинига қарши олинадиган самара аниқланмай қолар эди. Олимларнинг ижодий гуруҳи (Хўжаев, Эшматов, Бердиев) ўтказган тадқиқотлар натижасида куйидаги усул тавсия этилди. Олма меваҳўрининг ҳар бўғинига қарши ўтказиладиган ишлов олдидан тажриба ва назорат (ишловсиз) вариантларида дараҳтлардан 10 тасига бирор инсектицид шимдирилган белбоғ боғлаб қўйилади. Ўтказилган ишловдан кейинги 10 ва 20-кунлари белбоғлар текширилиб, натижадаги фарқдан хулоса қилинади.

**Қураши чоралари.** 1. Зааркунанда ривожланиши учун қулай шароитларни инкор этадиган барча усусларни (агротехник, физик-механик) қўллаш. 2. Мавсум мобайнинда мева берган дараҳтларга маҳсус захарланган «алдамчи белбоғ» боғлаб қўйиш (82-расм). Белбоғларни олма қуртига қарши тавсия этилган бирор инсектицид эритмаси билан бир йилда 2 марта шимдириб боғлаш заарни 30-50% га камайтириши мумкин. 3. Олмани олма қуртидан химоя қилиш учун куйидаги ИЗММ белгиланган. Кимёвий ишлов дараҳтларда мева тугунчалари пайдо бўлган даврда 5% тугунчалар заарланган бўлса ёки 5 кун ичida ҳар бир феромон тутқичга 5 та ва ундан кўп меваҳўр капалаги илинса, 3-бўғинига қарши эса 5 кунда 2-3 та капалак илинса ўтказилади. Ўзбекистон шароитида олмани меваҳўрдан сақлаб қолиш учун мавсумда 3-5 марта



82-расм. “Алдамчи белбог”нинг турлари: 1 – дараҳт танасига ўрнатилиши, 2 – фойдали ҳашаротлардан тозаловчи сепарат белбог, 3 – белбоғга кириб ғумбакланатган куртлар.

кимёвий ишлов ўтказиш зарур. Булардан 2 таси зааркунанданинг 1-бўғинига қарши, 2-3 таси – 2 ва 3-бўғинларига қарши 12-жадвалда (аввалги бетларга қаралсин) олма боғларида барча зааркунандалар қатори олма меваҳўрига ҳам қарши тавсия қилинган инсектицидлар рўйхати келтирилган. Бу ерда маҳсус изоҳ талаб қилинади. Жадвалга Давлат кимё комиссияси рўйхатидан жой олган децис инсектициди киритилмаган. Сабаби муаллифларнинг шахсий фикрича – децис ёлғиз ишлатилганда мевазорларда ўргимчакканаларнинг кескин кўпайиб кетишига сабабчи бўлиши мумкин.


**Анор меваҳўри** – *Euzophera punicaella* Mooze. (*Lepidoptera, Tortricidae* оиласи). Ўзбекистоннинг кўпгина ҳудудларида анорнинг ашаддий зааркунандаси ҳисобланади (Мирзаева, 2009).

**Тарқалиши.** Анор меваҳўри Эрон, Ҳиндистон, Афғонистон, Туркманистон, Тожикистон, Грузия, Арманистон ва бошқа давлатлар ҳудудларида учрайди.

**Таърифи.** Анор меваҳўрининг капалаги нисбатан йирик бўлиб, танаси 7-8 мм, қанотларини ёзганда 12-17 мм келади. Умумий тузи кулранг, расмлари сезилмай сидирға бўлиб

туйилади. Орқа жуфт қанотлари тиник, оч тусда, кенг, олдингиси эса ингичкароқ. Капалагининг лаб пайпаслагичлари юқорига қараб қайрилган. Тухуми оқиши-сарик, юзаси ғадирбудир, катталиги 0,75-1,0 мм. Қуртлари оч қулранг, боши қўнғир-қора, катталиги 8-11 мм гача етади. Ғумбаги жигарранг, узунлиги 8-9 мм келади.

**Ҳаёт кечириши.** Анор меваҳўри етук қурт ҳамда ғумбак шаклида асосан дараҳт остига тўкилган мевалар ичида, пўстиди, дараҳтнинг пана жойларида ва хасчўпларнинг остида қишлиб қолади. 2005 йилги кузатувларимизга кўра, бу ҳашаротнинг қишлиб чиққан қуртлари апрелнинг учинчи ва майнинг биринчи ўн кунлигига ғумбакка айланади. Қишлиб чиққан ғумбаклари эса апрелнинг учинчи ўн кунлигига капалакка айланади, майнинг биринчи ўн кунлигига тухум қўйишга киришган. Ғумбаклик даври ёз кунлари 10-12 кунда тугайди. Капалаклари одатда кечаси учади, мева косачалариға биттадан тухум қўяди. Ёзги бўғинлари мева ёриқларига ҳам тухум қўйиб кетиши мумкин. Битта урғочи зот 90-100 та тухум қўйиши мумкин. 5-7 кундан кейин тухумдан очиб чиққан қурт мева косаси ёки ёриқлар орқали анор мевасининг ичига кирад ва уни шикастлай бошлайди. Қуртлар анор доналари ҳамда доналар ораларидаги парда тўсиқлар билан озиқланади. Ҳар мева ичида 3-4, ҳатто 10 тагача қурт борлигини кузатиш мумкин. Заарланган анор меваси одатда гул косаси атрофидан бошлаб чирий бошлайди, ёрилади ва тўкилиб тушиши мумкин (83-расм). Қуртлик даври ўтиши учун 17-22 кун талаб этилади. Ривожланишни тугатган қурт мева гулкосасига қайтади ва кўпинча у ерда юмшоқ пилла ўраб, ичида ғумбакка айланади. 8-12 кундан сўнг ундан янги бўғин капалаги учеб чиқади. Бир мавсумда Фарғона водийси шароитларида 5-6 та, Сурхондарёда эса 7 тагача бўғин беради. Анор меваҳўрининг кушандалари мавжуд. Лекин қурти мева ичида ҳаёт кечирганлиги сабабли уларнинг аҳамияти асосан капалак, тухум ва қурт беркиниб олгунча намоён бўлади.



83-расм. Анор меваҳўри:  
1-капалаги; 2-анорни гулкосаси томонидан ишғол этган катта ёшдаги  
курти; 3-заарланган анор меваларининг ташки кўриниши.

Капалакларини қушлар, ўргимчак, «бешиктерватар»лар қириб туради, тухумини эса трихограмма, қуртларини парда-канотлилардан браконид, ихнеумонид кушандалар ҳамда тахина пашласи заарлагани аниқланган.

**Зарапи.** Анор меваҳўри асосан анор дарахтининг мева нишоналарини (гул, шона ва мевани мавсум мобайнида ривожланиш даврида) заарлайди. Шикастланган мевалар иккиламчи микроорганизмлар фаолияти оқибатида чириди, ёрилади, тўкилади ва яроқсиз бўлиб қолади. Бунинг натижасида дараҳт ва боғ хосилдорлиги камаяди, меванинг сифати пасаяди. Ҳимоя қилинмаган анор дарахти (2005-2006 йил кузатувларимиздан) хосилининг 25,2% дан 77,5% гача (Избоскан тумани) қисми йўқолиши мумкин.

**Кураши чоралари.** 1. Ички карантин тадбирларини амалга ошириш, чунки ҳозирча бу зааркунанда ҳудудимизнинг шимолий-ғарбий вилоятларида аниқланганича йўқ. 2. Ташкилий-хўжалик ва агротехник тадбирларни ўтказиш. 3. Анор

гуллашидан бошлаб вақти-вақти билан у ерга трихограмма кушандасини (1 г/га) тарқатиб туриш яхши самара беради. 4. Анор меваҳўрига қарши кимёвий курашишда қуидагини инобатга олиш тавсия қилинади. Бир – икки марта ишлов бериш билан ҳосилни химоя қилиб бўлмайди. Анор дарахти гуллай бошлагандан кейин (май ва ундан кейин) ҳар 15 кунда бир марта турли препаратлар ишлатилади. Бундан мақсад меваҳўр капалагига қарши курашишдир, чунки куртига қарши деярли курашиб бўлмайди. Ишлов ҳосил етилишидан 30 кун илгари тўхтатилади. Препаратлардан синтетик пиретроидлар ҳамда фосфорли бирикмаларни алмаштириб ишлатиш лозим. 5. Механик-кимёвий усул сифатида қуидаги тадбир тавсия қилинади. Анор гуллаб бўлгач, ҳосил тугунчасининг гул косаси тозаланиб, ичига пиретроид эритмага ботириб олинган лой тиқиб қўйиш заарланишнинг олдини олиши мумкин. Аммо бу соҳада қўшимча изланишлар ўтказиш лозим.

**Ёнғоқ меваҳўри** – *Erschoviella musculana* Ersch. (*Sarrothrypus musculana* Ersch.). *Lepidoptera, Noctuidae* – тунламлар оиласи, *Sarrothripinae* кенжা оиласига мансуб (Синев, 2005), ёнғоқнинг асосий зааркунандаси.

**Тарқалиши.** Ўрта Осиёнинг барча давлатлари ҳамда Қозогистонда кенг тарқалган.

**Таърифи.** Капалагининг катталиги 10 мм, қанотини ёзганда 23 мм га етади, тузи кулранг, орқа жуфт қанотлари оч кулранг, тиник. Олд жуфт қанотлари ўзига хос расмга ва чизиқларга эга. Тухуми 0,5 мм, ранги оқ, шакли гумбазсимон, ости ясси. Қурти оч пушти тусда, боши ва елкаси қўнғир, гавдаси сийрак лекин узунроқ қилчалар билан қопланган, узунлиги 15-16 мм келади. Фумбаги 10-11 мм, жигарранг, уни тўмтоқ, тикансиз, зич оқ пилла ичида жойлашади (84-расм).

**Хаёт кечириши.** Ёнғоқ меваҳўри етук курт ёки ғумбак шаклида зич оқ пилла ичида турли пана жойларда қишлиб қолади. Эрта баҳорда ғумбакка айланиб, апрелда капалак учиб чиқади. Урғочи зотлари урчиб тухум қўйишга киришади. Тухумни мева тугунчаларининг устига 1-2 тадан қўйиб кетади.



84-расм. Ёнғоқ меваҳўри:  
1-курти пўстлоқ остида; 2-пилладаги ғумбаги;  
3-зараарланган ёнғоқ меваларининг кўриниши.

Очиб чиққан қурт ёнғоқ ичига кириб, у билан озиқлана бошлайди. Биридан чиқиб иккинчисини ҳам шикастлаши мумкин. Баъзан бир ёнғоқнинг ичидаги бир нечта қурт бўлиши ҳам мумкин ёки ёнғоқ меваҳўри ва олма меваҳўрининг қуртлари биргаликда заарлаши мумкин. Қурт шикастлаган ёнғоқни аниқлаш осон: у кирган тешик олдида чиқинди ахлатлари кўриниб туради, қурт шикастлаган ёнғоқнинг ёнлик эти қисман қорайиб, қурий бошлайди. Бу айниқса ёнғоқ меваҳўрининг иккинчи ва ундан кейинги бўғин қуртларига хос, чунки бунда улар ёнғоқнинг пўсти қотганлиги сабабли, фақат унинг ёнлик эти билан озиқланадилар.

Адабиётларда ёнғоқ меваҳўри бир йилда 2 та бўғин беради деб ёзилган (Яхонтов, 1963), аммо 2002-2006 йиллари Фарғона вилояти шароитида ўтказилган кузатувларимиздан маъ-

лум бўлдики, бу ҳашарот бир йилда 4 бўғин бериб, қишлоғга сентябр ойидан бошлаб ғумбак шаклида кетади. Бунда кейинги бўғин қуртлари фақат ёнғоқ атрофини ўраб турган эти билан ёки ёш новдаларнинг ўсиш нуқтаси билан озиқланади.

**Зарари.** Ёнғоқ меваҳўри ҳар йили бирдай зарар келтиравермайди. Кучли ривожланган йиллари унинг таъсирида 90% гача ҳосил нобуд бўлади. Қуртнинг зарари асосан биринчи бўғини ривожланаётган даврда кучли намоён бўлади. Бунда шикастланган мева тўкилиб кетади. Иккинчи ва қолган бўғинларининг зарари туфайли яна 30-40% ҳосил тўкилиб кетади, айримлари эса дараҳтда осилиб қолади, лекин пуч ва яроқсиз мева беради.

**Кураши чоралари.** 1. Ёнғоқ меваҳўрига қарши кураш тўкилган меваларни йиғиб олиб, дараҳт остига агротехник ишлов беришдан бошланади. 2. Ёнғоқ дараҳти йирик (баланд) бўлғанлиги сабабли унга сифатли пуркаш ишловини бериш қийин бўлади, шунинг учун мумкин қадар бошқа усул ва воситалардан фойдаланиш керак. Масалан, инсектицидлар билан заҳарланган алдамчи белбоғни дараҳт танасига боғлаш. Бунинг учун турли матолардан 15-20 см ли белбоғ ясалади ва бирор пиретроиднинг сувдаги эритмасига шимдириб олиб дараҳтга боғлаб қўйилади. Буни май ойида бажариш лозим. 3. Имконият вужудга келса шланг ҳамда бранспойтлик трактор пуркагичи воситасида бирор синтетик пиретроид олма меваҳўрига қарши белгиланган сарф-меъёрда қўлланилади (12-жадвал).


**Олма куяси** – *Yponomeuta malinellus* L. (*Lepidoptera, Yponomeutidae* – хақиқий тоғолди куялари оиласи), асосан тоғолди минтақаларида учрайди, қуртлари тўда ҳосил қиласди.

**Тарқалиши.** Шимолий Хитой, Корея, Япония, Шарқий Европа, Россия, Ўрта Осиё мамлакатларида кенг тарқалган. Ўзбекистоннинг барча худудларида учрайди. Барча вилоятларнинг тоғолди туманларида намлиқ ва озиқа етарли жойларда тарқалган. Водийнинг Водил, Сўх ва бошқа худудларининг боғларида бу ҳашаротнинг зарари кучли сезилади.

**Таърифи.** Капалаклари қанот ёзганда 16-22 мм келади, олд қанотларида кумушсимон, 3 қатор жойлашган майда қора нукталари мавжуд. Тухуми сарғиши, овал шаклда. Қуртларининг энг каттаси 13-16 мм, ранги кулранг-сарик, елка томонида 2 қатор қора нукталар жойлашган. Фумбаклари (10 мм) сарик, оқ зич пилла ичиди жойлашади.

**Хаёт кечириши.** Олма куяси биринчи ёш қуртлик шаклида тухумни беркитиб турган «қалқон» тагидан чиқмаган ҳолда қишлиб қолади. Бундай шароитда қуртлар кучли совуққа ҳам бардош бера олади. Дараҳтларнинг куртаклари ёзила бошлигач қуртлар қишлиётган жойини ташлаб, куртаклар ва ёш барглар билан озиқланана бошлайди. Қуртлар ёш баргларнинг этини ичидан еб, устки ва пастки пўстига тегмай «ғовак» ҳосил қилиб шикастлайди. Кейинчалик қуртлар барг ичидан ташқарига чиқади, баргларнинг юқори қисмида қалин ўргимчак иплар ясади ва орасида озиқланади. Қуртлар гурух-гурух бўлиб яшайди, бир шохчанинг баргларини еб бўлиб, биргаллашиб кейинги шохчага ўтади, шундай қилиб, айрим шохларгина эмас, балки дараҳт умуман ўргимчак уяси билан қопланиб қолиши мумкин. Олма гуллаганидан бир ой ўтгач қуртлар ривожланиб бўлади ва ўргимчак ипининг панасида пиллага ўралиб олади. Пиллалар бир-бирига зич тақалиб туради (85-расм).

Июн-июлда вояга етган капалаклар пайдо бўлади, улар тунда учади, урчиб тухум қўяди. Тухумни ингичка шохларнинг пўстлоғига ва новдаларнинг остига 25-65 тадан тўп-тўп қилиб қўяди. Тухум устига қўйиб кетилган шилимшиқ модда ҳавода қотиб, ҳимоя қалқонини ҳосил қиласди. Тухумлардан чиқсан қуртлар қалқон тагидан чиқмай, кейинги йилгача диапаузага кетади. Шу даврда ҳаво иссиқ ва намлиқ паст бўлиб, 100 кун мобайнида ёғингарчилик бўлмаса, қуртлар нобуд бўлади. Шунинг учун ҳам Ўзбекистон шароитида олма куяси фақат тоғолди худудларида учрайди. Олма куяси бир йилда бир бўғин беради.



85-расм.

### **Олма күяси**

(Г. Ванек ва б.

маълумоти бўйича):

1-қаноти ёзилган

капалаги; 2-барг

устидаги капа-лаги;

3-куртлар жойлашган

уя;

4-катта ёшдаги

куртлари.


**Зарари.** Олма күяси – олигофаг. У асосан олма, кейин дўлана ва айрим манзарали дараҳтларни зарарлайди. У дараҳт куртакларини, кейин эса баргларини ҳам еб қўяди. Шикастланган дараҳтлар хосил бермайди ёки паст бўлади, ўсиши сусаяди.

**Кураши чоралари.** 1. Олдини олиш учун ташкилий-хўжалик ва агротехник тадбирларни ўз вақтида ўтказиш. 2. Механик чора сифатида пиллали уяларни айри ёғоч билан ийғишириб олиб, куйдириб ташлаш мумкин. 3. Кимёвий усул сифатида олма күясига қарши у билан заарланган дараҳтларни қишлиб чиқсан қуртларига қарши дараҳт гуллашидан олдин ёки гуллаганидан кейин олма қуртига қарши тавсия қилинган инсектицидларни қўллаш мумкин (12-жадвалга қаралсин).

**Дўлана гирдак күяси – *Cemostoma scitella* L. (Lepidoptera, Cemostomidae оиласига мансуб).** Олма дараҳтларига баъзан кучли зарар етказади.

**Тарқалиши.** Россия, Ўрта Осиё мамлакатлари, Қозоғистон, Кавказ, Ўрта ва Жанубий Европада учрайди. Ўзбекистоннинг барча худудларида учратиш мумкин.

**Таърифи.** Қаноти ёзилганда капалаги 6-7 мм келади, ранги кумушсимон ок, ялтироқ, оч ҳаворанг тусда товланади, олд қанотларининг учидан учта қора нуқта чўзилади. Орқа жуфт қанотлари ингичка, серҳошия, қорамтири-кўнғир. Тухуми оч-кулранг, овал шаклда ( $0,28 \times 0,18$  мм). Куртлари 5 мм гача боради, ранги кўкиш, қора-кўнғир никоб ичидан бўлади. Гумбаги оч қўнғир тусда бўлиб ромб шаклидаги пилла ичига жойлашган. (86-расм).



86-расм. Дўлана гирдак куяси: 1-капалаги; 2-курти; 3-заарланган олма баргининг кўриниши, 4 – заарланган баргларнинг табиий кўриниши, 5- курти, гумбакланиш олдидан.

**Ҳаёт кечириши.** Дўлана гирдак куяси олма дараҳтининг атрофидаги ерда ҳазонлар остида, дараҳт пўстлоқларининг

орасида ғумбаклик шаклида пилла ичида қишлиб чиқади. Апрелнинг биринчи ярмида капалаклар учеб чиқа бошлайди. Урчигач асосан олма дараҳтларининг баргига (ост томонидан) якка-якка қилиб, жами ўртача 60 тагача тухум қўяди, 7-10 кундан кейин тухумдан курт барг томон очиб чиқади ва тўғридан-тўғри баргнинг ичига киради ва унинг юмшоқ қисми билан доира шаклида ҳаракат қилиб озиқланади. Бунинг натижасида барг ичида гирдак шаклида ғовак ҳосил бўлади. Бундай ғоваклар ҳар бир баргда 10 тадан ортиқ бўлса, барг сарғаяди ва тўкилиб кетади. Ривожланиб бўлгач куртлар ташқарига чиқади ва шу ернинг ўзида (баргнинг остки томонида) пилла ўраб ғумбакка айланади. 9-15 кундан кейин улардан янги бўғин капалаклари учеб чиқади. Ўзбекистон шароитида дўлана гирдак куяси мавсумда 4 бўғин беради.

**Зарари.** Гирдак куясининг қуртлари асосан олма баргларини шикастлайди қаттиқ ривожланганда ёзниг ўрталарида дараҳт устидаги баргларнинг 60-80% и қовжираб тўкилиши мумкин. Бунинг оқибатида ҳосил етилмай колади, тўкилади, қолган қисми мазасиз бўлиб колади. Шикастланган дараҳтлар заифлашиб, иккиласми зааркундаларга нисбатан бардошсиз бўлиб колади.

**Кураши чоралари.** 1. Заарланган дараҳт остидаги хазон йиғиширилиб ёқиб юборилади, ер ағдариб чопилади. 2. Кимёвий кураш ўтказишнинг самарали муддатлари аниқлангач капалакларига қарши ҳар қандай пиретроид препарат, куртларига қарши эса вертимекнинг (пилармектин, абамектин) 0,05% ли эритмаси пуркалади.


**Анжир парвонаси** – *Choreutis nemorana* Hb. (*Lepidoptera, Pyralidae* – парвоналар оиласи). Анжирнинг асосий зааркундаларидан бири.

**Тарқалиши.** Анжир парвонаси Европа, Кавказ, Крим, Ўрта денгиз бўйи давлатлари ҳамда Ўрта Осиёда кенг тарқалган. Ўзбекистонда уни барча худудларда учратиш мумкин.

**Таърифи.** Капалаги унча катта эмас, қанотларини ёзганда 15 мм келади. Олдинги қанотларининг шакли ўзига хос

бурчакли бўлгани учун ўтирганида у яққол ажралиб туради. Ранги қўнғир, хира тарқоқ гуллари бор, орқа қанотлари очроқ тусда, чеккаларида оч қўнғир доғлари бор.

Тухуми овал шаклда, ранги оқ. Куртлари жуда сезгир ва чаққон. Безовталанган қурт дарров ўзини ташлаб юборади Туси кулранг-оқ, танаси томчи доғлар билан қопланган, катталиги 14-15 мм гача (87-расм). Ғумбаги жигарранг, орқа учида 2 та тикани бор, катталиги 5-6,5 мм.



87-расм. **Анжир парвонаси:**  
1-капалаги; 2-пилладаги ғумбаги; 3-шикастланган анжир мевалари;  
4-парвона заарлаган ўсув нуқтаси.

**Ҳаёт кечириши.** Адабиётларда анжир парвонаси қурт шаклида (Яхонтов, 1963) ёки капалак шаклида (Акбулаев, 1998) қишлийди деб таъкидланади. 2003-2006 йилларда Фарғона вилоятида ўтказган изланишларимиздан маълум бўлдики, кузга келиб барча қуртлар ғумбакка айланади ва капалаклар учуб чиқади. Бу ҳашарот капалак шаклида қишлиб қолиши кўпроқ ҳақиқатга яқинроқдир (Мирзаева, 2009).

Баҳорда капалаклар апрелнинг иккинчи ўн кунлигидан бошлаб пайдо бўлади, қўшимча озиқланади ва урчиб тухум қўйишга киришади. Тухумни (жами 30-50 та) биттадан қилиб баргнинг орқа томонига қўяди. 6-10 кундан кейин очиб чиқсан қурт барг этини бир томонидан қиртишлаб ейди ва уни тўр шаклига келтириб қўяди.

Одатда баргнинг нозик чет томони унга маъқул келади. Олти ёшни ўтаб қурт зич пилла ўрайди ва барг ўрами остида ғумбакланади. 2 ҳафтадан кейин янги бўғин капалаги учиб чиқади. Кузатувлар шуни кўрсатдики, анжир парвонаси мавсумда 3 та эмас (Яхонтов, 1963), балки 5 та бўғин беради (13-жадвал).

**Зарари.** Анжир парвонаси анжир дарахтига икки хил зарар етказади: биринчидан, дарахт барги кучли заарарланганда (апрел-июн) дарахт ўсишдан қолади, биринчи (баҳорги) ҳосил ва ҳосилдорликка анча зарар етади; иккинчидан, парвона тўғридан-тўғри меваларни (айниқса кечки ҳосилни) шикастлаб, ҳосилдорликни 50% гача камайтириб юбориши мумкин.

**Кураши чоралари.** 1. Ташкилий-хўжалик ва агротехник тадбирларни амалга ошириш, кузда дарахтларни кўмишдан олдин барг ва ўсимлик қолдиқларини йифиб ёқиб юбориш, ерни шудгорлаш, органоминерал ўғитлар бериш. 2. Анжирнинг асосий заараркунандалари қаторига анжир парвонасидан ташқари ўргимчакканана ҳам киради, шу боис бу дарахтни ҳимоя қилишда умумий тизимга риоя қилиш лозим.

Бу тизим бўйича анжир мавсум мобайнида 2-3 марта кимёвий ишланади: биринчиси майнинг ўрта ва охирларида, иккинчиси – июлнинг бошида (фенокалендарга қаранг). Бу иккала ишлов циперфос (1,0 л/га), каратэ, талстар (0,5 л/га) каби бирйўла таъсир қиласидан препарат билан, ҳамда иккала ишлов ўртасида (этиёж пайдо бўлса) ўргимчакканага қарши маҳсус акарицидлар билан (омайт – 1,5 л/га, неорон – 1,0 л/га) ўтказилади. 3. Анжир парвонасининг қуртларига қарши бракон кушандасини (ҳар дарахтга 15-30 тадан) тарқатиш ҳам мумкин.

(Календар-режа)

13-жадвал

Анжир ва анжир парвонасининг 2006 йил мавсумида Водий шароитида ривожланиш фенограммаси (Дала-лаборатория кузатувлари)

Кўрсаткичлар	Апрел			Май			Июн			Июл			Август			Сентябр			Октябр	
	I	II	III	I	II	III	I	II	III	I	II	III	I	II	III	I	II	III	I	II
Анжир																				
Бахорда кўкариш муддатлари		+	+	+	+	+														
Ҳосил пишиши					+	+	+	+	+		+	+	+	+						
Анжир парвонаси																				
Капалакларнинг кишлишдан чиқиши	⊕	+	⊕																	
I бўгини	Тухум	(•)	•																	
	курт	-	(-)																	
	гумбак		F	F																
	Капалак			+	+															
II бўгини	Тухум			•	•															
	курт					-	-													
	гумбак						F	F												
	Капалак						++	+												
III бўгини	Тухум					•	••	•												
	курт						-	-	-											
	гумбак								F	F										
	Капалак								+	+										
IV бўгини	Тухум								•••											
	курт								-	-	-									
	гумбак									F	F									
	Капалак									+	+									
V бўгини	Тухум									•	•									
	курт									-	--	-								
	гумбак										F	FF								
	Капалак											⊕	⊕	⊕	⊕					

**Белгилар:** • - тухуми; - -курти; F- гумбаги; + - капалаги; ( ) - қийгос кўпайиши;  
O - қишлоучи шакли; ◆◆ - ишловнинг самарали муддати (капалак шаклида қишлиайди)

**Шарқ мева қурти – *Grapholitha molesta* Busck. (*Lepidoptera, Tortricidae* – барг ўровчилар оиласига мансуб). Ўзбекистонда ички карантин обьекти ҳисобланади.**


**Тарқалиши.** Шарқ мева қурти дунёда кенг тарқалган ҳашарот. У Австралия, Шимолий ва Жанубий Америка, Европанинг ўрта ва жанубий қисмида, Украина, Кавказ, Россиянинг жанубий-ғарбий қисми учрайди. Ўзбекистонда шарқ мева қуртини Фарғона водийсининг барча ҳудуд-ларида учралиш мумкин. Масалан, Боғдод туманидаги айрим боғларда муаллифлар кузатиши бўйича (2005-2006) шафтоли дараҳтлари бу зааркунанда билан 65-70% заарланган.

**Таърифи.** Капалаги қанот ёзганда 11-15 мм келади, олд қанотлари қорамтир-кўнғир, олд четидан 7 та жуфт оқиш ялтироқ чизиқлар ўтади, орқа қанотлари окроқ-оч жигарранг. Тухумининг узунлиги 0,5-0,9 мм, кенглиги 0,4-0,8 мм келади, ранги оқ, кейинчалик қизара бошлайди. Куртлари (9-13 мм) 1-3 ёшида – боши қора, танаси оқ тусда, кейинги ёшларида (4-5) қизариб, боши ва кўкрак қалқони жигаррангга айланади. Гумбаги 5,2-7,6 мм, тузи жигарранг, танасининг охирида 10-18 та тиканчаси мавжуд. Капалак чиқишидан олдин ғумбак кораяди.

**Ҳаёт кечириши.** Шарқ меваҳўри етуқ қурт шаклида мева дараҳтларининг ўзида (пўстлоқ ости, ғоваклар) ҳамда ерда хасчўплар остида зич пилла ичида кишлиб чиқади. Баҳорда (шафтоли ва ўрик гуллаган даврда) қурт ғумбакланади ва ундан капалак учеб чиқади. Бир неча кундан кейин урғочи зот тухум қўйишга киришади. Ҳар бир зот бир нечтадан 100 тагача тухум қўйиши мумкин. Тухумини якка-якка қилиб уруғлик мева дараҳтларига (олма, нок, бехи) – новдаси учидаги силлиқ баргларнинг юқориги томонига, данакли мева дараҳтларига эса (шафтоли, ўрик, олхўри) баргнинг ост томонига қўяди. 7-12 кундан кейин (баҳорда) тухумдан қурт чиқиб, новданинг ўсиш нуқтасига кемириб киради ва ўзагидан пастга қараб 6-11 см ли йўлак очади. Қаттиқ қисмга келгач кемириб ташқарига чиқади ва бошқа новдага (ёки мевага) киришга харакат қиласади. Новданинг заарланган қисми сўлиб курийди, у «чеканка» қилингандек шохлаб кетади. Шарқ меваҳўрининг куртлари новдалардан ташқари олма қурти

сингари дарахт меваларини ҳам шикастлаши мумкин. Бунда данакли мевалар ичида (9-14 кун) уруғлик мевалар ичидан кўра (16-24 кун) камроқ вақт бўлади. Озиқланишни тугатгач ташқарига чиқиб турли панароқ жой топади ва зич пилла ясаб ичида ғумбакка айланади. 8-17 кундан кейин янги бўғин каплаклари пайдо бўлади. Шарқ меваҳўрининг бир бўғини ривожланиши учун турли иқлим-шароитда 24 кундан 65 кунгача вақт талаб этилади. Ўзбекистон шароитида (Фарғона вилояти) шарқ меваҳўри 3 тадан 5 тагача бўғин бериши мумкин (Гуммель, 1993).

**Зарари.** Шарқ меваҳўри асосан шафтолига ҳамда бошқа уруғли ва данакли дарахтларга шикаст етказади. Новдаси заарланган шафтоли ва бошқа дарахтларнинг ўсиш меъёри ўзгаради, заарланган мевалар истеъмолга яроқсиз бўлиб қолади, ҳосилдорлик пасаяди (88-расм).



88-расм. **Шарқ меваҳўри:** 1 – капалаги, 2 – шафтоли новдасининг ўсиш нуктасини заарлабётган курти, 3 – заарланган шафтоли меваси.

**Кураши чоралари.** 1. Ташкилий-хўжалик ва агротехник чоратадбирларни ўтказиш, яъни заараркунанда муваффақиятли қишлиб чиқишининг олдини олиш лозим. 2. Шарқ меваҳўрининг ривожланишини аниқлаш ва унга қарши курашиш учун синтетик жинсий феромон (ЖФ) яратилган. ЖФ шимдирилган

резина доиралар дараҳтларга илиб қўйилади. Зааркунандани ҷалғитишга (дезориентация) мўлжалланган бу усул яхши натижа беради (Гуммель, 1993). 3. Шарқ меваҳўрига қарши курашда олма қуртига қарши белгиланган усул ва воситалар ишлатилади: алдамчи белбоғ боғлаш, инсектицидларни қўллаш дараҳт гуллаб бўлгандан кейин бошланади, кейингиси 12-15 кун оралатиб ўtkазилади. 4. Биологик кураш сифатида капалак тухум қўйишни бошлаган даврда трихограмма кушандаси тарқатилади.

**Тенгсиз ипакчи** – *Ocneria (Porhetria) dispar* L. (*Lepidoptera, Ogyidae* оиласига мансуб). Ўзбекистоннинг тоғли минтақаларида тарқалган манзарали, ўрмон ва мевали дараҳтлар зааркунандаси.

**Тарқалиши.** Дунёда кенг тарқалган тур. У Россия, Европа, Хитой, Япония, Шимолий Америкада учрайди. Ўрта Осиё давлатларининг тоғ олди ва тоғли шароитларида тарқалган, Водийнинг Соҳ ва бошқа тоғли туманларида учрайди. Тошкентнинг шимолдан ўраб турган Чотқол тоғларида, Бўстонлик туманида ва унинг чегараларида кенг тарқалган.

**Таърифи.** Капалаги йириқ, қанот ёзганда урғочиси 65-75 мм, эркаги 34-46 мм келади. Ҳашаротни тенгсиз деб аталиши эркак ва урғочи зот капалакларининг катталиги ва рангидаги кескин фарқланишдан келиб чиққан. Урғочи зот капалагининг олдинги жуфт қанотлари сарғиши-оқ, 3-4 та кўндаланг жойлашган чизиқлари мавжуд, орқа жуфт қанотлари эса расмсиз, у ҳам сарғиши-оқ (89-расм). Эркак зот капалакларининг тузи кулранг, унинг ҳам олд жуфт қанотларида кўндаланг жойлашган сариқ чизиқлар мавжуд. Мўйлови, урғочисидан фарқ қилиб, патли шаклга эга. Тухумлари йирик (1-1,2 мм), думалоқ, қаттиқ қобиққа эга, ранги оч сариқ.

Куртлари йирик (65-78 мм), елка томонидан 3 қатор сарғиши тасма чизиқлар ўтади, ҳар бир сегментида елка томонида 2 тадан узун тукларга эга бўлган сўгаллари мавжуд, олдинги 5 таси кўкиш, қолганлари эса қизил. Ғумбаклари (18-37 мм) қизғиши-қўнғир.



89-расм. **Тенгсиз ипакчи:** ургочи (1) ва эркак (2) капалаклари, пўстлоққа кўйилган тухум тўплами (3), курти (4), олма новдасидаги куртлари (5), 6 – пўстлоқдаги тухумни кириб олиш.

**Хаёт кечириши.** Тенгсиз ипакчи тухум шаклида қишлиб чиқади. Тухумнинг ичидаги курт шаклана бошлаган даврда диапаузага кириб уйқуга кетади. Бундай тухум тўдалари биринчи заараланган дараҳтларнинг танасида (йўғон новда ва пастки кисми) ҳамда атрофдаги турли воситаларда (тўнка, тош, панжара ва деворлар) кузатилади. Ҳар бир капалак одатда битта тухум тўдасини қолдириши мумкин.

Баҳорда дараҳтлар барг ёза бошлагандаги тухум ичидаги ривожини давом эттириб тўлиқ курт шаклига эга бўлган зот ташқарига чиқади ва тезда баргларни кемириб, озиқланишга киришади. Даствори тўда бўлиб турган қуртлар тезда танасидаги узун ва қалин жойлашган туклари ва маҳсус чиқарган иплари воситасида шамол ёрдамида дараҳтдан дараҳтга учуб ўтиб тарқала бошлайди. Май охири – июнда қуртлар озиқланаб бўлади ва барглар орасида, пўстлоқ остида сийрак ўргимчакка ўралиб ғумбакка айланади. Бу давр 2-3 ҳафтани эгаллайди. Сўнг капалаклар учуб чиқиб жуфтлашади (бунинг

учун ургочилари феромон модда ажратиб, кам ҳаракат қиади, эркаклари эса сезгир) ва тухум қўйишга киришади. Ҳар бир урғочи зот 1200 та гача тухумни бир жойга қўйиб, устини тана қилтаноқлари билан беркитиб қўяди. Тухум ичида бўлғуси қуртнинг ривожланиши 20-30 кун давом этади ва шу ҳолатда диапаузага кириб қишлиб қолади. Тенгсиз ипакчининг ривожланиши ҳар йили бир хилда ўтавермайди. Турли биотик ва абиотик омилларга кўра у ҳар 5-10 йилда бир марта кучли ривожланиши мумкин.

**Кураши чоралари.** 1. Тоғли (ёки тоғолди) ҳудудларда ривожланганлиги ҳамда турли баланд бўйли дараҳтларда яшаганлиги сабабли тенгсиз ипакчига қарши фаол курашиш анча қийин. Шунинг учун биринчи галда ипакчи қўйиб кетган тухум уяларини қириш (кичикроқ боғларда, оромгоҳларда) мақсадга мувофиқдир. Бунинг учун ипакчи қўйган тухум тўпи қириб олинади ва қўмиб ташланади ёки уни керосин (солярка) билан шимдирилган латта ёрдамида бўқтирилади. 2. Тенгсиз ипакчига қарши ҳар қандай синтетик пиретроид юкори самара беради. Бунда вертолёт ёки дельтапландан фойдаланиш мақсадга мувофиқдир.


Ўзбекистонда ўрмон ва мевали дараҳтларни оқ капалаклар (*Pieridae*) оиласидан – дўлана капалаги (*Aporia crataegi* L.) ҳамда тўлқинчилар (*Orgyidae*) оиласидан златогузка (*Euproctis chrysorrhoea* L.) куртлари вақти-вақти билан кўплаб зарарлаши мумкин.

**Америка оқ капалаги** – *Hypenantria cunea* Drury. (*Lepidoptera, Aretiidae* – айиқлилар оиласига мансуб). Ўрмон дараҳтлари, тут ва мевали дараҳтлар учун катта хавф туғдирувчи ҳашарот.

**Тарқалиши.** Бу ҳашаротнинг ватани Шимолий Америка ва Канаданинг жанубий ҳудудлари. Ҳозирда бу ҳашарот кўпгина Европа мамлакатларида ҳам мавжуд. Озарбайжон, Украина, Қозоғистон, Қирғизистонда ҳам тарқалган. Ўзбекистонда учрамайди, у ташки карантин объектидир.

**Таърифи.** Капалаги йирик, қанотини ёзганда 4-5 см

келади. Ранги оқ, урғочисининг мўйлови ипсимон, эркагиники патсимон. Тухуми юмалоқ (0,6 мм), оч яшилдан сарғиш-хаворангача товланиб туради. Куртлари йирик, 3,0-3,5 см келади, орқаси бўйлаб 2 қатор ва ёnlарида 4 қатор сўгалчалари бор, улардан узун туклар чиқиб туради. Дастлабки ёш қуртлари – оч сариқ, боши қора, сўгалчаларидағи қилчалари узун, қора ва оқ, калта туклари бўлади. Катта ёшдаги қуртларнинг тузи ўзгаради, унинг орқа томони силлиқ, сариқ, орқадаги сўгалчалари қора бўлиб, танасининг икки ёнидан биттадан сариқ, кенг тасма чизик ўтади, боши ва оёқлари ялтироқ қора тусда. Ғумбаги 8-10 мм, ранги тўқ қўнғир, танасининг охирида 10-19 та қармоқсимон қиллари бор. Ғумбаги сийрак пилла ичида жойлашади (90-расм).



90-расм.  
**Америка оқ капалаги**  
(Г. Ванек ва б. маълумоти бўйича):  
1-урғочи капалак;  
2-эркак капалак;  
3-капалак тухум кўйиши; 4-курти;  
5-ғумбаклари; 6-ёш қуртлар ташкил қилган уя.

**Ҳаёт кечириши.** Америка оқ капалаги ғумбаклик шаклида турли пана жойларда: пўстлоқ ости, новдалар айрилган

жойлар, тут каллаклари, хазон ости ва тупроқнинг тепа қатламларида қишилаб чиқади.

Баҳорда кунлар исиши билан капалаклар учб чиқади ва тунги ҳаёт кечиради. Тухумини тўп-тўп қилиб (одатда 400-500 тадан), жами 2000 тагача қўяди. Тухум тўдасининг устини тана туклари билан беркитиб кетади. Тухумларнинг инкубация даври 5-10 кунга чўзилиши мумкин. Тухумдан очиб чиқсан қуртлар дастлаб очик яшайди ва дараҳт баргларини кемириб томирини қолдиради, учинчи ёшидан бошлаб маҳсус ўргимчак ип тўкиб, унинг ичида яшай бошлади. Бешинчи ёшдан бошлаб қуртлар ўргимчак остидан чиқади ва якка-якка бўлиб яшашга киришади. Қуртлар жами 7 ёшни кечиради. Қуртлик даври учун оқ капалак 45-55 кунни талаб этади. Шундан кейин ғумбакланади ва 8-14 кундан кейин иккинчи бўғин капалаклари учб чиқади. Ушбу ҳашарот бир мавсумда 2-3 бўғин бериши мумкин.


*Кураши чоралари.* 1. Ташқи карантин обьекти бўлганлиги сабабли бу соҳада назарда тутилган барча чора-тадбирлар амалга оширилади. Америка оқ капалаги тарқалган ҳудудлар чегараси Ўзбекистонга яқинлиги ҳамда капалаги ҳаво оқимлари билан ўтиши мумикнлигини инобатга олиб мутахассислардан ҳушёрлик талаб этилади. Агарда заараркунанданинг уяси аниқланса, зудлик билан уни йўқ қилиш чора-тадбирлари кўрилади. Бунинг учун ҳар қандай синтетик пиретроидлар (алмаштирилиб) 2-3 марта маҳсус техника ёрдамида қўлланилади.

### **3. Ток заараркунандалари**

Токга бир қатор заараркунандалар заарар етказиши мумкин: унсимон узум ва комсток қуртлари, узум канаси, узум цикадаси, шингил қурти, акация сохта қалқондори, арилар ва бошқалар. Бу заараркунандаларнинг кўпчилиги санчиб-сўрувчи оғиз аппаратига эга бўлиб, асосан токнинг янги ўсиб чиқсан барг ва новдаларини зааралайди.

**Унсимон узум ва комсток қуртлари (червецлар).** Ҳар иккала ҳашаротнинг тузилиши ҳамда ҳаёт кечириши бир-

бирига яқин бўлганлиги учун бирга таърифланади. Унсимон узум қурти – *Pseudococcus citri* Risso, комсток қурти эса – *Ps. comstocki* Kuw. деб аталиб, teng қанотлилар (*Homoptera*) туркумига, *Pseudococcidae* – унсимон қуртлар оиласига мансуб. Бу ҳашаротлар орасида айниқса комсток қурти кенг тарқалган бўлиб, уни Ўзбекистоннинг барча худудларида учрашиш мумкин. Унсимон узум қурти эса кенг тарқалган бўлмасада, баъзан узумга кучли хуруж қилиши мумкин (91-расм).



91-расм.  
**Унсимон узум  
қурти**  
(В.В. Яхонтов  
маълумоти бўйича):  
1-урғочи зоти;  
2-эркак зот.

**Таърифи.** Бу ҳашаротларнинг ташқи тузилишида жинсий диморфизм, яъни турли шаклланиш кескин кўзга ташланади. Урғочиси қанотсиз, бесўнақай, қатталиги 3,5-4 мм келади, секин ҳаракатланади, ўзига хос яssi шаклга эга, танасининг атрофида етарлича узунликка эга 17 жуфт мумсимон ип кўринишида ўсиқлари бор. Бу ўсиқларнинг охирги жуфти қолганларидан узун бўлиб, «дум» шаклида бўлади. Ҳар иккала турга мансуб урғочи зотларни айни шу белги ажратиб туради: комсток қуртининг мазкур ўсимталари узун бўлиб, танасининг ярмича келади, узум унсимон қуртининг ўсимталари эса калтароқ (танасининг учдан ёки тўртдан бирига teng). Куртнинг тузи сарғиш-жигарранг бўлиб, у маҳсус безлар маҳсули – оқ мумсимон қоплама билан эгалланган. Эркак зоти майда (1,2-1,5 мм), бир жуфт қанотли ҳашарот бўлиб, танаси-

нинг охирида иккита дум ипи, бошида эса узун чўтсимон мўйлови мавжуд.

**Ҳаёт кечириши.** Комсток қурти вояга етмаган личинкалик шаклида, узум унсимон қурти эса тухум шаклида, асосан пўстлоқлар остида ҳамда турли пана жойларда қишлиб чиқади. Комсток қуртининг личинкалари, узум унсимон қуртининг эса вояга етган урғочи зотлари баҳорда, март ойининг охири-апрел бошларида пайдо бўлади. Улар озиқлангач, вояга етганлари асосан партеногенетик (эркаксиз) тухум қўйиб қўпая бошлайди. Ҳар бир урғочи зот 15-30 кун ичида жами 250-600 та тухум қўйиши мумкин. Тухумдан очиб чиқсан личинка 3 ёшни бошдан кечиради. Учинчиси тинчлик даврни кечиб, яна етук урғочи зотга айланади. Бир мавсумда унсимон қуртлар 3-4 бўғин бериши мумкин. Ҳар иккала унсимон қуртларнинг барча ҳаётий шакллари қишлиб қолиши мумкин. Лекин комсток қуртининг фақат овисак – тўрвадаги тухумлари, узум унсимон қуртининг эса фақат етилмаган урғочи зотларигина омон қолади, қолганлари қирилиб кетади.

**Зарари.** Унсимон қуртлар факатгина узум эмас, балки турли дараҳтларга (ҳаммахўр): олма, нок, цитрус ўсимликлари, анжир, анор, тут ва бир қатор бир йиллик ўсимликларга ҳам хуруж қилиши мумкин. Бу заракунандаларнинг личинкалари санчиб-сўрувчи оғиз аппарати билан ўсимликларнинг турли аъзоларини шикастлаши мумкин: барг, тана, новда, мева ва бошқалар. Шикастланган ўсимликлар ўсиш ва ривожланишдан орқада қолади, ҳосил сифатсиз бўлиб, 50-70% гача камаяди. Унсимон қуртлар мавжудлигини ток (узум) ҳамда барча бошқа дараҳтлардан оқиб тушаётган ширадан ёки ўрмалаган чумоли ва арилар қўпайганидан билиш мумкин.


**Кураши чоралари.** 1. Ташкилий-хўжалик ва ўсимлик бардошлилигини оширадиган агротехник чора-тадбирлар. 2. Биологик усул сифатида унсимон қуртларнинг самарали кушандаси – псевдафикус (*Pseudaphicus malinus* Gah.) қўлланилади. Ундан ташқари табиатда бу қуртларнинг бошқа самарали кушандаси ҳам бор. Масалан, bona мушкаси (пашшаси) – *Leucopis bona* Rohd. Унинг личинкалари комсток қуртининг

кўплаб қисмини қиради (Яхонтов, 1963). З. Кимёвий кураш сифатида турли синтетик пиретроид ҳамда фосфорорганик инсектицидлар қўлланилади. Токларга мавсум мобайнида 2-3 марта ишлов бериш лозим. Охирги ишлов узум етилишидан 30 кун илгари тугалланиши шарт.

**Ток канаси** – *Eriophyes vitis* Nal. Тўрт оёқли каналар – *Eriophyoidea* Reibev бош оиласининг, *Eriophyidae* оиласига мансуб.

**Тарқалиши.** Дунё бўйича кенг тарқалган зааркунанда. Ўзбекистоннинг барча худудларида учрайди.

**Таърифи.** Ток канаси кўзга кўринмайдиган даражада майда мавжудот (0,14-0,16 мм). Уни фақат бинокуляр ёки 15-20 марта катталаштириб кўрсатадиган лупалар ёрдамида кўриш мумкин. Ток канасининг танаси чўзиқ, 2 жуфт оёққа эга, тана охирида узун қиллари бор. Токда кана борлигини баргларда ғуддалар мавжудлигидан билиш мумкин. Ғуддалар баргнинг устки томонида бўлади, ост томонида эса чукурчалар мавжуд бўлиб, уларда олдин оқ-кумуш кейинчалик қизғиши-қўнғир тус оладиган ҳужайра ўсимталари қопланиб олган бўлади (92-расм).



92-расм.

**Узум канаси**

(Г. Ванек ва б.

маълумоти

бўйича):

1-кананинг

умумий кўри-  
ниши;

2-заарланган

узум барглари.

**Ҳаёт кечириши.** Ток канаси пўстлоқ ости ҳамда куртак атрофларида қишлиб чиқади. Баҳорда (апрел охири-май) уйғониб, янги пайдо бўлган баргларни заарлай бошлайди. У қуидаги фазаларни кечиради: тухум, 1-нимфа, 2-нимфа ва етук зот. Оталанган тухумдан урғочи ва эркак зот, оталанмаганидан эса фақат эркак зот очиб чиқади. Мавсумда бир неча бўғин беради.

**Зарари.** Ток канаси кўпроқ маҳаллий нав узумларни хуш кўради, айрим навлар умуман заарланмайди. Заарланган ток ривожланишдан орқада қолади, ҳосилнинг сифати ёмонлашади ва миқдори камаяди.

**Кураши чоралари.** 1. Ток канаси кўпроқ ерда ётган узумларни заарлайди, шу боис ток поясини ишкомларга (шпалерларга) кўтариш лозим. 2. Кимёвий кураш яхши самара беради. Бунинг учун олтингугурт кукунини ун-шудринг касалига қарши чанглатиб турилса у ток канасини ҳам қиради. Махсус акарицидлардан омайт (0,15%) ва неорон (0,1%) кўлланилади.

**Узум цикадаси.** 2003 йиллардан бошлаб Ўзбекистонда, айниқса пойтахт ҳамда Водий вилоятларида узумга ихтисослашган сўрувчи зааркунанда – цикада (саратон) кучли зарар етказа бошлади. Бу ҳашарот барча кўрсаткичлари бўйича адабиётларда изоҳланган (Сугоняев ва б., 2004) япон узум цикадасига ўхшашиб. Лотинча номи *Arboridia kakogawana* (*Matsumura*) бўлиб, у teng қанотлилар (*Homoptera*) туркумининг *Cicadellidae* оиласига мансубдир. Бу ҳашаротни 1932 йили Япония олимни Матсумура аниқлаб ном қўйган.

**Таърифи.** Ток цикадаси унча йирик бўлмаган (1,6-2,0 мм) қанотли ҳашарот, ранги оч кулранг, олд елкасида 2 та қора нуқтаси бор. Яхши учади, тез ҳаракат қиласи (93-расм).

**Ҳаёт кечириши.** Биологияси яхши ўрганилмаган. Апрелдан бошлаб узум барглари шикастлана бошлайди. Водий шароитида тез-тез бўладиган кучли шамол цикадани узок масофаларга олиб кетади. Шунинг учун ҳам бу ҳашарот тезда тарқаб кетади. Узум цикадаси тўлиқсиз ривожланадиган ҳашарот.



93-расм. Узум  
цикадасининг  
кўриниши.

У қўйган тухумдан ўзига ўхшаш қанотсиз, майда личинка очиб чиқади, ғумбаклик даврини ўтмай секин-аста етук зотга айланади. Ўзбекистон шароитида мавсумда 2-3 бўғин бериши мумкин.

**Зарари.** Цикадалар сўрган ток барги хлорофилсизланиб оқариб қолади. Натижада фотосинтез жараёни бузилади, ток касалга чалинади, мева шакарсизланади ва ҳосилдорлик пасаяди.

**Кураши чоралари.** 1.Узум цикадасига қарши курашда олдини олиш чора-тадбирлари (кузда хасчўпларни йиғиштириб ёкиб юбориш, ток атрофларини ҳайдаш ва б.) ҳамда токнинг бардошлилигини ошириш учун органик ва минерал ўғитлар билан озиқлантириш катта аҳамиятга эга. 2. Кимёвий курашда синтетик пиретроидлар ҳамда фосфорли инсектицидлар юқори самара беради.

**Узум мевасининг зараркунандалари.** Узум мевасига ташки кўриниши ва ҳаёт кечириши бир-бирига жуда ўхшаш барг ўровчи (*Tortricidae*) капалаклар оиласига мансуб 2 тур ҳашаротлар зарар келтириши мумкин. Булар ток барг ўровчи-си *Sparganothis pilleriana* ҳамда шингил барг ўровчиси *Polychrosis botrana* ҳисобланади. Ҳар иккаласи ҳам намлиқ-

севар (стеногигробионт) тур бўлиб, кўпроқ сўрига қўтарилмайдиган токларнинг мевасига хуруж қилади, шунингдек мева доналари зич жойлашган навларни (қора кишмиш, чарос, мускат) хуш кўради.

**Таърифи.** Ток барг ўровчисининг капалаги бироз йирик-роқ (қанот ёзганда 12-15 мм) бўлади. Олдинги жуфт қанотлари оч сариқ ёки оч кулранг, ялтироқ, ўртасида кўндаланг жойлашган кенг қорамтири доғи ва кумуш ранг жилоси бор. Орқа қанотлари кулсимон қўнғир рангда, эркагиники эса оч рангда бўлади. Тухуми оқ, яssi, катталиги 0,65-0,9 мм келади. Куртининг боши қора, танасини майда қорамтири сўгалчалар босган, катта ёш қуртнинг узунлиги 14 мм келади, ранги яшилроқ-пушти ёки қизғиши бўлиб, майда сийрак туклар билан қопланган. Ғумбаги жигарранг, узунлиги 5-5,5 мм келади, оқ пилла ичидаги жойлашади.

**Ҳаёт кечириши.** Ток барг ўровчиси ғумбаклик шаклида асосан пўстлоқ ости ва бошқа пана жойларда қишлиб чиқади. Баҳорда (апрел) капалаклар учиб чиқиб қўшимча озиқлангач, урчиб тухум қўйишга киришади. Ҳар бир зот 50-70 та тухумни асосан якка-якка қилиб шингил доналарига қўяди. Очиб чиқкан қуртлар шингил билан озиқланади, уни ўргимчак иплари билан ўраб олади. Бу ҳашарот қуртлари баъзан ёш новда ичини ҳам ўйиб киради. Олти ёшни ўтгач, юпқа пилла ўраб, ичидаги ғумбакка айланади. 1-1,5 ҳафтадан кейин янги бўғин капалаклари учиб чиқади. Ўзбекистон шароитида 3-4 та бўғин беради. Кузнинг охирги ойларида ғумбак шаклидагилари қишлоғига кетади, қолган шакллари ўлиб кетади.

**Зарари.** Ток барг ўровчисининг зарари асосан узумнинг сифати ва хосилдорлиги пасайишида намоён бўлади. Айrim кузатишларга кўра, бу зааркунданда таъсирида Самарқанд вилояти шароитида 40-50% гача қора кишмиш навлари нобуд бўлган (Кожанчиков, 1931).

**Кураши чоралари.** 1. Токни барг ўровчидан сақлашнинг асосий йўли олдини олишдир. Бунинг учун, асосан Самарқанд, Жизах ва бошқа вилоятларда тарқалган ишкомсиз


ўстириш усулидан воз кечиб, токни сим шпалерларга ёки ёғоч ишкомларга кўтариб ўстиришни йўлга қўйиш керак. 2. Биологик кураш сифатида биолабораторияларда кўпайтириладиган бракондан зааркунанданинг қуртларига қарши фойдаланиш мумкин. 3. Кимёвий кураш узум гуллашидан олдин ва ундан кейин 2 марта ўтказилади. Бунинг учун синтетик пиретроидлар, фосфорорганик препаратлар ҳамда аваунт (0,4 л/га) ва димилиндан (0,3 л/га) фойдаланилади. Ишлов бериш ҳосил етилишидан 40 кун илгари тўхтатилиши лозим (бу даврда браконни ишлатиш мумкин).

**Шингил барг ўровчиси – *Polychrosis botrana*.** Ўзбекистонда, кўшни давлатларда, ҳамда Европа, Африка, Шимолий Америка китъаларининг кўпгина давлатларида тарқалган.

**Таърифи.** Капалаги 12-13 мм келади. Олдинги қанотлари кўнғир рангли бўлиб, кўндалангига жойлашган иккита оч боғичи бор. Орқадаги қанотлари кулранг, асоси ташки чеккасига нисбатан очроқ. Тухумлари (0,5-0,7 мм) сариқ, уст томони яссироқ. Қуртининг узунлиги 12 мм гача боради, боши қорамтир-кўнғир, танаси сарғимтир-яшил, сезилар-сезилмас доғлар ва туклар билан қопланган. Гумбаги (5-7 мм) кўнғир, юмшоқ пилла ичига ўралган бўлади (94-расм).

**Ҳаёт кечириши.** Бу ҳашарот ҳам гумбак шаклида пўстлоқ остида ҳамда бошқа пана жойларда қишлиб чиқади. Апрел-май ойларида капалаклар учеби чиқиб узум шингилларига тухум қўя бошлайди. Очиб чиқкан қуртлар 12-18 кун озиқланиб гумбакка айланади ва 8-10 кундан сўнг янги бўғин капалаклари пайдо бўлади. Ўзбекистон шароитларида мавсумда 3-4 та бўғин беради. Зааркунанда намсевар бўлгани учун асосан ерда қолдирилган узум поясини хуш кўради, аммо ишкомга кўтарилиган токни ҳам заарлаши мумкин.

**Зарари.** Шингил барг ўровчининг қуртлари заарлаган узум донаси микроорганизмлар таъсирида чирий бошлайди. Бундан ташқари, бошлаб берилган зарар арилар томонидан давом эттирилади, оқибатда узум ҳосилдорлиги кескин пасайиб кетади.



94-расм.  
Шингил барг  
ўровчиши  
(Г. Ванек ва б.  
маълумоти  
бўйича):  
1-курти;  
2-капалаги;  
3-шингил  
бошланишда  
зарарланиши;  
4-шингилдаги  
ғўракларнинг  
зарарланиши;  
5-гумбаги  
(пилла ичидা).

**Кураш чоралари.** Ҳар иккала барг ўровчиларнинг ҳаёт кечириши ва зарари бир-бирига ўхшаш, шу боис уларга деярли бир хил усулда курашилади.

**Арвоҳ капалак ёки бражниклар.** Капалакларнинг (*Lepidoptera*) арвоҳ капалаклар (*Sphingidae*) оиласига мансуб. Ўзбекистонда учта турини учратиш мумкин: ўрта вино бражники (*Pergesa elpenor* L.), аллекто бражники (*Theretra alecto* L.) ва линейкасимон бражник (*Celerio livornica* Esp.) (Яхонтов, 1963). Ташқи кўриниши, ҳаёт кечириши ва зарари бир-бирига жуда ўхшаш, қарши курашиш усуллари ҳам бир хил.

**Тарқалишии.** Бражниклар Ўрта Осиё мамлакатларидан ташқари кўпгина чет давлатларда ҳам тарқалган.

**Таърифи.** Капалаги жуда йирик (6-7 см), ўзига хос силлиқ (замонавий самолёт шаклида) ва кўркамдир. Баъзан уйларга кириб қоладиган ёки кечаси ҳовлидаги чироққа учид қеладиган йирик капалаклар шулар жумласидандир. Олд қанотлари оч қўнғирдан зайдундек яшилгача, ташки чеккаси гунафша рангли бўлиб, пушти тусда товланади. Учидан орқа чеккасигача қийшиқ ҳолда иккита камбар гунафша йўл кетади. Орқа қанотлари пушти, асоси эса қора. Танаси қалин туклар билан қопланган, икки ёни қизил, усти зайдундай яшил, узунасига кетган пушти йўллари бор. Қурти йирик – 10 см га яқин. Ранги яшилдан оч қўнғир-яшилгача, 4-5 сегментлари ёнида биттадан қора ҳошияли йирик доғлари бор. Доғларнинг ўртасида ярим ой шаклида рангиз ядрои бор, қурт танасининг орқа учидан узун (5 мм ва ундан ортиқ) ўсиғи бор. Бу бражник куртларига хос белгилардандин (95-расм). Гумбаги 3-3,5 см келади, ранги оч қўнғир, қора нуқталари бор.



95-расм.  
Бражникнинг  
катта ёшдаги  
қурти.

**Ҳаёт кечириши.** Бражникларнинг ҳаёти яхши ўрганилмаган. Маълумки бу ҳашаротлар ғумбак шаклида тупроқда қишлиб чиқади. Май-июн ойларида капалаклар пайдо бўлиб, якка-якка қилиб тухум қўяди. Куртлари узум баргини кемириб шикастлади. Бу пайтда бражник қурти мавжудлигини ток остига тўкиладиган цилиндрик шаклдаги ахлатидан билса бўлади. Қурти одатда ток новдасига ёпишиб олиб барги ва новда уни билан озиқланди. Мавсумда 2 бўғин бериши мумкин.

**Зарари.** Бражниклар узумдан ташқари бошқа ўсимликлар билан ҳам озиқланиши мумкин. Одатда бражниклар токнинг иккиламчи зааркунандаси ҳисобланади. Аммо айрим пайтда у кўплаб урчиши мумкин, бу пайтда уларга қарши маҳсус кураш чоралари қўлланилади. Одатда токда бражник курти кам миқдорда бўлса, уни қўлда териб ташлаш ҳам мумкин.


**Чет мамлакатлардан** ўтиб қолиши мумкин бўлган ток зааркундалари орасида энг хавфлиси ток шираси – филлоксерадир.

**Ток шираси ёки филлоксера** – *Phylloxera vastatrix* Planch.

**Тарқалиши.** Ток ширасининг ватани Шимолий Америка-дир. У XIX асрда Европага тасодифан олиб ўтилиб кенг тарқай бошлаган. Ҳозирда уни Франция, Испания, Италия, Швейцария, Крим, Молдавия, Украина, Озарбайжон, Арманистон, Грузия ва Доғистоннинг айрим туманларида учратиш мумкин. Хитой ва Ҳиндистонда ҳам учрайди.

**Таърифи.** Филлоксеранинг икки шакли мавжуд: бири токнинг ер остки қисмини, иккинчиси ер устки қисмини зааралайди. Унинг эркак ва ургочи, қанотли ва қанотсиз шакллари мавжуд. Илдизга заарар етказадиган қанотсиз ургочисининг узунлиги 1 мм келади, овал шаклда, бироз яссиланган, сарғиш-яшил рангли бўлиб, орқаси бўйлаб қатор-қатор корамтири сўгалчалар жойлашади.

Баргга заарар етказадиган партеногенез йўли билан кўпаювчи қанотсиз ургочиси каттароқ (1,2-1,5 мм), ноксимон шаклда бўлиб, ранги оч яшил-қўнғир бўлади. Унда илдизга заарар келтирадиган шакли учун хос бўлган қорамтири сўгалчалар бўлмайди. Икки жинсли бўғинининг зотлари майда (0,25-0,45 мм), уларда қанот бўлмайди ва оғиз аппарати ривожланмаган. Ранги сариқ-яшил ёки сариқ-қўнғир бўлади. Тухуми овал шаклда, оч ёки тўқ сариқ, бўйи 0,36-0,40 мм келади. Қишлийдиган тухуми майдароқ (0,27 мм), яшил рангда.



96-расм.  
**Ток шираси (филлоксера)** (Г. Ванек ва б. маълумоти бўйича): 1-кишлаб чиқкан тухуми; 2-личинкаси; 3-ургочи зот; 4,5-ёзги авлодлари; 6,7-қанотли қишлиайдиган тухум тугувчи зотлар; 8-шикастланган илдиздаги шишлар; 9-шикастланган барглардаги шишлар (галллар).

**Хаёт кечириши.** Филлоксеранинг хаёт кечириши мураккаб. Бир токнинг ўзида унинг илдиз қисмида ҳамда ер устки қисмида ҳаёт кечиравчи шакллари ҳамда личинкалик ва тухум шаклида қишлиаб қолганларини учратиш мумкин. Лекин бундай ҳолат фақат токнинг Америка навлари ва дурагайларида содир бўлади. Осиё ва Европада ўсуви ток навларида филлоксера фақат илдиз қисмини шикастлайди.

Филлоксеранинг токнинг илдиз қисмини заарлайдиган шакли фақат тирик туғиши йўли билан кўпаяди. 1-2 ёш личинкалари илдизларда қишлиаб чиқади. Баҳорда тупроқ ҳарорати  $13^{\circ}$  дан ошганидан кейин уйғонади ва қўшимча озиқланиб етук зотга айланади. Шикастланган илдизларда шишлар (галл) ҳосил бўлади. Озарбайжон шароитида филлоксера бир мавсумда 7-8 бўғин беради (96-расм).

**Зарари.** Филлоксера билан заарланган ток ўсиш ва

ривожланишдан орқада қолади, ҳосилдорлик пасаяди, чора кўрилмаса 2-6 йилдан кейин ток қуриб қолиши мумкин.

**Кураш чоралари.** 1. Карантин чора-тадбирларига қатъий риоя қилинади, четдан олиб келинадиган ток кўчати (новда) маҳсус фумигация килиниши лозим. 2. Агротехник тадбирлар (ҳайдаш, озиқлантириш, сугориш). 3. Кимёвий кураш сифатида системали (ичдан) таъсир қилувчи БИ-58, конфидор, моспилан афицидларини маҳсус технология бўйича қўллаш юқори самара бериши мумкин.

## 8-боб. ТУТ ДАРАХТИ ЗАРАРКУНАНДАЛАРИ

Маълумки, ипакчилик қишлоқ хўжалигининг асосий йўналишларидан биридир. Пиллачилик озиқа манбаи бўлган тут дараҳтлари (*Morus alba L.*) ва ипак қурти (*Bombyx mori L.*) каби тирик организмларни қамраб оловчи улкан тармоқ ҳисобланади.

Тут дараҳтлари узок даврлардан буён экин далалари атрофи, йўл ва зовур ёқаларига ҳамда маҳсус плантациялар шаклида экилиб ўстирилади. Бунда дала атрофида жойлашган дараҳтлар баланд бўйли бўлиб, пилла қурти учун барг манбаи бўлишидан ташқари, тупроқ эрозиясига қарши курашда самарали тўсиқ вазифасини ҳам бажариб келади. Шамол эрозияси кейинги йилларда айрим сабабларга кўра тут дараҳтлари кесиб кетилган далаларда айниқса намоён бўлмоқда. Демак, тут дараҳтларининг ҳимояси деҳқончилигимиз учун зарур бўлган омиллардан биридир.

Барча ўсимликлар каби тутлар ҳам турли хил мавжудотлар учун озиқа вазифасини ўтайди. Буларга қуйидаги бўғимоёқли жониворларни киритиш мумкин: ўргимчаккана, трипс, комсток қурти, кемирувчи тут одимчиси ҳамда нисбатан яқинда пайдо бўлган тут парвонаси. Ушбу зааркунандалар тутга заар келтириши билан бир қаторда, ғўза ва бошқа тут атрофига экиласидиган экинлар учун ҳам заарли манба ҳисобланади.

## **1. Нихол зараркунандалари**

Маълумки, тут кўчатлари дастлаб маҳсус кўчатзорларда уруғдан ундириб ёки чиллак новдаларни ерга қадаш усуллари билан етиширилади. Кўчатларни ўстириш даврида уларнинг илдиз қисмига айниқса тунламлар ва бузоқбош (хруш) қўнғизининг қуртлари, барг ва новдаларига эса ўргимчаккана ва тамаки трипси зарар келтириши мумкин.

**Илдиз кемириувчи тунламлар.** Булардан айниқса кузги тунлам (*Agrotis segetum* Den. et Schiff) ва ундов тунлами (*A. exclamationis* L.) кўплаб шикаст етказиши мумкин. Апрел ойла-рида учиб чиққан капалаклар урчиб, ўсимлик илдиз бағрига ва пастки баргларига якка-якка қилиб тухум қўяди. Тухумдан очиб чиққан қуртлар ер остига кириб ёш ва юмшоқ илдизлар билан озиқланади, катта ёшга ўтган сари илдизнинг қаттиқ қисмини хам шикастлай бошлайди. Бундай ёш нихоллар сўлиб қуриб қолиши мумкин. Кузги тунлам мавсумда 3-4, ундов тунлами эса 2 бўғин бериб ривожланади.

**Кураши чоралари.** Илдиз кемириувчи тунламларнинг тухумига қарши феромон тутқичларга (ФТ) илинган капалак сонига қараб ҳар бўғинига қарши 2-3 марта трихограмма кушандаси қўйилади. Куртининг сони ортиб кетганда (ҳар  $m^2$  да 2 ва ундан ортиқ) тавсия этилган бирор синтетик пиретроид (децис, бульдок, цимбуш, суми-альфа, кинмикс) қўлланилади. Ишлов бериш 2 усулда амалга оширилади. Трактор ёки қўл аппарати билан пуркалиб, кетидан ерга енгил ишлов (культивация) берилади ва сув қўйилади (бунда инсектицидинг самараси юқори бўлишига эришилади); инсектицид эритмаси тайёрланиб «лейка» ёрдамида тут нихоллари остига қуйиб чиқилади.

**Бузоқбош (хруш) қўнғизлари** (*Scarabaeidae* оиласи). Органик ўғит солинган ерларда кўплаб учрайди. Заараркунанданинг личинкалари (қуртлар) асосан тут илдизларини кемириб шикаст етказиши мумкин. Бу заараркунандаларнинг 4-5 тури тутларга зарар етказади. Бузоқбоши қўнғизлари 3-4 йилда бир бўғин бериб ривожланади. Шундан 2,5-3,5 йили

қуртлик даврида ўтади.

**Кураши чоралари.** 1. Ерга бузоқбоши билан заарланмаган маҳаллий ўғит солиш. 2. Илдизкемирувчи қуртларга (жумладан кузги тунламга) қарши тавсия қилингандын инсектицидларни қўллаш.

**Ўргимчакканана** (*Tetranychus urticae* Koch.). Ўргимчакканана мавсумда 13-15 бўғин бериб ривожланади ва деярли барча қишлоқ хўжалик экинлари билан озиқланади. Тут ниҳолларининг баргларини сўриши оқибатида кўчат етарлича бакувватлашмайди ва ривождан орқада қолади. Ўргимчакканана кузги салқин шароит вужудга келиши билан қишлоғга тайёргарлик кўра бошлайди ва оталанган урғочи зот шаклида охирги яшаган ерда пана жой топиб қишлиб қолади. Шунинг учун кузда даладан органик қолдиқларни олиб чиқиб ташлаб, ерни чукур шудгорлаш бу ва бошқа бир қатор зааркунандаларга қирғин келтиришни таъминлайди.

**Кураши чоралари.** 1. Агротехник чоралар. 2. Май ойининг охирида дала атрофидаги бегона ўтларга кимёвий ишлов бериб, барча сўрувчи зааркунандалар кўпайишининг олдини олиш. 3. Тут ниҳолларининг 15-20% ида ўргимчакканана пайдо бўлса, бирор акарицид (омайт, неорон, вертимекс, олтингугурт, ортус, флумайт ва б.) қўллаш.

**Трипс.** Тутларга асосан тамаки трипси (*Thrips tabaci* Lind.) хуруж қиласи. Бу ҳошия қанотли майда ҳашарот йилига 5-7 бўғин бериб ривожланади, у ҳаммахўр бўлиб, деярли барча экинларда учрайди. Уни тут ниҳолларида ва катта тутларда ҳам бутун мавсум давомида учратиш мумкин. Трипс тут баргларини санчиб-сўриб ривождан орқада қолдиради, новдалар 15-20% га қисқа ва ингичкароқ бўлиб қолади.

**Кураши чоралари.** 1. Агротехник чоралар. 2. Баҳорги олдини олиш ишлови. 3. Кимёвий кураш сифатида трипс ва ўргимчакканага қарши бирор уйғунлашган таъсир этувчи инсектицид-акарицидларни (дельтафос, фозалон, нурелл-Д, каратэ, талстар) қўллаш.

## *2. Кўп йиллик тут дараҳтларига шикаст етказувчи зааркунандалар*

**Сўрувчи зааркунандалар.** Бутун мавсум мобайнида тутларнинг баргидаги ўргимчакканава трипсни учратиши мумкин. Бу ҳар икки зааркунанда фақат тутга зарар етказибгина қолмай, улар атрофидаги экинларга (ғўза ва б.) тарқаш манбай бўлиб қолаверади. Булардан ташқари, ёзда (айниқса куз ойларига яқин) тутларда комсток қуртлари (*Pseudococcus comstoki* Kuw.) пайдо бўлиб, новда ва баргларини сўради, танасидан чиқарадиган суюқлиги орқали пастда жойлашган барг ва новдаларни елимлайди ва моғор замбрӯғлари учун замин яратади. Бундай дараҳт баргларида фотосинтез жараёни ҳам сусаяди, дараҳт нормал ривожланмайди, кейинги йил учун замин бўлмиш – новда қийшиқ, ғурралиқ, қисқа ва ингичка бўлиб ўсади. Зааркунанда бир йилда 3-4 бўғин бераб, тухум шаклида оқ мумсимон қоплама остида қишлиб чиқади.



97-расм. Дараҳт  
иlldизларини еб вояга  
етган хруш личинкалари

**Кураш чоралари.** Комсток қуртининг табиий кушандалари мавжуд бўлиб, улар орасида Бона пашшаси ҳамда псевдафикус яйдоқчисининг самараси жуда юқори (80-90%) бўлиши мумкин (Яхонтов, 1953). Булардан ташқари қуидаги амалий тадбирларни ўтказиш ҳам мақсадга мувофиқдир.

1. Дараҳтлар ўсиб ривожланишини кучайтирадиган агротехник тадбирларни ўтказиш. 2. Кузда ва баҳорда комсток билан зааррланган тут новдаларини кесиб олиб ёқиб ташлаш. 3. Энтомофагларнинг самараси етарли бўлмаган ерларда бирор уйғунлашган таъсир этувчи инсектицид-акарицидларни қўллаб, химоя тадбирларини ўтказиш.

**Тут одимчиси** (*Aposcheima cinerarius* Ersch). Бу ҳашарот Ўзбекистоннинг асосан тоғолди туманларида жойлашган ерларда учрайди (масалан, Соҳ водийси). Пасттекистликларда ҳам баъзан уни учратиш мумкин. Зааркунанда асосан тутга ихтисослашган, лекин бир қатор бошқа дараҳтларга ҳам (ўрик, беҳи, шафтоли, олхўри ва б.) хуруж қилиши мумкин. Бир йилда бир бўғин берувчи бу ҳашарот тут дараҳтларининг танасига яқин жойдаги ерда ғумбак шаклида қишлиб қолади. Жуда ҳам эрта (феврал-март) ғумбакдан чиққан қанотсиз урғочи зот жуфтлашиш ҳамда тухум қўйиш учун судралиб дараҳтга чиқишига ҳаракат қиласи ва уддасидан чиққани тўп-тўп қилиб, жами 600-700 тагача тухум қўяди. Тухумдан куртлари апрелда дараҳт куртаклари бўрта бошлаганда чиқади ва озиқлана бошлайди. Куртларининг қорин қисмида сохта оёқлари етишмаслиги сабабли, у қадамлаб юрганга ўхшаб ҳаракат қиласи. Шунинг учун уни одимчи деб атashади. Тут баргларини емириб, дараҳтни бутунлай баргсиз қилиб қўйиши ҳам мумкин (98-расм). Бундай дараҳтнинг қайтадан қўкариши қийин бўлади, ундан пиллачилик учун барг олиб бўлмайди. Йил якунига бориб бундай дараҳтнинг барча кўрсаткичлари орқада қолади. Зааркунанда эса ривожини тугатиб, тўқиган ипчасига осилиб пастга тушади ва қишлишга тайёрланади.



2



1

98-расм. Тут одимчиси:  
1-катта ёш курти; 2-кучли  
заарланган тут новдаси.

**Кураши чоралари.** 1. Дараҳт атрофидаги ерни чопиб ағда-риш ҳар томонлама юқори самара бериши мумкин. 2. Январ ойида тутнинг пастки қисмига елимли белбоғ боғлаб қўйиш февралда одимчининг дараҳтга судралиб чиқишига йўл қўй-майди. 3. Лабораторияларда кўпайтириладиган бракон кушандасини одимчи қуртларига қарши 1:10-15 нисбатда 2 марта қўйиб юбориш яхш натижа беради. 4. Одимчи қуртлари барг юзасида очик ҳолатда озиқланганлиги сабабли, тут парво-насига қарши тавсия этилган (14-жадвалга қаранг) ҳар қандай инсектицидни кўллаш мумкин.

**Тут парвонаси** – *Diaphania (Glyphodes) pyloalis* Walker. Ўзбекистоннинг жанубий ҳудудларида 1994 йилдан бошлаб пайдо бўлган ҳашарот. Тут парвонаси ипакчилик билан шуғулланиб келаётган Хитой, Япония, Ҳиндистон ва бошқа Осиё мамлакатларида кенг тарқалган (Шпигель, Покровский, 1932; Iwashita, Fukui, 1981; Ando, Ohsawa, 1993; Hayasaaka, Yonemura, 1999).

Тут парвонаси серҳаракат ва тез ривожланадиган ҳашарот бўлгани учун хамда янги ҳудудда унинг табиий кушандалари етарли бўлмаганлиги оқибатида республикамизнинг бир қатор


## 14-жадвал

Тут парвонасига қарши рухсат этилган инсектицидлар рўйхати  
«Рўйхат, 2010» дан олинди)

№	Инсектицид ва инсектицид-акарицидлар	Таъсир этувчи моддаси	Сарфлаш микдори		
			л/га	Эритма куюклиги, % (хар гектарга 1000 л сув сарф этилганда)	Моторли пуркагич (хар 10 л сувга, мл)
<i>1-3 ёши куртларга қарши (зарарланни бошида)</i>					
1.	Аваунт, 15% с.к.	Индоксакарб	0,3	0,03	25
2.	Адонис, 4% э.к.	Фипронил	0,25	0,025	21
3.	Бульдок, 2,5% э.к.	Бетацифлутрин	0,8	0,08	67
4.	Данитол, 10% э.к.	Фенпропатрин	2,0	0,2	167
5.	Децис, 2,5% э.к. (пилардельта)	Дельтаметрин	0,3-0,4	0,03-0,04	25-33
6.	Димилин, 48% с.к.	Дифлубен зурон	0,3	0,03	25
			0,15+	0,015+	12,5+
			0,15	0,015	12,5
7.	Каратэ Зеон, 5% с.к. (ниндзя, атила)	Лямбдацигалотрин	0,5	0,05	42
8.	Кинмикс, 5% э.к.	Бетацифлутрин	0,3	0,03	25
9.	Регент, 20% с.к.	Фипронил	0,04-0,05	0,004-0,005	3,5-4,2
10.	Суми-альфа, 20% э.к.	Эсфенвалерат	0,1-0,15	0,01-0,015	8,5-12,5
11.	Фьюри, 10% э.к.	Зетаметрин	0,1	0,01	8,5
12.	Цимбуш (ширакс, арриво, циперметрин, 25% к.э.)	Циперметрин	0,2-0,3	0,02-0,03	16,7-25
13.	Талстар, 10% э.к.	Бифентрин	0,5	0,05	42
<i>1-6 ёшли куртларга қарши (кучли зарарланганда)</i>					
1.	Нурелл-Д (циперфос), 55% э.к.	Циперметрин + хлорпирифос	2,0	0,2	167
2.	Дельтафос, 36% э.к.	Дельтаметрин + триазофос	0,6-0,8	0,06-0,08	50-67
3.	Политрин-К, 31,5% э.к.	Профенофос + лямбдацигалотрин	0,75	0,075	62,5
4.	Би-58(рогор, фосфамид, данодим), 40% э.к.	Фосфамид	2,5	0,25	208
5.	Фозалон (золон), 35% э.к.	Золон	2,5	0,25	208
6.	Карбофос, 50% э.к.	Малатион	2,0	0,2	167
7.	Дурсбан, 48,0% э.к.	Хлорпирифос	1,5	0,15	125
8.	Моспилан, 20% х.к. (камилот, пилармос)	Ацетамиприд	0,15 кг/га	0,015	12,5
9.	Танрек, 18,2% э.к. (багира)	Имидоклоприд	0,3	0,03	25
10.	Калипсо, 48% с.к.	Тиоклоприд	0,1	0,01	8,5
11.	Энджео-К, 24,7% с.к.	Тиаметоксам + лямбдацигалотрин	0,1	0,01	8,5

худудларига тезда тарқаб кетди. Сурхондарё, Кашқадарё, Фарғона водийси вилоятлари, Тошкент вилоятининг жанубий туманлари ва Сирдарё вилоятининг кўпгина туманларида ҳозирда бу ҳашаротни учратиш мумкин.

**Тут парвонасининг таърифи ва ҳаёт кечириши.** Тут парвонасининг урғочи ва эркак зот капалакларини ташки кўринишидан ажратиш қийин. Капалаклари қанотини ёзганда 15-17 мм келади, ранги оч сариқдан охра тусигача, ўзига хос расми ва қанотларининг пастки қисмida ҳошиялари мавжуд (99-расм).



99-расм. **Тут парвонаси:** 1 – капалаги; 2 – баргга қўйган тухумлари;  
3 – катта ёшдаги курти; 4 – заарланган тут барги.

Тухуми майда, кўқимтири сув тусида бўлиб, катталиги 0,06-0,07 мм келади. Курти оч тиник туслардан яшилгача, парвоналарнинг куртларига хос чўзиқ ва усти майда қора доғлар билан қопланган, серҳаракат, безовталаңган курт ўзини ташлаб юбориши мумкин. У б ёшни кечириб 10-13 мм га

етади. Қурт очиқ барг устида уни кемириб озиқланади. Учинчи-тўртинчи ёшдан бошлаб баргнинг бир тарафини тортиш ҳисобига унга ўралиб яшай бошлайди ва бу уни йиртқичлардан (ҳамда инсектициддан) ҳимоя қиласди. Бу пайтда унга қарши қўлланилган сиртдан таъсир этувчи инсектицидларнинг самараси паст бўлади.

Бунда ўсимлик ичига сингиши қобилиятига эга бўлган, айниқса фосфорорганик препаратларни қўллаш мақсадга мувоғиқ. Озиқланишни тугатган қуртлар ғумбакка айланади. Ғумбакланиш учун қурт турли пана жой қидиради. Бу дарахт каллаклари, танасидан кўчган пўстлоқ ости ёки маҳсус бойланган белбоғ бўлиши мумкин. Қурт ғумбакланишдан олдин ўзини ипча ёрдамида муҳитга боғлайди. Кейинчалик бу ип узиб ташланса, ғумбакдан капалак учеб чиқа олмаслиги мумкин. Парвонанинг ғумбаги ҳаво ҳароратининг юқорилигига боғлиқ бўлиб, 7-15 кунда етилади ва ундан капалаклар учеб чиқиб янги бўғинни бошлаб беради. Охирги бўғиннинг куртлари қишлишга октябр-ноябр ойларида кетади. Сентябрда озиқланган куртларнинг бир қисми ҳам қишлишга кетиши мумкин. Кичик ёшли куртлар қирилиб кетади.

Мавсум мобайнида тут парвонаси 6 тадан 8 тагача (баҳор эрта келиб, куз кечиккан йиллари) авлод бериб ривожланади. Қишлишга тайёрланган катта ёш қуртлар йирик бўлиб, тусини ўзгартиради – у оч бинафша рангда бўлади. Қишлиш учун тутларнинг пўқак жойлари, пўстлоқ ости, ҳамда дарахт остидаги тупроқнинг юза қисмида юқа пилла орасида қишлиб қолади. Қаттиқ қиши келганида (ўртacha 1 суткалик ҳаво ҳарорати – 10 ва ундан паст бўлиб, 5-7 кун давом этса) тут парвонасининг асосий қисми қирилиб кетади. Бундай йиллари (мисол учун, 2006-2007 ўтар йилида) тут парвонаси “номига” ривожланиб, ҳеч қандай маҳсус ҳимоя тадбирини ўтказишни талаб этмайди.

**Зарари.** Тут парвонасининг зарари тут дарахтининг ривожланишида намоён бўлади. Унинг ривожланиши асосан пилла куртини боқиб бўлгандан кейин содир бўлгани учун, бу

жараёнга зарари тегмайди. Аммо кейинчалик ўсиб чиққан баргларни шикастлаши ҳисобига новда узунлиги, йўғонлиги ва қишига чидамлилиги пасаяди. Хулоса қилиб шуни айтиш мумкинки, ҳар бир тут новдасида ўртача битта баргга битта қурт тўғри келса, новданинг узунлиги 30 см гача қисқариши мумкин. Бундан ташқари, назоратга ва қишининг қаттиқ келишига қараб, новда учлари 30-40 фоизгача қуриши мумкин. Умуман олганда, янги новда узунлиги 50-60 смдан 150 смгача қисқаради, барглар сони 20-50% га, унинг оғирлиги 21-60% га камаяди. Бундай аҳвол йилдан-йилга давом этса, тут дарахти қуриши мумкин. Умуман олганда, тут парвонасининг тутга етказадиган зарари нисбийдир. Юкорида қайд этилганлардан ташқари, у дарахтни заараркунанданинг нечта бўғини билан шикастланганлигига ҳамда тупроқ агротехникасига ҳам кучли боғлик бўлади (Мирзаева, 2011).

*Кураши чоралари.* Тут парвонасига қарши курашишда ташкилий-хўжалик тадбирлари, агротехник, биологик, кимёвий ва механик кураш усуслари кўлланилади. Кураш усусларини тўғри, ўз муддатида юқори самарали ўтказиш учун ҳашаротнинг ривожланишини ўз вақтида назорат қилиш мақсадга мувофиқдир. Бу эса кузатувчиларни тайёрлаш ва уларнинг ишларини ташкил этишни талаб этади.

*Ташкилий-хўжалик тадбирлари.* Бунинг учун хўжалик, туман ва вилоят ташкилотлари, биофабрикалар мутахассислари йил давомида бажарадиган ишлар режасини тузиша куйидагиларга аҳамият бериши керак.

Тут парвонаси билан заарарланган дарахтларнинг сонини аниқлаш ва уни ҳимоя қилиш учун сарф қилинадиган биоматериаллар (бракон, олтинкўз), кимёвий препаратлар микдорини белгилаш, ишлатиладиган ОВХ-28, ОВХ-600 ва бошқалар сонини аниқлаш ва уларни тъмирлаб, майга қадар ишга шай қилиб қўйиш лозим. Шу билан бирга тут ва боғларни ишлаш учун мўлжалланган ОВХ-28 га ажратилган мосламаларни ўрнатиб, синовдан ўтказиб қўйиш керак.

*Агротехник кураши усули.* Тут дарахти қатор ораларини

ҳайдаш, суғорищ, айниқса яхоб суви бериш, ўз муддатида озиқлантириш ва бошқа тадбирлар дараҳтларнинг тут парвонасиға чидамлилигини оширади ва зааркунанданинг ривожланиши учун нокулай шароитни вужудга келтиради. Баргларнинг қайта ўсиб чиқиши ва физиологик жараёнларни тезлаштиришга хизмат қиласи.

**Биологик кураши усули.** Тут парвонаси минтақада янги ҳашарот бўлганлиги сабабли, унинг ихтисослашган табиий кушандалари яхши ўрганилмаган. Аммо ҳаммахўр йиртқич кушандаларнинг (олтинкўз, набис қандаласи, арилар ҳамда қушларнинг кўплаб турлари) аҳамияти жуда катта. Бундан ташқари, биолабораторияларда кўпайтириладиган трихограмма (*Trichogramma sp.*), бракон – *Bracon hebetor* Say (100-расм) ва олтинкўз (*Chrysopa carnea* Steph.) кушандасидан оқилона фойдаланиш мумкин. Бунинг учун парвонанинг иккинчи бўғинидан бошлаб бракон ва олтинкўз етук зотини парвона қуртларига (1:5 ва 1:10 нисбатда) тутзорларга ҳар бўғинига қарши 2-3 марта кўйиб туриш зааркунанда сонини 55-65% га камайтириши мумкин. Айрим жойларда тут парвонасининг дараҳт пўқакларида қишлиб қолган қуртларини **дала сичқонлари** териб еганлиги аниқланди.



100-расм.  
Тут пар-  
вонаси  
қуртлари  
нинг бра-  
кон ку-  
шандаси  
 билан  
заарла-  
ниши.

**Механик кураши усули.** Тут баргини зааркунандадан сақлаб қолиш учун дарахтнинг танасига июн ойидан бошлаб эски қоп ва материаллардан белбоғ боғлаш яхши натижа бериши мумкин. Бу мақсадда белбоғни қуйидаги инсектицидлар эритмасига хавфсизлик қоидаларига риоя қилган ҳолда ботириб олинади: *цимбуши* (0,02%), *децис* (0,05%), *сумиальфа* (0,04%), *циперфос* (0,15%), *узфен* (0,1%) ва бошқалар. Гумбакка айланиш мақсадида ушбу жойни топган қуртлар қирилиб кетади. Препаратсиз ишлатилган белбоғларни ҳар хафтада бир марта текшириш лозим. Бундан ташқари, тут дарахтининг шохланиш асосига матолар қўйиб, гумбакларни йифиб олиб йўқотиш ҳам яхши самара беради. Бу усулни хонадонлардан ташқари хўжаликларнинг тутзорларида ҳам қўллаш тавсия этилади. Ипак қуртини боқиши даврида тут дарахтларининг барча шохлари ва бачки новдаларини қолдирмаслик керак. Кесилмай қолган тут дарахти ва унинг шохлари зааркунанданинг кейинги бўгини ва унинг кўпайиши учун маскан вазифасини ўтайди. Куз ва қиши фаслида тўкилган тут барглари, шох-шаббалари ва қуриган тут дарахларини йифиб йўқотиш қишлишга кетган тут парвонаси бўғинининг нобуд бўлишига ва қишлиб чиқадиган бўғини миқдорининг камайишга олиб келади. Ипак қуртини боқиши учун кесиб олиб келинган новдаларни озиқа учун беришдан олдин албатта текшириш лозим, аниқланган парвона қуртлари йифиб ўлдирилади. Бунда айрим пилла қуртларини тишлаб заарланишининг олди ҳам олинади.

**Кимёвий кураши усули.** Тут парвонасига қарши курашиш мақсадида инсектицидларни қўллаш самарали усул бўлишига қарамай, уни қўшимча, зарурат пайдо бўлганида қўлланиладиган усул деб тушунмоқ лозим. Тутзорларда тут парвонасига қарши қўллаш мумкин бўлган препаратларнинг рўйхати 14-жадвалда келтирилган. Мазкур жадвалда препаратлар икки гурухга бўлинган. Биринчисига ўсимлик ичига сингиш қобилиятига эга бўлмаган препаратлар киритилган бўлиб, уларнинг ҳашаротга таъсири заарланиш бошида самарали бўли-

ши мумкин. Дараҳт заарланиши кучайиб, барча ёшли күртлари пайдо бўлгач ва бир қисм күртлар «ўралиб» олгач, ўсимлик ичига сингиб таъсир қилиш қобилиятига эга бўлган иккинчи гурух препаратлар қўлланилади. Тут парвонасиға қарши кимёвий ишлов ўтказиш учун OBX-28, OBX-600 ва бошқа маҳсус боғ пуркагичларидан фойдаланиш мумкин. OBX-28 пуркагичи ишини дараҳтларга мослаштириш учун институтда яратилган маҳсус мослама ишлаб чиқаришга татбиқ қилинган. У дараҳтни яхшироқ қамраш ҳисобига самарадорликни 20-35% оширади (101-расм).



**101-расм. Тутларга ишлов бериш ҳамда баландлик бўйича қамраш кенглигини оширишга мўлжалланган маҳсус мослама билан жиҳозланган OBX-28 пуркагичи.**

Тут дараҳтлари ҳар хил тартибда жойлашганлиги сабабли, қўпинча уларни фақат бир ёқлама ишлашга имконият бўлади. Бунда тўлақонли самарадорликка эришилмайди. Препаратнинг ҳар бир гектар ерга мўлжалланган миқдорини тўғри белгилаш учун бир ёқлама ишлов олиб бориш шароитларига ҳисоб-китоб ўтказиш лозим. Масалан, бир чизиққа жойлашган тутларнинг 1000 м дагиси (10 м кенгликда) 1 гектарни ташкил

этади (10000 кв.м). Буни ОВХ-28 пуркагичи ёрдамида бир ёқлама ишлаш учун 300 л сув сарфланган. Демак, бир ёқлама ишлаш учун бакга (600 л) децисдан 0,6 л. (2 гектарга) ёки икки ёқлама ишлаш учун (1 гектарга) 0,3 л препарат солиш зарур.

Шланга ва брандспойт ишлатилган пайтда жадвалда келтирилган препаратларнинг эритма қуюқлиги кўрсаткичидан фойдаланиш зарур. Амалиётда кўпинча битта тут дараҳтига сарфланадиган препарат миқдорини белгилашга тўғри келади. Бунинг учун куйидагиларни назарда тутиш керак. Бир чизиқда жойлашган тутзорларнинг ҳар 1000 метрида ўртача 300 туп дараҳт бўлиши мумкин. Шуни назарга олган ҳолда, масалан дециснинг (0,3 л/га) ҳар бир туп тутга сарфи 1 граммга teng келади (300 гр : 300 туп). Децисадан 0,03% ли эритма тайёрлаш учун ҳар 100 л сувга 30 г ёки 1000 л сувга 300 г препарат қўшиш керак.

Ҳар гектардаги тут дараҳтларига ишловни брандспойт ёрдамида сифатли берилганда, ўртача 2000 л сув сарф қилинади. Демак, рухсат этилган препарат меъёри 2 баробар ошади. Шунинг учун маҳсус мослама осилган ОВХ-28 пуркаги чидан фойдаланишгина мақсадга мувофиқдир. Амалиётда мотор ёрдамида ишлайдиган осма қўл пуркаги чидан ҳам самарали фойдаланиш мумкин. Сезиларли даражада харид нархи арzonлашган чет эл пуркагичлари бунга янада имкон яратди. Ҳаво босими ёрдамида йўналтириладиган бу пуркагичнинг ҳар гектарга (дараҳтга) сарф этиши мумкин бўлган сув миқдори уч кўрсатгичга: эритма сарфлаш краниги оз ёки кўп очилишига; моторнинг (насос) ишлаш тезлигига ва опера торнинг (ишчи) қадам тезлигига боғлиқ. Маҳсус ўтказилган хронометраж тажрибаларимизда шу нарса аён бўлдики, суюқликни юқорига баландроқ отиш учун краникни пастдан юқорига қараб 2-белгисига, «газ» ни эса 4-белгига кўйиш лозим. Шунда, бир чизиққа жойлашган тутларни 1000 м масофада (1 гектар) юриб, ҳар иккала томонидан пуркаб чиқиши учун ўртача 12 марта «заправка» қилишга тўғри келади (10 литрдан, жами 120 л). Демак, бир гектарга мўлжалланган

(тавсия этилган) препарат сарфини 12 га бўлиб, ҳар гал бир бўлагини эритмага қўшиш керак. Масалан: аваунт препаратининг бир гектарга мўлжалланган меъёри 0,3 л. Уни 12 га бўлсак 25 мл чиқади. Демак, моторли пуркагичнинг юкорида қайд этилган параметрлари бўйича аваунтдан ҳар заправкада 25 мл қўшиш зарур бўлади.

Тут парвонасини назорат қилиш учун Молдавия республикасининг «Руким» номли фирмаси томонидан яратилган парвонанинг жинсий феромони (ЖФ) институт ходимлари томонидан чуқур ўрганилиб, уни амалий равишда феромон тутқичларда (ФТ) ишлатиш таклиф этилган. Мазкур ЖФ жуда турғун бўлиб, ҳар бир резина капсуласининг кучи бир мавсумга етади. Яъни, май ойида дарахтга илингандарвона ФТ даги резина капсула кеч кузгача алмаштрилмайди. Бундай ФТ тут парвонаси ривожлана бошлагани ва зичлигини аниқлайди. Кураш усулинни белгилаш учун июннинг бошида ҳар гектарга биттадан ёки ҳар 300-400 дарахтга биттадан илинади. Феромон тутқичлар одатдагидек уйча, маҳсус энтомологик елим суртилган қоғоз ва резина капсуладан иборат. Капсула уйчанинг юқорисига ип билан илиб қўйилади. ФТ ларни сақлаш мақсадида улар кун ботишда дарахтларга илинади, эрталаб йиғишириб олинади.

**Кимёвий кураш ўтказиши тактикаси.** Тадқиқот ва назоратлар шуни кўрсатдики, тут парвонаси сурункасига ривожланаётган туманларда бу ҳашаротга қарши кимёвий кураш тизими қуидагилардан иборат бўлса юқори самарага эришиш мумкин. Энг аввал шуни таъкидлаш керакки, ипак куртини боқиб бўлишга қадар тутга ҳар қандай инсектицидларни сепиш ман этилади.

Кимёвий ишловни тут парвонасининг бўғинлари ривожланишини бошлаган, яъни *капалаклар қийғос учиб тухум қўяётган ва кичик ёшдаги қуртлар пайдо бўлган пайтда ўтказиши* лозим. Бунда бир йўла заараркунанданинг капалак, тухум ва қуртлари қирилади. Қуртлари 4-5-6 ёшларга ўтиб, баргга ўралиб олгандан кейин ҳар қандай инсектицид яхши

самара бермаслиги мумкин. Бундай ҳолларда аваунт, циперфос, моспилан, фозалон, политрин-К, дельтафос каби қисман системали таъсир этувчи препаратларни қўллаш лозим.

**Биринчи ишлов** тутларнинг новдалари кесиб олингач (май охири-июн боши) ўтказилади. Бунда тутлар билан бир қаторда уватлардаги ўтларга ҳам ишлов берилади. Мазкур тадбир сўрувчи зааркунандалар (шира, трипс, ўргимчаккан) ривожланишининг олдини олиш мақсадида амалга оширилади. Бу мақсадда *фосфамид* (данадим, БИ-58) – 2,5 л/га, *карбофос* (фуфанон) – 2,0 л/га ёки *циперфос* (нурелл-Д, Ципи, дорсан-С) – 1,5 л/га ва *бензофосфат* (фозалон) – 2-2,5 л/га ишлатиш яхши натижа бериши мумкин.

**Иккинчи ишловни** июл ойида зааркунанданинг 3-4 бўғинларига қарши ва **учинчи ишловни** сентябр-октябр ойларида қишлоғга тайёргарлик кўраётган тут парвонасининг популацияларига қарши ўтказилиши мақсадга мувофиқдир. Кеч кузда ўтказиладиган кимёвий ишловни шу йилги ҳосил учун унча аҳамияти бўлмасада, у биринчидан парвона куртларнинг зичлигини пасайтиради, иккинчидан қолган куртларнинг аксарияти заҳарланиб, қиши мобайнида ўлиб кетиши ва келгуси йил учун ижобий замин яратилишини таъминлайди.

Юқорида кўрсатилган курашиш усулларининг барчасидан ўз вақтида, унумли ва самарали фойдаланиш республикамизда тут парвонасининг тарқалишини камайтириш ва у келтирадиган зарарининг олдини олиш имконини беради. Келажакда тут парвонаси экологик шароитни тўлиқ эгаллаб бўлганидан кейин табиий қушандада ва энтомопатоген микроорганизмлар таъсирида тобора камайиб бориши мумкин. Бундай ҳолат хозир Сурхондарё вилояти мисолида кўрина бошлади. Назоратлар шуни кўрсатдики, айрим тут плантацияларида (Ангор тумани) июл ойида тут парвонаси 50-70% гача энтомофаглар билан табиий заарланмоқда.

## 9-боб. ТЕРАК ВА ТОЛ ЗАРАРКУНАНДАЛАРИ

Республикамизда толдошлар (*Salicaceae*) оиласига мансуб терак (*Populus sp.*) хамда тол (*Salix sp.*) дараҳтлари халқимизнинг маънавий (манзарали) ва саноатбоп ёғочларга бўлган эҳтиёжини қондириш учун экиб ўстирилади. Ҳар иккала дараҳт тури шунчалик кенг тарқалганки, ҳатто улар ўрмонзор турлари орасида деярли ярмидан ортигини ташкил қилиши мумкин.

Масаланинг долзарблиги шундаки, бир қанча турлардан ташкил топган терак ва тол барча ўсимликлар каби турли зарарли организмлар томонидан шикастланади. Булар қаторига аҳамияти оз бўлмаган касаллик кўзғатувчилардан ташқари, кўзга кўриниб ҳаёт кечиравчи зараркунандалар (ҳашарот ва каналар) киради. Улар орасида илдиз, поя, новда ва барг зараркунандалари мавжуд (хрущ қўнгизлари, тиник қанотли терак поя капалаги, ширанинг бирнеча тури, терак ва тол барг кемирарлари, шаҳар мўйловдор қўнгизи, сассиқ дараҳтхўр, терак ва тол куяси ва бошк.).

Масаланинг иккинчи томони шундаки, фермер хўжаликлирида терак дараҳтлари асосан дала атрофларига кўплаб экилмоқда (102-расм). Бу эса дехқончилигимиздан олинадиган



102-расм. Терак ва унинг зараркунандалари: 1-дала атрофидаги тераклар; терак баргкемирарининг қўнгизи (2) ва куртлари (3), 4-шиш ҳосил-қилувчи ширалар, 5-терак куясининг куртлари, 6-сассиқ дараҳтхўрнинг курти ва шикасти, 7-тенгсиз ипакчи ва унинг зарари.

ҳосилдорликка путур етказищдан бошқа нарса эмас, чунки терак, илдизи ва сояси билан дала четидан 5-7 метр масофада жойлашган экин ҳосилдорлигини пасайтириши мумкин. Шу билан бирга теракзорлар барпо этиш, уларнинг ўстириш технологиясини такомиллаштириш, бундай дараҳтларни турли хил зааркунанда ва касалликлардан ҳимоя қилиш ҳам асосий вазифадир.

Теракнинг 110 тури мавжуд бўлиб, Ўзбекистонда кенг тарқалганлари: оқ терак (Боллеана, Бахофена шакли), қора терак (Бақа терак), афғон (Мирза терак), “Первенец Узбекистана”, қора терак (Махаллий) ва Туркистон тераклари. Булар республикамизнинг сугориладиган ҳамма туманларида ўстирилади. Терак зааркунандаларини ўрганиш мақсадида, Тошкент ҳамда Фарғона водийси вилоятлари шароитида кузатишлар олиб борилди (Хўжаев, Ахмедов, 2008-2012).

Иzlанишлар натижасида теракнинг турли қисмларида озиқланувчи 34 та турга оид зааркунандалар аниқланди (15-жадвал). Буларнинг орасида энг асосийлари ва тез учрайдиганлари қўйидагилардир: шаҳар мўйловдор қўнғизи (*Acolesther sarto* Sols.), терак баргкемири (*Melasoma populis* L.), тол баргкемири (*Plagiодera versicolora* Haich.), ўргимчаккана (*Tetranychus urticae* Koch.), кичик терак златкаси (*Buprestis picta* Pall.), сассиқ дараҳтхўр (*Cossus cossus* L.), қалқондор ва соҳтақалқондорлар, тиниқ қанот (стеклянница) - *Sciaptiron tabeniforme* K.A. ва бошқалар. Республикамиз тоғолди худудларида тенгсиз ипакчи ҳамда арвоҳ капалаклар – бражниклар ҳам вақти-билан учраб туради.

Булардан, терак барг кемири (асосан личинкаси) терак баргини кемириб заар келтирса, ширалар барг ширасини сўриб қўяди. Шунингдек, шаҳар мўйловдор қўнғизи теракнинг ёғочланган қисмини заарласа, терак кичик златкаси (тилла қўнғиз) пўстлоқ ва пўстлоқ ости қабатини шикастлайди.

Теракка гал (шиш) кўзғатувчи шираларнинг бирнеча тури доимо заар етказади. Бир йилда бир неча авлод бериб ривож-

Ўзбекистонда учрайдиган терак ва тол заараркунандалари:  
систематик ўрни, номланиши, қайд этилиши ва зичлиги

№	Систематик ўрни ва номланиши		Кимлар томонидан ва қаочон қайд этнлаган *)	Зичлиги
	Ўзбек тилида	Лотин тилида		
1	2	3	4	5
	<b>Туркум – Кўнгизлар, ёки қаттиқ қанотлилар</b>	<b>Coleoptera</b>		
	<b>Оила – Бузоқбошлар</b>	<b>Scarabaeidae</b>		
1.	Зараарли бузоқбоши	<i>Polyphylla adspersa</i> Motsch.	Гершун М.С. ва б., 1954;	++ +
2.	Июн бузоқбоши	<i>Amphimallon solstitialis</i> <i>mesasiaticus</i> Medw.	Махновский И.К., 1955; Яхонтов В.Б., 1963	
	<b>Оила – Олтинкўнгизлар</b>	<b>Buprestidae</b>		
3.	Кичик терак олтинкўнгизи	<i>Melanophila picta</i> Pall.	Гершун, 1954;	+
4.	Катта терак олтинкўнгизи	<i>Capnodis miliaris</i> Kl., <i>metallica</i> Ball.	Махновский, 1955;	+
5.	Яшил ингичка танали тол олтинкўнгизи	<i>(Agrilus bajkalensis</i> Obenb.)	Яхонтов, 1963	+
6.	Яшил ингичка танали терак олтинкўнгизи	<i>(Agrilus viridis</i> L.)	Бу ҳам	
	<b>Оила – Узун мўйловдорлар</b>	<b>Cerambycidae</b>		
7.	Шахар мўйловдори	<i>(Aeolesthes sarta</i> Sols.)	Бу ҳам	+++
8.	Тукли тўрон мўйловдори	<i>Turanium pilosum</i> Rtt.	Бу ҳам	+
9.	Наманган ёки тол мўйловдори	<i>Xylotrechus</i> <i>namanganensis</i> Heyd.	Бу ҳам	+
	<b>Оила – Баргкемирлар</b>	<b>Chrysomelidae</b>		
10.	Терак баргкемири	<i>Melosoma populi</i> L.	Воронцов ва б., 1963	++
11.	Тол баргкемири	<i>Plagiодера versicolora</i> Laich.	-/-	++
12.	Шарқ баргкемири	<i>Adelastica alni orientalis</i> Baly	-/-	+
	<b>Оила – Пўстлоқхўр кўнгизлар</b>	<b>Ipidae</b>		
13.	Тол пўстлоқхўри	<i>Saliciphilus machnovskii</i> Socanovskii	Гершун ва б., 1954	++
	<b>Туркум – Тўғриқанотлилар</b>	<b>Orthoptera</b>		
	<b>Оила- Қуйрукли бузоқбошлар</b>	<b>Gryllotalpidae</b>		
1.	Оддий қуйрукли бузоқбоши	<i>Gryllotalpa unispina</i> Sauss.	Гершун ва б., 1954; Яхонтов, 1963	+
	<b>Туркум – Тенг қанотлилар</b>	<b>Homoptera</b>		
	<b>Оила – Ширалар</b>	<b>Aphidinea</b>		
1.	Акация шираси	<i>Aphis craccivora</i> Koch.	Махновский, 1955;	+
2.	Терак – салат шираси	<i>Pemphigus lastucarius</i> Pass.	Воронцов ва б., 1963.	+
3.	Кайроғоч – галла шираси	<i>Bursocrypta ulmi</i> L.	Бу ҳам	+

1	2	3	4	5
4.	Кайрогоч – корагат шираси Тол шираси	<i>Eriosoma ulmi</i> L. <i>Aphis saliceti</i> Kalt.	Махновский, 1955 Бу хам	++ ++
	<b>Оила – Калқондорлар</b>	<b><i>Diapsididae</i></b>		
6.	Бүртган терак калқондори	<i>Aspidiotus slavonica</i> Green.	Гершун ва б., 1954; Махновский, 1955.	+++
7.	Вергүлсімон олма калқондори	<i>Lepidosaphes ulmi</i> L.	Воронцов и др., 1963.	+++
8.	Ақация сохта калқондори	<i>Eulecanium corni</i> Bouche.	-//-	+
	<b>Түркүм – Қандалалар ёки яримқаттық қанотлилар</b>	<b><i>Hemiptera</i></b>		
1.	Терак қандаласи	<i>Monosteira inermis</i> Horw.	Гершун ва б., 1954	+
	<b>Түркүм – Капалаклар, ёки танғақанотлилар</b> <b>Оила – Тиник қанотлилар</b>	<b><i>Lepidoptera</i></b>  <b><i>Aegereidae</i></b>		
1.	Йирик тиник қанот	<i>Aegeria apiformis</i> Cl.	Васильев В.П. ва б., 1974	++
2.	Корамтир терак тиникқаноти	<i>Parathrene tabaniformis</i> Rtt.	Васильев ва б., 1974; Махновский, 1955	+
	<b>Оила – Баргүровчилар</b>	<b><i>Tortricidae</i></b>		
3.	Терак баргүровчиси	<i>Semasia minutana</i> Hb.	Воронцов ва б., 1963	+++
4.	Тұр хосил килювчи баргүровчи	<i>Cacoecia reticulana</i> Hb.	-//-	+
5.	Тол баргүровчиси	<i>Pandemis heparana</i> Schiff.	-//-	++
6.	Дұлана баргүровчиси	<i>Cacoecia crataegana</i> Hb.	-//-	+
	<b>Оила – Күялар</b>	<b><i>Hyponomeutidae</i></b>		
7.	Фовак хосил килювчи терак күйсі	<i>Lithocletis populiella</i> L.	-//-	++
	<b>Оила – Пояхүрлар</b>	<b><i>Cossidae</i></b>		
8.	Сассық пояхүр	<i>Cossus cossus</i> L.	Уринов Б.А., 1972; Эсанбоев Ш.ва б., 1994; Юсупов А., 1998	+++
	<b>Оила – Тұлқин қанотлилар</b>	<b><i>Lymantriidae</i></b>		
1.	Тенгизис ипакчи	<i>Lymantria dispar</i> L.	Воронцов ва б., 1963; Хамдам-Зода Т.К., 1972	+
	<b>Оила – Арвох капалаклар</b>	<b><i>Sphingidae</i></b>		
1.	Терак арвох капалаги	<i>Amorpha populi</i> L.	Васильев, 1974	+
	<b>Синф-Үргимчаксызмөнлөр Түркүм – Каналар</b>	<b><i>Arachnida</i></b> <b><i>Acari</i></b>		
1.	Оддий ўргимчаккана	<i>Tetranychus urticae</i> Koch.	Махновский, 1955	+

Белгилар: ++ - күп ва хамма ерда учрайди, + - тез-тез учрайди,  
+ - оз ва айрым уяларда учрайди,

\*) – Күрсатылған барча түрлар мұаллиф хамда мұстакил-изланувчи Анвар Ахмедов  
томонидан Андижон вилояти шароитида аникланған.

ланувчи бу хашаротлар дараҳт баргларини санчиб-сўриш пайтида ўзидан маҳсус ажратган ауксин моддалари тўқималарни кескин кенгайиб кетишига олиб келиб, шишлар яратади. Ўзлари эса япроқ ва новдалардаги бундай шишларнинг ичидаги маълум давргача яшай бошлади. Табиийки, бундай дараҳт ривождан орқада қолади; секин ва қийналиб ўсади. Терак навдаларининг ўсиш нуқталарида терак куясини учратиш мумкин. Йилига 2-3 авлод бериб ривожланадиган бу зааркунанда ҳам, терак ўсишини сусайтиради.

Теракка сўрувчи зааркунандалардан айниқса пўстлоқларига ёпишган қалқондорлар катта зарар етказади. Терак ўсадиган барча худудларда қалқондорларнинг бирнече тури учрайди. Етказган зарари туфайли, теракнинг даставвал новдалари, кейинчалик эса ўзи ҳам қуриб қолиши мумкин.

Теракларнинг айниқса ёш ниҳолларига *тиниққанотли капалакларнинг қурти* (*стеклянница*) сезиларли зарар етказиши мумкин. Ўтказган назоратларимизда Кўргонтепа туманидаги ўрмон хўжалигига ёш теракзорда З-йиллик терак бу зааркунанда билан 12-19% шикастланганлиги маълум бўлди. Заарланган дараҳтнинг ердан 1-1,2 м баландлиқдаги маркази шикастланиб, енгил шамол пайтида у бўлинниб, синиб тушади.

Терак танаси кўпинча *шаҳар мўйловдор қўнғизининг қуртлари* билан шикастланган бўлиши мумкин. Бундай дараҳтни қурилишда ишлатиб бўлмайди, у шамолда синиб тушиши ёки қуриб қолиши мумкин. Бу хашарот 2 йилда 1 марта авлод бериб, куртлик даври дараҳтнинг ичидаги 18-20 ой мобайнинда давом этади. Дараҳтнинг заарланиши, одатда май ойида, кўнғизлар ташқарига чиқиб, тухум қўйганида вужудга келади. Таъкидлаймиз – факат май ойидагина кунғизларни учратиш мумкин, қолган вақтда улар учрамайди (Хўжаев, Худайберганов, 1992). Тухумини турли янги шикастланган ва ёрилган жойларга кўяди, шунинг учун, теракнинг “бачки” новдаларини баҳорда эмас, балки кузда кесиб қўйиш тавсия этилади.

Шаҳар мўйловдор қўнғизлари йирик бўлиб, тўйиниб чиққан ва қўшимча озиқланишга муҳтоҷ бўлмайди. Шунинг

учун ҳам, уларга қарши кимёвий усул яхши самара беравермайди. Лекин шунга қарамасдан, айрим сиртдан таъсир күрсатаоладиган дорилардан самара кутса бўлади (булар қаторига барча пиретроидлар ҳамда димилинни киргизса бўлади).

Шаҳар мўйловдори яхши учадиган ҳашарот эмас, шунинг учун, унга қарши курашда механик усулни самара билан ишлатса бўлади. Яъни, май ойида, кўнғизлар айниқса номозшом пайтида дараҳт бўйлаб ўрмалаб юрганида уларни уриб тушириб ўлдирилса юзлаб қўйилиши мумкин бўлган тухумини олди олинади.

Май ойида ўтказилган кимёвий ишлов бир йўла қишлоудан чиккан барча зааркундаларга қарши қаратилган деб билиш керак. Шунинг учун уни масъулият билан ва сифатли қилиб ўтказиш муваффакият гаравидир. Қуйидаги инсектицидларни терак ва толларни бирийула барча зааркундаларга қарши ишлатса бўлади: *циперфос* – 0,1% лик, *каратэ* (атилла) – 0,04%, *абалон* (0,03%), *данадим* – 0,15%, *дурсбан* – 0,06% ва б.

Тераклар ғўза агробиоценозининг давоми бўлганлиги сабабли, уларга мослашган турли зааркунанда ва касаллик кўзғатувчиларнинг ғўзага тўғридан-тўғри зарари тегиши мумкинми, деган саволга “йўқ” деб жавоб бераоламиз. Сабаби барча теракка мослашган асосий тур ҳашаротлар ғўза ва бошқа экинларда ривожлана олмайдилар. Буни қайд этишдан мақсад, айрим жойларда шу масалага нотўғри ёндошилаётганигидир. Лекин шуни ҳам таъкидлаб ўтиш лозимки, дала атрофидаги тераклар вужудга келтирадиган соя, ўша ерда ташкил қилган микроклим ҳисобига, шиralарнинг кузги популяциялари урчишига сабабчи бўлиши мумкин. Бу эса очилган толанинг “елимланиш” (“қора шира”) касалига дучор бўлишига сабабчи бўлади.

## 10-боб. НАЪМАТАК ҲАМДА АТИРГУЛ ЗАРАРКУНАНДАЛАРИ


Ўзбекистонда кенг тарқалган наъматак (*Rosa canina* L.) ва атиргул (*Rose centifolia* L.) ларнинг ўзига муносиб, уларга мослашган зааркунандалари мавжуд. Уларнинг орасида асосийлари қуидагилардир.

1. Ширалар (*Aphidinea* оиласи).
2. Ўргимчакканা (*Tetranychus urticae* Koch.).
3. Трипс (*Thrips tabaci* Lind.).
4. Ун қуртлар (червецлар) – *Psedococcus komstocki* Kuw.
5. Тилла қўнғиз бронзовкаси – *Cetomia aurata* L.
6. Атиргул арракаши (пардақанотлилар – *Hymenoptera*, хақиқий арракашлар – *Tenthredinidae* оиласига оид).
7. Атиргул ёнгоқ ҳосил қилувчиси (орехотворка) – *Rhodites rosae* L. (пардақанотли – *Hymenoptera* ҳашаротларнинг, ёнгоқ ҳосил қилувчилар – *Cynipoidea* тўнғич оиласига мансуб).

**Ширалар** одатда баҳорда, буталар эндиғина ўсабошлишидан бошлаб, ёзги депрессия даврини ўтаб, кузда яна ривожланишни давом этади. Атиргулларда одатда новдаларнинг ўсиш нукталарида, ҳамда гул ғунчаларига ёпирилади (105-расм 1). Натижада, ўсимлик ҳамда гул ривожланишдан орқада қолади. Шираларга қарши курашда ҳозирги замонавий инсектицидлар орасида неоникотиноидлардан: *конфидор* (bagira), *мостилан* (tagstilan, achiw), энджео ва бошқалар юқори самара беради.

**Ўргимчакканা** бошқа ўсимликлар қаторида, айниқса наъматакка кучли зиён келтиради. Шунинг учун, унга қарши курашни инсектицидларга акарицидлардан: омайт, вертимек, флумайт аралаштириб, ёки қуруқ олтингугурт кукунини олдини олиш мақсадида чангитиб туриш керак.

**Трипс** айниқса наъматакка кучли заар етказиб туради. Зааркунандаларга қарши курашни ташкиллашда буни на зарда тутиб, неоникотиноид инсектицидлардан юқори самара олиш мумкин.



**103-расм. Наъматак ва атиргулнинг асосий зааркунандалари:**  
 1 – ширалар, 2 – атиргул арракашининг курти, 3 – унли курт (червец) арча дараҳтида, 4 – гулни заарлабётган тиллакўнғиз, 5 – атиргул ёнғоқ ҳосил қилувчи ҳашаротининг салбий фаолияти, 6 – шиш ҳосил қилган личинка ва уларнинг уялари, 7 – қишлиб чиқсан личинкалар, 8 – март ойида ғумбаклашиб учиб чиқсан етук зотлар.

**Унқуртлар (черьвецлар)** ахён-ахёнда наъматак ва атиргулларнинг навда ва баргларида пайдо бўлиб қолади. Бу ҳашарот айниқса ҳаммахўр бўлиб, ҳозирги пайтда ҳатто игнабаргли арчасимон дараҳтларни ҳам шикастламоқда (103-расм, 3). Бу ҳашаротга қарши ҳам неоникотиноидлар яхши самара беради: *багира* – 0,03% қуюқликда (10 л сувга 3 мл), *мостилан* – 0,03%, *энджео* – 0,02%.

**Тиллақўнғиз бронзовкаси** – *Cetomia anata* L. қўнғизлар (*Coleoptera*) туркумининг, бронзовкалар (*Cetoniinae*) оиласига мансуб ҳашарот. Қўнғизлари оч яшил, ялтироқ, уст қанотлари ва олд елкасида оқ доғлари бор, катталиги 14-26 мм. Личинкаси чириндиға бой тупроқда ривожланади, кўзача ичида ғумбакка айланади. Бир йилда бир бўғин (авлод) бериб ривожланади. Қўнғизлари турли ўсимлик гуллари, шу жихатдан атиргул ва наъматак гулларини очилабошлишидан бошлаб шикастлайди (103-расм 4). Бундай ҳодисалар айниқса кейинги йиллари кўплаб учрамоқда. Гул танлашда тиллақўнғизлар айниқса хидли гул навларини эп кўради: ҳар бир гул ичида 3-4 тадан қўнғиз учратиш мумкин.

Кураш чораси сифатида кимёвий усулга ҳам ўрин бор албатта – ҳар қандай замонавий инсектицид яхши самара беради, аммо бу гулда..., шунинг учун нокимёвий усул сифатида чекланган майдонларда қуйидаги усулни ишлатиш мумкин: шоналай бошлаган атиргулни капрон сетка билан ўраб тагидан вақтинча бойлаб қўйиш мумкин.

**Атиргул арракаши** наъматак ва атиргулни тенг равища заарлайдиган ҳашарот. У пардақанотли ҳашаротлар – *Hymenoptera*, ҳакиқий арракашлар – *Tenthredinidae* оиласига мансубдир.

Арракашларнинг етук зоти ташқи кўринишидан оддий пашшани эслатсада, унинг қурти ва ҳаёт кечириши тубдан фарқ қиласи. Бу ҳашарот яхши ўрганилмаган. Лекин шуниси маълумки, қурти йирик – вояга етгани 20-22 мм келади. У капалак қуртини эслатсада, ташқи кўриниши билан фарқ қиласи: териси қаттиқ бужмайган, ранги сидирға яшил, олд

тарафи йўғонроқ бўлиб, соҳта оёқлари 2-4 та эмас, балки 7 тадан ошиқ. Олд оёқлари қисқа ва бирҳил узунликда (103-расм 2).

Куртигина зиён етказади. У баргларни кемириб новдани япроқсиз қилиб қўйиши мумкин. Шунинг учун, айрим пайтларда унга қарши маҳсус кураш чорасини ўтказиш лозим бўлиб қолади. Бу мақсадда мавжуд инсектицидлардан бирини ишлатиш кифоя бўлади.

**Атиргул ёнғоқ ҳосил қилувчиси** кўпроқ наъматакни зарарлаб ҳосилдорлигига путур етказади; бутани эстетик кўринишини бузади.

Ҳашарот новдаларга ёпишган шишлилар ичида вояга етган личинкалар ҳолида қишлоғи чиқади. Кейинги йилнинг март ойида личинкалар ғумбаклашиб, улардан қанотли (чумолига ўхшаган) етук зотлар учиб чиқади (103-расм 5-8). Зотлар урчиб янги кўкарабошлаган наъматакка тухумини қўяди. Очиб чиққан личинкалари ўзидан *ауксин* моддасини чиқариб ўсимлик тўқималарини гипертрофик услуда кенгайиб шиши бўлишини таъминлайди, ўзи эса унинг ичида қолиб озиқланаверади. Бир йилда 2-3 авлод бериб ривожланса керак; қиши яқинлашган сари личинкалар унга тайёргарлик кўради.

Атиргул ёнғоқ ҳосил қилувчисини республикамизнинг барча худудларида учратиш мумкин. Наъматак ҳосилни етказадиган хўжаликларда бу ҳашаротга қарши март ойининг охирида 1 марта, унда 15-20 кун ўтказиб яна бир марта кимёвий кураш ўтказишлари мумкин. Инсектицидлар: *багира* – 0,03% қуюқлиқда, *циперфос* – 0,1%, *каратэ* – 0,04-0,05% ва б.

#### ЎСИМЛИКЛАРНИ ЗАРАРКУНАНДАЛАРДАН ХИМОЯ ҚИЛИШ ТАДБИР ВА УСУЛЛАРИ

Юқорида қайд килиб ўтганимиздек, барча экиб ўстирилладиган ўсимликлар заарли организмлар билан заарланади ва шикастланади. Албатта, ўсимликнинг ўзи бунга қарши кураш механизмларини жалб этади ва бу соҳада маълум натижаларга эришади ҳам. Бу ҳолатни намоён этиш учун, бир классик бўлиб қолган мисолни намоён этсак.

Деҳқонга маълумки, барча ўсимлик ва мевали дараҳтлар ўзида пайдо бўлган гул ва ёш мева туганакларини бир кисмини тўкиб юборади (унинг фоизи кўп омилларга боғлиқ). Ёзга мева нишоналарини заарлайдиган **кўсак қурти** эса, вояга етганга қадар 10 тадан 25 тагача шона, гул, кўсакча ва кўсакларни шикастлаши мумкин. Бундай нишоналар кўпинча сарғайиб, ёки қуриб тўкилади. Мевалари шикастланган ўсимлик эса, унга етказилган заарга қарши курашиб, табиий тўкиб юбориши керак бўлган меваларини сақлаб қолади ва бунинг эвазига кўсак қуртининг етказиши мумкин бўлган зарари маълум даражака қопланади (“компенсация” қилинади). Кўпчилик олимларнинг маҳсус тадқиқотларида аниқланганидек, ҳар 100 та ўсимликда ўртacha 8-10 та ва ундан оз курт мавжуд шароитда пахта ҳосилдорлиги иқтисодий сезиларли даражада пасаймайди (Степанов, 1976; Танский, 1981; Хўжаев, 2010). Шунинг учун ҳам, бу масалага механик равишда ёндошиш ярамайди, яъни: “битта қурт 15 та мевани камайтиrsa – бу 75 гр пахта деганидир” дейиш адалотдан эмас.

Шубҳасиз, ёзга ҳосилдорлигини ошириш масаласининг бири бўлиб, уни турли заарли организмлардан (бегона ўт, касаллик ва зааркунандалар) химоя қилиш туради. Бу масалага олим ва қишлоқ хўжалик ходимларининг дикқати

доимо жалб қилинган. 1970-нчи йилларгача бу борада **умумий ўсимликларни ҳимоя қилиши тизими** мавжуд эди. Бу тизим ёрдамида барча усулларни ишлатган ҳолда, (олдини олии, ташкилий-хўжалик, агротехник, биологик, кимёвий, биологик фаол моддаларни ишлатиш, бардошли ва чидамли навларни яратиш ва б.), заарли организмни батамом қириб ташлашга ҳаракат қилинар эди. Шунинг учун, ғўза экилган майдонларида кўп мартараб (8-12 мартағача) кимёвий ишловлар ўтказилар эди. Кейинчалик бутун дунё олимлари янги йўналиш - **уйгунашган ҳимоя қилиши тизимини (УҲҚТ)** яратиш устида иш олиб бордилар ва уни яратиб жорий этдилар. Буистикболли устивор тизим бўлиб, моҳияти тўғрисида адабиётда турли маъно юритишади. Кўпинча, бу ўсимликларни ҳимоя қилишда турли усулларни ишлатиш маъносида тушинилади. Ундан бўлса, УҲҚТ ни олдинги тизимдан фарқи қолмайди. Ҳақиқатда ҳам, бу тизимда, олдинги тизимга ўхшаб, барча самараси бор усулларни ишлатишга рухсат берилган (Нарзиколов, Коваленков, 1977; Максумов, Нарзикулов, 1981; Мельников ва б., 1981). Фақат фарқи шу ердаки, УҲҚТ нинг оҳирги мақсади зааркунанданинг сонини (зичлигини) батамом йўқотиш (қириб ташлаш) эмас, балки уни хўжалик учун безарар даражага олиб келиб кўйишдан иборат. Яъни иқтисодий безарар миқдор мезонини (ИБММ) таъминлаб, қолганини эса агробиоценоздаги энтомофаг ва акарифаглар учун озуқа сифатида қолдириш. Бошқача қилиб айтганда, ИБММ-бу зааркунанданинг сонини табиатдаги кушандалар енгиб олиши мумкин бўлган даражадир (Фадеев, Новожилов, 1981; Урунов ва б., 1993).

Хозирги ёш мутаҳассисларнинг деярли кўп қисми 1980 нчи йилларгача Ўзбекистонда ғўза ва бошқа экинларни зааркунандалардан ҳимоя қилишда кураш қандай олиб борилгани тўғрисида етарлича тушунчага эга эмаслар. Шунинг учун ҳам, хозирги УҲҚТ нинг моҳиятини тўлиқ тасаввур эта олмайдилар. Ваҳоланки, 1950-1975 йиллар орасини олсак, бу соҳада умумий ҳимоя қилиш тизими ишлатилиб, экинларни ҳар

суғоришдан олдин албатта кимёвий олдини олиш ишловини ўтказиш одат тусига кириб қолган эди. Бунга, яна, кимёвий препаратларнинг турлари асосан хлорорганик бирикмалардан ташкил топган бўлиб (ДДТ, ГХЦГ ва б.), уларнинг ҳар гектарга сарф-меъёри юқори (20-40 кг) бўлганлигини қўшса, ташқи муҳитни (тупроқ ва агробиоценозни) қанчалик ифлосланиб, у ердаги тирик мавжудодларнинг ўз аро муносабатларини қанчалик бузилиб кетганлигини тасаввур этиш қийин эмас. Шунинг учун ҳам, фан ютуқлари ва янги, ўсимликларни ҳимоя қилиш концепсиясига таянган УҲҚТ бузилган агробиоценоз таркибини тиклаб, заарали бўғимоёкли ҳайвонларнинг зичлигини паст даражада сақлашни энтомофаглар ёрдамида табиатнинг ўзига қўйиб беришни тақазо қиласи.<sup>\*)</sup>

Иккинчи томондан, қишлоқ хўжалигига ишлатиладиган пестицидлар, фан ютуқларига таянган ҳолда, доимий такомиллаштирилиб, яъни тобора янги намуналари синтез қилиниб, мақсадий обьектларга қарши юқорироқ самарага эга бўлиши билан бирга, атроф-муҳит, иссиқконли ҳайвонлар ва фойдали энтомофауна учун кам ҳавфиллари яратилмоқда. Мисол учун, 1980-нчи йиллари пестицидлар бозорида синтетик пиретроидларни пайдо бўлиши агротоксикологияда чуқур ижобий ўзгаришларга сабабчи бўлди. Бу ўзгаришлар УҲҚТ да ўрни сақланиб қолган кимёвий усулга, эндиликда янгича қарашга мажбур қилди. 1980 йилларда Ўзбекистонда ўсимликларни ҳимоя қилиш узул-кесил УҲҚТ га ўтиши муносабати билан бу соҳада пестицидларни ишлатиш кескин озайиб, эндиликда далага: кушандা тарқатиш, ҳамда табиатдаги фойдали ҳашаротларни сақлаб қолишга қаратилган концепсия устунлик қила бошлади.

Учинчидан, 1990-нчи йиллардан кейин республикамиз қишлоқ хўжалигига чуқур ислохатлар ўтказилди. Булар ўсимликшуносликнинг бир тормоғи бўлмиш ўсимликларни заарали организмлардан ҳимоя қилишда ҳам ўз ифодасини топди. Мисол учун, тупроқ агротехникасининг асоси бўлмиш

<sup>\*)</sup> Уйгунашган (“интегрированная система”) дейилишдан сабаб, лотин тилида *integro*, яъни “тўлдираман”, “тиклайман” деган маънони билдиради.

кузги шудгорни олсак. Бу тадбир айни соҳада чуқур аҳамиятга эга. У қишлиб қолган зааркунанда, бегона ўт уруғлари ва касаллик қўзгатувчи микроорганизмларнинг кўпига қирон келтириши кўп олимлар томонидан ёритилган. Аммо, эндиликда кузги буғдойни кузда ғўза экилган майдонга, ерга чуқур ишлов бермай экиш (55-65% майдонда), ғўза тунлами ва бошқа йўлдош зааркундаларнинг хатарсиз қишлиб чиқишига сабабчи бўлмоқда. Шунинг учун буғдой экишнинг бу усулини “ўткинчи” деб билиб, келажакда бу соҳада ислоҳатлар ўтказиш лозим бўлади (Хўжаев, 2004, 2009).

Яна бир мисол, деҳқончилигимизда фосфор ва калийли минерал ўғитларни ишлатиш кескин озайиб кетди. Бу эса, ўсимлик тўқималаридағи синтетик жараёнларини етарли даражада ўтмаслиги ҳисобига, оқсилдаги нуклеин кислотаси ҳамда тиол гурухининг паст бўлишига сабабчи бўлади, тўқималардаги хужайраларнинг зичлиги сустлашиб, хужайра ширасининг осмотик босими пасаяди. Оқибатда, бир тарафдан, ўсимликнинг зааркунандага нисбатан бардошлилиги сусайса, иккинчи тарафдан, шира, ўргимчаккана каби зааркундаларнинг зурриётини кучайтириб, зичлигини ошиб кетишига сабабчи бўлади (Кан, Ким, 1988). Булар, яна бир марта ўсимликларни УҲҚТ да ҳимоя қилишда барча усувларни етарли талаб даражасида бажарилишининг аҳамиятидан дарак беради.

### **1-боб. ЎСИМЛИКЛАР КАРАНТИНИ**

Ўсимликлар карантини ўсимликларни ҳимоя қилишнинг муайян усули ҳисобланади. Бу усул давлат тасарруфига эга бўлиб, асосан икки қисмдан иборат. Биринчидан, бу тадбирлар чет мамлакатлардан хавфли қишлоқ хўжалик зааркундалари олиб кирилиши мумкин бўлган барча имкониятларга тўсиқ туғдириш бўлса (ташқи карантин), иккинчидан, бундай объектлар ўтиб қолгудек бўлса, уларни ўз вақтида чегаралаб, мамлакат ичida кенг тарқалишига йўл қўймаган ҳолда, қириб ташлашдир (ички карантин). Ўзбекистонда бўлмаган заарку-

нанда, касаллик чақи्रувчи микроорганизмлар ва бегона ўтлар ташқи карантин объектлари ҳисобланади. Карантин чоралари-ни қўриш мамлакатлар-аро тинмай амалга оширилаётган савдосотиқ муносабатларига кўра мухим аҳамиятга эгадир.

Шуни ҳам таъкидлаб ўтиш лозимки, карантин мамлакатлараро одамлар миграцияси ҳамда ҳашаротлар ўтишига давлат чегараси остоналарида тўсқинлик қилиб бўлмайдиган омилларга ҳам боғлиқдир. Жумладан, ҳашаротлар сув ва ҳаво йўналиши билан ҳам бир қитъадан ёки давлат чегараларидан иккинчи қитъя ёки давлатга ўтиб кетиши мумкин. Янги жойга тушган ҳашарот мұхит шароитларига кўнига олмасдан қирилиб кетиши ҳам мумкин, лекин мослашиб ривожланиб кетганлари ҳам кам эмас. Масалан, АҚШдаги деярли асосий зааркунандаларнинг ярми ўзга мамлакатлардан, шу жумладан Европадан бориб қолган. Булар қаторига *олма меваҳўри, тенгсиз ипак қурти, гессен пашласи, маккажўхори парвонаси, картошка нематодаси* (Европадан), Австралия тарновсимон қурти (Австралиядан) япон қўнғизи (Япониядан) ва бошқалар киради. 1954 йилда АҚШда омбор маҳсулотларининг кучли зааркунандаси бўлган *капр қўнғизи* аниқланган. Шу билан бирга анчагина зааркунандалар Америка қитъасидан Европага ўтиб қолган. Булар жумласига *ток филлоксераси, картошка колорадо қўнғизи* ва *америка оқ* капалаги мисол бўла олади (Поспелов ва б., 1983).

Ўзбекистонда ташкил этилган карантин хизматига кўра, минтақамизга кўпгина қишлоқ хўжалик экинларининг ва омбор маҳсулотлари айрим зааркунандаларининг ўтишига тўсқинлик қилинган. Булар жумласига ғўза куяси, капр қўнғизи ва бошқалар киради. Давлат карантин инспекцияси ватанимиздаги барча ўсимликлар карантини билан боғлиқ бўлган ишлар устидан назоратни амалга оширади. У республика ва вилоятлар карантин инспекциялари, шахар, туманлараро ва туман таянч карантин пунктлари, дарё портлари, темирийўл станциялари, аэропорт, главпочтамт ва асосий автомобил йўлларида жойлашган давлат карантин инспекция-

ларининг ишини бошқаради. Ўзбекистонда ўсимликлар карантини бўйича илмий-тадқиқот ва услубий марказ ташкил этилган бўлиб, унда Марказий илмий-тадқиқот лабораторияси фаолият юритади.

### **Карантин турлари ва бу соҳадаги халқаро битимлар**

Карантин объектлар ва бошқа хавфли зааркунандалар, турли касалликларни чақирувчи микроорганизмлар ҳамда бегона ўтларга карши курашда факат мамлакатларнинг ҳам-жиҳатлигигина муваффақиятли натижа бериши мумкин. Шундай шартномалар халқаро уюшмалар ва қўшни мамлакатлар орасида тузилган.

Карантин ўз моҳияти бўйича ташқи ва ички бўлиши мумкин. Ташқи карантин вазифасига, биринчидан, Ўзбекистонда бўлмаган зааркунанда, касаллик ва бегона ўтларни ватанимизга ўтишининг олдини олиш кирса, иккинчидан, ўз навбатида ўзга мамлакатларга экспорт қиласанаётган маҳсулотда зааркунандалар бўлмаслигини таъминлашдир. Ташқи карантин объектлари асосан ўсимлик ва чорва маҳсулотларига тарқалади (тупроқ намуналари, тирик ўсимлик ва замбуруғлар, бактерия, вирус, нематода, ўргимчаккан ва ҳашарот). Ўзбекистонга маҳсулотларни ўзга мамлакатлардан ўтказиш фақатгина республика давлат карантин инспекцияси томонидан бериладиган рухсатномалар асосида амалга оширилади. Бу рухсатнома Ўзбекистон чегарасида жойлашган божхона таянч пунктларида маҳсус текширувдан кейингина берилиши мумкин. Карантин текширувидан барча республикага киритиладиган автотранспорт, темир йўл вагонлари ва самолётлар, шунингдек хориждан келаётган пассажирлар ва уларнинг юки ўтказилади. Карантин инспекцияларининг хориж билан боғлиқ бўлган марказий чегара ўтказиш пунктларида марказлаштирилган фумигация қилиш анжомлари ва отряди бўлиб, четдан олиб келинаётган маҳсулотлар заарланганлиги аниқланса, шартли равишда, фумигация йўли билан заарсизлантирилади. Хориж уруғлик маҳсулоти ва ўтказиш учун

мүлжалланган кўчатларида бўлиши мумкин бўлган карантин объектларини аниқлаш учун маҳсус карантин питомниклар ва иссиқхоналар мавжуддир. Маҳсулот бу ерларда хавфсиз эканлиги аниқланганидан сўнггина ўтказилиши мумкин. Текширилган маҳсулотлар карантин ва бошқа хавфли объектлар билан заарланганилиги аниқланса ва бундай объектлардан маҳсулотни самарали тозалаш имконияти бўлмаса, бундай маҳсулот биринчи 3-5 кун ичida экспорт қилган мамлакатга қайтарилади ёки йўқ қилиб ташланади.

Ички карантин тадбирлари ватанимиз минтақасида аниқланган карантин объект уяси янада кенгайишига йўл қўймаслик ҳамда бу уяни тезда қириб йўқ қилиш тадбирларини амалга оширишни кўзда тутади (*масалан, колорадо қўнғизи, қовун пашласи, тут парвонаси, картошка куяси зарпечаклар* ва б.).

## 2-боб. ТАШКИЛИЙ-ХЎЖАЛИК ТАДБИРЛАРИ

Қишлоқ хўжалигимиз, ташкилий тузилиш нуқтаи назаридан, асосан фермер хўжаликларидан иборат, шу сабабли ўсимликларни ҳимоя қилишда фермер олдига қуйидаги асосий вазифалар қўйилади.

1. Экин майдонларида илмий асосланган алмашлаб экиш тизимини жорий этиш. Бунда ер унумдорлигини ва ҳосилдорликни оширишни назарда тутиш билан бирга, ерда турли зааркунанда, бегона ўт ҳамда вилт ва бошқа касалликларни чакиравчи микроорганизмлар заҳирасини камайтириш назарда тутилади.

2. Барча экин экиладиган ерларда ва уларнинг атрофидаги уватларда ҳамда боғларда зааркунандаларнинг муваффақиятли қишлиб чиқишининг олдини олишга қаратилган чоратадбирларни мўлжаллаш ва амалга ошириш.

3. Ўсимликларни ҳимоя қилиш учун керак бўладиган биологик ва кимёвий воситалар эҳтиёжини ҳисоблаб чиқиб, сарф бўладиган ҳаражатларни режалаштириш. Пуркагичларни жи-

хозлаб, кимёвий воситалар захирасини яратиш. Бунинг учун туман ўсимликларни ҳимоя қилиш маркази ҳамда биолабораториялар билан шартномалар тузиш.

4. Ўсимликларни ҳимоя қилиш борасида энг сўнгги тавсияларни назарда тутиб, билим савиясини ошириб бориш ва унга қатъий риоя қилиш.

### **3-боб. АГРОТЕХНИКА ТАДБИРЛАРИ**

Ўсимлик зааркунандалари, касалликлари ҳамда бегона ўтларга қарши кураш юзасидан ўтказиладиган агротехника тадбирлари асосан огоҳлантирувчи чоралардир. Бу тадбирлар биринчидан, далаларни хавф-хатар туғдирадиган миқдорда заарли организмлар пайдо бўлишидан асрайди, иккинчидан, ўсимликларнинг заарланишга бардошлигини оширади, зааркунанда ва касалликлар хуруж қилишига ўсимликларнинг ҳимояланиш жавобини кучайтиради, шунингдек ҳимоя тадбирларининг самарадорлигини оширади. Ўсимликларни турли касаллик ҳамда зааркунандалардан сақлашга доир агротехника тадбирлари ўсимлик ўстириш агротехникасининг умумий қоидаларига зид келмайди, балки умумий агрономия чораларининг бир қисмини ташкил қиласди. Агротехника тадбирлари заарли организмларнинг кўпайиш хусусиятлари тўғрисидаги билимга асосланган бўлиб, энг самарали фурсатларни назарда тутади. Масалан, кузги шудгор ғўза тунлами-нинг ердаги инларини бузиб, капалак учиб чиқишининг олдини олади. Агротехник тадбирлар турли усууллардан ташкил топади.

*Алмашлаб экши.* Фаол равища ғўза-беда, маккажўхори ёки оқжўхори ҳамда оралиқ ва сидерат экин экилган далалар биргаликда юксак даражада умумагрономия самарасини беришидан ташқари, ғўзани зааркунанда, касаллик, жумладан вилт билан заарланишини кескин камайтиришга имкон беради. Республикамизда ғалла экилган майдон кўпай-тирилиб, беда камайиб кетиши ва айниқса, буғдойнинг ғўза ичига экилиши, юкорида қайд қилинган ижобий натижаларни

бирмунча пасайтиради.

Тупроққа ўз вақтида пухта ишлов бериш соғлом ва чидамли ўсимлик ўстиришнинг жуда зарур шартлариданdir. Ер *шўрини ювиши, далаларни текислаши, кузги шудгор қилиши, қатор ораларини ишилаши* ўсимликларни химоя қилишда аҳамияти катта бўлган муҳим усуллардан ҳисобланади. Ер шўрини ювиш учун куз-қиши ойларида кўлоблатиб яхоб берилганда тупроқнинг шўрий йўқолади, нам кўп тўпланади, зааркунанда ва касалликларга чидамли соғлом ниҳоллар текис кўкаради. Бундан ташқари тупроқдаги ҳашарот ва бегона ўтларнинг кўп қисми кирилади. *Далаларни текислаши* натижасида ниҳолларнинг бир текис ва қийғос униши учун қулай шароит яратилади, зааркунанда ҳамда касаллик тўпланадиган жойлар бўлмайди. Ерни асосланган муддатларда чимкирқарли ёки кўш ярусли плугда 30 см чуқурликда (ўт кўп босган далаларни эса 32-35 см чуқурликда) ағдариб шудгорлаш зааркунанда ва бегона ўт уруғлари, касаллик кўзғатувчиларни кучли йўқотувчи чорадир. Бунда бегона ўт илдиз пояларини тараб олиш учун шароит ҳам яратилади.

*Ургеликни тайёрлаши ва уни экиши муддатлари.* Экин экишда юқори кондицияли, факат туманлаштирилган навлардан ҳамда турли касалликларга қарши ишлов берилган уруғлардан фойдаланиш лозим. Илдиз кемирувчи тунламлар ва сўрувчи зааркунандалар, шунингдек касалликларга бардошли соғлом, текис ўсан ниҳолларни ундириб олиш учун экишни энг мўътадил муддатларда ўтказиш зарур.

*Чидамли навларни яратиши.* Бу йўналиш селекция усули ҳам деб юритилади (Павлов, 1983). Ўсимликлар чидамлилиги деб унинг заарланишга қарши бардошлилигига айтилади. И.Д. Шапиронинг (1979) кўрсатишича, ўсимликларда уч хил чидамлилик кузатилади.

1. Ўсимликлар айрим турлари ёки навларининг маълум ҳашаротлар билан мутлақо шикастланмаслиги.

2. Ўсимликада зааркунанда мавжудлигига қарамай, унинг мутлақо шикастланмаслиги ёки қисман шикастланиши. Бунга

сабаб антибиоз - озиқани ҳашарот ёқтирмаслиги.

3. Ўсимликнинг юқори даражада бардошлилиги сабабли, унга етказилган шикастга қарамай, у ривожланиб қимматли ва аҳамиятли ҳосил бериси (толерантлик).

Бунга Россияда кунгабоқарнинг парвонага қарши чидамли (панцирли) нави яратилганлиги мисол бўла олади.

**Ўсимликларни ўғитлаш** уларни ҳимоя қилиш жиҳатидан икки хил аҳамиятга эга: ўсимлик дастлабки ривожланиш фазасида ўғит (айниқса азотли) солиш натижасида у тез, соғлом ўсиши билан бирга заарланишдан бирмунча сақланиб қолади. Фосфорли ўғит таъсирида эса хужайра ширасининг осмотик босими кўтарилиб ҳамда тўқима зичлиги ошиб, айrim зааркунандаларнинг (ўргимчаккана, шира) ривожланиши пасаяди. Калийли ўғитлар ўсимликларни касалликларга нисбатан бардошли қиласи.

Зааркунандаларни йўқотишида **сугорши** муддатлари юқори аҳамиятга эга. Тупроқда намликтин ошиши бўғимоёқлиларнинг баъзи турларида, жумладан тунлам қуртларида, эпизоотик касалликларни вужудга келтиради. Тунламлар тупроқда ғумбакланаётган муддатларда суғорилса, улар кўплаб қирилади. Илдизкесар тунламларнинг қуртлари шикастлаётган пайтда суғорилганда эса, ўзлари учун айни ноқулай пайтда ёруғликка чиқишга мажбур бўлишади, натижада уларни қушлар чўқиб йўқотади, энтомофаглар ҳам шикастлайди.

**Дефолиация ва десикация ўтказиши** йўли билан пахта йиғим-теримига, ҳосилни машиналарда йиғиширишга киришилади. Бу тадбир айни вақтда қишлишга кетаётган заарли организмлар сонини камайтиришда муайян аҳамият касб этади. Ҳозир хўжаликларда ишлатилаётган дефолиантлар ўргимчаккана, ўсимлик шиralари, оққанот, қандала, ғўза тунлами ва бошқаларни анча камайтириши мумкин. Кўпгина Ўзбекистон олимларининг тадқиқотларидан маълум бўлишича, дефолиантларга аралаштириб ёки алоҳида, сарфи ярмига камайтирилган ҳолда инсектицидларни ишлатиш натижасида қишлиб қолган зааркунандаларнинг бир қисми қиши давомида

қирилиб кетади (Миралиев, 1978; Хўжаев, Юсупова, 2006).

Ҳосил йиғиб-териб олинганидан кейин *гўзапоя ва бошқа ўсимлик қолдиқларини йигиштириб* даладан олиб чиқиб ташлаш бажарилиши зарур тадбир бўлиб, у зааркунандалар ва турли касалликларни камайтиради.

#### **4-боб. ОЛДИНИ ОЛИШ ТАДБИРЛАРИ**

Бундай ишловларнинг аҳамияти назарий ва амалий тасдиқланган бўлиб, ўсимликларни ҳимоя қилишда кенг ишлатилиб келинади. Ҳар қандай экинни зааркунанда ва касалликлар билан шикастланишининг олдини олиш мумкин. Масалан, ғўза ниҳоллари илдиз чириш ҳамда гоммоз билан касаллан-маслиги учун, унинг чигитини экишдан олдин маҳсус фунгицидлар (витавакс, П-4, Пахта, паноктин) ҳамда бактерицид – Бронотак билан упалаб экилади. Бинобарин, баҳорда (май ойининг охирида) уватлардаги тут дараҳтлари ҳамда бегона ўтлар кенг таъсир этувчи (циперфос, фозалон, каратэ, талстар) инсектицид-акарицидлар билан ОВХ трактор пуркагичи ёрдамида ишланса, атрофидаги ғўза ёки бошқа экин шира, ўргимчакканга, трипс каби зааркунандалар билан камроқ шикастланиши мумкин.

Галла экилган майдонлар атрофидаги уватларни заарли хасванинг қишлиб чиқсан бўғинига қарши (агарда маҳсус назоратлар билан тасдиқланган бўлса) мартнинг ярмида кимёвий ишлов бериш ҳам бу зааркунанда тарқаб кетишининг олдини олади. Мева дараҳтларини калмараз, антракноз, клястероспориоз ва бошқа касалликлар билан шикастланишининг олдини олиш мақсадида уларга ноябр ёки февралда (куртак уйғонмасдан олдин) бирор фунгицид билан (мис купороси (1%), темир купороси (2-3%) ёки бордо суюклиги (3-4%)) ишлов бериш яхши натижга беради.

*Ўйгунашган ҳимоя қилиши тизимида биологик усулни тутган ўрни.* Кенг ташвиқотларга сазовор бўлган, ғўза ва бошқа экинларни биологик воситалар ёрдамида ҳимоя қилиш

усули, сўзсиз катта истиқболга эга. Ҳозирда республикамизда бирчизиқга айлантирганда 10 млн гектар дан ортиқ майдонда биологик усул ишлатилмоқда. Буadolatdanmi? Ҳам ҳа, ҳам йўқ.

Бизларда биоусулни кенг ишлатиш, уни асосан кўсак куртига қарши ишлатиш билан боғлиқдир. *Трихограмма* ва *бракон* – бу шундай кушандаларки, уларни асосан ғўза ва қисман кузги тунламларга қарши ишлатилади. Бунинг сабаби шундаки, бошқа, экваторга яқинроқ жойлашган ғўза экадиган давлатлардан фарқ қилган ҳолда, бизда бу экинни атиги бир ҳашарот (ғўза тунлами) шикастлашидир. Шунинг учун ҳам биологик усул яхши самара бериши мумкин. Лекин биологик усулнинг қобилияти чексиз эмас; у кўпгина омилларга боғлиқ бўлиб қолаверади. Кўпинча, энг мақбул шароитларда ҳам биологик усул 40-50%дан юкори самара бераолмайди. Мисол тариқасида 2006-нчи йил мавсумини келтириш мумкин. Шу йили, биоусулни Фарғона водийси вилоятлари шароитида энг яхши ташкилланиши ва ишлатилишига қарамай, бирортаси пахта етиштириш режаларини бажаролмай қолди. Сабаби-ғўзани кўсак куртидан катта талофот қўрганидадир. Демак, фақат биоусулга таянишadolatdan эмас. Ёрдамга феромониторинг ҳамда кўпроқ самараага эга кимёвий усул келади. Фикримизча, 30-70% ғўза экилган майдонда кўсак куртига қарши бир марта инсектицид ишлатишга эҳтиёж мавжуд. Бизларда эса, бу ҳозирги кунда 7-15% майдондагина ўтказилмоқда. Қолган майдонларда эса, асоссиз пахта ҳосилдорлиги пасаймоқда.

Мавжуд жуда кўп тавсияномаларга кўра, *трихограмма* яйдоқчисини ғўза тунламининг ҳар авлод тухумларига қарши ҳар гектарга 1 граммдан 3-4 марта тарқатилади (айрим ерларда 2 граммдан тарқатишга ўтишган). Агарда самара етарлича бўлмай, далада қуртлар пайдо бўлса, ҳар гектарга 200 мингдан 2-3 минг донагача *бракон* кушандасининг урғочи зоти тарқатилади. Амалиётда эса, эркак ва урғочи зотларининг

аралашмаси шунча миқдорда юборилади. Бу демакки, самара етарли бўлмаслиги мумкин.

Кўпинча, сўрувчи зааркунандалар ҳамда кўсак қуртига қарши далага олтинкўз (*Chrysopa carnea* Steph.) кушандасини тарқатишни эп кўрадилар. Бу ҳашарот тўғрисида алохидатўхталиб ўтиш лозим. Олимларнинг фикрига қараганда олтинкўз кушандасини «тирик инсектицид» сифатида ишлатиш маъкул эмас деб топилган (Адашкевич, 1987). Биринчидан, бу жуда қиммат (юзлаб марта), чунки тавсияларга кўра кушанда тухумини: шира, ўргимчаккана ва ғўза тунлами ning тухумларига 1:1 нисбатда тарқатилади (Радзивиловская, Давлетшина, 1977; Мирзалиева, 1986); личинкалари тарқатилса – 1:10 (Радзивиловская, Давлетшина, 1977), етук зоти тарқатилса – 1:100 (Мирзалиева, 1986). Иккинчидан, осонлиги туфайли, кушанда асосан тухум шаклида тарқатилмоқда: бунинг эса самараси муаммоли, чунки тарқатилган тухумлар тезда табиатдаги чумолиларга ем вазифасини ўтайди. Ўтказган назоратларимиздан маълум бўлишича, июл ойида ғўза пайкалларининг ҳар 1 м<sup>2</sup> майдонида ўртача 350 дона чумоли санаш мумкин. Юқоридагиларни назарда тутиб, лабораторияларда кўпайтирилган олтинкўзни асосан баҳорда дала атрофларидағи ўсимликларга тарқатилиши лозим деб биламиз (Хўжаев, 1991). Юқоридагиларни мужассамлантириб шуни таъкидлаш мумкинки, биологик усул – бу яхши, аммо энтомологлар қўлида бундан ташқари юқори самарали ва камзахарли восита ва усувлар мавжуд бўлиши талаб этилади. Шунинг учун ҳам, республика ўсимликларни ҳимоя қилиш ИТИ да агротоксикологик тадқиқотларни олиб боришга алохидат аҳамият берилади. Бу ерда дунёдаги машхур кимё компаниялари, ҳамда ўзимизда ишлаб чиқарилаётган пестицидлар ҳар тарафлама текширилиб баҳоланади ва талабга жавоб берадиганлари амалий жорий этилади. Тадқиқотлар Давлат кимё комиссияси орқали чоп этилган «Услубий кўрсатмалар» (1994, 2004) асосида олиб борилади.

Хозирги вактда зааркунандаларга қарши ҳавфсиз ишлатиладиган кимёвий усул ва воситалар мавжудки, уларни ишлатиб фойдали ҳашаротларни бемалол сақлаб қолса бўлади. Булар қаторига: чигитни экишдан олдин сингиб ичдан таъсир қиласидиган имидоклоприд (*гаучо, гаучо-M, аваланче, далучо, ТАБУ*) – 5 кг/т инсектициди билан заарсизлантириб экиш; мавсумда қўсак қуртига қарши аваунтни (*далинка, ваулент, Александр*) – 0,4-0,45 л/га пуркаб ишлатишлар киради.

### **5-боб. БИОЛОГИК УСУЛ ВА УНИНГ МОҲИЯТИ**

Зааркунандаларга қарши курашнинг *биологик усули* заарли организмларнинг табиий қушандаларидан ҳамда микробиологик препаратлардан фойдаланишга асосланган. Бўғимоёқлиларнинг табиий қушандалари озиқланиш хусусияти жиҳатидан энтомофагларга (ҳашаротлар билан озиқланувчи) ёки акарифагларга (каналар билан озиқланувчи) бўлинади. Биологик усул амалда бирор зааркунанда кўпайиб кетиш ҳавфи бўлган жойларда муайян ҳашарот ва каналарнинг қушандаларини сунъий равишда урчитиб тарқатиш йўли билан амалга оширилади. Энтомофаглардан кенг кўламда фойдаланишнинг 2 усули мавжуд: биринчиси – энтомофагларнинг маҳаллий турларини топиб, уларни самарали ишлатиш, иккинчиси – тажовузкор турларини четдан келтириб (интродукция) маҳаллий шароитга мослаштиришдир.

Зааркунандаларнинг қушандалари **паразитлик (текинхўрлик)** ёки **йиртқичлик** қилиши мумкин. Паразитлари ички (эндо), яъни ўлжасининг ичидаги ривожланадиган (трихограмма, апантелес ва б.) ҳамда ташқи (экзо), яъни личинкалари ўлжасининг ташқарисида озиқланиб вояга етадиган бўлиши мумкин (айрим браконидлар). Йиртқичлик қиласидиган энтомофагларнинг (олтинкўз, кокцинеллидлар, арилар ва б.) паразитлардан фарқи шундаки, булар ўлжани секин-аста эмас, балки зудлик билан ўлдиради. Юқорида айтиб ўтилганидек, паразит ва йиртқичлар-

нинг маҳаллий турларини лаборатория шароитида (биофабрикаларда) урчтиб кўпайтириш ва зааркунанда тушган далаларга қўйиб юбориш (тарқатиш) йўли билан заарли ҳашарот ва каналарнинг зичлигини хўжалик учун безарап даражада ушлаб туриш имконияти яратилади. Ўзбекистон биолабораторияларида асосан З та объект-кушанда: **трихограмма, бракон ва олтинкўз** кўпайтирилади. Трихограмма – тунлам тухумларига қарши, бракон – турли қуртлар, жумладан кўсак қуртига қарши, олтинкўз – ҳаммахўр йиртқич кушанда сифатида сўрувчи ва кемирувчи зааркундаларга қарши ишлатилади.

Шулар билан бирга қайд этиш лозимки, табиатда, ёки иккиламчи, ўзлаштирилган агробиоценозда объектлар узвий боғланишдадир. Бу ценоз зинжирида ҳар бир одамзод фаолияти учун заарли ҳисобланган объектнинг ўзининг кушандалари мавжуд. Ўз навбатида уларнинг ҳам кушандалари (иккиламчи) мавжуд... Бу занжир давом этавериши мумкин. Шунинг учун, экинларимизда учрайдиган ҳар бир бўғимоёқли ҳайвоннинг ёнида кушандалик қиласидиган турлар мавжудки, уларнинг ҳаммасини ўрганиб чиқиш қийин. Балки ҳаммасини билишнинг кераги ҳам йўқдир, чунки уларнинг кўпчилиги ўтмиш бўлиши мумкин. Сабаби, кушандалик қиласидиган кўпчилик турлар ҳаммахўр, ёки маълум ҳашаротлар оиласига мослашгандир. Шунинг учун биз бу китобчада олдимизга қўйилган вазифани адo этиб, Сиз ҳурматли китобхонга дехқончилигимизда учраб, ҳосилдорликнинг сифат ва миқдорига путур етказиши мумкин бўлган заарли турлар билан табиий озиқланиб, дехқонга фойда келтириши мумкин бўлган асосий тур ҳашарот ва каналар тўғрисида фикр юритамиз.

### **Ҳаммахўр ва ихтисослашган йиртқич ва текинхўрлик қиласидиган кушандалар**

**Ҳаммахўр** деганда ҳашаротларнинг шундай турлари назарда тутиладики, бунда объект озуқани деярли танламайди. Мисол учун, олтинкўзнинг курти (личинкаси) ўзига ўхшаган барча бошқа турлар у ёқда турсин, ҳатто ўз авлодининг ҳамма

шаклларига (тухум, личинка, ғумбаги) ҳамла қиласи. Хатто оч бўлса, одам терисига ҳам жағини ботириб анча вақт эсдан чиқмайдиган из қолдиради.

**Ихтисослашган** турларнинг озуқаси маълум бир доира чизиги билан чегараланган бўлади. Булар кўпчиликни ташкил қилиб, маълум бир озуқага мослашган турлардир. Мисол учун, канахўр трипс фақат ўргимчакканаларнинг тухум ва личинкалари билан озиқланади. Апантелес казак бракониди фақат тунлам қуртларини зааррлайди; конидия кушандаси фитономус личинкаларини зааррлайди ва ҳоказо.

Бу китобчада биз ғўза ва бошқа йўлдош экинларга заар етказувчи асосий зааркунандаларнинг аҳамиятга эга бўлган асосий кушандалари ҳақида сўз юритамиз.

**Кокцинеллидлар** – қаттиқ қанотлилар (*Coleoptera*) туркумининг, хонқизи (*Coccinellidae*) оиласига мансуб ҳашаротлар. Кокцинеллидлар оиласига мансуб вакиллар кенг тарқалган бўлиб, улар экинларга тушадиган хавфли зааркунандаларни йўқотишида катта аҳамиятга эга (Одилов, 1965). Ширалар, каналар, қуртлар, қалқондорлар, капалакларнинг тухумлари ва кичик ёшлардаги қуртлари ҳамда фитономус қуртлари ана шундай хавфли зааркунандалар қаторига киради. Кўнғизнинг танаси юмалоқ, тепаси қуббали, ости яssi, ярим шар шаклида бўлиб, ён томондан қаралгандан олд елкаси ва қанот устлиги равон қуббали ҳолда кўзга ташланади. Тухумлари сариқ рангли, бирмунча йирик, узунчоқ шаклда бўлади (104-расм).

Кокцинелла оиласига мансуб кўнғизлар тухумларини ширалар колониялари ёнидаги ўсимликларнинг ҳар хил қисмларига тўп-тўп килиб кўяди. Йиртқич тухумидан очиб чиқкан личинкалари ширалар билан озиқланади. Эндиғина очиб чиқкан личинкалар бирмунча вақт тухум пўстлоқларида (бир-бирига қаттиқ қисилиб) ўтиради ва ширани топиши биланоқ уни ейишга киришади. Кичик ёшлардаги қуртлар у қадар ҳаракатчан бўлмайди. Ёши ошган сайин жуда ҳаракатчан бўлиб, шираларнинг тўпидан тўпига ўтаверади. Личинкалар тўрт ёшни ўтайди. Ғумбакланиш пайти келганида личинкалар танасининг кейинги томони билан бирор нарсага илиниб олади.



104-расм. Етти нүқтали хон қизи (кокцинеллид) қунгизи: 1-баргнинг юзасига кўйган тухумлари, 2-ғўза шираси билан озиқланадиган личинкалари, 3-ғўза баргидаги кушанданинг етук зоти - қўнгизи.

Гумбаклар кам ҳаракат бўлади, лекин безовталангандা танасининг олд қисмини қўққисдан қўтариб, перпендикуляр ҳолатда туриб олади. Гумбакланадиган жойлар ҳар хил бўлиши мумкин. Гумбаклар кўпинча личинкалар озиқланган ўсимликларнинг баргларида ёки шохчаларида жойлашади. Гумбаклардан чиқкан қўнғизлар шираларни зўр бериб қиради ва 10-12 кун ўтгач жуфтлашишга киришади, бир-икки кун ўтиши билан тухум кўя бошлиди. Урғочилари тухумларини равон қўймайди. Тухум қўйишга киришгандан кейин 10-15 кун ўтгачгина энг кўп (кунига 38-42 та) тухум қўяди. Урғочиларнинг тухум қўйиш даври 45 кунгача чўзилади. Битта урғочи зот 250 дан 2900 тагача тухум қўйиши мумкин. Кокцинеллид қўнғизларининг кўп қисми турли баландликдаги тоғларда қишлиди. Баҳорда қишлоў жойларидан анча барвакт учб чиқади. Қишлоў жойларидаги ҳавонинг ҳарорати ва намлиги қўнғизлар фаол ҳолатга ўтишига олиб келадиган асосий шартлардандир.

Қишлоўдан чиқкан қўнғизлар апрел бошида ёки ўртала-рида, яъни ўртача бир кечакундузлик ҳарорат  $12-15^{\circ}$  га етганида бедазор, шафтолизор боғларда ва ёввойи ўсимликларда пайдо бўлади. Озуканинг микдори ва сифатига ҳамда об-ҳаво шароитларига қараб уларнинг қўшимча озиқланиши 10-22 кунга


чўзилади. Сўнгра улар жуфтлашиш ва тухум қўйишга киришади.

Йиртқич хонқизлар орасида энг ҳаммахўри 7 нуқтали қўнғиз ҳисобланади. Ҳар бир қўнғиз бир кеча-кундуз давомида 50 дан 100 тагача шира ейди, личинкалари эса 85 тагача ширани қиради. Тўртинчи ёшдаги личинкалари айниқса баднафс бўлади. Барча маконларда ширалар нуфузи кескин камайиши натижасида июл охири – август бошларида қўнғизларнинг кўпи ёзги уйкуга кетиши учун тоғли туманларга учиб кетади. Етти нуқтали ва ўзгарувчан хонқизи қўнғизлари Тошкент вилоятидаги Оқтош, Хўжакент, Хумсон, Сувкўқда, яъни дengиз сатҳидан 800-2500 метр баландликда тўпланади. Улар кўпинча якка ҳолда, баъзан эса 15-20 тадан бўлиб, ўтлар ва буталар тагида, хазон ва эзилган барглар остида жойлашиб олади.

Кузги совуклар тушиши билан қўнғизлар тўпланган жойларидан тўғонлар ёнидаги энг баҳаво жойларга ва тоғларга учиб бориб, у ерларда минглаб йиғилишади. Қишлоғга тўпланган айрим тўплари бир-бирларига яқин жойлашади. Улар одатда ҳар йили бир хил жойларда қишлиайди, бу эса қишлиайдиган тўпларнинг жойланишини картага олиш имконини беради. Ўзбекистонда фойдали кокцинеллидларнинг кўп (51) турлари аниқланган (Мансуров, 1980). Булар ўз ҳаётини турли стациялар билан боғлаб, айримлари фақат дараҳтларда, ёки чўл ва сахроларда, тоғолди ва тоғларда ҳам учраши мумкин. Аммо, айримлари борки, улар ҳамма ерда учраши мумкин. Булар каторига, энг аввал 7-нуқтали хонқизи (*Coccinella septempunctata* L.), 2-нуқтали хонқизи (*Adalia bipunctata* L.), 14-нуқтали хонқизи (*Propylaea guatuordecimpunctata* L.), ўзгарувчан хонқизи (*Adonia variegata* Goeze.), 2-нуқтали хилокорус (*Chilocorus bipustulatus* L.), стеторус хонқизи (*Stethorus punctillum* Weise) ва бошқалар. Бу турлар иқлим шароитларига ортиқча талабчан бўлмагани сабабли, деярли барча паст ва баланд бўйли ўсимликлардан ташкил топган стацияларда учраб, юмшоқ танли бўғимоёқли хашаротлар билан (шира, трипс, қалқондорларнинг “дайди” личинкалари, оққанотларнинг личинкалари, ҳамда

майда қуртлар билан озиқланади. Буларнинг орасида айниқса биттаси ўргимчакканага мослашган бўлиб, унга қирон келтиради – стеторус (қўнғизи ва личинкалари). Шунинг учун бу турни алоҳида изоҳлаймиз.

**Стеторус қўнғизи** – *Stethorus punctillum* Ws. Ўргимчакканаларнинг яна бир самарали ихтисослашган йиртқич кушандаси, қўнғизлар – *Coleoptera* туркуми, хонқизлар – *Coccinellidae* оиласига мансуб (105-расм). Улғайган қўнғизлар ғўза экилган далаларда тупроқнинг юза қаватида 5 см гача чуқурликда, қалин тутзорлар ости, ариқ ёқаларидағи тўкилган барглар ости, дала уватлари ва дараҳт пўстлоғи ёриклирида қишлиайди. Баҳорда ҳавонинг ўртacha ўн кунлик ҳарорати қарийб  $14^{\circ}$  бўлганида қўнғизлар қишиловдан чиқа бошлайди. Бу март охири – апрел бошларига тўғри келади. Урғочи қўнғизлар қўшимча озиқланишга муҳтоҷ бўлади. Урғочи қўнғизлар учиб чиққанидан кейин 10-15 кун ўтгач тухум қўйишга киришади.




105-расм. Стеторус  
қўнғизи  
(Успенский, 1970  
маълумоти бўйича):  
а-қўнғиз; б-личинкаси.

Улар барглардаги ўргимчакканага уяларига якка-якка қилиб, жами 150 тагача тухум қўйиши мумкин. Стеторуснинг ҳар бир бўғини учун зарур самарали ҳарорат йиғиндиши  $360^{\circ}$  ни ташкил этади (пастки чегара  $13,5^{\circ}$ ). Мавсум давомида стеторус бештагача бўғин бериб ривожланади. Бу йиртқич жуда очофат. Кўнғиз ва унинг личинкалари ўргимчакканага билан озиқланади. Шу билан бирга, биринчи ёшдаги личинкалари асосан тухумлар, катта ёшдагилари эса тухум ва етук каналар билан овқатланади. Битта личинка ҳаёти давомида 800-1100 тагача канади. Баҳорда ёш личинкалар кунига 50 тадан, ёзда 200 тагача канани еб қўяди. Стеторус қўнғизлари ўргимчакканага тухумлари

билин озиқланишга ўч бўлади. Улар личинкаларга қараганда анча хўра бўлади. Улғайган қўнғиз қарийб икки ой яшайди ва шу вақт мобайнида 8-9 минг ўргимчакканани еб қўяди. Тажрибалар шуни кўрсатдики, иккита личинка ва учта етук қўнғиз беш кун давомида 3 мингдан кўпроқ тухум ва канани йўқота олади. Ўзада стеторуснинг энг кўп тарқалган даври ёз ўрталарига (июн охири – июл бошига) тўғри келади.

**Йиртқич қандалалар.** Қандалалар ярим қаттиқ қанотлилар (*Hemiptera*) туркумига мансуб, улар тўлиқсиз ривожланади. Ўзга бўғимоёкли жониворлар ҳисобига яшайдиган 7 та оиласа мансуб қандалалар қайд қилинган. Буларнинг орасида айниқса *Antocoridae* оиласига мансуб ориус қандаласининг (*Orius albidipennis* Reut. ва *Orius niger* Wolff) аҳамияти катта. Кенг тарқалиб кучли урчидиган бу кушандалар ўргимчаккананинг тухум ва личинкаларини сўриб катта фойда келтиради. Буларнинг ҳар бири бир кунда 100 дан ортиқ тухум ва личинка билан озиқланиши мумкин (Успенский, 1970). Булардан ташқари йиртқич қандалалардан набиусларни (*Nabis ferus* L.) – *Nabidae* оиласи, ҳамда миридларни (*Campylomma diversicornis* Reut) – *Miridae* оиласи, қайд этиб ўтиш мумкин (106-расм).



106-расм. Йиртқич қандалалар: а – *Anthocoris pilisus*,  
б – *Orius majusculus*, в – *O. laevigatus* нинг личинкаси,  
г – *Dicyphus errans* нинг етук зоти.

Йиртқич қандалалар ўргимчакканадан ташқари шира, трипс, майда құртларни сүриб озиқланади. Йиртқич қандалалар ҳаттоғүза тунламининг тухумларини 50% гача камайтириб туриши мумкин. Йиртқич қандалалар етук зот шаклида турли ўсимлик қолдикларининг остида қишлиб қолиб, мартдан октябргача фаол ҳаёт кечиради. Бу даврда 4-5 та бўғин бериб қўпгина заарли ҳашарот ва ўргимчаккананинг нуфузини сезиларли даржада камайтиради.

**Канахўр трипс.** Пуфакоёқлилар ёки трипслар (*Thysanoptera*) туркумига, *Thripidae* оиласига мансуб бу тўлиқсиз ривожланадиган ҳашарот *Scolothrips acariphagus* Jakh. деб аталади (Яхонтов, 1929; Успенский, 1981). Ўрта Осиё шароитида кенг тарқалган ҳамда ўргимчаккана сонини камайтириб турадиган энг самарали йиртқич кушандаларнинг бири (107-расм).



107-расм.  
Канахўр  
трипснинг  
личинкаси  
ўргимчаккана  
тухумлари  
орасида.

Канахўр трипснинг улғайган урғочилари оч сариқ тусли бўлади. Бўртиб чиққан қора кўзлари бор. Саккиз бўғимли мўйловларининг учки қисми тўқ тусли бўлади. Олд қанотларидаги учта тўқ кулранг холлари шу йиртқичга мансуб хусусиятдир. Бош ва кўқрагининг олд қисми япалоқ ҳолатда бўлади. Қанотлари қорин қисмининг охиригача етиб туради. Урғочисининг тана узунлиги 1,16 мм гача боради. Ҳашаротнинг тухум, личинка (2 ёш), пронимфа ва етук зот шакллари мавжуд. Бир йилда 9-10 та бўғин бериб ривожланади. Ўргимчаккананинг ихтисослашган кушандаси бўлиб, заараркунандага нисбати 1:20 гача бўлганда унинг сонини кескин камайтириб, 81-98% самара бериши қайд қилинган (Успенский, 1981).


Ушбу ҳашаротнинг энг нозик жойи қишлиб чиқишидадир. Ҳашарот совуққа чидамсиз, одатда кўп қисми (пронимфадан ташқари) қишлоў пайтида қирилиб кетади. Қолгани эса баҳорда (март-апрел) ўргимчаккана билан бирга ривожлана бошлайди ва кузгача ўз нуфузини тиклаб олади. Бунга унинг нихоятда ҳаракатчанлиги ва хўра эканлиги ёрдам беради. Бир кунда битта канахўр трипс 50 тагача ўлжа шаклларини қиради.

### Йиртқич ва паразит пашшалар

Икки қанотлилар ёки пашшалар (*Diptera*) туркумига мансуб. Қишлоқ хўжалик энтомологиясида бу ҳашаротларнинг аҳамияти каттадир. Экинларнинг заарли организмларини қиришда йиртқич пашшалардан визилдоқ пашша ёки сирфидлар, галлициалар ва кумушсимон товланувчи пашшалар (серебрянки) аҳамиятлидир. Булардан ташқари, личинкалари турли ҳашаротларнинг жисмига кириб паразитлик қилувчи тахина пашшалари ҳам алоҳида ўрин тутади.

**Визилдоқ пашшалар ёки сирфид пашшалари** (*Syrphidae* оиласи) ёрқин тусли, ари ёки асалариларга ўхшайдиган йирик пашшалардир (108-расм). Д. Даминованинг таъкидлашича, Ўзбекистонда сирфид пашшаларидан 22 та тури аниқланган (Мансуров ва б., 1980). Буларнинг орасида энг кенг тарқалиб деярли барча стацияларда (боғлар; паст бўйли экинлар, жумладан ғўза; паст текистлик, тоғолди ва тоғларда учрайдиган турлардан куйидагиларни кўрсатиб ўтса бўлади: *Paragus oegyptius* Mg., *Scaeva montana* Viol., *S. albomaculata* Meg., *Syrphus corollae* F. ва бошқалар.

Бу ҳашаротларни кўпинча ўсимлик гуллари устида визиллаб учиб ёки қўниб турганининг гувоҳи бўламиз. Етук зотлари 500 тагача тухумини шира колонияси ичига қўяди. Оёқсиз, ноксизмон шаклга эга бўлган личинкалари ўсимлик ширалари билан йиртқичлик қилиб озиқланади. Катталиги 6-20 мм, танаси олд томонига қараб торайиб боради, ранги сарик, яшил, қизғиш ва хоказо, секин ва бесўнақай ҳаракат қиласади. Ҳаёти давомида хар бир личинка 2 марта пўст ташлаб 200 га яқин ширага ҳамла килиши мумкин.



108-расм. **Визилдок, ёки сирфид пашшалари:** 1 – *Sphaerophoria scripta* нинг етук зоти, 2,3,4 – личинкалари, 5 – гумбаги; 6 – *Syrphus vitripennis* нинг етук зоти.

Етилгач, личинка ўз ўрнида сохта пупарий ичида гумбакланади ва 2-3 ҳафта ўтгач янги бўғинни бошлаб беради. Бир йилда ҳар хил турлари биттадан бир нечтагача бўғин бериб ривожланади. Тез кўпайиши ва кўп озиқланиши туфайли сирфид пашшаларини жуда самарали энтомофаглар қаторига қўшиш мумкин. Шунинг учун кейинги йиллари бу ҳашаротларни биолабораторияларда сунъий кўпайтириб иссиқхоналарда ишлатиш устида тадқиқотлар олиб борилаяпти.

**Галлицалар** (*Cecidomyidae* оиласи). Унча катта бўлмаган (2 мм) бу пашшалар чивинни эслатади. Ўзбекистон шароитида йиртқич галлица афидомиза – *Aphidoletes aphidomyza* (Rondani) кенг тарқалган. Бу ҳашаротнинг етук зотлари апрел-май ойларидаги пайдо бўлиб деярли озиқланмайди, урчиб шира колонияларига якка-якка ёки кичик тўп қилиб тухум қўяди (жами 100 тагача). Тухумлари фақат юқори намлик мавжудлигидагина ривожлана олади. Ёз пайтида ҳаво намлиги 45% дан пасайса, тухумларда личинкалар ривожланмайди. Шунинг учун бу ҳаша-

ротлар Ўрта Осиё шароитларида тоғли туманларда ҳамда баҳор ва куз фаслларида ҳамда иссиқхоналарда яхши ривожланади.

Личинкалари (2,2 мм) ингичкароқ, ранги қизғиш-сариқ, ўз ҳаётида 40-80 та ширани қириши мумкин (109-расм). Ривожланишни тугатиб, ерга тушади ва 4-5 см чуқурликда ғумбакланади. 2 ҳафтадан кейин янги бўғин пашшалари уча бошлайди. Бир йилда турли хил ширалар билан озиқланиб, 8-10 бўғин беради. Бу пашшаларни ҳам сунъий кўпайтириб, иссиқхоналарда шираларга қарши ишлатиш усули яратилган.



109-расм. Йиртқич галлица пашшаси: 1 – *Aphidoletes aphidimyza* нинг етук зоти, 2,3 – куртлари шира билан озиқланаяпти.


**Кумушсимон товланувчи пашшалар** (*Chamaemyiidae* оиласи). Бу йиртқич пашшалар турли ўсимликларда ҳаёт кечиравчи ширалар билан озиқланиб фойда келтиради. ЎзФА нинг зоология институти ходими Т.П. Гомолицкаянинг таъкидлашича Ўзбекистоннинг турли минтақаларида 10 та тури аниқланган (Мансуров ва б., 1980). Кўпроқ тарқалганларидан: *Leucopis glyphinivora* Tanas., *L. ninae* Tanas турларини кўрсатиб ўтиш мумкин. Пашшалари майда (1,5-2,5 мм), чиройли, кўкрагининг уст томонида узунасига жойлашган қорамтир чизиклари, қорин устининг ўрталарида эса иккита қора доғи бор. Етук зотлари май-июн ойларида уча бошлайди. Куннинг иссиқ соатларида айникса серҳаракат, урчиб тухум қўйишга киришади. Урғочилари 50-70 та тухумни шира колонияси ичига қўяди. 2-4 кунда улардан личинкалар чиқиб шира, қалқондорларнинг «дайди» личинкалари ва бошқа майда юмшоқ танли жониворлар билан озиқлана бошлайди (110-расм).



110-расм. Левкопис авлодига оид кумушсимон товланувчи пашшанинг личинкаси галла баргида.

Личинкалари ўзига хос, одимчи қуртлар сингари тўлқинсимон ҳаракат қиласи, 4-5 кунда етилиб ўсимликнинг ўзида ёки тупроқда ғумбакланади (Лившиц, Митрофанов, Карелин, 1983). Ғумбаги бочкасимон, қизғиши сохта пилла ичидаги 10 кунча ривожлангач янги бўғинни бошлиб беради. Бир йилда 3-4 бўғин бериб ривожланади.

**Тахина пашшалари** (*Tachinidae* оиласи). Бу оиласага кирувчии пашшалар йирик ва сертук бўлгани учун улар «ежемухи» ёки типратикан пашшалар деб ҳам аталган. Ўзбекистоннинг Чотқол тоғлари остоналарида бу пашшаларнинг 90 дан ортиқ тури аниқланган (Хакимов, 1972). Тахиналарнинг қўпчилиги турли ҳашаротларда паразитлик қилиб ҳаёт кечиради. Барг устига қўйиб кетилган пашша тухумини қуртлар барг эти билан бирга ютиб юборади. Бундай тухумдан очиб чиқсан пашша личинкаси қурт танасини еб вояга етади ва ўлжа ғумбакланганидан кейин танасидан учиб чиқади(111-расм). Шу усулда ривожланадиган ва йўрта Осиёда кенг тарқалган тахиналардан гония пашшасини (*Gonia cilipeda* Rd.) қўрсатиш мумкин. Илдизкесар тунламларнинг кушандалари билан ижод қилган Р.С. Кенжаевнинг (1974) таъкидлашича Қашқадарё минтақасида тахина пашшалари агробиоценозда муайян даражада учраб, бу гурӯҳ ҳашаротни 8,6% (ғўзада), 9,7% (бедазорда), 12,5% (карам экилган далада) ва, ҳатто, 25,7% га (сабзида) зарарлаганини аниқлаган.




111-расм. **Тахина пашшаларининг:** А – тунлам куртларини,  
Б – маккажўхори поя парвонасини заарлайдиган турлари,  
В – кушанда ва ўлжа.

Бу гурух пашшаларнинг 4 та тури аниқланиб, уларнинг орасида энг кўп учраганлари *Gonia bimaculata* Wied. ва *Tachina rohdendorfi* Zim. бўлиб чиқкан.

Шунингдек, ҳар бир дала биоценозида кўпгина бошқа бирламчи паразит ва йиртқич бўғимоёқлилар бор, табиийки уларнинг барчасини батафсил ифодалаш имкониятига эга эмасмиз, шундай бўлсада уларнинг систематик оила номини эслатиб ўтамиз: жужелицалар, браконидлар, афидиидлар, ихнеумонидлар, чумолилар, ўргимчаклар ва бошқалар. Буларнинг кўпчилиги биргаликда табиатдаги ценоз мувозанатини сақлаб туришга ўз хиссасини қўшади.

**Афидиидлар.** Бу – пардақанотли (*Hymenoptera*) ҳашаротларга оид гурух бўлиб, Ўзбекистон минтақасида 27 та тури аниқланган. Буни машҳур олима, ижодини шираларни ўрганишга бағишлаган Амина Галиповна Давлетшина изоҳлаб берганлар (Мансуров ва б., 1980). Ҳақиқатдан ҳам, бу, кўзга зўрга кўринадиган нозик ҳашаротнинг қиласидиган иши, ўрганишга, ҳамда мақтовга сазовордир. Етук зотининг узунлиги 1-5 мм келадиган бу оила намуналари асосан, ички паразитлар (эндопаразит) бўлиб ҳаёт кечиришади. Кўпинча шираларнинг 2-3 ёшларини, ҳамда қанотли ва қанотсиз тирик туғадиган етук зотларини заарлайдилар (112-расм). Ҳар бир шира зотининг ичига 1 дона тухум қўяди. Агарда иккинчи тухум қўйилган

бўлса – у яшаёлмай нобуд бўлади. Афидиид билан заарланган қанотли шира зоти бошқа ерга учуб ўтса, у кушандани тарқашига сабабчи бўлади.



112-расм.

**Пардақанотли афидиидлар:**

1,2 - *Aphidius sp.* нинг етук зоти

ширани заарламоқда,

3 – заарланиб мумия бўлиб қолган  
ширалар.

Заарланган ширанинг ичида кушанданинг 3 та шакли: тухум, личинка ва ғумбаги 7-8 кун ичида ривожланиб, ташқарига етук зоти учуб чиқади. Бундан олдин ширанинг танаси юмалоқлашиб шиш шаклини олади, у ҳаракатсизланиб мумиялашиб қолади (113-расмни қ.). Мумиялашган шираларни айниқса июн ойида кўплаб учратса бўлади. Айрим баргларда шира тупламиининг 85-90% и заарланган бўлади. Аммо бу давр шираларни ўсимликларни тарқ этиш пайтига тўғри келгани учун, самара назарий аҳамиятга эга бўлиб қолади. Ўзбекистонда энг аҳамиятли афидиид кушанда турларидан қўйидагиларни зикрлаб ўтса бўлади.


*Praon volucre* Hal. – ғўза ва бошқа экинларни ҳамда мевали дараҳтларни заарловчи шираларга қирон келтиради.

*Aphidius Usbekistanicus* Lyz. – ғалла шираларини каттиқ зарарлайди.

*A. ervi* Hal. – полиз ва беда ширасини заарлаб фойда келтиради.

*Diaeeriella rapae* M. Iut. – кўп турларга оид шираларни заарлайди; кенг тарқалган.

**Йиртқич каналар.** Заарли бўғимоёқлилар сонини камайтиришда йиртқич каналарнинг ҳам аҳамияти юқори. Каналар ўргимчаксимонлилар (*Arachoidae*) синфининг 2 туркумига (*Parasitiformes* ва *Acariformes*) мансубдир. Ўзбекистон шароитида йиртқич каналарнинг 11 оила ва 27 авлодга мансуб 43 та маҳаллий турлари аниқланган (Сизова, 1983). Бу турларнинг кўпчилиги асосан, инсектицидлар кам ишлатиладиган боғ биотопларида ҳамда дала экинларининг атрофидаги ўтларда учрайди. Йиртқич каналарнинг энг самарали ва кўп учрайдигани фитосейулюс (*Phytoseiulus corniger* W.), Канададан интродукция қилинган метасейулюс (*Metaseiulus occidentalis*) ҳамда тидеид кана – *Pronematus rapidus* Kuzn. ва стигмеидагистемус (*Agistemus herbarius* Kuzn. und Wainst.) ҳисобланади (113-расм).



113-расм. 1 – Оддий ўргимчаккана – *Tetranychus urticae*,  
2 – Йиртқич кана – фитосейулюс (*Phytoseiulus persimilis*).


Йиртқич каналар табиатда апрелнинг охири-майдада пайдо бўлиб, ўсимликхўр каналарнинг тухум, личинка ва етук зотларига ҳамла қиласи. Битта йиртқич ҳаётида 30-35 та тухум ва 20 дан ортиқ ўргимчаккананинг ҳаётий шаклларини йўқотиши

мумкин. Йиртқич каналар ўргимчакканага нисбатан тезроқ ривожланиб, йилига 20 дан ортиқ бўғин беради. Самарадорлиги зарарли канага нисбатан 1:8-10 бўлганида айниқса юқори бўлади. Тадқиқотлар шуни кўрсатдики (Каримов, 1973), фитосейулюс йиртқич канаси Ўрта Осиёning экстремал ёзги ҳаво ҳарорати шароитида очиқ далаларда яшай олмай қирилиб кетади, лекин иссиқхона шароитида сақланиб ҳаётини давом этиши мумкин.

### **Бошқа йиртқич кушандалар**

Умуман, табиатда йиртқичлик билан ҳаёт кечирадиган умурткасиз ва умуртқали ҳайвонлар сон-саноқсиз. Энтомологияда бундай ҳайвонлар (ҳашаротлар, ўргимчаклар) одатда ҳаммахўр бўлиб, кўп туркумларга оид жонзотларга хавф туғдиради. Буларнинг орасида заарли ва фойдали турлар бўлиши мумкин. Шунинг учун, бундай жонзотларни ярим фойдали объект сифатида қабул қилишимиз керак. Мисол тариқасида қуидаги кенг тарқалган обьектларни кўрсатиб ўтишимиз мумкин (114-расм).

Ҳашарот ва бошқа умурткасиз ҳайвонларни йўқотишида умуртқали ҳайвонлардан айниқса қушларнинг аҳамияти бекиёсdir. Лекин шунда ҳам таъкидлаб ўтиш зарурки, булар учун ҳашаротнинг тури аҳамиятга эга эмас-барча илинган ҳашаротлар (зараарлими, заарсизми) озуқадир. Шунинг учун, табиатдаги энтомофаг бўлиб ҳисобланадиган ҳашаротларнинг сони ҳам табиий мувозонатда ушлаб турилади. Заарли организмларни йўқотишида ишлатиладиган биологик воситалар орасида энтомопатоген микроорганизмлардан (бактерия, замбуруғ, вирус, энг оддий организмлар) фойдаланиш алоҳида аҳамиятга эга. У **микробиологик кураш усули** деб ҳам юритилади. Табиатда мавжуд хилма-хил зааркунанда касалликларидан ташқари микробиологик саноат томонидан бир неча хил биопрепаратлар ишлаб чиқарилади.



114-расм. Бешиктерват (1) ва унинг тухум тўплами (2), 3 – йирткич қандалага бу гал кўсак курти дуч келди, 4 – оддий арининг уяси, 5 – кўсак куртига ҳамла олдидан, 6 – бу гал ўргимчакнинг ўлжаси – йирик ҳашарот, 7 - ўргимчак инига турли ҳашаротлар ўлжа бўлади.


*Дендробациллин, битоксибациллин, энтомобактерин, инсектин, вирин-ХС* шулар жумласидан бўлиб, айримлари амалиётда кенг қўлланилади.

Ғўзанинг ўргимчакканга, ўсимлик шираси, окканот, қандала каби сўрувчи зааркунандаларига қарши курашда ихтисослашган биологик усул фаол устунлик қилмаган вазиятларда бошқа усулларни, жумладан кимёвий кураш усулини қўллаш жоиздир. Шу боисдан ҳар иккала усул уйғунлаштирилган ҳолда бир-бирини тўлдириши ва энтомофагларнинг табиий популя-

цияларидан самарали фойдаланилган ҳолда, ҳосилни сақлағы қолишидек умумий мақсадда хизмат қилмоғи лозим.

### ТРИХОГРАММА: ТУРЛАРИ, МОРФОЛОГИК ВА БИОЛОГИК ҲУСУСИЯТЛАРИ<sup>\*)</sup>

Бу - пардақанотлилар (*Hymenoptera*) туркумига, халцидлар (*Chalcidoidea*) бош оиласига ва трихограмма (*Trichogrammatidae*) оиласига мансуб ҳашаротдир. Табиатда унинг 100 га яқин турлари мавжуд. Ўзбекистон шароитида 15 тури аниқланган (Сорокина, 1985). Трихограмма турли оилаларга мансуб ҳашаротларнинг тухумига ўз тухумини қўйиб ҳаёт кечиради (115-расм).



115-расм. Трихограмма етук зотининг морфологик тузилиши:  
а-урғочи (♀) етук зоти, б-унинг мўйлови, в-эркак (♂) зотининг мўйлови.

Трихограмма асосан дон куяси тухумларида кўпайтирилади, чунки бу зааркунанда – ҳашарот, жуда тез кўпаяди (бир йилда 14-15 бўғин беради) ва биофабrikанинг узлуксиз (поток) тизимларида фойдаланишга кулай келади. Трихограмма куя капалагининг битта тухумига биттадан бир нечтагача тухум қўяди. У жами 25-30 тагача тухум қўя олади. Паразитнинг барча ривожланиш даври қанотли ҳашарот учиб чиққунга қадар ўлжанинг тухумида ўтади. Паразит заарлаган тухум ёки етук зот шаклида ишчилар қўл кучи ёрдамида далага чиқариб тарқатилади.

<sup>\*)</sup> Б.П. Адашкевич (1979), А.П. Сорокина (1985) ва Т. Атамирзаева (1994, 2006) нашрларидан фойдаланилди.

Келажақда бу жараён маҳсус мосламалар – трактор ёки дельтаплан ёрдамида амалга оширилиши мүмкін. Бу борадаги тадқиқотлар давом этмоқда. Күплаб урчиши, экологик шароиттарга яхши мослашиши ва ундан күп самарали натижалар олиниси туфайли 1930 йиллардаң бу паразитни сунъий равишида күпайтиришга уриниб күрилганд. 1970 йиллардан кейин биолаборатория ва биофабрикалар барпо қилиниши билан ғұза ва бошқа әқинларга тушадиган тунламларга қарши мазкур усулдан фойдаланиш имкони яратилди (Одилов, 1975). Ҳозирги вактда трихограмма биологик кураш усули дастурларида турли тунламларнинг тухумига қарши курашда муваффақиятли ишлатиб келинмоқда. Бу мақсадда трихограмманинг Ўзбекистоннинг экстремал иқлим шароитига мос келадиган турлари ажратиб олинниб күпайтирилмоқда: *Tr. evanescens* W., *Tr. euproctidis*, *Tr. pintoi* (Адашкевич, 1981; Сорокина, 1985; Атамирзаева, 1994). Ўзбекистонда трихограмма күпайтириш индустряси ташкил қилиниб, ҳозирги вактда республика вилоятларида 800 дан ортиқ биолаборатория ва биофабрикалар мавжуд. Буларда ишлаб чиқылған маҳсулот бутун ҳимоя қилинадиган әкин майдонларини бир мавсумда 6-7 марта (қайта) ишлов беришга етади.

### **Трихограмма турлари ва уларнинг морфологик ва биологик хусусиятлари**

Ҳозирги вактда Ўзбекистон ҳудудида трихограмманинг 15 тури мавжуд (Атамирзаева, 1994). Шулар орасида қишлоқ хўжалик әқинларининг зааркунандалари учун энг күп хавф яратадиган 5 тури ажратиб олинниб уларнинг биологик хусусиятлари чуқур ўрганилди. Булар: 1. *Trichogramma pintoi* Voegele.; 2. *Tr. principium* Sug. et Sor.; 3. *Tr. elegantum* Sor.; 4. *Tr. evanescens* Westw.; 5. *Tr. sugonjaevi* Sor. – лардир. Бу турлар орасида *Tr. pintoi*; *Tr. principium* ва *Tr. evanescens* табиий биологик кўрсатичлари бир-бирларига яқин турсада, аммо генеталияларининг тузилиши жиҳатидан бир-биридан фарқланади.

## **Трихограмманинг морфологик белгилари**

Трихограмма танасининг узунлиги 0,3-0,9 мм. Кўзлари қизил. Асосан қисқа қанотли, қанотли ва умуман қанотсиз турлари ҳам мавжуд. Уларнинг олдинги қанотлари кенг, қисқа ҳошияли, аниқ қаторда жойлашган тукчаларга эга. Орқа жуфт қанотлари ингичка пичноқсимон. Елкасининг олдинги қисми тор, қорни кенг; қорнининг юқори қисми ингичкалашган, юмалоқ шаклга эга. Эркак ва урғочи етук зотлар ташқи кўринишлари жиҳатидан бир-бирига ўхшаш сарик, кўнғир ва қора рангли. Урғочи трихограммаларнинг мўйловлари 6 бўғинли, учлари тўғнағичсимон, сарик, қисқа туклар билан қопланган. Эркакларининг мўйловлари 3 бўғинли ва бир ҳалқачали, узун-узун қуюқ туклар билан қопланган. Панжалари 3 бўғинли. Урғочи трихограмма танасининг охирида тухумқўйгич наизаси кўзга ташланади. Эркаклариникида эса генеталиялари жойлашган.

## **Трихограмманинг умумий биологик хусусиятлари**

Табиатда трихограмма 10 метр атрофида учиш қобилиятига эга. Улар гулларнинг нектарлари билан озиқланиб жинсий вояга етадилар. Урғочи трихограммалар авлод қолдириш мақсадида ҳар хил капалак тухумларининг ҳидидан излаб топадилар. Битта дон куяси (*Sitotroga cerealella*) тухумига 1 та, камдан-кам ҳолатда 2 та тухум қўйиши мумкин. Тунламларнинг (*Noctidae*) битта тухумига 1-3 та, йирик тухумларга эса 40 тагача тухум қўйишилари мумкин. Трихограмма тухумини ташқи тарафи ха-рион билан қопланган ва ички тарафи сариклик қисмдан иборат.

Трихограмманинг личинка (қурт)лари текинхўрлик қилиб капалак тухумлари ичida ривожланади. Трихограмма личинкаси ўз тухумидан чиққанидан сўнг капалак тухумининг сариклик қисми билан озиқланиб 3 ёш ривожланиш даврини ўтайди. Учинчи ёшдан сўнг капалак тухуми қорая бошлайди ва трихограмманинг личинкаси пронимфа фазасига ўтганида капалак тухуми қорасимон тўқ-зангори тусга киради.

Трихограмманинг ғумбаги ҳам капалак тухуми ичida ри-

вожланади. Етилган трихограммалар капалак тухуми қобиғини кемиради ва ташқарига учеб чиқади. Күшимиңа озиқланганидан сўнг жуфтлашиб, капалак тухумларини излаб топиб урғочи трихограммалар тухум қўя бошлади. Трихограмманинг капалак тухуми ичидаги ривожланиши, ҳаво ҳарорати 26-30°C, нисбий намлиги 50-70% бўлганида 7-8 кунда ривожланади. Етук зотларининг ҳаётчанглиги ҳам ҳавонинг ҳарорати ва нисбий намлиги узвий равишда боғлиқ. Ҳаво ҳарорати ошган сари трихограмманинг ҳаётчанлиги қисқара боради. Баъзи тур трихограммалар (*Tr. sugonjaevi*, *Tr. evanescens*) ҳаво ҳарорати юқори 35°C, намлиги эса 30% бўлганида тухум ичидаги личинканинг 3 ёш давригача ривожланиб, сўнгра оммавий ҳалок бўлиш ҳолатлари кузатилган. Ҳаво ҳароратининг 10°C дан пастга тушиши натижасида трихограмма қишки уйкуга, яъни диапаузага кетади.

### *Айрим трихограмма турларининг биологик хусусиятлари*

**1. *Tr. pintoi* Voegle.** – дунё бўйича кенг тарқалган экологик жиҳатдан бардошли тур хисобланади. Бу ҳашарот ҳаво ҳарорати 18-30°C, нисбий намлиги эса 90% бўлганида ҳам ривожлана олиш хусусиятига эга. Бу трихограмма учун ҳаво ҳарорати 27-30°C, нисбий намлиги эса 50% бўлганида уларни ривожланиши ва биологик кўрсаткичлари юқори бўлиши кузатилади. Бундай шароитда уларнинг пуштдорлик даражаси дон куяси тухумларида ўртacha 43,7 дона бўлиши аниқланган. Шундай шароитда эркак трихограмма зотларининг урғочи трихограмма зотларига бўлган нисбатлари 1:3,2 бўлиши кузатилди. Ҳаво ҳарорати пасайиши ва кўтарилиши натижасида (15°-35°C) уларни преимагинал ривожланиши 7 кундан 40 кунгача давом этади. *Tr. pintoi* трихограммасини – маккажўхори парвонаси тухумларига, ғўзада, қанд лавлагида, сабзавот, картошка ва полиз экинларида ҳамда манзарали дараҳтларни кемирувчи заараркундаларнинг тухумларига қарши қўллаш мақсадга мувоффикдир (Турамурадов, Юлдошев, Обиджонов, Ахмедов, Шокирова).

**2. *Tr. principium* Sug. et Sor.** – Ўзбекистон худудида биринчи маротаба учраган янги тур ҳисобланади. Бу тур Сирдарё, Қашқадарё, Сурхондарё вилоятларининг чўл ва ярим чўл зоналарида, Фарғона, Наманган ва Тошкент вилоятларида учрайди.

Трихограмманинг бу тури курғоқчиликка чидамли бўлиб ҳисобланиб, унинг яхши ривожланиши учун энг мақбул шароит: ҳаво ҳарорати 28-30°C нисбий намлиги эса 30-35% дир. Бундай шароитда трихограмманинг урғочи зотлари ўртача 42 тагача дон куяси тухумларини заарлаш қобилиятига эга. Ҳаво ҳарорати 20-25°Cга қадар пасайганида унинг пуштдорлик даражаси 2 баравар камайиб, эркак ва урғочи трихограммаларни бир-бирларига бўлган нисбати 1:3 бўлиб сақланиб қолганлиги кузатилган. Бу трихограмма турини Ўзбекистон худудида асосан ғўза тунлами тухумларига қарши қўллаш яхши натижада беради.

**3. *Tr. evanescens* Westw.** – Ўзбекистонда кўплаб тарқалган тур ҳисобланади. Трихограмманинг бу тури баҳор ва кузойларида табиатда кўплаб учрайди. Бу тур ҳаво ҳарорати 26°C ва нисбий намлиги 70% бўлганида яхши ривожланади. Биолаборатория шароитида урғочи трихограммаларни пуштдорлик даражаси дон куясининг тухумларида ўртача 34 дона, эркак ва урғочи зотларнинг нисбати эса 1:3 бўлганлиги кузатилди. Ҳавонинг ҳарорати ва нисбий намлиги қўтарилиб-тушиб туриши уларнинг ривожланишига салбий таъсир қиласи. Бундай холларда уларни тухум қўйиш қобилияти 2 баробар пасайиб кетиши мумкин. Ҳаво ҳарорати 35°C, нисбий намлиги эса 30-90% бўлганида трихограмманинг личинкалари тухум ичидагоммавий ҳалок бўлганлиги кузатилган.

Бу трихограмма кўпроқ сабзавот-полиз экинларига тушадиган тунлам тухумларида текинхўрлик қилиб ҳаёт кечиради, лекин боғларда олма қурти ва барг ўровчи зааркунандаларнинг тухумларида ҳам текинхўрлик қилувчи маҳсус тур аро ирқлари ҳам мавжуддир. *Tr. evanescens*ни полиз экинларига тушадиган зааркунандалардан ҳимоя қилиш учун тунлам тухумларига ва боғда учрайдиган тур аро ирқларини олма қурти тухумларига

қарши қўллаш яхши самара беради.

**4. *Tr. sugonjaevi* Sor.** – бутун дунё бўйича янги тур бўлиб, фақат Ўзбекистон ҳудудида кўплаб учрайди. Унинг ранги қора қўнғир бўлиб, *Tr. evanescens* туридан фарқ қиласди. Бу тур учун энг мақбул ҳаво ҳарорати 26°C, нисбий намлиги эса 70% хисобланади. Ўртacha пуштдорлик даражаси дон қуяси тухумларида 39 та, жинслар нисбати эса 1:3 ташкил қиласди. Ҳавонинг ҳарорати 35°C, нисбий намлиги эса 30-90% га кўтарилганида ҳам тухум қуишидан тўхтамайди. Аммо личинкалари дон қуяси тухумлари ичидаги нобуд бўлиб кетиши кузатилган. *Tr. sugonjaevi* ва *Tr. evanescens* турлари биоэкология жиҳатидан бир-бирларига яқин бўлгани сабабли, уларни кузги тунламларни тухумларига қарши қўллаш мақсадга мувоффикдир.

**5. *Tr. elegantum* Sor.** – Республикаизнинг Сурхндарё ва Сирдарё вилоятларининг чўл ва ярим чўл зоналарида асосан ғўза тунламиининг тухумларида топилган. Иссикқа чидамли тур хисобланади. *Tr. elegantum* учун энг мақбул ҳаво ҳарорати 30°C ва ҳавонинг нисбий намлиги 40% дир. Бундай шароитда ҳам трихограммаларнинг жинслар нисбати 1♂:3,6♀ бўлиши кузатилган. Ҳаво ҳарорати ва ҳавонинг нисбий намлиги кўтарилиб тушиб туриши унинг пуштдорлик даражасига таъсир қиласди ва пуштдорлик 4-6 маротабагача камайиб кетиши мумкин. Бу трихограмма турининг энг юқори ривожланиш мезони 36,9°C ни ва пастки ривожланиш мезони 10°C ни ташкил қиласди.

*Tr. elegantum* иссиққа чидамли тур бўлгани учун, уни Республикаизнинг жанубий вилоятларида тунлам тухумларига қарши қўллаш мақсадга мувоффикдир.

### **Биолабораторияларда трихограммани оммавий кўпайтириш технологияси \*)**

Трихограммани оммавий кўпайтириш қуидаги босқичларни ўз ичига олади:

*дон қуясини кўпайтириш;*

---

\*) Ушбу материаллар М.И. Рашидов ва б. (2011) чоп этган нашрдан фойдаланиб ёзилди.

*трихограммани кўпайтириши;  
трихограммани диапаузага ўтказиши;  
бирламчи маҳсулотни янгилаш ва ийгиси.*

**Дон қуясини кўпайтириши.** Биолабораторияларда трихограмма – дон қуяси тухумларида (хўжайн) кўпайтирилади. Бунинг учун арпа донидан фойдаланилади. Олдиндан ҳар бир линияга 1300 кг ҳисобидан олинган дон ғалвирларда ювилади, қуритилади ва автоклавларда 1,5 атм. босим остида 30-40 минут давомида термик юқумсизлантирилгади. Юқумсизлантирилган 16% намлиқдаги дон ситотрога тухумлари билан заарлаш цехига ташилиб, ҳар бир кюветаларга 10 килограммдан жойланади. Доннинг қалинлиги 40 мм дан ошмаслиги шарт. Заарлаш учун ситотроганинг эндигина қўйилган ёки кўпи билан етти кунгача сақланган тухумларидан фойдаланилади. Ҳар 1 кг дон ҳисобига 1 г меъёрда тухум олинади. Тухумлар дастлаб термостатда 25°C ҳароратда тутилади, биринчи қуртлар пайдо бўла бошлаганида эса, уларни донга кўчирилади, кювета устидаги донга бир текис сочилади ёки икки-учта қофоз бўлакчаларига жойланниб кюветаларга қўйилади.

Тухумлардан қуртлар чиққанидан кейин (бу хол тўрт-олти кун оралагач рўй беради) донни вақти-вақтида, ҳар беш кунда бир марта (ҳар бир кюветага 300 мл ҳисобида сув сарфлаб) намлаб турилади. Бундаги намлик турғин 16% бўлиши кўзда тутилади. Цех ичидаги 23-24°C ҳарорат, 80-85% ҳаво намлиги автоматик равишда бошқарилади.

Дон қуяси капалаклари донни заарлаганидан кейин 15 кун ўтгач, заарланиш сифати аниқланади. Бунинг учун ҳар хил кюветалардан олинган 500 та донни ништар билан ёриб кўрилади. Мабодо заарланиш 60% дан кам бўлса, тухум такрор қўйилиб, дон қайта заарлантирилади.

Заарланишдан кейин 25-30 сутка ўтгач, капалаклар учиб чиқа бошлайди. Донни кассеталарга тушириб, ситотрога цехига кўчирилади. Механизациялаштирилган линиянинг ҳар бири 13 касета 10 та боксдан ташкил топади. Бунда ҳам ҳаво ҳарорати ( $23-24^{\circ}$ ) ва намлиги (85%) автоматик равишда бошқарилиб

турилади. Линияни бошқариш пултида күя капалакларини ҳашарот қабул қылгичда йиғиш учун капалакларнинг учишига қараб бир кунда икки ёки уч марта күя капалаклари ўтказиб туриладиган автоматик режим яратилади. Эсда тутиш керакки, ситотрода цехида гидротермик режимга риоя этмаслик оқибатида капалаклар тухум қўйишдан тўхтайди. Донни (70-90%) заарлантарилиганда, ситотрода цехида циклнинг давомийлиги 30-40 кунга боради, шундан кейин кассеталар ҳам бўшайди, улар иссиқ сув билан ювилади, деворларига керосин пуркалади ва қориндор канага қарши профилактик кураш олиб бориш мақсадида Ниссоран, 10% н.кук. акарицидидан 10 л сувга 1 гр қўшиб ишлов ўтказилади.

Күя йиғиш ва тухум тозалаш цехида ҳашарот қабул қылгичдаги капалаклар ҳар суткада икки махал – эрталаб ва кечқурун дозатор ёрдамида катакли термостатнинг кассеталарига 40 граммдан жойлаштирилади. Кассеталар биринчи бўлимда ўрнатилади, бир кун ўтгач, кейингисига сурилади. Капалаклар ҳар куни 20% ли шакар шарбати билан озиқлантирилади. Бешинчи куни улар чиқарилади. Катакчали термостатда 24-25° ҳарорат, 80% ҳаво намлиги автоматик равишида тутиб турилади. Ҳаво сўрғичига эга шкафда ҳар куни тухум йиғиширилади. Тухумлар ПКС-1 маркали пневматик классификаторда чиқиндилардан тозаланади. Сўнгра уларни ярим литрли банкаларга 150 граммдан жойлаштирилади, ёрлик ёпиширилади ва 3-4°C ҳароратда ҳамда 80-90% ҳаво намлигига сақлашга қолдирилади ёки ўша заҳоти трихограмма билан заарлантариш учун фойдаланилади. Мабода тухумларни узоқ муддатга сақлаш керак бўлса, улар – 196°C суюқ азотга солиниб криоконсерватория қилинади.

**Трихограммани қўпайтириши ва сақлаши.** Трихограмма цехида меъёрий ҳарорат, ҳаво намлиги ва ёруғлик автоматик равишида вужудга келтирилади. Биофабрика комплектига кирадиган биологик иқлим камераси трихограмманинг қўпайиши учун зарур барча шароитларни яратади. Ситотроганинг янги тухумлари буғ ёки дистилланган сув ёрдамида вивария

пластинкасига ёки икки-уч литрли шиша балонларнинг деворларига ёпиштирилади. Вивария ёки балонларга трихограмманинг уча бошлаган маҳсулотидан ҳар 15-20 та ситотрога тухумига – битта ургочи хисобидан жойлаштирилади. Паразит ва хўжайиннинг нисбати трихограмманинг сифати (жинсий маҳсулдорлиги) га боғлиқ бўлади.

Шуни эсда тутмоқ керакки, трихограмманинг далада самара кўрсатиши, уни парвариш қилишга бевосита боғлиқ. Бинобарин трихограмма цехида табиатдагига жуда яқин келадиган гигротермик шароит яратилиши керак. Ўзбекистон шароити учун кундузи ҳарорат аста-секин 30°C гача кўтарилиши, тунда 18-20° гача пасайиши, ҳаво намлигининг эса, 60-70% бўлиши энг мақбул хисобланади.

Трихограмма ҳар куни 20% ли шакар шарбати билан пахта бўлаклари воситасида озиқлантирилади. Бунда эрталаб шарбат билан боқилади, оқшомда тоза сув берилади.

Ситотрога тухумлари қорайганидан кейин улар тозаланади, зарарланиш фоизи, сифати, тури, популяцияси аниқланади, яrim литрли ёрликли шиша банкаларнинг ҳар бирига 100 г хисобида жойланади. Агар тухумхўр учиб чиқиши биланоқ зарур бўлса, у холда юпқа капрон тўр билан ёпилган банкалар термостатда сақланади ва улар учиб чиқа бошлагунига қадар ҳарорат 30°C тутилиши керак. Борди-ю, паразитни қисқа вақт (20 кунгача) сақлаш керак бўлса, у 3-4°C ҳароратли ва ҳаво намлиги 70% бўлган майиши совутгичга кўчирилади.

Трихограммани **узоқ муддат сақлаш керак бўлса**, бунда ҳаво нисбий намлигининг жуда катта аҳамияти бор. Шунинг учун керакли ҳавонинг намлиги эксикаторлар ёрдамида ҳосил қилинади (жадвал).

Ўзбекистонда учрайдиган трихограммаларнинг маҳаллий турларини намликка талабини билган ҳолда *Tr. pintoi* учун 50-60%, *Tr. evanescens* ва *Tr. sugonjaevi* учун 70%, *Tr. principium* учун 30-35%, 4. *Tr. elegantum* учун 40-45% ҳавонинг керакли нисбий намлиги ҳосил қилиниб эксикаторларда сақланади.

Эксикаторларда ҳавонинг керакли нисбий намлигини ҳосил қилиш

Талаб этилган ҳавонин нисбий намлиги (%)	Калийли ёки натрийли ишқордан қанча олиш керак, гр	Дистирланган сувдан қанча олиш керак, мл
30	144	141
40	122	155
50	104	171
60	86	183
70	70	111
80	50	130
90	30	140

**Мисол учун:** *Tr. pintoi* ни узоқ муддатли сақлаш учун эксикаторга 86-104 гр калий ёки натрий ишқор тузидан (КОН, НАОН) солиб, устидан 171-183 мл сув қуйилади. Бундай идишда трихограмма қоғоз пакетчаларда сакланиши мумкин.

Трихограммани урчишиш ишларининг муваффақиятли кечиши технологик жараёнига риоя қилиш ва меҳнатни түғри ташкил этишга боғлиқдир. Биофабриканинг линияларида бир йил давомида саккизтагача цикл ўтказиш мумкин. **Биофабриканинг бир линияси 3 минг гектар майдондаги ғўзани мавсум мобайнида ҳимоя қилиш учун маҳсулот етказиб бериши мумкин.**

Биолаборатория ва биофабрикаларда энтомофагларни кўпайтиришда бу ҳашаротларнинг лабораториядаги хўжайинларига йиртқич каналар катта зарар етказади. Трихограмма хўжайини-ситотрогага, асосан бақолоқ кана, бракон хўжайинимум парвонасини бақалоқ канадан ташқари каналарнинг оддий, йиртқич, узун оёқли, тукчали оддий ва бир талай бошқа турлари ҳам зарарлаб, улар сонини камайтириши мумкин.

**Трихограммани диопаузага ўтказиши.** Биолабораторияда кўпайтирилаётган трихограмма ҳаётий жараёнларини таъминлаш ва самарали маҳсулот етиштириш мақсадида паразит куз ва қиши ойларида диапауза холатига киритилади. Бунинг учун 1 та

паразитга 5 та дон күяси тухуми хисобида ёпиштирилган шиша балонларга трихограмма қўйиб юборилади. Заарланиш 1-2 сутка давом эттирилади. Бунда ҳаво ҳарорати 25°C, намлиги 70%, ёруғлик 16 соат бўлиши керак. 1-2 сутка ўтганидан сўнг, энтомофаг дон күясининг тухуми ичида тухум шаклида, ёки 1-ёшдаги личинка шаклида бўлган даврда шиша балонлар ҳарорати 10°C бўлган қоронғу хонага қўйилади. Бундай шароитда трихограмма 25-30 кун ичида ғумбак олди шаклига киради. Ситотроганинг тухуми қорая бошлайди. Шиша банкалардан трихограмма сидириб олиниб 3°C ҳароратда, 80% намлиқда узоқ муддат сақлашга қўйилади. Трихограмма 2 ойдан эрта диапаузадан чиқарилмайди. Агарда чиқарилса, у тўлиқ ривожлана олмай нобуд бўлиши мумкин.

Трихограммани диапаузадан чиқариш учун совуқхонадан олиб 25°C ли хонага қўйилади. Диапаузадан нормал ҳолатда чиқсан трихограмма хўжайнини топиб олишда фаол бўлиб, унинг пуштдорлиги юқори бўлади.

Баҳорда биолабораторияда трихограммани оммавий қўпайтириш мақсадида совутгичда сақланаштган трихограмма тухумлари 2-3 граммдан олиниб, паразитни қайта жонлантириш учун шиша банкаларга жойланади. Бу банкалар 25-26°C ҳароратли 75-80% нисбий намлиги бўлган хоналарда сақланади. Орадан 3-6 кун ўтгач, заарланган тухумлардан трихограмма учиб чиқа бошлайди. Паразитни қўшимча озиқлантириш учун 20% ли қанд шарбатидан фойдаланилади.

**Бирламчи маҳсулотни янгилаш ва йигиш.** Бирламчи маҳсулотни янгилашдан мақсад трихограмма дон күяси (ситотрода) тухумларида узлуксиз қўпайтирилганида, у ўзининг табиий хусусиятларини борган сари йўқота боради. Жумладан, дон күясида 3 авлод кетма-кет қўпайтирилган трихограмманинг жинсий маҳсулдорлиги 50-60% га, 5 авлоддан кейин эса 70-80% га камаяди. Шунинг учун ҳам, трихограмманинг бирламчи маҳсулотини унинг ҳақиқий хўжайнилари – тунламлар тухумида янгилаш зарур. Бу мақсадда тухумлар лаборатория шароитида етиштирилган тунлам капалакларидан олинади.

Олинган тухумлар майда қоғоз бўлакчаларига канд шарбати билан ёпиштирилиб, дала ўсимликларига илиб қўйилади. Орадан 3 кун ўтгач тухумли қофозчалар даладан қайта йиғиб олиниб, шиша банка ёки пробиркаларга жойланиб  $25-28^{\circ}\text{C}$  хароратда сақланади. Заарланган тухумлардан табиий трихограмма учеб чиқиши биланоқ улар алоҳида йиғилади.

Бирламчи маҳсулот етказиш учун тунламлар тухумини лаборатория шароитида кўплаб етиштиришга эҳтиёж туғилади. Бунинг учун, тунламларнинг қурти табиатдан йиғилиб, лаборатория шароитида капалак шаклига қадар ўстирилади. Капалаклардан тухум олинади. Бунинг учун шиша банкаларга 8-10 донадан капалакларнинг эркак ва урғочилари жойланади. Капалак тухум қўйиши учун бир текис қилиб кирқилган қоғоз парчалари қат-қат букланиб (гормошка) идишга солинади ва идиш оғзи мато билан беркитилади. Капалаклар қўшимча озиқланиши учун идиш ичига 20% ли қанд шарбати шимдирилган пахта бўлаги ҳам илиб қўйилади. Капалакли шиша банкалар  $25-26^{\circ}$  харорат ва 65-70% нисбий намлик мухитида сақланади. Идиш ҳар куни бир маротаба қараб чиқилиб, тухумли гормошка қоғоз ажратиб олинади, ўлган капалаклар олиб ташланиб, тириклари билан алмаштирилади.

Ажратиб олинган тунламларнинг тухумлари бирламчи маҳсулот етиштириш учун фойдаланилади. Бир литрли шиша идишларда сақланаётган трихограмма лабораторияда олинган тунлам тухумларини заарлаш учун қўлланилади. Бу мақсадда жинсий чатишган трихограмма 1:20 (паразит: хўжайин) нисбатда тунлам тухумларига кўчирилади. Трихограммани қўшимча озиқлантириш учун идиш қопқоғи устига 10% ли қанд шарбати шимдирилган пахта бўлаги қўйилиб, идишлар  $24-25^{\circ}\text{C}$  харорат ва 70-75% нисбий намликда ёруғ хоналарда сақланади. Орадан 5-7 кун ўтгач, паразит билан заарланган тухумлар қораяди. Бундай тухумлар ажратиб олиниб, тунламлар тухумлари тўдасини заарлаш учун фойдаланилади. Бу жараён 3-4 марта қайтакайта такрорланиб, керакли миқдордаги трихограмма бирламчи маҳсулоти етиштирилади.

*Кузги тунлам тухумларига қарши трихограммани қўллаши.* Кузги тунлам ва бошқа тупроқ остидан кемирувчи тунламларни йўқотиш мақсадида баҳор фаслида (март-апрелда) уларнинг дастлаб кўпаядиган асосий манбаларида маккажӯхори, эртаги сабзавот-полиз, картошка экинзорларига, йўл ёқалари, дала уватлари, ариқ бўйларига (профилактика мақсадида) трихограмма тарқатилади, бунда ҳар бир гектар ҳисобига 50-60 минг донадан трихограмма 5-7 кун оралатиб, 3 марта тарқатилади.

Ғўза экинига тушган кузги тунлам ва бошқа тупроқ остидан кемирувчи тунламларга қарши кураш олиб боришда қўп жиҳатдан тухумхўрни неча марта тарқатиш ва қўллаш меъёрига боғлиқдир. Трихограмма бир ва икки марта қўлланганида самародорлиги атиги 5-10 кунгача давом этади, кейин эса кескин пасаяди. Гектарига 60x80x60 минг дала ҳисобида уч марта тарқатилганида жуда узоқ вақт давомида анча яхши самарага эришилади.

Кузги тунлам ва бошқа тупроқ остидан кемирувчи тунламларга қарши трихограмма ишлатишдан энг яхши натижа олиш учун тухумхўрнинг дастлабки чиқарилиши зааркунанда тухум қўйиши бошланишига тўғри келиши керак. Бу эса, зааркунанданинг жинсий феромони (ЖФ) мавжуд феромон тутқич (ФТ) ёрдамида аниқланади (бу ҳақида маҳсус қисмда ўқинг). Шу билан бирга зааркунанданинг бир авлод бериш даври давомида трихограмма икки-уч марта ривожланиши мумкин. Трихограмманинг дастлабки қўлланган ва ундан кейинги чиқариладиган авлодлари зааркунанданинг оммавий тухум қўйиш даврида ва кечроқ фурсатда тухумларни зааррлашга қаратилади. Ўзбекистон шароитида тунламлар капалакларининг учиб чиқиши, чўзилиши ва шунга биноан тухум қўйишнинг давомийлиги (бир ой ундан ортиқ) энтомофагни бир неча бор такрорий тарқатишни тақозо қиласи. Трихограммани қўллашдан келадиган самара қўп жиҳатдан тарқатиладиган фойдали хашаротнинг сифатига ҳамда тухумхўрнинг ишланадиган майдон бўйича бир текис тақсимланишига боғлиқдир. Кемирувчи

тунламлар сонини камайтиришда юксак ҳаёт фаолияти ва атроф-мухитнинг нокулай шароитларига бардошли трихограммалар энг яхши самара кўрсатади.

Трихограммани кўпайтириш ёки сақлаш технологиясида камчиликларга йўл қўйилса, у далаларга чиқаришга қадар бир мунча нобуд бўлади, қаноти қисқарган ёки буткул қанотсиз зотлар пайдо бўлади. Бу эса трихограммани тарқалишига салбий таъсир кўрсатиши туфайли унинг самарадорлигини кескин камайтиради.

Эрта муддатда экилган ғўза майдонларига тушган тунлам тухумларини заарлашда трихограммани уч марталаб чиқариш яхши самара беради. Тадқиқотларнинг кўрсатишича, трихограмманинг керакли даражада самара бериши унинг турига ҳамда тур ичидаги формалари, биоматериал сифати ва ғўзани суғориш муддатларига ҳам бевосита боғлиқдир. Кузатувларга кўра, трихограмманинг ғўза тунлами тухумларига қарши ҳар бир авлодига қарши 3-4 марта 1 граммдан қўйиш яхши самара беради.

**Ғўза тунламига қарши трихограммани тарқатиши.** Ҳозирги вақтда трихограмма асосан қўлда тарқатилмоқда. Бу мақсадда дон куяси капалаги тухумларидан трихограмманинг етук зотлари учеб чиқишидан бир сутка олдин бир гектарга чиқариш меъёрини икки ёки уч литрли шиша балонларга жойлаштирилади. Олдиндан ҳар бир балонга ўлчами 1-1,5 см келадиган қофозчалардан бир гектарга мўлжаллаб, 100 таси ташлаб қўйилади. Бунинг учун фильтр қофози ишлатилгани маъқул. Очиб чиқсан трихограммалар шу қофозларга бемалол жойлашади. Трихограмма учеб кетмаслиги учун балонларнинг оғзи қалин мато билан беркитилади ва оммавий учеб чиқа бошлиши биланоқ балонларни 25-30°C ҳароратли соя жойларда сақланади. Бевосита тушиб турган қуёш тифи ғумбак ва етук зотига ҳалокатли таъсир қилиши мумкин.

Тухумлардан чиқган трихограммаларни (тарқатишгача) 4-8 соат давомида 20% ли шакар шарбати билан бοқиб турилади. Бу чора натижасида трихограмма урғочиларининг умри анча

узаяди, жинсий маҳсулдорлиги ва фаоллиги ҳам ошади.

Трихограммани кечки салқин соатларда, яъни ҳаво ҳарорати нисбатан юқори бўлмаган, ҳаво намлиги эса юқорироқ пайтларда тарқатиш керак. Бундай вақтларда трихограммага офтоб нурлари бевосита тушмайди ва шу боис у фаол бўлади. Шунингдек у ўзига хос ҳароратда яъни эрталабгача тунлам тухумни топиб заарлайди. Кундуз куни ҳарорат юқори бўлганида унинг фаоллиги пасаяди.

Трихограмма табиатда ўз хўжайинини қидириб топиш хусусияти суст бўлишини ҳисобга олиб, уни дала бўйича бир текис тарқатиш мақсадида, ҳар бир гектарга камида 100 та нуктада 10 метрдан ( $10 \times 10$  м) оралатиб тарқатилади. Ғовлаган ғўза пайкалларида, ҳамда зааркунанданинг зичлиги кўп бўлган жойларда  $5 \times 5$  тизимида 400 та нуктага тарқатиш янада яхши самара беради.

Банкага солинган қофозлардаги трихограммани қисқич ёрдамида қофози билан бирга эҳтиётлаб олиб, ўсимликларнинг соя жойларига қўйиб кетилади. Ҳашаротлар қофозларда текис тақсимланиши учун, тарқатиш давомида банка айлантириб турилиши керак.

### **Трихограммани сифат қўрсаткичларини аниқлаш**

Олиб борилган қўп йиллик илмий изланишлар ва ишлаб чиқариш тажрибалари натижасида биолабораторияларда дон қуяси ва тунлам тухумларида кўпайтирилаётган трихограммаларни сифатли ишлаб чиқариш учун қуйидаги меъёр қўрсаткичлари ишлаб чиқилган ва “Ўзстандарт” агентлигига рўйхатдан ўтказилган.

1. Трихограмманинг тур тозалигини таъминлаш. Бу - ҳашарот турини аниқлаш йўли билан амалга оширилади.

2. Трихограмма билан дон қуясининг тухумларини зарарланиши – 80% дан кам бўлмаслиги керак. Таҳлил учун ихтиёрий равишда, трихограмма билан зарарланган дон қуяси тухумидан, ҳар бири 50 тадан бўлган иккита намуна олинади. Бинокуляр остида, оқ қофозда, препаравал игна ёки юмшоқ

мўйқалам билан, қорайган яъни (зараарланган) ва қизарган (зараарланмаган) тухумлар миқдори саналади.

**Мисол учун**, қорайган тухумларнинг умумий сони 100 тадан 87 та бўлса бу трихограмманинг заарлаш қобилияти 87% демакдир.

3. Урғочи зотининг пуштдорлик даражаси 30 та тухумдан кам бўлмаслиги керак.

Трихограмма билан заарланган дон куясининг тухуми тўпидан 200 дона олинади. Тухумларни 0,5 литрли шиша банкаларга жойлаштирилади ва зич тўқилган оқ ип-газлама билан усти ёпилади. Банкалар ҳаво ҳарорати 26-30°C ва ҳавонинг нисбий намлиги 50-70% бўлган хонада сақланади. Биринчи навбатда трихограмманинг эркак зотлари, сўнгра эса урғочи зотлар учиб чиқади. Учиб чиқсандан 3-5 соат ўтганидан сўнг улар жуфтлашадилар. Шундан сўнг, урғочи трихограммалар якка тартибда, 5 та пробиркага ингичка, бироз намланган мўйқалам ёрдамида жойлаштирилади. Пробирка-ларга 40-50 тадан янги ситотрога тухумидан ингичка оқ қофоз бўлакларига ёпиштирилган ҳолда туширилади. Пробиркаларни оғзи ип-газлама мато билан, резина ҳалқа билан маҳкамланади. Эрталаб ва кечқурун 20% ли шакар ёки асал эритмаси билан пахтали тампон ёрдамида озиқлантирилади. Заарланган дон куясининг тухумлари қорайганидан сўнг, ҳар бир зотнинг пуштдорлиги тухумни санаш йўли билан, қуйидаги формула ёрдамида аниқланади.

$$\Pi = H : Y , \quad \text{бунда:}$$

П – урғочи зотларнинг пуштдорлик даражаси, %,

Н – заарланган тухумларни умумий сони, *дона*,

У – тухум қўйувчи урғочи зотлар сони, *дона*.

4. Урғочи зотининг хаёт кечириш давомийлиги 5 кундан кам бўлмаслиги керак. Бу биологик тестни бажариш учун 10 та пробиркага 1 тадан трихограмманинг етук зоти солиниб боқиб турилади. Ҳар куни назоратдан ўтказилиб неча кун яшashi

аниқланади. Урғочи зотнинг ҳаёт кечириш давомийлигини қуидаги формула ёрдамида аниқланади.

$$Ж=N_1+N_2+\dots+N_{10}:A, \text{ бунда:}$$

Ж – урғочи зотнинг ўртача ҳаёт кечириш давомийлиги, *кунлар*,

N – ҳар 1 зотнинг ҳаёт кечириш давомийлиги, *кун*,

A – тажрибадаги зотларнинг умумий сони, *дона*.

5. Урғочи зот трихограмманинг тухум қўйишга қодир қисми 90% дан кам бўлмаслиги керак. Бу биологик тест ҳам ушбу қўлланманинг З бандида кўрсатилган бўлимнинг давоми бўлиб, 5 та пробиркага солинган дон куяси тухумларини урғочи трихограммалар заарлаганлигини санаш йўли билан 5 маротаба қайтарилишда амалга оширилади ва зотларни тухум қўйиш қобилияти қуидаги формула билан аниқланади.

$$Я=N_1+N_2+\dots+N_{10}:Ax100, \% , \text{ бунда:}$$

Я – ҳар 1 зотнинг ўртача тухум қўйиш қобилияти, %,

N – ҳар 1 зотнинг қўйган тухуми, *дона*,

A – тажрибадаги урғочи зотларнинг умумий сони, *дона*.

6. Диапаузага кетган трихограмманинг камида 80% ти жонланиши керак. Трихограмма билан заарланган дон куяси тухумларининг таҳлил қилинаётган тўпидан 100 дона олинади. Тухумларни 2 та пробиркага 50 донадан жойлаштирилади. Пробиркаларни оғзи зич қилиб ип-газлама мато билан ёпилади ва резина ҳалқа билан беркитилади. Трихограммалар миқдорини, учеби бўлганидан ва табиий ҳалок бўлганидан сўнг ва ҳар бир пробиркадаги етук зотлар сони саналади ва қуидаги формула билан аниқланади.

$$О = В : А \times 100\%, \text{ бунда:}$$

О – трихограмма етук зотларини яшовчанлиги, %

В – учеби чиққан зотлар миқдори, *дона*,

А – тажрибадаги дон куяси тухумларининг умумий миқдори, *дона*.

7. Жинслар нисбати ( $\textcircled{M}:\textcircled{F}$ ) 1:1, 1:2. Бу биологик тест ҳам ушбу қўлланманинг (6) бандида кўрсатилган бўлимнинг давоми бўлиб, ўша танлаб олинган 2 та пробиркадаги намуналардаги урғочи ва эркакларининг сони ҳисобланади. Трихограммалар бинокуляр ёки лупа ёрдамида кўриб чиқилади. Трихограмманинг эркак ва урғочи зотлари мўйловлари билан бир – биридан фарқ қиласди. Урғочи трихограммани мўйловлари калта, 5 бўғиндан иборат бўлиб, мўйлов учлари тўғнағичсимон бўлиб кенгайган, калта ва сийрак тукчалар билан қопланган. Эркак трихограммаларнинг мўйловлари узунроқ бўлиб, мўйлов учлари кенгайган эмас. Охириг мўйлов бўлаклари билан қўшилиб кетган ва қуюқ, узун туклар билан қопланган. Ҳар бир пробиркалардаги эркак ва урғочиларини ҳисоблагандан сўнг, уларнинг нисбати қўйидаги формула билан аниқланади.

$$C = C_1 : C_2, \text{ бунда:}$$

C – жинслар нисбати,

$C_1$  – эркак зотлар сони, *дона*,

$C_2$  – урғочи зотлар сони, *дона*.

8. Шикастланган зотларнинг миқдори 5% дан кўп бўлмаслиги керак. Бу тест ушбу қўлланманинг (6) бандидаги тестнинг якуни ҳисобланиб, ҳалок бўлган зотлар бинокуляр ёрдамида кўриниб, шакли бузилган зотларнинг миқдори саналади. Шикастланган зотлар миқдори қуидаги формула ёрдамида аниқланади:

$$D = M : A \times 100, \%, \text{ бунда:}$$

D – шикастланган зотлар фоизи, %,

M – шикастланган зотлар сони, *дона*,


A – зотларнинг умумий миқдори, *дона*.

Лаборатория шароитида күпайтирилган трихограммани шу усуллар ёрдамида назоратдан ўтказиб, уларни табиий биологик хусусиятларини қанчалик саклаб қолғанлигини аникланади ва ҳар бир гектар майдонга чиқариш меъёрлари “Биосифат” лабораторияси ходимлари ёрдамида белгиланади.

Юқорида зикр қилинган тартибда күпайтирилган трихограммагина стандарт талабларига жавоб бериб, ўсимликларни зааррли тунламлардан ҳимоя қилишда кутилган ижобий натижалар кўрсатиши мумкин.

## БРАКОН

Бу ҳашарот - пардақанотлилар (*Hymenoptera*) туркумига, браконидлар (*Braconidae*) оиласига, *Bracon* (*Habrobracon*) *hebetor* Say. турига мансуб. Бу энтомофаг асосан кўсак қурти, тут парвонаси ва шунга ўхшаш қурт шаклидаги зааркунандаларга қарши биологик усулда қўллаш учун тавсия қилинган (116-расм).



116-расм. Кўсак қуртини (а) ва тут парвонасининг (б) қуртини заарлаган бракон кушандасининг личинкалари

Бракон ташқи паразит бўлиб, кўсак қуртининг ўрта ва катта ёшдаги қуртларини фалажлаб, сўнг устига 4-5 тадан 16 тагача тухум қўяди. Ўлжа кўп бўлса, барча фалажланган қурт устига тухумларини қўявермайди. Тухумлари битта-битта ёки бир нечталаб жойлашган бўлиши мумкин. Ҳар бир урғочи зот 400 тагача ва ундан ортиқ тухум қўйиши мумкин. Бракон етук зот

шаклида дарахт пўстлоқлари, ўсимлик қолдиқлари ҳамда кесаклар остида қишлийди. Бу энтомофаг табиатда учраши билан бир қаторда уни лаборатория шароитида мум куюси куртларида ёки тегирмон куюси куртларида кўпайтирилади. Бу энтомофагни лаборатория шароитида маҳсус механизациялаштирилган мосламаларда кўпайтириш усуллари яратилган. Ўсимликларда ғўза тунламиининг куртлари пайдо бўлиши билан биологик кураш дастурларида ҳар гектарга зааркундандинг сонига қараб (1:10-15 нисбатда) 500 тадан 2000 тагача тарқатилади.

### ***Браконнинг таърифи***

Бракон энтомофагини зааркунанда капалаклар қуртларига қарши қўллаш йўлларини излаш ва ишлаб чиқаришга тадбиқ этиш олимлар томонидан узоқ вақтлардан бери ўрганиб келинмокда. С. Боголюбов (1914), Wishart (1943), Х.Р. Мирзалиева (1986), Х. Атамирзаев (1994), З. Саидова (1989), Х.Х. Кимсанбоев ва б. (2000) браконни ривожланиш фенологияси ва биоэкологиясини ўрганиб лаборатория шароитида кўпайтириш, қўллаш ва сақлаш каби ишларни амалга оширганлар.

Бракон энтомофагига илмий ва иқтисодий аҳамият беришларининг асосий сабабларидан бири, унинг табиатда зааркунанда капалакларнинг қуртларига қирон келтиришидир. Илмий излашишлар шуни кўрсатдики, Молдавия ва жанубий Украинада бу энтомофаг табиатда эркин учраб маккажўхори поя парвонаси, қуртларини 5% дан 22% гача, дала тунлами қуртларини эса 35% гача заарлаганлиги аниқланган (Адашкевич, 1972). Ўрта Осиё худудларида кўсак қуртини табиатдаги бракон энтомофаги билан заарланиши 10-50% ни ташкил қилганлиги аниқланган (Хамраев, Велназаров, 1983). Ўзбекистонда эса, июл-август ойларида ғўзада, бракон, кўсак қуртининг 20-45% ини, помидорда 60% гача, карамда эса 30% гача ҳар хил тунламлар қуртларини заарлагани аниқланган (Мансуров, 1961; Рашидов, Саидова ва б., 1986).

Юқоридагилардан кўриниб турибдики, табиатда учрайдиган бракон заарли капалаклар қуртларига қарши юқори биологик

самара берар экан, лекин табиатда уларнинг ривожланишига, қишлиб қолишига ва ривожланиб кўпайишига ҳар хил омиллар халақит беради. Шу сабабли, бракон энтомофагини маҳсус биолабораторияларда кўпайтириб, далаларга чиқариш йўлга қўйилган. Ўсимликларни самарали биологик усууда ҳимоя қилишнинг асосларидан бири бу биолабораторияларда ишлаб чиқарилган биомаҳсулотларнинг сифатига боғлиқ. Қоидаларга риоя қилиб далага чиқарилган сифатли биомаҳсулот, ҳосилни, зичлиги юкори бўлмаган заараркунандалардан ҳимоя қила олади, ёки қурт-заараркунандаларнинг нуфузини хўжаликка зарар етмайдиган даражада ушлаб туриши мумкин.

### **Браконни биолабораторияларда кўпайтириш технологияси \*)**

Браконни оммавий кўпайтириш қуидаги босқичларни ўз ичига олади: *асалари муми парвонасини кўпайтиши; браконни кўпайтиши; браконни сақлаши*.

**Асалари мум қуяси (“восковая моль”)** – *Galleria mellonella, Pyralidae, Lepidoptera* купайтириш технологияси. Асалари мум қуяси Ўзбекистонда табиатда кенг тарқалган ҳашаротдир. Унинг 2 тури учрайди ва асаларичиликка бирмунча зарар етказади. Катта мум парвонасининг куртларида бракон яйдоқчисини кўпайтириш анча қўл келади.

Катта мум парвонасининг капалаги қанотларини ёзганида 30-40 мм келади. Урғочисининг ранги оч-жигарранг, кулрангсимон тангачалар билан қопланган. Кейинги қанотлари кулрангсимон оқиш, сарғиш товланиб туради.

Биринчи ёшдаги курти окрок, боши оч сарик, танаси сийрак калтаmallаранг тукчалар билан қопланган. Катта ёшдаги куртлар оқиш кулранг, боши ва елкаси қўнғирроқ, ҳар бир бўғимнинг олдинги қисмида қорамтири хитинлашган қалқончаси бўлади. Курти охирги ёшида 3-4 смга етади. Ғумбаги дастлаб оқ рангда, ривожланиш давомида сарғиш-жигар рангга ўтади, капалаклар чиқишидан олдин эса, тўқ-жигаррангли бўлиб, ўлчами 16-20 ммга етади. Пилласи кулранг, ўлчами 20-25 мм.

---

\*) М.И. Рашидов (2011) маълумотларидан фойдаланилди.

Мум күясини капалакларининг жинсини ажрата олиш мумкин. Эркак капалаклар тинч турган вақтида қанотларини деярли кенг ёйиб, урғочилари эса йиғиб ўтиради. Урғочи капалаклар ўртача 9-20 кун яшайди, тухумларини асалари уяси тубига, ёриқларга, мабодо асалари оиласи кучсиз бўлса, тўғридан-тўғри мум катакларига қўяди. Бир урғочи капалак, ташқи шароитига, озуқа миқдорига қараб 650 дан 2000 тагача тухум қўяди. Лаборатория шароитида капалаклар тухумларини балонлар ва садоклар деворларига, озуқа муҳитига, балонлар қопқоғи тортилган матоларга қўяди. 32-35°C ҳароратда қўйилган тухумлардан 3-4 кундан сўнг қуртлар очиб чиқади. Мум күяси иссиқсевар ҳашарот. Унинг ривожланиши учун ҳарорат ўртача 30-35°C бўлиши керак. Мум күясининг тўлиқ ривожланиши учун юқо-ридаги ҳароратда 41-53 кун керак бўлади (17-жадвал).

#### 17-жадвал

Асалари мум күясининг ривожланиш давомийлиги

Ривожланиш даврлари	Кунлар
Тухум	3-4
Қуртлари	22-25
Ғумбаклари	8-9
Капалаклари	9-13
<b>Жами</b>	<b>41-53</b>

Ҳарорат 20°C дан паст бўлганида эса, 70-86 кунга чўзилади. Ҳарорат +10°C дан паст бўлганида қуртлар ривожланишидан тўхтайди ва шундай ҳолда асалари уясида келаси йилнинг баҳоригача қишлиб қолади. Асалари мум күясининг ривожланиш давомийлиги лаборатория шароитида 32-35°C ҳароратда қўйидагича давом этади. Асалари мум күяси Ўзбекистон табиий шароитида йилига 3-4 насл берса, лаборатория шароитида эса ундан 7-9 марта авлод олиш мумкин. Ҳозирги пайтда бракон кўпайтириш учун асалари мум күясини лаборатория шароитида кўпайтиришнинг янги такомиллашган технологияси яратилиб жорий қилинмоқда. Бу технологиясининг афзаллиги қўйидаги-

лардан иборат:

биринчидан – асалари мум күясини кўпайтиришда оқсилга бой озуқа маҳсулотларидан фойдаланилади, асосий озиқ компоненти бўлган ноёб мерва тежалади, кам сарфланади;

иккинчидан – бир хил ёшдаги куртларни етиштириш имконини бериб иш унумдорлиги ошади;

учинчидан – З литрлик шиша банкалар иқтисод қилинади. Битта З литрлик шиша банкада 13000-14000 дона куртлар етиштирилади ва ниҳоят биолаборатория хоналаридан унумли фойдаланиш имкони яратилади.

Ушбу технологияга асосан асалари мум күясини кўпайтириш қўйидагича амалга оширилади:

Бунинг учун №1 озукадан (18-жадвал) З литрлик тоза ва стерилланган банкаларга 1 кг атрофида солинади ва унга 1 гр асалари мум күясининг тухуми солинади. Банкалар 15-17 кун 33-35°C да сақланади. Ҳар бир банкада 13000-14000 қурт пайдо бўлади. Жами 36 та банка бўлади.

Сўнгра ҳар бир банкадаги тайёр қуртлар озуқаси билан 10 та З литрлик стерилланган банкаларга бўлинади ва аввалдан тайёрлаб қўйилган №2 озиқдан 100-150 граммдан солинади. Кейинчалик ҳар 3-5 кунда, ҳар бир банкага №2 овқатдан 100-150 граммдан солиниб борилади. Бу иш капалак учиб чиққунича давом эттирилади.

Сўнгра банкаларга пластмасса таёқчалар (дощечка) солинади (ҳар бир банкага 4 та). Пластмасса таёқчалар тухумдан тозаланиб яна қайта банкаларга солинади. Бу иш ора бажарилади. Озиқ сифатсиз тайёрланса, улар моғорлаши, қотиб қолиши ва қориндор кана кўпайиб кетиши мумкин. Қориндор кана тушмаслиги учун тозаликка риоя қилиш ҳамда озуқанинг намлиги ошиб кетмаслиги лозим. Бракон кўпайтириш учун қуртлар садоқларда боқилади. Бунинг учун №1 озуқаси ва тухум солинган 15-17 кун сақланган банкаларни садоқларга (1 та садоқка 3 та банка) ағдарилади ва уни устига юпқароқ қилиб №3 озукадан 10-15 кун давомида ҳар куни 1,5 кг дан солинади. Унинг усти қалин мато билан (қатлам-қатлам қилиб) ёпиб қўйилади. Ҳарорат +35°C, намлик 80-85% бўлиши лозим.

Асалари мум күясини кўпайтириш ва унга ишлатиладиган озуқалар  
(ТошДАУ, Биомарказ лаб.)

<p><b>Тухумдан қурт олиш</b></p> <p>Бунинг учун №1 овқатдан 3 литрлик банкаларга 1 кг солиниб устига 1 гр мум күяси тухуми солинади. Банкалар 15-17 кун 33-35°C да сақланади. Ҳар бир банкада 13000-14000 қурт пайдо бўлади.</p>	<p><b>№1 озиқ тайёрлаш:</b></p> <p>20 кг буғдой уни (ёки 10 кг буғдой уни+10 кг маккажўхори уни): 4 кг шакар, 1 кг мерва, 2,5 кг маргарин, 4 кг мева қоки (олма, унаби, шафтоли), 4,5 л сут (ачиган сут). Жами 36 кг.</p> <p>Компонентлар яхшилаб аралаштирилиб 1 кун кўйилади. Эртасига 120 °C ҳароратда 45 минут пиширилади. Сўнгра совутилиб 3,0 л банкаларга силинади.</p>
<p><b>Қуртлардан капалак ва тухум олиш</b></p> <p>Бунинг учун тайёр банкадаги қуртлар озуқаси билан ҳар бир банка 10 га бўлинади. Унга №2 овқатдан 100-150 граммдан солинади. Сўнгра ҳар 3-5 кунда ҳар бир банкага 50 граммдан озуқа солиб борилади. Бу иш капалак учиб чиққунича давом эттирилади. Сўнгра банкаларга дощечкалар солинади (ҳар бир банкага 4 та). Дощечкаларни тухумдан ҳар куни тозалаб яна қайта банкаларга солинади.</p>	<p><b>№2 озиқ тайёрлаш:</b></p> <p>31 кг буғдой уни, ёки 15,5 кг дан буғдой ва маккажўхори уни), 6 кг шакар, 7 л сут (ачиган), 4 кг маргарин, 6 кг мева қоки (олма, унаби, шафтоли). Жами 54 кг.</p> <p>Шу масалликлар яхшилаб аралаштирилиб 1 кун кўйилади. Эртасига 120°C ҳароратда 45 минут пиширилиб, совутилади.</p>
<p><b>Қуртларни садокларда (ёки ваниаларда) боқиши</b></p> <p>Бунинг учун банкаларни садокларга (1 та садокка 3 та банка) ағдарилиди ва уни устига юпқарок қилиб №3 озуқадан 10-15 кун давомида ҳар куни 1,5 кг дан солиниб озиқлантирилади.</p> <p>Унинг усти калин мато билан (катлам қилиб) ёпиб кўйилади. Ҳарорат +35°C бўлиши лозим. Ҳар куни катта ёшдаги қуртлар териб олиниб бракон зараплаш учун, ёки тухум олиш учун ишлатилади.</p>	<p><b>№3 озиқ тайёрлаш:</b></p> <p>51,3 кг буғдой ёки маккажўхори уни, 11,4 кг олма қоки, 154 л сув (буғдойни қайнатиш учун), 3,6 кг маргарин, 7,7 кг шакар. Жами 228 кг.</p> <p>Дастлаб буғдой ва олма қоки 60 л сувда пишгунича 5-6 соат қайнатилади, сўнгра унга маргарин ва шакар солиниб димлаб кўйилади. Озуқа совутилиб садокларда қуртларни боқища ишлатилади.</p>

Мато қатламларига ўтган катта ёшдаги қуртлар ҳар куни 1-2 марта териб олинади. Бу хол бир ойгача давом этади. Қуртлар дастлабки 15 кунда күпроқ чиқади. Идишлардаги озуқали аралашманинг қалинлиги 20 см га етганида парвона капалаги қуртларидан бир қисми юзага чиқмай қўяди ва идиш тубида, аралашмада ғумбакланади. Уларни аралашма юзасига жалб қилиш учун ҳар бир идишга 150-200 гр мерва сепилади. Мум ҳидини сезгач, қуртлар унга интилади ва мато юзасига йиғилади. Садокда қурт боқилиб тўлик териб бўлингач, ундаги овқат ва чиқиндилар ташлаб юборилади. Садоклар ювилиб яна қайтадан ишга туширилади.

**Браконни қўпайтириши.** Катта ёшдаги асалари мум куясининг қуртлари маҳсус идишлардан териб олиниб, 3 литрли балонларга 300 тадан солинади. Уларнинг ичига букланган маҳсус қоғоз солинади, сўнг балонлар қора матолар билан ўралиб, коронғи жойда 4-5 соатга қолдирилади. Бу вакт ичида қоғоз ичига кирмай қолган қуртлар туширилиб юборилади. Бу қуртлар олдиндан тайёрлаб қўйилган, икки кун қўшимча озиқлантирилган 600 та га яқин браконнинг етук зоти солинган идишга туширилади. Шундан сўнг, 4 соат қоронғи жойда сақланган браконлар ҳамма қуртларни чақиб, устига тухум қўяди. Браконнинг маҳсулдорлигини ошириш учун, маҳсус матога суртилган асал ёки қиём билан қўшимча озиқлантирилади.

Тухумдан чиқсан личинкалар 4 кун давомида қуртлар билан озиқланади ва ғумбакка айланади. Ғумбаклари 6-7 кун ривожланиб улардан етук зотлар учиб чиқади. Шундан сўнг, бракон йиғиб олиниб тоза балонларга қўчирилади. Улардан қайта ишлаш учун ёки далага чиқариш учун фойдаланилади.

**Браконни сақлаши.** Одатда бу муҳим тадбирга тайёргарлик ишлари октябр ойининг охирдан бошланади. Лабораторияда 50-60 минг яйдоқчи ажратилиб, улар асал шарбати билан боқиласди, ҳароратни эса аста-секин 27°C дан 16°C гача пасатирилиб, 5-6 кун сақланади. Шиша балонлар олиниб унга олдиндан автоклавда юқимсизлантирилган ёғоч қириндилар солинади. Кейин кушандада шиша балонларга қўчирилади. Идишнинг қопқоғи остига докага солинган асал илиб қўйилади. Ҳаж-

ми 700x600x1500 мм бўлган садоклар тайёрланади. Садок қопқоғида диаметри 10 мм бўлган 3 та тешиклар очилади ва унга 1 мм ли капрон тўр тортилади.

Садоклар фойдаланишдан олдин қайноқ сув билан яхшилаб ювилиб қиши давомида ичидаги намликни сақлаш учун унинг остига полиэтилен плёнкаси тортилади. Плёнка устига олдиндан автоклавда юқимсизлантирилган ёғоч қипифидан 10-12 см қалинликда солинади. Кипик устига яйдоқчилар жойланган шиша балонлар 2 қатор қилиниб тик терилиб, устига яна қипик билан беркитилади. Оҳирги қават балонлар усти 5-10 см қалинликдаги қипик билан беркитилади. Садоклар инсектарияда айвон остида сақланади. Браконни сақлаш давомида инсектариядаги ҳаво ҳарорати ва нисбий намлигига қараб туриш зарур. Шу мақсадда ёғоч қипики устки қисми ҳар 25-30 кунда енгил намланиб (агар у қуруқ бўлса) турилади.

Мабодо сақланаётган яйдоқчилар ўлаётган бўлса, браконни лабораторияда мунтазам равишда кўпайтириб (ҳар куни 100-300 пробиркада) паразитнинг захира фонди яратилади. Қишилиқ келган йиллари, ҳар 15 кунда бир марта қишлишга кўйилган яйдоқчилар лабораторияга олинниб 3 кун давомида асал билан боқилиб яна қишлишга кўйилади. Баҳорда март ойининг биринчи ўн кунлигига қишлиётган яйдоқчилар лабораторияга олинниб, асал билан қўшимча озиқлантирилади ва март ойининг 2-3 ўн кунлигидан бошлаб асосий кўпайтириш бошланади.

Лаборатория шароитида яйдоқчилар асосан музлатгичларда сақланади. Бунда дастлаб яйдоқчилар 2 кун озиқлантирилади кейин ҳаво ҳарорати 27°C дан 16° гача пасайтирилади. Кейин паразитлар балонларга ёғоч пайрахалар билан бирга солиниб, балон қопқоғи остига асал суртилган пайраха бўлакчаси хам илиб кўйилади. Ундан сўнг эса, балонлар 8°C ҳароратли музлатгичларга қўйиб чиқилади. Ҳар 15-30 кунда балонлар музлатгичдан чиқариб олинниб, 2 кун мобайнида ҳашаротлар қайта озиқлантирилади. Сўнгра ҳаво ҳарорати 25°C дан 16°C гача пасайтирилиб, балонлар музлатгичга қайта жойлаштирилади.

Паразитларни диапаузадан чиқариш учун баҳорда биомах-

сулот солинган балонлар музлатгичдан чиқарилиб, 25-30°C хароратда ва 70-75% ҳаво нисбий намлигида сақланади. Сўнгра бирламчи маҳсулот лабораторияда паразитни қўплаб қўпайтириш учун фойдаланилади.

### **Браконнинг сифат қўрсаткичларини аниқлаш \*)**

Олиб борилган кўп йиллик илмий изланишлар ва ишлаб чиқариш тажрибалари натижасида биолабораторияларда мум куяси қуртларида кўпайтирилаётган браконни сифатли ишлаб чиқариш учун қуйидаги меъёр қўрсаткичлари ишлаб чиқилган (Сайдова, 2006).

1. Браконни қайси турга мансуб эканлигини аниқлаш. В.И. Тобиаснинг “СССР нинг Европа қисмидаги ҳашаротларни аниқлагич”и (1986) ёрдамида амалга оширилади. Республикамиз биолабораторияларида асосан браконнинг - *Bracon hebetor* Say. тури кўпайтирилади.

2. Бракон зотларининг ўлчамларини аниқлаш, бинокуляр остида, масштаб-координатли қофоз ёрдамида ўлчаш усулида амалга оширилади. Бунда танасининг узунлиги: ♀-2,2 мм, ♂-2,0 мм, пилласи-3,0 мм, ғумбаги-2,5 мм дан кам бўлмаслиги керак.

3. Ҳар бир урғочи зотнинг пуштдорлиги, 65 дона тухумдан кам бўлмаслиги керак. Урғочи зотларнинг пуштдорлигини аниқлаш қуйидагича амалга оширилади. Бешта 0,5 литрлик банканинг ҳар бирига 15 тадан мум куясининг қуртлари жойлаштирилади. Ҳар бирининг ичига бир жуфт ( $1\text{♀}+1\text{♂}$ ) браконнинг етук зоти жойлаштирилиб, озиқлантириб турилади. Банканинг оғзи салфетка-газлама билан ёпилиб резина ҳалқа билан маҳкамланади. 5-6 кун ўткач, назорат ўтказилиб: нечта қурт фалажланган, уларнинг устига нечтадан тухум қўйилган деган саволларга жавоб топилади. Пиравардида, браконнинг фаоллиги ва пуштлилиги аниқланади.

**$\Pi = H : N$ , бунда:**

$\Pi$  – урғочи зотларнинг пуштдорлик даражаси, *дона*,

$H$  – умумий қўйилган тухумлар сони, *дона*,

$N$  – урғочи зотларнинг сони, *дона*.

---

\*) З. Сайдова (2006) маълумотларидан фойдаланилди.

4. Урғочи зотнинг ҳаёт кечириш давомийлиги ҳаво харорати 28-30°C ва ҳавонинг нисбий намлиги 50-70% бўлганида 10 кундан кам бўлмаслиги керак. Урғочи зотларнинг ҳаёт кечириш давомийлигини аниқлаш учун З-бандда қайд этилган банкалардаги етук зотлар озиқлантирилиб, табиий нобуд бўлиши кузатилади ва ҳаёт кечириш даври қуидаги формула билан аниқланади:

$$X=N_1+N_2+\dots+N_5:A, \text{ бунда:}$$

X – зотларнинг ҳаёт кечириш давомийлиги, *кун*,

N – ҳар бир зотнинг ҳаёт кечирган кунлар сони, *кун*,

A – урғочи зотларнинг умумий сони, *дона*.

5. Пиллалардан учиб чиққан етук зот салмоғи 85% дан кам бўлмаслиги керак. Пиллалардан учиб чиққан бракон салмоғини аниқлаш З-бандда қайд қилинган банкалардаги пиллалардан учиб чиққан зотларни назорат қилиш усулида хисобланади ва қуидаги формула билан аниқланади:

$$B = C : K \times 100, \% \text{, бунда:}$$

B – пиллалардан учиб чиққан бракон етук зотларининг салмоғи, %,

C – учиб чиққан етук зотларнинг умумий сони, *дона*,

K – тажрибада қатнашган пиллаларнинг умумий сони, *дона*.

**Мисол учун**, 50 та пилладан 43 дона етук зот учиб чиққан, демак

$$43:50=0,86 \times 100=86\% \text{ - сифати қониқарли.}$$

6. Ўртача битта заарланган қуртдан олинадиган браконнинг етук зотлари 5 донадан кам бўлмаслиги керак. Ўртача 1 қуртдан олинадиган бракон етук зотининг сонини ҳам З-бандда қайд қилинган банкалардаги қуртлардан учиб чиққан зотларни кўз билан назорат қилиш йўли билан аниқланади.

$$B = C : \Gamma, \text{ бунда:}$$

B – ўртача битта қуртдан олинган етук зот, *дона*,

C – олинган етук зотларнинг умумий сони, *дона*,

Г – тажрибадаги қуртларнинг умумий сони, *дона*.

7. Жинслар нисбати ( $\text{♂}:\text{♀}$ ) 1:1, 1:1,5 дан кам бўлмаслик керак.

Етук зотларнинг жинслар нисбатини аниқлаш учун, учиб чиқсан браконларнинг ҳар тўпламидан 50 донадан намуналар олинади ва морфологик ташки қўринишига қараб ажратилади, яъни урғочи браконнинг қорин қисми охирида аниқ қўриниб турадиган тухум қўйгич назаси бор. Эркак ва урғочи браконлар хисобланиб бўлгандан сўнг, жинслар нисбати қўйидаги формула билан аниқланади:

$$C = C_1 : C_2, \quad \text{бунда:}$$

C – жинслар нисбати,

$C_1$  – эркак зотларнинг сони, *дона*,

$C_2$  – урғочи зотларнинг сони, *дона*.

8. Шикастланган (шакли бузилган) зотлар миқдори 5% дан кўп бўлмаслиги керак. Шикастланган зотлар миқдорини аниқлаш учун намуналардан 40 дона етук зот браконлар танланмай олинади ва лупа остида назоратдан ўтказилади, улар орасидаги майиб-мажрухлари санаб аниқланади ва нисбати қўйидаги формула билан ҳисобланади:

$$D = M : C \times 100, \quad \text{бунда:}$$

D – шикастланган зотлар салмоги, %,

M – шикастланган браконлар сони, *дона*,

C – жами тест учун олинган браконлар сони, *дона*.

Биолабораторияларда кўпайтирилаётган браконларнинг сифат қўрсаткичлари шу усуллар билан аниқланади. Браконнинг меъёрий қўрсаткичлари оммавий равишда кўпайтирилаётган браконлар учун ишлаб чиқилган. Мавсум давомида “Биосифат” лабораторияси Республикадаги биолабораторияларда ишлаб чиқарилаётган браконларнинг сифат қўрсаткичларини аниқлаб, ҳар гектар майдонга чиқариладиган браконлар миқдорини аниқлаб беради. Куз, қишлоғи ва эрта баҳор ойларида сифат қўрсаткичлари аниқланган браконларнинг қўрсаткичлари ўрнатилган меъёrlардан бир оз фарқ қилиши мумкин.

## **Браконни тунламларга қарши далага тарқатиш ва самарадорлигини аниқлаш**

Табиатда турли тунлам намуналари олдинма-кейин эрта баҳордан бошлаб ривожлана бошлайды. Шунинг учун, март-апрел ойларида табиатта (дала атрофларига) браконни тарқатиб туриш ўз самарасини бериши мумкин. Лекин, шуни ҳам огохлантириб ўтиш керакки, мободо, бракон кушандаси тут барги билан бирга пиллаҳонага кириб қолса, у пилла қуртини ҳам чақиб кўйиши мумкин. Бундан эҳтиёт бўлиш талаб этилади.

Одатда ғўза тунламининг биринчи баҳорги авлоди май ойида ривожланади. Бу пайтда ғўза ҳали ёш бўлиб шикастланмайди. Аммо атрофда бошқа шикастланадиган ўсимликлар борки, тунлам уларга тухум қўяди. Мисол учун, 2012 йилнинг 20-22 май кунлари Тошкент вилояти, Кибрай туманида жойлашган ўсимликшунослик ИТИ нўхот экилган далаларидан кўплаб ғўза тунламининг қуртлари териб олиб келинди. Ўсимликларнинг заарланиши, бошланишида, 15-17% ни ташкил этди. Бундай вазиятда трихограмма+бракон тизимида кураш ўтказиш мақсадга мувофиқлигини кўрсатди.

Ғўза тунлами ғўзани унинг шоналаш даврига кириши билан боғлиқ ҳолда июн ойида заарлай бошлайди. Июннинг 10-нчи саналаридан кейин 5-6 та чинбарг чиқарган ғўза пайкалларига феромон тутқичларни (ФТ) қадаб чиқиш талаб этилади. (Энг сифатли ФТ ЎзФА нинг Биоорганик кимё институтининг махсус лабораторияларида ишлаб чиқарилади).

Ҳар бир ФТ га 1 кечада ўртача 3-4 капалакнинг илиниши ва кейинги 3-4 кунда давом этиши, шу даладаги ўсимликларга ғўза тунлами тухум қўйишни бошлаганидан дарак бериб, трихограмми тарқатишини бошлаш кераклигини кўрсатади. (Қолган ахборот кейинги махсус қисмда берилди). Бракон эса, қайси бир далада тунламнинг қуртлари пайдо бўлса, ўша ерга курт зичлигини аниқлаб, ҳар 10-15 та куртга 1 та ургочи зот кушандаси хисобидан тарқатилади.

Браконни далага чиқариш миқдорини белгилаш учун 1 гектардаги қуртлар сони қўйидаги формулага асосан аниқланади:

$$X = \frac{a \times b}{100} = \text{дона}, \text{ бунда:}$$

X – 1 гектардаги құртлар сони,  
 a – 1 гектардаги ўсимлик туп сони, *дона*,  
 b – 100 ўсимлик тупларида аниқланған ўртача  
 сони, *дона*.

**Мисол үчүн**, ҳисоб якунига кўра, ҳар 100 туп ўсимлика 4  
 дона қурт тўғри келди дейлик. Бунда қатор оралари 90 см  
 экин майдонининг ҳар гектарида 110 минг туп атрофида ғўза  
 бўлса, унда:

$$X = \frac{110000 \times 4}{100} = 4400 \text{ та}$$

қурт бўлади. Энди ҳар бир гектар ғўзада ишлатиладиган  
 бракон миқдорини ҳисоблаб чиқарамиз. Бунда бракон  
 чиқариш меъёри 4400:15 – 293 экз., бўлиб, бракон урғочи ва  
 эркак жинсларининг нисбати 1:1 бўлгани учун, гектарига 600  
 дона кушандани тарқатиш талаб этилади. Талаб этилса, далага  
 браконни яна бир марта 1:10 нисбатда, яъни қуюкроқ қилиб  
 тарқатиш мумкин. Бунда ҳам кушандани тарқатиш меъёри  
 дала назорати асосида аниқланади.

Браконнинг учиш қобилияти юқори бўлгани билан уни  
 ҳам далага мумкин қадар текис тарқатиш талаб этилади. Шу-  
 нинг учун, 3 литрлик банкалардаги кушанда етук зотларини  
 даланинг ичида ва атрофида (шамол йўналишига қараб) юриб,  
 мумкин қадар кўпроқ нуқталарда тарқатилади.

**Браконни қўллаш самарадорлигини ҳисобга олиш.** Таъ-  
 кидлаб ўтиш жоизки, браконнинг самарадорлиги кўп омил-  
 ларга боғлиқ. Шундай бўлса ҳам, стандарт сифатга эга зотлар-  
 нинг самарадорлигини ўрганган А.С. Боголюбованинг кўрса-  
 тиши бўйича (Мансуров ва б., 1980) ғўзада кўсак куртига  
 қарши 1:5 нисбатда тарқатилган бракон 50%, помидорида эса

60% биологик самара кўрсатган. 1:10 нисбатда эса, мутаносиб равишида, 40 ва 48%; 1:15 дан – 36 ва 43% самара олинган.

Ғўзада кушандаларнинг (трихограмма, бракон) **биологик самарадорлигини** аниқлаш даладаги қуртнинг зичлигини ўзгаришига қараб (назорат вариантига нисбатан) аниқланади. Бунинг учун бракон кўйилиши керак бўлган даланинг иккала диоганали бўйлаб ҳар бирида 5 тупдан ўсимлик бўлган 20 та намуна, жами 100 туп ўсимлик кузатилади. Уларда кўсак қурти ва бошқа тунламлар қуртларининг умумий сони, аниқланади. Худди шу каби назорат бракон тарқатилганидан кейинги 5-7 кунда амалга оширилади. Олинган натижалар кўйидаги формулага кўйилиб биологик самарадорлик ҳисоблаб чиқилади.

### A - B

$$\text{Б.с.} = \frac{\text{A}}{\text{B}} \times 100, \quad \%, \quad \text{бунда:}$$

**A**

Б.с. – биологик самарадорлик, %,

А – браконни далага чиқаргунга қадар 100 тупдаги қуртлар сони, *дона*,

Б – браконни далага чиқарилганидан сўнг, 100 тупдаги тирик қуртлар сони, *дона*.

**Мисол учун**, далага бракон чиқарилгунга қадар ҳар 100 тупда 4,0 экз. соғлом қурт учраган бўлса, яйдоқчи чиқарилгандан сўнг назорат якунига кўра 100 тупда 2 дона тирик қурт учраса, унда бракон яйдоқчисининг биологик самарадорлиги кўйидагicha бўлади.

4 - 2

$$\text{Б.с.} = \frac{4}{20} \times 100 = 50\%.$$

4

Ғўза зааркунандалари бошқа экинлар билан бевосита боғлик бўлганлиги туфайли, улар миқдорини ғўзага ўтишига қадар камайтириш максадида, яйдоқчи эрта баҳорда бегона ўтларга ва эртанги экинларга тарқатилади. Экинларнинг мавсум даврида ҳам, браконни: *маккажўхори, помидор, беда,*


*сабзавот-полиз ва картошка экинларига ҳамда турли бута ва теракзорларда* ҳам тарқатилиб турилади. Бу билан, айни ўсимликларни ҳимоя қилиш билан бир қаторда, қисман бўлсада, ғўза зааркунандаларининг ҳам захираси камайтирилади.

## ОЛТИНКЎЗ

Олтинкўзлар тўрқанотлилар (*Neuroptera*) туркумига, олтинкўз (*Chrysopidae*) оиласига мансуб ҳашаротлардир. Бу оилага мансуб ҳашаротлар Европа, Осиё, Африка ва Америкада кенг тарқалган. Ҳозирги вақтда Ўрта Осиёда унинг 24, Озарбайжонда 33, Қозоғистонда 15 тури аниқланган. Ўзбекистон шароитларида олтинкўзларнинг тур таркиби ҳамда энг кўп тарқалган ва истиқболли турларининг баъзи биоэкологик хусусиятларини Е.П. Луппова (1966), Ф.М. Успенский (1970), О. Юзбашьян (1970) ўрганишган. Охирги кўрсатма бўйича (Абдурахманова, 1980) Ўзбекистонда олтинкўзларнинг 20 та тури аниқланган бўлиб, уларнинг орасида энг кенг тарқалган ва аҳамиятлилари кўидаги 4-тасидир: *Chrysopa carnea* Steph., *Ch. septempunctata* Wesm., *Ch. albovittata* Kill. ва *Ch. dubitans* McLach. (Мансуров ва б., 1980).

Олтинкўзлар олтинсимон - оч яшил тусли жуда нозик ҳашаротлардир. Уларнинг анча кенг, садафсимон ёки камалаксимон товланадиган қанотлари ёйилганида 19 дан 55 мм гача етади. Мўйловлари туксимон, пешонаси ясси бўлади. Ёруғлик томон яхши учади. Эндиғина қўйилган тухумлари оч яшил тусли, кейин эса аста-секин қораяди. Урғочиси тухумларини ғўзанинг шохига, баргларига ёки шона тугунчаларига биттадан ёки тўптўп қилиб нозик ипаксимон ипчага илиб қўяди (117-расм).

Олтинкўз куртининг танаси олд ва орқа томонидан ихчам бўлиб, тез югуришга мўлжалланган. Бунга унинг кўкрак қисмида жойлашиб яхши ривожланган оёқлари ёрдам беради. Туси оч яшилдан оч сариғача. Панжаларида тирноклари ўртасида эмподиялари бор. Кўкрак ва қорин сегментларида тананинг ёнларида учи илмоқли йирик туклар билан қопланган жуфт бўртиклари ривожланган.



117-расм. 1-Олтинкүз шакллари:  
а – личинкаси; б-тухумларини жойланиши; в-юмалоқ пилладан очиб чикаётган зот; 2-олтинкүзнинг катта ёшдаги личинкаси кўсак қуртига хужум қилмоқда

Личинканинг катта япалоқ бошидаги узунчоқ, ўроқсимон эгилган юқори жағлари ўлжани тутиб олишга мослашган. Пастки жағлари юқорисига зичлашиб, ёпиқ най ҳосил килади. Бу найча орқали юборилган маҳсус ҳазм қилиш шираси воситасида олдиндан эритилган ўлжа ички аъзолари ва тўқималари мазкур най орқали сўрилади.

Личинканинг оғиз бўшлиғига парда тортилган. Озиқланиб бўлган учинчи ёшдаги курт Мальпиги найчаларининг маҳсули бўлмиш ипаксимон иплардан юмалоқ оқ пилла ўрайди. Бир неча кун ўтгач, курт охирги марта пўст ташлаб ғумбакка айланади. Очиқ типда тузилган ғумбак яшил тусли бўлади. Ривожла-ниш охирида ҳаракатланиб, пилланинг юқори қисмини кемиради ва шу қисми қопқоқ сингари очилади. Ҳосил бўлган тешиқдан ғумбак ташқарига чиқади ва қулай жойни танлаб, субстратга маҳкам ёпишиб олади ва туллайди, пировардида етук зот учиди чиқади. Олтинкүзнинг куртларигина йиртқилич қилиб ҳаёт кечиришади, улар ниҳоятда хўра бўлади, жойдан-жойга тез кўчиш ва аъло даражада излаш хусусиятларига эга. Жуда ҳаммахўр бўлиб, бўғимоёқлиларнинг 70 дан зиёд турлари билан, жумладан, каналарнинг 11 тури билан озиқланади.

Олтинкүзнинг ҳаёт кечириш даври қуйидагича кечади. У етук зот шаклида ва қисман пилла ичидаги ғумбак ҳолида

тупроқ кесаклари, ўсимлик қолдиқлари остида, дарахт ва бино ёриқлари, кавакларида қишлиайди. О.Ю. Юзбашъяннинг маълумотларига қараганда, олтинкўзлар Ўзбекистон шароитида туар жойлар ва бошқа иморатлар ичидаги фақат етук зот шаклида қишилаб чиқади. Қишилаб чиқсан олтинкўзлар табиий шароитларда эрта баҳорда, март охири – апрел бошларида, ўртача бир кечакундузлик ҳарорат  $10-11^{\circ}$  га етганида фаоллашади. Қишиловдан чиқсан ҳашаротлар бу вақтда гулли ўсимликларнинг гул чанги билан озиқланишади, жуфтлашади, сўнгра эса тухум кўйишга киришади. Тухумларини ўсимлик баргларининг юзаси ва ост томонларига ва бошқа жойларга биттадан ёки бир нечтадан тўп-тўп қилиб кўяди, улар ингичка пояча ҳолида субстратга илашади. Кўпинча олтинкўз тухумларини шира жуда кўпайган жойларда, личинкалари учун озуқа осон топиладиган ерларга кўяди. Тухум кўйиш текис кечади. Битта урғочи зот кун давомида 65 тагача, бутун умри давомида эса 500-750 тагача тухум қўя олади. Эмбрионлик ривожланиш давомийлиги обхаво шароитларига қараб 4 кундан 15 кунгача давом этади. Личинканинг тухумни ёриб чиқиши бир неча минутга чўзилади, шундан кейин улар бирмунча вақт қимирламай қолади. Териси қуриб котганидан кейин личинка тухум банди бўйлаб пастга тушади ва зўр бериб озуқа қидира бошлайди. Личинкалар (айниқса кичик ёшдагилари) жуда серҳаракат бўлади. Озиқланиш вақтида улар икки марта туллайди. Сўнгги туллаш пилла ичидаги кечади. Личинкалик даврининг ривожланиш давомийлиги атроф муҳит ҳароратига ва озуқа мавжудлигига қараб 7 кундан 21 кунгача давом этади. Биринчи ёшдаги личинкалар асосан ҳашаротларнинг тухумлари, ширалар ва каналар билан озиқланади, иккинчи ва учинчи ёшдагилари кам ҳаракат бўлади ҳамда йирикроқ ўлжаларни афзал кўради. Ривожланиш даври давомида личинка 300 тагача шира, ўргимчаккана ва зарарли тунламларнинг тухумларини ейди. Катта ёшдаги личинкалари озиқланишни поёнига етказиб пилла ўрайди ва бевосита ўсимликларда, унинг турли пана жойларида ғумбакланади. Ғумбакланишга кириш даври 2 кундан 7 кунгача, ғумбак даври

эса 5 кундан 16 кунгача давом этади. Ғумбакдан очиб чиққан етук ҳашарот 5-7 кун озиқланади ва шундан кейин жуфтлашади. Урғочилар шира ва ўргимчаккана тўплланган жойни қидириб топиб тухум қўя бошлайди. Улар куннинг кечки ва эрталабки соатларида жуда фаол бўлади: урғочилари бутун ҳаёти давомида (бирмунча вақт оралатиб) тухум қўяди. Олтинкўзнинг етук зоти табиий шароитда гиёҳ ширалари, гулли ўсимликларнинг гулчанглари ҳамда барг, мева ва бошқаларнинг суюқликлари билан озиқланади.

Ўзбекистон шароитида олтинкўзларнинг асосий турлари 4-5 бўғин бериб қўпаяди. Табиатда олтинкўзларнинг бўғин бериш миқдори иқлим шароитларига ҳамда атрофдаги ўсимликларда бўғимоёқли жониворларнинг зичлигига боғлиқ бўлади. Масалан, олтинкўз бир бўғинининг ривожланиши ҳароратга ( $19-21^{\circ}$  дан  $35-37^{\circ}$  гача) ва ҳаво намлигига қараб 25 кундан 55 кунгача давом этиши мумкин. Ҳарорат  $37-40^{\circ}\text{C}$  ва ҳавонинг нисбий намлиги 30-40% бўлганида бир бўғиннинг ривожланиши 15-19 кунда тугалланади.

Олтинкўзнинг личинкаси шираларнинг ҳар хил турлари, ўргимчаккана, цикада, комсток курти, токка тушадиган ун курти, фитономус, беда қандаласи личинкалари, ғўза ва бошқа тунламлар ҳамда турли хил мевали дараҳтлар қуяларининг тухум ва куртлари билан озиқланиши мумкин. Етук олтинкўз ўз наслини озуқа билан таъминлаш учун мавсум давомида турли экинларга кўчиб юради. Курти учун етарли миқдорда озуқа манбаи топилиши биланоқ урғочиси дархол тухум қўйишга киришади. Эрта баҳорда бедазорларда, арпа, буғдой экинларида, бегона ўтларда, тут, мева дараҳтларида кўплаб олтинкўзларни топиш мумкин. Ғўза ниҳолларида шира пайдо бўлаётган даврда улар шундай пайкалларга ўтиб обдон ривожланади. Кейинчалик улар бошқа экин майдонларига туша бошлайди. Бироқ, уларнинг нуфузи турли маконларда турлича бўлиши мумкин. Улар мавсум давомида беда, ғўза экинларига ва мевали дараҳтларга энг кўп тушади. Масалан, ғўза майдонида май ўрталарида ҳар 100 туп ўсимликда 8-15 та етук зот, 20-25 та

тухум, 2-5 та личинка, 1-2 та ғумбак учратиш мумкин.

Ғұза суғорила бошлаганида ҳамда асосий ўлжалар күпайғаныда, олтінкүзларнинг етук зот ва личинкаларининг ҳаёт фаолияти учун энг қулай шароит вужудга келади. Жумладан, бу даврда (июн-июл) ҳар 100 туп ўсимликда 800-1000 тагача етук зот, 1200-1500 та тухум, 75-100 та личинка ва 25-30 та ғумбак топиш мумкин. Кейинчалик, гарчи олтінкүз учун озуқа сони күпайса ҳам, уларнинг, хусусан личинка ва ғумбакларининг сони кескин камаяди. Октябр охири-ноябр бошларида табиатда олтінкүз тухуми ва личинкалари күрінмай қолади, ғумбак ва етук зот ҳам кам учраши мумкин. Ана шу даврда қишлиб чиқадиган авлодининг етук зотлари пайдо бўлади. Уларнинг учиши ноябр охиригача, куз жуда илиқ келганида эса, декабр ўрталаригача давом этади. Олтінкүзлар агробиоценозда муайян ўрин эгаллашига қарамай, юкори ҳарорат, ҳаво нисбий намлигининг пастлиги, табиий күшандалар (тelenomидлар, чумоли, қүшлар ва б.), ғўзани ҳар хил зарапкунандалардан ҳимоя қилишга қаратилган заҳарли кимёвий воситалар таъсирида уларнинг нуфузи ва фойдалы фаолияти анча пасаяди. Шу боис шира, ўргимчакканда ва бошқалар тушган майдонларга лабораторияларда күпайтирилган олтінкүзларни мавсумий чиқариб туриш жуда аҳамиятлидир.

Ҳозирги вақтда олтінкүзларни лабораторияларда табиий ҳамда сунъий озуқали мұхитларда оммавий тусда күпайтириш усули тузиб чиқылған. Табиий озуқада күпайтириш учун дон күяси капалагининг эндигина қўйған ёки қизарган тухумларидан муваффақиятли фойдаланилади. Олтінкүзлар оммавий тусда күпайтирилганида унинг ҳар бир ривожланиш даври учун турли ҳарорат ва ҳаво намлиги талаб этилишини ҳисобга олиш лозим. Биринчи ёшдаги личинкалар учун 80% ҳаво намлиги билан уйғунлашган  $25^{\circ}$  ҳарорат мақбул ҳисобланади. Гумбаклар бирмунча кам талабчан, бироқ улар ўша шароитларда энг кўп яшаб қолиши қайд этилган. Тухумлар, иккинчи ва учинчи ёшлардаги куртлар ҳамда ғумбаколди ҳолати ҳароратнинг кенг оралиғида ( $20-30^{\circ}$ ) ва намлиқда (50-80%) муваффақиятли

ривожланаверади. Етук зот ривожланиши учун юқори намлик (80%) ва мўътадил ҳарорат ( $20^{\circ}\text{C}$  атрофида) мақбул ҳисобланади. Ана шундай шароит мавжуд бўлганида ҳашаротнинг яшовчанлиги энг юқори даражада бўлади, узок (80-82 кун) умр кечиради ва энг кўп миқдорда (750 тагача) тухум қўяди.

Б.П. Адашкевичнинг маълумотларига кўра, олтинкўз тухумларининг ривожланиш давомийлиги ҳароратга қараб, 3 кундан 7 кунгача боради. Личинка 15-28 кун, ғумбак эса 8-17 кун ривожланади. Етук зот бир ойгача яшайди. Бир бўғиннинг ўртача ривожланиш давомийлиги 52 кунни ташкил этади.

Табиатда олтинкўз анча нуфузли бўлади. Унинг етук зоти ҳар хил экинларга кўчиб юради, озуқанинг мўл-кўллигига қараб гоҳ у, гоҳ бу далада тўпланади. Муайян даладаги ширалар ёки каналар сонини камайтириш учун олдиндан лабораторияда кўпайтирилган олтинкўзларнинг куртларини сунъий равишда тарқатиш керак.

### **Олтинкўзни кўпайтириш технологиялари**

Олтинкўзларни оммавий тусда урчитиш усули кўпчилик давлатлар каби бизнинг мамлакатимизда ҳам тузиб чиқилган. У ҳозирча кўлда кўпайтирилади. Лекин амалда яратилган механизациялаштирилган усулни ишлатишга мўлжалланган биофабриканинг лойиҳаси ҳозирдаёқ тузиб чиқилган. Олтинкўз урчитиш технологияси қуидаги жараёнларни ўз ичига олади: **личинкалар учун озуқа тайёрлаш, тухумларни инкубация қилиш, личинка ва етук зотни тарбиялаш, тухум олиши ва уларни йигиштириш, биоматериални сақлаш.** Субстратдан ажратилган олтинкўз тухумларини  $25^{\circ}$  ҳарорат ва 80% нисбий ҳаво намлигига 2-3 кун тутилади. Бундай шароитларда личинкалар 4-5 кунда очиб чиқади. Қурт чиқишидан бир кун олдин (яккалатиб ўстириш учун) тухумлар катакли садкаларга жойлаштирилади ёки ярим литрли шиша банкаларда гурухлаб ўстирилади. Олтинкўз куртларига **каннибализм (бир-бирини еб қўйиш)** хосдир. Шунинг учун бу ҳашаротни кўпайтиришда якка-якка қилиб маҳсус уяли садкаларда ўстириш ёки маълум

«қурбонлар» билан гурухли ўстириш усули ишлатилиши мумкин. Якка ўстириш усули маҳсус жиҳозларни талаб этиб, қиммат бўлганлиги сабабли гурухли ўстиришни таърифлаб ўтамиз.

Олтинкўз қуртларини *гурухли усулда* ўстириш учун муайян қоидаларга риоя этиш талаб қилинади. Озуқани мўл-кўл қилиб бериш керак. Лабораториядаги шароит қуртлар учун ҳамиша оптимал бўлиши лозим: ҳарорат  $20\text{-}27^{\circ}$ , ҳаво намлиги 50-70%. Қуртларни гурухлаб парваришлаш каннибализмдан тўлиқ холи қила олмайди, шунинг учун уларни ярим литрли шиша банкага 50 тадан оширмай жойлаш шарт. Ҳар бир банкага 100-200 тагача ҳашарот жойлаштирилса, зичлик ошиши оқибатида қурт чиқиши 18-20% камаяди. Олтинкўзларни қуртлик даврида тарқатиш кўзда тутилганида уни гурухлаб боқиши яхши самара беради.

Биолаборатория ва биофабрикаларда олтинкўзни оммавий тусда урчтиши борасидаги муаммолардан бири – қуртларни озуқа билан таъминлаш масаласидир. Ўзбекистонда олтинкўзни боқиши учун мум куяси, ҳамда дон куяси тухумидан (ситотрога) фойдаланилади.

**Олтинкўзни мум куясида қўпайтириш.** Оддий олтинкўзни мум куясида қўпайтирилганда пуштдорлиги юқори бўлган биомахсулот олиш мумкин. Бунинг учун биринчи навбатда биолабораторияда мум куясини тўғри қўпайтирилишига аҳамият бериш керак. Яъни, мум куясини қўпайтиришда ҳаво ҳарорати, ҳавонинг нисбий намлиги, озуқанинг таркиби, уни бериш муддатларига амал қилиш талаб этилади. Хона ҳарорати  $28\text{-}30^{\circ}\text{C}$  ва ҳавонинг нисбий намлиги 80-85% бўлиши оптимал ҳисобланади. Оддий олтинкўзни мум куяси ва сунъий озуқа муҳитида қўпайтириш технологияси Ҳ.Р. Мирзалиева (1986) томонидан ишлаб чиқилган бўлиб, бунинг учун 3 литрли шиша балонларга 100 граммдан №01 озуқа солиниб, устига катта ёшдаги мум куяси қуртларидан 200-220 дона солинади (мум куяси қуртлари қўпайтирилувчи садоклардан олинади). 10-12 кундан кейин 10-15% капалаклар уча бошлагач, шиша балонларга №02 озуқадан 150 грамм солинади.

Олтинкўзни кўпайтиришда қўлланиладиган озуқалар  
ва уларнинг таркиби

Озука №	Таркибидаги маҳсулотлар	%	Тайёрлаш тартиби
01	1. III нав буғдой уни 2. Сут 3. Маргарин 4. Ачитқи 5. Қанд (шакар)	56 20 2 2 20	Дастлаб 2-5 маҳсулотлар қанд ва маргарин эри-гунча ( $25-27^{\circ}$ ) аралаштирилади. Кейин унга ун кўшилади ва бир сутка аралашма қуйиб қўйи-лади. Сўнгра 5 см калин-ликда патнисларга ёйилиб 2 атм. босимда, 45 дақика автоклавга қўйилади.
02	1. Куритилган мевалар (мева қоқи) 2. Қанд (шакар) 3. Сув	35 15 50	Қайнаётган сувга шакар солиниб 20 дақиқа сакланади ва унга мева қоқи аралаштирилади (1 даки-қа қўйилиб кейин сови-тилади).

Капалакларнинг учиши 50% дан ошганида шиша балонларга 100 донадан олтинкўз тухуми солинади. Тухумдан чиқкан олтинкўз личинкалари мум куяси тухумлари ва капалакларнинг колдиқлари билан озиқланади. Личинкалар 7-8 кунда ривожланиб бўлади ва мева қоқилари орасида ғумбакка айланади. Яна 6-8 кундан сўнг, ғумбакдан олтинкўзнинг етук зотлари учиб чиқади. Улардан тухум олиш учун мато тасмалари солинган 3 литрли шиша балонларга 100 тадан териб солинади. Етук зотлар асал ва тухум аралашмаси ҳамда мум куяси қуртларининг гемолимфаси билан озиқлантирилади.

### **Олтинкўзни дон куясида кўпайтириш**

Оддий олтинкўзни бу усулда кўпайтиришда олтинкўз личинкалари учун озуқа сифатида дон куясининг тухумларидан

фойдаланилади. Бунинг учун 3 литрли шиша балонларга 100 граммдан олма қоқи ва унинг устига янги қўйилган дон куяси тухумидан 1-2 грамм солинади. Сўнгра ҳар бир шиша балонга олтинкўзниң 3-4 кунлик тухумларидан 120 та солинади. Тухумдан чикқан олтинкўз личинкалари дон куяси тухумлари билан озиқланади. 3-4 кундан сўнг шиша балонларга қўшимча 100 грамм олма қоқи ва 1-2 грамм дон куяси тухуми солинади. Олтинкўз личинкалари шиша балон ичида ғумбакка айланиб, шароитга қараб 16-20 кундан кейин етук зотлари учиб чиқади. Улардан тухум олиш учун 100 тадан алоҳида балонларга солиниб, озиқлантириб турилади.

Олтинкўзни биолабораторияда кўпайтиришнинг яна бир самарали усули Тошкент давлат аграр университети олимлари томонидан ишлаб чиқилган бўлиб, бу технология бугунги кунда кўргина биолабораторияларда қўлланилмоқда.

#### 20-жадвал

Ситотрогада кўпайтирилган олтинкўзниң биологик кўрсаткичлари  
(М.И. Рашидов (2011) далиллари)

Тартиб №	Кўрсаткичларнинг номланиши	Биологик кўрсаткичлар
1.	Уринган зотлар салмоғи, %	5
2.	Ғумбак оғирлиғи, мг	5
3.	Жинслар нисбати (эркак:ургочи)	1:1
4.	26°C ҳарорат 75% намлиқда етук зотнинг ҳаётчанлиги, кун	20
5.	Ургочиларни тухум кўйиши, дона	500
6.	Тухум ва ғумбакларнинг яшовчанлиги, %	94
7.	Олтинкўз (етук зотларининг) ўлчамлари, мм - ургочиси - эркаги	10 8

Бу технологик жараён қуйидагилардан иборатдир: дастлаб арпа қайноқ сувда ( $90\text{-}95^{\circ}\text{C}$ ) 1-2 дақиқа заарсизлантирилиб, бир сутка давомида димланади, кейин уни махсус патнис (кювет) ларга 2-3 см қалиниңда ёйиб, намлиги 16% га тушгунча шамоллатилади. Сүнгра унинг устига термостатда ( $24^{\circ}\text{C}$  ҳарорат, 80% намлик) 3-4 кун сақланган ситотрода тухумидан, 1 кг арпага 1 г ҳисобида қоғозчаларга (10 кг арпа сиғадиган патниснинг 5 та жойига 2 граммдан) кўйилади. Куртлар донга тўлиқ кириб кетгунинг кадар арпага тегилмайди. Ундан кейин, капалаклар учеб чиқа бошлагунча (тахминан 20-25 кун) арпа ҳар куни намлаб турилади. Арпанинг намлиги 16% дан ошиб кетмаслиги лозим. Хона ҳарорати  $24\text{-}25^{\circ}\text{C}$ , намлик 75-80% бўлиши керак. Капалаклар уча бошлагач, 3 литрли банкага 300 грамм арпадан солинади, банкалардан 50-60% капалаклар учеб чиққуничча кутилади, сўнгра уларнинг устига 300 донадан янги қўйилган олтинкўз тухумлари солинади. Тухумлардан чиққан кушанды личинкалари дон куясининг тухуми, личинкаси, ҳатто капалаклари билан ҳам озиқланади. 15-18 кун ўтгач личинкалар озиқланишдан тўхтаб пилла ўрайди ва ғумбакка ўта бошлайди. Яна 6-8 кун ўтгач, банкада олтинкўз етук зотлари пайдо бўлади. Улар дархол учирив олинниб, ичида тасма матолари бўлган, тоза 3 литрли банкаларга 70-80 тадан солинади.

Олтинкўз солинган банкаларга асал суртилган мато осилади ва банка ичига ҳар бири 4-5 та қурт эзилган силлиқ қоғозчалар туширилади. Шунингдек озуқа сифатида пиво ачитқисининг 40% ли автолизати банканинг ички деворига суртилади.

Олтинкўзнинг етук зотлари озиқлангач, 3-4 кундан кейин ёппасига тухум қўйишга киришади. Тухум қўйилган матолар ҳар куни олинниб, олтинкўзлар мато тасмалар солинган тоза банкаларга кўчирилиб юқорида айтилган усулда озиқлантирилади. Олтинкўз ҳар куни янги банкаларга кўчириб турилмаса касалланади. Олтинкўз тухум қўйиши бир ойгача давом этади. Етук зотлар тўлиқ учеб бўлгач, арпалар яна янгиланади. Агар капалаклар кўп бўлса, арпадан иккинчи марта фойдаланса ҳам бўлади. Олинган тухумлардан далага чиқариш, ёки яна олтин-

күз кўпайтириш учун фойдаланилади.

### **Олтинкўзни ярим автоматлаштирилган линияда кўпайтириш усули**

Олтинкўз зотларини кўплаб ва арzonлаштириб чиқариш учун ярим автоматлаштирилган усул яратилган. Унинг учун куйидаги жиҳоз ва биоматериал керак бўлади.

1. Олтинкўз личинкаларини якка ҳолда боқиш учун маҳсус ўйма инларга эга ясси поднос (гексель). Бунинг ҳар бири 1706 та ўймага эга.
2. Гексельга олтинкўз ва ситотрога тухумларининг аралашмасини биртекис тарқатиб берувчи дозатор.
3. Гексельларни тўплаб олтинкўз қуртларини боқиш учун – стелаж ўрнатма.
4. Гексельлардаги олтинкўз пилласини йигиб олиш учун компрессорлик маҳсус қурилма.
5. Олтинкўзнинг ҳамда ситотроганинг (озиқланиш учун) тухумлари.



118-расм. **Олтинкўзни ярим автоматлаштирилган усулда  
кўпайтириш учун ишлатиладиган ускуналар:** 1 – гексель, 2 – стелаж,  
3 – сепаратор.

Бу усулда олтинкўзни кўпайтириш учун иш бошлашдан олдин бошқа линияда дон куясининг (ситотроганинг) тухуми

етарли миқдорда тайёрлаб қўйилади. Шунингдек, олтинкўз-нинг ҳам бирламчи тухум захираси бўлиши керак.

Ҳар 1 гексельни жиҳозлаш (заправка) учун 25 гр ситотротганинг тухуми ва 3500 та (225 мг) олтинкўзнинг тухуми керак бўлади. Булар идишда яхшилаб аралаштирилгач, дозатор бункер идишига солинади ва унинг ёрдамида гексель ячейкаларига тақсимланади. Мақсад гексельнинг ҳар бир ўйма инида 1 дона олтинкўзнинг тухуми ва ундан очиб чиқкан қурт 7-8 кун ичида озиқланиши учун етарли ситотрога тухуми жойланиши керак. Аммо, амалда бироз фарқланиши мумкин. Шуни назарда тутиб, гексельни тўлдиришда олтинкўз тухуми 2 баровар кўпроқ олинади.

Гексельлар стелажларда маҳсус хоналарда, ҳаво ҳарорати 25-26°C, намлиги 50-60% шароитида сақланади. Биринчи ҳафта ўтиши билан, гексельдаги қуртлар кўшимча, яна ситотрога тухумлари билан, дозатор ёрдамида озиқлантирилади.

Кейинчалик, 16-18-нчи кунларга бориб, дозатор ўймалирида пиллага ўралган ғумбаклар пайдо бўлгач, уларни маҳсус пневматик йиғиши ускунаси ёрдамида йиғиб олинади. Териб олинган пиллаларни Петри ликобчаси, ёки кичик банкаларга тарқатиб солинади. Кейинчалик улардан учеб чиқкан етук зотларни ичига мато бўлаклари солинган шиша банкаларга 80-100 тадан қилиб жойлаштирилади. Ҳар бир банка ичига асал суртилган мато бўлагини тушириб қўйиш лозим. Ундан ташқари, кейинги 2 нарсанинг бири билан ҳам озиқлантириш зарур: мато бўлагига эзилган 4-5 қурт гемолимфаси, ёки пиво ачитқисининг 40% лик автолизатини банкаларнинг ички деворига суртиб қўйилади.

Уч-тўрт кун ўтгач, олтинкўзнинг етук зотлари ёппасига тухум қўйишни бошлайди. Матодаги тухумларни турли мақсадларда ишлатиш мумкин: далага тарқатиш учун – матоларни қайчи ёрдамида бўлиб, химоя қилинадиган ўсимликка қўйиб чиқиши ва 2 – тақрорий линияда ишлатиш учун, тухумларни кичик қайчи, ёки бошқа мосламалар ёрдамида кесиб олиб йиғилади. Энг зарури: ҳар кунги тухумни ўша куни

йигиб олиниши бир текис биоматериал бўлишини таъминлайди.

Етук зот солинган банкалар тез-тез тозаланиб озуқаси янгиланиб турилади. Талабларга қараб, олтинкўз тухумини вақтинча уй сўуткичларида ( $5-6^{\circ}\text{C}$ ) саклаб турса бўлади.

### **Олтинкўзни ғўза ва бошқа экинларни ҳимоялаш учун амалий ишлатиши**

Кўпайтирилаётган олтинкўз стандарт меъёр кўрсаткичларига тўлиқ жавоб берган тақдирдагина тухумини зарур майдонларга тарқатиш тавсия этилади. Зааркунандаларнинг тарқалиши ва зичлигига ҳамда маҳсулотнинг сифатига қараб ҳар гектарга 500 тадан 2000 гача тарқатиш мумкин. Бундан ташқари, ғўза ниҳолларидаги сўрувчи зааркунандалар (ўргимчаккана, трипс ва шира)га қарши олтинкўзнинг тухум ва II-нчи ёш личинкаларини 1:15 ёки 1:20 нисбатларда ҳам далага тарқатиш мумкин.

Олтинкўз энтомофагини апрел ойидан бошлаб зааркунандаларнинг олдини олиш мақсадида шира, трипс ва ўргимчакканаларга қарши дала четларига ва ғалла майдонларига 10 м оралиқда етук зотини, ёки 1:15-20 ҳисобидан тухум ва қуртини тарқатиш, келажакда зааркунандаларнинг оммавий кўпайиб кетишининг олдини олишда салмоқли фойда беради.

Биолаборатория шароитида кўпайтирилган олтинкўз Республика “Биосифат” марказий лабораторияси томонидан сертификация қилинганидан сўнг далага тарқатиш руҳсат этилади.

### **Оддий олтинкўзнинг сифат кўрсаткичларини аниқлаш \*)**

Олиб борилган кўп йиллик изланишлар ва ишлаб чиқариш тажрибалари натижаларига таянган ҳолда, биолабораторияларда оддий олтинкўзни сифатли кўпайтиришни йўлга қўйиш учун, қўйидаги меъёрий кўрсаткичлари ишлаб чиқилган ва “Ўзстандарт” агентлигига рўйхатдан ўтказилган.

1. Олтинкўз турини аниқлаш. Олтинкўз турларини аниқлаш ишлари Л.М. Копанева (1983) «Определитель вредных и полез-

ных насекомых и клещей, однолетних и многолетних трав и

\*) С. Мухамадалиева нашрларидан (2006) фойдаланилди.

зернобобовых культур в СССР» китобида кўрсатилган услугуб асосида амалга оширилади. Бинобарин, ҳозирги даврда Республикализ биолабораторияларида асосан оддий олтинкўз (*Chrysopa carnea* Steph.) турини кўпайтириш йўлга қўйилган.

2. Етук зотнинг ўлчамлари, яъни танасининг узунлиги 10 мм, қанотини ёйганида 25 ммдан кам бўлмаслиги керак. Намуна учун 20 дона етук зот олинниб, уларнинг ҳар бири масштаб координатли линейка қоғоз ёрдамида ўлчанади.

3. Ҳар бир ургочи зотнинг пуштдорлик даражаси 200 та тухумдан оз бўлмаслиги керак. Пуштдорликни аниқлаш учун пилладан янги учеб чиқсан оддий олтинкўзнинг етук зотларини 1 литрли шиша банкаларга 20 тадан (яъни 10 та ♀ + 10 та ♂) 2 та банкага солиб қўйилади. Банкалар оғзи қора чит мато билан ёпилади. Озуқа сифатида ҳар қуни асал ва автолизат ишлатилади. Бу тадбир ургочи оддий олтинкўз тухум қўйиб бўлиб, табиий нобуд бўлгунча давом эттирилади. Ҳар иккала банкалардаги тухумлар сони ҳисобланниб, олтинкўзнинг пуштдорлик даражаси - ( $\Pi_{л}$ ) тенглама ёрдамида ҳисобланади:

$$\Pi_{л} = H : N, \quad \text{бунда:}$$

H – жами қўйилган тухумлар сони, *дона*;

N – банкадаги ургочи зот сони, *дона*.

**Мисол учун:** ҳар иккала банкада жами 4600 та тухум борлиги аниқланди. Демак:  $4600:20=230$ . яъни популяция ургочи зотларининг пуштлилиги қониқарли экан.

4. Ҳаётchanлиги (тухумдан жонланиши) 70% дан кам бўлмаслиги керак. Текширилаётган маҳсулотдан 20 дона олтинкўз тухуми олинниб, 20 та пробиркада (ҳар бирида 1 тадан) бокиб ғумбак ва пилла даражасигача олиб борилади. Олтинкўзнинг насли ва ҳаётchanлиги куйидаги тенглама ёрдамида аниқланади.

$$B = C : K \times 100, \%, \quad \text{бунда:}$$

B – олтинкўз наслининг ҳаётchanлиги, %,

С – олинган пилланинг жами сони, *дона*,  
К – тажрибада олинган тухум сони, *дона*.

**Мисол учун**, 20 та тухумдан назорат охирида 15 та пилла олинди. Демак,  $15:20=75\%$ , яъни популяция қониқарли экан.

5. Пиллалардан учеб чиқадиган етук зот микдори 75% дан оз бўлмаслиги керак. Бу кўрсаткичга эга бўлиш учун пробиркаларда ҳосил бўлган пилланинг умумий сони (К) ва улардан учеб чиқсан олтинкўз етук зотининг умумий сони (С) маълум бўлиши керак, яъни:

$$B = C : K \times 100, \%,$$

**Мисол учун**, 18 та пилладан 14 та етук зот учеб чиқди, яъни:  $14:18=78\%$ . Бу яхши кўрсаткичdir.

6. Олтинкўз етук зотининг яшаш давомийлиги (мўътадил шароитда) 15 кундан оз бўлмаслиги керак. Бу кўрсаткич қулай шароит яратилиб назорат қилиб борилган ҳашаротларни кузатиш натижасида олинади.

7. Неча % урғочи зот тухум қўйишини аниқлаш. (Бу кўрсаткич  $80\%$  дан паст бўлмаслиги шарт). Бу кўрсаткич 10 та банкага 1 жуфтдан ( $\text{♂}+\text{♀}$ ) етук зот жойлаштириб тухум қўйишини назорат қилиш оқибатида аниқланади.

8. Турли жинсли ( $\text{♂}:\text{♀}$ ) ҳашаротларнинг нисбати (индекси) 1:1 дан паст бўлиши керак эмас. Яъни популяциядаги урғочи зотларнинг салмоғи  $50\%$  дан оз бўлмаслиги керак.

Олтинкўз партиясидан олинган намунадаги 20-30 дона етук зотнинг эркак ва урғочилари ташқи белгиларига қараб ажратилади. (Урғочи зотнинг қорни эркагиникига нисбатан катталиги билан ажралиб туради). Етук зотлар сони ҳисоблаб бўлинганидан кейин, жинслар нисбати қуйидаги тенглама орқали аниқланади:

$$C = C_2 : C_1, \quad \text{бунда:}$$

C – зотлар нисбати ( $\text{♂}:\text{♀}$ ),

$C_2$  – урғочи зот сони, *дона*,

$C_1$  – эркак зот сони, *дона*.

**Мисол учун**, 20 та етук зот орасида 12 таси урғочи, 8 таси

эса эркак бўлиб чиқди. Демак:  $12:8=1,5$ , яъни зотлар нисбат индекси ( $\text{♂}:\text{♀}$ )  $1:1,5$  тенг.

9. Пилланинг оғирлигини аниқлаш. (Унинг оғирлиги ўртacha 6 мгдан кам бўлмаслиги керак). Олтинкўз пилласининг ҳар партиясидан 20 дона намуна олиниб, умумий оғирлиги ўлчанади ва пилла сонига бўлиб ўртacha ҳар 1 пилланинг оғирлиги аниқланади.

10. Етук зотлар орасида шикастланганларининг микдорини (%) аниқлаш. (Булар 5-7% дан ошмаслиги керак).

$$Д = M : A \times 100, \%, \quad \text{бунда:}$$

Д – шикастланган зотларнинг фоизи, %,

М – шикастланган зотлар сони, *дона*,

А – етук зотларнинг умумий сони, *дона*.

Биолабораторияларда кўпайтирилаётган оддий олтинкўзнинг сифат кўрсаткичлари шу усуллар билан аниқланади. Ушбу меъёрий кўрсаткичлар факат оммавий равишда кўпайтирилаётган оддий олтинкўзларгагина тааллуқлидир. Республикадағи биолабораторияларда ишлаб чиқарилаётган оддий олтинкўзнинг сифат кўрсаткичларини, мавсум давомида, биолаборатория ходимлари текшириб туриши мумкин. Буни Республика “Биосифат” марказий лаборатория ходимлари ҳам аниқлаб, ҳар бир гектар майдонга чиқариш меъёрларини белгилайди. Куз, қишиш ва эрта баҳор ойларида олтинкўзнинг сифат кўрсаткичлари ўрнатилган меъёрлардан бир оз фарқ килиши мумкин.

### ***Биоматериални янгилаши***

Биоматериални янгилаш мақсадида кузда (октябр-ноябр ойларида) ҳашаротлар кўп бўлган далалар, яъни бедазорлар, кечки маккажўхоризорлар, бегона ўтлар, тут ва бошқа мевали дарахтлардан олтинкўзнинг етук зотларини капалак туткич (сачоқ) ёрдамида йиғиб олинади. Ундан ташқари етук зотларининг ёруғлик томон яхши учшини ҳисобга олган ҳолда ёруғлик туткичидан фойдаланиб ҳам, олтинкўз йиғиб олиш

амалга оширилади. Табиатдан йиғиб олинган табий олтинкүз-нинг етук зотларини 2-3 кун асал билан озиқлантириб, қишлиашга тайёрланади.

### ***Олтинкүзниң қишлишини таъминлаш ва унинг етук зотини диапаузага киритиш тартиби***

Қишлиаш учун олтинкүзларнинг диапаузага кирадиган етук зотларини сақлаш жуда маъқул усулдир. Бунинг учун олтинкүзниң етук зоти сақланадиган хоналарни ёруғлик билан таъминлаш 10 соатга қадар қисқартирилади. Натижада, етук зотлар қанотларининг ранги яшил ёки салат рангдан оч пушти ранггача ўзгаради. Бу ҳашаротларнинг диапаузага кирганлигидан далолат беради.

Диапаузадаги ҳашаротлар, ичига қоғоз букламалар ёки қиринді солинган 2-3 литрли шиша банкаларда совуқ (+2+6°C) хонада сақланади. Диапаузадаги олтинкүзлар, сақланиш давомида, ҳар ойда икки маротаба иссиқ (25-26°C) хонага 3-4 соатга қўйиб, жонлантирилади ва озиқлантирилади. Жонланган етук зотларга фақат асал таклиф килинади. Озиқланиб бўлган етук зотлар яна совуқ хонада диапаузага ўтказилади ва сақлаш давом эттирилади. Ҳашаротларни шу ҳолатда 3-4 ой сақлаш мумкин. Оммавий усулда биолабораторияларда кўпайтирилаётган олтинкүзларни албатта йилда бир маротаба янгилатиб олиш шарт.

### ***Олтинкүзниң етук зотларини озиқланиши учун автолизат тайёрлаш***

Автолизат тайёрлаш учун янги пиво ачитқиларини эмаль кюветаларга қўйиб, икки-уч сутка +50° ҳароратли термостатга қўйилади. Агарда, +50°C лик термостат бўлмаса озуқани 25-30°C лик термостатларда ҳам тайёрлаш мумкин, аммо тайёрлаш узокроқ (5-6 сутка) давом этиши мумкин. Термостатни суткасига 5-8 маротаба очиб намлигини пасайтириб туриш зарур. Автолизат қаймоқ каби қуюлганида тайёр бўлади. Тайёр бўлган автолизат музлаткичда +5+8°C ҳароратда, кўпи билан 1,5-2

ойгача сақланиши мүмкін.

**Лабораторияда: трихограмма, бракон ва олтингүз турларини ва уларнинг сифат кўрсаткичларини аниқлаш учун керак бўладиган жиҳозлар**

- |  |                              |
|--|------------------------------|
| 1. Пробиркалар (21 мм)                   | 13. Қоғоз, дафтар, қалам     |
| 2. Штатив                                | 14. Энтомологик игна         |
| 3. Стол лампаси                          | 15. Препарат ёпқич ойнаси    |
| 4. Лупа 8 <sup>x</sup> , 10 <sup>x</sup> | 16. Препарат тайёрлаш ойнаси |
| 5. Бинокуляр МБС-9                       | 17. Калькулятор              |
| 6. Шиша балонлар. Ҳажми 1-3 л            | 18. Қайчи                    |
| 7. Қора ипли мато                        | 19. Мойқалам                 |
| 8. Асал                                  | 20. Боғлаш учун ҳалқачалар   |
| 9. Термостат 30-50°C                     | 21. Торози (торционный)      |
| 10. Музлатгич                            | 22. Пахта                    |
| 11. Пинцет                               | 23. Психрометр               |
| 12. Масштаб – координатли қоғоз          |                              |

**БИОЛАБОРАТОРИЯЛАРДА МАҲСУЛОТ ИШЛАБ ЧИҚАРИШ ВА УЛАРНИ ДАЛАЛАРГА ТАРҚАТИШ КАЛЕНДАР РЕЖАСИ**

**Январ-феврал ойларида**

Бу ойларда мавжуд биолабораторияларни тўлиқ қувват билан ишлаш учун талаб этиладиган озуқа маҳсулотлари, керакли анжом ва зарур инвентарлар билан таъминлашни амалга ошириш керак.

Ҳашаротларни кўпайтиришда хоналар ҳарорати қуидагича бўлишини таъминлаш керак:

- ситотрогани кўпайтириш учун ҳарорати 22°C ва намлиқ 80-85%,
- браконни кўпайтириш учун ҳаво ҳарорати 28-30°C ва намлиқ 70-80%,
- мум куяси қуртларини кўпайтириш учун 30-35°C ва намлиқ 80-85%,
- олтинкўзни кўпайтиришда ҳаво ҳарорати 24-25°C ва намликнинг 75-80% бўлишини таъминлаш зарур.

Шунингдек бу даврларда:

- трихограммани кузги тунлам ва мум күяси тухумларида янгилаш, ситотргани маккажүхори донида кўпайтириб олиш;
- арпани ситотрога билан заарлаш ва олтинкўз кўпайтириши учун етарли миқдорда ситотрога тухумини ишлаб чиқаришни ташкил этиш;
- мум күясини кўпайтиришга катта эътибор қаратиш;
- бракон ва трихограммани диапаузадан чиқариб, уни кўпайтириб, бирламчи маҳсулот сифатида ушлаб турилиши лозим.

#### *Март-апрел ойларида*

Бу даврда барча биолабораторияларда биомаҳсулот кўпайтириш тўла қувват билан амалга оширилади, талаб этилган технологиялар асосида мум күясини, олтинкўзни жадал кўпайтирилади, трихограмма ва браконни эса режага асосан кўпайтиришни давом эттириш керак.

Март ойининг учинчи 10 кунлигидан бошлаб об-ҳаво ҳарорати исиши билан дала қирғоқларидаги бегона ўтлардаги ўргимчакканга, шира, трипсларга қарши олтинкўзнинг 3-4 кунлик тухумини зааркунанда миқдорига қараб 1:30 нисбатда, ғаллазорларга гектарига 500-1000 донадан кўйишни; кузги ва бошқа тунламлар тухумларига қарши уват атрофлари ва зовур бўйларига 0,3 гр дан трихограммани ҳар 5-6 кунда (жами 3 маротаба) тарқатишни амалга ошириш керак.

Ғўза ниҳолларида сўрувчи зааркундалар пайдо бўлган даврдан бошлаб (ўргимчакканга, трипс, шира) олтинкўзни зааркунанда миқдорига қараб 1:10 ёки 1:20 нисбатларда зааркунанда уяларида тарқатиш. Илдиз қурти капалаклари учиши билан уларнинг тухумларига қарши трихограммани гектарига 0,3 граммдан 3-4 кун оралатиб кўйиш яхши самара беради. Бунинг учун ҳар 10 гектарга 1 тадан ФТ илиб капалак учишини назорат қилиш керак. Сабзавот экинлари ва ғўза майдонлари атрофидаги уватларга трихограмма билан бирга браконни чиқариш.

#### *Май ойида*

Доимий ўргимчакканга ўчфи ҳисобланган ҳамда тут дараҳтларидан ҳоли бўлган дала қирғоқлари ва уватларга кимёвий,

олдини олиш ишловини бериш. Бунинг учун Каратэ (0,1%), Циперфос (0,2%), Багира (0,06%) + Нискоран (0,04%) ишлатиш яхши самара беради. Шунингдек, олтинкўзни 3-4 кунлик тухумини зааркунанда сонига қараб, гектарига 500-1000 тадан тарқатиш керак.

Май ойининг биринчи 10 кунлигидан бошлаб сабзавот экинлари майдонларига 1 донадан кузги тунлам феромон тутқичларини ўрнатишни ташкил этиш ва капалаклар тушганидан 2-3 кун оралатиб 10x10 метр тизимда ҳар гектарга 0,6 граммдан трихограмма тарқатиш. Гўза тунламининг қуртларига қарши помидор, нўхат ва бошқа экинларда ҳам 1:10-1:20 нисбатларда бракон тарқатиш тавсия этилади.

### *Июн ойида*

Бу ойнинг биринчи ўн кунлигига республикамизнинг аксарият ғўза майдонларида ғўза тунламининг капалакларини учиши кузатилади. Шунинг учун, ўрнатилган феромон тутқичларни янгилаш, ҳар 5 гектарга 1 донадан феромон тутқич қўйишни ташкил этиш, тутқичга бир суткада 2-3 та капалак тушганида ёки 100 туп ғўзада 2-3 та тухум аникланса, гектарига 1,0 граммдан ҳар 2-3 кун оралатиб 4-5 маротаба трихограмма қўйиш. Зааркунанданинг доимий ривожланадиган ўчоқларида, сувдан сўнг ғовлатиб юборилган жойларда 5x5 м схемада, трихограммани фақат кечки салқинда чиқариш мақсадга мувоғиқдир. Ғўза тунламининг ёш қуртлари пайдо бўлса, 100 тупдаги зааркунанда сонига қараб 1:10 ёки 1:5 нисбатларда урғочи бракон ҳисобида 4-5 кун оралатиб, эрталаб ва кечки салқинда қўйиб юборилади.

Ғўзада шу даврда учрайдиган шира, оққанот, трипс ва ўргимчакканага қарши олтинкўз қуртини, бўлмаса тухумини чиқариш керак. Шуни таъкидлаш жоизки, зааркунанданинг кейинги авлоди миқдорининг кўп ёки оз миқдорда бўлиши июн ойида олиб борилган қарши кураш тадбирларига ўта боғлиқдир. Шунинг учун, тунламининг зичлиги ҳосилга ҳавф яратган пайкалларда (капалакнинг кўплаб учиши, қўйган тухумининг кўплиги, қуртининг зичлиги ҳар 100 та ўсимликка (тухумдан

ташқари) 10-15 тадан ортиб кетиши), фойдали ҳашаротлар учун кам ҳавфли дорилардан (аваунт, ланнейт, суррендер) ишлатишни тақазо этади.

Дори ишлатишни, яхши таъмирланган ОВХ-28 трактор пуркагици ёрдамида (хар гектарга 300 л/га) сув сарфлаб, эрталабки ёки кечки салқинда ўтказилади. Бунда, агарда далада ўргимчак-кана тарқалиш ҳавфи бўлса, ишчи эритмаларига Омайт (1,5 л/га) ёки Вертимек (0,4 л/га) аралаштириб ишлов ўтказилади.

### ***Июл-август ойларида***

Биолабораторияларда маҳсулот ишлаб чиқаришни жадал суратлар билан олиб бориб технологик режимларга риоя этилади. Ғўзадаги шира ва ўргимчакканаларга қарши олтинқўзни, ғўза тунламига қарши трихограмма ва браконни кўпайтириш давом эттирилади.

Дала назоратчиларини ишини жонлантириш, ўзларига биркитирилган ҳар бир ғўза пайкалларини назорат қилиш. Феромон ва бошқа тутқичларни мунтазам янгилаш (феромон капсулаларини хар 10 кунда, елимини капалаклар тушишига қараб 2-3 кунда) янгилаш туриш керак. Назоратчилар ҳисобига ғўза майдонларига энтомофагларни тарқатишни давом эттириш. Ойнинг учинчи ўн кунлигига кўсак қурти тухумларини йўқ қилиш учун чилпилган ғўзанинг ўсув нуқталарини этакка йифиб олиб, уларни йўқ қилишни ташкил этиш. Кечикиб экилган ғўзаларда зааркунандаларга қарши энтомофагларни тарқатиш сентябр ойигача давом эттирилади.

### ***Сентябр-октябр ойларида***

Кечки ғўза, маккажўхори ва помидор экинларида зааркунандаларга қарши унинг қишловга кетиш захирасини камайтириш максадида биолабораториялардаги олтинқўз тухуми ва личинкаларини, трихограмма ва браконни тарқатиш давом эттирилади.

Энтомофагларнинг популяцияларини янгилаш учун тунлам қуртларини даладан йифиб олиб келиб биолабораторияларда кўпайтирилади; трихограмма ва браконни уларда пассаж қилин-

гач, наслдор биоматериални қишлоу диапаузасига ўтказиш ишлари амалга оширилади.

### **Ноябр-декабр ойларида**

Биолабораториялар ишини таҳлил қилиш, зарур бўлган эҳтиёт қисмлар, етишмайдиган жиҳоз ва ускуналар билан таъминлаш ҳамда бино ва линияларни таъмирлаш. Биолаборатория бино ва омборларини дезинфекция қилиш, дон канаси каби заарқунандаларни тарқалишини олдини олиш, шунингдек қишлаётган заарқунандаларнинг тарқалиши бўйича маълумотлар тайёрлаш, уларни харитага тушириш ва далалардаги сонини ҳисобга олиш учун ковлаб кўриш ва назорат ишларини ўтказиш.

Келгуси йил учун фермер ва бошқа турдаги ишлаб чиқарувчилар билан биомахсулот етказиб бериш ёки биологик ҳимоя чораларини ўтказиш бўйича шартномалар тузиш, уларни тегишли жойлардан рўйхатдан ўтказиш. Кадрлар малакасини ошириш, фермерлар орасида ўқув машғулотларини ўтказиш.

### **Хавфсизлик талаблари**

1. Биомахсулот (трихограмма, бракон, олтинкўз) одамзот ва ташқи муҳит учун заарсизdir. Аммо, бу маҳсулотларни ишлаб чиқариш жараёнида озуқа сифатида **ғалла қуяси (ситотрода)**, **мум қуяси** ва яна бошқа ҳашаротлар кўпайтирилиши мумкин. Булар эса, тайёр истеъмол маҳсулотлари учун (қуруқ мевалар, конфет, захирадаги ғалла ва ун маҳсулотлари ва ҳоказо) жуддий заарқунандалар бўлиб ҳисобланади. Шуни назарда тутиб, барча биолаборатория ва биофабрикаларда бу ҳашаротларни кўпайтириш жараёнида, уларнинг етук зотларини (капалакларини) ташқарига чиқариб юбормаслик тараддудини кўриш мақсадга мувофиқdir. Бу, биринчидан, ҳашаротларни идишлардан хона ичига чиқармасликни назарда тутса, иккинчидан, лаборатория хоналаридан ташқарига чиқариб юбормасликка қаратилган чоралардир. Бунинг учун барча очиладиган ром ва эшикларга капрон сеткалари тутиб, уларни озода тувишни назарда тутади. Биофабрикаларда ҳаво компрессорларидан таш-

қарига чиқариб юбориладиган ҳаво йўлида капалак тутқичларнинг ўрнатилиши жиддий самара борадиган чорадир.

2. Биолаборатория ва биофабрика атрофида жойлашган хонадонлар капалак ва бошқа турли ҳашаротларни уйга кириб қолишини олдини олиш учун, барча очиладиган ром кўзларига капрон сеткалар ўрнатиб чиқишлиари мақсадга мувофиқдир.

3. Биомахсулотни ишлаб чиқиш, сақлаш, ташиб ва амалий қўллаш жараёнида, умумий қабул қилинган тозалик ва гигиеник қонун қоидаларга риоя қилиниши шарт.

4. Биолабораторияда ишлаш учун маҳсус медицина қўригидан ўтган соғлом, ҳамда аллергия ҳодисаларидан ҳоли шахслар қабул қилинади. Улар маҳсус кийим ва шахсий гигиена ва ҳимоя воситалари билан таъминланган бўлиб, умумий ҳавфсизлик қоидалари билан танишган бўлишлари керак.

5. Биолаборатория ходимлари вақти-вақти билан табиий қўриқдан ўтказилиб, тери, кўз ва нафас йўллари, ҳамда аллергик аломатларга мойил кишилар, хомиладор ва эмизикли оналар ишлаб чиқариш жараёнига жалб қилинмайдилар.

6. Ишлаб чиқариш бинолари, таъмирланган ва озода бўлиб, бегона ҳашаротлардан (чумоли, суварак (таракан), мита) ҳамда сичқон ва каламушлардан озод бўлиши шарт. Бу ишлар туман санэпидстанция тармоқлари билан ҳамкорликда амалга оширилади.

## **6-боб. ТУРЛИ ХИЛ ҲАШАРОТ ТУТҚИЧЛАРИ ҲАҚИДА ИЗОХ**

(феромон тутқичлар, «баклашка» тутқичлар,  
электр фотоспектрли тутқичлар)

**1. Феромон тутқичлар.** Ҳашаротларнинг етук зотлари ўзаро боғланиши учун мўлжалланган кимёвий моддаларнинг мавжудлиги аниқланганлигига 2 асрдан ортиқ вақт ўтганига қарамай (Фабр, 1823), бу моддаларни амалий ишлатиш учун тадқиқотлар Ўзбекистонда 1980 йиллари бир қатор илмий ташкилотларда бошланган эди (Хўжаев ва б., 1982). Таъкидлаб ўтиш жоизки, феромон моддаси ҳашаротларнинг маҳсус экзокрин безлари томонидан ишлаб чиқилиб, ўзга жинсли зотини жалб этиш учун

мўлжалланган. Жинсий феромонни асосан ургочи зот ишлаб чиқаради.

Ҳозирги вактда, дунёда 600 тагача ҳашаротларнинг жинсий феромон (ЖФ) таркиби аниқланган бўлиб, булардан 100 тачаси амалий ишлатилади (Абасов ва б., 2013).

Ғўзани заарлайдиган асосий тунламларнинг феромонларини ЎзЎҲҚИ ходимлари (Хўжаев, Эшматов, Кўчкорова, Учаров, 1982-1988) ҳамда ЎзФАНИНГ зоология ва паразитология институти ходимлари (Тўрахонов, 1983-1984), Самарқандда эса Д. Насруллаев ва М. Парсаев (1983-1985), Тожикистонда В. Коваленков ва б. (1984), Озарбайжонда Р. Саттор-Зода (1982-1985 й.) ўрганган эдилар. Бу натижалар асосида Эстониянинг Тарту давлат университети (ТДУ) ва ЎзФАНИНГ биоорганик кимё (ИБОХ) ҳамда Москванинг пестицидлар яратиш ИТИ (ВНИИХСЗР) томонидан кўплаб ҳашаротлар, жумладан ғўза тунлами, кузги ва ундов тунлами жинсий феромонларининг таркиби аниқланиб, уни сунъий равишда синтез қилиш усуллари яратилган. Ғўза тунлами ҳамда кузги ва ундов тунламларининг ЖФ жойлаштирилган феромон тутқичларни (ФТ) амалий ишлатиш бўйича тадқиқотлар асосан ЎзЎҲҚИ да олиб борилиб, бир қатор тавсиялар чоп этилган (1982-1985). Бунда қуйидаги мақсадлар назарда тутилади.

1. ФТ ёрдамида айни ҳашаротнинг баҳорда ривожлана бошлиган муддатини ва зичлигини аниқлаш. Мавсумда нечта бўғин берганлигини, уларнинг муддатларини ва фенограммасини тузиш.

2. ФТ га илингандан капалаклар зичлигига қараб қайси ҳимоя усулини ва қайси фурсатда ишлатиш кераклигини аниқлаш. Трихограммани далага тарқатиш учун энг самарали фурсатни аниқлаш.

Феромон тутқичларни ишлаш жараёни шундан иборатки, бунда сунъий ҳидга жалб этилган эркак капалак тутқич ичига жойлаштирилган елимли қоғозга ёпишиб қолади. Сунъий феромон кучли атTRACTант ҳисобланади, яъни у табиий капалакка нисбатан бир неча бор кучли жалб этиш хусусиятига эга. Ҳар бир тур ҳашарот учун маълум структура ва тузилишга эга бўлган ўзининг феромони мавжуд. Амалиётда феромон тутқич ёрдамида

айни ҳашарот ривожланишини белгилаб, зарур кураш усули учун тараддуд кўриш имконияти яратилади. Бу эса биринчидан, ўз вақтида кураш олиб бориш ҳисобига заарнинг олдини олишга, иккинчидан бехуда ишлов ўтказишга чек қўйиш имконини яратади.


Феромон тутқичлари: *тутқич, елимли ёпишгич, темир сим, ёғоч қозик* ва феромон моддаси сингдирилган *резина капсуладан* иборат бўлади.

**Тутқич** (ловушка). Феромон тутқичларининг кўп турларини учратиш мумкин. Боғдорчиликда учбурчак шаклидаги картондан ясалган тутқич энг қулай бўлса, пахтачиликда тунламларга қарши 2-3 хил, бир-биридан кам фарқ қиласидиган тутқичлар тавсия қилинган. Кўп йиллик кузатишларимиз натижаларига кўра, пахта майдонларида ғўза тунламига қарши энг қулай тутқич «Аттракон» типидаги тутқичларнинг такомиллаштирилган ва қайта ишланган «Аттракон – Узбекский» тутқичи ҳисобланади (119-расм).

Бу шаклдаги тутқич кўп жиҳатлари билан талабга жавоб беради. Бу тутқичлар 2 қисмдан иборат бўлиб, бир-бирига темир сим орқали бирлаштирилади. Тутқичнинг капалак кирадиган тўрт томонидаги оралиқ қушларнинг киришига имкон бермайдиган баландликда бўлади. Тутқичга кириб ёпишган капалакларнинг қушлар томонидан чўқиб кетилиши тунлам тўғрисида тўғри ху-лоса чиқаришга имкон бермаслиги мумкин.

**Елимли ёпишгич.** Тутқичларнинг остки қисмига капалакларни илинтиришга мўлжалланган маҳсус елим суртилган қофоз қўйилади. Капалак кўпайиб кетиши ва сатхи чанг билан қопланиши оқибатида елим ёпишқоқлигини йўқотади. Шунинг учун уни янгилаб туриш керак. Елим сингиб кета олмайдиган маҳсус қофозларга суркалади. Бир ёпишгичга 1-2 мм қалинликда елим суртилиб, иккинчи шундай тоза қофоз билан ёпиб қўйилади. Даля шароитида ёпишгичлар бир-биридан ажратилиб тутқичларга қўйилади, яъни 2 дона ёпишгич тайёр ҳолатда бўлади. Елимни ёғочдан тайёрланган куракчалар ёрдамида осон суриш мумкин. Ёпишгичларни тутқичларга жойлаштиришни осонлаштириш учун бир томондан марказгача кесиб қўйилади. Ёпишгичларни алмаш-

тиришда қисқичдан (пинцет) фойдаланилади. Елимни бир томони плёнка билан қопланган (ламинация қилинганды) картон қофозларга



119-расм. Тунлам капалакларини аниқлаш учун мўлжалланган феромон тузоқлар (ФТ).

I – Тузоқларнинг тури ва тузилиши: а-“Атракон-А” ФТ, б-“капа” шаклидаги ФТ, в-картон қофоздан ясалган учбурчак ФТ. Тузоқларни тузилиши ва катта-кичиклиги чизмаларда кўрсатилган. II – Учбурчак ФТ ни ғўза тунламини аниқлаш учун далага ўрнатилиши ва кузатуви. III – ФТ га илинган тунлам капалаклари. IV – Учбурчак ФТ нинг тузилиши.

суртиш лозим. Умуман, бу қофозлар намни ва елимни ўтказмаслиги керак.

**Елим.** Феромон тутқичларида бошқа енимлардан фарқли бўлган, узоқ вақт қуриб қолмайдиган, ёпишқоқлик хусусияти кучли ва яхши сақланадиган энтомологик елим ишлатилади. Бу елим юқори ҳарорат остида ҳам кам таъсирланади. Ҳозирги пайтда бундай елим Тошкентда (ИБОХ) ишлаб чиқарилади.

**Темир сим.** 3-5 мм йўғонликдаги темир сим 15-20 см узунликда кесиб олинади ва ёғоч қозиққа каноп ип ёки алюмин сим билан маҳкамланади. Маҳкамлашда ёғоч қозиқнинг устки қисмидан сим 10-12 см кўтарилиб туришини таъминлаш керак. Ана шу қисмига тутқич кийгизилади.

**Ёғоч қозиқ.** Феромон тутқичларини ўрнатишда ипак қуртини боқищдан қолган тут дараҳти новдаларидан фойдаланиш қулайдир. Тут новдаларининг эгилмаганлари танлаб олиниб, 130-150 см узунликда кесилади. Новданинг йўғон томони ўткирланади ва қозиқ ҳолига келтирилиб, ерга сукишга мосланади. Иккинчи томонига эса темир сим боғланади. Ёғоч қозиқ ер сатҳидан 100-120 см баланд қилиб ўрнатилади, унга ҳеч қандай кўндаланг зиналар қоқиб қўйиш шарт эмас, чунки исботланганки, ер сатҳидан 2 м баландликда тунлам капалакларининг учиши (илиниши) бир хил бўлиб, у экинга яқинлигига боғлиқ эмас.

**Феромон моддаси сингдирилган резина капсула.** Феромон, юқорида айтиб ўтганимиздек, «жалб қилувчи» ёки «чорловчи» модда бўлиб, унинг жуда кичик микдори (1-2 мг) кўп эркак капалакларни чақириши мумкин. Феромон моддасини ишлатиш учун уни ҳар хил резина ёки полимер воситаларга шимдирилади. Кейинчалик модда атрофга ҳаво орқали аста-секин тарқала бошлайди. Резина трубка 15-20 мм узунликда қирқилган бўлиб, ҳар бир бўлаги ўз таркибида 2 мг феромон сақлайди (ғуза тунлами учун). Феромон резина трубка бўлагининг ички сатҳига сингдирилган бўлади. Шу сабабли доимо трубканинг ички сатҳи очик бўлишига эришиш лозим. Трубка тешигидан ҳавонинг ўтиб туриши феромоннинг атрофга тарқалишини таъминлайди. Феромонлар сингдирилган резина трубка 1 мм ли сим ёрдамида тутқичнинг марказий қисмига осиб қўйилади. Бу ўринда скрепкадан (қоғоз қистиргич) фойдаланиш ўринлидир. Феромонлар сингди-

рилган резина трубкани жойлаштиришда горизонтал ҳолатини таъминлашга ҳаракат қилиш керак.

Феромонлар очик ҳавода 10-15 кун давомида ўз кучини йўқотади. Шунинг учун уларни оғзи яхши беркитиладиган идишларга солиб уй совутгичларида сақлаш лозим. Совутгичларда сақланган феромонлар 1-1,5 йил давомида ўз кучини йўқотмайди.

**Феромон тутқичларини далага ўрнатиш.** Феромон тутқичлар қўлланиш мақсади ва экин турига қараб турли миқдорда ўрнатилади. Ёзга экилган майдонларда феромон тутқичлари тунламларнинг ривожланишини аниқлаш учун қўлланилади. Шу мақсадда ҳар 4-5 гектар ёзга майдони ҳисобига 1 дона тутқич ўрнатиш мақсадга мувофиқдир. Ёзга тунлами юқорида таъкидлаб ўтилганидек, асосан ёззанинг ўсиш нуқтасига тухум қўяди, демак тутқич айнан капалак тунда учеби юрадиган баландликда жойлашган бўлади. Иккинчи томондан, тутқичларнинг юқорида жойланиши унинг ичидаги ҳавонинг осон айланишига, оқибатда феромон ҳидининг яхши тарқалишига имконият яратади.

Ёзга тунламининг феромон тутқичларини ҳар бир вилоят ёки туман шароитига боғлиқ ҳолда, заараркунанданинг биринчи бўғини пайдо бўлиши олдидан ўрнатиш лозим. Бу пайт ёззанинг ялпи шоналаш даврига, яъни одатда июннинг биринчи ўн кунлигига тўғри келади. Бу даврга келиб ёзга тунлами капалаги ёзга майдонларига учеби ўта бошлайди ва урчиб тухум қўйишга киришади. Ўз вақтида ўрнатилган феромон тутқичлари ҳар бир далада капалакнинг пайдо бўлиши хақида аниқ маълумот бериши кўп ийллик кузатишлар асосида исботланган.

**Дала дафтари.** Ёзга тунлами учун феромон тутқичларини қўллашда аниқ ҳисоб олиб бориш ва барча маълумотларни дафтарга қайд этиш заараркунандага қарши тўғри кураш воситаларини танлашга имконият яратади. Бунда ҳар бир ёзга экилган майдони учун алоҳида ҳисоб олиб борилади (21-жадвал). Феромон тутқичлар ёрдамида қуйидаги натижаларга эришиш мумкин. Феромон тутқичларига тушган капалак сони ҳар бир бўғиннинг бошланишидан тугашигача ҳар уч кунда бир санаб ёзиб борилади. Капалак учиши ёппасига бошланган кундан бош-

лаб эса, ҳар куни назорат қилиниб, елимли фиксатор янгиланади.  
Капалакларнинг ёппасига учиш даври тутқичларга ҳар кечада 10  
21-жадвал (намуна)

фермер хўжалигининг  
контурида феромон тутқичларга тушган капалаклар ҳисоби

Ўрнатиш санаси	Дала майдони, га	Тутқич рақами	Битта тутқичга тушган капалаклар сони, дона					
			Хисоб кунлари, сана					
			1	2	3			
		Жами						
		Ўртacha: 1 тун давомида						
		3 тун давомида						

Назоратчи \_\_\_\_\_ ф.и.ш.

ва ундан ортиқ капалак илиниши билан белгиланади. Иккинчи томондан, феромон тутқичларга капалаклар ёпишгач, улар одатда елимдан қутулишга ҳаракат қилишади, оқибатда елим сатҳи қаттиқ ифлосланади, елимнинг кучи камайиб, бошқа капалаклар ёпишмай қолишига сабаб бўлади.

Натижада, олинган маълумотлар шу даладаги зааркунанда сонини тўғри ифодаламайди. Далада ғўза тунлами ning зичлигини (сонини) ҳар 3-5 кунда бир назорат қилинади. Бунинг учун унинг тухум ва қурти аниқланади. Юз ўсимликдаги тухум ва қурт сони Ўсимликларни ҳимоя қилиш илмий тадқиқот институти тавсияларига кўра, шахмат тартибида даланинг 20 жойидан намуна олиш билан бажарилади. Бунда ҳар бир намунада 5 ўсимлик кўрилади ва қуртлар ёши бўйича 3 гурухга бўлинниб ёзилади. Тадқиқотларимизнинг таҳлили қуйидаги хулосалар ва таклифлар қилишга имкон беради.

1. Ғўза тунлами биринчи бўғинининг ривожланиши даврида тутқичга бир кеча давомида ўрта ҳисобда 2-3 та капалак илинганидан кейин 5-6 кун ўтгач ҳамда иккинчи ва учинчи бўғинларда 1,5-2 та капалак тутилганидан кейин 3-4 кун ўтгач, далага

трихограмма чиқара бошлаш керак. Бу, далада ҳар 100 туп ўсимликда ўртача 2-3 тадан тухум пайдо бўлган пайтга тўғри келади. Биринчи чиқаришдан кейин 5-6 кун ўтгач иккинчи марта ва навбатдагиси чиқарилади.

2. Ҳар бир ФТ зааркунанданинг биринчи ва иккинчи бўғинларида тун давомида ўрта ҳисобда 15-20 та ва ундан кўпроқ капалак илинса (ёки учинчи бўғинда 5-6 та) тунлам жуда кўпайиб кетишидан дарак беради. Бу майдонларда ҳимоя қилиш чораларини ўтказиши зарурати туғилади. Бироқ бунда куйидагилар кузатилган бўлиши керак:

а) жуда кўпайиб кетган (15-20 дан ошган) капалакларнинг илиниши камида 5-6 кун давом этса;

б) тун давомида ҳар бир тузоқда 5-6 та капалак тутилиши учинчи бўғин учун жиддий нуфуз ҳисобланади, чунки бу ҳолда зааркунанданинг учинчи бўғинидан ташқари, ғўза тунламиининг олдинги бўғин тухум ва қуртлари ҳам қўшилиб кетади.

Капсулалардаги феромонлар тез буғланиши сабабли, уларни совутгичларда 3-5° ҳароратда зич ёпилган идишларда (кичик баклашшаларда) сақланади. Кўлга ва бошқа нарсаларга юққан елимни ўсимлик мойи билан хўлланган пахта ёки дока тампони билан, шунингдек мойли бўёқ учун мўлжалланган кимёвий эритгичлар билан тозаланади. Ҳашаротли фиксаторлар, шунингдек феромонли капсулаларни кўмиб юбориш ёки маҳсус ажратилган жойда куйдириш керак.

Ғўза тунламига қарши ФТ қўллаш, кушандани тарқатиш муддатларини аниқ белгилаш ҳисобига, трихограмманинг биологик самарадорлигини оширади ҳамда кимёвий ишлов беришлар ҳажмини қисқартиради. Бу эса, ҳар гектар ғўза майдонида мавсумда 80-120 минг сўм ҳарражатни тежаш имконини беради.

**Жинсий феромонлардан ўсимликни ҳимоя қилиш мақсадида фойдаланиш.** Зааркунанданинг зиёнини сезилмайдиган даражагача камайтириш имконини берадиган феромон ишлатиш усууллари мавжуддир. Капалакларни кўплаб тутиб ўлдириш ёки уларни дезориентация қилиш (чалғитиши) шулар жумласидандир. Феромонли тутқичларда инсектицид аралашмалари ёки стерили-

заторлар (бепушт қилиб қўювчилар) қўллаш ва ҳоказолар истиқболлидир.

**Эркак капалакларни кўплаб овлаш** феромонли тузоқларга жалб қилиш орқали уларни ургочилар билан учрашувига йўл қўйилмайди. Эркак капалакларни кўплаб тутиб ургочиларнинг маҳсулдорлиги камайиши ва қўйилган тухумлари стерил (пуч) бўлиб қолишига эришилади (120-расм).

Бу усулни бирор турга қарши қўллашда бир неча омилларни, чунончи капалакларни жойдан-жойга учиб ўтиш қобилиятларини ҳамда ҳар бир турнинг неча бор жуфтлашиши мумкинлигини хисобга олиш лозим.



1



2

120-расм. Кузги тунлам капалакларини учишини аниқлаш учун далага ўрнатилган феромон тутқич ва олинган натижаларни муҳокамаси (1). Феромон тутқич елимига илингандан кузги тунлам капалаклари (2).

ЎзЎҲҚИ ходимлари олиб борган маҳсус тадқиқотлар асосида ва уларнинг натижаларини адабиёт манбалари маълумотлари билан таққослаган ҳолда қуидаги хulosаларга келинган.

1. Заарли тунламлар ҳамда бошқа заруркунандалар ўртача ва кам нуфузли бўлган йилларда **«эркак капалакларни йиғиши»** усули бир вақтнинг ўзида катта майдонларда ишлатилгандагина натижа бериши мумкин.

2. Тутқичлар зичлиги оширилади, яъни зааркунанданинг ҳар бўғини ривожланишидан 3-5 кун олдин ҳар гектарига 8-12 дона тутқич қўйилади.

3. Фиксаторлар ўз вақтида алмаштирилиб турилади.

4. Тунлам капалакларининг жойдан-жойга кўчиб ўтиш қоби-

лияти юқори бўлганлиги сабабли, ҳамда жинсларнинг нисбати 1:1 атрофида бўлганида бу усул заарланадиган экинларни тўла ҳимоя қилинишини таъминлай олмаслиги мумкин. М.А. Булинскаяning (1980) маълумотларига кўра, ғўза тунламининг хар бир эркаги икки-тўрт марта жуфтлашиши мумкин. Шундай қилиб, оммавий тусда капалак тутиш усули анча сермеҳнат бўлиб, муайян шароитларда ҳамда унга қўйиладиган талаблар аниқ адо этилгандагина самара беради.

Иккинчи, эркак капалакларни *дезориентациялаш* (чалғитиш) усули эса анча такомиллашган ҳисобланади. Майдонлар атмосферасини тунламнинг синтетик феромони билан тўйинтиришдан иборат бу усул, шу жиҳатдан истиқболлики, у популяция зичлигига кам даражада боғлиқ бўлиб, уни механизациялаш ва айни вақтда катта майдонларда қўллаш имкониятини беради. Феромоннинг ҳаводаги қуюклиги  $10^5$  молекулалар  $\text{см}^3$  дозадан юқори бўлганида ҳашаротларни дезориентациялаш яхши натижа бериши тасдиқланган. Зааркунанда популяциясининг ривожланиши давомида сунъий феромон шундай қуюклика тутилиши керак. Шунинг учун бу ерда феромоннинг препаратив шаклларини танлаш энг асосий шарт ҳисобланади. У шу бўғинга мансуб ҳашаротнинг бутун ривожланиш давомида моддаларнинг бир меъёрда тўлиқ буғланишини таъмин этмоғи керак. Феромон ташувчи сифатида ҳар хил материаллардан, жумладан резина ҳалқача, учқаватли полимер ленталар, фиброкапсулалар ва ҳоказолардан фойдаланилади.

Табиийки, эркак капалакларни дезориентациялаш учун кўп миқдорда феромонлар сарфланади. У шу қадар каттаки, бу усулни амалда қўллаш муаммо бўлиб қолади. Масалан ВИЗР ходими И.Я. Гричановнинг (1985) маълумотларига кўра, ғўза тунлами капалакларини дезориентациялаш учун ҳар гектарга 20-25 г феромон талаб этилади. Бу муаллифнинг олиб борган тадқиқотларида асосий камчилик шундан иборатки, бунда тажриба майдони катта бўлмаган (1-2 гектар).


Тутқичларда фойдаланиладиган елимли фиксатор ўрнига *феромон-стерилиянлар*, шунингдек *феромон-инсектицид*

**аралашмалари** ёрдамида капалакларни қириш усуллари истиқболли ҳисобланади.

Энди, қисқагина, ЖФга эга комплектлар ҳакида. Ўзбекистонга турли мамлакат ва фирмалар номидан ғўза ва кузги тунламларининг ЖФ олиб кирилиб хўжаликлар билан шартномалар асосида сотилмоқда. Бу бир томондан тўғри, сабаби соғлом рақобат натижасида товарнинг сифати яхшиланиб, нархи пасайиши мумкин. Лекин, масаланинг иккинчи тарафи бор. Гарчи, кузги тунлам (КТ) ЖФ асосида тез парчаланиб кетмайдиган ацетат бўлса (шунинг учун КТ нинг ЖФ капсуласи ҳар 30 кунда алмаштирилади), ғўза тунламиининг (FT) ЖФ нинг асосида спирт ўрин олган бўлиб, у тез учеб кетади (шунинг учун бунинг резина капсуласини ҳар 10-15 кунда алмаштирилади). Демак, узокдан олиб келинадиган FT нинг капсулаларида асосий модда йўлнинг ўзидаёқ қисман камайиб қолади. Ҳар ҳолда шу нарса асосий сабабчи бўлса керак, ҳар йили мавсум бошланишидан олдин дала шароитида ўтказадиган рақобатли синовларимизда ЎзФА нинг Биоорганик кимё инситути цех ва лабораторияларида яратилган FT нинг ЖФ Эстониянинг Тарту шаҳрида (ТДУ) ҳамда Молдавиянинг Кишинёв шаҳрида яратилган намуналардан паст эмас, балки кўпинча улардан устунлик қиласи.

**2. «Баклашка» тутқичлар ҳакида.** Паҳтачиликда ғўзани кўсак куртидан қисман ҳимоя қилиш мақсадида ҳашарот тутқичларининг «қўлбола» воситаси – мослаштирилган «баклашкалар» 1995 йиллардан буён ишлатилиб келинмоқда (121-расм). Юқориси кесиб олинган баклашка ғўза шоналашга кирган пайкалга қалин қилиб узун қозикларга ўрнатилади. Баклашка ичига махсус тайёрланган ачитки эритма қуилиб, ғўза тунламиининг капалакларини жалб этишга мўлжалланади. Феромонли тутқичлардан фарқ қилган ҳолда, бундай тутқичга тунламнинг фақатгина эркак зоти эмас, балки урғочилари ҳам илиниши назарда тутилади. Бу эса, ўсимликларни ҳимоя қилиш вазифасини тўғридан – тўғри бажаради. Бу усул рационализаторлик таклифи бўлиб, илмий томондан тасдиқланмаган ҳолда жорий этилган эди. Кейинчалик олиб борилган илмий тадқиқотларимиздан шу нарса аён бўлдики,

«баклашқа» усули олдига қўйилган вазифани тўлиқ бажара олмаган ҳолда, қисман зарари ҳам бор.



121-расм.  
“Баклашқа” нинг  
тузилиши (1) ва  
уларни далага  
ўрнатилиши (2).

Яъни, унга кўпроқ ўзга ҳашаротлар илиниб (кўнғиз, пашша, капалаклар), тунламлардан эса кўпроқ илдиз кемирувчиларнинг эркак зоти илинган. Гўза тунламишинг капалаклари (эркак ва урғочиси) жуда оз микдорда (бошқа ҳашаротларга нисбатан 2-5%) илинган. Бундан ташқари, илинган ҳашаротларнинг 18-44% ини фойдали ҳашаротлар (олтинкўз, хонқизи) ташкил этган.

«Баклашқа» усулини жорий этишга анчагина маблағ талаб этилади. Оддийгина ҳисоблаб кўриш шуни кўрсатадики, ҳар 1 баклашкага 1 ойда 500 сўмдан сарфланганида ҳам мавсум мобайнида (3 ойда) 1 гектар ерга 30-50 минг сўм керак бўлади. Шундай килиб, илмий нуқтаи назаридан «баклашқа» усули ўзини окламаслиги исботлаб берилган.

**3. Электр фотоспектрли тутқич.** 2003-2004 йиллари асосан Андижон вилоятининг мутахассислари ва раҳбарияти томонидан Хитой ХДР дан электр фотоспектрли ҳашарот тутқичлари келтирилиб қўлланила бошланди (122-расм). Асосий мақсад – ғўза тунламига (кўсак куртига) қарши курашиш учун унинг капалакларини йиғиб ўлдириш. Ушбу тутқичнинг изоҳини ўқиганингизда хақиқатда ҳам бунга амин бўласиз, чунки унда электр ёрдамида

ёнадиган махсус лампа бўлиб, унинг шуъласи мақсадга мувофиқ равишда мўлжалланган ҳашаротнигина жалб этиши керак.



122-расм. Ҳашарот йиғишига мўлжалланган фотоспектрли тутқич (1) ва унинг далага ўрнатилиши (2) (Андижон вил., 2005).

Аммо амалда ундей бўлиб чиқмади. Икки йил мобайнида Андижон ва Наманган вилоятларининг далала-рида ўтказган махсус кузатувларимиздан шу нарса аён бўлдики, июн-июл ойларида ҳар бир тутқичга бир кечада 0,5-1,5 кг турли ҳашарот намуналари илинган. Илинган ҳашаротларнинг ичида 13-35 та ғўза тунламигининг капалаги бўлса, қолганининг кўп қисмини қўнғизлар, пашшалар, чивин, тўрқанотлилар, парда ва яrim каттиқ қанотлилар ташкил этган.

Буларнинг орасида агробиоценозда энтомофаг вазифасини бажарадиган турлари ҳам кам эмас. Масаланинг бошқа томони ҳам аҳамиятлидир, яъни табиатда турли ўсимлик гуллари айни ҳашаротлар орқали чангланади. Ғўза ҳосилдорлиги ҳам ёввойи ва маданий ариларнинг етарлича бўлганлигига боғлиқлик. Демак, килограммлаб ҳашаротларни йиғиб ўлдириш табиатни заифлаштириб, ҳосилдорликга путур етказишдан бошқа нарса эмас.

### **Пестицидларнинг фойдали ҳашаротларга ўткир ва қолдиқли (асаротли) таъсири**

Маълумки, қишлоқ хўжалиги экинларини, жумладан, ғўзани

зааркунанда ва касалликлардан ҳимоя қилишда кимёвий препаратлар мухим ўрин эгаллади. Шу билан бир қаторда, зааркунанда ва касалликларга қарши курашни уйғунлашган тизимда, яъни табиатдаги фойдали ва заарли ҳашаротларнинг мувозанатини хавфсиз даражада сақлаш кўзда тутилади.

Ҳимоя воситаси сифатида янги гурух инсектицид-акарицидларни қишлоқ хўжалигига кириб келиши, уларнинг атроф-муҳитга, ҳашарот-энтомофагларга таъсирини ҳар томонлама ўрганиш заруриятини вужудга келтирди. Шуларни ҳисобга олган ҳолда, табиатдаги фойдали ҳашаротларга бу дориларнинг таъсирини иложи борича мукаммал ўрганиш билан бирга уларни биологик усулда далага хавфсиз тарқатиш муддатларини белгилаб бериш талаб этилади. Бу борада 1990-2012 йилларда лаборатория ва дала шароитларида маҳсус изланишлар олиб борилди. Олдимизга қўйилган масалалардан асосийси-қишлоқ хўжалигига ишлатишга мўлжалланган айрим истиқболли дориларни республикамиз биосаноати кўплаб ишлаб чиқараётган: *трихограмма, бракон, олтингўз* ҳамда айрим бошқа кушандаларга нисбатан хавфлилигини белгилаб бериш эди. Шу мақсадда дориларни кушандаларга нисбатан ўткир ва қолдик (асоратли) таъсирини хавфли кунлар ишораси билан белгилашни мақсад қилиб қўйдик.

Илмий изланишлар ЎзЎҲҚИТИ нинг агротоксикология лабораториясида ва экспериментал дала шароитларида олиб борилди. Тадқиқотларни ўтказиш шу соҳада қабул қилинган услублар асосида олиб борилди (Сухорученко, Толстова, 1976; Хўжаев, 1997, 2004). Бунда, синовдаги ҳар бир дорини, қабул қилинган сарф-меъёрда ғўзага пуркаб, у ердан ҳар 24 соатда барг узиб келиниб лаборатория шароитида шиша банкаларга солиб кушандаларнинг (трихограмма, бракон, энкарзия, кокцинеллийлар ва б.) турли ҳаётий, шаклларига ўткир ва қолдик таъсири борлиги ўрганилди. Ҳамда, кушандаларнинг тухум, курт ва ғумбаклари дорининг таъсирига тўғридан-тўғри пуркаш йўли билан таъсирантирилди. Тадқиқотлар натижасида шу нарса аён бўлди, дориларга нисбатан энг сезгири – трихограмманинг етук зоти бўлиб чиқди. Унга нисбатан энг “шафқатли”си олтингугурт – 2

кун, қолган дориларнинг ҳаммаси бу ҳашаротга 8 кундан 20 кунгача ҳавфлидирлар (22-жадвал).

22-жадвал

Фойдали ҳашаротлар учун дориларнинг қолдиқ (асоратли) таъсири  
Лаборатория-дала тажрибалари

Синовдаги дорилар	Сувдаги эрит- масининг қуюклиги, %	Кимёвий ишловдан неча кун кейин таркатиш мумкин					Олтин- кўз ли- чинка- сини	
		Етук зотини						
		трихограмма	бракон	энкарзия	олтинкўз			
Моспилан, 20% н.кук.	0,025	13	3	3	3	12		
Багира, 20% эм.к.	0,025	18	5	3	3	7		
Калипсо, 48% с.к.	0,015	12	2	3	1-2 соат	1-2 соат		
Абамектин, 1,8 эм.к.	0,04	20	7	17	8	12		
Аваунт, 15% сус.к.	0,45	8	2	3	1-2 соат	1-2 соат		
Регент, 80% н.кук.	0,002	12	2	5	2	2		
Бульдок, 2,5% эм.к.	0,06	18	5	7	3	12		
Фьюри, 10% с.э.к.	0,03	15	20	20	2	1-2 соат		
Адмирал, 10% эм.к.	0,05	8	7	7	3	2		
Циперфос, 55% эм.к.	0,1	20	7	7	8	3		
Апплауд, 25% н.кук.	0,1	15	7	7	1	1		
КаратЭ, 5% эм.к.	0,05	14	6	6	3	8		
Талстар, 10% эм.к.	0,05	14	7	7	5	3		
Олтингугурт,		2	1	1	1	1-2		

Браконнинг етук зотига нисбатан энг кам ҳавфлиси бўлиб: олтингугурт (1 кун) ҳамда Калипсо, Аваунт ва Регент (2 кун) ҳисобланади. Яъни шу дорилар далага сепилган бўлса, 2 кундан кейин (эҳтиёж бўлса) шу далага бракон кушандасини тарқатиш мумкин.

Оққанотнинг энг самарали кушандаси – энкарзиянинг етук зотига нисбатан эса, энг ҳавфлиси Фьюри (20 кун) ва Абамектин (17 кун) бўлиб чиқди, колганлари 1-7 кун. Олтинқўзнинг етук зотига Аваунт билан Калипсо умуман ҳавфли эмас; олтингугурт ва Апплауд – 1 кун; Циперфос ва Абамектин – 8 кун, қолганлари – 2-5 кун мобайнида ҳавф туғдиради. Олтинқўзнинг личинкасига нисбатан: Олтингугурт, Фьюри, Аваунт ва Калипсо умуман ҳавфсиздир: Бульдок, Абамектин ва Моспилан – 12 кун; Багира – 7 кун, Каратэ – 8 кун, қолганлари – 2-3 кун ҳавфли бўлиб туради.

Трихограмма билан зааралланган ситотрога тухумларини дори эритмасига солиб-олиб кузатилганда, уларга дори нисбатан кам захарли эканлиги маълум бўлди. Назорат вариантида (дорисиз) 100 та тухумнинг 80,3% дан трихограмма очиб чиқсан бўлса, тажриба вариантларида 52,7-76,1% ни ташкил этди. Яъни, дориларнинг заҳарлилиги 4,2-23,4% га тенг бўлди.

Якунлаб, қуидаги хуносаларга келиш мумкин.

1. Синалган пестицидларнинг энтомофагларга таъсири уларнинг турлари ва ривожланиш шаклларига боғлиқ ҳолда турлича бўлади.

2. Уйғунлашган ҳимоя қилиш тизимига риоя қилинганида кимёвий ҳимоя қилиш усули билан биоусулни узвий боғлаб бориб ҳавфсиз муддатларга риоя қилинса, мўлжалдаги мақсадга эришилади, яъни кам сарф-харажат эвазига мўл хосил олинади.

## 7-боб. КИМЁВИЙ УСУЛ

Ўсимликларни сақлашга доир уйғунлашган ҳимоя қилиш тизимларида кимёвий усул ҳали ҳам етакчи ўринни эгаллайди.

Бунда кутилган самарага тез эришилади, барча ишларни тўлиқ механизациялаш мумкин бўлади. Кимёвий химоя воситалари (пестицидлар) кимё саноатида ишлаб чиқарилади ва истеъмолчиларга анча арzon баҳоларда сотилади. Демак, бу ҳаражатлар тезда қопланиб кетади. Паҳтачиликда пестицидлар ишлатиш натижасида йилига ҳар гектарда 4-5 ц ҳосил сақланиб қолади, шу билан бирга зааркунандаларга қарши курашга сарфланган маблағ беш-олти баравар қопланиб кетади. Бироқ бу усулнинг талай афзаликларидан ташқари, камчиликлари ҳам бор, улардан энг муҳими – иссиқонли ҳайвонлар ва одам учун заҳарлилигидир. Сурункасига бир хил препаратнинг қўлланавериши зааркунандаларда уларга нисбатан чидамлилик ёки бардошлилик хусусиятини вужудга келтириши мумкин. Бундан ташқари, инсектицидлар универсал хоссага эга бўлганлиги туфайли, зааркунандалар билан бирга фойдали энтомофагларни ҳам камайтириши ва табиий биоценозларни издан чиқариши мумкин. Шу сабабли, мамлакатнинг кўп илмий тадқиқот муассасаларида мазкур нуқсонларни бартараф этишга қаратилган изланиш ишлари олиб борилади. Тадқиқотларнинг ҳозирги босқичида тавсия қилинадиган инсектицид ва акарицидларнинг турини ҳам, зааркунандаларга қарши кураш тизимини такомиллаштириш ишида ҳам, бирмунча муваффақият қозонилганини қайд этиш мумкин. Булардан фойдаланиш кимёвий усулда ишлов бериладиган майдонлар ҳажмини қисқартиришга ва ўстирилаётган экинларни тўлиқ сақлаб қолишга имконият яратади.

Хўш, инсекто-акарицидлар олдига асосан қандай талаблар қўйилади? Препаратлар одам ва ҳайвонлар учун кам заҳарли бўлиши; теварак муҳитда бир мавсум ва йил давомида заҳарсиз метаболитларга парчаланиши; биологик ҳамда иқтисодий жиҳатдан юқори самарали бўлиши; қулай препарativ шаклга эга бўлиши; фойдали организмларга нисбатан мумкин қадар безарар бўлиши лозим.

Кимёвий воситаларни ўрганиш, синаш ва ишлатишга оид барча масалалар Давлат комиссияси зиммасига юклатилган.

Пестицидларга санитариягигиена жиҳатидан баҳо беришга доир масалалар эса республика санитария, гигиена ва мутахас-сислик касалликларини ўрганиш ИТИ га юклатилган. Пестицидларнинг физик-кимёвий, токсикологик ва қўлланиш хусусиятларини, атроф мухитдаги ҳолати ва бошқаларни пухта билиб олиш улардан хавфсиз ҳамда тўғри фойдаланишнинг асосий шартидир.

### **Кимёвий воситалар таснифи**

Ўсимликларни зааркунанда, касаллик ва бегона ўтлардан саклаш учун ишлатиладиган кимёвий моддалар *пестицидлар* деб аталади (*pestis* – мараз, *cide* – ўлдириш демакдир), улар кимёвий таркиби, қўлланиш объектлари ва ишлов бериш усуулларига қараб бир неча турга бўлинади. Кимёвий таркиби бўйича пестицидлар тўртта асосий гурухга бўлинади:

**органик асосга эга бўлган препаратлар.** Энг такомиллашган ва кенг қўлланиладиган пестицидлар гурухи бўлиб, уларга юқори физиологик фаоллик хосдир. Булар қаторига кўйидаги кимёвий бирикмаларни киритиш мумкин: хлорорганик ва фосфорорганиклар (данадим, карбофос, бензофосфат, актөллик ва б.); неоникотиноидлар (конфидор, моспилан ва б.); синтетик пиретроидлар (цимбуш, суми-альфа, каратэ, талстар, маврик ва б.); фенилпиразоллар (регент, адонис ва б.);

**анорганик бирикмалар** (олтингугуртли бирикмалар, мис ва темир купороси ва б.);

**микробиологик бирикмалар** (дендробациллин, битоксибациллин, дипел, вирин-ХС ва б.);

**ўсимлик қайнатмалари** – таркибida турли заҳарли флавоноид ва фитонцидларга эга бўлган ўсимликлардан қайнатмалар қилиб кичик хусусий хўжаликларда ишлатилади.

Қўлланиш объектлари жиҳатидан пестицидлар қўйидаги-ларга бўлинади:

**инсектицидлар** (*insectum* – ҳашарот) – ҳашаротларга қарши. Булар ўз навбатида тухумларни йўқотувчи *овицид* (*ovum* – тухум), личинка ва қуртларни йўқотувчи *ларвицид* (*larva* –

қурт), ҳамда ўсимлик шираларига қарши ишлатиладиган ихти-  
сослашган препарат – *афицид* – (*aphis* – ўсимлик шираси) бў-  
лиши мумкин;

*акарицидлар* (acarus – кана) – ўсимликхўр каналарга  
қарши;

*фунгицидлар* – (*fungus* – замбуруғ) – замбуруғ чақира-  
диган касалликларга қарши;

*бактерицидлар* – (*bacterio* – бактерия) – бактерия сабаб-  
чи бўлган касалликларга қарши;

*гербицидлар* (*herbi* – ўт) – бегона ўтларга қарши ишлати-  
ладиган воситалар;

*нематицидлар* (*nematos* – чувалчанг) – думалоқ чувал-  
чангларни қириш учун ишлатиладиган заҳарли моддалар;

*зооцидлар* (*zoon* – ҳайвон) – кемирувчи ҳайвонларни  
ўлдириш учун ишлатиладиган моддалар.

Баъзи препаратлар, бирйўла инсектицид ва акарицид  
сифатида таъсир қилиши мумкин (*данадим*, *бензофосфат*,  
*каратэ*, *циперфос* ва б.).

Заҳарлаш усули жиҳатидан инсекто-акарицидлар заарку-  
нандаларга ичдан, сиртдан ва фумигант (газ сифатида) таъсир  
кўрсатиши мумкин. *Ичдан таъсир этувчи препаратлар* озу-  
қа билан бирга тана ичига кирганида зааркунандани заҳар-  
лайди. *Сиртдан таъсир қиласиган заҳарлар* терига тушга-  
нида, шунингдек озуқа билан бирга зааркунанданинг ичига  
кирганида уни заҳарлайди. *Фумигантлар* нафас йўлларига газ  
ёки буғ ҳолида кирганда вужудни заҳарлайди.

Мазкур тасниф баъзи жиҳатлардан шартлидир, чунки  
айрим инсектицидлар икки, ҳатто уч хил хоссага эга бўлади.  
Масалан, карбофос сиртдан ҳам, ичакдан ҳам, нафас олиш  
йўллари орқали ҳам таъсир қила олади.

### ***Пестицидларнинг препарат шакллари***

Препаратларнинг зааркуннандаларга қарши муваффақият-  
ли қўлланилиши инсектоакарицидларнинг қандай шаклда  
бўлишига ҳам боғлиқдир. Препаратлардан фойдаланиш усул-

лари ва ишлатишни механизациялаш усуллари уларнинг шаклига қараб ишлаб чиқилади. Кишлоқ хўжалигига ишлатила-диган препаратлар асосан қўйидаги шаклларда бўлади.

**Кукунлар** (дустлар) – инсектициднинг майин туйилган бирор тўлдиргич билан механик аралашмасидан иборат. Дустларда тўлдиргич сифатида тальк (оқ минерал), профилит, мис, каолин, трепел, силикагел ва ҳар хил тупроқдан фойдаланилади. Бунда профилит ва тальк аралаштириш самаралироқдир, чунки улар ўсимликка яхши ёпишади. Ердан туриб чанглатиш учун дуст заррачаларининг йириклиги 15-25 микрон (мк), самолётдан чанглатиш учун эса 25-50 мк бўлиши лозим.

**Намланувчи кукун (н.кук.)** сув билан аралаштирилганда турғун суспензия ҳосил қиласди. Инсекто-акарицидларни суспензия ҳолида ишлатиш дустга қараганда анча афзалдир, чунки бунда ўсимликка яхши ёпишиши туфайли препаратлар унумли сарфланади. Намланувчи кукун жуда майда зарралардан иборат, диаметри 3 мк гача борадиган заррачалар 80% ни ташкил қиласди (Груздев ва б., 1974). Намланувчи кукун учун тўлдиргич сифатида синтетик силикагел, кальций метасиликати, бентонит, каолин ишлатилади. Яхши хўлланиши ва барқарор суспензия ҳосил бўлиши учун намланувчи кукунда юзаки – фаол моддалардан ОП-7 ва ОП-10, шунингдек ёрдамчи моддалардан сульфат-спиртли барди (ССБ), сульфат ишқор, крахмал, казеин ва бошқалар аралаштирилади. Одатда намланувчи кукун таркибида 30-80% соф модда, 15-60% тўлдиргич, 1,5-2% сульфат-спиртли барди ва 1-2% ОП-7 ёки ОП-10 бўлади.

**Эмульсия концентратлари (эм.к.)** майда томчилар ҳолида аралаштирилган майдаги пестицид эритмасидан иборат бўлиб, устида (саклаш учун) юзаки – фаол модда қавати бор. Сув билан аралаштирилганда узоқ вақтгача чўкмайдиган эмульсия ҳосил бўлади. Эмульсия концентратлари фаол модда, эритгич ва эмульгатордан иборат бўлади. Углеводородлар, мураккаб эфирлар, креолин, тошкўмир мойи ва бошқалар –

эритгичлар; кальций сульфатлари, ОП-7, ОП-10, ҳар хил совун – эмульгаторлар ҳисобланади. Эмульсия концентратларини олиш учун пестицид эритгичда эритилади ва 40-80°C гача иситиб эмульгатор билан аралаштирилади.

*Донадорлаштирилган препаратлар* экин экиш пайтида ёки майсалар пайдо бўлганидан кейин тупроққа солинади. Бунда ўсимликларни дастлабки ривожланиш даврида кеми-рувчи тунлам ва сўрувчи зааркундалардан химоялаш назарда тутилади. Бундай препаратлар муайян микдорда суперфосфат доналарига заҳар юқтириш йўли билан тайёрланади, аммо донадор сифатида бошқа инерт минералларни ҳам олиш мумкин. Донадорлаштирилган препаратларнинг бошқа пестицид турларига қараганда бир қанча афзаллиги бор – теварак мухит кам ифлосланади, агробиоценознинг фойдали ҳашаротлари сақланиб қолади. Шунинг учун ҳам ўсимликларни уйғунлаштириб ҳимоя қилишда донадорлаштирилган препаратларнинг аҳамияти каттадир.

### *Пестицидларнинг замонавий шакллари*

Агротоксикологик тадқиқотлар йўналишининг бир тармоғи бўлиб пестицидларнинг янги препаратив шаклларини яратиш ва уларга баҳо бериш ҳисобланади. Бу нима дегани? Маълумки, қишлоқ хўжалигига турли ўсимлик зааркундаларига қарши ишлатиладиган дорилар (препаратлар) қуруқ ва суюқ ҳолатда бўлиши мумкин. Чангитиши йўли билан ишлатиладиган қуруқ шаклдаги инсектицидлар, санитария талабларига жавоб бермагани учун амалий ишлатиш 1975-нчи йиллари маън этилган эди. Ҳозирда қуруқ куқун шаклидаги пестицидлар фақатгина турли экин уруғларини экишдан олдин упалаш, ёки ерга солиш йўли билан ишлатилиши мумкин. Демак, ўсимликларни ҳимоя қилишда асосан суюқ ҳолдаги пестицидлар ишлатилиб, булар орасида сувда эримайдиган таъсир этувчи моддалар (т.э.м.) учун **эмульсия концентрати** (э.к.) илкбор кашф этилиб шу пайтларгача кенг ишлатилиб келинади.

Эмульсия концентрати шаклига эга бўлган дориларда т.э.м. органик эритувчиларда эритилган коллоидларда мұжассамланиб, эмульгаторларга эга. Бунинг оқибатида сувга аралаштирилган бундай дори турғун ва барқарор эмульсия ҳосил қиласи. Масаланинг бошқа томони шундаки, ЭК таркибининг асосини нефт органик эритмалари ташкил қилгани сабабли, бундай дорининг иссиққонли ҳайвонлар учун заҳарлилиги юқоридир. Шунинг учун ҳам, ҳозирги даврда бир қатор Европа мамлакатларида органик нефт эритувчиларини ишлатиш маън қилинган. Жумладан, ЭК шаклида тайёрланадиган пестицидларга ҳам бундай эритувчиларни ишлатмаслик масаласи муҳокома қилинмоқда (Елиневская, 2005).

Пестицидлар учун янги камзаҳарли эритувчиларни топиш йўлида изланишларга зўр берилиб, ҳозирда нефт мойлари ўрнига сунъий табиий ўсимлик мойлари ишлатилиши тавсия этилди. Бундай эритувчи ишлатилган дорилар бирқатор афзаликларга эга бўлди. Энг асосийси – бундай эритувчилар иссиққонли ҳайвонлар учун камзаҳарли бўлганидан ташқари, дорини ишлов берилган ўсимликка сингиш қобилияти, ҳамда ёпишқоқлигини (ём-ғирга чидамлилигини) ошиши билан белгиланади. Бунинг оқибатида, ҳар бир т.э. модданинг биологик потенциали тўлиқ сарфланиб, самарадорлик ошиши каби ижобий кўрсаткичларга эга бўламиз.

Кимёгарларни коллоидли кимё назарияларида эришган муваффақиётлари туфайли, пестицидларни қуидаги янги препаратив шақлари пайдо бўлди: *СЁЭ – сувдаги ёг эмульсияси, ЁЭ-ёг эмульсияси, ёки СЭ – сувли эмульсия*. Бунда ёғ эритувчисида эритилган т.э. моддани сувдаги дисперсияси назарда тутилади. Бундай тузилган дорининг турғунлиги юқори бўлиб, у жуда тўғри танланган диспергаторлар, эмульгаторлар, намлатувчилар ва стабилизаторлар хисобига вужудга келади. Юқорида қайд этганимиздек, нефт мой эритувчилари ўрнига ўсимлик мойини ишлатиш хисобига дорининг иссиққонли ҳайвонларга заҳарлилиги пасаяди. Бундан ташқари,

ишлов берилган ўсимлик ва атроф-мухит учун ҳам сувли эмульсияларни салбий таъсири озаяди.

Пестицидларни амалий шаклларини тайёрлашда ёрқин истиқболга эга бўлган яна бирини эслатиб ўтмаса бўлмайди. Бу – *микроэмульсиялардир* (МЭ). Микроэмульсиялар тиник суюқлик бўлиб, у ўз таркибида т.э. моддаларидан ташқари 50% гача сув, ҳамда турғун эритувчи ва намлантирувчи фаол моддалардан иборат. Унга ҳос қўшимча фазилатлар қаторига пестицидинг зааркунандага нисбатан биологик самарадорлигини ошишини кўрсатиш мумкин. Мисол учун, шу шаклда тайёрланган ва Ўзбекистон учун жуда таникли бўлган дурсбан инсектицидини фаол моддаси – хлорпирифос, таққослаш синовларида зааркундаларга нисбатан самараси 2 баробар ошганлигини кўрсатди.

Таъсир этувчи моддаси қаттиқ асосга эга бўлган пестицидлар учун *суспензия концентрати* (СК) шакли яратилган. Бу – заррачаларнинг катталиги 3-5 микрон ташкил қиласидан фаол модданинг сув, ёки мойли муҳитда бўлган турғун дисперсиясидан ташкил топган шаклдир. Сувда аралаштирилганида тезда турғун суспензия ҳосил қиласидан бу препаратив шакл олдига катта талаблар қўйилган: юқори ва паст ҳароратларга чидамлилик; қўйилиб, қотиб қолмаслик; атроф-мухит ва иссиқконли ҳайвонлар учун нисбатан кам заҳарлилик ва бошқалар.

СК шаклидаги препаратларни турли кўринишлари бўлиши мумкин. Буларни: **ФЛО, ССК – суспензияни сувдаги концентрати, МС- мойли суспензия, MMC – минерал-мойли суспензия, MCK – мой-суспензияли концентрат**. Юқорида қайд этилган СК шаклининг турли намуналарига бир қатор ижобий ҳусусиятлар ҳос бўлиб, улар асосий мақсадга – дори ишлатиш самарасини ошириш, ҳамда муҳит ва одамзодга зарарини пасайтиришга қаратилган.

Ҳозирда СК шаклидаги дорилар кенг жорий этилиб, жумладан, **НК-намланувчи** кукун шаклидаги дориларни ўрнини эгалламоқда. Ўзбекистон агротоксикологлари ҳам, ўз

бурчини адо этиб, замонавий талабларга жавоб беріб юқори самарага эга бўлган ва атроф-мухит учун камзаҳарли бўлган пестицидларни турли тупроқ ва иқлим-шароитимизда синаб баҳо беришга қаратилган тадқиқотларни амалга оширишмоқда. Ҳозирда бундай дориларнинг наму-налари Давлат кимё комиссияси тасдифидан ўтиб, қисман амалда ишлатилмоқда. Булар қаторига қуидагиларни киритиш мумкин: *Круизер*, 35% о.с.с. (оқувчан суюқ суспензия), *Фаскил*, 36% с.э. (сувли эритма), *Каратэ Зеон*, 5% с.к. (суспензия концентрати), *Имидор*, *Далприд*, 200 г/л с.э.к. (сувда эрувчи концентрат), *Омайт*, 570 EW, 57% с.э.эм.к. (сувда эрувчи эмульсия концентрати), *Димилин ОФ-6,6%* м. сус. (мойли суспензия) ва бошқалар.

Тадқиқотлар эса давом этмоқда.

### **Пестицидларнинг гигиеник таснифи**

Пестицидлар иссиққонли ҳайвонлар ва одам учун заҳарлилиги жиҳатидан бир нечта гурухга бўлинади. Бу эса заҳарлилик ва патология таъсири бўйича ҳар хил препаратларни ўзаро таққослаб таърифлаш имконини яратади. Препаратларнинг заҳарлилиги ЎД<sub>50</sub> кўрсаткичи билан белгиланади (соғ заҳарли модданинг тажриба ўтказилаётган лаборатория ҳайвонларининг ярмини ўлдирадиган дозаси). Тажрибалар сичқон ва каламушларда ўтказилади. Қабул қилинган тасниф бўйича ҳамма пестицидлар тўрт гурухга бўлинади:

1. **Ўта кучли таъсир этувчи.** Заҳарлилиги (ЎД<sub>50</sub>) ҳайвонтирик вазнининг ўртача ҳар килограммига 50 мг гача бўлган.
2. **Кучли таъсир этувчи.** ЎД<sub>50</sub> кўрсаткичи 50-200 мг/кг.
3. **Ўртача таъсир қилувчи.** ЎД<sub>50</sub> кўрсаткичи 200-1000 мг/кг.
4. **Кам заҳарли.** ЎД<sub>50</sub> кўрсаткичи 1000 мг/кг дан юқори.

Умуман олганда, мамлакат миқёсида ҳам, пахтачилик соҳасида ҳам, ўта кучли таъсир қилувчи пестицидлар йил сайин камроқ ишлатилмоқда. Препаратлар бошқа кўрсаткичлар юзасидан ҳам баҳоланиши мумкин: **терига таъсир**

**этувчи; ингаляцияли** – нафас олиш йўллари орқали таъсир килувчи, бу эса препаратнинг учувчанлигига боғлик; **кумуляцияли** – тўлиқ зарарсизланмагани ва организмдан чиқиб кетмаганлиги натижасида заҳарнинг тана ичида тўпланиб бориши; **blastомогенлик** – пестицидларнинг шиш ҳосил қилиш хусусияти; пестицидларнинг **мутагенлиги** – ўсимлик ва ҳайвонларда тез-тез мутация пайдо бўлиши билан ифодаланади; **тератогенлик** – пестицидларнинг бадбуруш бўғин ҳосил қилиш хусусияти; **эмбриотроплик** – пестицидларнинг муртакнинг нормал ривожланишини издан чиқариш хусусияти.

### **Пестицидларни ишлатиш тартиби**

Пестицидлар ҳайвон ва одамни заҳарлаши, ташки муҳитда сақланиши ҳамда олинадиган маҳсулотда тўпланиши мумкин, шу боисдан ҳар қайси препарат учун қатъий равища илмий асосланган тавсиялар, чеклашлар (регламентлар) бўлиши ва улар пестицид бехатар самарали қўлланилишини таъминлаши талаб қилинади. Пестицидларни ишлатиш қоидали Давлат кимё комиссияси томонидан соғлиқни сақлаш вазирлиги билан ҳамкорликда белгиланади. Бунинг учун ҳар йили «Қишлоқ хўжалигида ишлатиш учун рухсат этилган пестицидлар ва агрохимикатлар рўйхати» тузилади. Унда препаратнинг номи, уларни сарфлаш меъёрлари, қўлланишга рухсат этилган экинлар, шунингдек «кутиш муддатлари», яъни ҳосил етилишигача охирги ишлов бериш муддатлари кўрсатилади. Ҳар йили энг самарали, аммо одам ва ҳайвонлар учун кам заҳарли хисобланган янги пестицидлар рўйхатга киритилади, эскириб қолган ва энг заҳарли препаратлар рўйхатдан чиқариб ташланади. Бинобарин, заҳарли препаратлардан фойдаланишда шу йил учун тасдиқланган пестицидлар рўйхатига, шунингдек таърифланган препаратларнинг регламентлари ва амалий тавсияларга амал қилмоқ лозим. Пестицидлар ишлатишда қўйиладиган асосий талаблар қўйидагилардан иборат.

1. Препаратларни тавсия этилган сарфлаш меъёрлариға қатъий риоя қилиш лозим. Белгиланган меъёрларни ошириш ёки камайтириш кўнгилсиз оқибатларга олиб келиши мумкин.

2. Фақат зарурат туғилганда, яъни зааркунанданинг нуфузи иқтисодий микдор мезонидан ошгандагина кимёвий кураш ўтказиш. Бунда шу зааркунандаларга қарши кураш олиб бориш тизими ва фойдали ҳашаротларнинг нуфузи инобатга олинниши лозим.

3. Пестицидларни сақлаш, транспортда ташиш ва ишлатишида хавфсизлик қоидалариға доир инструкцияга амал қилиш шарт.

4. Кутиш муддатларига – охирги ишлов бериш билан ҳосилнинг етилиши ўртасидаги вақтга қатъий риоя қилиш пестицидларнинг озиқа маҳсулотларидаги йўл қўйилган қолдиқ микдорининг ошиб кетмаслигини таъминлайди.

### **Пестицидларни ишлатиши усуллари**

*Пуркаш усули* – эритма, эмульсия ёки суспензия ҳолидаги заҳарли препаратларни ишлов бериладиган сатҳга сепишдан иборатdir. Пуркаш жараёни орқалаб юриладиган аппаратлар ҳамда трактор ва маҳсус самолёт пуркагичлари воситасида бажарилади (123-расм).



123-расм. ОВХ-28 русумли пуркагич ёрдамида ғўзага ишлов бериш.

Бошқа усууларга қараганда пуркашнинг бир қатор афзаликлари бор: бунда заҳарли препарат кам сарфлангани ҳолда, сатҳнинг нисбатан текис ишлов берилиши таъминланади; пуркаш учун эмульсия концентратлари ва намланувчи кукунлар ишлатилади. Чанглашга қараганда пуркаш ишлари об-ҳаво шароитларига камроқ боғлиқ бўлади, шунингдек бу усул қўлланганида заҳарли препаратлар аралаштирилиши мумкин, бошқа усууларда бунинг имкони бўлмайди. Пуркаш усулининг камчилик томони шундаки, бунда суюқ эритмаларни тайёрлаш ва суюқликнинг муайян меъёрда сарфланишига риоя қилиш ишлари мураккаблашади, шунингдек сув кўп ишлатилиши хисобига меҳнат унумдорлиги пасаяди. Шу боисдан кам ҳажмда сув сарф этиб пуркаш усуулари синалиб тавсия этилмоқда. Бутун дунёда ва бизнинг мамлакатимизда ҳам гектарига 50-20 л суюқлик сарфланадиган кичик ҳажмли пуркашлардан кенг фойдаланилмоқда. Ўзбекистонда суюқ препарат сарфлаш меъёрини гектарига 50 л гача камайтирадиган кичик ҳажмли авиапуркаш усули ҳар томонлама ўрганилган (Рубо, Журавская, Степанов, Хўжаев ва бошқалар, 1967). Бунда самолётнинг пуркаш жиҳозларига кичик техник ўзгариш киритиш кифоя. Ҳозирда бу усул яйловларда чигирткаларга қарши курашишда ишлатилмоқда.

**Ўта кичик ҳажмда пуркаш (УМО).** 1980 йиллардан бошлаб жаҳоннинг кўп мамлакатларида қориштирилмаган препаратлар билан ўта кичик ҳажмда пуркаш жорий этилмоқда. АҚШ, Ҳиндистон, Япония ва кўпгина Африка мамлакатларида бу усул самолёт ва қўл аппаратлари ёрдамида кенг кўламда қўлланмоқда. Ўта кичик ҳажмда пуркаш натижасида самолётларнинг иш унуми тўрт баравардан зиёд ошади, ишлов бериш арzonга тушади, заараркунанда тушган манбаларни ўз вақтида йўқотиш имкони туғилади, препаратларнинг самарадорлиги ошади ва муҳитнинг ифлосланиши анча камаяди. ЎзЎҲИ ходимларининг (Сохта, Шомуталов, Гаппов, 1981-1983 йй.) маҳсус тажрибалари шуни қўрсатдики,

махсус ер аппарати ёрдамида золон (1,5 л/га) ва децис (1,0 л/га) сувга аралаштирилмай марокаш чигирткасига қарши ишлатилганда 98-100% самарадорликка эга бўлинган.

**Чанглатиши** ўсимлик ва зааркунандаларнинг сиртига махсус аппарат ёрдамида кукун препаратларни (дустлар) сепиш усулидир. Бу усулда ишлов беришнинг афзалиги унинг оддийлигидадир. Чанглатиш учун сув керак бўлмайди, бундан ташқари дустларнинг сербарг ғўзани ишлашда самараси юқори бўлади. Аммо чанглатишнинг жиддий камчиликлари бор, булардан энг муҳими – препарат кўпроқ сарф бўлиши ва ишлов бериладиган майдон атрофига ҳаво оқими билан тўзгишидир. А.В. Фуниковнинг (1960) аниқлашича, самолётдан туриб чанглатилганда дустнинг 77-90% и бекорга сарф бўлади. Ф.А. Степановнинг (1951) маълумотига кўра, чанглатилганда олтингугурт кукунидан фойдаланиш коэффициенти атиги 30% ни ташкил қилган. Бундан ташқари, дуст таркибида соф модда унча кўп бўлмайди (5-10%), қолган тўлдиргич эса оддий жинслардан иборат бўлиб, уни транспортда ташишга анча маблағ сарф қилинади. Юқорида қайд этилган камчиликлар туфайли чангитиш усули жуда чеклаб қўйилган. Чанглатишнинг сифати кўп жиҳатдан уни ўтказиш вақтига боғлиқдир. Шунинг учун ҳам уни эрта тонгда ёки кечкурун тинч ва шамолсиз ҳавода, шабнам тушганда ўтказиш лозим.

**Фумигация** омбор зааркунандаларини йўқотишда, ҳамда карантин чоралари каби кўчкат ва мева маҳсулотларини заарсизлантиришда кенг қўлланиладиган усулдир. Омбор маҳсулотлари сақланиш ва ташишдан олдин заҳарли моддаларнинг буғи ёки газлари билан димланади. Яхши таъсир қиласиган, маҳсулотларга жуда кам сингадиган ва гази тез шамоллайдиган фумигантлардан қуидагилари маҳсулотларни фумигация қилиш учун тавсия этилган (Рўйхат, 2010): квикфос таблеткалари – 5 г/м<sup>3</sup>, фосфоктин – 3 г/м<sup>3</sup>, альфос – 12 г/м<sup>3</sup>, магтоксин – 1 г/м<sup>3</sup>. Фумигантлар билан қилинадиган ишлар махсус фумигация гурухлари томонидан (шахсий ва жамоат

хавфсизлиги чораларига риоя қилган ҳолда) бажарилади.

**Захарланган алдамчи ем** ишлатилганда асосан ичдан таъсир қиласидан захарлардан фойдаланилади, захарланган алдамчи озиқаларни кемирувчи ҳашаротлар яхши ейди. Захарли ем тайёрлаш учун инсектицидлар бошқа усулда ишлатгандагига нисбатан озрок миқдорда талаб қилинади. Захарли ем тайёрлашда озиқа материаллардан кунжара, кукун кунжара, кепак ва бошқалар ишлатилади. Захарли алдамчи емлар қуруқ холида, бироз қуруқ ва нам ҳолида тайёрланади. Захарли ем асосан чигирткалар ва илдиз кемирувчи тунламларнинг катта ёшдаги куртларига қарши илгари кенг қўлланилган. Бунинг учун асосан маргумуш (натрий арсенити ва бошқалар), натрий кремнефтористий, ДДТ ва ҳоказолар аралаштирилган препаратлардан фойдаланилар эди. Ҳозирги вақтда юқори даражада қуюқлаштирилган самарали органик препаратларнинг тури кўпайғанлиги туфайли, захарли ем билан ишлов бериладиган майдонлар кескин камайди. Захарли ем аҳён-аҳёнда, яъни ўсимликларни сақлаш ишида тактик нуқсонга йўл қўйилиб, кемирувчи зааркундалар хавфли даражада кўпайиб кетгандага қўлланилади.

**Ургликни дорилаши** ишлари ниҳолларни тупроқда яшовчи зааркундалар (биринчи галда кузги тунламдан) ва касалликлардан (чунончи, ғўзани – гоммоз ва илдиз чириш; ғаллани – куя ва илдиз чириш касалликларидан) ҳимоя қилиш мақсадида ўтказилади.

Пахтачиликда уруғлик чигит асосан заводларда шnekли ишлов бериш машиналарида ҳамда 2-ОСХ каби такомиллаштирилган машиналарда упалаб заарсизлантирилади.

Ишлов беришда уни ўтказиш муддатларига ҳамда препарат сарфлаш меъёрига риоя қилиш жуда мухимдир, чунки бу препарат самарадорлигига ҳамда уруғ унувчанглигига таъсирини кўрсатиши мумкин.

### **Заарли организмларнинг пестицидларга бардошлилиги ва чидамлилиги**

Муайян мавжудотга бирор бир захарли модданинг таъсир

этмаслик хусусиятини чидамлилик (резистентлилик) ёки бардошлилик дейилади. Таъсиранлик каби бардошлилик ҳам заҳарнинг кор қилиш-қилмаслиги билан боғлиқдир.

Чидамлилик **табиий**, яъни организмнинг биологик ва биокимёвий хусусиятларига асосланган бўлиши ҳамда кашф этилган ёки заҳарли моддалар ишлатилиши натижасидагина пайдо бўладиган **ихтисослашган** бўлиши мумкин. Табиий чидамлилик организм тури, жинси ва шаклига (стадия) боғлиқ ҳолда **мавсумий** ва **муваққат** турларга бўлинади (Калинин, 1974). Бундай чидамлилик кимёвий ҳимоя воситалари қўлланишига боғланмаган ҳолда пайдо бўлган. Организмнинг чидамлилиги битта тур доирасида ҳам кучли ўзгариши мумкин, чунончи личинка ва етук зот заҳарларга сезувчан; тухум, ғумбак ва диапаузага кетган зотларнинг сезгирилиги эса пасайган бўлади. Заарли организмларнинг бардошлилиги бир хил стадия доирасида ёшига, куннинг вақтига ва йил мавсумига караб ўзгаради. Кичик ёшдаги личинкалар баҳорги ривожланиш даврида инсектицидларга камроқ бардошли бўлади. Кўпчилик ҳашаротлар кузга бориб қишлишга тайёр гарлик кўради, анча захира модда тўплайди ва заҳарларнинг таъсирига юқори даражада бардошли бўлиб қолади.

**Ихтисослашган (кашф этилган)** чидамлилик – бу ҳар қандай организмнинг илгари ҳалокатли таъсир қилган кимёвий моддалар мавжудлигига урчиш ва қўпайиш қобилиятини сақлашидир. Тадқиқот натижаларидан маълумки, ихтисослашган чидамлилик заминида организмларнинг танланган ирсий гетероген популяциялари ётади, улар юқори даражада чидамлилик хусусиятига эга бўлади. Бунда пестицид танланиш омили бўлиб ҳисобланади. Бундай танланишнинг самарадорлиги зааркунанданинг популяциясига, ишлов бериш сони, пестицид ишлатиш меъёрига ҳамда ирсий гетерогенлигига (йил давомида берган бўғин сонига) боғлиқдир. Заарли организм мавсум мобайнида канча кўп бўғин берса ва препаратнинг сарф-меъёри кам бўлса, ихтисослашган чидамлилик шу қадар тез пайдо бўлади. Бироқ зааркунанданинг танланган ирқи, кимёвий ишлов беришлар тўхтатилганидан

кейин кўпинча бирмунча вақт ўтгач яна дастлабки ҳолатига қайтади. Аммо ўша препарат яна қайта ишлатилса ихтисослашган чидамлилик тезроқ қайтиши мумкин (Калинин, 1974).

Ихтисослашган чидамлилик битта препаратга, яъни ёлғиз ёки бирхил кимёвий бирикмага эга бўлган гуруҳли ва кўчирмали бўлиши мумкин. **Ёлғиз** чидамлилик қандай бўлмасин бирорта пестицидга нисбатан вужудга келиши мумкин. **Гуруҳли** чидамлилик эса бир кимёвий гуруҳга мансуб ва тузилиши ҳамда таъсир қилиш механизми жиҳатидан ўхшаш икки ёки бир неча пестицидга нисбатан айтилади. Бу ҳол шу гуруҳнинг бир препарати ишлатилганидан кейин рўй беради. Масалан, Т.А. Николаева, П.В. Попов ва 3.З. Голубеваларнинг (1974) маълумотларига қараганда, ўргимчакканада *антиога* нисбатан чидамлилик пайдо бўлганда, *амифос*, *фозалон*, *фитиос*, *диметоат* каби бошқа фосфорорганик инсектоакарицидларга бўлган чидамлилик ҳам кўп даражада ошади. Бундай чидамлилиkn баъзан **кросс-чидамлилик** ҳам дейилади. **Кўчирма чидамлилик** – турли кимёвий тузилишга эга бўлган, таъсир қилиш механизми жиҳатидан ҳам турлича бўлган препаратларга нисбатан вужудга келадиган чидамлиликдир. Масалан, хлорорганик препаратларга чидамли бўлиб қолган ҳашарот пиретроид препаратларга ҳам чидамли бўлиши бунинг мисолидир.

Ўзбекистонда 1960 йиллардан кейин фосфорорганик препаратлар жорий этилиши билан боғлиқ ҳолда метилмеркаптофос, рогор, интратион каби препаратларга нисбатан ўргимчаккананинг ўта чидамли популяциялари аникланган. 1980 йилларда бу аҳвол *полиз шираси* билан вужудга келган. Тошкент вилоятининг далаларида бу шира БИ-58 га нисбатан 200 мартадан ортиқ даражада чидамли бўлиб қолган (Хўжаев, Абдилаев, 1983).

Бўғимоёқли жониворларда пестицидларга нисбатан бардошлилик ёки чидамлилик вужудга келишига асосий сабаб қилиб бир хил препарат бир мавсумда кўп марта ишлатилиши кўрсатилган. Чидамлилик айниқса бир мавсумда кўп бўғин

бериб ривожланадиган турларда (ўргимчаккана, шира, оқсанот) тезроқ содир бўлиши аниқланган. Шунинг учун ҳам, зааркунандаларда бирорта самарали препаратга нисбатан чидамлилик пайдо бўлишининг олдини олиш мақсадида турли кимёвий гурухларга оид препаратларни алмашлаб ишлатиш тизимлари тавсия этилган.

### **8-боб. МЕХАНИК УСУЛ**

Механик усул деб зааркунандаларга қарши курашда турли хил мосламалардан фойдаланишга айтилади. Мева дараҳтларининг штамбига алдамчи белбоғларни боғлаш кўпгина зааркунандалар юқорига ўрмалаб чиқишининг олдини олади. Бунга олма меваҳўрига қарши белбоғ ёрдамида курашиш ҳам киради. Қишлиб қолган бояришница ва бошқа зааркунандаларнинг инини йиғиштириб олиш ҳамда тенгсиз ипакчининг тухум тўпларини қиртишлаб олиш ҳам механик усулдир. Шиллик қурт, чертмакчи ва бошқа намсевар зааркунандаларга қарши алдамчи салқин жойлар ясаш ҳам шулар жумласидандир. Пахтачиликда ғўзани ғўза тунламиининг тухуми ва ёш қуртларидан озод қилиш мақсадида чеканка қилинганида чилпилган қисмини даладан чиқариб ташлаш, зарур бўлганда қуртларни қўлда териш ҳам механик усул хисобланади.

### **9-боб. ФИЗИКАВИЙ УСУЛ**

Физикавий усулга зааркунандаларга қарши курашда юқори ва паст ҳароратни ишлатиш ҳамда ультратовуш, юқори частотали ток, инфрақизил тўлқинлар, ёргулиқ, ультраби-нафша тўлқинларни ишлатиш ва бошқалар киради. Қуритгичларда  $55^{\circ}$  ҳароратда омбор зааркунандаларидан акароид каналар, узунбурунлар ва миталар  $30$  дақиқа ичида қирилиб кетади. Бу усул айниқса озиқ-овқат учун мўлжалланган донни сақлашда қўл келади, чунки кимёвий усулни бу ерда ишлатиб бўлмайди.  $-10-15^{\circ}$  ҳароратда донлардаги барча кана ва бошқа зааркунандалар қирилиб кетади. Шунинг учун қишида донларни  $-20-15^{\circ}$  совуқда  $12-20$  соат ушлаб туриш яхши натижга

беради. Таъкидлаб ўтиш жоизки, рўзгорда сақланадиган қуритилган мевалар (туршак, қоқи, майиз ва б.) кўплаб омбор зааркунандалари билан шикастланиб, яроқсиз аҳволга келиб қолади. Бунинг олдини олиш учун уй шароитида қуйидаги оддий физикавий усул қўлланилади. Идишга 1-2 кг қуруқ мева солиниб, устига  $80\text{-}100^\circ$  гача иситилган қайнок сув қўйилади ва аралаштириб 8-10 минут ушлаб турилади. Сувни тўкиб ташлаб қуруқ мева совуқ сувда ювилади, кейин силқитиб стол устига дока ёзиб 3-4 кун қуритилади ва 3 литрлик банкаларга солиб, усти мато қопқоқ билан беркитиб қўйилади. Омборда сақланадиган донларни юқори частотали электр токи билан қисқа муддатли ишғол этиш ёки рентген нури билан таъсир этиш деярли барча зааркунандалардан тозалайди. Кечаси учадиган ҳашаротларни ҳисоблаш ва қисман қириш учун светоловушкалардан фойдаланади. Бу мослама-ларда электр манбаи, лампа, қалпоқ ва паст қисмида воронка ҳамда ҳашарот йигувчи мослама ишлатилади. Светоловушкалар устунларга ердан 2-4 м баландликда илинади. Оддий лампалардан кўра ультрабинафша нурланадиган ПРК-4 ёки БУВ ва ЭУВ лампалари кўпроқ ҳашарот жалб қиласади.

## **10-боб. ГЕНЕТИК ВА БОШҚА ЯНГИ УСУЛЛАР**

Ўсимликлар ва омбор маҳсулотларини зааркунандалардан химоя қилишда нур ва кимёвий моддалар ёрдамида ҳашаротларни **стерилизация** (бепушт) қилиш ёки қириш ҳамда **гормонал препаратлар, аттрактант** (жалб қилувчи) ва **репеллент** (ўзидан ҳайдовчи) моддаларни ишлатиш ушбу усуулларга киради. Стерилизация (наслсиз) қилиш мақсадида кобальтнинг ( $\text{CO}_{60}$ ) радиоактив изотопи ёрдамида маҳсус мосламада эркак ҳашаротлар чиқадиган ғумбакларга гамма-нурланиш берилади. Бунинг учун лаборатория шароитида ҳашарот кўпайтирилади ва ғумбаклик шаклида етук зот чиқишидан 18-24 соат олдин маҳсус мосламаларда нурланиш ўтказилади. Бундай ғумбакдан чиқсан эркак зот наслсиз бўлади, урғочи зот билан урчиш қобилияти сақланиб қолсада, тухумни оталантира олмайди. Бундай усул омбор зааркунан-

даларига қарши, кўпгина мева ва чорва зааркунандаларига ҳамда меваҳўрларга қарши ишлатилади. Масалан, шарқ меваҳўрига қарши 300-350 Дж/кг нурланиш берилса 95-98% эркак зот наслсиз бўлиб қолади (Поспелов, 1978). **Кимёвий стерилизация** учун гаметацид хусусиятга эга бўлган воситалар ишлатилади. Одатда, бунинг учун этиленимин маҳсули бўлган **тиотэф, афолат, третамин** (ТЭТ), **фосфазин** каби кимёвий моддалар ишлатилиши мумкин. Амалиётда бу моддаларнинг бирини ҳашарот етук зоти ғумбакдан чиққанидан кейин 5% ли қанд эритмасига 0,01-0,1% микдорида қўшиб озиқлантирилса қўйилган мақсадга эришилади. Яъни: а) етук зот қандай жинсга эга бўлмасин, у урчиш қобилиятини йўқотмайди, аксинча, кисман зўраяди, яшаш муддати қисқармайди; б) стерилизация самараదорлигига эга бўлиш учун ҳашарот жуфтининг бирортасига таъсири этиш кифоя этади; в) ургочи зот **хемостерилиантлар** таъсирида икки баравар кам тухум қўяди; хемостерилиантлар таъсири қилган ҳашаротлар қўйган тухумнинг 94-98% идан қурт чикмайди.

Ўз-ўзидан маълумки, хемостерилиантларни қўллаш учун мақсадга мувофиқ ҳашаротни сунъий равишда лабораторияларда кўпайтиришга тўғри келади. Келажакда бу усулни қўллашнинг истиқболли йўлларидан бири – бу хемостерилиантларни ҳашарот жинсий феромонлари билан биргаликда қўллашдир, аммо бунга мавжуд кимёвий моддаларнинг одам ва иссиқ қонли ҳайвонлар учун юқори даражада заҳарлилиги хозирча тўскинлик қилмоқда. Масалан, ғўза зааркунандаларидан карадрина, кўсак қурти ва кузги тунламга қарши бу ҳашаротларнинг капалагини тиотэф ва ТЭТ нинг 0,1% ли ёки афолатнинг 1,5% ли эритмалари билан озиқлантириб, уларнинг наслини йўқ қилиш усули 1970 йиллари тавсия этилган (Булигинская, Чугунова, 1972; Васюрин, Гаврилова, 1972 ва б.), аммо қайд этилган камчилик туфайли бу усул кенг ишлатилганий йўқ. Янги кураш усулларидан биологик фаоллик билан таъсири этадиган моддаларни қўллаш истиқболлидир. Бундай моддалар ўз асосида ҳашарот метаморфозасида (ўзга-

ришида) фаол иштирок этадиган асосий гормон – **экдизон** (қуртлар пўст ташлашини, етук зотга ўтишини ва диапауздан чиқишини таъминлайди) ҳамда ювенил гормон-**неотенин** (қуртлар етук зотга айланишига тўскинлик қиласди) нисбатини ва фаолиятини ўзгартириб, ҳашарот жисмининг аномал ривожланишини таъминлашга қаратилган. Одатда ҳашарот личинка ва қуртларининг нормал ривожланиши қонда экдизон гормони кўпайиши билан пўст ташлаш, сўнгра *ювенил гормон* ортиши билан кейинги экдизон кўпайиш тўлқинигача ривожланиши билан ифодаланади. Бу борада ҳар иккала гормоннинг бирортасининг миқдор нисбатини ўзгартириш организмни ўлимга маҳкум этади. Масалан, ҳашарот организмига қўшимча синтетик ювеноид препарат (димилин типидаги) юборилса, қурт пўст ташлай олмай (ёрилиб) ёки етук зотга айланмай нобуд бўлиши мумкин. Аксинча, антиювеноид препарат юборилса қурт барвақт етук зотга айланиб ривожланишга қобилиятсиз бўлиб қолади.

**Репеллент моддалар** деб хуркитадиган моддаларга айтилади. Бундай моддалар кўпинча чивин ва пашибаларни яқинлаштирмаслик учун ишлатилади (диметилфталат).

**Аттрактантлар** деб жалб қилувчи моддаларга айтилади. Ўз навбатида булар жинсий аттрактантлар (жинсий феромонлар) ҳамда озуқа ва тухум қўйиш учун жалб қилувчи моддаларга бўлиниши мумкин.

## **IV ҚИСМ**

---

### **ҚИШЛОҚ ХҮЖАЛИГИДА ИШЛАТИЛАДИГАН КИМЁВИЙ ВА МИКРОБИОЛОГИК ВОСИТАЛАР ТАЪРИФИ (инсектицид ва акарицидлар)**

Заарали ҳашарот ва каналарга қарши асосан органик синтетик препаратлар ишлатилади. Улар кимёвий бирикмаларнинг ҳар хил синфларига мансубdir. Ҳар қайси синф муайян умумий физик-кимёвий хоссаларга эга бўлиши билан бирга, таъсир қилиш механизми ҳам умумий бўлиши мумкин. Шу боисдан препаратларни уларнинг кимёвий тузилиши ва зааркундаларга таъсири бўйича гурӯхлаб таърифлаш мумкин бўлади.

**1-боб. ФОСФОРОРГАНИК БИРИКМАЛАР (ФОБ)**  
*(данадим, карбофос, фозалон, тиринекс, политрин, диазинон,  
сумитион, ортен)*

Фосфорнинг органик бирикмаларига асосланган препаратлар ҳозирги пестицидлар орасида муҳимларидан бири ҳисобланади. Улар юқори даражада инсектицид ва акарицид сифатида зааркундаларга тез таъсир кўрсатади, биологик муҳитда узоқ туриб қолмайди ва парчалангандага заҳарсиз маҳсулотлар ҳосил киласди, суст даражада тўпланади, бир қатор препаратлари ичдан таъсир қилиш хусусиятига эга ва шунинг учун кичик ҳажмда пуркаш йўли билан фойдаланиш, шунингдек ҳар гектарга оз микдорда сарфланиши мумкин.

Кўпчилик фосфорорганик бирикмаларнинг салбий томони ҳам бор. Булар иссиқёнли ҳайвонлар ва одам учун, шунингдек кўпчилиги фойдали ҳашаротлар учун кучли заҳардир. Сурункасига ишлатилганда бу бирикмаларга қарши тез орада зааркундаларнинг чидамли популяциялари пайдо бўлиши мумкин.

Фосфорорганик бирикмаларнинг ҳашаротларга заҳарли таъсир қилишига сабаб шундаки, улар ферментларнинг фаоллигини издан чиқаради. Заҳар ҳашарот жисмига тушиши биланоқ дарҳол заҳарланиш аломатлари юз беради ва у тезда фалажланиб, ҳалок бўлади. Кўпчилик фосфорорганик препаратлар ишлатилиши билан заҳарлилигини кўрсатади ва ишлов беришдан кейинги дастлабки соатларда зааркунданда ўлади.

Фосфорорганик препаратлар личинкаларни ва етук ҳашаротларнинг кўпчилигини йўқотади, аммо тухумларга кам таъсир қиласди, бироқ мой эритмасида тайёрланиб, ҳашарот ва каналарнинг тухуми ичига ўта оладиган баъзи препаратлар бундан мустаснодир.

Лаборатория шароитида ўтказилган тажрибаларимизда бу гурухга оид препаратлар (рогор, антио, базудин ва бошқалар) тавсия қилинган сарф-меъёрида тўлиқ хўлланганда ғўза тунламиининг 50-82% тухумларини ўлдирган.

Фосфорорганик бирикмаларнинг аксарияти иссиқёнли ҳайвонлар ва одам учун ўртача заҳарлидир, аммо булар орасида кам заҳарлилиги ҳам бор. Фосфор бирикмаси ҳайвон ва одам организмида ферментлар таъсирида тезда заҳарсиз маҳсулотларга парчаланади ва организмдан чиқариб юборилади. Бу гурухдаги баъзи бирикмалар сезиларли даражада ва бир меъёрда кумулятив таъсир қилиш хусусиятига эгадир. Бу ҳол тажрибадаги ҳайвон жисмига заҳарни кичик дозаларда тез-тез юбориб турилганда рўй беради. Фосфорорганик бирикмалар гурухида бўлган ҳозирги препаратлар тупроқда ва ўсимликларда кўпи билан бир ойгача сақланади. Шунинг учун белгиланган оралиқ муддатларга риоя қилинганда уларнинг муҳитда ҳамда чигитни қайта ишлашдан олинган маҳсулотларда

тўпланиш хавфи туғилмайди.

ФОБлар тупроқда микрофлора, намлик ҳамда ўсимликлардаги кимёвий ўзаро алоқалар таъсирида ва уларга ўсимлик ферментлари, қуёш радиацияси таъсири қилиши натижасида парчаланади. Ўсимлик қанча ёш бўлса, парчаланиш жараёни (метаболизм) шу қадар жадал кечади, бу эса биокатализаторлар, ферментлар, гормонлар, витаминалар иштирокидаги синтетик жараёнларнинг юқори даражада физиологик фаол равишда рўй бериши билан изоҳланади. Бу бирикмаларнинг фаол шакллари пестицидлар билан ўзаро бир-бирига таъсири қилиб, уни ўзгартиради, бу эса эски тўқималарда анча сусаяди.

Кўпчилик фосфорорганик бирикмалар ўсимликнинг ичидан таъсири қилиш хусусиятига эга. Бундай таъсири кўрсатишнинг моҳияти шундан иборатки, бунда препарат кутикула ва барг лабчалари (устыцалари) орқали, шунингдек (захар тупроқка солингандан) илдиз орқали ўсимликка ўтади ва унда (препаратнинг хусусиятларига қараб) флоэма, перенхима, хужайра деворчалари, транспирация оқими, ксилема ҳамда хужайра оралиқлари орқали тарқалади.

Пестицидлар асосан ўсимликнинг тез ўсадиган қисмларида силжийди, уларнинг тарқалиш тезлиги ҳар хил бўлади. Пестицидларнинг ўсимликка ўтиши ва тарқалиши ўсимликнинг хусусиятларига, ташқи муҳит шароитларига, препаратнинг физик-кимёвий хоссалари ва турига боғлиқ. Ёш ўсимликнинг барглари пестицидларни жуда яхши ўтказади. Кулай сув тартиби пестицидларнинг адсорбциясига ва уларнинг жойдан-жойга силжишига ёрдам беради. ФОБ лар билан ишлов беришда шуни эътиборга олиш керак. Ичдан таъсири қиладиган препаратлар нам билан яхши таъминланган ўсимликларга тез ўтади. Пестицидларнинг ўсимликка жадал ўтишида харорат, ёруғлик, ҳавонинг намлиги катта аҳамиятга эгадир.

*Данадим, 40% эм.к. (рогор, БИ-58, диметоат, нугор).* Соф моддаси: 0,0-диметил-S-N-метилкарбамоил-метил)-дитиофосфат. Юқори хароратга чидай олмайди ва иситилганда

изомерларга парчаланади. Ультрабинафша нурлар таъсирида парчаланиши анча тезлашади. Сақлаш мобайнида фаол моддаси – фосфамид унча узоқ турмайди ва тез орада заҳарлигини йўқотади.

Ўсимлик сиртига тушган фосфамид ҳарорат, ёруғлик ва сув таъсирида тез парчаланади, аммо ўсимлик ичида у заҳарлилик хусусиятини 20 кунгача сақлайди. Препарат ичдан яхши таъсир этади. У ўсимлик ичида ксилема бўйича (илдиздан ер устки қисмларга томон) яхши силжийди, лекин флоэма бўйича (барглардан илдизга томон) силжиши қийин, шу боисдан баргга сепилган фосфамид унда қолаверади.

Тўғри қўлланганда, яъни сарфлаш меъёrlарига, шунингдек, ишлов бериш шартларига қатъий амал қилинганда бу препарат ўсимликка зарар етказмайди. Аммо амалда баъзан ўсимликни кўйдириб қўйиши мумкин. Бунга препаратнинг сарфлаш меъёри ва ишлов бериш шартларини бузиш сабаб бўлади. Кундузи ҳарорат  $28^{\circ}$  дан ошганда ишлов бериш тўхтатилиши лозим (Турабходжаева, 1973).

Фосфамид кучли ва унча узоқ давом этмайдиган ичдан таъсир этувчи инсектицид ва акарицид ҳисобланади. Препарат асосан сўрувчи зааркунандаларга (ўргимчаккана, ўсимлик ширапари, қандала, трипс ва бошқаларга) қарши қўлланилса яхши натижа беради, кемиравчи зааркунандаларнинг (ғўза тунлами, карадрина ва ҳ.к.) кичик ёшдаги куртларини ҳам ўлдиради. Ўсимлик ичига тез ўтиши ва сиртида парчаланиши туфайли фойдали ҳашаротларга қиласиган заҳарли таъсири узоққа чўзилмайди. Шу жиҳатдан ишлов беришни энтомофагларнинг энг кўп қисми ғумбаклаганда ва тухум шаклида бўлганда ўтказиш муҳимdir.

Фосфамид 40% ли эмульсия концентрати шаклида чиқарилади ва пахтачиликда бир қанча сўрувчи зааркунандаларни йўқотишда ҳар гектарга 1,5-2 л дан сарфлаб ишлатилади. У иссиққонли ҳайвонлар ва одам учун ўртacha заҳарлидир ( $\text{ҮД}_{50}$  каламушлар учун 230 мг/кг га тенг). Тери орқали сезиларли даражада таъсир қиласи. Ғўза фосфамид билан шиддатли

ишланаверса ўргимчаккана, ўсимлик ширалари ва оққанотда якка ва гурухли чидамлилик вужудга келиши мумкин. Ўзага охирги марта фосфамид билан ишлов бериш пахта очилишидан 15 кун олдин, бошқа экинларга ишлов бериш эса 30 кун илгари тўхтатилади. БИ-58 билан ишланган далага трихограммани 15 кун, браконни – 10 кун, стеторусни 5 кун кейин қўйиш мумкин.

**Карбофос, 50% эм.к. (фуфанон, 57% эм.к.).** Соф моддаси: 0,0-диметил-S-(1,2-дикарбэтоксиэтил)-дитиофосфат. Юқори ҳарорат шароитларида нисбатан тез парчаланиб кетадиган препарат. У нордон ва ишқорий муҳитда ва айниқса тунука идишда тез парчаланади. Шунинг учун ҳам карбофос ич томондан маҳсус материал билан қопланган тунука идишларда ёки пластик канистрларда тарқатилади.

Карбофос сиртдан таъсир қиласиган инсектицид ва акарицид бўлиб, бошланғич пайтда жуда заҳарлидир, аммо қисқа муддатда самара беради. Бу препарат фумигант сифатида ҳам таъсир қилиши мумкин. Карбофос парчаланиши ва буғланиши туфайли ўсимлик сиртидан тез кўтарилиб кетади. Одам ва ҳайвонлар учун карбофос ўртacha заҳарлидир. ЎД<sub>50</sub> қаламуш учун вазнининг ҳар килограммига 450-1300 мг гача ўзгаради. Кумулятив таъсири деярли йўқ, терига суст таъсир қиласи.

Ўззанинг сўрувчи зааркундаларига (ўргимчаккана, ўсимлик ширалари ва б.) қарши кураш олиб борилганда гектарига 1,0-2,0 л дан ишлатиш тавсия этилган. Тез парчаланиши ва иссиққонлиларга нисбатан кам заҳарлилиги уни иссиқхоналарда (0,05-0,15%), сабзавотчиликда (0,1-0,2%), боғдорчиликда (0,2-0,3%), чорвачиликда сиртқи ва тери ости паразитларга қарши қўллаш имконини беради. Ишлов бериши пахта етилишидан 20 кун олдин тугаллаш тавсия этилади.

**Фозалон, 35% эм.к. (золон, бензофосфат).** Соф моддаси: 0,0-диэтил-S-(6-хлорбензоксазолинил-3-метил)-дитиофосфат. У нордон ва нейтрал муҳитда турғун бўлиб, ишқорли муҳитда тез гидролизланади. Фозалон тупроқда ва ўсимликда турли омиллар таъсирида (25 кун давомида) парчаланади.

Фозалон ичдан ҳамда сиртдан таъсир қиладиган инсектицид ва акарициддир. Даслабки пайтдан фаол бўлиб, анча вақтгача самарали натижа беради. Ўсимликка ичдан (чекланган даражада) таъсир қиласи. Ўтказган тажрибаларимизга қараганда фозалон ўсимликда пастга ва юқорига қараб оқувчи найчалар бўйича маълум даражада силжий олади. Ўсимликни шира, ўргимчаккана, трипс, қандала каби сўрувчи ҳамда ғўза тунлами, карадрина сингари зааркундалардан химоя қилишда яхши натижа беради (бунда гектарига 2,5-3 л препарат сарфланади), ўсимликларни куйдирмайди. Айни вақтда уни мевачиликда ҳамда цитрус ўсимликлар ўстиришда ҳам зааркундаларга қарши 0,2% ли қуюқликда ишлатиш тавсия этилган.

Фозалоннинг ижобий томонларидан бири шундан иборатки, у асалари ва фойдали ҳашаротлар (йиртқич ва паразитлар) учун кам заҳарлидир. Ўзбекистон Фанлар академияси Зоология ва паразитология институтида ўтказилган маҳсус тадқиқотлардан маълумки, синаб кўрилган талай препаратлар орасида фозалонда танлаш коэффициенти, яъни кушандаларга нисбатан «шафқатлилиги» энг юқори бўлди. Дала шароитдаги ҳисоблашларга кўра, фозалон билан ишлов берилгандан кейинги дастлабки беш кунда энтомофагнинг атиги 5% и нобуд бўлди, ундан кейинги кунларда эса бу хил ҳашаротларнинг нобуд бўлгани бутунлай сезилмади. Шуни қайд этиш керакки, фосфорорганик бирикмаларга чидамли ўргимчаккананинг популяцияларига қарши курашда фозалон фойда бермайди.

Одам ва исикқонли ҳайвонлар учун фозалон юқори даражада заҳарли ҳисобланади ( $\text{ҮД}_{50}$  каламушлар учун вазнининг ҳар килограммига 108 мг га tengdir). Терига таъсир қилиши ва кумулятив хусусияти сустроқ сезилади. У Франциянинг Рон-Пуленк фирмасида, бензофосфат эса мамлакатимиз саноатида чиқарилади. Охирги ишлов бериш ҳосил этилишидан 30 кун олдин тўхтатилади. Фозалон билан ишланган майдонга трихограмма 12, бракон 5 кундан кейин қўйилади. Олтинкўзга таъсир этмайди.

**Пиринекс, 40,8% эм.к. (дурсбан).** Соф моддаси: хлорпирифос. Замонавий ФОБ, соф ҳолда бир қатор қышлоқ хўжалик экинларини зааркундандалардан ҳимоя қилиш учун ишлатилади. Шунингдек, синергист сифатида синтетик пиретроидга (циперметрин) аралаштирилиб (нурел-Д) ишлатилади.

Хлорпирифос иссиқ қонли ҳайвонлар учун ўртача заҳарли бирикма бўлиб, атроф мухитга катта хавф туғдирмайди. Пиринексни ғўзада шира ва трипсга қарши (0,5-0,7 л/га), оққанот ва ўргимчакканага қарши (1,5 л/га); олма дараҳтларида-меваҳўрга (1,5-2,0 л/га) ҳамда ўргимчакканаларга қарши (2,0 л/га) қўллашга руҳсат берилган. Ҳосил етилишидан 30-40 кун илгари ишловни тўхтатиш лозим. Айrim ҳолларда (юқори ҳарорат ва намлик, эритма қуюқлиги юқори бўлганда) хлорпирифос нозик барг ва новдаларни куйдириши мумкин.

**Политрин (поликрон, куракрон).** Соф моддаси: профенофос. Ўртача заҳарли ФОБ. Жуда кўп сўрувчи зааркунандалардан самарали ҳимоя қиласи. Ўргимчаккана, шира, трипс, қандалалар, қалқондорлар ва комсток қуртига қарши энг юқори натижа беради. Профенофоснинг ижобий хусусиятларидан бири – фойдали ҳашарот – олтинкўзга нисбатан шафкатлилигидир. 2005 йилдан бошлаб комплекс зааркунандаларга қарши самара берадиган аралашма – Политрин-К (кейинги бўлимларда тавсифланган) синааб жорий этилди.

**Диазинон, 60% эм.к. (базудин).** Соф моддаси: диазинон, кўп йиллардан бери (30-35) қышлоқ хўжалигига ишлатиб келинадиган ФОБ хисобланади. Соф моддаси юқори даражада заҳарли ( $\text{ҮД}_{50}$  76-130 мг/кг га тенг).

Диазинон ўргимчакканалардан ташқари деярли барча бўғимоёқли жониворларга самарали таъсир этади. Жумладан, Ўзбекистонда у буғдойда шира, трипс ва пъявицага қарши (1,5-1,8 л/га) ва шолини пашша, чивин ва шираплардан (1,0-1,2 л/га) ҳимоя қилиш учун тавсия қилинган (Рўйхат, 2010). Ишлов ўтказилган ўсимликларда 15-20 кун мобайнида сақланади.

Алюмин хамда ички томони маҳсус қопланган темир идишларда 2 йилгача кучини йўқотмайди.

**Сумитион, 50% эм.к.** (метатион, метилнитрофос). Соф моддаси: фенитротион, иссиққонли ҳайвонлар учун ўртacha захарли ( $\text{ҮД}_{50}$  сичқонлар учун 329-715 мг/кг, каламушлар учун эса – 470-516 мг/кг). Тери орқали заарсиз, лекин бироз кумулятив хусусиятларга эга. Сиртдан ва ичдан таъсир кўрсатадиган инсектицид. У жуда кўп ҳашаротларга қарши қўлланилиши мумкин, аммо Ўзбекистонда факат буғдойни барча сўрувчи ва кемирувчи зааркунандалардан ҳимоя қилиш учун (0,6-1,0 л/га) тавсия этилган (Рўйхат, 2010). Нисбатан тез парчаланиб кетиш қобилиятига эга бўлгани учун чет мамлакатларда уни омбор зааркунандалари ҳамда чўл ва яйловларда чивин, пашша ва чигирткаларга қарши ҳам қўлланилади. Ичи қопланган темир идишларда кўп йиллар мобайнида хусусиятларини йўқотмайди.

**Ортен, 75% эм.к. (лансер, 75% э.кук.)** Соф моддаси: ацефат. Ўртача захарли бирикма ( $\text{ҮД}_{50}$  866-945 мг/кг га тенг) бўлиб, бир қатор сўрувчи зааркунандаларга қарши юқори даражада самаралидир. У сиртдан ва ичдан таъсир кўрсатади. Ўзбекистонда гўзани шира ва трипсадан ҳимоя қилиш учун (0,7 л/га) ҳамда тамакини шу ҳашаротлардан ҳимоя қилиш учун (0,75 л/га) тавсия қилинган. Бундан ташқари, чигитни дорилаб экишга (4 кг/т) мўлжалланган маҳсус шакллари ҳам мавжуд: лансер, 80% н.кук. ва ортен, 75% н.кук. Кучли ҳидга эга, аммо сув билан қоришганидан кейин бу ҳид йўқолади. Нисбатан тез (10 кун) парчаланиб кетади.

## 2-боб. СИНТЕТИК ПИРЕТРОИДЛАР

(циперметрин, арриво, бульдок, вантекс, данитол, децис, каратэ, кинмикс, маврик, сумицидин, суми-альфа, талстар, требон, фастак, фьюри)

Охирги 25 йил ичida ўсимликларни зааркунандалардан ҳимоя қилишда дунё миқёсида янги гурӯҳ препаратлар – пиретроидлар мустаҳкам ўрин эгаллади. Бу препаратлар узоқ йиллардан буён ишлатиб келинаётган барча бошқа препаратлар олдида бир қанча афзалликларга эга, бироқ бирмунча камчиликлари ҳам мавжуд.

Синтетик пиретроидлар циклопропан кислоталари маҳсулли бўлиб, табиий пиретринлардан ёруғликка чидамлилиги билан фарқ қиласи. Шунинг билан бирга, улар одам ва ташки муҳит учун камроқ хавфлидир, чунки улар жуда оз миқдорда ишлатилиб, нисбатан қисқа муддат ичидага хавфсиз моддаларга парчаланиб кетади. Пиретроидларнинг ҳашарот организмига таъсир қилиш механизми ўзига хос бўлганини сабабли зааркунанда тез заҳарланади. Ҳисобли дақиқа ичидаги препаратнинг сиртдан ёки ичдан таъсир қилиши натижасида озиқланиши тўхтатиб, ташқарига чиқади ва оғзидан сариқ суюқлик чиқаради. Ниҳоят, заҳарланиш даражасига қараб бир неча дақиқадан бир неча соатгача вақтда ўлади. Пиретроидларга «нокдаун самара» хосдир, яъни жисм етарли миқдордаги препарат билан заҳарланмаса, олдин изтироб чекиб, сўнг яна ўнгланиб олиши мумкин. Кўпчилик пиретроидлар бир йўла тухум, қурт ва етук зотга таъсир қилиши мумкин.

Одам ва иссиқонли ҳайвонлар учун пиретроидлар турлича заҳарли бўлиши мумкин. Улар ичидаги кам заҳарли (*амбуши*, *корсар*, *ровикорт*, *анометрин-M*), ўртача заҳарли (*цимбуши*, *сумицидин* ва б.) ва ўткир заҳарлilари (*децис*) мавжуд. Лекин одатда пиретроид препаратларнинг шакллари жуда оз миқдорда таъсир қилувчи моддага эга (масалан, дециснинг 1 литрида 25 грамм) ва бир гектар ерга сарф қилинадиган препарат миқдори ҳам кам. Шунинг учун амалиётда жуда кучли суюлтирилган препарат миқдори билан иш тутилади. Бу эса заҳарланиш имконини жуда пасайтиради. Лекин пиретроидларнинг камчиликлари ҳам йўқ эмас. Улар қаторига «аллергоэфект», яъни препарат таъсири остида одамзодда аллергия (тана қизариши, қичишиш, ачишиш) рўй бериши мумкин. Аллергоэфект пиретроидларнинг ҳаммасига ҳам хос эмас. Бундай таъсир ишлаган одамларнинг барчасида бўлмай, балки айримларида намоён бўлади. Фойдали ҳашаротларнинг етук зотларига ва личинкаларига (куртига) кўпгина пиретроидлар 7-12 кун мобайнида таъсир қиласи, аммо ғумбаклик, шунингдек эндопаразитлик даврида таъсир

қилмайди. Барча пиретроидлар сувда яшовчи ҳайвонларга кучли таъсир кўрсатади. Шунинг учун уларни сув ҳавзалари ва сув иншоотлари яқинида ишлатиш ман этилади.

Пиретроидлар хусусиятларига кўра, биринчи ва иккинчи синфларга бўлинадилар. Биринчилари кўпгина ҳашаротларга таъсир қиласди, аммо ўргимчакканаларга таъсир қилмайди (*сумицидин, рипкорд, цимбуши, кинмикс, децис* ва бошқалар). Иккинчилари ҳашаротлар билан бир қаторда ўргимчакканаларга ҳам таъсир этиб, амалиётда кўпроқ аҳамиятга эгадир (*каратэ, талстар, данитол*). Шу билан бирга иккинчиларининг ҳар гектарга кетадиган сарфи анча пастдир.

Пиретроидлар билан ишлов ўтказиш бошқа препаратларга нисбатан қимматга тушмайди. Бунга сабаб, сарфланадиган меъёрининг камлигидир. Республика ўсимликларни ҳимоя қилиш илмий тадқиқот институтида пиретроидлар 1979 йилдан бошлаб ўрганила бошланган. Дастребки пиретроид модда сумицидин бўлган. Кейинчалик *амбуши, цимбуши, ровикурт, децис, нурелл-Д, данитол* каби препаратлар ўрганилиб, ғўза, беда, маккажўхори ҳамда сабзавот экинларида учрайдиган заараркунандаларга қарши кенг синалди ва тавсиялар берилди.

ЎзЎҲИда пиретроидларнинг ғўзага таъсири ва чигит ҳамда олинадиган мой таркибида қолдиқлари бўлиши мумкинлиги ўрганилди. Аниқланишича, *сумицидин, цимбуши, рипкорд, децис* каби пиретроидлар заараркунандасиз ғўзага сепилгандан хосил камаймаган, балки бироз ошган ҳам. Ғўза ўсиши даврида пиретроидлар 4 марта (ҳар 25 кунда бир) сепилгандан, бу препаратларнинг қолдиғи чигит ва ёғда топилмаган.

Шундай килиб, пиретроидлар гуруҳига киравчи препаратлар энг юқори самарали ва юқори талабларга жавоб берганлиги сабабли улар кенг жорий этилган эди. Лекин ўтган йиллар мобайнида пиретроидларга нисбатан бардошлилик юзага кела бошлади. Шу боис, ҳозирги даврда узоқ йиллардан бери ишлатилиб келинаётган пиретроидларнинг самараси

пасаяётганлиги маълум бўлди. Шунинг учун пиретроидларнинг янги намуналари яратилиб, бардошликтининг олдини олиш механизмлари кашф этилаяпти.

**Арриво (цимбуши, циракс, нурелл, шерпа, Ципи, циперметрин).** Соф моддаси: циперметрин- $\alpha$ -циано-3-феноксибензил-2,2-диметил-3-(2,2-дихлорвинил)-циклопропан –карбоксилат. Синтетик пиретроидларнинг биринчи авлодига мансуб бўлиб, у деярли барча техник, сабзавот-полиз экинларини ҳамда боф дараҳтларини ва яйловларни (чигирткадан) турли зааркундалардан (ўргимчакканадан ташқари) ҳимоя қилишда 1981 йилдан бери ишлатилиб келинади. Препаратни дунёдаги йирик пестицид ишлаб чиқарувчи фирмалар яратиб, уни турлича аташган. Жумладан, у Ўзбекистонда ҳам циперметрин номи билан ишлаб чиқарилади. Барча ишлаб чиқарувчилар уни 25% ли эмулсия концентрати (эм.к.) шаклида тайёрлашади, яъни 1 л препарат 250 мл соф моддага эга.

Циперметрин номли фаол (соф) моддага эга бўлган препаратлар ҳашаротларга сиртдан ва ичдан таъсир этади. Булар системали (ўсимлик орқали) таъсир этиш қобилиятига эга эмас. Препарат аннотациясига кўра, циперметрин исиққонли ҳайвонларга ўртacha таъсир этадиган бирикмалар қаторига киради ( $\text{ҮД}_{50}$  каламушлар учун 242-542 мг/кг га тенг); тери орқали кам заҳарли ( $\text{ҮД}_{50}$  – 3000 мг/кг га). Куруқ ва салқин жойда 2-3 йил мобайнинда кучини йўқотмайди.

Ўзбекистонда 15 хил экин ҳамда яйловларда турли зааркундаларга қарши турли сарф-меъёрда (0,14-1,6 л/га) қўллашга рухсат этилган (Рўйхат, 2010).

**Бульдок, 12,5% суспензияли концентрат (сус.к.).** Соф моддаси: бетацифлутрин. Германиянинг Байер фирмаси томонидан таклиф қилинган ушбу инсектицид синтетик пиретроидларга хос барча хусусиятларга эга бўлиб, ўргимчакканалардан ташқари кўпгина сўрувчи ва кемириувчи зааркунда ҳашаротларга қарши юқори самара беради. У ғўза ва олмани ҳимоялашда (0,08-0,2 л/га) ҳамда чигирткаларга қарши (0,04 л/га) қўлланилади (Рўйхат, 2010). Исиққонли

ҳайвонлар учун ўртача заҳарли. Мавсумда бир далада 2 мартагача ишлатишга рухсат берилган.

**Вантекс, 6% сус.к.** Соф моддаси: гамма-цигалотрин. АҚШнинг «Дау Агро сайенсес» фирмаси томонидан ишлаб чиқарилади. Соф моддаси ўртача заҳарли бўлиб, ичдан ва сиртдан таъсир қилиш қобилиятига эга. Барча хусусиятларига кўра каратэ инсектицидига яқин бўлиб, уни ғўзада барча зааркундаларга қарши ( $0,25\text{-}0,3$  л/га) ҳамда тутни тут парвонасидан ҳимоя қилиш учун ( $0,3$  л/га) тавсия этилган. Куруқ ва салқин ерда 2 йил мобайнида ўз хусусиятларини йўқотмайди.

**Данитол, 10% эм.к.** Соф моддаси: фенпропатрин ( $2,2$ ,  $3,3$ -тетра-метил-циклопропан-карбон-1-кислотаси,  $\alpha$ -циан-3-фенок-сибензил эфири). Ўртача заҳарли препарат, у асосан Япониянинг Сумитомо фирмаси томонидан, унинг аналоглари эса Хитой халқ республикасининг Далъяндаги заводида (датрин,  $20\%$  эм.к.) ҳамда Ўзбекистонда (узфен,  $20\%$  эм.к.) ишлаб чиқарилади.

Данитол янги авлод синтетик пиретроидлардан бўлиб, жуда кўп ҳашарот – зааркундалардан ташқари ўргимчак-каналарга ҳам самарали таъсир этади. Таъсири бўйича у инсекто-акарициддир. Қишлоқ хўжалигига бундай эҳтиёж етарлича мавжуд. Фенпропатринли препаратлар  $10\%$  ва  $20\%$  соф моддага эга ҳолида эм.к. ва Фло шаклларида ишлаб чиқарилади. Мутаносиб равишда сарфлаш меъёри ҳам  $1\text{-}2$  л/га дан  $0,5\text{-}1,0$  л/га гача ўзгаради. Ўзбекистонда кенг синалиб, ғўза, олма ва тутни асосий сўрувчи ва кемирувчи зааркундалардан ҳимоя қилиш учун 1989 йилдан бошлаб «Рўйхат»га киритилган. Куруқ ва салқин шароитда камида 2 йил мобайнида сақлаш мумкин.

**Децис, 2,5% эм.к. (децис, 10% эм.к., патриот, 12,5% эм.к.).** Соф моддаси: дельтаметрин, биринчи авлод пиретроидларнинг энг самарали намунаси сифатида ҳали ҳам моҳиятини йўқотгани йўқ. У илк бор Франциянинг «Просида» фирмаси томонидан ишлаб чиқарилган эди. Бу инсектицид кўпроқ

кемирувчи ҳашаротларнинг етук зоти ва қуртларига кучли таъсир кўрсатгани ҳамда соф моддасининг сарф-меъёри жуда кам бўлганлиги (7,5-25 гр/га) сабабли бутун дунёда ва Ўзбекистонда кенг ишлатилади. Ҳозирда ҳам у 18 хил экин ва яйловларни турли зааркунандалардан ҳимоя қилиш учун тавсия қилинган (Рўйхат, 2010). Препаратда соф модданинг миқдорига қараб, сарфлаш меъёри 0,1-1,0 л/га дан (децис, 2,5%), 0,05-0,06 л/га гача (патриот, 12,5%) ўзгарида.

Дельтаметрин иссиққонли ҳайвонлар учун юқори даражада заҳарли моддадир. ( $\text{ҮД}_{50}$  каламушлар учун 128-139 мг/кг, сичқонлар учун эса 33-44 мг/кг).

Ғўзада децисни кузги тунлам, кўсак қурти, оққанот (0,7 л/га), қандала (0,6 л/га) ва ширавларга қарши (0,3 л/га) қўллашга рухсат берилган. Ўргимчакканана кўпайиши мумкин бўлган ерда децис ишлатилса, у кейинчалик кескин кўпайиб кетиши мумкин. Шунинг учун, бундай вазиятда децисга бирор (омайт, неорон, нискоран) акарицид қўшиб ишлатилади.

**Каратэ, 5% эм.к. (каратэ зеон, 5% сус.к.; атилла, 5% эм.к.; кураши, 50 г/л, эм.к.)** Соф моддаси: лямбдацигалотрин, юқори заҳарли кимёвий модда ( $\text{ҮД}_{50}$  каламушлар учун 118 мг/кг га teng). Каратэ ўз хусусиятларига кўра пиретроидларнинг янги авлодига мансуб бўлиб, ҳашаротлар билан бирга ўргимчакканаларга ҳам таъсир этиш қобилиятига эга. Юқори даражада фаоллигига кўра, жуда кам миқдорда соф модда сарфланганида ҳам (5-30 гр/га) юқори самарарага эга бўлинади. Ўзбекистонда уни илк бор картошкани колорадо қўнғизидан ҳимоя қилиш учун тавсия этилган эди (0,1 л/га). Ҳозирда у 11 хил экинларни турли хил сўрувчи ва кемирувчи зааркунандалардан ҳимоя қилиш учун тавсия қилинган. Жумладан фўза (0,4-0,5 л/га), фалла (0,15-0,2 л/га), олма (0,4-0,8 л/га), беда ва маккажўхорини зааркунандалардан, яйловларни чигирткалардан (0,15-0,25 л/га), тутни парвонадан (0,5 л/га) (Рўйхат, 2007) сақлашда қўлланилади.

**Кинмикс, 5% эм.к.** Соф моддаси: бетациперметрин, кам заҳарли. Кинмикс Венгрияning «Хиноин» фирмаси томони-

дан яратилган. Кенг синовлардан ўтказилган кинмикс ҳозирда Ўзбекистонда 7 хил экинни турли сўрувчи ва кемирувчи зааркундалардан ҳимоя қилиш учун рухсат этилган. Жумладан, ғўзани тунламлардан (0,6 л/га), трипсадан (0,2 л/га), картошка ва карамни қўнғиз ва капалаклардан (0,15-0,2 л/га), яйловларни чигирткалардан (0,3-0,5 л/га) (Рўйхат, 2010) саклашда қўлланилади. Талабга жавоб берадиган шароитларда 2 йилгача ўз хусусиятларини йўқотмайди.

**Маврик, 25,8% эм.к. ва 22,3% Фло.** Соф моддаси: флувалинат, ўртacha заҳарли ( $\text{ҮД}_{50}$  каламушлар учун 261-282 мг/кг). Пиретроидларнинг янги авлод намуналаридан бири. Бу препаратга кўпгина ижобий хусусиятлар хос. У биринчидан – инсектицид-акарицид, иккинчидан – асаларилар учун мутлақо безара, шу боис оила бўлиб яшайдиган Ушбу фойдали ҳашаротларни варратоз, яъни уларнинг кушандаси бўлган каналардан ҳоли қилиш учун бемалол қўллаш мумкин ва учинчидан, маврик фойдали энтомофагларнинг кўпгина турлари учун ҳам безараардир. Шунинг учун маврик уйгунашган ҳимоя қилиш тизимларида қўллаш учун жуда мойил. ЎзЎҲИда 1993-1995 йиллар ўтказилган тадқиқотларга асосан, у ғўзанинг барча ер усти зааркундаларига қарши (0,6-0,7 л/га) тавсия этилиб «Рўйхат»га киритилган.

**Сумицидин (фенкилл, фенвалерат), 20% эм.к.** Соф моддаси: фенвалерат, юқори заҳарли модда. Япониянинг Сумитомо фирмаси томонидан таклиф қилинган биринчи авлод пиретроид бўлиб, 1979-1982 йиллари илк бор кенг синовда бўлган. Сумицидинда инсектицидлик хусусияти кучли намоён бўлади, у айниқса тунлам куртларига қарши юқори самара кўрсатган. Шу билан бирга оққанот (0,6 л/га), шира ва қандалаға қарши (0,4-0,5 л/га) ҳам яхши таъсир этади. Рўйхатда ғўздан ташқари 14 та экинни ҳимоялаш учун рухсат берилган. Жумладан: буғдой, сабзавот, қовунни (0,3-0,5 л/га), картошкани (0,3 л/га), олмани (0,3-1,0 л/га), беда, карам, рапс ва бошқаларни ҳимоялаш ҳамда яйловларда чигирткаларга қарши (0,4-0,5 л/га) тавсия этилган. Сумицидиннинг камчиликларидан бири у билан ишловчиларда аллергия аломатлари

тезда намоён бўлади.

**Суми-альфа, 5% эм.к. ва 20% эм.к.** Соф моддаси: эсфенвалерат. Суми-альфа Япониянинг Сумитомо Кемикал фирмаси томонидан 1990 йиллари таклиф қилинган. Унинг соф моддаси олдинги сумицидин препарати изомерларидан бирини ажратиб олиб тузилган. Барча кўрсатмалари бўйича у сумицидиндан ижобий фарқ қиласди.

Эсфенвалерат ўртача заҳарли бирикма ( $\text{ҮД}_{50}$  каламушлар учун 399 мг/кг га тенг). У сиртдан ва ичдан таъсир қилиш қобилиятига эга бўлиб, ишлатилганидан кейин самара жуда тез намоён бўлади ва самараси 10-20 кун мобайнида давом этади. Бундан ташқари, эсфенвалерат хуркитиш (репеллент) ҳамда заараркунандани овқатланишдан тўхтатишиш (антифидант) хусусиятларига ҳам эга. Кўп йиллар мобайнида олиб борган тадқиқотлар натижасида, суми-альфа Ўзбекистонда 10 хил экинни ҳимоя қилиш учун рухсат этилган. Жумладан, ғўзани оққанот ва кўсак қуртидан (0,5-0,6 л/га), олмани меваҳўрдан (0,5-1,0 л/га), буғдойни асосий ҳашаротлардан (0,2-0,3 л/га) ҳимоялаш, шунингдек чигирткаларга қарши (0,2-0,4 л/га) тавсия этилган.

**Талстар, 10% эм.к. (пиларстар).** Соф моддаси: бифентрин, ўта заҳарли модда ( $\text{ҮД}_{50}$  каламушлар учун 54,2 мг/кг га тенг). Американинг ФМС фирмаси томонидан таклиф этилган бу препарат Ўзбекистонда кенг синалиб, ижобий хулосаларга сазовор бўлган. У самарали инсектицид бўлиши билан бирга акарицид ҳамдир. Шунинг учун ҳам у республикада 5 хил экинни ҳимоя қилишга рухсат этилган. Аммо, энг муҳими ғўза бўлиб, унда қуйидаги заараркунандаларга қарши тавсия этилган: оққанот, ўргимчаккана, кўсак қурти ва карадрина (0,6 л/га), шира (0,3 л/га) ва трипсга (0,3-0,45). Олмани ҳимоя қилиш учун – 0,4-0,6 л/га, помидорда – 0,4-0,6 л/га ва тутда – 0,5 л/га (Рўйхат, 2010) меъёrlарда қўлланилади. Талстар кўп йиллар мобайнида республика далаларида кенг қўлланиб келинади. Бир мавсумда бир даланинг ўзида ўргимчакканага қарши 2 ва ундан кўп марта ишлатилса, кейингиларида канага қарши самараси кескин пасайиб кетади. Препаратнинг шакли

қулай, ҳиди паст, аллергия чақирмайды, куруқ ва салқин шароитларда 2-3 йил ўз хусусиятларини йўқотмайды.

**Требон, 30% эм.к. ва 10% Фло.** Соф моддаси: этофенпрокс, пиретроидлар ичидан энг кам заҳарли бирикма ( $\text{ҮД}_{50}$  каламушлар учун ичдан таъсир қилганда 40000 мг/кг га тенг). Бундан ташқари, бу модда кўпгина фойдали ҳашаротлар учун ҳам хавфсизdir.

Требон сиртдан ва ичдан таъсир этадиган инсектицидdir. У Япониянинг «Мицуи Тоацу» фирмаси томонидан 1988 йили таклиф қилинган. Шу йиллари ўтказилган тадкиқотлар натижасида требонни ғўзада кўсак қурти ва шираларга қарши самарали инсектицид деб топилиб, Рўйхатга 1991 йилдан бошлаб киритилган (соф моддаси бўйича 50-100 г/га).

**Фастак, 10% сус.к. (трамп, фаскорд).** Соф моддаси: альфа-циперметрин. Бу модда циперметтринга хос изомерлар орасидан энг самаралисими ажратиб олиш маҳсулидир. Альфа-циперметрин бир қатор ижобий хусусиятларга эга: у иссиқёнли хайвонлар ҳамда асалари ва пардақанотли энтомофаглар учун кам заҳарлидир, сарф-меъёри жуда оз (соф моддаси бўйича 10-30 г/га), кўзланган обьектларга қарши эса юқори самаралидир. Буларга энг аввал чигирткалар, колорадо қўнғизи ва ғўзада кўсак қурти киради.

Ўзбекистонда фастак қуйидаги экинларда заарли обьектларга қарши тавсия қилинган: ғўзада кўсак қуртига (0,25 л/га), картошкада колорадо қўнғизига (0,07-0,1 л/га), яйловларда чигирткаларга қарши (0,1 л/га) (Рўйхат, 2010).

**Фьюри, 10% с.э.к.** Соф моддаси: зета-циперметрин, ўртача заҳарли ( $\text{ҮД}_{50}$  каламушлар учун ичдан таъсир этганда 385 мг/кг га тенг). АҚШнинг ФМС фирмаси томонидан 1992 йили таклиф қилинган циперметриннинг самарали изомерларидан бири асосида тузилган. Препарат қуйидаги ижобий хусусиятларга эга: зааркунандаларга нисбатан юқори самара-га эга, сарф-меъёри жуда оз (фаол модда бўйича 10-30 г/га), чидамлиликни тез вужудга келтирмайди, кўллаш учун қулай ва тежамлидир. Препарат таркибига унинг самарадорлигини

оширувчи шундай қўшимча моддалар киритилганки, улар биргаликда ҳашаротларда чидамлилик юзага келишининг олдини олади. Ўсимликлар учун мутлақо заарсиз, атроф-мухитни кам ифлослантиради.

Ўзбекистонда фьюри 7 хил экинларни химоя килиш учун рухсат этилган. Жумладан, ғўзада: трипс ва қандалалар (0,2 л/га), шира ва ғўза тунлами (0,3 л/га), чигирткаларга қарши (0,08-0,1 л/га) тавсия этилган, шунингдек картошка (0,1-0,15 л/га), тут (0,15 л/га), карам (0,1-0,3 л/га), узум ва олмани (0,25 л/га) химоялашда қўлланилади (Рўйхат, 2010).

### **3-боб. АРАЛАШТИРИЛГАН ИНСЕКТИЦИД-АКАРИЦИДЛАР**

(дельтафос, нурелл-Д, политрин-К, энджео-К, люметрин)

**Дельтафос, 36% эм.к.** Таркиби 2 та инсектициддан ташкил топган: биринчиси пиретроид (дельтаметрин), иккинчиси ФОБ – триазофос. Ҳар иккаласининг миқдорий нисбати турличадир. Ҳар 1 л бундай тайёр аралашма таркибида 10 мл дельтафос ҳамда 350 мл триазофос мавжуд. Дельтафос ўртача заҳарли бирикмадир ( $\text{ҮД}_{50}$  каламушлар учун ичдан таъсир этганда 272,8 мг/кг га тенг). Бундай аралашма тайёrlашдан бир нечта мақсад қўзланган. 1. Дельтафос қўлланилганда зааркунандаларга қарши янада баландроқ биологик ва бошқа самараларга эга бўлиш. 2. Децисга (дельтаметрин) хос камчиликни бартараф қилган ҳолда, дельтафос қўллаб ҳашаротлардан ташқари ўргимчакканага ҳам қарши курашиш.

Юқорида қайд этилган натижаларга эришишнинг сабаби шундаки, пиретроидга ФОБ аралаштириб қўлланганда жамғарилган (аддитив) самарадан ташқари синергизм, яъни бирининг кучини бири ошириш ҳодисаси рўй беради. Ҳақиқатда ҳам дельтафоснинг самарадорлиги юқори бўлганлиги учун, у ғўзанинг барча зааркунандаларига қарши қўйидаги сарф-меъёrlарда қўлланилиб келинайти: шира ва трипсга қарши – 1,0 л/га, ўргимчакканага – 1,25 л/га, оққанотга – 1,25-1,5 л/га, қўсак курти ва карадринага қарши эса – 1,5 л/га. Бундан таш-

қари у тут парвонасига қарши (0,6-0,8 л/га) тавсия қилинган (Рўйхат, 2010).

**Люметрин, 12% эм.к.** Соф моддалари 2 бирикмадан иборат: бета-циперметрин (кинмикс) ва хлорпирифос (дурсбан); ўртача заҳарли. Препарат инсектицид-акарицид бўлиб, бир-бирининг ижобий хусусиятларини яхшилади: юқорироқ самара ҳамда бир йўла ўргимчакканаларни ҳам самарали кириб ташлади. Тайёр препарат сиртдан ҳамда ичдан таъсир этиб, қисман ўсимлик ичига чуқурлашиб қобилиятига эга.

Ўзбекистонда люметрин ғўзани кўсак қуртидан (1-1,5 л/га), олмани олма қурти ва қалқондорлардан (0,25-0,4 л/га), карамни карам куясидан (0,45-0,6 л/га) ҳимоя қилиш учун тавсия қилинган (Рўйхат, 2010). Ғўзада етилишдан 30 кун, олма ва карамда эса 40 кун илгари ишловни тўхтатиш лозим.

**Нурелл-д, 55% эм.к. (сайрен-С, тагрелл-Д, урелл-Д, Ципи плюс, циперфос).** Соф моддалари 2 қисмдан иборат: циперметрин (5%) ва хлорпирифос (дурсбан) – 50%. 1 л препарат таркибида 50 мл циперметрин билан 500 мл хлорпирифос мавжуд. У аралаштириб тайёрланган препаратлар ичida энг биринчиси ва энг омадлисиdir. Шунинг учун ҳам у бир неча йирик фирмалар томонидан ишлаб чиқилиб, дунё бўйича кенг жорий этилмоқда. Ўзбекистонда ҳам 1987 йиллардан бери қўлланилиб келинади. Аралашма кўсак қурти ва ўргимчаккана каби қийин заҳарланадиган обьектларга қарши юқори самара олишда қўл келган инсекто-акарициддир. Нурелл-Д ўртача заҳарли пестицид ( $\text{ҮД}_{50}$  каламушлар учун ичдан таъсир кўрсатганда 245 мг/кг га teng). Нурелл-Д қуйидаги экинларни ҳимоя қилиш учун рухсат этилган: ғўзани шира ва трипс (1,0 л/га), оққанот, ўргимчаккана ва кўсак қуртидан (1,5 л/га), шунингдек олма (1,0 л/га), буғдой (0,5 л/га) ва тут (1,0-1,5 л/га) зааркунандаларига қарши қўлланилади. Айrim ҳолларда (иссиқ ва юқори намлик ҳамда юқори эритма қуюқлигига) препарат ўсимликнинг нозик баргларини куйдириши ҳам мумкин.

**Политрин-К, 31,5% эм.к.** Таркибида 30% профенофос

(политрин) ва 1,5% лямбдацигалотрин (каратэ) мавжуд. Бу пестицид ҳам пиретроид+ФОБ аралашмаларида содир бўладиган ижобий хусусиятларга эришиб, рухсат этилган экинларни юқори самара билан зааркунандалардан химоя қиласди. У ўртача заҳарли бирикма. Ўтказилган тадқиқотлар шуни кўрсатдики, политрин-К кўсак қуртининг катта ёшлари ҳамда ўргимчакканага қарши аралашмадаги ҳар бир компонентга нисбатан анча юқори самара беради (кўсак қуртига – 85-92%, ўргимчакканага эса 22 кун мобайнида 91-98% биологик самара). «Рўйхат»да политрин-К ғўзада шира ва трипсга қарши 0,5 л/га, қолган барча зааркунандаларга қарши – 1,0 л/га сарфлаш меъёри билан тавсия қилинган. Бундан ташқари, тут парвонаси (0,75 л/га) ва чигирткаларга қарши ҳам (0,5 л/га) тавсия этилган.

**Энджео-К, 24,7% сус.к.** Таркибида иккита модда: тиаметоксам (энджео) ҳамда лямбдацигалотрин (каратэ) мавжуд. Мазкур инсектицид-акарицид Швейцариянинг Сингента фирмаси томонидан тайёрланади. Ўртача заҳарли бу аралашманинг зааркунандаларга қарши самараси жуда юқори. У қўйидаги экинларда тавсия қилинган (Рўйхат, 2010). Ғўзада барча зааркунандаларга қарши (0,2 л/га) ва тутларда тут парвонаси ва сўрувчи зааркунандаларга (0,2 л/га) қарши қўллашга рухсат этилган.

#### **4-боб. ИХТИСОСЛАШГАН АКАРИЦИДЛАР**

(вертимек, гризли, зум, митак, неорон, ниссоран, омайт, ортус, олтингугурт, титарон, флумайт)

**Вертимек, 1,8% эм.к. (пилармектин).** Соф моддаси: абамектин. У тупроқ микроорганизми – *Streptomyces avermititidis* маҳсулидан олинган модда бўлиб, таркиби бўйича ҳеч бир мавжуд кимёвий бирикмаларга ўхшамайди. Абамектин заҳарлилиги бўйича IV-синфга киради (ЎД<sub>50</sub> каламушлар учун 10 мг/кг). Лекин, фаол модда препарат таркибида жуда оз (1 л дорида 18 гр) ва ҳар гектарга сарфи 2-10 г бўлганлиги сабабли, бу кўрсаткичнинг амалий аҳамияти қолмайди. Кўп

мамлакатларда, жумладан Ўзбекистонда ўтказилган тадқиқотлардан аён бўлишича, вертимек энг аввал – бу акарицид. Турли хил ўргимчакканаларга қарши (8 оёкли, 4 оёкли) вертимекнинг самараси жуда юқоридир (0,3-0,4 л/га). Бундан ташқари, у инсектицид ҳамdir. Вертимек айникса ўсимлик баргларида ғовак из қолдирувчи пашша ва куяларга қарши тенги йўқ юқори самара беради. Абамектин ўсимлик сатҳидан нисбатан тез парчаланиб кетади, аммо унинг ичига (тўқималарга) сингган ҳолда препарат самарасини узок давом этишига сабабчи бўлади. Шунинг учун абамектин кўп табиий фойдали ҳашаротларга нисбатан хавфсиз бўлиб қолаверади. Абамектин кўпроқ ичдан, яъни заараркунанданинг ичига озиқа билан бирга кирганидан кейин таъсир кўрсатади, аммо қисман сиртдан ҳам таъсир этади (Дай, 1983; Балл, 1984). Абамектиннинг бўғимоёқли жониворларга таъсир этиш механизми ўзга инсектицидлардан фарқ этиб, мужассамлаштирганда қўйидагича ўтади. Абамектин тирик жисмнинг нерв тизимиға таъсир этади, лекин бу бошқа йўл билан амалга оширилади. У гамма-аминомойли кислота фаоллигини кучайтириш йўли билан жисм мушакларига ахборот бериш механизмини сусайтиради. Бунинг натижасида, жисм қайтарсиз шикастланиб ўлади (Меллин, 1983). Абамектин заараркунанда тухумларига таъсир этмайди. Ўзбекистонда вертимекни асосан ғўзани ўргимчаккана (0,3-0,4 л/га), шира, трипс (0,4 л/га) ва кўсак куртидан (0,4-0,5 л/га); помидорни занг канасидан (0,1-0,2 л/га) ҳамда иссиқхоналарда чиннигулни ўргимчакканалардан (0,35-0,4 л/га) ҳимоя қилиш учун руҳсат этилган (Рўйхат, 2010).

**Гризли, 36% эм.к.** Соф моддаси: хлорфенопир, ўртача заҳарли модда (ЎД<sub>50</sub> каламушлар учун 283-884 мг/кг га тенг). Гризли асосан сиртдан таъсир этувчи янги авлод бирикмаларга оид жуда кучли акарицид. Бундан ташқари йўлдош заараркунандаларга қарши инсектицидлик хусусиятлари ҳам мавжуд. Шуларга қарамасдан, Ўзбекистонда гризли (БАСФ Агро фирмаси) асосан ўргимчакканаларга қарши ишлатиш

учун тавсия этилган: ғўзада – 0,3-0,375 л/га, олмада – 0,25-0,4 л/га, помидорда эса занг канасига қарши – 0,25 л/га меъёрда.

**Демитан, 20% сус.к.** Соф моддаси: феназахин, ўртача заҳарли ( $\text{ҮД}_{50}$  каламушлар учун 134-199 мл/кг га тенг). Тери орқали суст таъсир этади. Демитан АҚШ нинг Дау Эланко фирмаси томонидан яратилган, у янги кимёвий бирикмалар қаторига кирибгина қолмай, янгича таъсир ўтказиш қобилиятига ҳам эга. Демитан асосан ўсимликхўр каналарга қарши ишлатиш учун мўлжалланган янги акарицид. Аммо юқори сарфлаш миқдорларида у шира, трипс каби ҳашаротларга ҳам таъсир кўрсатиши маълум бўлди. Демитан қуш, асаларилар ҳамда бир қатор фойдали ҳашаротлар учун хавфсизdir. Аммо у балиқлар учун хавфли, шунинг учун препаратни сув иншоотларига тасодифан тушиш имкониятининг олдини олиш чораларини амалга ошириш керак. Демитан ўргимчакканага сиртдан ва ичдан таъсир ўтказади. Унинг таъсири узок муддат (25-30 кун) давом этади. Демитан зааркунанданинг личинка ва етук зотидан ташқари тухумига ҳам (яхши қоплаганда) самара кўрсатади. Унинг каналарга нисбатан таъсир қилиш қобилияти жуда ҳам кенг бўлганлиги сабабли, у ҳозирда жуда кўп давлатларда боғ ва бошқа экинларни ҳимоя қилишда қўлланилади. Демитан ғўзани ўргимчакканадан ҳимоя қилиш учун (0,8 л/га) ҳамда боғ дараҳтларини ўсимликхўр каналардан (0,08% ли қуюқликда) ҳимоя қилиш учун (0,8 л/га) тавсия қилинган. Ўсимликларни бир мавсум даврида 2 мартағача ишлаб, ҳосил етилишидан 30 кун илгари пуркашни тўхтатиш лозим. Махсус тадкиқотларимизда демитан ғўзадаги шира ва трипсни ҳам 85-95% га камайтириши маълум бўлди.

**Зум, 10% сус.к.** Соф моддаси: этоксазол, кам заҳарли (2-синф). Япониянинг Сумитомо фирмаси томонидан яратилган, бир қатор ижобий хусусиятларга эга: кам заҳарли, ишлатиш учун қулай ва хидсиз, ўргимчакканаларнинг барча турларига қарши юқори самара беради, сарфлаш ҳажми оз, атроф-муҳит учун заарсиз. Зааркунандага сиртдан таъсир этиб, унинг тухум, личинка ва нимфа шаклларини ўлдиради, етук зотини

эса бепушт (куйган тухумидан кана очиб чиқмайды) қилиб қўяди. Шунинг учун ҳам зум ўргимчаккана қийғос кўпайиб кетганда эмас, балки популяция эндиғина ривожлана бошланган пайтда ишлатилса, юқори самарага эга бўлиниб, зараркунанданинг нуфузи пасайтирилади. Ўзбекистонда зум ғўзада ўргимчакканага қарши ( $0,25$  л/га) қўллаш учун рухсат этилган. Ишловни трактор ҳамда қўл аппаратлари ёрдамида ўтказиш мумкин.

**Митак, 20% эм.к.** Соф моддаси: амитраз, кам заҳарли ( $\text{ҮД}_{50}$  каламушлар учун ичдан таъсир этганда  $800\text{-}1600$  мг/кг га тенг). Германиянинг Байер фирмаси таклиф қилган. Митак ихтисослашган акарицид ҳисобланади, аммо унинг капалак куртларига нисбатан инсектицидлик хусусиятлари ҳам мавжуд. Чорвачиликда айрим ҳайвонларда яшовчи каналарга қарши ҳам ишлатилади. Асалариларга безарап бўлганлиги учун, уни варратозга қарши ҳам ишлатиш мумкин. Пахтачилкда уйғунлашган ҳимоя қилиш тизимида қўллаш яхши самара беради, чунки митак кўпгина фойдали ҳашаротларга безарадир. Ташки муҳитда, жумладан тупроқда тез парчалиниб кетади.

Ўзбекистонда митак 6 хил экинни ҳимоялаш учун тавсия этилган. Булар ичида энг асосийси кана бўлиб, ғўзада –  $2\text{-}3$  л/га, олмада –  $3\text{-}6$  л/га, нок ва шафтолида –  $3\text{-}4,5$  л/га ҳамда помидорнинг занг канасига қарши –  $2,5$  л/га меъёрда қўлланилади. Бошқа зараркунандалардан шира, окқанот, меваҳўр куртлар ва ҳатто қўсак қуртига қарши ҳам қўллаш мумкин. Қишида паст ҳаво ҳароратида идиш тагида митак чўкма ҳосил қиласди. У иситилса яна ўз ҳолатига қайтади ва зарари бўлмайди.

**Неорон, 50% эм.к.** Соф моддаси: бромпропилат, кам заҳарли ( $\text{ҮД}_{50}$  каламушлар учун  $5000$  мг/кг га тенг). Кимёвий таркиби бўйича тубдан фарқ қиласиган бу бромсакловчи бирикма ихтисослашган акарицид ҳисобланади. У 1975 йиллари Швейцариянинг Сиба фирмаси томонидан татбиқ қилинган.

Неорон сиртдан ҳамда фумигант сифатида таъсир этадиган акарициддир. У ўсимликнинг тўқималарига ўта олади. Кананинг барча шакллари учун заҳарли бўлиб, препаратнинг ўсимликдаги қолдиги 40 кунгача сақланади. Ўсимликлардаги препарат об-хаво шароити таъсирида, шунингдек нордон ва ишқорли мухитда парчаланади. Фосфоррганик бирикмаларга чидамли каналарни йўқотишда самарали натижа беради. Ўзбекистоннинг турли вилоятларида ўтказган тадқиқотларимизда неоронга нисбатан бардошлилик вужудга келмади. Акарицидларни навбатлаш тизимларида қўллаш тавсия этилган. Бунда ғўзада гектарига 1-1,2 л сарфланади. Неорон билан ишлов бериш пахта етилишидан 20 кун олдин тўхтатилиши лозим. Республикада неоронни турли каналарга қарши токда – 1,2-1,8 л/га, олмада – 1,5-3,0 л/га ва цитрус экинларида – 4,5 л/га меъёрда қўллаш мумкин (Рўйхат, 2010).

**Нискоран, 10% н.кук. ва 5% эм.к.** Соф моддаси: гекситиазокс, кам заҳарли модда. Япониянинг Ниппон Сода компанияси томонидан 1980 йиллари кашф этилган. Нискоран ихтисослашган акарицид бўлиб, унга бир қатор ижобий хусусиятлар хос. У асосан кананинг тухум, личинка ва нимфасини ўлдиради, етук зотини пуштсиз ёки қўйган тухумидан личинка очиб чиқмайдиган қилиб қўяди, таъсири узоқ вақт (40 кунгача) давом этади, бошқа препаратларга чидамли бўлган популяцияларни киради, фойдали ҳашаротларга мутлақо таъсир этмайди, деярли барча ўсимликхўр каналарга қарши ишлатиш мумкин.

Ўзбекистонда нискоранни 2 та экинда қўллашга руҳсат берилган (Рўйхат, 2010): ғўза ва боғда. Ғўзада 10% ли шакли – 0,1 кг/га, 5% лиги эса – 0,2 л/га; олмада мос ҳолда – 0,3 кг/га ва 0,6 л/га меъёрда қўлланилади. Бир мавсумда олмада бир марта, ғўзада эса 2 марта қўллаш мумкин. Нискоран ўргимчакканалар кўпая бошлаган пайтда қўлланилса, юқори самара олинади. Кана кучли ривожланган бўлса, нискоранни бирор имагоид акарицидга (омайт, неорон, БИ-58) қўшиб ишлатиш лозим.

**Кельтан, 20% эм.к. ва 18,5% н.кук.** Соф моддаси: дикофол, кам заҳарли модда ( $\text{ҮД}_{50}$  600-1085 мг/кг га тенг). Ихтисослашган хлорорганик акарицид, асосан ўргимчакканаларга қарши мўлжалланган. Дикофол сиртдан таъсир қиладиган, дастлабки пайтда кучли заҳар ҳисобланадиган акарициддир. У ўргимчакканага қарши қўлланилганда 30 кунгача заҳарлилигини йўқотмайди. Асалари ва фойдали ҳашаротларга зарар етказмайди. Бир неча марта қўлланганда ўргимчакканада бу бирикмага қарши чидамлилик ҳосил бўлиши аниқланган (С.А. Рославцева), лекин айни вақтда фосфорорганик бирикмаларга нисбатан кашф этилган чидамлилик кескин даражада пасайиши мумкин (А.А. Смирнова). Шунинг учун ҳам акарицидларни навбатлаш тизимларида дикофолдан фойдаланиш мумкин.

Ғўзада дикофолдан акарицидларни навбатлаш тизимларида (гектарига 3-5 кг дан) фойдаланилади. У тавсия қилинган меъёрда сарфланганда ғўзага зарар етказмайди. Дикофолдан юқори самарага эришиш учун ишлов бериш вақтида ғўза баргининг орқа томони препарат билан тўлиқ қопланишига эришиш зарур. Шу мақсадда ҳар гектарга 300 л гача суюқ эритма сарфланади. Ҳосил йигим-теримидан 20 кун олдин ишлов бериш тўхтатилади.

**Омайт, 57% эм.к. 570 EW, (даргит, узмайт).** Соф моддаси: пропаргит, кам заҳарли ( $\text{ҮД}_{50}$  қаламуш ва сичқонлар учун 1800-2000 мг/кг га тенг) АҚШ нинг Юниројл фирмаси томонидан кашф этилган. Пропаргит ихтисослашган акарицид, таркибида олтингугурт мавжуд. Пропаргит каналарнинг личинка ва етук зотларига нисбатан юқори ва давомли таъсир этади. Шу билан бирга, омайт асалари ва бошқа фойдали ҳашаротларга нисбатан заарсиздир.

Ўзбекистонда омайт 8 хил ўсимликни ўргимчакканалардан ҳимоя қилиш учун қуйидаги меъёрда тавсия қилинган (Рўйхат, 2010): ғўзада – 1,5 л/га, олмада – 1,5-3,0 л/га, цитрус экинларида – 4,5 л/га, токда – 1,2-1,8 л/га, олчада – 0,9-1,2 л/га ҳамда помидор ва картошка занг канасида – 1,5 л/га. Омайтни

бошқа препарат – инсектицидлар (ИСО дан ташқари) ёки фунгицидлар (мис купороси ва бордо суюқлигидан ташқари) қўшиб ишлатиш мумкин. Ўзбекистонда узмайт, даргит каби аналоглари ишлаб чиқарилади. Минтақамизда 1978 йилдан бери татбиқ қилинган омайтга нисбатан чидамли ёки бардошли ўргимчакканага популациялари учрамаган.

***Ortus, 5% сус.к.*** Соф моддаси: фенпироксимат, кам захарли модда. Ихтисослашган акарицид, 2 хил таъсир этиш механизмига эга. Биринчидан, тавсия этилган сарф-меъёрларда ортус ўргимчакканага нисбатан ўткир ва тез самара кўрсатади, иккинчидан, тахминан 10 марта камайтирилган дозада (ёки парчаланиш оқибатида барг юзасидаги миқдори камайганида) ортус гормонал инсектицид сифатида таъсир кўрсата бошлайди (яъни кананинг личинкалари ёшдан-ёшга пўст ташлаб ўтиш жараёнини бузади, личинка ёрилиб ўлади). Ортусга бир қатор ижобий хусусиятлар хос: турли хил ўргимчакканаларга нисбатан самаралидир; тез олинадиган самара узоқ давом этади; тухумидан ташқари, барча шаклларини қиради; фойдали ҳашаротларга нисбатан зарарсиз; юқори ҳарорат ва намгарчиликка бардошли; сарф-меъёри юқори эмас (бир гектарга 40 г фаол модда). Деярли барча инсектицид ва акарицидлар билан қўшиб ишлатиш мумкин (ИСОдан ташқари). Ўзбекистонда ғўзада ўргимчакканага қарши ишлатиш учун рухсат берилган (0,75 л/га) (Рўйхат, 2010). Препарат Япониянинг Нипон Нојку компанияси томонидан ишлаб чиқарилади.

**Олтингугуртли акарицидлар.** Соф моддаси: кальций полисульфид ( $\text{CaSx}$ ), кам заҳарли. Амалиётда олтингугуртнинг оддий анорганик бирикмалари (олтингугурт кукуни, коллоид ва намланувчи кукуни) ҳамда оҳак олтингугурт қайнатмаси ишлатилади. Бу препаратлар ўргимчакканага қарши қўлланилиши билан бир қаторда ун-шудринг замбуруғлари чакирадиган оидиумни йўқотишда яхши фунгицид бўлиб хизмат қиласи.

Олтингугуртли препаратларнинг акарицид ва фунгицид

сифатида фаол таъсир қилишининг боиси шундаки, ҳарорат жуда юқори бўлганда оддий олтингугуртнинг буғлари ажраблиб, тери орқали организмга ўтади. Водороднинг акцептори бўлгани ҳолда, олтингугурт гидролизланиш ва дегидролизланиш реакциялари бир меъёрда кечишини издан чиқаради. Шу билан бирга олтингугурт-водород брикмаси ҳосил бўлади, бу эса организмни ўлдиради.

**Олтингугурт қукуни** таркибида 95-99% оддий олтингугурт бўлади. Препарат нам тўпламайди ва сақлаб қўйилганда қотиб қолмайди, аммо заррачалари осонгина ёпишиб кичик юмшоқ кесакчаларга айланади. Олтингугурт қукуни ўз-ўзидан ёниб кетиши мумкин, шунинг учун унга минерал ўғит, айниқса азотли ўғит аралашишига йўл қўйиб бўлмайди. Текис сепилиши ва яхши ёпишиб қолиши учун оҳак ёки кулга олтингугурт қукуни 1:1 нисбатда аралаштирилади. Ўргимчакканага қарши фўзага олтингугурт қукунини ҳар бир ўсимликка 2-4 гр сарф қилиб чанглатилади. Ишлов хавфсизлик талабларига риоя қилган ҳолда қўл аппаратлари ёрдамида амалга оширилади.

**Коллоид олтингугурт ва намланувчи қукун.** Коллоид олтингугурт таркибида (куруқ модда ҳисобида) 97% олтингугурт бўлади. Ғўзадаги ўргимчакканага қарши унинг 1-1,5% ли концентрацияси ишлатилади, барглар тўлиқ ҳўлланиши учун гектарига 500-600 л сув сарф қилинади. Коллоид олтингугурт паста ҳолида чиқарилади. У очиқ қолса қуриши ва кесакчаларга айланishi мумкин. Шу сабабдан нам ўтказмайдиган идишларда сақланади.

Олтингугуртнинг **намланувчи қукунини** тайёрлаш учун заррачаларнинг катталигини 1-5 микрон даражасигача келтириб маҳсус тегирмонларда майдалаш зарур. Шундагина тайёрланадиган суспензия тез чўкмага тушмайди. Намланувчи қукунда майдаланган олтингугуртдан (90-95%) ташқари эмульгатор ва ҳўлловчилар бўлади. Ўргимчакканани йўқотишда унинг 1% ли суспензияси ишлатилади.

Препаратнинг сув билан аралашмаси узоқ муддат чўкмай

туради ва ўсимликка яхши ёпишади, бинобарин олтингугурт кукунига нисбатан кўпроқ самара беради. 1983 иили ИБОХ ходимлари томонидан (Х. Исаев ва б.) олтингугурт намланувчи кукунининг янги 90% ли шакли таклиф этилди. Бунда, олтингугурт кукуни ишлатишдан олдин маҳсус тегирмонда майдаланади. Заррачаларнинг йириклиги 20-25 микрондан 5-6 микронгача кичраяди. Бу эса эритма чўкмага тушишининг деярли олдини олади. Кўшимча модда сифатида ПАВ (мой ишлаб чиқариш комбинатининг чиқиндиси) ишлатилади.

Олтингугурт препаратлари фойдали ҳашаротларга тўлиқ хавфсиз эмас. Масалан, маҳсус тадқиқотлар шуни кўрсатдик, олтингугурт чанглатилганда у 5 кун мобайнида трихограммага ва бир кун браконларга хавф туғдирган.

**Оҳак-олтингугурт қайнатмаси (ИСО)** қайнатиш йўли билан тайёрланади. Ҳар 100 л сувга 12 кг олтингугурт кукуни ва 6 кг сўндирилмаган оҳак олинади. Қозонга оҳак солиб, икки ҳисса сув қўйилади ва сўндирилганидан сўнг сув иситила бошланади. Сўндирилгандан қолган оҳак қолдиқлари чиқариб олиниб, тортилади ва ўшанча сўндирилмаган оҳак солинади. Алоҳида идишдаги ўлчаб олинган олтингугуртни озгина сувга аралаштириб аталага айлантирилади ва уни озодан қозонга солинади. Оҳак ва олтингугурт аралашмасига қолган сув ҳам қўйилиб турган ҳолда қайнатилади. Қайнатиш олдидан қозондаги суюқликнинг юзаси (рейка билан) белгилаб қўйилади. Қозондаги суюқлик қайнаган сайин озодан сув қуйиб дастлабки даражага етказиб турилади. Қайнатиш яқунига 15 минут қолганда сув қўшиш тўхтатилади. Қайнай бошлагандан 60-70 минут ўтиб, қозондаги суюқлик тўқ қизил рангга киргач қайнатиш тугалланади. Қайнатма тиндирилади ва ёғоч идишларга (ёғоч бочка) қўйилади. Бундай қайнатма ИСО нинг кўр (асосий) эритмаси дейилади. Оҳакнинг сифатига қараб у ҳар хил қуюқликда (кучда) – Боме бўйича 13 дан  $32^{\circ}$  гача, кўпинча 15 дан  $20^{\circ}$  гача бўлади. Бу эса денсиметрнинг (ареометр) тегишли кўрсаткичлари 1,115 дан 1,162 гача тенг бўлади. Пуркашдан олдин кўр эритмани сувга аралашти-

риш керак бўлади. Ундан қуюқлиги 0,5 ва 1° ли суюқ ИСО эритмасини ҳозирлаш учун 23-жадвалдаги маълумотлардан фойдаланиш лозим. ИСО нинг солиштирма оғирлигини аниқлашда 1,000-1,400 ёки 1,000-1,800 шкалали сульфат кислотали денсиметрдан фойдаланилади.

### 23-жадвал

Маълум даражадаги суюқ эритма тайёrlаш учун  
дастлабки (қўр) қайнатма ИСО ни суюлтириш

Асосий қайнатма ИСОнинг қуюқлиги		Қуйидаги кучда (даражада) 100 л суюқ эритма тайёrlаш учун олинадиган асосий қайнатма миқдори (л)		Асосий қайнатма ИСО нинг қуюқлиги		Қуйидаги кучда (даражада) 100 л суюқ эритма тайёrlаш учун олинадиган асосий қайнатма миқдори (л)	
Денсиметр бўйича со- лиштирма оғирлиги	Боме бўйича кучи (даражада)	0,5°	1°	Денсиметр бўйича со- лиштирма оғирлиги	Боме бўйича кучи (даражада)	0,5°	1°
1,100	13	3,50	7,0	1,190	23	1,80	3,6
1,108	14	3,25	6,5	1,200	24	1,75	3,5
1,116	15	3,00	6,0	1,210	25	1,65	3,3
1,125	16	2,80	5,6	1,220	26	1,60	3,2
1,134	17	2,60	5,2	1,230	27	1,50	3,0
1,143	18	2,45	4,9	1,241	28	1,44	2,9
1,152	19	2,30	4,6	1,252	29	1,40	2,8
1,161	20	2,15	4,3	1,263	30	1,30	2,6
1,170	21	2,05	4,1	1,274	31	1,25	2,5
1,180	22	1,90	3,8	1,285	32	1,20	2,4

Денсиметр бўлмаганида дастлабки қайнатманинг оғирлиги 1 л қайнатмани аниқ тортиб олиб, уни 1000 га тақсимлаб аниқланади. Дастребки қайнатмани икки-уч кундан қўпроқ саклаш учун унга бироз керосин ёки ишлатилган мой қуилади. Қайнатма устига тушган мой пардаси уни

бузилишдан сақлайди. Ўргимчакканага қарши ИСО нинг Боме бўйича  $0,5\text{--}1^\circ$  лиги (солиштирма оғирлиги ҳар квадрат сантиметрга 1,007 грамм) ишлатилади.

ИСО нинг таъсир этиши шунга асосланганки, ҳаводаги карбонат ангидрид ва кислород таъсирида ўсимликнинг сиртида ИСО даги полисульфидлар парчаланиб, акарицид ва фунгицид ҳолида таъсир қила оладиган олтингугурт заррачалари тўзғиб ажралади.

Нотўғри тайёрланган, сақланган ва ишлатилган ИСО нинг юқори концентрацияси ўсимликни куйдиради. ИСО ва олтингугуртли бошқа препаратлар одам, иссиқёнли ҳайвонлар ва фойдали ҳашаротлар учун ҳам заҳарлидир. Шунинг учун уни ишлатганда шахсий хавфсизлик қоидаларига қатъий риоя қилиш лозим.

**Титарон, 30% сус.к.** Соф моддаси: флуакрипирем, кам захарли бирикма. Нисбатан янги, охирги тадқиқотлар маҳсул, ўргимчакканаларга нисбатан ўта юқори самарали, жуда кичик сарф-меъёрда қўлланилади. У Япониянинг Ниппон Сода компанияси томонидан яратилиб, 2000 йиллари тадбиқ қилинган.

Титарон ўргимчакканаларнинг ҳаракатда бўлган шаклларини сиртдан ва ичдан таъсир этиб тезда ўлдиради. Табиатдаги фойдали ҳашаротларга безарар бўлганлиги туфайли, бу самара узоқ давом этади, кимёвий ишлов сони ошиб кетмайди. Титаронни эҳтиёж бўлганда инсектицидлар билан аралаштириб қўллаш мумкин. Титарон ғўзани ўргимчакканадан (0,1 л/га) химоя қилиш учун рухсат берилган (Рўйхат, 2010).

**Флумайт, 20% эм.к.** Соф моддаси: флуфензин, кам захарли, ихтисослашган акарицид. У Венгриянинг «АгроКеми» фирмаси томонидан таклиф қилинган. Флумайт турли экинлардаги турли хил ўргимчакканаларни қиришда қўл келадиган юқори самарали акарициддир. Оддий ўргимчакканадан (*Tetranychus urticae*) ташқари, у мева қизил канаси – *Panonychus ulmi*, чинни-гул канаси – *Tetranychus cinnabarinus*, узум канаси – *Eriophyes vitis* ва бошқа турларни самарали

захарлаши мумкин. Флумайт ўзига хос ҳолда таъсир қилиш механизмига эга. У каналарнинг тухум, личинка ва нимфаларини тўғридан-тўғри ўлдириши билан бирга етук зотининг ичига озиқа билан кириб, уни вояга етаётган ту-хумларини стерил, яъни пуштсиз қилиб қўяди. Натижада тухумидан личинка очиб чиқмайди. Зааркунанда нуфузи эса аста-секин пасайиб, қирилиб кетади. Бундай таъсирни агротоксикологияда овицидлик хусусияти дейилади. Демак, флумайтни ўсимлик ва мева дараҳтларида мавжуд ўргимчакканаларга қарши қишлоvdан чиқиш пайтида (баҳорда) ва ёз ойларида ҳам ишлатиш мумкин.

Зааркунанда кучаймасдан олдин *ривожланишинг бошланишида* флумайт қўллаш юқори натижада беради. Бундай вазиятда битта ишлов билан 40-60 кун мобайнида ўсимликларни ўргимчакканалардан сақлаб туриш мумкин. Флумайт фойдали ҳашаротлар, асалари ва сув ҳайвонлари учун зарарсизdir, бу уни уйғунлашган тизимларда қўлланилишини тақозо қиласди. Ўзбекистонда флумайт ғўзани ҳимоя қилиш учун (0,2 л/га) рухсат этилган (Рўйхат, 2010).

## 5-боб. ГОРМОНАЛ ИНСЕКТИЦИДЛАР

(димилин, номолт, апплауд, адмирал)

**Димилин, 48% сус.к.** Соф моддаси: дифлубензурон. Димилин илк бор кашф этилган биологик фаол моддалар (БФМ) қаторига кирувчи инсектициддир. У 1970 йиллар мобайнида кимёгарлар томонидан кашф этилиб, курт шаклида зарари тегувчи ҳашаротларга қарши қўллаш учун тақдим этилган. Димилиннинг ўзга инсектицидлардан фарқи шундаки, у ҳашаротларнинг нерв тўқималарига эмас, балки куртларнинг ёшдан-ёшга ўтишдаги пўст ташлаш (туллаш) жараёнiga кескин салбий таъсир қиласди, хусусан хитин тўпланишини тўхтатади, сабаби хитин ҳосил қилувчи моддалар эпидермис ҳужайраларининг мембронасидан ўта олмайди. Оқибатда курт ёшдан-ёшга ўта олмай ёрилиб ўлади. Димилин асосан ичдан таъсир ўтказади, яъни у озиқа орқали ичга тушганидан кейин

таъсир этади. Ҳашаротларнинг етук зотларида пуштисизлик келтириб чиқармайди, балки тухумларининг ичидаги йиғилиб, эмбрионнинг эпидермисида хитин ҳосил бўлиш жараёнини тўхтатади. Натижада қуртлар тухумдан чиқа олмай ҳалок бўлади. Бундан ташқари, димилин билан ишлов берилган баргларга қўйилган тухумлардан ҳам қуртлар чиқа олмаслиги мумкин (Буров, 1983). Димилиннинг овицидлик (тухумларни ҳалок қилиш) хусусияти тухум ичидаги ривожланаётган қуртнинг қобигида хитин ҳосил бўлиш жараёнини тўхтатиб қўйиши билан боғлиқдир.

Димилин иссиққонли ҳайвонлар учун мутлақо заарсиздир. Бундан ташқари, жуда кўп тадқиқотлардан шу нарса аён бўлдики, димилин деярли барча табиий кушандаларга нисбатан ҳам заарсиздир (Keever et al., 1977; Pieters, Mitchell, 1981; Hassan et al., 1987; Ходжаев ва б., 2001, 2002). Олтинкўз, кокцинеллидлар, йиртқич қандала ва каналар, чумоли, трихограмма, бракон ва бошқа кушандаларга нисбатан у хавфсиздир. Бу эса, уни ўсимликларни уйғунлашган ҳимоя қилиш тизимларида ишлатиш учун энг самарали ва мақбул эканлигини кўрсатади. Димилин экология нуқтаи назаридан ҳам заарсиздир, чунки у, таъкидлаб ўтганимиздек, иссиққонли ҳайвонлар, жумладан сув ҳайвонлари ва қушларга ҳам хавфсиздир. Димилин ёмғир таъсирида тезда ювилиб кетмайди. У ўз таъсирини узоқ муддатгача (25-30 кун) саклайди, лекин тупроққа тушганда 1-7 кун мобайнида парчаланиб кетади.

Димилин, 48% сус. к. шаклида ва маҳсус сувда эримайдиган аммо ёғда эрийдиган ОФ-6 (6%) ёғли суспензия шаклида ишлаб чиқарилади. Ҳар иккала шакли ҳам Ўзбекистонда чигирткаларга қарши ишлатиш учун тавсия этилган. Тут парвонасига қарши димилиннинг 48% сус.к. 2000-2002 йиллари синовдан ўтказилди, юқори натижалар олинди ва Ўзбекистонда шу заараркунандаларга қарши ишлатиш учун рухсат этилди. Димилин препаратининг ўзига хос хусусиятларидан бири қўллангандан кейинги дастлабки кунлардаёқ ҳашаротларни озиқланишдан тўхтатишидир. Бу даврда ҳашаротлар фаол

ҳаракатининг сусайиши кузатилади. Димилин сепилгандан сўнг 4-5 кун ўтгачгина улар ҳалок бўла бошлайди. Димилин билан ишлов берилган жойларда чигирткалар озиқланишининг тезлиги жуда қисқа вақт ичида пасаяди. Натижада уларнинг ўсимликларга етказадиган зарари ҳам кескин камаяди.

Димилиннинг юқори самарали ва узоқ муддатли таъсирини сақлаган ҳолда, дастлабки 1-2 кунларда ҳам юқори таъсирини таъминлаш мақсадида бир қатор изланишлар олиб борилди ва ижобий натижаларга эришилди. Димилиннинг дастлабки самарасини таъминлаш учун бирор тез таъсир этадиган инсектицид аралаштириб ишлов ўтказиш истиқболли эканлиги исботланди. Бунда синергизм ёки аддитив таъсир қилиш ҳисобига иккита препаратнинг ҳам сарф-меъёрини камайтириш имкони яратилади. Бу ўринда аралашмада қўшилган пиретроид ҳисобига, димилинга хос бўлган атроф-мухитга хавфсизлик йўқотилишини таъкидлаб ўтиш даркор. Тадқиқотлар натижаларига кўра қуйидагиларни таъкидлаш мумкин.

1. Чигирткаларга қарши курашда *димилин* инсектицидини юқори самара билан ишлатиш мумкин (гектарига 30 грамм). Препарат сепилгандан кейинги дастлабки кунларда ёқ юқори самарани таъминлаш учун эса *димилин* (гектарига 15 грамм) + *суми-альфа* (гектарига 100 грамм) аралашмасини қўллаш тавсия қилинади. Бундан ташқари рўйхатда тавсия этилган бирор инсектицидни (*децис*, *фьюри*, *цимбуши*, *карбофос*, *регент* ва б.) қўшиш ва уларнинг сарф-меъёрини қабул қилингандан 50-75 фоизгacha қисқартириб ишлатиш мумкин.

2. Ҳар қандай шароитда ҳам энг юқори самарага эришиш учун инсектициларни илмий-асосланган муддатларда ишлатиш (чигиртка личинкаларининг тухумдан оммавий чиқаётган даври) асосий шарт эканлигини унутмаслик лозим.

Тут парвонасига қарши 2000 йилдан кейин ўтказган тадқиқотларимиздан қуйидаги хуносалар қилинди.

1. Maxsus таъсир этиш хусусияти мавжуд бўлган *димилин*, 48% сус.к. инсектициди тут парвонасига қарши юқори самарага эга. Биологик самара препарат сепилгандан 4-5 кун

кейин намоён бўла бошлайди.

2. *Димилин* самарадорлигининг давомийлиги, уни зарар-кунанданинг қайси бўғинига қарши ишлатилганлигига ҳамда парвона зичлигига (ъини кўпайиши тезлигига) боғлик бўлиб, 30-60 кунни ташкил қилиши мумкин. Демак, ишлов зарарку-нанданинг қанчалик олдинги бўғинларига (2-4) қарши ўтка-зилган бўлса, шунчалик самара давомли бўлиши мумкин. Бундай ахвол тухум ва курт сони кам бўлиб, куртларнинг ёши кичик бўлганда ҳам содир бўлади. Ҳар қандай шароитда ҳам тут парвонасига нисбатан *димилиннинг* самарадорлиги «Рўй-хатда» (2002) келтирилган бошқа инсектицидларнидан юқоридир.

3. Тут парвонасига қарши амалий ишлатиш учун *дими-линнинг* қуйидаги сарф-меъёри тавсия этилади: ҳар гектарга 0,3 л/га, ёки 0,15 литрдан 2 марта (7-10 кун оралаб); димилин-га (0,2 л/га) 20% ли *суми-альфадан* 0,1 л аралаштириб ишлов бериш.

4. *Димилинни* тут парвонасининг 2-4 бўғинларига қарши зараркунанда қийғос тухум қўйиб, ёш куртлари пайдо бўлганда қўллаш энг юқори самара беради. Узоқ муддатли (келгуси йилга) самарага эга бўлиш учун зараркунанданинг қишлоғга кетишга мўлжалланган бўғинларига (6-7) қарши қўлланилса, парвонанинг куртлари қиш мобайнида қирилиб кетади.

Шундай қилиб, жорий этилган тавсияга биноан (Рўйхат, 2010), *димилиннинг* 48% ли сус.к. чигирткалар (30 г/га) ва тут парвонасига қарши (0,3 л/га бир марта ёки 0,15 л/га 2 марта ишлов бериш шарти билан) тавсия этилган. *Димилиннинг* маҳсус сувда эримайдиган шакли – ОФ-6, 6% ли м.с. фақат чигирткага қарши (0,25 л/га) УМО усули билан сепишга мўлжаллаб тавсия этилган.

**Номолт, 15% сус.к.** Соф моддаси: тефлубензурон, Германиянинг БАСФ фирмаси таклиф этган. Гормонал таъсир этиш хусусиятларига эга бўлган инсектицид, *димилинга* хос хусусиятларга эга. Ўзбекистонда олиб борилган тадқиқотлар

натижаларига асосан номолт чигирткаларга қарши ишлатиш учун тавсия этилган (50 г/га). Асосий шартлардан бири – илмий асосланган муддатларда (қийғос личинка очиб чиқиб I-III ёшда бўлиши) қўллаш назарда тутилади. Ишлов ўтказилганидан кейинги дастлабки кунларда ҳам самарага эга бўлиш учун номолт эритмасига бирор имагоцид инсектицидлар (*суми-альфа*, *циракс*, *карбофос*) қўшиб ишлатиш тавсия қилинади.

**Апплауд, 25% н.кук.** Соф моддаси: бупрофезин, кам заҳарли модда. Япониянинг «Нихон Нохиаку» фирмаси томонидан яратилган. Апплауд биологик фаол модда (БФМ) бўлиб, асосан ҳашаротларнинг ўсиб ривожланиш жараёнини бузишга қаратилган (гормонал). Апплауд асосан тенг қанотлилар (*Hemiptera*) туркумига оид сўрувчи ҳашаротларга (оқканотлар, цикадалар ва цитрус қалқондори) нисбатан фаол таъсир қиласи. Унинг таъсирида оқканотларнинг личинкалари пўст ташлай олмай, ёшдан-ёшга ўтиш пайтида ёрилиб ўлади, етук зотлари эса апплауд таъсирида пуштсиз (наслсиз) тухумлар қўяди.

Апплауднинг самараси дастлабки 3-4 кун ичиде сезилмай туради, аммо у 25 кундан кўп давом этади. Сиртдан ва ичдан таъсир қўрсатишидан ташқари, апплауд буғланиш оқибатида газ орқали ҳам таъсир этади. Апплауд Ўзбекистонда фақат оқканотга қарши курашиб учун тавсия этилган (Рўйхат, 2010). Бунда, иссиқхоналарда помидор ва бодрингларни ҳимоя қилиш учун бир мавсумда 1 марта (0,5 л/га), ғўзага эса 2 марта гача (0,5-1,0 л/га) пуркашга руҳсат этилган. Апплауд оқканотнинг ички кушандаси – энкарзияга нисбатан зарарсиздир. Бундан ташқари, одамзод ҳамда асалари, балиқ ва фойдали ҳашаротлар учун ҳам зарарсиз. Шунинг учун уни уйғулашган ҳимоя қилиш тизимларида ишлатиш яхши натижа беради. Ҳар қандай вазиятда ҳам апплаудни оқканот кўпая бошлиганда ишлатиш кутилган самарани беради. Агарда оқканотнинг зичлиги ошиб, етук зотлари ҳаддан ташқари кўпайиб кетган бўлса, апплаудни бирор ўткир алейроцид (конфидор, моспилан, энджео, талстар) билан аралаштириб

ишлатиш юқори самара беради.

**Адмирал, 10% эм.к.** Соф моддаси: пирипроксифен, кам захарли модда. Япониянинг «Сумитомо» фирмаси томонидан таклиф қилинганд. Ушбу БФМ ўз хусусиятлари бўйича апплаудга жуда яқин. Асосан оққанотларга ҳамда қалқондорларга қарши самара беради. Таъсири биринчи 3-4 кунлардан кейин намоён бўлиб, узоқ давом этади. Одамзод, атроф-муҳит ва энкарзия кушандаси учун хавф туғдирмайди.

Ўзбекистонда адмирал оққанотга қарши ғўза, помидор ва бодрингни ҳимоя қилиш учун ҳамда боғларда бинафша ранг қалқондорларга қарши ишлатиш учун рухсат этилган (0,5 л/га).

#### **6-боб. НЕОНИКОТИНОИДЛАР СИНФИ** (соф моддалари имидоклоприд, ацетамиприд, тиаклоприд, тиаметоксам бўлган инсектицидлар)

**Конфидор, 20% эм.к.** (bagira, танрек, имидор, когинор, тиларкинг). Соф моддаси: имидоклоприд, ўртача захарли (ЎД<sub>50</sub> каламушлар учун 450 мг/кг га тенг). Имидоклоприд 1981 йили Германиянинг Байер АГ фирмаси томонидан яратилган бўлиб, янги кимёвий синф вакили сифатида ва бир қатор ижобий хусусиятларига кўра катта эътиборга сазовор бўлди. Конфидор сиртдан, ичдан ҳамда системали таъсир этадиган инсектицид, факат ҳашаротларга таъсир этади. Ўтказилган кўпгина тадқиқотларда конфидор сўрувчи (айникинша шира, трипс, оққанот, қалқондор) ва айрим кемирувчи ҳашаротларга қарши юқори самара бериши қайд этилди. Конфидорнинг ижобий хусусиятларига қуидагилар киради: янги таъсир этиш механизмига эга бўлгани учун қўзланган заараркунандаларга қарши жуда юқори самара беради; сарфлаш месъёри жуда паст; ўсимлик ичидан (системали) давомли таъсир этади. Конфидорни пуркашдан ташқари, тупроқ орқали ўсимлик илдизидан юбориб заараркунандаларга қарши ишлатиш мумкин (бунинг учун уни томчилаб суғориш орқали ёки эритмани дараҳт тагига қуиши йўли билан амалга оширилади). Препарат ҳавонинг юқори хароратларига бардошли.

Тавсия этилган меъёрларда сарфланганда одамзод, ташки муҳит, куш ва тупроқ ҳайвонлари учун безараардир.

Ўзбекистонда конфидор 6 хил экин ва яйловларда чигирткаларга қарши ишлатиш учун тавсия қилинган. Хусусан, ғўзани ширалардан (0,1-0,15 л/га), трипсдан (0,15-0,2 л/га), ва оққанотдан (0,3-0,4 л/га); помидорни оққанотдан (0,3-0,4 л/га), картошкани колорадо қўнғизидан (0,05 л/га), тамакини ширалардан (0,1-0,2 л/га), олмани қалқондорлардан (0,15-0,25 л/га) яйловни чигирткалардан (0,05-0,1 л/га) ҳимоя қилиш учун тавсия этилган. Ҳар қандай ишловни ҳосил этилишидан 30 кун илгари (олмани – 20 кун) тўхтатиш лозим.

**Гаучо, 70% н.кук. (аваланче, далучо).** Соф моддаси: имидоклоприд, чигитни экишдан олдин упалаб заарсизлантиришга мўлжалланган. Имидоклоприднинг системали таъсир қилиш хусусияти юқорилигига таянган ушбу препарат ғўза ниҳоли ўса бошлиши билан илдиз орқали ўсимликка ўтади ва уни шира, трипс каби ҳашаротлардан ҳимоя қиласди. Самара ниҳол улғайган давргача 40-50 кун мобайнида давом этади. Ҳар 1 т чигитга 5 кг гаучо кукуни сарфланади. Чигитни дорилаш заводларда қуйидагича бажарилади. Препаратдан суспензия тайёрланиб, ҳар 1 т тукли чигитга 25-30 л, туксизланганига эса 15-20 л эритма сарфлаб бир текис дориланиб қофоз қопларда димланади.

Амалиётда зааркунанда ҳамда ниҳол касалликларига қарши қурашиб мақсадида **Гаучо-М, 58,5% н.кук** ҳам тадбиқ қилинган. Бу аралашма препаратнинг таркибида 3 та пестицид мавжуд: имидаклоприд (35%) ҳамда фунгицидлардан пенцикурон (7,5%) ва тирам (16%). Гаучо-М нинг афзалликлари қуйидагилардан иборат: сўрувчи ҳамда айrim кемирувчи (кузги тунлам, симкурт) зааркунандаларга қарши узоқ муддат системали (тизимли) таъсир этади; ғўзанинг бошлангич ўсиш даврида зааркунандаларга қарши далага препарат пуркашдан ҳоли қилиб, атрофидаги тутларнинг барги заҳарланишининг олдини олади; агротехник тадбирларга риоя қилган холда, у ғўза ниҳоллари текис униб чиқишини ва

ривожланишини таъминлайди; ҳар гектарга сарфланадиган чигит сарф-меърига қараб, 70-140 грамм соф модда сарфланади, бу эса ташки мухитга талафот келтирмайди; фойдали ҳашаротлар учун мутлақо заарсиз, далада биологик балансни саклаб, ўргимчаккана кўпайиб кетишига тўсик яратади. Ҳар 1 т чигитга Гаучо-М дан 8-10 кг сарфланади.

**Калипсо, 48% сус.к.** Соф моддаси: тиаклоприд, кам захарли кимёвий модда. Германиянинг «Байер Кроп Сайенс» фирмаси томонидан кашф этилган. Барча кимёвий хусусиятлари неоникотиноидларга хос ҳолда: чукур системали (тизимли) таъсир этиб, асосан сўрувчи ҳашаротларга қарши жуда оз сарф-меъёрда энг юқори самара беради. Ўзбекистонда уни қуйидаги экинларда ишлатиш учун рухсат берилган (Рўйхат, 2010). Фўзада шираларга қарши – 0,05-0,07 л/га, оққанотга – 0,1 л/га; тутни парвонадан ҳимоя қилиш учун – 0,1 л/га, олмада – 0,1-0,15, токда – 0,05-0,1, помидорда – 0,1-0,15 л/га меъёрда қўлланилади. Калипсо инсектицидини ишлатиш ҳосил етилишидан 30 кун илгари тўхтатилади.

**Моспилан, 20% н.кук. (tagспилан, пилармос, камилом).** Соф моддаси: ацетамиприд, кам захарли модда. Илк бор Япониянинг «Ниппон Сода» фирмаси томонидан таклиф килинган. Бунга ҳам неоникотиноидларга хос бир қатор ижобий хусусиятлар хос бўлиб, у ичдан системали (тизимли) ва сиртдан таъсир кўрсатади. Сўрувчи зааркунандаларга қарши жуда оз сарф-меъёрда кучли самара кўрсатади. Ўзбекистонда моспилан қуйидаги экинларни ҳимоя қилиш учун рухсат этилган. Фўзани шира, трипс, оққанотдан (0,15 кг/га), фўза тунламидан (0,3 кг/га), иссиқхоналарда шира ва оққанотга қарши (0,25-0,3 кг/га), шунингдек картошка (0,02-0,025 кг/га), тутни (0,15 кг/га) ҳимоялаш ва яйловда чигирткаларга қарши (0,04-0,045 кг/га) тавсия этилган. Моспилан сувда турғун суспензия ҳосил қиласиган кўк рангли намланувчи кукун бўлиб, ишлатиш қулай, хидсиз, ўсимликларни куйдирмайди, 100 грамлик пакетчаларда тарқатилади. Куруқ шароитда 2-3 йилда ўз хусусиятларини йўқотмайди.

**Круизер, 350FS, 35% сус.к.** Соф моддаси: тиаметоксам. Препарат чигитни упалаб экиш учун мўлжалланган (4 кг/т), у сўрувчи (шира, трипс, оққанот) ва кемирувчи (илдиз кемирувчи тунламлар) зааркунандалардан ниҳолларни ҳимоя қиласи. Унинг препарат шакли қулай, ўртача заҳарли, фойдали ҳашаротлар учун зарарсизdir.

## 7-боб. ФЕНИЛПИРАЗОЛЛАР СИНФИ

(регент, адонис)

**Регент, 80% с.э.к. ва 20% сус.к.** Соф моддаси: фипронил, кимёвий бирикмаларнинг нисбатан янги фенилпиразоллар синфига оид, энг самарали инсектицидлардан бири. Фипронилни илк бор Франциянинг «Рон-Пуленк» фирмаси яратган. Фипронил бевосита тери ва ичдан таъсир қилиши ва кам микдорда сарфланиши билан алоҳида ажратиб туради. Бу унинг ўзига хос ҳолда ҳашаротларга таъсир этиш механизмига эга бўлганлигининг оқибатидир. Фипронил ҳашаротларнинг марказий нерв тизимига таъсир этиб, унинг тўқималаридан хлор иони ўтишига тўскенилик қиласи. Оқибатда ҳашарот тезда заҳарланади. Бундай механизм мавжудлиги фипронилни ўзга инсектицидлардан кескин ажратиб туради, самара 3-4 ҳафтага чўзишишига имконият яратади. Фипронилнинг тавсия қилинган сарф-меъёрлари пиретроидлардан 2-5 марта, гормонал препаратлардан 5-10 марта, ФОБ лардан эса 50-500 (!) марта пастдир. Фипронил самарадорлик бўйича пиретроидлардан кейин 2-ўринда туради, яъни энг юқори самарага 2-3 кунда эришилади. Самара давомийлиги бўйича ҳам фипронил олдинги қаторларда туради. Одатда чигирткалар ва колорадо қўнғизига қарши самара 3-4 ҳафта давом этади. Одамзод ва атроф-мухит учун фипронилнинг хавфи камдир, сабаби ўткир заҳарлилик бўйича у пиретроидлар билан бир қаторда турса ҳам, сарф-меъёрнинг камлиги сабабли, заҳарлилиги ҳам жуда паст. Айрим фойдали ҳашаротлар: асалари, пардоқанотли кушандалар, кокцинеллийлар ва бошқаларга таъсир этиши фипронилнинг камчиликларига киради.

Фипронил номли соф моддага эга регентнинг 2 шакли таклиф этилган: 80% ли с.э.кук ва 20% ли сус.к. Кўп йиллар мобайнида ўтказилган тадқиқотлар натижасида 80% ли регент Ўзбекистонда куйидаги ўсимликларни зааркундалардан ҳимоя қилиш учун тавсия этилган (Рўйхат, 2005-2006). Чигирткаларга қарши – 10 г/га, колорадо қўнғизига қарши – 20-25 г/га, буғдойда хасва ва трипсларга – 15 г/га ва ғўзада трипсларга қарши – 10-15 г/га меъёрда қўлланилади.

Регент, 20% ли сус.к. қуйидагиларга: колорадо қўнғизи (30-40 г/га), тут парвонаси (40-50 г/га), ғўзада шира, трипс, қандала (80 г/га), қўсак қурти ва карадринага қарши (100-120 г/га) тавсия қилинган.

Фипронил уй-жойларда учрайдиган айрим ҳашаротларга (чумоли, термит, таракан, қандалалар) қарши қурашиб учун ҳам энг самарали инсектицид бўлиб хисобланади.

**Адонис, 4% эм.к.** Соф моддаси фипронил (регентга қаранг). Адонисни Германиянинг Байер фирмаси таклиф қилган. Бу инсектициднинг таъсир этувчи (соф) моддаси фипронил бўлгани билан у шундай шаклда тайёрланганки, бунда унинг ижобий хусусиятлари янада кучли ифодасини топган. Адонис чигирткаларга қарши қурашиб учун мўлжалланган ва шу мақсадда ҳозирги кунда бутун дунёда ишлатилади. Аммо адонисни бошқа зааркундаларга қарши ҳам қўллаш мумкин.

Адонис таркибидаги фипронил юқори даражада ўткир ва қолдиқ (узоқ) таъсирга эга бўлганлиги сабабли, уни чигирткаларга қарши энг самарали муддатларда (I-III ёш личинкалик пайтида) қўлланса, бир ишлов билан етарлича самарадорликка (20-25 кун давомида) эришилади. Кўпгина пиретроидлар бундай имкониятга эга эмас: улар юқори самара кўрсатсада, чигиртканинг зичлиги юқори бўлган шароитларда ишловни тақрорлашга тўғри келади. Адониснинг етарлича самара берадиган сарф-миқдорида (0,1 л/га), фипронилнинг сарфи ҳар гектарга атиги 4 граммни ташкил қилганлиги сабабли, у атроф-мухитга янада кам хавф туғдиради. Адонис Ўзбекис-

тонда «Рўйхат»га 1999 йилдан бошлаб киритилган. Чигиртка-лардан ташқари адонис картошкани колорадо қўнғизидан ва тутни тут парвонасидан (0,25 л/га) ҳимоя қилиш учун тавсия этилган. Яйловларда ва картошка экинида бир мавсумда адонис билан бир марта ишлов ўтказилади.

### 8-боб. ОКСАДИАЗИНЛАР СИНФИ

(аваунт)

**Аваунт, 15% сус.к.** Соф моддаси: индоксакарб, янги кимёвий бирикмалар синфига оид инсектицид. Аваунт 1997-1998 йиллари АҚШнинг Дюпон фирмаси томонидан тақдим қилинган. Аваунт ихтисослашган юқори самарали инсектициддир. Ушбу препарат янги таъсир қилиш механизмига эга. Аваунт ҳашаротлар нерв тизимларининг натрий каналлари ўтказувчанглигини блокада (ишғол) этади. Оқибатда, заҳарланган ҳашарот озиқланишдан тўхтайди (1-2 кун) ва ўлади. Аваунт асосан капалаклар қуртларига қарши юқори самара кўрсатади. Шунинг учун ҳам бошқа ҳашаротлар, жумладан фойдали ҳашаротларга нисбатан у тўлиқ даражада безараардир. Тадқиқотларимиздан маълум бўлишича, аваунт ишлатилган далада олтинкўз, кокцинеллидлар (хонқизлар), сирфидлар, канахўр трипс, пардоқанотли кушандалар – браконидлар, ихнеумонид ва бошқа кушандаларнинг сони назорат вариантiga (даласига) нисбатан фарқ қилмаган. Бу, аваунтни ўзга органик асосли бирикмалардан тубдан фарқлайди ва у уйғунлашган кураш тизимларида ишлатиш учун энг мақбул эканлигидан далолат беради.

Ўзбекистонда аваунт ғўза ва помидорни кўсак қуртидан (0,4-0,45 л/га), тутни тут парвонасидан (0,3 л/га), токни шингил барг ўровчисидан (0,25 л/га), олмани меваҳўрдан (0,35 л/га) ҳимоя қилиш учун тавсия этилган (Рўйхат, 2010). Препарат ишлатишни ҳосил етилишидан 30 кун олдин тўхтатиш лозим. Бир мавсумда 2 марта ишлатиш мумкин. Алоҳида таъкидлаб ўтамизки, аваунт ғўза тунламининг (кўсак қуртининг) катта ёш (IV-VI) қуртларига қарши тенги йўқ

(бошқа инсектицидларга нисбатан) самарага эга.

### **9-боб. БОШҚА ИНСЕКТИЦИДЛАР**

*(N 30 препарати, 76% ли нефт-мой эмульсияси, поло)*

**N 30 препарати, 76% н.м.э.** Соф моддаси: нефт мойлари. Россия фирмалари таклиф қилишган.

Маълумки, XX асрнинг 50 йилларидан кейинги тавсияларда ўсимликларни, жумладан боғлардаги дараҳтларни ҳамда тутларни қишлиб қолган зааркунандалар ҳамда касалликлардан ҳоли қилиш учун турли инсектицид, инсектицид-фунгид препаратлар тавсия қилинар эди. Булар орасида карбонеум, нитрафен, N 30, N 30С ва бошқа препаратлар мавжуд бўлган. Мазкур препаратлар дараҳтлар қишки «уйқуга» кетганидан кейин, заарли организмларнинг қишловдаги шаклларини қириб ташлаш учун кўлланилган. Ишлов кеч кузда ёки эрта баҳорда, дараҳт куртаклари ёйилмасдан ўtkазилган.

Ҳозирги кунда «Рўйхатда» шундай препаратлардан фақат биттаси – «N 30 препарати» тавсия қилинган. Уни фақат эрта баҳорда боғдаги (олма, нок, шафтоли, олча, олхўри) дараҳтларда барча қишлиб қолган зааркунандаларга қарши (шира, канда, қандала, қалқондорлар, меваҳўрлар ва б.) дараҳт катталигига караб (40-100 л/га) кўлланилади: цитрус дараҳтларида – 20-50 л/га, токларда – 12-37 л/га.

**Поло, 50% сус.к.** Соф моддаси: диафентиурон, ўртача заҳарли. Швейцариянинг «Сингента» фирмаси таклиф қилган. Мазкур препарат – инсектоакарицид, унинг сўрувчи зааркунандаларга нисбатан самарадорлиги жуда юқори. Фойдали ҳашаротларга нисбатан таъсири личинка ҳамда етук зотларига кўпроқ намоён бўлади, шунинг учун поло сепилган ерга лозим бўлганида трихограммани 7-12, браконни 5-7 кун ўтказиб тарқатиш керак. Ўсимликни кўйдирмайди, препаратнинг шакли ишлатиш учун қулай. Поло фақат ғўзани ҳимоя қилиш учун рухсат этилган: шира, трипс, ўргимчакканага қарши – 0,8-1,0 л/га, оққанотга қарши эса – 1-1,2 л/га.

### **10-боб. МИКРОБИОЛОГИК ИНСЕКТИЦИДЛАР**

Бу турдаги препаратларнинг таркибида фаол модда сифатида замбуруғлар, бактериялар ёки вируслар бўлади. Кимёвий бирикмаларга таққослагандык микробиологик препаратларнинг ўзига хос афзалликлари бор. Жумладан иссиққонли ҳайвонларга буларнинг заҳарлилиги суст ёки кўпчилиги бутунлай заҳарламайдиган даражада бўлади, аммо зааркундандаларда касаллик чақиради. Бу препаратлар кейинчалик зааркундандаларнинг келгуси бўғинларига ҳам таъсир кўрсатди, лекин шу билан бирга камчиликлари ҳам йўқ эмас, чунончи, препаратлар узоқ сақланмайди; тез самара бермайди; нархи нисбатан қимматроқ туради. Қишлоқ хўжалигига ишлатиш учун бир неча хил микробиологик препарат рухсат этилган. Уларга қуидагилар киради.

**Битоксибациллин (БТБ-202)** – таркибида *Bacillus thuringiensis* var. *alesti* номли бактериянинг 1 серотипи ҳамда иссиққа чидамли экзотоксин мавжуд. Препарат оч жигарранг кукун ҳолатида Россияда ишлаб чиқарилади. Унинг ҳар граммида 45 млрд бактерия спораси мавжуд. Таркибида оқсилкристалл токсини ва экзотоксин мавжудлиги, бу препаратни кўп ҳашаротлар, ҳатто ўргимчакканага ҳам таъсир этишини таъминлайди. Битоксибациллин ғўза тунлами, шира, ўргимчакканা, фитономус ва бошқа зааркундандаларга қарши ишлатиш учун тавсия этилган. Экзотоксин тухум хорионидан ўтиб, уни заҳарлаши мумкин. Ғўзада ҳар гектарга 3-4 кг сарф этиб, ғўза тунламининг I-II ёшли қуртларига қарши сепиш тавсия этилади. Битоксибациллин Рос-сиянинг микробиология илмий тадқиқот институти томонидан яратилган. 1985 йили Ўзбекистонда 17 минг гектар пайкалда ишлатилган.

**Дендробациллин.** 1970-1980 йиллари кенг ишлатилган микробиологик препарат. Таркибида кристалл ҳосил қилувчи бактерия *B. thuringiensis* var. *dendrolimus* споралари мавжуд. Кулранг кукун, таркибида 60 ёки 100 млрд бактерия спораси ва шунча заҳарли оқсил кристаллари мавжуд. Бу препаратларни ғўза тунламининг ёш қуртларига қарши трактор ёки авиация пуркагичлари ёрдамида ҳар гектарга 0,7-1 кг миқдорда сарф қилинади. Самарадорликни ошириш учун

ишчи суспензиясига бирор кўсак қуртига қарши тавсия этилган инсектициднинг ярим меъёрини қўшиб ишлатиш мумкин.

**Дипел, ҳ.к.** – бациллюс туригенизис бактериясининг (кюрстаки варианти) спора – кристалидан иборат. Ўза ва кузги тунламларнинг ёш қуртларига қарши, ҳар гектарга 2 кг сарф этиб сепиш тавсия этилган.

**Лепидоцид-100** – бациллюс туригенизис бактерияси-нинг спора ва кристалл йигиндисидан иборат. Ўза тунламла-рининг ёш қуртларига қарши ҳар гектарга 1-1,2 кг сарфланади.

**Вирин-ОС** – кузги тунламнинг гранулёза вируси хисобланади. Қуруқ кукун, ҳар граммида 3 млрд вирус грануласи бор. Баҳорда кузги тунламнинг ёш қуртларига қарши ҳар гектарга 0,3 кг дан сарфлаб, ўсимликларга пуркалади.

**Вирин-ХС** – ўза тунламиининг полиздроз вирусига эга препарат. Қуруқ кукун, ҳар граммида камида 7 млрд вирус мавжуд. Ўза тунламиининг ёш қуртларига қарши ҳар гектарга 0,3 кг сарф этилиб пуркалади. Эритиш учун суспензияга ОП-7 қўшилади. Юқорида қайд этиб ўтилган микробиологик инсектицидлар асосан 1980, кейинчалик 1990 йилларгача Ўзбекистонда ишлатилиб келинган. Бу препаратларга хос ижобий хусусиятлар уларни уйғунлашган ҳимоя тизимларида биоло-гик ҳимоя усулига қўшимча шаклда ишлатишни тақозо этади. Шунинг учун микробиологик препаратларга эҳтиёж сўнмаган, уларга келажакда албатта мурожаат қилинади.

## V ҚИСМ

---

### АМАЛИЙ АГРОТОКСИКОЛОГИЯ ҚОИДАЛАРИ

#### **I-бөб. ИНСЕКТИЦИД ВА АКАРИЦИДЛАРНИ АРАЛАШТИРИБ ИШЛАТИШ ИМКОНИЯТЛАРИ**

Үсимликларни ҳимоя қилиш амалиётида турли заарли организмларга қарши курашиш мүддати күпинча бир-бирига түғри келиб қолади. Шу боисдан икки ёки уч хил пестицидларни биргә қўшиб ишлов бериш эҳтиёжи вужудга келади. Бошқа ҳолларда, жумладан битта объектнинг ўзига қарши ишлов беришнинг самарасини ошириш мақсадида ҳам пестицидларнинг ўзига хос хусусиятлари мос келадиганлари қўшиб ишлатилади. Препаратларни аралаштиришда куйидаги натижалар вужудга келиши мумкин.

*Аддитивлик* – аралашманинг самарадорлиги айrim компонентларнинг самарадорлик йиғиндисига тенг.

*Синергизм* – аралашмадаги битта ёки ҳамма компонентларнинг самарадорлиги ошиши натижасида юз беради. Куйидаги ҳолларда аралашманинг синергетик самараси юзага келади: компонентлардан бири заҳарли модданинг заарли организм танаси ичига яхши ўтишига ёрдам берганда; агар бир модда фаол иккинчисининг тез заҳарсизланишига тўскинлик қилганда; аралашмадаги заҳарли моддалар организмнинг ўша битта хаётий зарур функциясини сусайтириб, шу тариқа

бир-бирининг самарадорлигини оширганда. Мисол тариқасида кенг ишлатиб келинаётган циперфос (нурелл-Д) аралашмасини кўриб чиқамиз. Бунда фосфорорганик бирикма – хлорпирифосга (50%) пиретроид циперметрин (5%) аралаштирилган. Изланишлар натижасида шу нарса аён бўлганки, ФОБ бўғимоёқли ҳайвон ичига тушгач, пиретроид бирикмалар фаоллигини пасайтирувчи ферментларни (кокарбоксилаза, оксидаза ва б.) заарсизлантиради ва бунинг натижасида циперметриннинг самарадорлиги кескин ошади. Бу мисол бирёқлама синергизм нишонасиdir.

**Анtagонизм** – аралашмада рўй берган кимёвий реакциялар натижасида препаратнинг заҳарлилиги (самараси) пасайиши ва заҳарсиз маҳсулотлар ҳосил бўлиши демакдир. Масалан, кўп препаратлар ишқорли муҳитда тез парчаланиши туфайли, уларни ООҚ, бордо суюқлиги каби худди шундай реакция берадиган препаратлар билан аралаштиришга йўл қўйиб бўлмайди.

Пестицидлар аралаштириб ишлатилганда кўп холларда препаратнинг таъсир қилиши узоққа чўзилади. Масалан, заҳарли кучи узоққа бормайдиган ва ўргимчакканा тухумларини деярли ўлдирмайдиган карбофосга ва баъзи бошқа фосфороорганик акарицидларга ниссонан аралаштириш, ўсимликларни анча узоқ вақт давомида ҳимоялаш имконини беради. Биринчи синф пиретроидларига акарицидларни қўшиб ишлатиш биологик ва хўжалик самарадорлигини оширади. Пестицидлар ўз муддатида комплекс равишда ишлатилса, тўзани ва бошқа экинларни ишлов беришга сарфланадиган маблағлар анча тежалади ва олинадиган маҳсулот таннархи пасаяди.

Шуни қайд этиш керакки, инсекто-акарицидларгина эмас, балки бошқа агрономия усуслари учун мўлжалланган кимёвий воситаларни ҳам аралаштириб ишлатиш мумкин. Масалан, пестицидларни биологик фаол моддалар билан бирга қўшиб ишлатиш истикболли тадбирдир. Бу тадбир кейинги йилларда ЎзФА институтларида муваффақиятли равишда синаб кўрил-

моқда. Пестицидлар аралашмасини тўғри тузиб қўллаш уларнинг самарадорлигини оширишга ёрдам беради, кимёвий ишлов беришларда меҳнат унуми ошади ва айрим пестицидларнинг нуқсони бартараф этилади.

## **2-боб. ҒЎЗАНИ СЎРУВЧИ ЗАРАРКУНАНДАЛАРДАН ХИМОЯ ҚИЛИШДА УНГА СУСПЕНЗИЯ ЁКИ СУСПЕНЗИЯГА ПЕСТИЦИД АРАЛАШТИРИБ СЕПИШНИНГ ИМКОНИЯТЛАРИ**


Ғўзани бақувват, шикастсиз ва ҳосилдор бўлишида унинг ниҳоллик даврида маданли ўғитлар қоришмасидан сув эритмаси ва суспензиясини тайёрлаб пуркаш алоҳида ўрин тутади. Бундай суспензия азот, фосфор ва калий моддаларига эга макро ўғитлардан тайёрланади ва ўсимлик шоналаб гуллаш даврига кирганга қадар 3 марта пуркалади. Ғояга кўра, бундай ишловлар ўсимликга барг орқали қўшимча озиқланишни таъминлаб, уни бақувват, касаллик ва зааркунандаларга нисбатан бардошли бўлишини таъминлаб, ҳосилдорлик ошишига сабабчи бўлади (Мухамаджонов, Зокиров, 1988; Пахтачилик справочники, 1989).

Муаммо шу ердаки, ғўза ниҳоллик даврида кўплаб заарли организмлар билан шикастланиши мумкин. Уни булардан фаол ҳимоя қилиш мақсадида суспензияга айни дорини (пестицидни) аралаштириб бир йўла ишлов бераб бўладими – йўқми (?) деган саволга ҳали жавоб берилмаган. Бундан ташқари, суспензиянинг ўзи зааркунандаларнинг нуфузига таъсир қилиш қобилияти яхши ўрганилмаган. Юқоридаги саволларга холи-кудрат жавоб топиш мақсадида 2009-2010 йилларда бирқатор дала тажрибалари қўйилиб натижалар олинди.

### **Тадқиқотлар ўтказилган жой ва услублар**

Тадқиқотлар асосан ўсимликларни ҳимоя қилиш ИТИ нинг Кўқон таянч пунктида, унинг дала майдонларида ўтказилди. Учта ишлов ўтказилди: 26-30 - май, 15-17 - июн ва

3-5 - июл кунлари (124-расм). Тажрибаларда ўсимликларда ривожланиши мумкин бўлган: шира, трипс, ҳамда ўргимчак-кананинг зарарлаш даражаси ҳамда зарарлаш зичлиги ўрганилди.



124-расм.  
Суспензияни  
ўрганиш  
бўйича  
ўтказилган  
тажриба  
(I-биринчи  
ишлов 30.05,  
II-иккинчи  
ишлов 17.06,  
III-учинчи  
ишлов 3.07) –  
Фаргона вил.,  
2009 й.

Тажрибалар 4 вариантдан иборат бўлди: 1 – суспензиянинг ўзи сепилди, 2 – суспензияга бирорта комплекс таъсир этувчи рухсат этилган инсектицид-акарицид қўшиб (аралаштириб) пуркалди, 3 – айни аралаштирилган дорининг ўзи пуркалди ва 4 – назорат – ишловсиз қолган дала.

**Биринчи ишловнинг** тажриба режаси қуйидагича бўлди:  
1 вариант – Суспензия ишлатиш,

2 вариант – Суспензия+Компрадор, 35% к.э. (0,1 л/га),

3 вариант – Компрадор, 35% к.э. (0,1 л/га),

4 вариант – Назорат (ишловсиз).

Бунда: Суспензия – фақат карбамиддан (4,5 кг/га) иборат бўлди.

Компрадор – ЕвроТим фирмаси томонидан таклиф этилиб, таркибида 35% соф модда – имидоклоприд мавжуд бўлган инсектицидdir.

**Иккинчи ишлов режаси:**

1 вариант – Суспензия ишлатиш,

2 вариант – Суспензия+Циперфос, 55% к.э. (1,5 л/га),

3 вариант – Циперфос, 55% к.э. (1,5 л/га),

4 вариант – Назорат (ишловсиз). Бунда:

Суспензия – карбамид (3,5 кг/га), суперфосфат – (7 кг/га) ва Калий тузи (KCL) – 5 кг/га аралашмасидан иборат.

Циперфос, 55% к.э. – Навоий ЭКЗ да ишлаб чиқарилган инсектицид-акарицид.

**Учинчи ишлов режаси:**

1 вариант – Суспензия ишлатиш,

2 вариант – Суспензия+Циперфос, 55% к.э. (1,5 л/га),

3 вариант – Циперфос, 55% к.э. (1,5 л/га),

4 вариант – Назорат (ишловсиз). Бунда:

Суспензия – Карбамид (4 кг/га), суперфосфат (9 кг/га) ва KCL – (5 кг/га) аралашмасидан иборат.

Циперфоснинг хусусиятлари юқорида ифодаланди.

**Тадқиқот натижалари.** Энг биринчи ишлов ўтказилган тажрибанинг тузилиши 24 ва 25 жадвалларда келтирилди. Тажрибадаги шира ва трипснинг ўсимликни заарарлаш даражаси ва буни назоратга нисбатан озайиши 25 жадвалда келтирилган. Кўриниб турганидек, суспензияга (карбамид-4,5 кг/га) компрадор, 35% к.э. (0,1 л/га) аралаштириб сепилса инсектициднинг ўзи сепилганига нисбатан кўпроқ ўсимлик заарарланган, яъни самара пастроқ бўлган. Худди шунга ўхшаш (25-жадвал), аралашма вариантида (2) зааркунандаларнинг

зичлиги ҳам юқорироқ бўлган, яъни бу ерда ҳам биологик самарадорлик пастроқ бўлган.

Суспензия билан 2-нчи ишлов 17-нчи июнда ўтказилди. Бунда, иккинчи вариантда суспензияга циперфос – 1,5 л/га аралаштирилди. Натижалар 26 ва 27 жадвалларда келтирилган. Жадвал 27 дан кўриниб турганидек, Циперфоснинг (1,5

#### 24-жадвал

Ғўза 2-3 чинбарг даврида суспензия+инсектицид аралаштириб қўлланганда ғўзанинг сўрувчи зааркундандалар билан заарланишининг озайиши (1-нчи ишлов)

Катта дала тажрибаси, Кўкон таянч пункти (ТП), ОВХ-28 (300 л/га), 30.05.2009 й.

№	Вариантлар	Дорини сарфлаш меъёри	Заарланиш даражаси, %			Заарланишининг назоратга нисбатан озайиши, %		
			Дори сепилгунча	Дори сепилгач кунлар бўйича	3	7	14	3
<b>ШИРА</b>								
1.	Суспензия	*	92	86	98	23	8,5	0
2.	Суспензия+компрадор, 35% с.к.	* + 0,1	93	39	21	15	58,5	76,7
3.	Компрадор, 35% с.к.	0,1	92	7	13	4	92,5	85,6
4.	Назорат (дорисиз)	-	92	94	90	34	-	-
<b>ТРИПС</b>								
1.	Суспензия	*	59	49	58	20	24,6	0
2.	Суспензия+компрадор, 35% с.к.	* + 0,1	58	11	14	13	83,1	75,9
3.	Компрадор, 35% с.к.	0,1	59	6	9	5	90,8	84,5
4.	Назорат (дорисиз)	-	65	65	58	38	-	-

\* - карбамид – 4,5 кг/га

#### 25-жадвал

Ғўза 2-3 чинбарг даврида суспензия+инсектицид аралаштириб қўллашнинг сўрувчи зааркундандаларга қарши биологик самарадорлиги (1-нчи ишлов)  
Катта дала тажрибаси, Кўкон ТП, ОВХ-28 (300 л/га), 30.05.2009 й.

№	Вариантлар	Дорини сарфлаш меъёри	Шира-1та заар.баргга, трипс-10та ўсимликда, дона			Заарланишининг назоратга нисбатан озайиши, %		
			Дори сепилгунча	Дори сепилгач кунлар бўйича		3	7	14
				3	7			
<b>ШИРА</b>								
1.	Суспензия	*	122,6	111,7	78,5	27,4	21,8	38,2
2.	Суспензия+компрадор, 35% с.к.	* + 0,1	121,0	26,6	22,7	10,1	81,1	81,9
3.	Компрадор, 35% с.к.	0,1	119,9	4,2	8,8	3,6	97,0	92,9
								92,6

4.	Назорат (дорисиз)	-	125,8	146,5	130,5	51,3	-	-	-
<b>ТРИПС</b>									
1.	Суспензия	*	49	37	35	21	38,0	43,0	45,2
2.	Суспензия+компрадор, 35% с.к.	* + 0,1	41	18	19	8	64,0	63,1	75,0
3.	Компрадор, 35% с.к.	0,1	36	5	7	2	88,6	84,5	92,9
4.	Назорат (дорисиз)	-	55	67	69	43	-	-	-

\* - карбамид – 4,5 кг/га

## 26-жадвал

Гўза 5-6 чинбарг даврида суспензия+инсектицид аралаштириб  
кўлланганда ғўзанинг сўрувчи зааркундалар билан заарланишининг  
озайиши (2-нчи ишлов)

Катта дала тажрибаси, Кўкон ТП, ОВХ-28 (300 л/га), 17.06.2009 й.

№	Вариантлар	Дорини сафлаш мөёри кг, л/га	Заарланиши даражаси, %			Заарланишнинг назоратга нисбатан озайиши, %			
			Дори сепилгунча	Дори сепилгач кун- лар бўйича	3	7	14	3	7
<b>ШИРА</b>									
1.	Суспензия	*	81	70	69	-	12,5	1,4	-
2.	Суспензия+циперфос, 55% к.э.	* + 1,5	83	51	44	-	36,3	37,1	-
3.	Циперфос, 55% к.э.	1,5	74	12	8	-	85,0	88,5	-
4.	Назорат (дорисиз)	-	77	80	70	-	-	-	-
<b>ТРИПС</b>									
1.	Суспензия	*	56	53	59	-	0	0	-
2.	Суспензия+циперфос, 55% к.э.	* + 1,5	74	60	66	-	0	0	-
3.	Циперфос, 55% к.э.	1,5	67	52	58	-	0	0	-
4.	Назорат (дорисиз)	-	52	51	51	-	-	-	-

\* - карбамид – 3,5 кг/га; - суперфосфат – 7 кг/га; - KCL – 5 кг/га.

## 27-жадвал

Гўза 5-6 чинбарг даврида суспензия+инсектицид аралаштириб кўллашнинг  
сўрувчи зааркундаларга қарши биологик самараדורлиги (2-нчи ишлов)  
Катта дала тажрибаси, Кўкон ТП, ОВХ-28 (300 л/га), 17.06.2009 й.

№	Вариантлар	Дорини сафлаш мөёри кг, л/га	Шира ва ўргимчаккана – 1та зарар, баргда, дона				Заарланишнинг назоратга нисбатан озайиши, %		
			Дори сепилгунча	Дори сепилгач кунлар бўйича	3	7	14	3	7
<b>ШИРА</b>									
1.	Суспензия	*	46	45	54	16	0	0	0
2.	Суспензия+циперфос, 55% к.э.	* + 1,5	58	28	19	15	49,8	68,4	44,0
3.	Циперфос, 55% к.э.	1,5	37	8	5	12	77,5	87,0	29,7
4.	Назорат (дорисиз)	-	57	50	54	24	-	-	-

ТРИПС									
1.	Суспензия	*	16,3	22,6	25,8	96,5	1,4	6,9	0
2.	Суспензия+циперфос, 55% к.э.	* + 1,5	17,8	19,7	24,3	82,7	21,2	19,7	0
3.	Циперфос, 55% к.э.	1,5	17,1	15,8	21,2	66,7	34,2	27,0	1,4
4.	Назорат (дорисиз)	-	16,0	22,5	27,2	63,3	-	-	-

\* - карбамид – 3,5 кг/га; - суперфосфат – 7 кг/га; - KCL – 5 кг/га.

л/га) ўзи ишлатилган вариантада трипс билан заарланган ўсимликлар сони паст бўлган, у билан аралашма қилиб пуркалган варианта эса деярли 2 баравар кўп бўлган, яъни самарадорлик пасайган. Ўргимчаккана босган ўсимликлар сони эса фарқ қилмаган.

Жадвал 27 дан кўриниб турганидек, трипсга қарши самарадорлик аралашма вариантида 30% га оз (паст) бўлган. Ўргимчакканага қарши ҳам шу тартиб ўрин олган. Суспензиянинг ўзи эса хар иккала зааркунанда нуфузига деярли таъсир этаолмаган. Учинчи ишлов 3-нчи июлда ўша шароитда ўтказилди (28-жадвал). Бунда, қўшимча (Суспензия+Каратэ) варианти ҳам синалди. Бу даврда ғўзада асосан ўргимчаккана тарқалган бўлганлиги учун, у назорат қилинди. Жадвалдан кўриниб турганидек, суспензиянинг ўзи ўргимчаккана нуфузига сезиларли таъсир кўрсатмади. Суспензияга каратэ ва циперфос аралаштириб сепиш зааркунандани самарали ҳимоя қилаолмади. Циперфоснинг (1,5 л/га) ўзи эса бошланишда юқори самара кўрсатди.

28-жадвал

Ғўза шоналаш даврида суспензия+инсектицид аралаштириб қўллашнинг  
ўргимчакканага қарши биологик самарадорлиги (3-нчи ишлов)

Дала тажрибаси, Кўкон ТП, ОРП-500 л/га, 3.07.2009 й.

№	Вариантлар	Дорини сарфлаш меъёри кг, л/га	1 та заарланган баргда ўргимчаккананинг ўргача сони, дона				Самарадорлик, % кунлар бўйича:	
			Дори сепил-гунча	Дори сепилгач кунлар бўйича:				
				3	7			
1.	Суспензия	*	104,3	117,7	157,5	10,6	0	
2.	Суспензия+Каратэ, 5% к.э.	* + 1,5	96,8	68,9	76,6	43,6	33,5	
3.	Суспензия+Циперфос,	* + 1,5	94,4	72,5	66,1	39,2	41,2	

	55% к.э.						
4.	Циперфос, 55% к.э.	1,5	87,2	4,4	41,8	96,0	59,7
5.	Назорат (дорисиз)	-	82,5	104,2	98,2	-	-

\* - карбамид – 4 кг/га  
- суперфосфат – 9 кг/га  
- KCL – 5 кг/га

### Хулосалар

1. Фүзага суспензия (турли таркибда) пуркаш ўсимликларни шира, трипс ва ўргимчакканадан сезиларли даражада химоя қилаолмайди.

2. Суспензияга баъзи рухсат этилган инсектицид-акарцидларни (компрадор, циперфос) аралаштириб пуркаш, бу дориларни алоҳида-алоҳида қилиб сепилганига кўра пастроқ самара берди. Бу натижалар бундай аралашмалар антогонистик асосга эга бўлганлигидан далолат бериб, мумкин эмаслигини кўрсатади.

3. Суспензияларни ўргимчакканага қарши самарали ахамияти бўлмаганини назарда тутиб, кучли ҳаво оқимига эга бўлган ОВХ-28 пуркагичларини бу мақсадда ишлатиш зараркунандани уяларидан кўчириб тарқатиб юбориши мумкинлигини назарда тутиш тавсия этилади.

### **3-боб. ОЛТИНГУГУРТЛИ ДОРИЛАР БИЛАН БОҒЛИҚ БЎЛГАН ОВХ-28 ПУРКАГИЧИННИ ИШЛАТИШ САМАРАДОРЛИГИ**

Маълумки, 1970 йиллардан кейин Ўрта Осиё республикаларида ўсимликларни химоя қилиш учун янги йўналишга асосланган, ҳаво босими ёрдамида ишлайдиган ОВХ-14 ва ОВХ-28 трактор пуркагичлари жорий этилабошлади. Республикамизда асосан лойқа ариқ суви билан ишлайдиган бундай пуркагич учликларини йирик тешикли бўлиши ҳисобига тиқилиб қолишдан, ҳамда қамбариш кенглиги ҳисобига – сифатли ва қисқа вақт ичидаги катта майдонга ишлов бериш имконияти яратилди. Бу пуркагич ханузгача далаларимизда асосий маҳсус “техника” вазифасини ўтаяпти (125-расм).

Шамолсиз вазиятда бу пуркагич ҳар томонга қараб 25-30 метрга дори эритмасини тарқатиши (учириши) мумкин. Шундай экан, дори самарасидан ташқари бу ахвол салбий натижаларга ҳам сабабчи бўлиши мумкин. Яъни, энг оддийси ўргимчакканада. Бу бўғимоёкли зааркунанда оддий шароитда дала бўйлаб тарқаш учун ўзидан чиқарган ўргимчак ипларидан фойдаланади. Энг суст эслан шамол ҳам уни ипчаси билан масофага олиб кетади. Бу ерда эса..., вентилятордан чиқсан кучли оқим каналарни у тушган бирламчи уя ўсимлигидан дала сари тарқатиб юборади.



125-расм. Пестицидларни синашда ОВХ-28 русумли трактор пуркагичидан кенг фойдаланади. Ҳаво оқимиига таянган бу пуркагич ўргимчакканани ҳамда ҳашаротларни тарқатиб юбориши мумкин.

Фарқи шу ердаки, агар трактор пуркагичи ишлов бераяпган далада ўргимчаккананинг уялари бўлса албатта уни самарали ўлдирадиган акарицидлардан ишлатиш талаб қилинади. Тадқиқотлар шуни кўрсатдики, олтингугуртли дорилар бунинг учун ҳар томонлама тўғри келмайди.

2007-2009 нчи йилларда Боғод туман шароитида туйилган олтингугурт маҳсус тажрибаларда синааб кўрилди. Бунинг учун, ҳар 1 ўсимликка ўлчаб олинган кукун миқдори марли ёрдамида (барг остига) чангитилди (2-4 гр/ўсимлик). Андаза сифатида ҳар 1 гектар ерга ўртача 25 кг олтингугурт ҳисобидан чангитилди. Натижалар 29-жадвалда келтирилди. У ердан кўриниб турганидек, ҳар 1 ўсимликка 0,25 гр дори сарфланганида олтингугурт кукуни деярли самара бермади. Фақатгина сарф-меъёри ҳар 1 ўсимликка 2 гр ҳисобидан олинганида (ўртача 1 ғўзада 20-24 та барг мавжуд эди), 88% ли самарага эга бўлинди. Ғўзадаги барг сони ортиб борган сари сарф-меёр ҳам ошиши шарт. Бунда эса, ҳар 1 гектар ерда 100 минг туп кўчат бўлганида, ҳар гектарга 200 кг дан ортик олтингугурт сарфлаш керак деганидир.

29-жадвал

Олтингугурт кукунини ғўзада ўргимчакканага карши биологик  
самарадорлиги \*)

Дала тажрибаси, Фарғона вил., Боғод тум., Кўлда ишлов берилди, 3.07.2009 й.

Вариантлар	Дорининг сарф- меъёри		Ҳар 1 зар-ган баргдаги кана сони, дона					Самарадорлик, % кунларга:						
			Дори сепиши-	Дори сепилганидан кейин, кунларга:										
	гр/ўсимлик	кг, л/га		гача	3	7	11	15	20	3	7	11	15	20
Туйилган олтингугурт	0,25	25	73,1	67,1	79,2	91,2	101,3	97,3	27,3	8,9	7,4	0	-	-
Бу ҳам	2	200	83,4	71,4	11,6	15,0	31,0	59,2	32,2	88,9	85,7	72,5	52,5	52,5
Омайт, 57% э.к. (андоза)	0,015	1,5	62,2	3,1	2,2	11,2	23,7	51,1	96,1	97,0	85,7	71,9	45,0	45,0
Назорат (дорисиз)	-	-	82,5	104,2	98,2	103,7	112,1	123,3	-	-	-	-	-	-

\*) Самарали фойдаланиш коэффициенти (“КПД”) 80-90%-га тенг деб қабул қилинганида

Турли экинларни ўргимчакканадан ҳамда ун-шудринг қасаллигидан химоя қилиш максадида кенг ишлатиб келинаётган бу анорганик пестицид, ўзининг кимёвий хусусиятлари

ҳамда заарли организмларга кўра, ўргимчаккага қарши етарлича юқори самара кўрсатаолмайди. Ҳатто одатдаги сарф-мөъридан 10 маротаба ошириб (200-300 кг/га) ишлатилганида ҳам биологик самара 80-85% дан ошмайди. Бу хақда шу соҳада йирик тадқикотлар ўтказган олдинги олимлар ҳам (Кособуцкий, 1931, 1934) қайд этиб ўтишган. Шу туфайли олтингугурт кукунини фақат ўргимчаккананинг уяларида уни “дап” этиш мақсадида қўл чангитгичлари ёрдамида июннинг ярмидан кейин, кундузлари ҳаво ҳарорати  $25^{\circ}$  дан ошадиган пайтларда ишлатиш мақсадга мувофиқдир. Олтингугуртли дориларни ОВХ русумли трактор пуркагичлари ёрдамида пуркаш мақсадга мувофиқ эмас.

#### **4-боб. ИНСЕКТИЦИД ВА АКАРИЦИДЛАРНИНГ ҚОЛДИҚ ЗАҲАРЛИЛИГИ**

Амалиётда кўпинча биологик усул билан бир қаторда кимёвий воситалардан фойдаланишга тўғри келади. Агарда ғўза тунламига қарши асосан трихограмма ҳамда бракон ёрдамида кураш олиб борилса, шира ва ўргимчакканага қарши препарат ишлатишга мажбур бўлинади. Шунинг учун амалиётда ишлатиш учун рухсат этилган препаратларнинг қолдиқ заҳарлилигини, яъни у неча кун мобайнида фойдали ҳашаротлар учун хавф туғдириши мумкинлигини билиш лозим. Масалан, эрта баҳорда (майнинг охирида) ниҳоллар ширага қарши ишланади, июн бошида эса ғўза тунламининг тухумига қарши трихограмма қўйишга тўғри келади. Бундан ташқари, мавсум даврида турли хил зааркунандаларга қарши турли усулда курашишга тўғри келади. Бу эса хавфсиз муддатларга риоя қилишни талаб этади.

Турли хил кенг ишлатиб келинаётган ҳамда истиқболли инсектицид ва акарицидларнинг қолдиқ заҳарлилигини ўрганиш ЎҲҚИ ва зоология ИТИ ходимлари томонидан кейинги 10-15 йил мобайнида ўтказилмоқда. Аниқланишича, фосфорограник инсектицидлар (БИ-58, фозалон, селекрон ва б.) қўлланилганда, шу далага трихограммани 10-15 кун, браконни эса 5-10 кундан кейин қўйиш мумкин. Пиретроид группасига

кирадиган препаратлар (цимбуш, каратэ, сумицидин, децис ва б.) қўлланилганда эса трихограмма учун хавфсиз муддат 7-15, бракон учун эса 3-12 кунни ташкил этади. Олтингугуртли препаратлар унчалик хавфли эмас. У трихограммага 5-7 кун, браконга эса 1-2 кун мобайнида таъсир кўрсатиши мумкин (Ш.Т. Хўжаев, А. Ҳакимов, М.Н. Собчак, Ж.У. Собирова).

## **5-боб. ЎСИМЛИКЛАРНИ ЗАРАРКУНАНДАЛАРДАН ҲИМОЯ ҚИЛИШ ИШЛАРИНИ ТАШКИЛЛАШ**

Ўсимликларни зааркунанда ва касалликлардан ҳимоя қилишда кимёвий воситалардан фойдаланишга доир барча талаблар ва тартиб-қоидалар бажарилиши учун жавобгарлик пестицид қўлловчи фермер ва бошқа ташкилотларнинг раҳбарларига юклатилган. Шу билан бирга, қишлоқ хўжалиги соҳасида ишлайдиган ҳар бир мутахассис ҳам ўсимликларни кимёвий усуlda ҳимоя қилишга қўйиладиган асосий талабларни билмоғи лозим.

Қишлоқ хўжалигидаги ишлатиладиган инсектицид-акарицидлар рўйхати (аналогларидан ташқари) қарийб 50 хил номни ўз ичига олади. Бу препаратлар асосан трактор пуркагичлари ҳамда қўл аппаратлари ёрдамида ишлатилади. Трактор парки асосан ОВХ-28 русумли вентиляторли пуркагичлардан ташкил топган. Қўлланиладиган препаратлардан кўзланган самарани олиш учун куйидаги тадбирларни амалга ошириш лозим. Махсус техникани таъмирлаб, ишга созлаб қўйиш; кимёвий препаратлар заҳирасини тайёрлаб қўйиш; об-ҳаво шароитларни аниқлаб инобатга олиш лозим.

Маълумки, ОВХ-28 пуркагичида ҳар гектарга сарфлана-диган сув сарфини маълум даражада ўзгартириш мумкин, бу тўртта кўрсаткичга боғлиқ: агрегат ҳар бир ўтишининг қамраш кенглигига; коммуникациядаги (манометр бўйича) босимга; учлик ва босимнинг катталигига қараб суюқликнинг ҳар сонияда отилишига ҳамда агрегатнинг тезлигига. Қанча сув сарф этиш зарурлигига қараб, ҳар қайси ҳолатда муайян диаметрдаги шайба танлаб олинади. Ҳар гектарга кетадиган

сув миқдорини аниқлашда ўсимликнинг ривожланиши (баргланиш коэффициентини) ҳамда ишлатиладиган препарат ёки препарат аралашмасининг хусусиятларини эътиборга олиш лозим. У амалда қуидагича бажарилади.

Ўсимлик қанча ёш бўлса, пуркагичнинг қамраш кенглиги шу қадар (28 метргача) кенгайтирилиши мумкин. Препаратлар системали (ўсимлик ичдан) ва сиртдан таъсир қиласидиган бўлиши мумкин, шу боисдан бирор препаратни ишлатишга турлича ёндашиш лозим. Сиртдан таъсир қиласидиган, хусусан, ўргимчакканани йўқотадиган препарат ишлатилганда, препарат баргнинг орқа томонига, яъни кана яшайдиган жойга тушишини кўзлаш керак, бу эса ҳар қайси ҳолда алоҳида эътибор беришни талаб этади. Бунинг учун ОВХ пуркагичнинг учини ер юзасига нисбатан бир неча даража пасайтириш лозим. Шу билан бирга ҳимоя қилинаётган ўсимликнинг ўзига шикаст етмаслигига эришмоқ керак.

Сиртдан таъсир этадиган препаратлар ишлатилганда, агрегатнинг қамраш кенглиги қисқаради. Конфидор хилидаги ичдан таъсир этадиган препаратлар ишлатилганда эса, пуркагичнинг қамраш эни анча кенгайтирилиб, ўсимликнинг сербарглигига ҳам боғлиқ бўлиши мумкин.

Шундай қилиб, ҳар гектарга талаб қилинадиган сув сарфи аниқланиб, техника жиҳозланганидан кейин, у амалий (тоза сув билан) аниқлаб кўрилади. Кўпи билан  $\pm 5\text{-}10\%$  ўзгаришга йўл қўйилади. ОВХ-28 пуркагичи юқори унумли машина. Ундан тўлиқ фойдаланиш мақсадида катта диаметрли шайбалар ўрнатиш ҳамда зарурат бўлмасада қамраш энини камайтириш йўли билан суюқ дори сарфлаш меъёрини белгиланганидан ошириш тавсия этилмайди. Ҳар гектарга 200, 100 ва ҳатто 50 л дан сув сарфланганда ҳам яхши натижага эришилиши ўсимликларни ҳимоя қилиш институтининг тадқиқотларида исботланган.

Пуркагичда сув сарфлаш меъёри аниқлангандан кейин, резервуарга сув тўлдирилаётганда аниқ ўлчангандан агар намланувчи кукун бўлса) олдиндан эритиб қўйилган ёки сувга

аралаштирилган препарат қуйилади. Масалан, ҳар гектарга 300 л сув сарфлаш белгиланган бўлса, у ҳолда пуркагич резервуарига 2 гектарга мўлжалланган препарат ёки аралашма қуйилади (чунки, резервуарга 640 л сув кетади) Препаратлар яхши аралашиби учун уларни резервуарларга сув олинаётган пайтда қуйилади. Худди шу мақсадда ишлов берилаётган вактда ҳам гидромешалка (қориштиргич) ишлаб туриши керак. Барча кимёвий ишловлар эрталаб ва кечқурун, ҳаво ҳарорати 28°C гача бўлганида ўтказилиши лозим. Ҳарорат бундан юқори бўлганда препаратнинг самараси пасайиши ва ўсимликларни қўйиши мумкин. Ишлов бериш мавжуд инструкция ҳамда Низомларга мувофиқ ҳолда бажарилади.


## ИЛОВАЛАР

*1 илова (III қисм учун)*

### 1. Трихограмма тухумхур яйдоқчиси



1



2



3



4



5




6



1 – етук зоти, 2 – жинслар мўйловининг фарқланиши: а-урғочисиники, б-эркагиники; 3 – бегона ҳашаротнинг тухумини заарлаши, 4 – трихограмма купайтириш линиясининг кўриниши, 5 - стеллаж, 6 - заарлаш учун мўлжалланган ситотрога тухуми банкаларда, 7 – трихограммани далага тарқатишда ишлатиладиган қоғоз бўлаклари, 8 – трихограмма билан заарланган тут парвонасининг тухумлари.

## 2. Бракон ички паразити





9



10

1,4 – етук зотлари; 2,3 – кўсак куртини заарлаши; 5,6 – тут парвонасининг куртини заарлаши; 7,8 – браконни мум куясининг куртларида кўпайтириш, 9 – маккажўхори тунлами куртларида кўпайтириш, 10 – тайёр маҳсулот хонаси.

### 3. Олтинкўз ҳашароти



1



2



3



4



5



6

1 – етук зоти, 2 – ўсимликга қўйилган тухумлари,  
3 – тухумдан очиб чиқаётган қуртлари, 4 – ғумбак пилласи  
ва қурти, 5 – катта ёш қурти ғўза тунламининг қуртига (кўсак  
қуртига) ҳамла қилиши, 6 – ширалар билан озиқланиши.

#### 4. Энтомофагларни ўрганиш бўйича тадқиқотлар



1



2



3



4



5



6



7



8



9

Агротоксикология лабораторияси ходимлари биологик ҳамда токсикологик усууларини үйғунлаштириш устида иш олиб борадилар. 1,2 – расмларда лабораторияда олиб борилаётган тадқикотлар, 3,4,5 – күсак куртига карши кураш асосий вазифалардандир, 6 – биообъект билан заарланган күсак курти, 7 – оқканотнинг асосий кушандаси энкарзиядир, 8 – апантелес казак кушандаси ғўза тунламига ихтинослашган, 9 – *Apanteles sp.* кузги тунлама куртларини самарали кушандаси.

2-илюва

### **Ҳашарот ва ўргимчаккана номларининг китобда жойланиши (бетлар)**

<b>A</b>	<b>3</b>
Акация шираси – 259	Заарарли бузоқбош - 360
Акация сохта қалқондори – 298	Заарарли хасва – 171
Аллекто бражниги – 338	Зифирак тунлами – 148
Анор меваҳўри – 311	
Анжир парвонаси – 320	
Америка оқ капалаги – 328	
Апантелес – 139	
Арпа шираси – 176	
Арвоҳ капалак ёки бражниклар – 339	
Атир гул ёнғоқ ҳосил қилувчиши – 364	
Атир гул арракаши – 366	
<b>B</b>	<b>I</b>
Баргўровчи – 307	Икки нуктали цикада – 120
Беда ёки акация шираси – 107	Илдиз кемирувчи тунламлар – 236,274,343
Беда қандаласи – 113	Илдиз шиши қўзғатувчи нематодаси – 268
Беда тунлами – 146	Италия чигирткаси – 72
Боғ ўргимчакканаси – 293	Илдиз шираси – 273
Бурундор кора кўнгиз – 82	Ипак курти – 342
Буғдой трипси – 178-181	Июн бузоқбоши - 360
Бузоқ бошилар (хрушлар) – 237	
Бракон – 140,416	
Бўртган терак қалқондори - 359	
<b>V</b>	<b>Й</b>
Вергулсимон олма қалқондори - 359	Йирик тиник қанот - 361
	Йиртқич каналар – 387,395
	Йиртқич пашшалар – 389
	Йўнгичқа (себарга) тунлами – 156
<b>K</b>	<b>К</b>
	Калифорния қалқондори – 297
	Канаҳўр трипс – 388
	Карадрина – 149
	Карам окқаноти – 116
	Карам шираси – 248
	Картошка тунлами – 248
	Картошка коровкаси – 247

- Визилловчи пашшалар – 389  
 Визилдөк пашшалар, ёки гул  
 пашшалари- 390
- Г**
- Галлица пашшалари – 189  
 Галликалар – 390  
 Гамма тунлами – 154,235  
 Гессен пашшаси – 189  
 Гунафша рангли қалқондор – 296
- Д**
- Даала қандаласи – 114  
 Даала шиллик қүрти – 274  
 Дўлана канаси – 292  
 Дўлана гирдак күяси – 318  
 Дўлана баргўровчиси - 360
- Ё**
- Ёввойи тунлам – 128  
 Ёнғоқ меваҳўри – 314  
 Кумушсимон товланувчи пашшалар–391
- Л**
- Лентали катта тунлам – 130  
 Леукани тунламлари – 209  
 Линейкасимон бражник – 338
- Н**
- Наманган, ёки тол мўйловдори – 360  
 Нок зант канаси – 293  
 Нок қандаласи – 304  
 Нубигера тунлами – 148
- О**
- Оддий қуйрукли бузоқбоши – 360  
 Оддий ғалла шираси – 176  
 Оддий ғалла тунлами – 193  
 Оддий ўргимчаккана – 291  
 Олма вергулсимон қалқондори – 292  
 Олма күяси – 316  
 Олма меваҳўри – 307  
 Олма шираси – 284  
 Олма қандаласи – 304  
 Олтинкўзлар – 141,430-447  
 Олхўри сохта қалқондори – 300  
 Осиё чигирткаси – 70  
 Отбосар (мўйловли) чигиртка – 75  
 Откулок тунлами – 156  
 Оч кулранг ер тунлами – 130  
 Оқ жўхори трипси – 212  
 Оққанотлар – 116,239
- П**
- Кartoшka куяси – 244  
 Kartoshka нематодаси – 248  
 Kartoshka поя нематодаси – 248  
 Катта терак олтинкўнғизи - 360  
 Катта ғалла шираси – 211  
 Катта гўза шираси – 109  
 Кенг чертмакчи – 80  
 Кичик кравчик – 186  
 Кичик кўк цикада – 120  
 Кичик терак олтинкўнғизи – 360  
 Кичик хрушак – 83  
 Кокцидлар – 294  
 Кокцинеллидлар – 383  
 Колорадо қўнғизи – 227  
 Комсток қурти – 302  
 Кравчик қўнғизлар – 186  
 Кугарт кравчиги – 186  
 Кузги тунлам – 123,203
- Т**
- Тамаки тунлами – 130  
 Тахина пашшалари – 141,392  
 Тенгсиз ипакчи – 326  
 Терак салат трипси – 360  
 Терак қандаласи – 360  
 Терак баргемири – 360  
 Терак баргўровчиси – 360  
 Терак арвоҳ капалаги – 360  
 Тилла қўнғизлар – 132  
 Тиллакўнғиз бронзовкаси – 366  
 Ток барг ўровчиси – 335  
 Ток канаси – 333  
 Ток шираси ёки филлоксера – 340  
 Тол баргемири – 359  
 Тол пўстлокхўри – 360  
 Тол баргўровчиси – 360  
 Тоғ кравчиги – 186  
 Триплар – 110,178-181,267,344,364  
 Трихограмма – 398  
 Тукли тўрон мўйловдори – 360  
 Туркистон чертмакчиси – 80  
 Туркман чигирткаси – 77  
 Тут дараҳитинг зааркунандалари – 346  
 Тут одимчиси – 346  
 Тут парвонаси – 347  
 Тухумхўр-трихограмма – 138  
 Тўрли шиллик қурт – 274  
 Тўр ҳосил қилувчи баргўровчи – 360

Пашшалар – 189  
Пиёз илдиз канаси – 279  
Пиёз пашаси – 277  
Пиёз поя нематодаси – 281  
Плакча мўловлилар – 132  
Плотников шираси – 109  
Полиз шираси – 108  
Полиз кўнгизи ёки эпиляхна – 257  
Помидор занг канаси – 231  
Псилиллар, ёки барг бургачалари – 305  
Пьявица (шилимшик курт) – 181

**С**

Саксоул чигирткаси – 76  
Сассиқ пояхўр – 360  
Сатрап чигирткаси – 76  
Симкуртлар ва сохта симкуртлар – 236  
Стеторус кўнгизи – 386

**Ш**

Шарқ мева курти – 323  
Шарқ баргкемиари – 360  
Шафтоли ёки иссиқҳона яшил шираси – 287  
Шафтоли барг канаси – 292  
Шахар мўйловдори – 360  
Шингил барг ўровчиси – 337  
Ширалар – 259,283,364  
Шиш хосил қилувчи олхўри канаси – 247  
Шиш кўзгатувчи нок канаси – 293  
Шолғом оқ капалаги – 253

**Э**

Экин чертмакчиси – 80

**Ў**

Ўргимчаккана – 97-104,213,291,344  
Ўрта вино бражниги – 338  
Ўргимчакканалар – 364  
Ўсимлик ширадари – 104

**Қ**

Қайрогоч – фалла шираси – 360  
Қайрогоч – корагат шираси – 361  
Қалқондорлар – 296  
Қандалалар – 113,223,304  
Карсилдоқ кўнгизлар (симкуртлар)-184  
Қашқарбеда тунлами – 156

**У**

Узум цикадаси – 334  
Ундов тунлами – 128  
Унсимон узум курти – 330  
Ун хрушаги – 83

**Ц**

Цикадалар – 120  
Цикадид – 120  
Цитрус оққаноти – 116

**Ч**

Червец-куртлар тунлами – 294  
Черемуха – фалла шираси – 176  
Чертмакчилар – 80-82,132,202  
Чигирткалар – 65  
Чиритувчи нематода – 270  
Чўл секин юрар кўнгизи – 83  
Чўл чертмакчиси – 80

Кизил қон шираси – 285

Кир (турон) чигирткаси – 74  
Ковун майса пашаси – 242  
Корамтири терак тиниққаноти – 360  
Ковун пашаси – 261  
Кора доғли тунлам – 130  
Кора кравчик – 186  
Кора С – тунлами – 130  
Кора чертмакчи – 80  
Кора кўнгизлар – 82,132  
Корамтири чертмакчи – 80  
Кулупнай баргхўри – 271  
Кулупнай канаси – 273  
Кулупнай узунбуруни – 272  
Кумлок секин юрар кўнгизи – 83

**Ғ**

Фалла тунлами – 193  
Фовак госил қилувчи терак куяси – 360  
Ғўзапоя куя – чилпигичи – 157  
Ғўза куяси ёки пушти курт – 160  
Ғўза тунлами – 133-138,204,238  
Ғўза қора кўнгизи – 83

**Я**

Яшил ингичка танали тол олтинкўнгизи – 360  
Яшил ингичка танали терак олтинкўнгизи – 360

*З-илова*

**Расмларнинг жойланиши**

№	Бет	Мазмуни
1.	9	Ҳашарот ва каналарнинг ташки тузилиши
2.	10	Ҳашарот мўйловларининг турлари
3.	11	Кемиришга мослашган оғиз органлари (кора суварак)
4.	12	Капалакларнинг (А) сўришга ва қандаланинг (Б) саншиб-сўришга мослашган оғиз аппарати
5.	14	Оёкларнинг тузилиши ва турлари
6.	15	Қанот турлари
7.	16	Визилловчи пашша қанотининг томирланиши
8.	22	Ғўза тунламининг ёғли тўқимаси
9.	23	Ҳашарот танасининг ички тузилиши
10.	32	Хар хил типдаги сенсиллаларнинг тузилиши
11.	43	Тўлиқиз ва тўлик ўзгариб ривожланиш
12.	44	Тухум ва унинг турлари
13.	46	Ғумбак турлари
14.	55	Эндопаразитдан ўлган ғўза тунламининг етук қурти
15.	56	Карам капалагини еяётган ниначи
16.	61	Лихачёв кўнгизлари ғўза баргини кемираяпти
17.	69	Чигирткаларнинг 2 тури
18.	73	Чигирткаларнинг мавсумда ривожланиши
19.	74	Воҳа чигирткасининг йиллик ривожланиши
20.	80	Чертмакчилар
21.	85	Термитлар
22.	98	Ўргимчаккана
23.	105	Ширалар
24.	107	Афидиид кушандасининг катта ғўза ширасини заарлаши
25.	112	Тамаки трипси

26.	114	Қандала (чизма)
27.	115	Қандала
28.	117	Оққанот
29.	123	Кузги тунлам
30.	127	Кузги тунлам (апантелес)
31.	134	Ғұза тунлами
32.	135	Ғұза тунламининг ғумбаклари
33.	138	Трихограмма
34.	140	Апантелес
35.	140	Бракон
36.	150	Карадрина
37.	154	Гамма-тунлами
38.	162	Ғұза күяси
39.	171	Зарарли хасва
40.	177	Бүгдой шираси
41.	179	Бүгдой трипси
42.	182	Пъявница (шилимшиқ қурт)
43.	185	Симкурт
44.	187	Кравчик күнғизи
45.	190	Швед пашшаси
46.	194	Галла тунлами
47.	198	Маккажүхори поя парвонаси бүгдойда
48.	205	Ғұза тунламининг қуртлари томонидан зарарланаётган маккажүхори сұтлары
49.	206	Маккажүхори парвонаси
50.	209	Леукани тунлами
51.	218	Фитономус
52.	221	Беда уруғ ҳүри
53.	223	Беда қандаласининг етуқ зоти
54.	228	Колорадо күнғизи
55.	233	Занг канаси
56.	235	Гамма-тунлами + кузги тунлам
57.	237	Бузок боси
58.	239	Оққанот сабзавотда; энкарзия
59.	243	Фовак қосыл қилувчи пашшалар
60.	245	Картошка күяси
61.	249	Карам шираси
62.	252	Карам оқ капалаги
63.	255	Карам күяси
64.	258	Эпилляхна
65.	263	Қовун пашшаси
66.	267	Қовун майса пашшаси
67.	268	Тамаки трипси
68.	269	Илдиз шиш құзгатувчи нематодаси
69.	275	Шиллик қурт
70.	277	Пиёз пашшаси
71.	279	Пиёзни, пиёз илдиз канаси билан зарарланиши
72.	282	Пиёз поя нематодаси

73.	285	Олма шираси
74.	286	Қизил қон шираси
75.	289	Катта шафтоли шираси
76.	292	Дўлана канаси
77.	295	Қалкундорлар
78.	299	Акация соҳта қалкундори
79.	301	Олхўри соҳта қалкундори шофтоли дараҳтида
80.	306	Нок шираси
81.	308	Олма меваҳўри
82.	311	Алдамчи белбог
83.	313	Анор меваҳўри
84.	315	Ёнгок меваҳўри
85.	318	Олма күяси
86.	319	Гирдак күяси
87.	321	Анжир парвонаси
88.	325	Шарқ меваҳўри
89.	327	Тенгизз ипакчи
90.	329	Америка оқ капалаги
91.	331	Унсимон узум курти
92.	333	Узум канаси
93.	335	Узум цикадаси
94.	338	Шингил барг ўровчиси
95.	339	Узум арвоҳ капалагининг курти
96.	341	Филлоксера
97.	345	Дараҳт илдизларини еб вояга етган хруш личинкалари
98.	347	Тут одимчиси
99.	349	Тут парвонаси
100.	352	Тут парвонаси куртларининг бракон кушандаси билан заарланиши
101.	354	ОВХ-28 га мослама
102.	358	Терак ва унинг зааркунандалари
103.	365	Наъматак ва атиргулнинг асосий зааркунандалари
104.	384	Етти нуктали хон кизи (кокцинеллид) қунғизи
105.	386	Стеторус қўнғизи
106.	387	Йиртқич кандалалар
107.	388	Канаҳўр трипсининг личинкаси ўргимчаккана тухумлари орасида
108.	390	Визилдоқ, ёки сирфид пашшалари
109.	391	Йиртқич галлица пашшаси
110.	392	Левкопис авлодига оид кумушсимон товланувчи пашша-нинг личинкаси ғалла баргига.
111.	393	Тахина пашшаларининг
112.	394	Пардақанотли афидиидлар
113.	395	Оддий ўргимчаккана – <i>Tetranychus urticae</i> , Йиртқич канна – фитосейулюс ( <i>Phytoseiulus persimilis</i> ).
114.	397	Бешиктерват ва унинг тухум тўплами
115.	398	Трихограмма
116.	416	Бракон (кўсак курти)
117.	431	Олтинкўз
118.	440	Олтинкўзни ярим автоматлаштирилган усулда кўпайтириш учун

		ишлатиладиган ускуналар
119.	455	Тунлам капалакларини аниклаш учун мўлжалланган феромон тузоклар (ФТ)
120.	460	Кузги тунлам капалакларини учишини аниклаш учун далага ўрнатилган феромон тутқич ва олинган натижаларни муҳокамаси.
121.	463	“Баклашка” нинг тузилиши ва уларни далага ўрнатилиши.
122.	464	Хашарот йигишига мўлжалланган фотоспектри тутқич ва унинг далага ўрнатилиши
123.	477	ОВХ-28 русумли пуркагич ёрдамида гўзага ишлов бериш
124.	533	Суспензияни ўрганиши бўйича ўтказилган тажриба (I-биринчи ишлов 30.05, II-иккинчи ишлов 17.06, III-учинчи ишлов 3.07) – Фаргона вил., 2009 й.
125.	539	Пестицидларни синашда ОВХ-28 русумли трактор пуркагичидан кенг фойдаланади. Ҳаво оқимига таянган бу пуркагич ўргимчакканани ҳамда хашаротларни тарқатиб юбориши мумкин.

4-илюса

### Китобдаги жадвалларнинг жойланиши

№	Бет	Нима тўғрисида
1.	66	Сурхандарё вилоятида чигирткалар тарқалган майдон ва уларнинг зичлиги
2.	79	Ўзбекистонда чигирткаларга қарши тавсия этилган инсектицидларнинг рўйхати
3.	103	Гўзада ўргимчакканага қарши тавсия этилган акарицид-инсектицидлар ҳамда ихтисослашган акарицидлар
4.	111	Гўзада шираларга қарши тавсия этилган инсектицидлар рўйхати
5.	119	Оқканот
6.	121	Оқканот (препаратлар)
7.	147	Кўсак курти (препаратлар)
8.	201	Галла (препаратлар)
9.	215	Маккажўхори (дорилар)
10.	232	Картошка, помидор (препаратлар)
11.	251	Карам (препаратлар)
12.	290	Боғ (препаратлар)
13.	323	Фенограмма (анжир парвонаси)
14.	348	Жадвал (тут парвонаси)
15.	360	Ўзбекистонда учрайдиган терак ва тол зааркунандалари: систематик ўрни, номланиши, кайд этилиши ва зичлиги
16.	407	Эксикаторларда ҳавонинг керакли нисбий намлигини ҳосил қилиш
17.	419	Асалари мум күясининг ривожланиши давомийлиги
18.	421	Асалари мум күясини кўпайтириш ва унга ишлатиладиган озукалар
19.	437	Олтинкўзни кўпайтиришда кўлланиладиган озукалар ва уларнин таркиби
20.	438	Ситотрогада кўпайтирилган олтинкўзнинг биологик кўрсаткичлари
21.	458	фермер хўялигининг

		контурида феромон туткчиларга тушган капалаклар хисоби
22.	466	Фойдалы ҳашаротлар учун дориларнинг колдик (асоратли) таъсири
23.	514	Жадвал (олтингугурт қайнатмаси)
24.	535	Ғўза 2-3 чинбарг даврида <u>суспензия+инсектицид</u> аралаштириб қўлланганда ғўзанинг сўрувчи зааркундалар билан <u>зарарланишининг озайиши</u> (1-нчи ишлов)
25.	535	Ғўза 2-3 чинбарг даврида <u>суспензия+инсектицид</u> аралаштириб қўллашнинг сўрувчи зааркундаларга қарши <u>биологик самарадорлиги</u> (1-нчи ишлов)
26.	536	Ғўза 5-6 чинбарг даврида <u>суспензия+инсектицид</u> аралаштириб қўлланганда ғўзанинг сўрувчи зааркундалар билан <u>зарарланишининг озайиши</u> (2-нчи ишлов)
27.	536	Ғўза 5-6 чинбарг даврида <u>суспензия+инсектицид</u> аралаштириб қўллашнинг сўрувчи зааркундаларга қарши <u>биологик самарадорлиги</u> (2-нчи ишлов)
28.	537	Ғўза шоналаш даврида <u>суспензия+инсектицид</u> аралаштириб қўллашнинг ўргимчакканага қарши <u>биологик самарадорлиги</u> (3-нчи ишлов)
29.	540	Олтингугурт қуқунини ғўзада ўргимчакканага қарши <u>биологик самарадорлиги</u>

### **Фойдаланилган адабиётлар**

#### **а) Умумий энтомология соҳасида.**

1. Бей-Биенко Г.Я. Общая энтомология. М.: «Высшая школа», 1966. – 495 с., II изд., 1980. – 416 с.
2. Бондаренко Н.В., Глущенко А.Ф. Практикум по общей энтомологии. – Л.: Агропромиздат, 1985. – 352 с.
3. Захваткин Ю.А. Курс общей энтомологии.–М.: Агропромиздат, 1986.–320 с.
4. Кузнецов Н.Я. Основы физиологии насекомых. – М.-Л.: Изд. АН СССР т. I, 1948, т. II, 1953.
5. Лукин Е.И. Зоология. – М.: «Высшая школа», 1981. – 400 с.
6. Муродов С.А. Умумий энтомология курси. – Тошкент: «Мехнат», 1986. – 271 б.
7. Олимжонов Р.А. Энтомология. – Тошкент: «Ўқитувчи», 1977.– 275 б.
8. Росс Г., Росс Ч., Росс Д. Энтомология. – М.: «Мир», 1985. – 570 с. (инглиз тилидан таржима).
9. Шванович Б.Н. Курс общей энтомологии. – М.-Л.: «Советская наука», 1949.
10. Яхонтов В.В. Ўрта Осиё Қишлоқ хўжалиги зааркундалари. – Тошкент: Ўрта ва олий мактаб», 1962. – 693 б.

#### **б) Қишлоқ хўжалик энтомологияси соҳасида.**

1. Алимухамедов С.Н., Хўжаев Ш.Т. Ғўза зааркундалари ва уларга қарши кураш. – Тошкент: «Мехнат», 1978 (I нашр), 1991 (II нашр). – 193 б.
2. Алимухамедов С.Н., Адашкевич Б., Одилов З.К., Хўжаев Ш.Т. Ғўзани биологик усулда химоя килиш. – Тошкент: «Мехнат», 1990. – 172 б.
3. Бей-Биенко Г.Я., Богданов-Катков Н.Н., Щеголев В.Н. и др. Сельскохозяйственная энтомология. 3-е изд. – М.-Л.: Сельхозгиз, 1955.

4. Бондаренко Н.В. Биологическая защита растений. – М.: Агропромиздат, 1986. – 278 с.
5. Ванек Г., Корчагин В.Н., Тер-Симонян Л.Г. Атлас болезней и вредителей плодовых, ягодных, овощных культур и винограда. – М.: «Агропромиздат», 1989. – 410 с.
6. Васильев В.П., Лившиц И.З. Вредители плодовых культур. – М.: «Колос», 1984. – 398 с. (изд. II.)
7. Вредители хлопчатника и их энтомофаги в Узбекистане. – Ташкент: «Фан», 1986. – 178 с. (кол. авт.)
8. Защита хлопчатника, люцерны и кукурузы (кол. авт.). – Ташкент: Госиздат УзССР, 1959. – 192 с.
9. Интегрированная защита растений (кол. авт. под ред. Ю.Н. Фадеева и К.В. Новожилова). – М.: «Колос», 1981. – 335 с.
10. Копанева Л.М., Стебаев И.В. Жизнь саранчевых. – М.: Агропромиздат, 1985. – 190 с.
11. Махсумов А.Н., Нарзикулов М.Н. Интегрированная защита хлопчатника от вредителей. – Душанбе: «Дониш», 1981. – 245 с.
12. Нарзикулов М.Н., Коваленков В.Г. Основы интегрированной защиты хлопчатника от вредителей и болезней в Средней Азии. – Душанбе: «Дониш», 1977. – 200 с.
13. Поспелов С.М., Долженко И.К., Шестиперова З.И. Основы карантина сельскохозяйственных культур. – Л.: «Колос», 1978. – 176 с.
14. Поспелов С.М. Совки – вредители сельскохозяйственных культур. – М.: Агропромиздат, 1989. – 111 с.
15. Попова М.П., Соболева В.П. Вредители и болезни плодово-ягодных культур и винограда. – М.: 1961. – 272 с.
16. Плотников В.И. Насекомые, вредящие хозяйственным растениям в Средней Азии. – Ташкент, 1926.
17. Успенский Ф.М. Паутинный клещ биоценоза хлопковых полей и система приёмов интегрированной борьбы с главнейшими вредителями хлопчатника в Узбекистане. – Ташкент: «Фан», 1970. – 305 с.
18. Хасанов Б.О., Хамраев А.Ш., Эшматов О.Т. ва б. Ўзани зараркунанда, касалликлар ва бегона ўтлардан химоя қилиш. Тошкент: «Университет», 2002. – 379 б.
19. Щеголев В.Н. Сельскохозяйственная энтомология. – М.-Л.: Сельхозгиз, 1960.
20. Экология насекомых в Узбекистане (кол. авт.). – Ташкент: «Фан», 1968. – 200 с.
21. Экология хлопковой совки и сроки борьбы с ней (кол.авт.: К.И. Ларченко и др.). – Ташкент: «Фан», 1968. – 188 с.
22. Яхонтов В.В. Ўрта Осиё қишлоқ хўжалиги ўсимликлари ҳамда махсулотларининг зараркунандалари ва уларга қарши кураш. – Тошкент: «Ўрта ва олий мактаб», 1962. – 693 б.

### **в) Биологик кураш усули хақида.**

1. Адашкевич Б.П., Карелин В.Д. Разведение мух-журчалок в лаборатории. – Зоологический журнал. – 1972. – Т.51. – вып. 2. – С. 1395-1398.

2. Адашкевич Б.П. Стандарт на качество трихограмма /Семинар по ЭПВ вредителей хлопчатника и перспективам биометода. – Ташкент: МСХ УзССР, 1979. – С. 3-7.
3. Адашкевич Б.П., Сайдова З.Х. Разведение габробракона //Ж. Защита растений. – Москва, 1984. - №5. – С. 20-21.
4. Адашкевич Б.П., Сайдова З.Х. Хранение габробракона //Ж. Защита растений. – Москва, 1985. - №7. – С. 26.
5. Адашкевич Б.П. Златоглазка: за и против //Ж. Защита растений. – Москва, 1987. - №7. – С. 29-30.
6. Адашкевич Б.П., Сайдова З.Х. Особенности развития *Habrobracon hebetor* (*Hymenoptera, Braconidae*) при разведении в лаборатории //Зоологический журнал. – 1987. – Т. LXVI. – вып. 10. – С. 1509-1515.
7. Адашкевич Б.П., Шапова А.П., Сайдова З.Х., Нурмухамедова С.Ш. Перспективы применения бракона в борьбе с вредителями хлопчатника. – Ташкент: УзНИИЗР, 1988. – 49 с.
8. Адылов З.К. Оценка эффективности хищных кокцинеллид для биологической борьбы с тлями в Узбекистане. – Автореф. дисс... канд.биол.наук. – Ленинград: ВИЗР. – 1965. – 22 с.
9. Алимухамедов С.Н., Адашкевич Б.П., Адылов З.К., Ходжаев Ш.Т. Биологическая защита хлопчатника (I-II изд.). – Ташкент: Мехнат, 1989. – 167 с.
10. Атамирзаев Х.Х. Разработка технологии механизированного разведения бракона и его эффективность на примере борьбы с хлопковой совкой на томатах. – Автореф. канд. дисс. по спец. 06.01.11. – Защита растений от вр. и бол. – Ташкент: УзНИИЗР, 1994. – 21 с.
11. Атамирзаева Т.М. Фауна и экология трихограмм (*Hymenoptera, Trichogrammatidae, Trichogramma*) Узбекистана. – Автореф. канд. дисс... по спец. 03.00.09. Энтомология. – Ташкент (УзНИИЗР), 1994. – 20 с.
12. Атамирзаева Т., Очилов Р.О., Захидов М.М. Трихограммы (*Trichogramma*
13. Боголюбова А.С. Габробракон (*Habrobracon hebetor* Say) как основной паразит хлопковой совки в Узбекистане и пути повышения его полезной роли. – Автореф. дисс... канд.биол.наук. – Ташкент, 1974. – 20 с.
14. Бондаренко Н.В. Биологическая защита растений. – М.: Агропромиздат, 1986. – 277 с.
15. Гринберг Ш.М., Абашкин А.С., Черкасов В.А. Методические указания по промышленному производству трихограммы на биофабриках. – Москва: ВАСХНИЛ, 1983. – 76 с.
16. Камалов К. Применение трихограммы и габробракона //Ж. Сельское хозяйство Туркменистана. – 1982. - №7. – С. 37.
17. Кан А.А., Ким Ч.Н. Интегрированная защита хлопчатника от вредителей. – Ташкент: Мехнат, 1988. – 75 с.
18. Кимсанбоеv Х.Х. Биолабораторияларда энтомофагларни кўпайтириш. – Тошкент: Ўқитувчи, 2000. – 35 б.
19. Мансуров А.К., Абдурахманова Р., Давлетшина А.Г. и др. Энтомофаги и вредители сельскохозяйственных культур Узбекистана. – Ташкент: Фан, 1980. – 87 с.

20. Мирзалиева Х. Методические указания по разведению и применению габробракона против хлопковой совки на хлопчатнике, люцерне, кукурузе, овоще-бахчевых культурах. – Ташкент, 1961. – 53 с.
21. Мирзалиева Х.Р. Биологический метод борьбы с вредителями сельскохозяйственных культур. – Ташкент, 1986. – 53 с.
22. Очилов Р.О., Заходов М.М., Сайдова З. Биолабораторияларда кўпайтирилаётган браконнинг (*Br. hebetor*) сифат кўрсаткичларини аниқлаш бўйича услубий қўлланмана. – Тошкент, 2006. – 12 б.
23. Рашидов М.И. Интегрированная защита паслёновых овощных культур от вредителей. – Ташкент, 2008. – 190 с.
24. Рашидов М.И., Амантурдиев А.Б., Анорбоев Р.У. Сирдарё вилоятида экилган гўза навларининг тавсифи, етишириш агротехникини ва зараркундалардан биологик усуулда химоя килиш бўйича тавсиялар. – Гулистан, 2011. – 52 б.
25. Рекомендации по биологической защите томатов от хлопковой совки //Адашкевич Б.П., Рашидов М.И., Атамирзаева Х.Х. и др. – Ташкент, 1986. – 12 с.
26. Сайдова З.Х. Биологические и экологические особенности бракона (*Bracon hebetor* Say: *Hymenoptera, Braconidae*) как основы для массового разведения и применения паразита. – Автореф. дисс. к.б.н. – Ленинград: ВИЗР, 1989. – 21 с.
27. Саттаров Н., Юсупова М., Хўжаев Ш.Т. Пестицидларни фойдали ҳашаротларга хавфлилиги //Ўзбекистон аграр фанини хабонамаси. – 2008. - №2. – Б. 118-119.
28. Сорокина А.П. Определитель видов рода *Trichogramma* Westw. (*Hymenoptera, Trichogrammatidae*) мировой фауна. – М.: Колос, 1993. – 75 с.
29. Твердюков А.П., Никонов П.В., Ющенко Н.П. Биологический метод борьбы с вредителями и болезнями в защитном грунте. – М.: Колос, 1993. – 157 с.
30. Успенский Ф.М. Паутинный клещ и система приёмов борьбы с вредителями хлопчатника. – Ташкент: Фан, 1970. – 303 с.
31. Хўжаев Ш.Т., Юсупова М., Курязов Ш., Саттаров Н. Кўсак қуртига қарши биология курашнинг истиқболлари //Ўсимликларни зараркунданда-лардан химоя қилишда илғор тажриба (мақолалар тўплами). – Тошкент, 2008. – Б. 44-49.
32. Хўжаев Ш.Т., Саттаров Н., Юсупова М., Юлдашев Ф., Маматов К.Ш. Пестицид ва фойдали ҳашаротлар //Ўсимликларни зараркунандалардан химоя қилишда илғор тажриба (мақолалар тўплами). – Тошкент, 2008. – Б. 55-57.
33. Хўжаев Ш.Т., Юсупова М., Якубжонов О. ва б. Фўзани кўсак қуртидан химоя қилишда феромон туткичлардан фойдаланиш истиқболлари. – Тошкент: «DS-HAMKOR» МЧЖ, 2008. – 19 б.
34. Хўжаев Ш.Т., Саттаров Н., Юсупова М., Юлдашев Ф. Замонавий инсектицид-акарицидларнинг фойдали ҳашаротлар учун хавфлилиги //АгроИлм журнали. – 2009. - №2. – Б. 32.
35. Хўжаев Ш.Т. Энтомология, қишлоқ хўжалик экинларини химоя қилиш ва агротоксикология асослари. – Ташкент: Фан, 2010. – 355 б.
36. Шувахина Е.Я. Златоглазки и их использование в борьбе с вредителями сельхоз культур //Биол. средства защиты растений. – М.: Колос, 1974. – С. 185-199.

37. Эшматов О.Т. Действие пиретроидов на разные фазы развития габробракона //Тез. докл. респ. школы молодых учёных (1-2 февраля 1983 г.). – Ташкент, 1983.–С. 31-33.
38. Юзбашьян О.Ш. Златоглазка обыкновенная (*Chrysopa carnea* Steph.) и её роль в ограничении численности сосущих вредителей хлопчатника. - Автореф. канд. дисс. – Ташкент, 1970. – 22 с.
39. Юсупова М.Н., Юлдашев Ф., Ходжаев Ш.Т. Биометод для защиты пожнивных культур //Узбекский биологический журнал. – 2011. - №2. – С. 41-43.
40. Jusupova M.N., Hodzhaev S.T., Mamatov K.S. Possibilities of the biological method of cotton plant protection // Agriculture and biology journal of North America. – Agric. Biol. J. N. Am., 2010. – XX(X-X): XX-XX.

#### **г) Агротоксикология ва пестицидлар ҳақида.**

1. Гар К.А. Инсектициды в сельском хозяйстве. – М.: «Колос», 1974. – 252 с.
2. Мельников Н.Н., Новожилов К.В., Белан С.Р., Пылова Т.Н. Справочник по пестицидам. – М.: «Химия», 1985. – 350 с.
3. Мельников Н.Н., Новожилов К.В., Пылова Т.Н. Химические средства защиты растений (пестициды). – М.: «Химия». – 285 с.
4. Ўзбекистон Республикаси қишлоқ хўжалигида ишлатиш учун руҳсат этилган пестицидлар ва агрохимикатлар рўйхати. – Тошкент: «Ruta-Print», 2007. – 215 б.
5. Химическая защита растений (кол. авт. под ред. Г.С. Груздева). – М.: Агропромиздат, 1987. – 415 с.

#### **д) Илмий изланишлар ўтказиш услублари.**

1. Даля тажрибаларини ўтказиш услублари (мақолалар тўплами, Ш. Нураматов, Қ. Мирзажонов, А. Авлиёкулов ва б. таҳририяти остида). – Тошкент: ЎзПИТИ, 2007. – 147 б.
2. Доспехов Б.А. Статистическая обработка данных полевого опыта. – Земледелие, 1965. - №10.
3. Доспехов Б.А. Методика полевого опыта. – М.: Колос, 1979. – 415 с.
4. Журбицкий З.И. Теория и практика вегетационного метода. – М.: Наука, 1968.
5. Инсектицид, акарицид, биологик фаол моддалар ва фунгицидларни синаш бўйича услубий кўрсатмалар (мақолалар тўплами, Ш.Т. Хўжаев таҳрири остида). – Тошкент: Давлат кимё комиссияси, 2004. – 103 б.
6. Макаров А.Ф. Инструкция по закладке полевых опытов с хлопчатником, производству, наблюдению и учёту урожая. – Ташкент, 1930.
7. Меднис М.П. О методике полевого и вегетационного опыта – «Опытная агрономия», 1941, №5.
8. Методика и техника постановки опыта на стационарных участках, 3-е изд. доп. и испр. – М.: Сельхозгиз, 1959.
9. Методика определения экономической эффективности использования в сельском хозяйстве результатов НИ и опытно-конструкторских работ, новой техники, изобретений и рационаализаторских предложений НТС МСХ СССР, М., ВНИИТЭИСХ, 1979, №7.

## МУНДАРИЖА

	Умумий қисм .....	3
<b>I қисм</b>	<b>УМУМИЙ ЭНТОМОЛОГИЯ АСОСЛАРИ .....</b>	<b>8</b>
1-боб.	ҚИШЛОҚ ХЎЖАЛИК ЗАРАРКУНАНДАЛАРИНИНГ ТАШҚИ ТУЗИЛИШИ .....	8
	Ҳашаротлар.....	8
	Каналар.....	18
2-боб.	ЗАРАРКУНАНДАЛАРНИНГ АНАТОМИЯ ВА ФИЗИОЛОГИЯСИ .....	19
	Ҳашаротлар.....	19
	Каналар.....	35
3-боб.	ЗАРАРКУНАНДА ТУРКУМЛАРИНИНГ ТАЪРИФИ.....	37
	Ҳашаротлар .....	37
	Тўлиқсиз ривожланадиган (ўзгарадиган) ҳашарот туркумлари.....	38
	Тўлик ривожланадиган (ўзгарадиган) ҳашарот туркум- лари.....	40
	Каналар.....	41
4-боб	ЗАРАРКУНАНДАЛАРНИНГ РИВОЖЛАНИШИ .....	42
	Ҳашаротлар хаёти .....	42

	Каналарнинг хаёти .....	50
5-боб	ҲАШАРОТЛАРНИНГ ЭКОЛОГИЯСИ .....	52
	Фенология .....	58
	Иккиламчи биоценознинг (агробиоценознинг) ташкилланиши ва зааркундаларнинг ёппасига урчиш сабаблари.....	59
<b>II қисм</b>	<b>ҚИШЛОҚ ХҮЖАЛИК ЭНТОМОЛОГИЯСИ.....</b>	<b>64</b>
1-боб.	ҲАММАХҮР ЗАРАРКУНАНДАЛАР.....	64
	Чигирткалар.....	65
	Чертмакчилар.....	80
	Қора күнгизлар.....	82
	Термитлар.....	84
2-боб.	ҒҮЗА ЗАРАРКУНАНДАЛАРИ.....	97
1.	Сўрувчи зааркундалар.....	97
2.	Ғўзанинг ер ости қисмини кемирувчи зааркундалар	
3.	Ғўзанинг ер юзидағи қисмларини кемирувчи зааркундалар.....	133
	Хосил нишоналарининг зааркундалалари.....	133
	Барг зааркундалалари.....	149
	Поя зааркундалалари.....	157
4.	Ғўза карантини ва ташқи карантин объектлари.....	159
3-боб.	ҒАЛЛА ЗАРАРКУНАНДАЛАРИ.....	168
1.	Бугдой ва зарарли организмлар.....	169
2.	Ғалла экинларининг асосий сўрувчи зарар-лари.....	171
3.	Ғалла экинларининг асосий кемирувчи зарар-лари.....	181
4.	Ғаллани зааркундалардан ҳимоя қилишининг республикамизга хос айрим хусусиятларини инобатга олган ҳолда, умумий кураш тизими.....	199
4-боб.	МАККА ВА ОҚ ЖЎХОРИ ЗАРАРКУНАНДАЛАРИ.....	202
1.	Зараркундаларнинг таърифи.....	202
2.	Макка, оқ жўхори ва макка супургуси зааркундаларига қарши умумий кураш тадбирлари.....	214
5-боб.	БЕДА ЗАРАРКУНАНДАЛАРИ (илдиз узунбурунлари, фитономус, уругхўр-брюхофагус, кандалалар).....	216
6-боб.	САБЗАВОТ, ПОЛИЗ ВА РЕЗА МЕВА ЭКИНЛАРИ ЗАРАРКУНАНДАЛАРИ.....	225
1.	Итузумгулдошлар зааркундалалари.....	226
2.	Бутгулдош экинлар зааркундалалари.....	248
3.	Полиз экинлари зааркундалалари.....	257

4.	<i>Күлүпнай зааркунандалари</i> .....	271
5.	<i>Пиёз ва саримсоқ пиёз зааркунандалари</i> .....	276
7-боб.	МЕВАЛИ ДАРАХТ ВА ТОКЗОР ЗААРКУНАНДАЛАРИ.....	282
1.	<i>Сүрүвчи зааркунандалар</i> .....	283
2.	<i>Кемириувчи зааркунандалар</i> .....	307
	Баргүровчи ( <i>Tortricidae</i> ) хашаротлар.....	307
3.	<i>Ток зааркунандалари</i> .....	330
8-боб.	ТҮТ ДАРАХТИ ЗААРКУНАНДАЛАРИ.....	342
1.	<i>Ниҳол зааркунандалари</i> .....	343
2.	<i>Күп шиллик түт дараҳтларига шикаст етказувчи зааркунандалар</i> .....	345
9-боб.	ТЕРАК ВА ТОЛ ЗААРКУНАНДАЛАРИ.....	358
10-боб.	НАЫМАТАК ҲАМДА АТИРГУЛ ЗААРКУНАНДАЛАРИ.....	364
<b>ІІІ қисм</b>	<b>ҮСИМЛИКЛАРНИ ЗААРКУНАНДАЛАРДАН ХИМОЯ ҚИЛИШ ТАДБИР ВА УСУЛЛАРИ</b> .....	368
1-боб.	ҮСИМЛИКЛАР КАРАНТИНИ.....	368
1.	<i>Карантин турлари ва бу соҳада ҳалқаро битимлар</i> .....	371
2-боб.	ТАШКИЛИЙ-ХҮЖАЛИК ТАДБИРЛАРИ.....	374
3-боб.	АГРОТЕХНИКА ТАДБИРЛАРИ.....	375
4-боб.	ОЛДИНИ ОЛИШ ТАДБИРЛАРИ.....	378
5-боб.	БИОЛОГИК УСУЛ ВА УНИНГ МОҲИЯТИ  Ҳаммахўр ва ихтисослашган йиртқич ва текинхўрлик қиласидаган қушандалар.....	381
	Кокцинеллийлар.....	382
	Йиртқич қандалалар.....	383
	Канаҳўр трипс.....	387
	Йиртқич ва паразит пашшалар.....	388
	Афидийлар.....	389
	Йиртқич каналар.....	393
	Хаммахўр ва ихтисослашган йиртқич ва текинхўрлик қиласидаган қушандалар.....	396
	<b>ТРИХОГРАММА:</b> турлари, морфологик ва биологик хусусиятлари.....	398
	Биолабораторияларда трихограммани оммавий кўпайтириш технологияси.....	403
	Трихограммани сифат кўрсаткичларини аниқлаш.....	412
	<b>БРАКОН</b> .....	416
	Браконни биолабораторияларда кўпайтириш технологияси.....	418

Браконнинг сифат кўрсаткичларини аниқлаш.....	424
Браконни тунламларга қарши далага тарқатиш ва самарадорлигинаи аниқлаш.....	427
<b>ОЛТИНКЎЗ.....</b>	430
Олтингўзни кўпайтириш технологиялари.....	435
Олтингўзни ярим автоматлаштирилган линияда кўпайтириш усули.....	440
Олтингўзни тўзи ва бошқа экинларни ҳимоялаш учун амалий ишлатиши.....	442
Оддий олтингўзниң сифат кўрсаткичларини аниқлаш.....	442
Биолабораторияларда маҳсулот ишлаб чиқиш ва уларни далаларга тарқатиш календар режаси.....	447
<b>6-боб. ТУРЛИ ҲИЛ ҲАШАРОТ ТУТҚИЧЛАРИ ҲАҚИДА ИЗОХ.....</b>	452
Феромон тутқичлар.....	457
“Баклашка” тутқичлар ҳақида.....	462
Электр фотоспектрли тутқич.....	463
Пестицидларнинг фойдали ҳашаротларга ўткир ва колдиқли (асаротли) таъсири .....	465
7-боб. КИМЁВИЙ УСУЛ.....	468
8-боб. МЕХАНИК УСУЛ .....	483
9-боб. ФИЗИКАВИЙ УСУЛ .....	483
10-боб. ГЕНЕТИК ВА БОШҚА ЯНГИ УСУЛЛАР.....	484
<b>IV қисм ҚИШЛОҚ ҲЎЖАЛИГИДА ИШЛАТИЛАДИГАН КИМЁВИЙ ВА МИКРОБИОЛОГИК ВОСИТАЛАРНИНГ ТАЪРИФИ.....</b>	487
1-боб. ФОСФОРОРГАНИК БИРИКМАЛАР (ФОБ) .....	487
2-боб. СИНТЕТИК ПИРЕТРОИДЛАР.....	494
3-боб. АРАЛАШТИРИЛГАН ИНСЕКТИЦИД-АКАРИЦИДЛАР.	503
4-боб. ИХТИСОСЛАШГАН АКАРИЦИДЛАР.....	505
5-боб. ГОРМОНАЛ ИНСЕКТИЦИДЛАР.....	516
6-боб. НЕОНİKOTINOИДЛАР СИНФИ.....	521
7-боб. ФЕНИЛПИРАЗОЛЛАР СИНФИ.....	524
8-боб. ОКСАДИАЗИНЛАР СИНФИ.....	526
9-боб. БОШҚА ИНСЕКТИЦИДЛАР.....	526
10-боб. МИКРОБИОЛОГИК ИНСЕКТИЦИДЛАР.....	527
<b>V қисм АМАЛИЙ АГРОТОКСИКОЛОГИЯ ҚОИДАЛАРИ...</b>	530
1-боб. <i>Инсектицид ва акарицидларин аралаштириб ишлатиши.....</i>	

<i>тиши имкониятлари.....</i>	530
2-боб. <i>Ғұзаны сүрүвчи зааркунандалардан ҳимоя қилишида унга суспензия ёки суспензияга пестицид аралаштыриб сепишининг имкониятлари.....</i>	532
3-боб. <i>Олтингугуртли дорилар билан бөглиқ бұлған ОВХ-28 түркагичини ишилатиш самараадорлиги.....</i>	538
4-боб. <i>Инсектицид ва акарицидларнинг қолдик заҳарлилиги...</i>	541
5-боб. <i>Үсімліктарни зааркунандалардан ҳимоя қилиши ишиларини ташиллаш .....</i>	542
<b>ИЛОВАЛАР .....</b>	545
<b>ФОЙДАЛАНИЛГАН АДАБИЁТЛАР .....</b>	556

Муаллиф:       ХҮЖАЕВ Шомил Турсунович

### **ЭНТОМОЛОГИЯ, ҚИШЛОҚ ХҮЖАЛИК ЭКИНЛАРИНИ ҲИМОЯ ҚИЛИШ ВА АГРОТОКСИКОЛОГИЯ АСОСЛАРИ**

Мухаррир:  
Корректор:  
Техник мухаррир:

Муқаванинг биринчи бетида *тенгсиз* ипакчи номли

ҳашаротнинг курти акс эттирилган.



Муаллиф – **Шомил Турсун ўғли Хўжаев** 1942 йилнинг 3 апрелида ўқитувчи оиласида туғилган. 1960-1965 йиллари Тошкент қишлоқ хўжалик институтини (ўсимликларни ҳимоя қилиш факультети) имтиёзли тугатган. Унинг юкори малакали мутахассис бўлиб етишишида кўпгина устоз-мураббийлар ҳисса қўшганлар: В.В. Яхонтов, Н.Г. Носков, Е.М. Соболева, С.Н. Алимухамедов, Н.Г. Запрометов, М.А. Каримов, М. Боходиров, А. Белов ва бошқалар. У 1966 йилдан бошлаб Ўрта Осиё ўсимликларни ҳимоя қилиш илмийтадқиот институтига ишга жойлашиб, кўпгина олимларга хос

йўлни босиб ўтди. Бу даврда унга З.К. Одилов, Т.К. Ҳамдам-Зода, Ф.А. Степанов, К.И. Ларченко ва бошқалар мураббийлик қилдилар.

Ш.Т. Хўжаев ўз фаолиятида агротоксикологияни танлаган. Бутун босиб ўтган 47 йилдан ошиқ ижод даврида у асосан ғўзанинг зааркунандаларини ўрганиш асосида уларга қарши уйғунлашган ҳимоя қилиш тизимини яратиб, такомиллаштириш устида ишламоқда. Шу билан бирга, йўлдош экин ва дарахтларда (сабзавот, боб, терак, тут) ҳам пайдо бўлган муаммоларни ечишга киришиб, шогирдлари билан биргаликда ижобий натижаларга эришмоқда. 1973 йили номзодлик, 1991 йили эса Ленинградда (ВИЗР) қ.х.ф. доктори илмий даражасини олиш учун диссертацияларни муваффақиятли ҳимоя қилган (Мавзу: “Ўзбекистон пахтачилигида ўсимликларни ҳимоя қилиш тизимининг самарадорлигини ошириб, инсектоакарицидларни ишлатиш ҳажмини озайтириш йўллари”). 1993 йили Ўзбекистон ОАҚ унга профессорлик унвонини берган. Шомил Турсунович юқори малакали ёш мутахассисларни тайёрлаш йўлида тинмай хизмат қилмоқда. Унинг раҳбарлигида 36 та фан номзоди ҳамда 5 та докторлик диссертациялари ёқланди. У кўплаб илмий, илмий-оммабоп мақолалар (350), ҳамда китоблар (11) ва амалий тавсиялар (65) муаллифи. Кўлингиздаги ушбу дарслик ҳам муаллифнинг 47-йиллик илмий изланишлар маҳсули бўлиб, Сиз ҳурматли ўқувчининг илмий ва амалий фаолиятингизда яқиндан ёрдам бериб манзур бўлади деган умиддамиз.

Босишга рухсат берилди \_\_\_\_\_. Бичими \_\_\_\_\_. Шартли  
босма табоғи \_\_\_\_\_. Нашриёт босма тобоғи \_\_\_\_\_. Адади  
\_\_\_\_\_ нусха. Баҳоси келишилган нарҳда.

---

---

Ўзбекистон Республикаси Давлат матбуот қўмитасининг 21-0941 сонли гувоҳномаси асосида \_\_\_\_\_.